


*Exempli Insulae Wygiersis P. Amalg.*







LINDA  
M A R I A N A,

*Sive*

D E B. V I R G I N E  
Lindenſi.

L I B R I V.

*Authore*

P. THOMA CLAGIO Allenſteinenſi Prutono,  
Soc. Jeſu Preſbytero.

---

E C C L E S I A G R Æ C A.

*Verbis ſancti Sabbæ in Menais. 2. Ianuar. Ode IX. de Ba-  
ptiſmo Chriſti: ἐν τοῖς ἀποδείπνοις. Strophâ 1.*

Εμεγάλυνας Χρὶς ἐ τιμὴν τεκεῖσθαι σε θεοτόκον, ἀφ' ἧς  
ὁ πλάσις ἡμῶν, ὁμοιόπαθες περιέθε' σῶμα, τὸ τῶν ἡ-  
μετέρων λυτήριον ἀμπλακημάτων. πάντῃ μακαρίζοντες  
πᾶσαι γενεαί, σε μεγαλύνομεν. Magnificē, ô Chriſte,  
Deiparam, quæ Te genuit, exaltâſti. Ex hac condi-  
tor noſter, corpus iisdem nobiſcum doloribus ob-  
noxium, in quo peccata noſtra redimeres,  
indutuses. Hanc dum omnes genera-  
tiones beatam dicimus, Te  
magnificamus.

---

C O L O N I A E V B I O R V M,

Apud IOANNEM ANTONIUM KINCHIUM.

ANNO M DCLIX.



F. III. 6.



*Serenissimo Principi,*

**IOANNI CASIMIRO,**  
REGI POLONIÆ, MAGNO DVCI  
Lituanix: Russiæ, Prussix, Masovix, Samogi-  
tix, Livonix, Czernichovix, &c. &c.

**DVCI,**

*Nec non*

**GOTHORVM, VANDALORVM,**  
*&c. &c.* HEREDITARIO REGI,

*Suo, & Collegii Resselienf. Soc. Iesu nomi-  
ne, Author.*

**M** Vum est, proinde uni Tibi, M A-  
GNE REX, ex asse reddendum,  
quidquid hoc opere, quã submis-  
sissimè exhibetur Majestati Tuæ.  
Si quis cultum M A R I A N U M spectet, Tuus  
is est; quem ab ipso vitæ exordio, quasi cum  
lacte hausisti; & maximis tota vitâ, augmen-  
( 2 ) tis,



# DEDICATIO.

tis, nuperrime verò, etiam publico voto,  
 MAGNAE DEI MATRI nuncupato, sanxi-  
 sti. Quo quidem voto, Regni quoque uni-  
 versi nomine, Kal. April. Anni MDC LVI.  
 ad principem Basilicæ Aram Leopoli edito,  
 eadem DEI MATER, REGINA POLONIAE  
 abs Te constituta, dicati delatiquè sibi Regni  
 habenas ita amplexa est, ut eodem fere  
 momento, tot, & tantos Tui, quin & Chri-  
 stianæ Rei universæ hostes, ad ruinam impu-  
 lerit; Te verò, unà cum Tuis, ad Triumphos  
 provexerit propemodum inauditos. Vox or-  
 bis est, ab eo momento, non armis, sed mira-  
 culis abs Te, Tuisque in hostes pugnatum.  
 Quanquam & antè, etiam illa miraculo pro-  
 piora videri poterant, cùm Tu, Regum for-  
 tissime, adversa omnia, decumanis planè flu-  
 ctibus, in Te, Regnumque Tuum ingruen-  
 tia, adverso æquè atque infracto pectore sem-  
 per excepisti. Iam, si quis in eundem, apud  
 Lindam MARIANAM, DIVAE VIRGINIS  
 cultum oculos flectat, etiam ille Tuus est:  
 quia SIGISMUNDI III. & CONSTANTIAE,  
 serenissimorum Regum & Parentum tuo-  
 rum, curâ & labore potissimum reconstitutus;  
 Tuo insuper exemplo maximopere auctus &  
 amplificatus est, quando nuper extra regnum  
 Tuum

# DEDICATIO.

Tuum positus , Voto DIVAE LIN-  
DENSI Te devinxisti , & , simulac fines  
Regni postliminio ingressus es , nihil habu-  
isti antiquius , quàm ut apud Lindam eo voto  
coràm defungerêre. Quod quidem Anno se-  
culi hujus , supratricessim octavo , me et-  
iam spectante , ritè piissimèque à Majestate  
Tua perfectum est. Tuus insuper est idem  
cultus , quia præsidium ac patrocinium Lin-  
dæ MARIANAE , ad Majestatem Tuam  
unicè spectat. Sic enim , qui Lindam nuper re-  
staurârunt , extremis tabulis cautum volue-  
runt : sic & serenissimus Parens Tuus SIGIS-  
MUNDUS cavet ; qui suo , quin & Tuo , quia o-  
mnium Poloniæ Regum nomine , *Ius* , ut vo-  
cant , *Patronatus* ad Lindam suscepit. Ad ex-  
tremum , si ipsum scribendæ istius historiæ la-  
borem , qualiscunque tandem ille sit , respice-  
re Majestas Tua non dedignetur , etiam  
hic Tuus erit. Qui primus , sub annum Dom.  
MDCXXVI. historiam Lindensem paucis  
complexus est , non alii , quàm serenissimo pa-  
renti Tuo dedicandum censuit : & ego , præter  
tanti Regis Filium , Poloniæ itidem Regem ,  
paternarumque virtutum omnium heredem  
alium quæsierim patronum ? Quid , quòd hic  
ipse labor , alio quoque , & quidem potiore lure  
Tuus



# DEDICATIO

Tuus est? quippe in collegio Tuo Resselien-  
 si inchoatus, maioremque partem absolutus  
 est, Tuo, inquam, Ressel. collegio, quoniam  
 id, & serenissimorum parentum Tuorum au-  
 spiciis coeptum; & serenissimi Card. Ioannis  
 Alberti, Fratris Tui liberalitate, non leviter  
 provectum; & tuâ demum munificentia per-  
 fectum est: ut non alio quàm te, fundatore  
 gloriatur; atque inde quoque, Majestatis tu-  
 æ nomine commissam sibi LINDÆ MA-  
 RIANÆ provinciam administrat. Quod, ut  
 ex omnium mortalium usu & commodo sem-  
 per faciat, duo, præ cæteris, suo ejusdemque  
 collegii nomine, Majestati tuæ precatur  
 Author: alterum quidem, ut novo voto,  
 quod ante præsens bellum, DIVÆ LINDEN-  
 SI Majestas tua iteratò nuncupavit, quàm  
 citissimè felicissimèque coràm defungatur;  
 alterum verò, ut ejusdem DIVÆ præidiis,  
 non collegio duntaxat & regno tuo, verùm  
 & Ecclesiæ DEI, & universæ rei Christianæ,  
 sospes & incolumis quàm diutissimè conser-  
 vetur.

*Colonia Agrippina, Idib.*

*Novemb. M DC LVIII.*

INDEX

## INDEX LIBRI I.

*De prima Lindæ Mariana & Religionis Christianæ per  
eam in Prussia efflorescentis origine; Rebusq; ad An-  
num Domini, circiter M D XX. gestis.*

- |  |   |
|--|---|
| <p><b>C</b>ap. I. Argumentum, Ratio, &amp; partitio scriptionis.</p> <p><b>II.</b> Obscuriora Lindæ Mariana primordia, perenni omnium populorum Religione &amp; cultu, redduntur augustiora.</p> <p><b>III.</b> Augusta Lindæ Mariana primordia, progressus &amp; decora, ab adverso Satanæ ejusque Satellitum odio &amp; invidia, techais item atque molitionibus æstimanda sunt.</p> <p><b>IV.</b> Lindæ Mariana ipse situs, ac loci conditio amānitatem juxta ac religionem spirat.</p> <p><b>V.</b> Lindæ Mariana situs, etiam ad Geometrarum, Geographorumq; rationes exactus, ad pietatem, religionemq; excitandam multum facit.</p> <p><b>VI.</b> Primordia, &amp; prima facelli Lindenſis origo, ex unico, quod è veteribus superest, monumēto, seu privilegio, ab ordine Theutonico, possessoribus fundi Lindenſis dato, investigantur.</p> <p><b>VII.</b> Sub primum Christianæ in Prussia Religionis exordium, cultum quoque &amp; venerationem Deiparæ, apud Lindam Marianam videri exortam.</p> <p><b>VIII.</b> Lindæ Mariana devictæ in Prussia Idololatriæ, quoddam quasi Tropæum divinitus constitutum.</p> <p><b>IX.</b> Ad divinæ providentiæ rationes quodammodo pertinebat, de prostrata veterum Prutenorum Idololatriâ, quasi Tropæum super Tiliam Marianam statui.</p> <p><b>X.</b> Ad easdem providentiæ divinæ rationes videtur pertinuisse, ut Ecclesia Christi in Prussia recens plantata, per Deiparam, &amp; sacram ipsi Lindam foveretur.</p> <p><b>XI.</b> Deipara Virgo, eodem ferè tempore Catholicam religionem, ex Oriente, tum in alias Occidentis provincias, tum in Prussiam quoque translata, per suam Lindam Marianam, aliaque sibi sacra loca fovet, ac singulariter provehit.</p> <p><b>XII.</b> Deipara Virgo, pro ea, quæ apud Deum &amp; potestate &amp; dignitate excellit, Lindam in Prussia gratiis ac beneficiis ab se distribuendis, opportunam delegit sedem.</p> <p><b>XIII.</b> Tilix, apud Lindam Marianam, perennis vigor ac viriditas.</p> <p><b>XIV.</b> Prima Tilix &amp; loci Lindenſis ipsiusque Deiparæ apud Lindam Marianam, religio, cultus, &amp; veneratio singularis, ab ejusdem Deiparæ super Lindam inventa imagine.</p> <p><b>XV.</b> Quæ, &amp; qualis illa imago? &amp; unde Lindam credatur delata?</p> <p><b>XVI.</b> Cæcus recepto visu, primum imaginis Deiparæ Lindenſis beneficium expertus.</p> | <p>pag. 1.</p> <p>4</p> <p>8</p> <p>16</p> <p>22</p> <p>27</p> <p>34</p> <p>39</p> <p>47</p> <p>51</p> <p>56</p> <p>62</p> <p>69</p> <p>76</p> <p>81</p> <p>87.</p> |
|--|---|



## INDEX

- XVII.** Etjam brutæ animantes imaginem Deiparæ virginis Linden-  
sis venerantur. 91
- XVIII.** Deiparæ imago, iterum atque iterum deportata Rastembur-  
gum, semper ad fundum Lindensem, & suam in Tilia sedem re-  
migrat. 94
- XIX.** Deiparæ imagini Lindam iteratò repetenti, sacellum de piorum  
munificentia structum, & Tilia, tum ramis & frondibus, tum Um-  
brâ etjam mystica admirabilis, sacelli muris inclusa. 100
- XX.** Piorum variis donis & anathematis Lindæ Marianæ religio, jam  
olim, & nunc illustrata. 106
- XXI.** Deipara Lindenensis populorum, etjam longissimè dissitorum, pe-  
grinationibus semper culta. 111
- XXII.** Deipara Lindenensis, publicis variarum in Prussia civitatum, vi-  
cinatorumque Prussiæ populorum supplicationibus ac processioni-  
bus, semper culta. 118
- XXIII.** Recensentur sigillatim villæ, civitates, & populi, qui statas  
quotannis processiones ad B. virg. Lindensem obire solent. 123
- XXIV.** Ritus varii ac supplicandi rationes, quibus Deipara Linden-  
sis olim culta, & nunc, ad Ecclesiæ veteris morem, colitur. 131
- XXV.** Gratia sanitatum, aliaque beneficia, quæ supplices apud B.  
virg. Lindensem, in corpore rebusque exteris cumulatè solent  
referre. 139
- XXVI.** Beneficia & gratia animum concernentes, quæ apud Lindam  
Marianam divinitus tribui solent. 144

## LIBER II.

*De Linda Mariana Excidio, & rebus ad Annum Domini  
circiter MDCXVII. gestis.*

- C**Ap. I. Sacellum & Linda Mariana, ante sui Excidium mirâ An-  
gelorum processione illustrata. 156
- II.** Linda Marianæ excidium ab hæresi, & Theutonici ordinis  
plerisque militibus (quorum fortitudine & virtute Prussia Christo  
adjuncta fuit) factè in hæresin lapsis. 161
- III.** Linda Marianæ excidium, uti & alia Catholica in Prussia Ecclesiæ  
detrimenta, singularibus prænuntiata aut de clarata portentis. 164
- IV.** Etjam inter plurimas Aedes sacras, sacellum eum Tilia Mariana a  
Hæreticis excisum. 174
- V. Sacell<sup>1</sup>

## LIBRORVM ET CAPITVVM.

- V. Sacelli Deiparæ Lindenſis excidium, non ſine ingenti piorum ſtupore ac dolore perpetratum, adjunctarum ſacello ædium ruinam ſecum traxit. 179
- VI. Cum ſacello, etiam Tilia Mariana exciſa, non tam religioni ipſius loci, quàm Catholicæ in Pruſſia Eccleſiæ imminentem portendere viſa calamitatem. 183
- VII. Novorum in Pruſſia Iconoclaſtarum furor in ſacras imagines; & quid ab iſdem B. virg. Lindenſis imago experta. 188
- VIII. De Excidii Lindenſis, & tot, tantorumque ſacrilegiorum auctore, qui etiam hominem exuiſſe, inquitur. 197
- IX. Exciſa Lindæ Mariana, nequaquam exciſa, quin potius aucta & confirmata loci religio. 202
- X. Exciſa Lindæ Mariana in loco, ut hæretici religionem quoque excinderent, furcâ & patibulo in Deiparæ cultores ibidem deſciverunt. 206
- XI. Patibulum Lindæ erectum, & homines in eodem ſuſpenſi, perpetuum crudelitatis, & graſſantis ubique Prædicantium immanitatis monumentum. 211
- XII. Exciſa Lindæ, & patibuli in ejus loco erecti author, miro & repentino ſupplicio divinitus caſtigatus. 216
- XIII. Prædicantes, & quidam alii de vicino Ducatu inſolentiores, cultum divinum in deſerto Lindæ loco impedire nequidquam conati. 219
- XIV. Non ſolùm Catholici, verùm & ipſi, præſertim in vicino Ducatu, ab Eccleſia Catholica ſejuncti, deſertum Lindæ locum frequentant: & ipſâ adverſariorum oppugnatione, magis erga loci venerationem cultumque Deiparæ incitantur. 223
- XV. Deſerti Lindæ loci religio & ſanctitas, gemino apud homines Catholicos prodigio egregiè aſſerta. 227
- XVI. Primum ſupplicii genus in eos, qui deſertum Lindæ locum contemnere, vel temerare auſi, divinitus designatum, Terrores & Minæ. 232
- XVII. Alterum ſupplicii genus in eosdem, Cæcitas. 236
- XVIII. Tertium ſupplicii genus, artuum viſcerumque cruciatus, vel ipſa etiam mors. 239

## LIBER III.

*De Lindæ Mariana vindicijs, inſtaurato ſacello, & rebus ad annum MDCXXX. geſtis.*

**C**ap. I. E ſqualore & vaſtitate Lindæ Mariana Catholicorum & omnium piorum ſqualor; recuperandæque ac reſtaurandæ Lindæ deſiderium. 243.

)( 5

II. Sz.



## LIBRORVM ET CAPITVM.

- II.** Simonis Rudnicii Episcopi Varm. pro resarcienda per Ducatum & universam Prussiam fide Catholica, egregii conatus; proque instauranda Linda primus labor atque industria. 246
- III.** Alter Rudnicii pro vindiciis & restauratione Lindæ Mariana labor, per Sadorscium, contra Ottonem à Grœben vehementer obnitentem, strenuè admotus. 254
- IV.** Tertius Rudnicii pro Linda Mariana conatus, per singularem, cum serenissimo Electore ac Prussiar Duce, amicitiam atque familiaritatem. 261
- V.** Primus à Regia, pro vindiciis & instaurazione Lindæ Mariana, conatus prorsum irritus. 265
- VI.** Secundo à Regia conatu admoto, Area pro erigendo Lindæ Mariana sacello obtinetur. 267
- VII.** Tertio à Regia conatu, fundus juxta sacellum Deiparæ situs acquiritur. 273
- VIII.** Quarto à Regia conatu admoto, Caupona sacello Lindensi adjacent comparata. 275
- IX.** Arcæ, pro futura sacelli fabrica, magno operarum labore purgata, ipsoque Præsentationis B. virg. die apertâ, numismata, & Altare in eadem reperta. 280
- X.** Sacellum intra anni spatium reedificatum, atque eximio splendori restitutum. 285
- XI.** Sacellum Lindense à Rudnicio Episcopo consecratur, & B. virg. M. summâ animi exultatione dedicatur. 291
- XII.** Rudnicii succedentiumque deinceps Episcoporum Varmiensium, in B. virg. Lindens. religio, pietas ac munificentia. 293
- XIII.** Sigismundus tert. & alii serenissimi Polonia reges, patrocinium Lindæ Mariana, & jus Patronatus ejusdem sacelli in se recipiunt. 300
- XIV.** Cum restaurata Linda Mariana, restaurata, imò magis, etiam aucta in Deiparam religio; non sine hæreticorum contabescitum invidia, hæresionque ad ruinam inclinatione. 305
- XV.** Beneficia divina, quæ apud Lindam Marianam cumulatissimè conferuntur, quanti æstimanda. 309
- XVI.** Cæcitas, & alia oculorum vitia, Deiparæ Lindensis ope depulsa. 311
- XVII.** Beneficium idem, etjam à Catholica Ecclesia alienis, per B. virg. Lindensem præstitum. 314
- XVIII.** Claudii beneficio B. virg. Lindensis curati. 318
- XIX.** Beneficium idem A catholicis à B. virg. exhibitum. 322
- XX.** Epilepsia ope Deiparæ Lindens. curata. 324
- XXI.** A pestilentia luc, vel maleficiis ope B. virg. Lindensis servati vel erepti. 330

## LIBRORVM ET CAPITVM.

- XXII. A manifesto mortis periculo, vel gravioribus morbis, ope Deiparæ Lin. ensis eruti. 335  
 XXIII. Supplicia divinitus accelerata iis, qui Deiparam, in restauratâ Lindæ loco, contumeliâ vel injuriâ affecerunt. 341

## LIBER IV.

*De Linda Mariana cura Societatis IESV commissæ, & rebus à MDCXXX. anno gestis.*

- C** Ap. I. Primi, qui de societate IESV ad Lindæ Marianæ curam admoti sunt, fuerunt è Collegio Brunsbergenfi exules. 347  
 II. Societati, per Sigismundum tertium Regem evocatæ Resse-  
 lium Sadorfcus Lindenfe facellum, & domum sacello adjacentem attribuit. 351  
 III. Donationem sacelli & domus Lindenfi. Societati à Sadorfcio factam, serenissimus Poloniae & Sueciæ Princeps, Episcopus Varm. & illustriss. Nuntius Apostol. confirmant. 356  
 IV. Ven. Capitulum Varmien. prævio sedis Apostolicæ consensu, pro suo quoque jure, fundum sacello Lindenfi adjacentem societati attribuit. 360  
 V. Sacellum B. virg. Lindenfi, sacris BB. Martyrum Symphoriani & liberatæ Lipsanis, uti & Christi Crucifixi effigie, miraculi gloriâ illustri auctum. 365  
 VI. Linda Mariana, majore, quàm enarrari queant, beneficiorum divi-  
 norum ubertate efflorescit: quorum consignandorum causâ ab illustrissimo Episcopo Varmien. cura atque industria singularis adhibita. 371  
 VII. E votivis tabellis aliisque id genus anathematis multitudo, magnitudo, & varietas beneficiorum divinatorum, per B. virg. Lind. hominibus præstitorum, æstimatur. 375  
 VIII. Beneficia divina, quæ ad animorum cultum atque salutem Deiparæ Linden. ope conferuntur, paucis libata. 380  
 IX. Inter beneficia ab Anno 1630. divinitus apud Lindam Marianam exhibita, non postremum locum sibi vendicant, illustrati mortalium oculi, & cæcitas depulsa. 384  
 X. Deiparæ Linden. beneficia etjam ad Hæreticos, & ab Ecclesia Catholica alienos, præsertim in vicino Prussiæ Ducatu sitos derivata: atque in iis quoque cæcitas & alii oculorum curati morbi. 403  
 XI. Aurium morbi, ope Deiparæ Linden. profligati. 406  
 XII. Dentium & gutturis cruciatibus liberati. 410

XIII. Eadem



# INDEX

<b>XIII.</b> Eadem quoque beneficia Acatholicis præstita.	413
<b>XIV.</b> Cephalæâ, plicâ, aliisque capitis morbis exempti.	416
<b>XV.</b> Etjam à fide Catholica alienis eadem beneficia per B. virg. Lindensem præstita.	425
<b>XVI.</b> Amentes ope Deiparæ Lindenſis curati.	427
<b>XVII.</b> Energumeni, vel à Dæmoniis vexati curati.	432
<b>XVIII.</b> Fascino vel maleficiis perſtricti, B. virg. ope reſtituti.	438
<b>XIX.</b> Nervici & contracti per B. virg. Lindenſ. ſanati.	446
<b>XX.</b> Articulares morbi & paralyſes, Deiparæ Lindenſ. ope, ab humanis corporibus extorres.	458
<b>XXI.</b> Epilepſia, ſeu morbi comitiales, Deiparæ Lindenſis curatione ſublati.	466
<b>XXII.</b> Etjam ab Eccleſia Catholica alieni, ope Divæ Lindenſ. à comitiali morbo curati.	473
<b>XXIII.</b> Claudii, aliisque pedum vitiis laborantes adjuti.	478
<b>XXIV.</b> Claudis, etiam à Catholica Eccleſia alienis, ſanitas per B. virg. Lindenſem collata.	491
<b>XXV.</b> Podagrici ope Deiparæ Lindenſis adjuti.	494
<b>XXVI.</b> Mancii, & brachiorum manuumve morbis affecti, ope B. virg. Lindenſis conſecuti.	501
<b>XXVII.</b> Ulcera, vulnera, Herniæ, & apoſtemata curata.	509
<b>XXVIII.</b> Hydrops, aut pravus membrorum tumor, curatus.	514
<b>XXIX.</b> Febres variæ per B. virg. Lindenſ. depulſæ.	523
<b>XXX.</b> Lipothymia, curæ, angores, & animi cruciatus, per B. virg. Lindenſem abſterſi.	529
<b>XXXI.</b> Ab Elementorum, præſertim Aquæ tempeſtatibus erepti.	536
<b>XXXII.</b> Ab igne & incendiis per B. virg. Lindenſ. ſervati.	541
<b>XXXIII.</b> Ab Aëris inclementia, & peſtilentiæ contagione, Divæ Lindenſis præſidio deſenſi.	547
<b>XXXIV.</b> Etjam pecora à lue aliisque periculis ſervata.	555
<b>XXXV.</b> Steriles & parturientes à B. virg. adjunctæ.	563
<b>XXXVI.</b> A variis & ignotis morbis vel calamitatibus Deiparæ Lindenſis auxilio liberati.	570
<b>XXXVII.</b> A morte, vel præſente mortis periculo erepti.	584
<b>XXXVIII.</b> Animæ Purgatorii per B. virg. Lindenſ. adjunctæ,	596
<b>XXXIX.</b> Quidam, ob neglectam Lindæ vel Eccleſiæ religionem, divinus puniti.	601

# LIBRORVM ET CAPITVM.

## LIBER V.

*De beneficijs divinis apud Lindam Marianam Anno  
MDC LV. vel exhibitis, vel cognitis, & in  
commentarium relatis.*

<b>C</b> ap. I. Ratio & Oeconomia hujus libri.	606
II. Anni 1655. Mensis Martius.	611
III. Priores aliquot Mensis Aprilis dies.	622
IV. Posteriores Mensis Aprilis dies.	631
V. Mensis Maji primi dies.	641
VI. Unica iduum Majorum dies.	649
VII. Quinque dies idus Majas proximè consequentes.	660
VIII. Alii quinque dies Mensis Maji.	670
IX. Postremi ejusdem Mensis Maji dies.	682
X. Ipsæ Calendæ & Nonæ Mensis Junii.	694
XI. Priores iduum Junii dies.	744
XII. Posteriores iduum Junii dies.	713
XIII. Ipsæ Junii idus.	720
XIV. Priores aliquot Calendarum Quintilium dies.	727
XV. Quatuor ante Calendarum Julias intermedii dies.	737
XVI. Postremi Mensis Junii dies.	751
XVII. Ipsæ Calendæ Quintiles, seu visitationis B. virg. pervigili- um.	764
XVIII. Sex Nonarum Quintilium dies, & ipsum visitationis B. virg. festum.	779
XIX. Octo iduum Juliarum dies.	790
XX. Reliqui dies Mensis Julii.	800
XXI. Calendæ, & Nonæ Mensis Augusti.	808
XXII. Iduum Sextilium dies.	814
XXIII. Reliqui dies Augusti.	826

*Facult et*



*Facultas R. P. Provincialis ad Rhenum inferio-  
rem Soc. Iesu.*

**E**Go infra scriptus Societatis Iesu, per  
Provinciam Rheni inferiorem Præ-  
positus Provincialis potestate mihi  
facta ab Admodum R.<sup>do</sup> P. N. Gos-  
vvino Nickel Societatis Iesu Præposito Gene-  
rali, librum cui Titulus **L I N D A M A -  
R I A N A**, conscriptum à P. Thoma  
Clagio, Soc. ejusdem Theologo Provinciæ  
Lithuanicæ, atque à deputatis ad id Patri-  
bus lectum, censum & approbatum, ut typis  
publicetur Colonia, Facultatem concedo.  
In cujus rei fidem sigillum officii mei hisce  
appressi, & nomen meum subscripsi Colonia  
Agrippinæ 28. Aprilis. Anno MDCLVIII.

**HIERONYMUS**  
*V Varmoldi.*

## LIBER I.

*De prima Linda Mariana, & Religionis Chri-  
stiane, per eam in Prussia efflorescentis,  
origine; Rebusq; ad Annum Do-  
mini circiter M. D. XX.  
gestis.*

## CAPUT I.

*Argumentum, Ratio, & Partitio descriptionis.*

**D**E REBUS DEIPARÆ VIRGINIS LIN-  
DENSIS, splendore, & magnitudine suâ  
eximiis, temporum tempestatumque mirâ  
varietate florentissimis; gentium, popu-  
lorumque cultu, religione, & famâ celeberrimis, o-  
mni denique DEI & cœli in eum locum, locique san-  
ctimoniâ fruenter, clementiâ, benignitate, propeque  
quotidianâ beneficentiâ, latissimis ac prorsum admi-  
randis, scripturo; omnino fuisset optandus, adeoque  
curandus, & calamus, & stylus elegantissimus. Sed à  
me, qui supra majorum imperia atque authorita-  
tem, singulari duntaxat in magnam DEI MATREM  
pietate, ad scribendum impellor, nemo calamus, aut  
cœlitus inauratum (qualis Divo Hildeberto divina  
commentanti, ut nonnisi aureos exararet caracte-  
res, obvenerat) aut argenteum (qualem Justus Li-  
pius, ad Divæ Hallensis Aram, grati, devoti que sem-  
per animi ergo, consecravir) meritò requirat. Satis  
ego me partibus defunctum meis arbitror, si &  
piorum



piorum votis ut eunque respondero, & cum obscurissimis rerum primordiis, tum maximis deinceps incrementis, vel tantillum addidero lucis. Quantum enim vota piorum omnium attrinet, eò jam usque processerant, ut non tam precibus, quàm quotidianis propè convitiis Historia Deiparæ Lindenensis passim efflagigaretur. Tametsi enim triginta circiter ab hinc annis, Michaël Ciaurius, quem ego multò antè, Archipresbyterum & Parochum Allensteni puer veneratus eram, non pauca singulari libello (qui Anno MDC. XXVI. Brunsbergæ prodiit) complexus erat; quia tamen & liber ille vix, ac ne vix quidem haberi jam potest, & si haberi aut etiam recudi potest, de rebus tamen, quæ consecutis deinceps annis evenerunt, referre nihil omnino posset; necessarium idcirco fuit, & ipsa rerum initia paulò remordiri altius; & tum vetera quædam accuratiùs explicare; tum, quæ deinceps acta sunt, non ampliùs silentio involvere. Jam verò, quantum ad ipsam rerum originem & primordia spectat, ingemiscendum profectò est; quod neque ad eruenda illa vetustatis rudera, neque ad res tot seculorum decursu postmodum gestas, quisquam mihi aut Aristophanis aut Cleanthis præferre lucernam possit: Quot sunt, quos ego quidem, cum alibi, tum in Prussia, sive per literas, sive coram appellavi, eruditione doctrinaque illustres viros! neque tamen ullus, ad istam antiquitatis caliginem, vel tantillum afferre lucis potuit? Quò magis, etiam illis, ex æquo & justo, oborietur in eos indignatio, qui, cum Linda Mariana, quemadmodum lib. 2. patebit, omnia pariter, antiquitatis historiarumque monumenta, sacrilege  
demo-

demoliti unâ sunt! Mihi verò verendum insuper erat,  
ne Andabatarum, ut ajunt, more, in præsentè stadio  
decurrerem. Quod ne fieret, quotquot de rebus  
Prussicis, de quæ B. V. historia, etjam aliunde; non sine  
cura & labore, consequi licuit libros, haud oscitanter  
excussi; omnem quæ movi lapidem, ut tum ea, quæ è  
tanta oblivionis aut vetustatis caligine produxero;  
tum quæ nostrâ, aut proximâ majorum ætati gesta  
memorabo, non meras omnino tenebras, sed ali-  
quam pio lectori lucem, DEO verò & Magnæ DEI  
Matri suam; quod unicè voveo, proferant laudem.  
Qua etjam de causa, opus hoc quinque in libros par-  
tior; ut præter miracula, & mira, quæ quotidie pro-  
pè effulgent, DEI in mortales beneficia, *Primus* ipsam  
Lindæ Marianæ originem & primordia, res quæ ad  
Annum M. D. XX. per aliquot secula, gestas, vestiget;  
*Alter* verò miserandam Lindæ, & sacelli Lindensis,  
per impiissimos mortales, excidium, atque ruinam  
juxta, ac mirandam populi Christiani, in loco lolis  
rueribus, hoc est, relictis Hæreticæ immanitatis ve-  
stigiis illustri, pietatem ac religionem prosequatur.  
*Tertius* continebit difficilem proctus, neque tamen  
infelicem, sacelli ejusdem, integro propè seculo de-  
ferri, instaurationem. Jam verò *Quartus*, exponet, quo  
pacto idem Deiparæ Virginis Lindensis Sacellum,  
unâ cum adjacentè fundo, ad Collegii Reshelien-  
siss Societatis Jesu curam possessionem quæ, jure devo-  
lutum, quotidianâ populorum undique confluen-  
tium, pietate & religione magis ac magis efflorescat.  
*Quintus* denique (qui mihi sub manibus natus est) ea  
beneficia, quæ hoc duntaxat quinquagesimo quinto



supra millesimum sexcentesium anno vel præstita,  
vel cognita consignataque sunt, complectetur. Da  
mihi, ô DRYA (lubet enim verbis præeuntem Lipsium  
(a) sequi) quam præsentem animo contemplor, quod pie  
sancteq<sub>3</sub> institi, ritè & feliciter exsequi; nomini & cultui  
tuo propagando; pietati & sanctorum monumenta augenda: quos duos  
profiteor huic scriptioni fines esse præfixos.

## CAPUT II.

*Obscuriora Linda Mariana primordia, perenni omnium populorum religione  
& cultu, redduntur augustiora.*

**V**ix est, aut unquam fuit populus, regnum, vel  
Resp. quantumvis magna, cujus origo & primor-  
dia, ob ipsam quoque antiquitatem non fuerint ob-  
scurlora. Et quid aliud censeas de urbibus, aut certis  
urbium, ne dicam oppidorum, privatarum vè ædium,  
aut ædicularum originibus? Quid Nilo Fluvio, sive  
amplitudinem, sive ejus ubertatem spectes illustrius?  
& quid fontibus ejus obscurius? Ad hanc diem Nili  
primus fons inquititur. Nili instar decurrunt augustæ  
rerum humanarum fortunæ atque vires; quò magis  
se ante oculos jactant, eò obscuriores habent ortus.  
Interim datur hac venia antiquitati (inquit sub exor-  
dium historię Livius) ut miscendo humana divinis, pri-  
mordia urbium augustiora faciat. Nobis tamen, neque  
licet, neque, si licuisset, ullo modo lubet, quidquam  
sive divini sive humani, quod à veritate vel mini-  
mum dissonet, hîc admiscere. Neque enim, ut cum Do-  
ctore Gentium (b) loquar, veritas DEI, in meo menda-  
cio, abundabit in gloriam ipsius. Proinde jam nunc, ad  
ipsam

(a) Hist. Hallen. cap. 2. (b) Rom. 3. 7.

ipsam bonæ Mentis aram, ingenuè profiteor, nihil me aut invidiæ odiové, aut gratiæ cujusquam datorum: & cum res poposcerit, *scapham, scapham*, ut est in proverbio, & *lignonem lignonem* appellaturum; atque ea omnia, quæ afferentur, non alia, sanè quàm quæ illis convenit, quamque ex sese merentur, hederâ ornaturum; adeoque cum nostri temporis Poëta Jacobo Balde, historiam scripturo, Aram VERITATI (a) positurum. Equidem haud incertus sum, illustria fuisse Lindæ Marianæ ejusdemque sacelli primordia; tamen si, quæ illa tandem, aut qualia fuerint, vix aliquid certi proferre habeam. Tantæ enim, uti proximè memorabitur, ad obscuranda, adeoque ex hominum memoria ipsa que rerum universitate, Lindæ Marianæ, divini que in ea cultus abolenda vestigia, fuerunt, & sunt Hæreticorum molitiones atque conatus; mirum ut sit, si vel tantillum, quantum quidem hoc libro referetur, apud plerosque vel memoriæ illius super sit, vel potius reminiscentiæ. Justè (b) de miraculosis B. V. Weyerensis beneficiis, expostulat Fridericus Fornerius Hebronensis Episcopus, & Suffraganeus Bambergensis, quod Lutheri asseda, Damoniaco infernali serpentis æstro perciti, summorum Pontificum, Cardinalium, Episcoporum & Fundatorum Diplomata, omniaque virginalium beneficiorum, in varios homines dispersitorum, testimonia, descriptiones, votiva Anathemata, publica que instrumenta, quinimo omnia editorum miraculorum vestigia, Vulcano tradiderint, flammisque exusta omnino aboleverint; & tamen ibi Templum ipsum Deiparæ incoluæ fuit servatum: at apud nos, ipsum

A 3

quo;

(a) Lib. 4. Lyric. ode 47. (b) Lib. 1. cap. 2.



quoque sacellum funditus ab iisdem excisum est. Cuius quidem, quàm fuerint primordia longè florentissima, vel illud argumento sit; quod ab ipso rei Christianæ in Prussia exortu, ita splendor Lindæ Marianæ omnium perstrinxerit oculos; ut neque per circumfulam gentilium superstitionum noctem, neque per obductas postmodum, tot, tantarumque hæreseon tenebras, extingui, ac ne obscurari quidem unquam potuerit. Quemadmodum enim per bina amplius secula, cum è barbara gentilium nocte Prussia emerfit, splendor ille omnium in se oculos vertit, & mirum in modum affecit universos: ita posteaquam densæ hæreseon tenebræ, majori Prussiæ parti deinceps offusæ sunt, idem ille splendor, plurimis, etiam inter sectarios positis, mortalibus, Cynosuræ instar affulsit. Nullum enim fere unquam fuit tempus, quo non perpetuæ hominum, quin sæpe etiam urbium & populorum, ad Deiparam Lindensem, supplicum in morem accedentium, peregrinationes frequentarentur. Ubi primum, per Ordinis Theutonici milites, singularesque eorum adversum barbaros victorias, Christianæ lumen fidei, oboriri Prussiæ cepit, jam tum *DIVA LINDENSIS*, velut *AURORA*, à Sole suo *CHRISTO*, qui Prussiæ recens erat ortus, luce præviâ circumfusa, plus quàm Cimmerias gentilium Prutenorum tenebras, unà cepit dispellere. Ubi postmodum, per fœdam Theutonicorum eorundem in Prussia apostasiam, omne genus Hæreticæ caliginis, inter alias Prussiæ Provincias, recens constituto sese infudit Ducatui; unica fere *LINDENSIS VIRGO*, in tanta Ducatus illius vastitate, veluti *LUNA*, nocturnas

nas inter tenebras, miseris mortalibus luxit. Non defunt, qui funestissimi illius temporis squalorem, ad Dominicæ tempora Passionis, putent referenda. Ut enim Domino, veluti vero *Iustitiæ* sole, inter cruciatuum illorum & mortis caliginem *obscurato*, omnium Domini discipulorum animis, fœda aut desperatio- nis, aut infidelitatis, aut saltem timoris ita offusa fuit nox, ut fere in sola Virgine DEI parente (quemad- modum plerique Doctorum tradidère) reliqua fue- rit, tum illibata fidei, tum inconcussa spei, tum inte- gerrimæ charitatis Lux & Dies : ita cum afflicto per sectas & sectarios Prussiæ Ducatui, miseranda nox & densissimæ incubuissent hæreseon tenebræ, unica, quamvis diruti Lindensis sacelli, vel potius DEIPA- RÆ, in eodem sacelli loco, per miracula, sanitatum- que beneficia radiantis, lux & splendor, quæ Catho- licorum, quæ etjam sectariorum oculos & animos, perpetuò ad se traxit. At ubi præcedente tempore, & Hæreseon tenebræ sensim depelli cæperunt, & sa- celli illius, post excidium, singulari DEI ope, postli- minio restituti, splendor, omnium etjam longissimè disjunctorum, oculis sese reddidit, jam VIRGO LIN- DENSIS, non secus atque *electa ut Sol*, vel, ut *Sole a- micta*, in universo resplendet, quæ latè pater, Orbe Christiano. Quæ omnia, cum suis uberius tractanda sint locis, hîc vel libasse suffecerit; ut vel exinde, quàm augusta fuerint LINDÆ MARIANÆ primordia, æsti- mari possit. Interim suum hîc locum & pondus ha- beat illud Innocentii Pont. qui illud Canticorum (a) *Quæ est ista, quæ progreditur quasi Aurora consurgens! pul- chra*



chra ut Luna, electa ut Sol, sermone 2. de Assumptione  
 expendens, in rem quodammodo nostram philoso-  
 phatus, Luna, inquit, lucet in nocte; Aurora in diluculo;  
 Sol in die. Nox autem, est culpa; Diluculum, penitentia;  
 Dies, gratia. Qui ergo jacet in nocte culpa, respiciat Lu-  
 nam; deprecetur MARIAM. Qui ad Diluculum penitentia  
 surgit, respiciat Auroram; deprecetur MARIAM. Deni-  
 que ut cum Francisco Mendoza (a) causam prælen-  
 tem absolvamus, Qui in Die gratia vivit, respiciat solem;  
 deprecetur MARIAM.

## CAPUT III.

*Augusta Linda Mariana primordia, progressus, & decora, ab adverso Satana  
 ejusque satellitum odio & invidia, technis item, atque molitio-  
 nibus assequenda sunt.*

**N**atura ita comparatum est (placet enim cum Chri-  
 stiano Philopho, & Christianorum apud gen-  
 tilium Imperatorem patrono præfari hoc loco) ut ma-  
 litia se opponat virtuti; & divinâ quadam lege, que inter  
 se contraria sunt, depugnent. Non est illustrius Dei ipsi-  
 us, divinarumque operum argumentum, quàm in Sata-  
 nâ, ejusdemque Ministrorum adversum ea odium.  
 Quod, cum semper, & ubique, tum in perpetuis ad-  
 versus Deiparam molitionibus luculentissimè patuit.  
 Jam enim ab ipso, & hominum & rerum omnium  
 primo conditu, antiquus ille serpens, Calcaneo, Bene-  
 dictæ inter mulieres virginis, insidiatur; & ipsa conterit  
 caput illius (b) Impresserat ab ipso rei Christianæ, uti  
 diximus, in Prussia exortu, suum quodammodo ad  
 sacrâ Lindam calcaneum: & ita quidem impresserat,  
 ut ad omnium ætates seculorum fixa hæerent vesti-

gia.

(a) I. Reg. cap. 4. Annot. II. sect. I. (b) Gen. 3. 15.

gia. Non potuit ea coluber ille, quantumvis maximè  
adniteretur, vel eradere, vel obterere vestigia: neque  
tamen destitit, quā suis, suorumque Ministellorum  
sibilis ac linguis impetere; quā cæno vel pulvere ob-  
ruere, vel, si id non cessisset, tegere. Dicit vix potest,  
quantum ii, qui de Quinto Ministellorum Evange-  
lio, tanquam fonte caballino, labra proluerant, quoties  
aliquid chartis illinendum erat, in hoc Satanae præ-  
lio, & virium intenderint, & curarum nervos. Si  
quid fortè, de prima istius Evangelii in Prussia se-  
mente, memorandum venisset, primo statim impetu  
in Deiparam Lindenensem incurrebant. Si quid de  
ejusdem Pseudo-Evangelii progressu atque incre-  
mentis dicendum occurrat, à Lindenensis sacelli exci-  
dio & ruina et jamnum sumunt præmium. Cælesti-  
nus Mislenta, inter Prædicantes Regiomontanos,  
procacis juxta ac impudentis, si quispiam alius, cala-  
mi nuper & oris; dum, in *Manuali Prutenico*, de præviis  
sectæ suæ Apparatibus (quæ ille *προνυσμεινα* vocat)  
(a) differit, non potest inter *Peregrinationes*, quæ, vi-  
gente Catholica in Ducatu Religione, viguerunt,  
nonnisi primo ac principe semper loco *Peregrina-  
tionum Lindenensium* meminisse. Idem ipse, cū de  
Catholicæ, in eodem Ducatu, Religionis exterminio  
(ita enim loqui homini illi libuit) *differens Indulgen-  
tias, Processiones, Peregrinationes ad loca sanctis ac divi  
consecranea, proscriptas & inhibitæ fabulatur, comme-  
moratione*, inquit (b) *digrū* occurrit, de destructione Fani  
ad tiliam extructis, ad quam peregrinationes, Indulgentia-  
rum impetrandarum gratiâ, ut & recuperanda valetudi-

A 5

nip

(a) pag. b. 8. (b) pag. d. 4.



nis causâ, ab undequaque hominibus illuc confluentibus, institui solebant. Paria sunt, quæ Caspar Hennebergerus, in suis ad Geographicam Prussiæ Tabulam commentariis (a) aliique Ministelli oggantunt. Quod enim majorem, loco, & Catholicis locum revisentibus, illi affricant Idololatriam, eò magis & loci, & hominum, numen numinisque matrem piè venerantium, sese pandit religio atque pietas. Constat quippe Ministellos ex illa hominum tribu esse, qui teste divino vate Isaia (b) Dicunt bonum, malum; & malum bonum: ponentes tenebras lucem, & lucem tenebras; ponentes amarum in dulce, & dulce in amarum. Verùm de ista Ministellorum indole, atque egregia, scilicet, exercitatione deinceps agendum erit (c) uberius. Nunc illud Miraculo propius sese offert trutinandum, quod LINDA MARIANA, non jam intra Varmiensis Episcopatus, sed intra ipsos Prussiæ Ducatus limites posita, ideoque Ministellorum, qui in eo Ducatu impotentem jam diu exercent dominatum, furori semper obnoxia, eorundem nihilominus semper eliserit atque perfregerit furorem. Potuit quidem sacellum Deiparæ Lindensis, quoad muros & parietinas, aliquamdiu furori illi cedere; sed quoad religionem & constantissimam populorum, etiam longè se junctorum, pietatem (quam muris quoque exutum in animis hominum semper obtinuit) nunquam cessit: ut mihi, in ea Virginis Ædícula, intra Ministellorum fines cum in modum semper triumphante, nihil aliud nisi Arcam Domini (d) intra Philisthinorum regnum magni-

(a) pag. 261. (b) Isaia 5. 20. (c) lib. 2. (d) 1. Reg. 5.

magnificè triumphantem, quasi coram videar intueri. Et sanè, si cum D. Ambrosio, uti par est, sentiendum differendumque sit, quidni cum illo (a) exclamem? *Arca* quid, nisi sanctam **MARIAM** dixerimus? siquidem *Arca*, intrinsecus portabat testamenti tabulas; **MARIA** autem ipsius Testamenti gerebat Heredem. Illa intra servebat legem, hæc Evangelium retinebat. Illa **DEI** vocem habebat, hæc **VERBUM**. *Arca* intus forisque auri nitore radiabat, sed & sancta **MARIA**, intra forisque virginittis splendore fulgebat. Illa terreno ornabatur auro, ista caelesti. Neque minores *Arca* hæc nostra, de Allophylis nostris, quàm illa verus de Palæstinis triumphos egit, atque etjamnum agit. Conantur equidem Allophylis nostri, ut profanis Dagonis, aut (si Diodorus (b) idem respexit idolum) Dercetum Atargatumvé suarum fanis inferatur, vel potiùs uniatur; & quandoque etjam quasi opimorum in morem spoliolum iisdem offeratur (nam & *Arca* in Deo, tanquam exuvias, & opimum quodam spoliolum Idolo, donariù loco, consecratam fuisse asserit Chrysostomus (c) Verum enimverò & Atargates, & Dercetes, & Dagon (tot enim nominibus Idolum illud appellatum docet Athan. Kircherus Tomo 1. Oedipi Syntagm. 4. cap. 16. & ante illum Mendoza ad 1. Reg.) Allophylorum istorum, in ipso quoque triumpho suo, perinde sine triumpho sunt, atque sine manibus & sine capite Dagon. Et adverte, quæso, animum, ad locum, tempus, ac modum triumphi! haud dubiè cum Theodoreto (d) fatebere: *Quòd Deus Allophylis*  
*Arca*

(a) *Serm.* 80. (b) *lib.* 1. (c) *Tom.* 5. *lib.* contra *Gen- tiles*. (d) *Serm.* 10. de *Provid.*



*Arcam tradidit, populi iniquitatem arguens: Tradita autem Maiestatem tuetur, Allophylos docens, quod non Dominum vicissent, sed hominum iniquitatem. Vel ad causam nostram paulò affiniùs, cū Ven. Beda, ad illud Lucæ: (a) Cū fortis armatus, &c. alludendo dices: Fortis erat Dagon, quando stulta (etiam Prutenorum nostrorum) Gentilitas, arma suo custodiebat in atrio: fortior est Arca fidei, quæ huic, spolia impietatis victrix eripuit, & hæc arma & spolia pietatis fecit. Fecit enim verò, quando, ut hoc libro (b) spectabimus, apud Lindam Marianam, de victa ac prostrata gentiliū Prutenorum superstitione, æternum quasi Trophæum statuit. Denique & cum S. Damasceno (c) adeo quæ universâ Ecclesiâ Græcâ (in Menæis 25. Marr.) Allophyliis nostris inclamare licet. Tanquam animatam Dei Arcam, nullatenus cuiusquam profani manus contingat. Quin potius Deipara, in clamore exultationis, labia fidelium indefinenter occinant: Ave, Gratia plena, Dominus tecum. Verùm, & hæc surdis inclamantur. Pergunt illi, nimirum, & quemadmodum veteres illi Allophyli, omnem movent lapidem, ut resituant Dagon in locum suum (d) sed diffidendum minimè est, quin & hic eveniat, ut rursum mare, die alterâ consurgentes, invenient Dagon iacentem super faciem suam, in terra, coram Arca Domini; caput autem Dagon, & duas palmas manuum eius abscissas super limen, intueantur: præsertim cū eorum Architynagogi, qui non palmarum duntaxat, verum*

*& ca-*

(a) cap. II. 21. (b) cap. 8. (c) apud Simon. VVag-  
nereckium chiliade I. Centuria 4. num. 308. ὡς ἐμψύχω  
θεῶν κισσῶν, ψανέτω μηδαμῶς χεῖρ ἀμνήτων. χεῖλη δὲ  
πύλων. &c. (d) I. Reg. 5. 3.

& capitis vicem obibant, jam prostrati herbam, aut potius terram mordeant tanquam progenies illius, cui divinitus illud maledictum obtigit, *Terram comedes cunctis diebus vitæ tuæ* (a) Porro cæteri quoque Azotiorum istorum, sive Duces, sive etjam satellites, serio ad te respiciant, quid agant, quid vè circa Arcam Domini moliantur; ne fortè & super ipsos, aggraveretur manus Domini, & percutiantur in secretiori parte, &c. præsertim, cum id jam nonnullis, ex eorum cohorte evenisse, suo loco memorabitur (b) Quòd si animum cervicem quæ insuper obfirmant, Arca hæc nihilo minus triumphos aget; illi verò juxta Psalmum (c) vel inviti, videbunt, & irascuntur; dentibus suis frement, & tabescent: desiderium peccatorum peribit. Vidit inter alios, & iratus est, fremuit dentibus, & contabuit; idem ille Manualis Prutenici author Mislenta. Posteaquam enim ad quintum Ecclesia (ut ipse appellat) Lutherana statum in Ducatu Prussia, hoc est, ut ipse quoque exponit, ad statum miserie & inclinationis ad ruinam, pervenit, ejusdem quæ miseræ inclinationis persequi indicia orsus est. Tertium indicium ponit, Religionis Romano-Catholice introductionem. Hanc verò introductionem (supponebat enim, quanquam falsissimò Ministellus, Catholicam è Ducatu Prussia Religionem, prorsum fuisse exactam, vel potius, ut ille sæpius ingeminat, eradicatam) unde tandem nobis, vel potius suis, manifestam faciet? Ex locorum, ut ille subdit, Idololatricorum restauratione. At quæ illa tandem loca? cum plurima fuerint in Prussia, miraculis, peregrinationibus, publicisque urbium ac populorum

(a) Gen. 3. 14. (b) lib. 2. cap. 18. (c) psalm. 211.



lorum supplicationibus celeberrima loca, quæ tandem restituta? aut potius, quorum ob restaurationem Myslenta quirirando tabescit? Dixerat loca idololatræ restituta; at ubi ad eorum ventum est censum atque numerum, unicum, duntaxat, atque eum solum, nempe LINDAM MARIANAM memorat. An quia illa unica, plurimorum instar contra Allophy-  
lorum acies militat? an, quia non modò militantem, verùm & perpetuò contra suos triumphantem ob oculos habebat? an demique, quia ex illa sola, tanquam è prima vi Christianæ quondam, ita nunc Catholicæ in Prussia Religionis, primariaque Arce, sibi suorumque fidiculæ potissimùm metuebat? Quidquid tandem sit, divinum oraculum, etiam in Myslenta verum fuit. Visintueri videntem & irascentem? vis audire dentibus frementem & tabescentem? Quarto, inquit ille (a) loca idololatræ antehac abrogata, & obsoleta, nunc, prò dolor! restaurantur & redintegrantur passim. Sic tiliæ illius, ante centum fere annos sacellum, ab Illustrissimo Duce Alberto dirutum, ac solo aquatum; à Pontificiis Patronis jam restauratum, officina idololatriæ abominanda evasit; peregrinis è longinquo, ac è propinquo, ed, superstitionis causâ, confluentibus; & impune quidem, quibus olim præmii loco patibulum erat designatum. Atqui, Euge! ô Ministelle! tuum illud prò dolor! (nam cætera suo loco audienda erunt) iterum atque iterum ingemina. Ego verò tibi, lociennisque ac comben-  
nonibus tuis illud Chrylostomi, in Catena Patrum Græcorum (b) apud Corderium, oecinam. Usque aded virtus, vitio gravis est, & molesta! Quemadmodum

enim

(a) pag. 2. 6. (b) psalm. III.

enim ignis accendit spinas, ita & benignitas, in humanos, & efferatos homines irritat. Ea enim illorum improbitatem arguit & accusat. Cum porro ibidem Chrysostomus homines efferatos, præque invidia tabescentes, intra pectus, venenum suum tabemque premere asserat (sic enim pergit; Sed vide eum, cum invidiâ extabescat, non audere accusare, & clarum virtutis aspectum intueri; sed mente quidem liquefcere, & dentibus dolorem ostendere; non audere autem verbum proferre; sed tantum angere, & cruciari; & in eundem sensum Cyrillus in Catenâ Corderii ad Lucæ 11, 17. Quia impudens erat talis illorum suspicio, ideo multorum timore perterriti non præsumpserunt, criminationes suas in publicum proferre, sed mente secum assidue versabant) cum, inquam, hæc intra se isti premant, quantam, quæso, oportuit, non modò invidiæ, odiique tabem, sed etjam iræ, furorisque rabiem in Misenta fuisse, qui, & ore, & calamo, toties illud è pectore venenum profudit! atque idcirco, tanto magis Arcam Domini, in LINDA MARIANA triumphantem illustravit! Talis enim hominum istorum genius atque indoles est. ut nihil sit illustrius, quàm quod illi carpunt: nihil augustius atque divinius, quàm quod illi proculcant. Qui enim scit Neronem. (fas est enim in simili caula, cum Tertulliano (a) perorare) intelligere potest, non nisi grande aliquod bonum à Nerone damnatum.

## CAPUT

(a) Apologes, cap. 5.



## CAPUT IV.

*Ipsæ Lindæ Mariana situs, ac loci conditio, amantitatem juxta  
ac Religionem spirat.*

**M**agnam persæpe rebus gratiam adjicit ipsa loci conditio atque situs; Lindensi verò sacello, quemadmodum plerumque & aliis Deiparæ Virginis alibi positis Ædibus, miram insuper addit venerationem, sacro quodam horrore permixtam. De sacra Divæ Hallensis Æde, non aliâ fuit Justo Lipsio experientiâ atque testimonio opus, cum abundaret proprio. Cum veni, inquit ipsemet (a) & calidè Templum adii, ac preces capi fundere; sensi trepido quodam gaudio, & mixtâ veneratione, corpus animumq; percelli; & palpavi in loco Numen esse, quod, vel ignavis mentibus se superfundat. Et alibi (b) Ornatum (inquit de sacello Hallensis Templi Deiparæ sacro) à donariis & tabulis votivis habet, religionem à se; & nescio, quomodo ingredienti eas tangit. De sacello, quin universim de ipso Lindæ Marianæ loco, non possunt, unâ mecum, non fateri plurimi, qui id unâ experti sunt, ac quotidie propè experiuntur. Evenire quippe solet, iis potissimum, qui nusquam antè locum sacrum accesserant, ut, simul ac virentes in propinquo silvas atque lucos emensi, in sacra Ædis, atque ad eò loci ipsius conspectum venerint, tantundem animo hauriant pii cujusdam sensus, venerationis, horrorisque sacri, quantum de ipso loco libarant oculis: ipsa quippe loci facies, quiddam amœni juxta ac sani ex se videtur spirare. Hinc enim, ab ortu perinde atque occasu,

pro-

(a) cap. 1. (b) cap. 4.

protenfi in longum colles gemini, modicè in altum flexi, vallem, quæ sub ipsum Orientis collem Deiparæ sacellum amplectitur; pinetis variâ arborum stirpe nonnihil intertextis, & quasi coloniis hinc inde ductis, atque arte quâdam, propè in quincuncem factis, utrinque leviter stringunt: inde verò gemini itidem Lacus, Virbellus à Borea, & Denaus ab Austro, vallem eandem rivulo perenni (qui in hunc ex illotum sese, tum pisces ultro citroque commeantes evolvit) ita rigant; ut simul, vel ex ipsa quoque una valle spectantiû, oculos mira perfundant voluptates; & quasi tacitè, illud (quod Græca Ecclesia in Menæis 3. Januar. sancti Sabæ verbis Deiparæ occinit) communibus rivuli susurris videantur ingeminare. Tu, ô sponsa Numinis, aquæ in vitam æternam salientis, atque vitam eandem in cunctos homines derivantis, publicum quoddam labrum, umbraculumq, fontanum existis. (a) Vel certè illud, quod eadem Ecclesia S. Theophanis verbis 17. Januarii modulatur. *MARIÆ immaculatæ, & omnium sanctissimæ Virgini, faustâ plaudamus acclamatione.* Ex ipsa enim, donorum celestium, quæ mentem humanam excedunt, scaturigo nobis promanat; ut quæ est torrens quidam bonitatis divinæ. (b) Quod si quis, porrò etjam in fontes atque scaturigines, in eadem

B

valle

- (a) Apud Simonem VVagnereckium Chil. I. Cent. I. num. 17. ὕδατ' ἀλλομένῃ εἰς αἰθανασίαν ὠφθης σκηνώμα, τὴν πηγὰς τοῦ ζώω τοῖς ἀνθρώποις, θεόνυμφε.  
 (b) Apud eundem Cent. I. num. 114. Μαρίαν, τὴν ἀχραντὸν ἡ παναγίαν ἀνευφημήσωμεν. δι' αὐτῆς γὰρ ἡ χάρις ἡμῖν πηγάζει τῶν ὑπὲρ πάντων δωρεῶν, ὡς ἐκ χειμάρρου, τῆς θείας χρηστότητος.



vallis pluribus locis erumpentes, & quemadmodum  
 suo loco videbimus, ad medicandos tum reliqui cor-  
 poris, tum oculorum morbos perquam salutare, re-  
 spexerit; vix se cohibebit (præsertim quando unâ ad-  
 ventantium in publicis supplicationibus intuebitur  
 choros) quin cum eadem Ecclesia, verbis S. Josephi,  
 Deiparam interpeller: *Decantandi tibi laudibus inten-*  
*tos, & chorum instituentes sacratum, ô DEIPARA, quæ*  
*es Fons vivus ac perennis, in divina, quàm de te habent, ex-*  
*istimatione confirma. gloriosi q̃, in calo dignare coronis* (a)  
 Tantam loci amœnitatem, ipsum Deiparæ sacellum,  
 colli, uti diximus, Orientem versus subiectum, & ad-  
 jacentem nonnihil hinc inde despectans valem, cu-  
 jusdam instar diadematis coronat; & omnium ad sese  
 oculos, præ cæteris rapit. Et quid ni rapiat, cum pau-  
 ca, quæ ad aliorum, etiam non satis sacrorum, amœni-  
 tatem locorum facere possint, hîc desiderentur. In sa-  
 cro sancta Æde Lauretana, Tursellino (b) ad loci  
 ipsiusque Ædis amœnitatem plurimum facere vide-  
 tur; quod si quâ usquam, ad quatuor mundi caliquæ regio-  
 nes, ex Mathematicorum disciplina sita sit; ut sol sub occa-  
 sum, per fenestrâ, Angeli quondam ingressu nobilem, veluti  
 vespertinus saluator ad B.V. accedat, quando matutinus  
 esse nequit, objectu parietis exclusus. Atqui etjam in sa-  
 cro Deiparæ Lindenensis sacello, examussum propè ad  
 easdem mundi caliquæ Regiones posito, non modò  
 vespertinus, verum & matutinus, & meridianus, &  
 (sub

(a) 3. Ianuar. ex cent. I. num. 18. τὸς σὺς ὑμολόγῃς,  
 θεοτάκε, οὐς ζωσαὶ καὶ ἀφθονος πηγῇ, διασον συνκροτήσαντας  
 πνευματικὸν, σερεῶσον ἐπὶ τῇ θείᾳ δόξῃ σὺ καὶ σεφάινων  
 δόξης αἰξίωσον. (b) lib. I. cap. 10.

(sub solstitium æstivum) aliquantum etiam Aquilonaris saluator accedit sol. Ad Bellifontanam **DEPARÆ** Ædem, plurimum Ericio Puteano, qui historiam scripsit, loci amœnitatem commendat, scaturiginum fontiumque, à quibus loco nomen, ubertas. Ad D. Weyerensis Friderico Fornerio (a) tantundem confert, quod vallis interjaceat per amana, fontium scaturiginibus, & stagnis ac lacubus visenda, & collibus feracissimis per gyrum cincta. Colles apud Lindam Marianam usque adeò feraces ac fructiferi esse necdum possunt, quibus vario arborum genere hæcenus convestitis, satis fuit jucundissimam toti loco scenam prætexere. Si tamen cultus accesserit, ne illi quidem ad hortos ac struenda pomaria inutiles aut incommodi erunt. Vallis, tamen si fertiliorē habeat glebam, superiore tamen ævo, quo sacellum & locus squalebat desertus, in paludem pene desierat prorsus inertem. At ubi, paucos ante annos, manus admotæ tandem sunt, & fossæ atque incilia suis locis orta, pravum exsuxerunt humorem, arboresque & virgulta (quæ integro propè seculo, tanquam spuria vitulamina adoleverant) excisa vel etiam stirpitibus revulsa sunt, jam vallis non gramini modo atque ole-ribus, verum & struendis ad voluptatem deliciasque hortis, idoneum exhibet fundum: qui sicut non nihil jam excultus est, ita diligentiorē sperat, adeoque suspirat cultorem. Quantum enim cultor naviter adhibuerit industriæ, tantundem & loco sacro decoris, & sibi commodi atque fructus, nec minus afferet peregrinis, & quibuscumque tandem advenis, voluptatis atque

(a) lib. I, cap. 6,

B 2

amæ-



amānitatis. Ego, si quid veterum juxta ac recentiorum placitis geographorum est dandum, vix ullum, toto pene universo, amāniorem, & ad usus humanos commodiorem invenio locum, quā sit Bosphorus Thracius: quem, sicut Constantinus M. nova Roma, ex suo appellata nomine, ornandum; ita Petrus Gyllius justo & erudito volumine, cum aliis de causis, tum ob singularem amānitatem, celebrandum sibi sumpsit. Mihi quidem etsi omnino non sit *fas parva componere magnis* (nam Bosphorus centum sexaginta stadia longus est, quæ faciunt terna millia Germanica cum besse; latus verò stadia quatuor, quæ faciunt quingentas passus) licebit tamen in LINDA MARIANA aliquam Bosphori illius quasi imaginem intueri. Bosphorus gemino, hinc Ægæo, illinc Euxino mari clauditur; Linda hinc atque inde, gemino substringitur lacu: Bosphorum Propontis Ponti Euxini finis, principium Ægæi ex altero in alterum mare sese evolvens, medium interluit; Propontidem ad Lindam itidem exhibet, rivulus, cum pisces ultro citroque, tum semetipsum ex uno in alterum lacum exonerans. Bosphorus Regiâ Constantini M. urbe, quasi coronâ quādam præcingitur; nos sacellum Delparæ diadematis instar toti loco Lindensi impostum videmur nobis intueri. Bosphorus cum quo vis, quā latè patet orbis, de amānitate certat loco: sed neque amānitas, gratia, jucunditas & suavitas, quæ ad Lindam Marianam oculos animosque omnium pañcit, cuiquam minori, è vicinioribus præsertim locis, faciliè conceder. Jam verò, ut cōmoda, quæ ad usus pertinent quotidianos ac vulgares, majora homini-

minibus afferat Bosphorus; certè, quæ apud Lindam Marianam, non in animos modò, verùm & in corpora redundant mortalium, tanto sunt ampliora atque augustiora, quanto sacra antestant profanis, cælestia terrenis, fluxis atque labentibus æterna, divina denique humanis. Ad extremum ( quod ad situm utriusque loci maximè facit, quodque hujus causæ proprium est ) Bosphorus Thracius inter Asiam & Europam limes est; ita ut Chalcedon urbs, Bosphoro orientem versùs adjacens, Asiam aperiat, quemadmodum Constantinopolis, olim Bizantium, occasum versus aperit Europam: at verò LINDA MARIANA, quanquam in Ducatu Prussiæ tota sit, quia tamen toto, quæ è meridie in Boream quàm maximè protenditur, fundum Episcopi-Varmiensis occasum versus radit, haud injuriâ pro Limite inter utramque provinciam censi potest. Ipsius certè Religionis Catholicæ, hoc præsertim infelici seculo, limes omnino est. Tamen si enim per omnem ubique Ducatum, præ Lutheranorum quoque commentis, quæ Augustanâ Confessione circumscribuntur, primas Ecclesiæ Catholica, etjam civili jure, obtineat partes; adhuc tamen malum à Lutheri Pseudo-evangelio solum germen, plurium mortalium in Ducatu illo obsidet mentes, ut de Orthodoxo populo, appareant *rari tam vasto in gurgite nantes*. Spes tamen est haud dubia, vel ab hac LINDA MARIANA, quæ super gurgitem ita vastum, Phari instar divinitus posita est, sicut olim in alias plures provincias, ita deinceps in Ducatum Prussiæ, quaquaversum Catholicæ Ecclesiæ lumen ac splendorem longè lateque processurum.



## CAPUT V.

*Linda Mariana situs, etiam quoad geometrarum, geographorumq. rationes exactus, ad pietatem religionemq. excitandam multum facit.*

**S**I locum ad geometrarum & geographorum exigamus leges, longitudinis quidem terrestris quadragesimum circiter octavum; at verò latitudinis quinquagesimum quartum obtinebit gradum, Resselium inter ac Rastenburgum civitates, inæquali aliquantum à sacro loco disjunctas intervallo; hinc enim quinque circiter, inde verò haud paulò plus ternis abest passuum millibus. Univerfus fundi Lindensis ambitus infra sex, ut vocant, mansos, sive intra centum octuaginta continetur jugera; mansus enim ad Culmensensem, quæ hîc in usu est, decem pedam subactus, tricenis constat jugeribus. Tam angustî fines, silvis & lacubus undique clausi, non unius juri atq; legibus municipii subiant. Quantum enim rivulus, Ortum versùs mediæ præsecuit valli, municipii est Rastenburgensis, & uno dumtaxat manso, seu triginta comprehenditur jugeribus: quantum verò idem rivulus de valle occasum versùs dirimit, Schistensis castri juri subditur, & plus aliquanto quatuor continetur mansis. Tantas loci sacri angustias, angustiores superiore anno contendebat reddere, vicini fundi possessor. Verùm causâ arbitrorum, etiam à Præfecto Rastenburgensi missorum arbitrio discussâ, limites *DIVÆ* Lindensis non modò integri relictî sunt, verùm & in adjacente adversarii fundo jus pascionis & pascuorum ad triginta annos acquisitum, publicisque tabulis sancitum est.

Jam verò si eundem Desparæ sacrum locum, non  
modò

modò ad Prussiam totius, verùm & ad universam Europam componere ambitum quis satagat, haud fortasse injuriâ illud Regii vatis (a) de supremo Numine, in eodem loco per opem & suffragia magnæ Dei Matris, tot & tanta mortalibus beneficia largiente, usurpare poterit; Deus autem Rex noster ante secula; operatus est salutem in medio terra. Cùm enim Prussiam universam positis, quoad latitudinem quidem intra 53. ac 56. parallelas, quoad longitudinem verò intra 44. ac 50. fere intercipiatur LINDA MARIANA, quæ & longitudinis quidem, uti diximus, 48. & latitudinis 54. occupat gradum, propè instar centri, medium Prussiam universam locum occupabit.

Quòd si Caspar Hennebergerus Tabularum Prusficarum haud aspernandus architectus (b) Episcopatum Varmiensem, non partem duntaxat, sed medium Prussiam locum occupare dicit, quidni Lindam Marianam, quæ multo, quàm integer Episcopatus, ad centrum totius Prussiam magis accedit, medium Prussiam locum occupare dicamus? Quid, quòd Europam ipsam, quæ inter Asiam Africam quæ quadantenus media adjacet, dicti quadragesimus octavus longitudinis, & quinquagesimus quartus latitudinis gradus ( ut vel ipsam Europam tabulam, cuius oculo duntaxat libanti constare potest ) mediam quoque quadantenus interfecant, ut vel hinc pateat, tum Europam orbis universi ( saltem veteribus jam olim cogniti ) tum Prussiam Europam, tum denique Lindam Marianam ipsius Prussiam medium occupare locum; ideoque umbilicum tum

B 4

Prussiam,

(a) Psalm. 73. 12. (b) pag. 2.



Prussiæ, tum Europæ, ne dicam orbis veteribus cogniti dici posse, non secus atque Livius *Ætolos umbilicum Græciæ* (a) aut Cicero (b) *Ennam urbem, Sicilia, aut denique alii plerumque, Reate umbilicum appellant Italia*. Quod si plerique Judæam, apud Ezech. (c) *umbilicum terræ dictam putant*, tum ex eo, quod medium terræ orbisque universi videretur locum tenere; tum potius, quod (uti Cornelius advertit) gentes ex Judæa, fidem, gratiam, sapientiam, & salutem à DEO suxerint, perinde atque infantes in utero adhuc positi alimenta per maternum sugunt umbilicum: quid vetat LINDAM quoque MARIANAM, utraque de causa, tum umbilicum, per quem tot gentes atque populi, & salutem, & sapientiam, & gratiam, & fidem ipsam, quotidie sugunt, tum Medium terræ dici? Quin imò, quid obstat, quo minus id, quod mellifluus Bernard. de Deipara Virgine universim (d) effatus est, nos de diva Virgine Lindensi usurpemus? Operabatur DEUS, inquit ille, *salutem in medio terræ; in utero videlicet Virginis MARLÆ; quo mirabili proprietate, terræ mediū appellatur*. Ad illam enim, sicut ad Medium, sicut ad Arcam DEI, sicut ad rerum causam, sicut ad negotium seculorum, respiciunt, & qui in calo habitant; & qui in inferno; & qui nos præcesserunt; & nos, qui sumus; & qui sequentur; & nati natorum, & qui nascentur ab illis. Illi, qui sunt in calo, ut resarciantur; & qui in inferno, ut eripiantur; qui præcesserunt, ut Propheta fideles inveniantur; qui sequuntur, ut glorificentur. Quod si quis porro, neque Orbis, neque Europæ, neque ipsius

(a) lib. 5. (b) Act. 6. Verr. (c) cap. 38. 12. (d) serm. 2. Pentecost.

us adeò Prussiarum medium occupari à Linda Mariana locum contendat, saltem illud lubens volensque concedet Lindam Marianam inter Ducatum Prussiarum ac Varmientem Episcopatum, mediam quasi interjacere; & B. Virginem, secundum Deum & Filium suum (ut Apostoli verbis (a) utar) facere *utraq̃ue unum: & medium parietem macerie solvere*. Solvit enim, & quidem planè quotidie solvit, quando murum illum, quem peccata mortalium, Deum inter & ipsos (non dissimili conatu vel potius furore, quam vel apud veterum Gigantes, vel apud impios Turris Babel architectos fuere) ad cælum ipsum usque perduxerant, suis apud Filium precibus demolitur; ut eâ causâ illi Græca Ecclesia (b) jure occinat: *Tuo partu naturam superante, disiectus est medius paries, qui propter maledictum nos à Deo divellebat, atque unâ nos naturâ divinâ connexi sumus: Filius quippe tuus, eos, qui Te, uti Deiparam colunt, per gratiam in filios adoptat*. Adhæc solvit, quando Ecclesiarum Catholicarum pomeria intra Prussiarum Ducatum felicissimè producit ac provehit. Hoc enim pacto, *parietem macerie*, aut potius murum (quem, non jam legitimi aliqui Prussiarum Ducatus moderatores ac magistratus; sed impiissimi hæresicon architecti, Ecclesiarum Religioni que Catholicæ, ad ipsos Ducalis Prussiarum limites, perpetuum, & quodammodo adamantinum esse cupiebant) fortunatè ac gloriosè disjecit; aut non tam disjecit, qui nunquam

B 5

sub-

(a) Ephes. 2. 14. (b) ἐρράγη τὸ τῆς ἀρεῆς ἡμῶν μέσοις τοίχον, τῷ ὑπὲρ πάντων σου, καὶ τῇ θεῷ φύσει συνήθημεν, ὃ τῷ θεῷ ἡδὲ ἡμεῖς ἐχρημάτισεν ἡδοτεῖσας χαρίζεσθαι, τὰς θεοτόκον σε γεγαῖροντας.



substructus fuit, neque ullo etiam civili jure substrui potuit; quàm, ne substrui posset, pro ea, qua apud Deum & mortales potest ac pollet, autoritate perfecit. Insuper solvit; quando, ut ad mentem Apostoli intimius loquamur, *mimicitias interfecit*; interfecit, inquam, ac quotidie, si non in semetipsa, certè in Filio suo, interficit magis ac magis; quando illa sectariorum odia, & accensos ita inflammatosque olim animos, ita ut in Ecclesiam Catholicam Catholicosque omnes, etiam in proximo sitos, malignè semper arderent atque exaltuarent, ita sensim domuit ac domat, ut plerique eorum, extinctis illis flammis, certe etiam humanitate ac benèvolentia cum orthodoxis non desistant. Ad extremum, ne illud quidem inficiari quisquam poterit, LINDAM MARIANAM, illiusque causâ DEIPARAM Virginem, inter Ducatum Prussiae & Episcopatum Varmiensè, jam se olim *Mediam* statuisse; quando & Ducatui, jure municipii, & potiore Religionis jure Episcopatui obnoxiam se ita voluit esse; ut in eam uterque provincia utriusque paries, quasi in lapidem angularem coiret, quoad tandem in verum illum, à Deo positum, lapidem summum, angularem, electum, preciosum, i. Pet. 2. 6. una coalescant. Talem quippe (ut jam cum Richardo à S. Laurentio lib. 1. de laud. Virg. causam concludamus) decebat esse Matrem, ut Mediatrix Mediatorem, lapidis angularis, lapidem pareret angularem: in quo, juxta Eph. 2. 20. summo angulari lapide Christo Jesu, etiam ii, qui nunc sunt hospites & advenæ, aliquando tandem superedificentur super fundamentum Apostolorum & Prophetarum; cives Sanctorum & Domestici DEI. Quod  
ut

ut quàm primùm fiat, ipsa Lindensis DEIPARA adjuvabit: de qua etiam usurpari quodammodo potest, quod de ipsa Deipara usurpavit B. Amadæus. Ipsa Virgo virginum (inquit ille hom. I.) vernans floribus, & in fructuum suavitate delicias, apparet Media & velut Arbor, plantata in medio Paradisi, attollit verticem in altitudinem celi, & de superno rore concipiens fructum refert salvatorem.

## CAPUT VI.

*Primordia & prima sacelli Lindensis origo, ex unico, quod è veteribus superest, monumento, seu privilegio, ab Ordine Theutonico fundi Lindensis possessoribus dato, investigantur.*

Qui prætergressam fugientemvè in aliquo saltu feram vestigant, non nisi ad impressa, si quæ uspiam se offerunt, feræ vestigia respiciunt: non secus faciunt ii, qui rerum perenni temporum lapsu decurrentium, aut aliquâ insuper hominum pravitate intereuntium, memoriam, quasi è cursu reprehendere conantur, non nisi ad monumenta, si quæ supersunt, tanquam ad vestigia, debent respectare. Etsi verò, cū ipso Lindensi sacello, pleraque etiam illò spectantia monumenta, hæreticus furor sustulit, non desunt tamen paucula, quæ nos ad primam illius quoque sacelli originem, quasi quodam Ariadnæ filo, utcunque ducant. Hæc verò inter, principem sibi vendicat locum, Jus & Privilegium Joanni Langerbein, à Joanne Tieffenio, Ordinis Theutonico tricesimo secundo Generali Magistro, iv. Idus Oct. Anno Domini M. cccc xci. datum. Quod quidem ipsum per se in membrana exaratum, sigilloq; etiamnum munitum, uti & geminū illius exemplar (quorum alterū è Ta-



è Tabulario Ecclesiæ Cathedralis Varmienfis, per D. Michaëlem Schambogen, ejusdem Ecclesiæ Canonicum & Cancellarium; alterum verò per Magistratum Rosseliensem, ex civitatis Actis transumptum est) cum ad manus nostras integrè pervenerit, non debuit hoc loco plurimis de causis præteriri. Est autem è Theutonico in Latinum, eâ, quâ par erat, fide, hunc in modum à nobis traductum.

Joannes à Tieffen, Ordinis Fratrum Hospitalis S. Mariæ, Theutonicæ Domus in Hierusalem, Generalis Magister. Notum facimus, & omnibus ac singulis, hasce literas nostras lecturis vel audituris, restatum esse volumus: quòd Joanni Langerbein, fideliter nobis dilecto, ob singularia in Ordinem nostrum merita, ab ipso jam præstita, & tum ab ipso deinceps, tum ab legitimis ipsius heredibus posterisque, nobis Ordiniq; nostro præstanda, Tabernam, juxta sacellum Lindenle sitam, unâ cum manso agri & horto (quæ, de prædecessoris nostri gratia & consensu, à Petro Vogler emerat) concedendam & inscribendam esse duximus: quemadmodum memorato Joanni Langerbein, legitimisque ejus hæredibus ac successoribus, prædictam tabernam, cum manso agri ac horto, juxta dictum sacellum Lindenle, in territorio Rastenburgensi, intra limites à nostris fratribus designandos sitam, vi & vigore literarum harum de facto concedimus & inscribimus. Ad hæc damus & concedimus eidem, legitimisque illius heredibus ac successoribus, duos mansos silvæ, in Sehistensi Territorio, inter lacum Denau, & limites Episcopatus sitos, quemadmodum iidem ab Ordinis

dinis nostri Fratribus monstrati sunt : in agris, pratis, silvis, arbustis, paludibus, prorsum ab omnibus operis, angariis, & laborum oneribus liberos, jure Culmenſi æternum possidendos. Insuper concedimus illi judicia minora, quoad vulnera, & livores; majora verò nobis & Ordinis nostri dominio reliquimus dijudicanda. Quòd si quis etiam memorato Joanni Langerbein, legitimisque illius heredibus & successoribus, intra silvas aut limires illorum, damnum quodpiam intulerit, multa iisdem cedere debet.

Cæterum Joannes Langerbein, ejusque legitimi hæredes ac successores, de Taberna, quotannis die S. Martini Episcopi, sacerdoti Ordinis nostri, qui sacellum Lindenſe curabit, unam bonam marcam, utualis in Prussia monetæ pendet. Si verò sacellum illud sacerdos Ordinis nostri non curabit, census, ei, qui ex Ordine nostro Præsidentem Rastenburgi ager, penderetur. Volumus etiam, ne quisquam, sive in majoribus Dominae nostræ festis, sive quovis alio per annum die, citra scitum & consensum prædicti Joannis Langerbein, ejusque heredum ac successorum, ullum genus cerevisiæ, in eorundem præjudicium, venum proponat. Concedimus etiam illis, liberam in duobus lacubus, Denau & Wirbel dictis, piscationem minoribus instrumentis, & ad eorum tantum usum, non autem ad vendendum: similiter & in fossa juxta Tabernam, uti & in aqua ex Skatenicht Resſelium decurrente, quantum, citra Ordinis nostri damnum usus permittet. In perpetuam hujus rei fidem, literis hisce sigillum nostrum appendi curavimus



mus; quæ datæ sunt in castro nostro Rhein, die Divisionis Apostolorum, Anno à Nativitate Domini 1491. Testes horum fuerunt Reverendi, spectabiles, & spirituales Ordinis nostri, dilecti ac devoti Domini ac Fratres, Stephanus à Streitberg major Commendator, Rudolphus à Dippelskirch Commendator in Rhein, Dominus Nicolaus Creuder Capellanus noster, & Canonicus Regiomontanus; Wilhelmus ab Eisenberg Bartenfis, Joannes à Wallenfels Rastenburgensis Præfectus; Jordanus à Bergrode, & Eckardus à Reichstag locii nostri; Liborius & Joannes Notarii nostri, aliique multi fide digni. Concedimus etiam ipsi illiusque heredibus in superscripto ad sacellum horto apes servare, & iisdem omni meliori modo uti, fuit.

Atque ex hoc Privilegio, præter cætera, quæ œconomiam temporalem, rei que familiaris & fundi incrementum concernunt, illud ad causam præsentem maximè videtur pertinere. Principiò quidem, quod illo ipso, quo privilegium est concessum, nonagesimo primo supra millesimum quadringentesimum anno, tum sacellum ipsum Lindenfe jam viguerit (ita, ut sacerdotem, curionis ad instar, vel ex ipso Ordine Theutonico, vel aliunde sumptum, jam haberet) tum diversorium sive Taberna, ob populi ad locum sacrum confluentis frequentiam jam posita, atque eo jure stabilita fuerit, ut cum, non majoribus duntaxat Virginis Deiparæ festis, verum & aliis per annum diebus, populo undique agminatim concurrenti, præter alias merces, etiam poculenta ab extraneis (quod & nunc quoque postliminio increbescit) proponi venum cepissent, ea potestas extraneis adempta ita sit, ut

Solis Lindenſis fundi poſſeſſoribus relicta fuerit integra. Alterum verò eſt illud, quod ſacer Lindæ Marianæ locus, multis retro temporibus coli, adiri, frequentariq; cæperit. Cùm enim ob loci & ſacelli religionem, indies magis effloſcentem, populi quoq; frequentia indies augetetur; & ad populi, locum ſacrum ſacellumq; ipſum frequentantis, uſus diverſorium ſive Taberna neceſſariò fuerit extructa; liquere manifeſtò debet, & tabernam ſacello, & ſacellum ipſum, populi viſitantis concuſſu atque frequentia, multò eſſe poſteriora; ut ita & ante conditum ſacellum religio loci ſacri plurimum vigerit; & ante poſitam tabernam, etiam ſacellum (cujus cauſa tabernam conſtat fuiſſe conditam) non minùs, quàm ipſa tilia ſacello incluſa (de qua cap. 13.) tum florem, tum odorem longè lateq; ſparſerit ſuum. Accedit, quòd Privilegium, per Generalem Ordinis Theutonicorum Magiſtrum Joannem à Tieffen Anno 1491. collatum, palàm commemoret, tabernam & manſum diu antè, ſub Tieffenii antecellore (qui fuit Martinus Truchteſius à Wertzhausen, in Magiſtrum Ordinis Anno 1477. quatuordecim videlicet ante privilegium collatum annis, lectus) fuiſſe à Petro Voglero poſſeſſum, ac poſtmodum Joanni Langerbein venditum. Cùm verò & manſi & taberna, cultum celebritatemq; ſolius cauſa ſacelli, uti diximus, habuerint; nefas eſt ambigere, quin Linda Mariana, ante illum annum & proxima illi anno tempora, diu ante vigerit. Petrus enim Voglerus, qui proximè antecedentis Generalis Magiſtri temporibus, Lindam vendiderat, aliquanto utique temporis intervallo Lindam antè poſſedit

& poſ.



& possessionem illam, vel à majoribus suis hereditate, vel alio juris titulo ab extraneis adiit: ut non dubiè credendum sit, fuisse alios, qui sub initium seculi decimi quarti, Petrum Voglerum in possessione Lindæ præcesserint; adeoque sub illa ipsa seculi decimi quarti initia, tum Linda, tum Lindenses Panegyres non minimùm viguerint. Quid si verò, etiam ante dictum quartumdecimum seculum Lindam & Lindenses Panegyres viguisse, aliquâ ratione asseramus? Constant Rastenburgum, ad cuius municipium Lindensis fundus pertinet, sub Annum Domini M. ccc. xix. esse conditum, & à requie, quam milites Theutonici, bellis alibi defessi, restaurandis viribus captare Rastenburgi tolerent, quasi castrum sive *Arcem quietis*, ac refocillationis fuisse nuncupatum. Quid si porrò Deus, eodem propè loco ac tempore, quo homines corporum suorum quieti ac tranquillitati, Arcem & quoddam quasi Asylum struebant, multò opportunius ac magis necessarium, quieti ac refocillationi animorum Asylum atque Arcem erigebat? Quid si magnus ille Belli Imperator, ut milites sui (quibus, Apostolo (a) pronunciante) *non est colluctatio adversus carnem & sanguinem; sed adversus Principes & potestates; adversus mundi rectores, tenebrarum harum; contra spiritalia nequitie in caelestibus*) tantis & tam periculosis belli tempestatibus defessi, ne dicam, graviter per sæpe afflicti, vulnerati, ac propè fracti, suum non modò receptum, verùm & asylum, & quietis necessariæ refocillationisque apud Lindam Marianam, tanquam apud multò augustius diviniusque

(a) Ephes. 6. 12.

que *Rastenburgum*, paratam haberent Arcem, tutissimamque stationem, à primo tempore, quo illud bellicum genus ac pericula capere, paternè providebat? Quando enim piissimus ille *Samaritanus* noster (a) de *Ierusalem in Iericho* descendentibus, & tot tantorumque immanitate latronum sauciatis, quin & *semivivis relictis*, non continuò adest? Quando eosdem ita miserimè afflitos, aut infuso vulneribus oleo & vino, non refocillat? aut suo insuper jumento impositos & ad stabulum, hoc est, uti Græcus quoque ac Syrus legunt, ad *Diversorium ductos non curat*? Et quid sunt aliud tot, & tam illustria *Deiparæ Virginis* templa atque *Ædes*, perinde illius cultu atque innumeris sanitarum gratiis, toto orbe conspicua, quàm quædam divini *Samaritani* nostri *diversoria*? vel unum hoc *Lindense diversorium*, fidem hîc abunde faciat. Quotus enim quisque non animo duntaxat, verum & corpore plerumque saucius, eò accedit, quin continuò, & animi, & corporis vires ac robur (sæpe etiam ultra sua suorumque vota, sed non ultra pietatem beneficentiamque *Samaritani cælestis*) resumat? Quis enim (ut cum magno illo *Constantinopoleos Patriarcha S. Germano*, hom. de *Zona Virginis*, *Deiparam ipsam* alloquamur) quis, inquam, post tuum *Filium*, curam gerit generis humani, sicut Tu? Quis ita nos defendit in nostris afflictionibus? Quis in supplicationibus ad eò pugnat cum peccatoribus? Quid ni verò, & cum mellitissimo *Bernardo* (b) eandem insuper appellemus? Ergo beatam Te dicent omnes generationes, *Genitrix DEI*, *Domina mundi*, *Regina cali*; qua omnibus generationibus vitam & gloriam

(a) *Luc. 10. 33.* (b) *serm. in Fer. 2. Pentecost.*



gloriam genuisti. In Te enim Angeli letitiam, iusti gratiam, peccatores veniam invenerunt in aeternum. Merito in Te respiciunt oculi totius creaturae: quia in Te, & per Te, & de Te, benigna manus Omnipotentis, quicquid creaverat, recreavit.

## CAPUT VII.

*Sub primum Christiana in Prussia religionis exordium, cultum quoque & venerationem DEIPARAE, ad Lindam Marianam videri exortam.*

Quanto fœdior, & supra barbararum quoque gentium morem, inanius juxta ac immanior, gentiliū quondam Prutenorum idololatria fuit; tanto altiores in animis miserrimorum egerat radices: ut neque ipsa temporum diuturnitate aboleri; neque clarissima jam Christianæ fidei, per universum orbem radiantis luce perstringi; neque ad extremum vi bellicâ, quanquam sæpius varicque admotâ, extirpari facile posset. Constat, armis Theutonicorum Ordinis B. Virginis militum denique extirpatam esse, qui, cum à Conrado Masoviorum Duce sub Annum Domini 1226 invitati, & tum à Rom. Pontifice Honorio III. tum à Friderico II. Imperatore, adversum infideles missi, sub Annum 1233. Prussiam ingressi, paganos integro propè seculo fortissimè, vario interdum Marte, oppugnassent, tandem & terram, & terrâ ipsâ asperiores, contumacioresque infidelium animos expugnaverunt, ac Jesu Christo, ejusdemque Vicario, Romano Pont. subjecerunt; totidemque victoriæ Trophæa, quot sive Arces, sive Urbes, sive Tempia, ad elegantie pariter ac fortitudinis Christianæ normam expolita, felicissimè, quâ largissimè Prussia patet, statuerunt. Iner quæ principem,

DEO ita providente, locum obtinuisse LINDAM  
MARIANAM deinceps patebit. Sæpius antè Pruteni,  
per varios ad Christum non modò vocati, verùm &  
traducti cùm essent, ad Idola nihilominus sua post-  
liminio relapsi sunt. Qui is Christi Evangelium an-  
nuntiavit primus (fundamento assertionis sumpto  
ex vitâ ejus, per Marcellinum collegam suum scri-  
pta, in qua iste insignis Apostolus narratur Boructua-  
riis prædicâsse) fertur S. Suitbertus fuisse, in Anglia  
sub Annum æræ Christianæ DCXLVII. natus, & cùm  
biennium in Prussia; haud pœnitendo fructu præ-  
dicâsse, in Germaniam, unde venerat, reversus, ibi-  
demque sub Annum DCCXVII. uti testis est Surius  
ad 1. Martii, fato suo est defunctus. Duobus propè  
seculis exactis, S. Adalbertus Pragensis primùm in  
Boëmia, deinde Gnesnensis in Polonia Archiepiscopus,  
eadem prædicationis Evangelicæ apud Borussos  
laxavit retia: etsi hic, præter egregiam Martyrii pal-  
mam, vix alium ullum in Prussia Evangelii fructum  
tulit. Sub ipsum enim prope in Prussiam aditum,  
jussu *Krivve Kyrvayto*, supremi sacrorum impiorum  
præsidis, à sacrificulis, quos *VVaidoletos* pagani appel-  
labant, haud procul Fischhausen oppido, ad ipsum  
maris Balthici littus, crudelissimè fuit interemptus:  
quo loco, Ecclesiam S. Martyri sacram, & in ea ma-  
jorem Aram, vitâ & miraculise jusdem depictis ho-  
dieque spectabilem, olim verò plurimis illustrem  
anathematis, quorum vix unum superesse (ferreum  
nempe Teli spiculum, quod Erhardus à Reifenstein,  
magni inter Theutonicos milites & nominis & di-  
gnitatis vir, cum ex arcu in se jactum annos quatuor-



decim intra caput esset passus, tandem liberatus, divo Adalberto, uti Patrono sospiratoriq̃ue suo, argenteâ catenulâ appensum, unâ cum expressis in scutulo argenteo insignibus suis, dicavit (uti Hennebergerus quoque (a) testatur) nos ipsi, paucos ante annos, coram spectavimus. Sed & alia quoque Ædes sacra, quatuor fere passuum millibus urbe Gedano dissita, eidem S. Adalberto olim dicata, et jamnum extat; in qua ejusdem Sancti corpus, à barbaris in frustra concisum, iterum q̃ue in sese integerrimè coalitum, prius, quàm Boleslai Chabri, Polonorum Regis curâ & studio Gnesnam deportaretur, quievisse aliquandiu, fertur. Pleraque, quæ Simon Grunau, inter rerum Prussicarum scriptores facilè princeps, de S. Adalberto memorat, ipsi sectariorum Ministelli, ut ex vano minimè hausta, recipiunt: illud tamen, quòd dissecti corporis partes in se coierint, atque integrè coaluerint; corpusq̃ue ipsum in se ita restitutum, sacroq̃ue amictu decorum, lucidam nubem præeuntem, & ad proximè memoratam ædiculâ tanto intervallo (interjacent enim Gedanum inter ac Fischhausum, et jam quâ mare Balthicum iter aperit, quindena minimum germanica milliaria) deducentem secutum pervenerit, pro insigni fabulâ habent; insigniores ipsi, cum aliâs temper, tum hac in causa, fabulatores; præsertim verò Mislenta, qui (b) primum omnium, qui Prutenos ad Christum conatus sit convertere, fuisse Boleslaum, decimum quartum Boëmorum Ducem asserit, *missò*, ut ille scribit, *in Prussiam S. Adalberto circa Annum Christi 988. cum tamen,*

non

(a) pag. 19. (b) pag. 6. 2.

non modò Hennebergerus, loco citatò, S. Adalbertum, non uti Pragensem, sed uti Gnesnensem Episcopum (proinde non à Boëmiæ Duce, sed à Rege Poloniæ) missum aſſerat; verùm & ipse Misenta sibi ex adverso (a) fateatur, propè trecentis retrò seculis, sub Annum 965. saltem in certa Prusiæ parte, à Miescone, seu Miecislao Duce Poloniæ, plantatam in Prussia Christiana religionem fuisse. Cæterùm, quod tum Miecislao Dux fundatis, in Prussia, Lobavienſi, & Caminenſi in Pomerania Episcopatibus inchoavit; tum S. Adalbertus, Prussorum Apostolus, Evangelicæ prædicationis tubâ promovere conatus est, Miecislai Ducis filius, Boleslaus Chabrus, vel potius, ab aspredine linguæ ita dictus, Chrobzus, victoriosissimus, &, supra plurimos, gloriosissimus Polonorum Rex, eximie provexit. Nec enim S. Adalberti, quem in Borussia, divino monitu abeuntem, ægerrimè ab se paulò antè dimiserat, armis ulturus, aliquot interjectis annis, Prutenos aggressus, victoricia ita quaquaversum circumtulit fortunatissimè arma, ut (quemadmodum etiam Hennebergerus (b) tradit) & Balgam fortitudinis Prussicæ, & Rykoioth sive Romovve, superstitionis barbarissimæ Arcem, de qua proximè agemus, sub Annum Domini 1014. expugnârit. Fractis eo bello viribus, Pruteni pacem ita impetraverunt, ut & tributum Regi Polono penderent; & fidem Christianam, à Rege, primo præcipuoque inter conditiones loco, oblatam susciperent: Victorque Rex columnam ferream, in Ossa fluvio, ad villam Slupy (à columna scilicet ita appellatam) quâ

C 3

(a) pag. 61. (b) pag. 466.



quà fortitudinis, quà religionis Christianæ, æternum collocaret Trophæum. Verùm Pruteni, & tum, & succedentibus postmodum temporibus, sub Boleslao Crivousto, aliisque Poloniæ Principibus, æquè ad ingenium, atq; ad suas rediëre superstitiones; quoad tandem à Marianis Theutonici Ordinis militibus, uti diximus, domiti sunt. Quamquam & ab his ita domiti, intra centum non integros annos, iterum sexies, uti Simon Grunau toto tractatu octavo diffusè prosequitur, à fide, divinâ juxta ac humanâ, deflexerunt: ad extremum tamen CHRISTO, & Magnæ DEI Matri, quæ per suos milites, barbarissimam è Prussia superstitionem profligavit, victas omnino dederunt manus. Quis enim ambigat, Deiparam, quam Ferdinandus II. gloriosissimus Imperator, Exercituum suorum omnium Imperatricem delegerat, & *Generalissimam suam* appellitare solebat, jam olim suo Ordini fuisse Imperatricem, atque Belli-ducem? Vel ipsi Barbari, & quidem oculis quoque suis, id experiri sæpe potuerunt, uti quidem sub secundæ defectionis tempora Anno circiter M. CCLVII. experti sunt. F. Theodoricus Christburgensis Præfectus (quod vel ipse Hennebergerus Prædicans fatetur pag. 45.) non amplius, quàm centum viris, quà ex suo Ordine, quà è peregrinis mercenariisvè secum assumptis, Paganorum fines in Hockerlandia, cujus nunc caput Elbinga est, latè vastârat, & ubere cum præda regressus, in grandem paganorum exercitum incurrit. Cùm nulla ad evadendum pateret via, animosissimè in hostem inVectus, simul in consternationem, simul in fugam omnes vertit. Cæsis plurimis, captivi ingenuè facti,  
non

non tam se ab exercitu, quàm à cælesti Bellatrice prostratos. Sub ipsum enim prælii exordium, vitam ab se inclytam formâ Virginem, quæ Ordinis & Christianorum vexillum in aëre explicuisset, & se ita consternasset, ut nonnisi fugâ elabi sibi posse viderentur. Quo ego tempore censuerim Christianam Religionem, uti & LINDÆ MARIANÆ facellum efflorescere in Prussia cæpisse; ut idipsum, non minus, quàm sint, vel fuerint ferreæ Boleslai Regis columnæ, videatur divinæ in Prussia constitutum relictumque victoriæ Trophæum; de quo jam uberiùs erit agendum.

## CAPUT VIII.

*Linda Mariana, devicta in Prussia Idololatriæ, quoddam quasi Trophæum divinitus constitutum.*

**D**Ecutit profecto, frondentem ac semper floridam, uti paulò post videbimus, DEIPARÆ Lindenfis Tiliam, divinæ per Marianos milites & ipsam MARIAM, de tam immani Idololatriæ, victoriæ esse monumentum; non minùs quàm vel Olea, vel Quercus, vel Palma fuit; & adhuc solet esse seculi hujus victoribus. Quid si verò, Mariana hæc Tilia (à qua Germanis Linda Mariana sumpsit nomen) porrentosis illis Quercubus, quæ impiæ superstitionis & Idololatriæ apud Prutenos sedes erant, divinitus ex adverso posita atq; constituta fuit; ut sicut illæ, tametsi monstrosæ essent magnitudinis, cum impiissimis tamen ac vanissimis gentium illarum superstitionibus prolapsæ tandem corruerunt; ita hæc, non minùs quàm ipsa Religio Catholica, si non in se (invidit enim



enim tilia Marianæ gloriam istam, sectariorum, & ipsius, qui sectarios agitabat, Satanæ furor) certè in Linda Mariana æternum vireat ac frondeat? Sex erant Prutenorum gentilium, quæ præcipuè colebantur, idola; *Potollo*, *Perkunas*, *Porrampus*, *VVurschkaitus*, *Svaybratus*, & *Gurko*; omnium autem eorum cultus & superstitio, ad Quercus quasi religata & fixa erat. Eas verò inter Quercus, duæ potissimum in Provincia Natangia, quâ magnitudine, quâ vetustate cæterisque portentis eminebant. Altera earum, eo prorsum loco sita erat, ubi nunc *Heyligenbeil* oppidum est; olim quidem à profano barbarorum cultu & idolomania, quæ ad dictam quercum viguit, *Svvanthome*, sive Hieropolis, aut sacra civitas dicta; postmodum verò à Securi, quâ tandem quercus excisa fuit, *Heyligenbeil* Germanis appellata. Colebatur in ea quercu Idolum *Gorko*, sive *Curcho*, à Masoviis uti Grunau aliique memorant, ad Prutenos translatum; quod, quemadmodum cibus, obsoniis, generisque omnis esculentis ac poculentis credebatur præesse; ita frugum quarumvis, uti & mellis, & farinæ primitiis, alicubi verò in Hockerlandia seu Pogesavia Provincia, etiam piscibus primo loco captis, & super immane laxum, quod in sinu Balthico inter undas eminet, crematis honorabatur. Ante omnia verò igne perpetuo, è quercus lignis accenso, numinis profani cultus ac veneratio constabat. Quæ, cum *Anselmus*, primus Episcopus Varmiensis (qui quatuor duntaxat inde passuum millibus, Pontificiam sedem Brunsbergæ fixerat) haud ignoraret; ut paganos, ab impio cultu, ad Christum & Christiana sacra perduceret, cum

pleris-

plerisque suorum eò profectus, tantum apud Idoli illius cultores perfecit concionando, ut quercum & magnitudine, & perenni frondium foliorumque virore insignem, cui Idolum *Gorcko* insistebat, facile à Christianis, si qui tantum auderent, paterentur excindi. Ad Episcopi imperium quidam & manum & securim quercui extemplo admoveret: sed (quod etiam Hieronymo Pragensi, sub Vitoldo Principe, Lituanis Christum annuntianti, lucosque idolorum excindenti, postmodum evenisse Æneas Silvius in corpore rerum Polonicarum (a) memorat) bipennis quercui admota, atque impacta, resilit, & Christianum, qui impeggerat, exultantibus triumphantibusque barbaris, non leviter vulnerat. At Episcopo sancto, neque fides, neque in præsentem Dei & Ecclesiæ causa, animus deesse potuit. Ipse quocirca, securi arreptâ, quercum adoritur; brevissimoque temporis intervallo, suis suorumque manibus succisam, igne, quem Christiani præsentem admôrant, unâ cum idolo demolitus est. Pagani, eo miraculo attoniti simul ac commoti, & ipsi Christo nomina dederunt, & locum à sacra illa securi appellandum deinceps statuerunt. Jam verò altera Quercus, quæ potior ac multo celebrior impuræ superstitionis erat sedes, in eadem provincia Natangia, loco *Romove*, sive *Rikajoth*, sive, à primario principique idolo nomen sortito, *Potollo*, octo circiter leucis à priore dissita erat: sed & hanc, non longo postmodum intervallo temporis, Joannes à Miskia, Varmiensis itidem Episcopus, demolitus est; ut vel ab ipsis hisce Episcopis, Idololatriam

C s

Prute-

(a) Tomo I. pag. 30.



Prutenorum in *securi & ascia*, ut verbis Regii Prophetæ (a) utar, *deficientibus*, ipsa Varmia Provincia, Ascia vel Securis figuram, in ipsâ geographicâ Prusis tabulâ, exhibere contemplantibus videatur: nisi fortè quis malit Samsonis, aut potiùsejus, cui Samson proludebat, contundentem Philisthæos Mandibulam in eadem contemplari. Majorum duntaxat gentium idola, *Potollo, Perkunus, & Potrimpus*, in ea sibi quercu locum vendicabant; reliqui enim tres Deastri, uti minorum gentium erant, ita Quercus ac sedes minùs nobiles occupabant: præsertim *VVurschkaitus & Svvaybratus*; quorum alter *VVidevutus* olim Prutenorum Rex, alter frater illius erat *Brudenus*, vel potiùs *Prutenus*; uterq; se in decrepita jam ætate, pro suorum omnium salute devovit; &, ut Deorum commercio jam fruituri, quemadmodum promittebant, suorum facilius maturiusque promoverent salutem, ultro se in pyram, è siccis lignis quernis accensam, jaçtantes, vivi absumpti, Deorum instar postmodum habiticultrique sunt. Ut autem, quæ de Idolis ipsis, præsertim verò de dictis Idolorum principibus memorantur, horrenda propè sunt; ita quæ de Quercu illa referuntur, & rara admodum, & mira. Si enim magnitudinem spectes, diameter ad sex omnino cubitos, sive geometricos pedes duodenos protendebatur; ut proinde ambitus ipse arboris (quem peripheriam geometræ vocant) ad cubitos octodenos seu pedes triginta sex necessariò protenderetur. Haud ignoro, vastiorem etjam fuisse quercum, quæ ante quinquaginta circiter annos corruit, juxta oppidum Welau in pago Oppen dicto; quæ (ut (b) Hennebergerus, non suo duntaxat, sed etjam Welaviensis Magistratus

(a) Psalm. 73. 6. (b) pag. 472.

tus testimonio probat ) non octodecim, sed viginti septem cubitos sive pedes quinquaginta quatuor, quoad ambitum complexa fuerit; ita, ut in ejus cavo (cavam enim intrò vetustas ipsa reddiderat) eques, quantumvis magno insidens equo, circumagere se in gyrum posset; quod & Albertus primus Prussiæ Dux, & filius ejus itidem Albertus fecerunt; sed, si quid mole suâ magnitudineq; cæteris, quercus *Rikejothanna*, certè nihil omnino aut specie, aut cultu, quo apud infideles eximia erat, ulli concedebat. Rami quippe, foliis ac frondibus, hieme juxta ac æstate (Dæmonum utique operâ atque industriâ interveniente) semper virentibus, mutuum inter se nexi, ut ne pluvia quidem perstillare ac pervadere usquam posset, triplici in altum nodo ac vertice, sive potius cono, in sublime ita tubercinabantur; ut una in quercu, tergemino Idolo, tergemina sedes, admodum commodè distincta esset. Primum in ea quercu locum tenebat *Potollo*, sive (ut alii veriùs, ipso Dæmonis nomine, Dæmonis artes putant expressas) *Pokollo*, seu *Pikollo*; cui promissa & cana barba, caput fasciâ candidâ, ad instar diadematis, redimitum; facie, quæ & hominem, & equum, & simul bovem referebat, pallidâ ac sursum prospectante. Tam monstruoso capiti, mortuorum hominum ac jumentorum capitibus, sacra fiebant, adjecto festis diebus sebo, sive adipe ollis ingesto. Si quis, maximè ex opulentioribus, sacra neglexisset, spectris nocturnis iterum atque iterum exagitatus est: quod si tertium spectra fuissent repetita, sanguine humano placari Dæmonium oportuit. Simuligitur atque flaminum, sive *VVaidoletorum* quispian, placandi illius causâ, sanguinem è suo sibi

corpo.



corpore elicit, Idolum, editâ sat validâ admurmuratione, reconciliatum se indicabat. Alterum locum tenebat in eadem quercu *Perkunnus*, fulminis (ut ipsum nomen, et jam Lituanis usitatum, indicat) tempestatumque ætherearum Deus habitus, igneam prorsus, & ira ardentem faciem præferebat, uti & caput flammis coronatum, & crispam innodemque nigri coloris barbam; cui perenni, & quidem è quercinibus, admodumque aridis lignis, accenso igne sacrificabatur. Quod si porro ignis aliquando fuisset extinctus, sacrificulus, cujus id oscitantia accidisset, capite facinus illud luebat. Tertium *Potrimpius* imberbi ac lætantium ridentiumque in morem liberaliter exporrectâ facie, referebat juvenem, caput viridante è spicis coronâ præcinctum. Ridebat enim Perkuni, torvum in se ruentis, sive immanitatem, sive vanam sine viribus iram. Et tamen huic quoque, ira scilicet miti ac mansueto numini, tum serpente, intra vas fictile, manipulis frumenti semper ad opertum, lacte à sacrificulis nutrito; tum cerâ & thure accenso; tum denique effuso innocentum sanguine infantium, sacra fieri necesse fuit. Idolis eum in morem Quercum insidentibus, quercus ipsa, æstate juxta ac hieme (quod vel hominum fascino, vel Dæmonum ope fieri creditum) semper virens ac vitidis, velis ac sipariis, septem cubitos in altum elatis, obtegebatur; Archiflamine (quem ipsi *Kirvvaito*, quasi Divum mentem, alii verò *Krivve*, denique alii, utroque nomine junctim *Krivve Kirvvaito* appellabant) & cæteris sacrificulis seu *Weidolatis*, è propinquo habitantibus: cæteris procul exesse jussis, tanquam profanis mortalibus;

bus; nec, nisi sublatis aut paulum remotis velis, cum iacra fierent, introspicere quandoque permittis.

Quercum istam, plus quam Dodonæam, tum Boleslaus Chobrus Poloniæ Rex, uti innuimus; tum quidam è Masovia Christiani, uti (a) Hennebergerus testatur, magis excussisse videntur, quam evertisse. Evertit verò, uti jam diximus, Joannes Varmienfis Episcopus, hujus nominis primus: qui cum Anno Domini M. CCC. LV. obierit, minimè dubitem, jam sub idipsum tempus, quo ferales illæ falforum numinum Quercus subruiebantur, LINDAM MARIANAM, quæ eversæ in Prussia Idololatriæ, Trophæum, atque monumentum deinceps perenne esset, viguisse ac floruisse. Neque enim minùs, ad evertendam in Prussia Idolomaniam crediderim valuisse Tiliam Marianam, quam ad edomandam ejusdem gentis barbariem ac ferociam, valuit illa in Prussia itidem Quercus, de qua Æneas Silvius (b) ita scribit: *Frates Theutones, quos S. MARIE diximus appellari, sumptis armis, brevi tempore, quidquid Prutenici juris circa istulam fuit, occupavere. Exin tranato fluvio, vetustam & latè patulam Quercum, in castelli modum erectis propugnaculis, iuxta ripam munierunt. Ibi collocato presidio, ultiores Prutenos vexare ceperunt. Pugnatum est sæpe pro Quercu, & ingentes paganorum copie fugatæ, ac deletæ sunt. Bellum pluribus annis productum est; ad extremum fortuna, Fratrum imperio arridens, omnem Præssiam eis subiecit. Victa barbaræ nationes iugum subiit. Non secus ad Tiliam Marianam non jam ferro, sed cælestibus armis, contra Idololatriam dimicatum; quoad tandem*

Prus-

(a) pag. 466. (b) Tomo I. corp. hist. Polon. pag. 5.



Prussia Christi jugum subiit, & DEIPARÆ Victrici, ab Ecclesia Catholica acclamatum est: *Gaude MARIA Virgo! cunctas hereses sola interemisti, in universo mundo.* Cui quidem Epinicio, cum S. Cyrillo Alexandrino hom. cont. Nestorium, ego libens volensque accino. *Sit etiam Tibi, sancta DEI Mater, laus. Per Te Trinitas sanctificatur. Per Te, Crux preciosa celebratur, & adoratur, in toto orbe terrarum. Per Te omnis creatura Idolorum errore detenta, conversa est ad agnitionem veritatis; atque in toto orbe terrarum constructa sunt Ecclesia. Te adiutrice Gentes, veniunt ad penitentiam. Quid plura? per Te unigenitus DEI Filius, vera illa lux, effulsit sedentibus in tenebris & umbram mortis.* Quemadmodum igitur, tum sub Joanne Zemisce, tum sub Joanne Comneno, Constantinopolitanis Imperatoribus, in imagine suâ, currui triumphali imposita (uti Zonaras tomo 3. & Nicetas Choniates memorant) Deipara Virgo de victis prostratisque gentibus barbaris, triumphum egit: ita postmodum in sua iidem imagine, de qua paulò post agemus, apud suam Tiliam Mariam jam olim triumphavit, & nunc, quamvis pessundatâ per sectarios imagine, triumphat: ut hæc quoque suo jure dici possit *Nicopæa*, quemadmodum & illa, quâ dicti Orientis Imperatores sunt usi. De qua præstata ea, quæ ex Carolo Quirino in Atlantis Mariani Idea, pag. 102. scribuntur, audire. *Nicopæa Imago, id est, victoriosa, quæ Venetiis in Ducali Templo servatur, ea est, per quam Iustinianus Vandalos, Iustinus Persas, Zemiscas Bulgaros, Comnenus Scythas, Narses omnes hostes domuit. Nec Zemiscas & Comnenus aliter triumpharunt, quàm quod imaginem hanc Currui triumphali gloriosè impositam, ipsi præierint; equo Zemiscas, Comnenus pedes.*

## CAPUT IX.

*Ad providentiæ divinæ rationes quodammodo pertinebat, de prostrata veterum Prutenorum Idololatria, quasi Trophæum super Tiliam Marianam statui.*

FUIT is, & est Sapientiæ ac Providentiæ divinæ mos, & quidam quasi genius aut indoles; ut ruinis ipsis sarciat ac restauret universa: & non tam nova condere, quàm, aut vetera ad meliorem revocare formam, aut novis quasi coloribus illustrare videatur. Ob eam causam (luber enim S. Gregorium Nazianz. de hoc argumento (a) differentem audire) Veteri Novum substitutum est; ac pro unaquaque rerumstrarum, unaquæq; res eius, qui nobis sublimior est, repenssa: novumq; mysterium factum est illa, quia per benignitatem contigit circa eum, qui per inobedientiam cecidit, dispensatio. Idcirco generatio & Virgo; idcirco præsepium & Bethleem. Generatio propter effusionem; Virgo, propter mulierem; Bethleem propter Eden; præsepium propter Paradisum. Sicut igitur hominem, qui non erat, condidit Deus: ita hominem, qui per peccatum miserrimè perierat, restauravit Homo-Deus: & sicut homo per fructum Arboris ceciderat; ita per fructum Arboris, cum cecidisset, fortunatissimè erectus restitutusque est. Qua de re, lactum præana, non sine gaudio, universa Ecclesia ita modulatur; (b)

De parentis protoplasti  
Fraude factor condolens,  
Quando pomi noxialis  
In necem morsu ruit  
Ipse lignum tunc notavit,

*Damna*

(a) orat. I. (b) in Hymno de Passione.



*Damna ligni ut solveret  
 Hoc opus nostræ salutis  
 Ordo depoposcerat;  
 Multiformis proditoris  
 Ars ut artem falleret;  
 Et medelam ferret inde  
 Hostis, unde laferat.*

Jam abunde spectavimus, quantopere veteres Prussiarum incolæ, vetus ille ab Orco proditor, per ligna & arbores dementârît; qui omnem vanissimorum idolorum cultum in arboribus fundârât; addecebat proinde sapientiam ac providentiam divinam ut veram religionem, & cultum sibi debitum, per Arborem in Prussia erigeret: & de Idololatricis Prussiarum quercubus, super tiliam, in Prussia itidem sitam, triumpharet. Unde hic quoque locum habeat, quod de Triumpho per lignum sanctæ Crucis peracto, eadem Christi Ecclesia sibi gratulatur, & divino numini gratias agit (a) quod, salutem humani generis in ligno Crucis constituerit; ut, unde mors oriebatur, inde vita resurgeret; & qui in ligno vincebat, in ligno quoque vinceretur. Oriebatur profectò in Prussia, è ligno mors; quando omnis veterum Prussorum Idololatria (quæ quidem nulla præsentior esse potest humano generi mors) in arboribus sita, majores ac firmiores in animis mortalium, quàm illæ ipsæ arbores in terra, uti spectavimus, radices egerat; addecebat proinde, ut per Arborem quoque vita resurgeret; & depressâ idolorum superstitione, orthodoxa per Tiliam Marianam religio atque pietas, firmissimas in animis eorum;

(a) in Prefat. de Cruce.

eorundem mortalium radices ageret. Quoniam verò mors, per arbores *oriebatur*, idcirco per easdem arbores, idem ille proditor, *in ligno vincebat*; & insolentissimos, super illas Quercus, non tam de Deo, quàm de miseris mortalibus, triumphos agitabat; par omnino videbatur, *ut etiam in ligno vinceretur*; & per Tiliam Marianam, tam de Idololatria, quàm de Idololatriæ ita fædæ authore, Trophæa statuerentur. Non desunt (uti Hennebergerus (a) testis est) qui Prussiam, cum Palæstina seu Terra sancta. comparari posse censuerint; tum ex eo, quòd, uti Palæstina in duodecim tribus, juxta numerum filiorum Israël, ita Prussia, juxta numerum totidem filiorum Witevuti Regis in dyodecim provincias divisa sit; tum multò etiam magis ex eo, quòd, uti Palæstina, ita etiam Prussia, ob mellis, butyri, & lactis, omniumque frumentorum ac rerum copiam atque ubertatem, *Terram melle, & lacte fluens*, ad mentem vel phrasin S. Scripturæ, dici potuerit; uti quidem olim eadem de causa Germanis, regio adipis seu abdominis, vulgo *Schmâtgrub* dicta fuit: fortasse etiam non deerunt, qui vel ob fluminum, fontium, & lacuum copiam tantam, quantam alibi vix inveniant (ita ut lacus, quorum minimus quatuor mansos, sive millia jugerum sedecim amplitudine suâ complectatur) bis mille triginta septem numerentur) cum Pentapoli (quæ, ut sacræ literæ (b) memorant, *universa irrigabatur*, priusquam subverteret Dominus Sodomam & Gomorram, sicut Paradisus Domini) conferri posse censeant: ego, si qua cum Paradiso, etiam terrestri, institui com-

D

para-

(a) in libro de veteribus Prutenis. (b) Gen. 13. 10.



paratio potest, non aliò, quàm ad Lindam Mariānam respexerim, quæ quasi *Lignum vitæ*, in medib, ut vidimus, Paradisi istius posita, ad totius provinciæ, quin & aliarum quoque gentium salutem, uberri-  
mos, tot jam seculis, fructus profert. Quod enim de ipsa Deipara Virgine Concilium Ephesinum (a) dixit, dici etjam de Linda Mariana quadantenus potest. *Maria in unum nos coëgit. Hæc impollutus, & purus ille impolluta Virginitatis Thesaurus, decus, & ornamentum: hæc spiritalis secundi Adami Paradisus.* Et quantos, quælo, cuneos mortalium in unum apud Lindam suam toties cogit? & cui non aut impollutum Virginitatis thesaurum, aut spiritalem secundi Adami Paradisum aperit? ut proinde illud quoque Damalceni (b) locum hîc habeat; *Hodierno die Eden, spiritalem novi Adami Paradisum, suscepit; in quo condemnatio abrogata; in quo Lignum vitæ constitum, in quo nuditas nostra contexta est: Quin & illud Ecclesiæ Græcæ in Menæis 3. Januarii. Tu, ô undique immaculata, tanquam lignum vitæ, Christum germinasti, qui omnibus ad vitam aperuit aditum (c) Denique & illud Canticorum (d) Emissiones tuæ paradisus. De quo quidem Emissionum Paradiso Ruperrum infra (e) audiemus Philosophantem.*

## CAPUT

(a) cap. 7. (b) Orat. 2. de Dormitione B.V. (c) οὗ γὰρ πανάμωμε, ὡς ζωῆς τὸ ξύλον, Χριστὸν ἐξήγαγας, τὸν τὰς εἰσόδους τῆς ζωῆς πᾶσι γνωρίσας. (d) cap. 4. 13. (e) lib. 1. cap. 26. sub finem.

C A P U T X.

*Ad eandem providentiæ divinæ rationes videtur pertinuisse, ut Ecclesia Christi in Prussia recens plantata, per Deiparam, & sacram ipsi Lindam foveretur ac propagaretur.*

POSTEAQUAM Christus Dominus, Ecclesiam per se, discipulosque suos in terris plantatam, deferere, & decurso peregrinationis suæ stadio, cælis sese red- dere, ad dexteram Patris æterni confessus, necesse quodammodo habuit; mirum videri poterat, quid ita Deiparam Matrem suam, in eodem peregrina- tionis terrenæ stadio reliquerit! longè enim verò di- gnissima, & jam olim merita illa erat, ut illos à morte resurgentium, Matth. 27. 53. & triumphali pompâ simulcum Christo ascendentium cuneos, Psalm. 67. 19. non comitaretur modò, verùm & longissimo an- teverteret intervallo. Verùm cæ tum caritatis, tum providentiæ divinæ erant rationes, ut Filio recens plantatam in terris Ecclesiam deferente, Mater nec- dum desereret; quin imò vicariam quod antenus o- peram navando, teneras, & vixdum fixas humi plan- tas, solidaret. Apostoli (inquit ad veterum Patrum mentem in Historia Deiparæ Christophorus de Ca- stro cap. 18.) Feliciter secum actum existimabant, omnes, quòd JESU ad dexteram Patris confidente, Mater eius in terris superstes remaneret; cuius precibus germinans pro- moveretur Ecclesia, consiliis inuaretur, ac denique docu- menti erudiretur. Et S. Brigitta in sermone Angelico cap. 19. Ascendente Filio ad suum Regnum, VIRGO MARIA in hoc mundo ad bonorum consolationem & errantium correctionem, remanere permissa est. Erat enim Magistra Apostolorum, confortatrix Martyrum, Doctrina Confesso-



rum, clarissimum speculum Virginum, consolatrix Viduarum, in coniugio viventium saluberrima monitrix, atque omnium in fide Catholica perfectissima roboratrix. Apostoli namque ad se venientibus, omnia, quae de suo Filio perfecte non noverant, revelabat, & rationabiliter declarabat. Et longè antè Euleb. Emissenus, vel alius sub hoc nomine, Ierem. 2. Omnia verba haec in corde suo ideo conferebat, nobisque conservabat, & memoria mandabat, ut postea ipsa docente, ipsa narrante, & nuntiante scriberentur, & in universo mundo predicarentur, cunctisque nationibus nuntiarentur. Ab ipsa haec Apostoli audierunt, & ipsa dictante scripserunt, nobisque legenda mandaverunt. Nam, uti S. Ernestus primus Pragensium Archiep. cap. 143. sui Marialis scribit, Maria omnium Sanctorum humillima, multò meliori modo quam Paulo, data est gratia, evangelizare investigabiles divitias gratiae Christi; & illuminare omnes, quae sit dispensatio sacramenti absconditi à saeculo in DEO: ut innotescat Principibus & Potestatibus, in caelestibus, per Ecclesiam multiformis sapientia DEI. Denique non desunt è lectariis, qui eam Deiparae laudem haud negent. In Chronico Carionis, per Melancthonem & Peucerum aucto, ad XLIII. Christi Annum, cum de morte Deiparae memorant: Fuit ergo, inquiunt, superstes post Resurrectionem Filii annos aliquot, & vidit initia Ecclesiae eius temporis, multa ingentia miracula & supplicia Sanctorum: & consiliis suis rexit Apostolos. Sed & ipsi Apostoli ceterique Discipuli omnes, eam Deiparae, ex huius vitae statione decedenti, unà voce laudem tribuerunt, si quidem fides Ecclesiae Graecae tribuenda est; & quidni, nisi ab improbis & perfidis, tribuatur? Sic enim in Menæis  
(a) ipsam

(a) ipsam Deiparam alloquuntur. Aderant inter Discipulos, Dionysius Areopagita, Hierotheus quoque ac Timotheus, uti antistites intelligentiâ rerum divinarum illustres. Hi omnes Virginem ad hunc modum allocuti sunt. Te, ô Domina, in hoc mundo degentem, non secus, atque ipsum Dominum & Magistrum nostrum, intuentes, solatio & gaudia affluebamus. Quod si patrocinium DEIPARÆ, tantopere fuit utile, ut necessarium videri posset universæ Christi Ecclesiæ, quid ni & recens in Prussia fundatæ? præsertim, cum DEIPARÆ ope, per Marianos Theutonici Ordinis Milites potissimum esset plantata? Ergo, cum aliis pluribus in Prussia locis, tum verò apud Lindam Marianam, quasi quoddam gratiarum Tribunal Deipara fixit; quò omnibus latè pateret aditus; & tantum inde quisque caperet beneficiorum, quantum ad sua, vel potius DEI Deiparæque vota laxasset animorum sinum. Si enim perinde prompti paratique ad capiendum essent animorum nostrorum sinus, atque effusæ sunt ad largiendum benignissimi in nos Numinis manus, nusquam tot modis ac viis, quibus DEI in nos beneficia redundant, esset opus. Verùm enim verò, ut ii, quibus palatum, vitio aliquo obbrutuit, variis ad excitandam orexin condimentis cupediisque opus habent; ita nobis ad accendenda rerum divinarum vota, laxandosque ad beneficia sinus, opus est aliquo bonorum irritamento. S. Salvianus lib. 2. ad Eccles. Cathol. Extendit Deus super spes nostras, munera sua; & quod est maximum ac rarissimum, dona illius etiam tua vota

D 3

ta vi-

(a) σὲ, δέσποινα, μένουσιν ἐν τῷ κόσμῳ, ὡς αὐτὸν τὸν θεὸν τὴν ἡμῶν καὶ διδ' ἁσφάλον βλέποντες προεμυδάμεθα.



sa vicerunt. Et Basilii Seleuciaꝝ orat. 2. Parturiens beneficentia sua munera & habere clausum penes se thesaurum impotens, non est contentus prioribus, neque rebus antè dilargitis sua dona circumscribit. Quod cum per se facere posset, plerumque per Sanctos, ac potissimum per B. V. facit, juxta illud Cant. 5. *Manus eius tornaciles*, sive, ut alii legunt: *Manus eius sphaera caelestes*: quia per cælites, non secus ac per sphæras cælestes donorum suorum influxus effundit, maximè per B. V. quia, ut S. Anastasius Synaita lib. 3. Hexam. ait, *versatus est Christus cum proprio orbe, nempe cum MARIA*. Placuit igitur supremo Numini ad orexin rerum divinarum in mortalibus identidem excitandam loca certa beneficiis divinis illustria, eorundem oculis objicere; ut eorum locorum, beneficiorumque in iis divinitus concessorum, fulgor, primùm quidem oculorum, tum verò intimam animorum perstringeret aciem: mortalesque cognoscerent, quò, & ad averruncandos corporis animique morbos, & ad postulanda cumulatisimeque haurienda, Divinæ liberalitatis, beneficia sese reciperent. Quo autem consilio, vel potius, quâ causa, hoc aliòve potiùs loco istos liberalitatis beneficentiæque suæ aperiat fontes, quis vel divinando edisserat? *Ubi quidem Deus est*, inquit more suo gravissimè sapientissimeque D. Augustinus (a) & nullo continetur, vel includitur loco; verum amen ad ista, qua hominibus visibiliter nota sunt, qui potest consilium eius perscrutari, quare in aliis locis hac miracula fiant, in aliis locis non fiant? Multis enim notissima est sanctitas loci, ubi B. Felici Nolensis corpus conditum est; quod voluit,

(a) Epist. 137.

voluit, ut pergerent; quia inde vobis facilius fideliusq[ue] scribi potest, quidquid in aliquo eorum fuerit divinitus propositum. Nam & nos novimus Mediolani, apud memoriam Sanctorum, ubi mirabiliter & terribiliter Dæmones confitentur, furem quendam, qui ad eum locum venerat, ut falsum iurando deciperet, compulsus fuisse confiteri furtum, & quod abstulerat, reddere. Nunquid non & Africa Sanctorum Martyrum corporibus plena est? Et tamen nusquam hic scimus talia fieri. Sicut enim, quod Apostolus dicit, non omnes Sancti habent dona curationum, nec omnes habent dijudicationem spirituum; ita nec in omnibus Memorii Sanctorum ista fieri voluit, qui dividit propria unicuique, prout vult. Sicut igitur in confesso est, nulli aut loco aut rei creatæ divinam obstringi sive potentiam, sive beneficentiam (neque tamen prohiberi, quo minus certis sive sanctis cælitibusque suis, sive etiam locis ab se delectis, certas quasi addicat benefaciendi opitulandiq[ue] facultates) ita pariter, hoc etiam (uti Cottonus (a) inquit) concedi oportet, ibi esse DEI beneficia & caelestia dona querenda, ubi illa benignè ostentat; & ubi magnificentius, suas fontes humanitatis & liberalitatis aperit: idque sine ullo metu erroris atque fraudis; cum ea loca, aut calites honorantur, quos ipse DEUS suis muneribus & favore insigniter cohonestat.

(a) lib. 2. instit. cap. 24.



## CAPUT XI.

*Deipara Virgo, eodem fere tempore, Catholicam religionem, ex Oriente, tum in alias Occidentis Provincias, tum in Prussiam quoque translata, per suam Lindam Marianam, aliq, sibi sacra loca fovet, ac singulariter provehit.*

**S**olenne omni ævo fuit, & est, supremo Numini illud Ecclesiastici (a) plus quàm politicum axiomaz: Regnum à gente in gentem transfert, propter iniustitias, & iniurias, & contumelias, & diversos dolos. Spectari hoc potuit, tum in tot, & tantis seculi hujus regnis; tum in ipsa quoque, quæ DEI regnùm est, Ecclesia. Quoties hoc Regnum, vel intra novi fæderis ætates translatum? Quoties illud Matthæi (b) non tam verbo, quàm ipsâ re ingeminatum: *Auferetur à vobis Regnũ DEI, & dabitur genti, facienti fructus ejus?* Quoties, ut disertissimi, inter Judæos, Philonis utar verbis, *Verbum DEI choros duxit, & adhuc ducit?* Ecce iste venit (deceat enim translatos hosce, ab extremis Orientis finibus, in Prussiam usq; choros, in divino Salomonis dramate (c) quasi ob oculos nobis positos admirari) *Ecce, inquã, iste venit, saliens in Montibus, transiliens colles!* venit profectò, *saliens in montibus*, quando per tot, ac tantras Orientis Ecclesias, Montium instar, supra fundamentum Apostolorum, Orientaliumque Doctorum ac Patrum, in sublime erectas, per tot secula triumphabat: venit postmodum *transiliens Colles*, quando plerasque earundem Ecclesiam (quæ per hæreses & schismata, nusquam uberius, quàm in Oriente semper provenientia, è Montibus in Colles detu-

(a) cap. 10. (b) cap. 21. 42. (c) Cant. 2. 6.

detinuere) *transiit*; & Regnum DEI, inde ablatum, *dedit genti facienti fructus eius*. Factum id, tum anterioribus ex parte temporibus; tum verò maximè duodecimo *Ævæ* Christianæ seculo, quando ob per-  
vicacissimum Photii, aliorumque Græcorum, jam quaterdecies ab inito cum Ecclesia Romana consensu concordiaque resilientium, fœdissima schismata, sive ob innexas inclusasque schismati *iniustitias, & iniurias, & contumelias, & diversos dolos*, tum contra omnes Latinæ Ecclesiæ Ordines, tum, vel maximè, contra Pontificem Romanum, vanissimè consutos, Orthodoxa in Oriente Ecclesia, per succrescens imperium Sarracenorum, aut penitus extincta est, aut extinctæ similis videri potuit. Tametsi enim variis, cum cæterorum barbarorum, tum eorundem Sarracenorum cladibus, Ecclesia Imperiumque Orientis, fuit anterioribus temporibus attritum, utcunque tamen aliquandiu stetit; præsertim Regum ac Principum Occidentis sussultum armis, & Gothofredi Lotharingi aliorumque Jerosolymæ Regum (qui sub *m. xx.* Christi Annum, Jerosolyma, Palæstinamque recêpere, uti testis oculatus Gulielmus Tyri Archiepiscopus (4) memorat) viribus ac virtute firmatum. At ubi etiam tum, *iniustitia, & iniuria, & contumelia, & diversi doli*, exundârunt; & secundùm cæteras Christianorum arces, ultima quoque Ptolemæis, vulgo *Acon* (quæ postremum Christianis receptum apud Phœnicem dederat) per deditionem in manus barbarorum venit, translatum est de gente Orientis, ad extremam propè Occidentis in Prussia gentem, *DEI*

D 5

Re-



Regnum. Mariani enim Milites Ordinis Theutonici, qui & toto illo Belli sacri tempore, maximum rei Christianæ momentum attulerant, & postremi deinceps Ptolemaida fortissimè defenderant, occupatâ tandem à barbaris urbe, primùm Venetias, deinde in Germaniam, aliasque Europæ Provincias & Regna ac denique in Prussiam, uti memoravimus, transgressi, Religionem, & Ecclesiam Christianam secum in Prussiam traduxerunt. Quoniam verò iisdem temporibus, præter institutos, à S. Dominico, & S. Francisco, aliisque quibusdam, Regularium Ordines ( qui Ecclesiam occidentalem totumque adeo orbem, uti vel unicus S. Dominicus in catello facem præferente per visionem divinam præfiguratus docuit, illustrârunt ) ad fundandas vel stabiliendas in Occidente Ecclesias, pluribus locis sacra Deiparæ loca atque Aedes, coruscare miraculis ac beneficiis divinis cæperunt; ne quid ea ex parte, plantatæ apud Prutenos Ecclesiæ deesset, abunde succursum est per Lindam Marianam; è qua, cum Deiparæ Virginis cultu ac veneratione, Religio Christiana, miraculis inclarescere, proindeque & per universam Prussiam latissimè diffundi cæpit. *Miracula enim sunt introitus ad fidem, uti præclare (a) asseruit D. Augustinus: qui etiam (b) contra Epist. Manich. non dubitavit scribere, Catholica Ecclesia auctoritatem Miraculis esse inchoatam, verustate fundatam: & alibi (c) palàm ait, Culmen auctoritatis obtinuisse Ecclesiam Catholicam; Hereticis Miraculorum maiestate damnatis. Et sanè, par*

(a) lib. 9. Confess. (b) cap. 4. (c) lib. de utilit. credendi cap. 17.

omnino videbatur, ut novellæ apud Prutenos Ecclesiæ, vixdum fixæ radices; illo Miraculorum beneficiorumque divinorum imbre rigarentur; cum is eo ipso tempore, Ecclesiis per Italiam, Hispaniam, aliasque orbis Christiani Provincias, uberrimè afflueret. Sub illud enim tempus, Anno circiter M. cxcxi. ( ut ex Illyricis Annalibus Turfelinus (a) memorat, Domus Lauretana, haud dubio Angelorum ministerio, inde usque à Galilæa, mirum dictu audituque ! per ingentes terrarum marisque tractus (quippe id spacium patet amplius vices centena passuum millia) in Dalmatiam primùm, paulò verò post in Italia aliquot subinde locis consedit, quoad demum Lauretæ apud Picanos, summo Ecclesiæ Occidentalis, totiusque Europæ bono, stabilem fixit sedem. Subidem quoque tempus (quo natalis B. Virginis domus Italiam) Belgium Ædes Divæ Hallensæ sacra, Christianam rem, miraculis juxta ac beneficiis ornare incepit. Nam cum S. Elisabeth Andree Regis Hungariæ (qui Anno M. ccli. Lipsio teste (c) vixit) filia, filia itidem suæ Sophiæ è Ludonico Hassiæ Landgravio susceptæ, Henricoque Brabantia Ducideinceps nuptæ, inter alia maternæ pietatis munera, statuas aliquot Virginis Deiparæ reliquisset; Sophiæ Machtildem mariti sui sororem, Machtildis verò, sub Annum M. cclxvii. unâ earum statuarum Hallense Templum apud Hannonios; statuâ verò illâ, aut potius per statuam, magna Dei parens, non modo Hannonios, Belgiumque universum, verùm & reliquas Europæ Provincias, plurimis maximisque benefici-

(a) *Hist. Laur. lib. I. cap. 2.* (b) *cap. 2.*



neficiis donavit, & ad hanc usque diem cumulatè ex  
 eo tempore donat. Quanquam enim ante Annum  
 Domini M. cccc. pauca literis consignata queratur,  
 quin & indignetur Lipsius (a) *Multa tamen evenisse,*  
*vel è tam frequenti Divæ Hallensis cultu, quem non nisi be-*  
*neficiis & miraculis probabile est provocatum,* idem Li-  
 psius opinatur. Adhæc, sub eadem tempora, miracu-  
 lis & divinis beneficiis (quæ Ottho Zilius libris qua-  
 tuor est complexus) apud Silvaducenses in Belgio,  
 statua B. Virginis rem Christianam singulariter pro-  
 movit. Licet enim Zilius (b) ante M. ccc. lxxx An-  
 num, pauca Divæ Silvaducensis, quæ memoret, inve-  
 nerit miracula, non tamen desunt, ut ipse quoque asse-  
 rit, *qui miraculorum Silvaducensium primordia, Anno*  
*Christi 1380. vetustiora existiment.* Sed & apud Fran-  
 cones in Germania, Weyerensis Deiparæ Ædes, in  
 Babebergeni Diæcesi sita, haud procul iisdem tem-  
 poribus, Germaniam, vicinasque Provincias, quæ  
 miraculis, quæ eximiis ingenus humanum beneficiis,  
 illustrare atque ornare est aggressa. Tametsi enim  
 Ecclesia illa, jam ante ab Ottone I. Deiparæ extru-  
 cta, & paulò pòst ab ejusdem nepote Ottone II.  
 Bambergensi itidem Episcopo, secundum D. Ber-  
 nardi obitum, Anno Domini M. clxxxviii. Ordini  
 Cisterciensi addicta fuerit, uti Fornerius (c) author  
 est; nihilominus haud tatis constat, utrum ipsis fun-  
 data Ecclesiæ primordiis, an succedentibus tempo-  
 ribus (quando videlicet Ziscano illo Taboritarum  
 aliorumque Hussitarum furore excisa, postliminio  
 fuit restructa) clarescere miraculis occæperit. Deni-  
 que,

(a) cap. 6. (b) lib. I. cap. 4. (c) lib. I. cap. 5.

que, ne plura ad idem institutum necesse sit aggerere (nam, ut Bohuslaus Balbinus (a) de B. V. Warrensi scribit, Anno 1280. *Cellensis Virgo suam ingressa est Cellam, & Vilvordia Diva Consolatrix, aliæque in Bataria complures eâ tempestate se prodidêre miraculis, ipsa-que adeo Warrensis, ut idem in fronte libri ait, miraculis ab Anno M. CC. illustrata est*) circa eadem tempora, simul ac Religio Christiana caput in Prussia extulit. At inter plurimas magnæ DEI Matri consecratas ædes, duæ mihi videntur præ cæteris fuisse eximias; altera quidem Gedani, apud Lindam verò Marianam altera. Illa, ut fortè nullis olim claruerit miraculis (quis enim illa eruendi copiam habeat, quæ hæreticorum furor, supra unius jam seculi interval- lum, aut penitus subruit, aut vecorde suppressit diligentiâ?) claruit tamen, tum eximia fabricæ operis-que amplitudine & majestate, de qua cum plerisque Europæ basilicis et jamnum queat contendere; tum minimè vulgari tantæ urbis erga Deiparam studio atque pietate; ob quam, sicut ipsa à Deipara nomen fuit sortita, ita propinquo urbis vico, qui vulgo *Dominæ nostræ platea* dicitur, appellationem dedit. Jam verò altera hæc nostra apud Lindam, licet magnitudine ac mole cæteris faciliè cedat, miraculis tamen, ac singularibus DEI Deiparæque beneficiis, quibus & olim Catholica religio fundata firmataque est, & nunc firmatur, plerasque, ne dicam omnes alias in Prussia sitas, longè antevertit. De quibus cum uberius deinceps sit agendum, satis nunc erit de Diva Lindensi, quod Ecclesia Græca universim de Deipara ca-

(a) lib. I. cap. 6. §. 2.



ra canit (a) conversâ ad illam oratione, usurpare. Miraculorum tuorum fulgore, quo eximie tuis preluces, dolorum & tribulationum fuliginem dissipas, internamque hilaritatis lucem illis expandis, qui magnis omnino laudibus Te, velut DEI Matrem, colunt.

## CAPUT XII.

*Deipara Virgo, pro ea, quâ apud DEUM & potestate & dignitate excellit, Lindam in Prussia, gratiis ac beneficiis ab se distribuendis, opportunitatem delegit sedem.*

Piè omnino, nec minùs verè, Pius II. Summus Pont. in aureo calice, quem B V. Lauretanæ dicârat, hoc epigrammate calici eidem inscripto (sicuti author est Tursellinus (b) Deiparam ita alloquitur: *Pia DEI Genitrix. Quamvis tua potestas, nullis coarctetur finibus, ac totum impleat orbem miraculis; tamen, pro voluntate, sapius uno loco magis, quàm alio delectari; & Laureti Tibi placitam sedem, per singulos dies innumeris signis & miraculis exornas, &c.* Possemus & nos propè paria, apud Lindenlem Deiparæ sedem, vota appendere. Quod enim potestatem & beneficentiam, quam eo loco spectamus, attinet; nullis prorsus arctatur finibus; ut non in curia, cum dignissimo Lipsii discipulo Erycio Puteano (c) de Diva V. Bellifontana, dicere nobis liceat; *Virgo DEI Mater, aliquid habere DEI capit, postquam ad calum & Filium evecta est; divina clementia & bonitatis radios, in cultores suos, liberali*

(a) ὑπερασφάλτισσα πᾶσι, τῶν θαυμάτων τῇ αἰγλῇ τῶν σῶν, τῶν τῶν παθῶν ἢ θλίψεων ἀπελαύνεις ὁμίχλιν, ἢ ὥς τῆς εὐφροσύνης νοητὸν ἐφαπλοῖς, τοῖς μητέρα θεῶν μεγάλυνον. (b) lib. I, cap. 26. (c) cap. I.

vali quodam lucis fonte derivans. Quæ ubique beneficia,  
 dona, thaumata? Aut fallor, aut hæc omnia pietatis possis  
 præmia appellare: vel cum Friderico Fornerio de B. V.  
 Weyerensi (a) Quis vel pessimus. & corruptissimus, &  
 serpentis semine oriundus hæresiarcha, calcaneo honoris be-  
 nedictæ DEIPARÆ, tam venenato morſu insidietur, ut  
 ausit inficias ire, præpotentem DEUM, Matrem suam, Di-  
 vina majestatis potestatisque sociam, quatenus & licebat,  
 & humana capacitas natura admittebat, in imperſcruta-  
 bili consilio suo, iam à primordio conditorum seculorum,  
 adſciuisse? Quæ, sicut & plura in eundem sensum à  
 dignissimo Antistite Fornerio dicta, simulque illas  
 aquarum, fontiumque scaturigines, quæ tum apud  
 Weyerensem, tum apud Lindenſem Deiparæ Æ-  
 dem perenni sese cursu evolvunt, dum contempla-  
 mur; subit pariter in mentem id, quod S. Bernardus  
 de Vena illa celesti per Aquaductum descendente nobis  
 scriptum reliquit. Advertisti iam, ni fallor, inquit ille  
 (b) quem velim dicere Aquaductum; qui plenitudinem  
 fontis ipsius de corde Patris excipiens, nobis edidit illum;  
 sed, si non prout est, prout capere poteramus. Unde post-  
 modum mero melle Bernardi stylus, pro more, flu-  
 ens, ita caulam absolvit: Altiùs ergo intueamini, quanto  
 devotionis affectu, à nobis eam voluerit honorari, qui totius  
 boni plenitudinem posuit in MARIA: ut proinde, si quid  
 spei in nobis est si quid gratiæ, si quid salutis, ab ea noveri-  
 mus redundare, quæ ascendit deliciis affluens. Toti ergo  
 medullis cordium, totis præcordiorum affectibus, & votis o-  
 mnibus, MARIAM hanc veneremur; quia sic est voluntas  
 eius, qui totum nos habere voluit per MARIAM. Totum  
 omni-

(a) lib. I. cap. I. (b) serm. de Nativit. Maria.



omnino voluit nos habere per **MARIAM**, summus ille bonorum omnium largitor Deus; quia (ut Petrus quoque Damiani (a) verissimè pronuntiavit) *Per ipsam, cum ipsa, & in ipsa, totum hoc faciendum decernitur, ut sicut sine ipsa nihil factum est, ita sine illa nihil refectum sit.* Quod, quo pacto verissimè, ut diximus, à tanto viro dictum scriptumque sit, idem ipse alibi (b) Deiparam alloquens ita explicuit. *Amas nos, amore invincibili, quos in Te, & per Te, Filius Tuus, & Deus Tuus, summâ dilectione dilexit. Qui scit, quoties refrigeras Iram iudicis, cum iustitie virtus à presentia Deitatis egreditur! in manibus Tuis sunt Thesauro miserationum DEI; & sola & electa, cui tanta gratia conceditur. Unde non majore audaciâ, quàm pietate & fiduciâ paulò antè præmiserat. Quomodo illa potestas, scil. divina, Tuae potentie poterit obviare, quæ de carne Tua, carnis suscepit originem? Accedis enim, non solum rogans, sed imperans; Domina, non ancilla. Et Bernardus iterum (c) Data, inquit, est ei potestas in celo & in terra; & in manibus eius vita. Quam Deiparæ potestatem, Græca Ecclesia universa, appellat maternam libertatem, & quasi licentiam, quæ in filium Matri, jure suo, competit. Sic enim in Menæis 18. Januar. ad Deiparentem, interprete VVagnerreckio, precari solita. O, quæ Mater dignam, quidlibet à Filio postulandi, auctoritatem habes; rogamus Te, ut generis nostri, quod Tibi cognatum est, curam ne deseras. Nam Te solam, nos Christiani apud Dominum,*

(a) sermone de Annuntiatione. (b) sermone I. de Nativit. Virg. (c) sermone 1. supra Salve Regina.

num, pro singulari, ad clementiam nobis exhibendam, illecebrâ usurpare solemus. (a)

Cæterum, præter novellæ apud Prutenos Ecclesiæ, summas, uti constat, necessitates, quæ alia DEIPARAM causa permoverit; ut suum illud tantæ potestatis juxta ac gratiæ pietatisque Tribunal, apud suam in Prussia Lindam collocaret, quis vel divinando edisserat? si qua tamèn via, DEI, Deiparæque consilium, vel obiter rimandi, patere cuiquam potest, fortasse nonnemo apud se statuet, Deiparam suæ in Prussia Tiliæ, de qua paulò pòst erit differendum, tum specie quodammodo eò invirata, tum indole. Exaltatur alicubi DEIPARA (simul atque in populo honorificato, uti ipsa (b) gloriatur, radicavit) quasi Cedrus in Libano: alibi fortasse, quasi Cypressus in monte Sion: alibi, quasi Palma exaltata in Cades & quasi plantatio Rosæ in Iericho: alibi verò. Quasi Oliva speciosa in campis, & quasi Platanus exaltata juxta aquam in plateis. Prussia neque Cedrorum, neque Palmarum, neque aliarum id genus ferax est arborum, quæ DEIPARÆ virtutes, patrocinium, ac potentiam divinæ proximam, ipsâ suâ facie ac formâ, quasi ob oculos nobis statuunt, aut non leviter adumbrent. Par igitur videbatur, ut Deipara apud suam in Prussia Lindam exaltaretur quasi Tilia; cujus quidem Tiliæ feracissima est Prussia. Et tanè videtur, inter jam memoratas, aliasque ferè omnes arbores Tilia, vel ipsa ex-

E

teriore

(a) μητρικῶ παρρησίαν, τὴν πρὸς τὸν ὕδιν οὐ κεκτημένην, συγγενὲς προνοίας τῆς ἡμῶν, μή παρ' ἰδης, δεοµεθα. ὅτι σὲ μόνην χριστιανοί, πρὸς τὸν δεσπότην ἱλασµὸν εὐμενῆ προβαλλόµεθα. (b) Eccli. 24. 16.



teriore formâ ac specie suâ, non postremum Deiparæ symbolum atque effigies esse. Si enim magnitudinem spectes, facilè Tilia cæteris cum arboribus, de sublimitate, proceritate, & vastitate contendet; atque ita eminentem, inter omnes omnino cælites, Deiparæ excellentiam adumbrabit; & quasi tacitâ voce, cum Ecclesia Græca, Angelum, in S. Damasceni cum Deipara dialogismo, imitando exclamabit (a) *Salve ô Altitudo, ad cuius fastigium supremum, cogitationes hominum ascendere nequeunt. Salve profunditas, cuius subtilem recessum nec quidem acies Angelica penetrat.* Si verò spectes aut foliorum, in orbem latè crispantium atque ferratorum; aut frondium, in gyrum densè juxta ac prolixè sese sinuantium virorem, vigorem, atque elegantiam; si gratissimæ desideratissimæque æstivos inter ardores umbræ amplitudinem & gratiam; vix ulli arborum Tilia cedit; ut mortalium ad Deiparæ rutelam sese recipientium exprimat, fiduciam, & ad carmen, quo Balduinus Cabillavus Indiam alloquitur, ingeminandum excitet.

*Parce queri; tibi Palma Ceres, tibi palmes Iacchus*

*Mundus opum est Arbor unica, & omne penu.*

Neq; enim minus subsidii Tilia Mariana, humano præbet generi, quàm Palma Indica; quæ, cum unica sit Arbor plurima tamen omnibus Indiarum populis vitæ subsidia ministrat. Si insuper Ligni ipsius, ad quodvis opus facillimè adhibendi candorem, vel ténacitatem, omnis experrem terebinthi, contempleris;

(a) Χαίρε ἡ ὕψος δυσανάβατον ἀνθρωπίναις λογισμοῖς, χαίρε βασις δυσφωρητον καὶ ἀγγέλων ὀφθαλμοῖς. In Menais 25. Martii.

ris; triumphabit planè inter arbores Tilia, ut incredibilem Deiparæ puritatem, sanctimoniam, & ab omni, et jam originalis peccati teredine, eximiam immunitatem demonstret. Quid, quod invictum Leonis robur, quod neque quercu, neque ullo alio ligno, quin nec ære, aut ferro frangi potest, Tiliæ ligno frangatur? Leonem enim frangere, si vis, caveæ è Tiliæ lignis paratæ include. Quod quo pacto ad Lindam Marianam referre queas, docuit de Resselienſibus Poëtis quidam, qui Anno M D C L I. ita Christum de Tribu Juda Leonem descripsit:

*Vidi ego detentos Tiliæ sub corte Leones;*

*Et vidi aratas comminuisse seras,*

*Quid causa est! ferri quos non tenuere columnæ,*

*Hos fragilis Tilia structa cataſta tenet!*

*Virgine nata Puer, puerili infirme ululatu*

*Attamen è Iuda diceris eſſe Leo,*

*Non potes è ferro firmato poſte teneri,*

*Apta Leoninos Linda tenere ſinus.*

Denique, ut mellei roris dulcedinem & copiam, ut ſingularem odoris fragrantiam, aliaque plurima, plurimarum Deiparæ excellentiarum ſigna atque ſym-bola miſſa faciam, ſi oculos in ipſum Tiliæ extimum corticem velis conſpicere, inuenies tam in ſe uno varium ac multiplicem, tam copioſè fiſſilem ac flexilem, tam ſupra arborum morem, membranis, tunicis, phyllis que tenuiſſimis (etiam coronarum, ut Plinius (a) inquit, *lemniſcu*, antiquorumque honore celebris) inter ſe, lignumque ipſum, coactis abundè di-vitem, ac locupletem; ut ſcilicet omnium, qui in Dei-

E 2

paræ

(a) lib. 16. cap. 14.



para fuit; complexum, catenamque virtutum, humili  
verecundiâ & verecundissimâ humilitate, decentis-  
simè oblectam exhibeat. Unde in rem nostram S.  
Ernestus primus Archiep. Pragensis nuperrimè pri-  
mum editus. Cap. 43. Marialis: *Non fuit, inquit, talis*  
*Arbor sub calo sicut Maria; nec talis fructus super calos, sic-*  
*ut fructus eius. De Arboribus bonis quedam sunt, quarum*  
*gratia præcipue est in Radice, aliarum in Ligno; aliarum in*  
*resina; aliarum in medulla; aliarum in ramis; aliarum in*  
*floribus, aliarum in foliis, aliarum in fructibus, aliarum in*  
*semine. Ista autem Arbor tota est plena gratiâ, & ex omni*  
*parte utilis, laudabilis & fructuosa! Neque enim Tilia*  
*Mariana, illa, de qua Calcagninus fabulatur, Buxus*  
*est, quæ, à Natura ad Jovem oratrix missa, ut virorem*  
*perpetuum herbis arboribusque cæteris impetraret;*  
*non communem, sed privatam, & suam unius cau-*  
*sam egit; ac post longas preces, ut æternæ viriditatis*  
*munere ac prærogativâ gauderet, exoravit. Verùm*  
*reversa domum, tum apud cæteras arbores maxi-*  
*mam incurrit invidiam; tum ab ipsa quoque Natura,*  
*communi omnium parente, sempiternâ sterilitate*  
*est damnata: quin, multo æquius de Tilia nostra ca-*  
*nas, quàm de Magnevi arbore, in nova Hispania, ce-*  
*cinerit idem Balduinus.*

*Arbor mel, pluit Arbor opes, pluit Arbor lacchum;*

*Fila parit Arbor, & sibi gignit acum.*

*Excute mordaces spinoso pectore curas;*

*Pro Domino Oeconomum, quam colis, Arbor agit.*

## CAPUT XIII.

*Tilia apud Lindam Marianam perennis vigor, ac viriditas.*

**C**hrystiani, quemadmodum Græcam Ecclesiam paulò autè docentem audivimus, ad clementiam sibi exhibendam, pro singulari illecebra, Deiparam usurpare apud Dominū solent: sed & Dominus ipse (qui, ut supra vidimus, pro divina & immensa bonitate ac pietate sua, non modò promptas paratasque, ad sua in mortales effundenda beneficia habet manus; verū & ipsa mortalium vota antevertit, quin & excitat & accendit) Deiparam, pro singulari, in pelliciendis ad se hominibus illecebrā, usurpat. Et verò, ut ad capiendā per Deiparam sua munera nos pelliciat, quid non ex omni rerum universo, ad demonstrandam ejusdem dignitatem atque excellentiam usurpat? si ad cælum & sidera oculos vertas, ibi illa, ut plurimū, *Progredditur quasi Aurora consurgens*, ut diem ac solem venturum annuntiet, imò gignat. Ibi *Pulchra* ut *Luna* procedit; ut noctis caliginem, suā à nobis luce amoliat. Ibi *electa* uti *sol* effulget, ut mero quoque meridie caligantes nos, illā, quā divinitus plena est, gratiæ Luce perfundat. Sin ad Oceanum, & maria, & flumina respicias, ibi illa non modò *Stella Mari*, verū, & ipso quoque nomine, magnum gratiarum *MARIA* Mate. *Origo fontium & fluminum* (inquit S. Bernardus (a) super *Salve Regina*) *Mare*; *virtutum sanctarum Auctrix* *MARIA*. Sin denique terram, & terræ opes atque opera; ibi illa & in hortis sicut *lilium* inter *spinas* candicat; & in campis vernat sicut *flo-*

E 3

res

(a) *serm. I.*



res Rosarum; & in silvis, quasi cedrus, aliæque, Arbores triumphat. Quid ni porro etiam, sicut Tilia vernet, vigeat, floreat, extollatur? Nimirum hoc magnæ Dei Matri, usque ad repurgatam ab idolorum cultu Prussiam servabatur elogium; ut, quæ tot modis per Tiliam adumbraretur, apud Lindam Marianam, præ cæteris arboribus, Imagini suæ, ac sibi sedem, vel potius Thronum deligeret: ex qua & miraculis gentem, ad Christum vixdum conversam, juvaret ac protegeret; & in omne hominum genus, suis certaret beneficiis. Memorat Petrus Damiani, doctrinâ & viræ sanctimoniâ eminentissimus quondam in Ecclesia Cardinalis (a) *Esse in finibus India Arborem, quæ Græcè Pride-xion vocatur; cuius utiq; fructus nimis est dulcis, & valde suavis. In hujus igitur Arboris gratia, columbæ non modicè delectantur, cuius nimirum eas & fructus rescit & umbra defendit. Teterrimus enim Draco, ferali eas immanitate persequitur, & cruenti gutturi varathro inhians absorbere molitur. Sed sicut columbæ Draconem, ita nihilo minus Draco formidat eam, quam prædiximus, arborem; sed præcipuè timet umbram: ita ut, si umbra fuerit à parte arboris dextra, ille, licet procul, fugiat ad sinistram, quod si umbra cernitur in sinistra, ille vertitur ad dextram. Donec ergo columbæ sub arboris illius umbraculo fuerint commorata, nullis eas crudelis illa bestia valet insidiis ledere; alioquin, si procul eas invenerit, sine ullo contradictionis obstaculo repentinus invadit. Quantum Tiliæ Marianæ umbra, præsertim columbis eò se recipientibus (corvi enim aliæque aut ab hæresi, aut ab incoctis contra Spiritum S. animo vitiis, ferales prorsum aves, Tiliam*

(a) l. 4. 2. epist. 18.

liam Marianam fugiunt ) quovis tempore opitulentur, tum sequentium librorum exempla, tum hujus quoque (a) docebunt. Quantum verò dulcissimi fructus suavitate, omnes reficiat ac recreet, vel illud potest esse argumento; quòd in eorum usum atque oblectamentum, perpetuum servavit & frondium & foliorum vigorem, atque viriditatem. Ut enim præ cæteris sui generis arboribus, Tilia illa, singulare nihil, aut magnopere habuisset æstimandum; illud tamen eximium & prorsus in ea fuit admirandum; quòd (quemadmodum magna Dei Mater, intaminatam & illibatam, cum ante partum, tum in partu, & post partum conservavit integritatem) ita illius Tilia incorruptam semper foliorum ac frondium totiusque ligni ac succi sui retinuit gloriam. Fertur enim constantissimam etjamnum famam, cum cæteræ, stirpis atque generis ejusdem arbores, æstate duntaxat florent (hieme enim, ut fere reliquæ omnes, defluentibus foliis, succoque emarcescente ac propè emortuo exanimis quodammodo videntur) illa, quæ apud locum Marianum steterat Tilia, non modò æstate ac vere, verum & ipsa, quæ longè sævit hiems, perstitisse incolumis; ut nullis unquam viduaretur frondibus, aut foliis; aut perenni foliorum vigore; atque ita de dictis veterum Prutenorum quercubus, etjam hieme virentibus, triumpharet victrix. Et sanè (ut interim amænissimè, de Origine arboris Tiliæ, ante sacellum B. V. Oeringanæ stantis ludentem Poëtam Jacobum Balde (b) missum faciamus) si vel aliquo naturæ beneficio, vel maleficorum industria,

E 4

in

(a) cap. 25. &amp; 26. (b) lib. Epod. ode 7.



(a) in Insula Thera, quæ per annos septem non erat pluviâ experta, cæteris plantis crescentibus omnibus, unâ incolumis remansit; quæ virides ramos explicans, inter cæterarum incendia, gratissimâ juventute visa est pubescere: quidni potuit Deipara, quæ inter illud mortalium omnium, à stygii Draconis faucibus ortum incendium tanquam *Rubus incombustus*, salva & ab originalis quoque luis flamma, ne dicam fomite, incolumis permanfit, Tiliæ suæ similem impartiri vigorem? si, Theophrasto lib. i. de Plantis auctore, in agro Elephantino, vites ac ficus, aut in Creta Insula, apud fontem quendam Cortynensis agri Platanus, aut in agro Thurino, Quercus folia nunquam amittunt; quidni potuit Tilia Mariana, singulari DEI ac Deiparæ beneficio folia, & vigorem, viriditatemq; retinere perpetuam? si (quemadmodum Petrus de Natalibus (b) refert) Arbor illa, sub qua Joannes Abbas, inclytæ sanctimonix vir, de Syria in Italiam proficiscens, Angeli monitu sese receperat, tantam ab ejus hospitis præsentia gratiam potuit accipere, ut quanquam alienissimo tempore, mense videlicet Decembri, flores, ingenti miraculo, protulerit: si etiam, quod Deltio Disq. lib. 5. (c) ex Mi-quellio scribit: *Pirus Arbor, sub qua Ioanna Lotharingia, Christiana illa per Galliam Amazon, sederat. dum gregem patris pascebat, neq; cariem, neq; vetustatem sentire ferebatur, neq; fulmine tangi, neq; pluviâ, grandineve, aut nive intingi*: Si etiam, quod de B. Theresia, tertiâ secundi nocturni lectione Ecclesia memorat: *Arbor arida*

(a) Vide Herodotum lib. 4. (b) lib. 3. cap. 207. (c) Append. pag. 816.

*arida cella illius proxima, statim ab eius morte effloruit: si in Aulae Regiae Monasterio, duobus milliaribus Praga diffito Arbores Tiliae, in quibus Monachi Cistercienses ab hostibus fidei Christianae fuerunt suspensi, folia instar caputiorum, in perpetuam rei memoriam (uti Chryostomus Henriquez in Menologio Cisterciensi Prid. Id. Maji scribit) terebant, & adhuc ferunt, nam & ego unum, ab ipsomet Monasterii illius Praelato, cuidam e Societate nostra sacerdoti donatum, coram in Cremblenfi Collegio spectavi. Non potuit ad sanctissimae Christi genitricis singularem in sua lcone praesentiam, Tilia ab ipsa delecta ac delecta, florum foliorumque gratiam, hieme quoque retinere? si (quod apud Olaum Magnum legi potest) juxta Basilicam Vpsalensem, ignoti generis Arbor ingens, aestate juxta ac hieme, quanquam in frigidissimo illo Sueciae climate, virebat. ac florebat: quidni perinde florere potuit, intra ipsam Lindae Marianae aedem sita, & Deiparae gratissima Tilia? si, ut ad nostra propius veniamus, natali Dei Matris domui, cum e Palaestina in Italiam commigraret, obviae arbores sese venerabundae (Dei utique, Matrem suam honorantis, imperio atque vi) inclinarent; quid mirum videri alicui debeat; si ad adventum, non quidem Domus natalis, sed Imaginis Deiparae, futura ejusdem sedes Tilia, in tantae cultum & gratiam hospita, aut se festo frondium florumque amictu induit; aut jam ante indutum, nunquam deinceps deposuit? Tenet fama (inquit Turtellinus lib. 1. cap. 6.) nec vana est fides, venienti Deiparae Domicilio, arbores obvias, velut venerabundas inclinasse se, ac deinde pronas per-*



stutisse; quoad ero ventis, ferro procumberent. Proinde, dum  
 staret nemus, quod hodie excisum est, inclinatas ad *Ædis*  
*adventum*, longo ordine arbores monstrari, solitas peregrini,  
 tanti miraculi testes. Si (quemadmodum idem capite 9. ejusdem libri tradit) *Area*, quam sacra *Domus*  
*Lauretana*, in Italia apud *Picentes*, occupaverat, nitebat  
 semper vernantibus herbis floribusq<sup>3</sup>, cum omnia circa  
 densis obsita virgultis ac sentibus horrerent. Nec dubia res;  
 author est *Hieronymus Angelita*, in *Virginis Lauretana historia*,  
 quam *Clementi VII. Pont. Max.* dicavit eo ipso tempore,  
 cum hoc visentibus miraculo erat: Par equidem videbatur,  
 ut in ea *Area*, quam sibi apud *Lindam Deipara*, pro futura  
*Æde* ac perpetua sede, delegerat, si non omnes omnino flores,  
 herbæ, atque arbores, saltem ipsa *Tilia*, quæ *Deiparæ* Iconis sedes erat  
 perpetuum vigeret ac vernaret: & inter alia *Prussiæ* com-  
 moda, illo vigore ac viriditate venturam, venientemque  
 jam cum religione *Christiana* felicitatem, portenderet;  
 non secus ac postmodum *Maximilianus I. Imperator*  
 oblata *Divæ Virginis Hallensi* super alia magni precii dona,  
*Arbore aureâ*, *Belgio suo*, quod possedit, futuram ominabatur  
 ac vovebat pacem ac prosperitatem. Est, ut *Lipsius* ait (a). *Arbor*,  
 sive *Rosa frutex*, è puro auro, cum plussculis ramis floribusq<sup>3</sup>,  
 bipedalis: quam sacratam ab se *Pontifex Maximiliano* donum,  
 ipse verò *Diva Hallensi* misit. An non velut omen, aut votum?  
 ut suâ ope, vellet *Belgicam attonsam* tot & attritam bellis,  
 sub novo imperio iterum revirescere, & pace suaviter florere.  
 Et verò sæpe auxiliarem illam sensit. Adhæc, si Anno

Domt-

Domini M. CDXVIII. quemadmodum Niderus. in Formica (a) prodidit, prope Noribergam, in Nocte Dominici Natalis, crevit pomus, in loco campestri & communi; quæ verè floruit & fronduit, & autumno, more aliarum fructificavit; annuatimq; in asperissima hieme, cum omnia gelu nivibus quæ rigescunt, semper ipso Natali Domini, quando Virgo virginum, salvo integritatis flore, DEI genuit Filium, Pomella virentia produxit. Denique si Arbor, quæ Deiparam adhuc in vita hac mortali peregrinam hospitio accepit, ad hæc usque tempora viguit; quid mirum videri debet, si Tilia quoque Mariana (quoad per furorem hæreticorum licuit) aliquot seculis viguerit ac floruerit? Quo major atque immanior istorum videri debet, quam barbarissimorum Turcarum & Sarracenorum impietas; cum sub his Arbor illa, denum circiter intervallo seculorum, illæsa perstiterit. Accipe rem ab illustrissimo sacri Rom. Imp. Principis, Nicolai Radivili Ducis in Olyka, &c. oculati & non incuriosi testis calamo. Non procul à domo (inquit ille pag. 177. suæ peregrinationis) in qua sacratissima Virgo, cum Filio, Salvatore nostro, per annos septem, cum in Ægypto esset, habitavit, quæ est in Villa Natarca, extat adhuc Ficus agrestis, crassa & procera; quam Ficum Pharaonis appellant. Hæc Arbor, divino quodam miraculo, ab ipsis radicibus, usq; ad summam ætatem, fissuram habet tam notabilem, ut, si constringi posset, aptissime in unum coiret, & conjungeretur. Nam ubi in una parte eminent extremitates, in alia concavitatem proportionatam retinet. Ad radices in ipso arboris trunco, est quasi  
con-

(a) lib. 4. apud Laur. Chrysog. in Mundo Mariano Discurs. 13. n. 79.



conclave quoddam parvum, quod nulla arte humanâ, in tam vasta arbore præsertim, fabricari potuit. Ad eam cum beatissima Virgo pervenisset, repente Arbor miraculosè dissiliens, nova hospitæ stupendam mansiunculam præbuit; in quam cum celesti puerulo, tam diu lateret, & quiesceret, dum pius & sollicitus Ioseph, habitationem aliquam in dicto pago Natarea inveniret. Intuentibus certè magnam hæc Arbor præbet admirationem: intra cuius concavitatem, Turca lampadem habent appensam. Locum enim in magna habent veneratione: & fatentur, id, quod cuius intuenti liquet; miraculosè fissuram eam fuisse apertam; in quam Dei Spiritus (sic enim Christum appellant) unâ cum Matre diverteret. Arbor hæc sita est in horto, in quo olim Balsamum proveniebat. Potuit hæc Arbor de Antiquitate certare cum Illice, quæ, ut ex Plin. lib. 16. cap. 43. in Roma subterranea Paulus Atrinchus Cong. Oratorii lib. 2. cap. 3. memorat: *Vetustior Vrbe in Vaticano Ilex; in qua, titulus ereis literis Hetruscis, religione Arborem iam tunc dignam fuisse significat.* Atque ob hanc Tiliæ Marianæ perennem viriditatem, Linda Mariana appellari potest verè Florida: quemadmodum Pius V. Domum Lauretanam appellavit. Nam, ut scribit lib. 4. cap. 14. Turtellinus, *cæcos agnos de more consecraturus, effigiem Domus Lauretana Angelorum humeris vecta imprimendam curavit, cum hoc titulo: VERE DOMUS FLORIDA, QUÆ FUIT NAZARETH.*

#### CAPUT XIV.

*Prima Tilia, & loci Lindensis, ipsiusq; DEIPARÆ apud Lindam Marianam Religio, cultus, & veneratio singularis, ab ejusdem Deiparæ super Tiliam inventa Imagine.*

**Q**uo omine atque eventu, Maximilianus Imperator

tor Auream Divæ Hallenſi Arborem donârit, jam ex Lipſio didicimus; eodemque prorsus nos, apud Lindam Marianam, non jam ab homine, quantumvis excellenti, sed ab ipſo, bonorum omnium fonte, Deo poſitam arbitramur arborem; adeoque præteritorum tot-usu atque experienciâ ſeculorum edocti, nos majoresque nostros votorum reos ita agnoſcimus ac profitemur, ut ſimul maximâ nitamur ſpe atque fiducia, nullis unquam futuris temporibus, magnæ DEI Matris opem & ſubſidium Lindenſi loco, locumque illum frequentantibus, de futurum. Si enim non tantum, quando & Tilia, & Deiparæ effigies, & ſacellum eo loci viguerunt, verum etiam poſteaquam illa omnia ſublata fuerunt atque exciſa, perenne ibidem omnibus patebat aſylum; ita ut nullo unquam tempore *abbreviari* (ut S. Scripturæ phraſi utamur) potuerit *manus* DEI (a) quidni id ipſum, ne dicam, paulò amplius ſperandum eſt; poſtquam reſtaurato iterum ſacello, accedente præſertim navorum operatiorum curâ atque induſtriâ, magis indies omnium firmatur in Deum ac Deiparam fides atque religio, erigitur ſpes, charitas inflammatur? Interim nobis prima Religionis & divini apud Lindam Marianam cultus origo paucis aperienda eſt. Pleraque aliæ, ſive religione, ſive miraculis inclytæ Baſilicæ, à ſacris Divorum Lipſanis (qualis inter plurimas, jam olim fuit illa S. Felicis Nolæ, de qua præter alios veterum Patrum, hîc S. Auguſtinum teſtem jam audivimus, & adhuc S. Paulinum audiemus) aut ab Imaginibus, prima quaſi religionis & reverentiæ

ſemi-

(a) *Iſaiæ 50. 4.*



semina habent. Inter ipsas verò Deiparæ sacras *Ædes*, *Lauretana*, quemadmodum principem faciliè obtinet locum, ita ab ipsius tum Deiparæ ortu, tum etiam à Christi Domini conceptu, & transactâ utriusque magnâ vitæ parte, plurima atque evidentissima habet impressa sanctitatis, quin & divinitatis, vestigia. Reliquæ ejusdem Deiparæ sive *Ædiculæ*, sive *Templa*, quæ Virginem, dum in terris ageret, præsentem habere non potuerunt; ipsius loco statuas vel *Imagines*, vel aliquid de sacra Virginis suppellectile, utensilibusvè habent; à quibus, vel, ut à semente, illa miraculorum seges atque uberrima messis, exsurgit; vel, ut à vivis aquarum scatebris, illi gratiarum & divinorum beneficiorum fontes atque flumina exundant. Ita apud Divam *Hallensem*, cultus & miraculorum primordia, fuisse à statua, quæ à *S. Elisabetha*, quasi hereditate descendit, jam antè didicimus. Ita apud *Aspricollensem*, ita & apud *Silvaducensem*, in Belgio itidem Deiparæ *Ædem*, etiam à Deiparæ statua: ibi quidem à pastore in *Quercu* reperta, & ab hero ejusdem pastoris (quî ablata è loco statua, loco eodem movere se amplius non potuit) in *Quercum* repositâ, omniumque deinceps cultu ac pietate, uti *Lipsius* (a) autore est, celebratâ; hîc verò ex officina lapidaria, vel potius è lamiarum lapidariarum scrutis, ne dicam sordibus, eruta; deinde è manibus lapidæ, securi in eam, jam jamque imminentis erepta; & in Templo *S. Joannis* (in quo per *Valerium* Ordinis Religiosi virum collocata fuerat) à neglectu & situ vindicatâ; denique quasi

(a) cap. 3.

quasi è caligine & tenebris tandem emersâ, supra plurimas alias, quâ miraculis ingentibus, quâ eximiis in omnes beneficiis, plurimum emicuit Ita Bellifontana (quæ cum initio, quemadmodum & Weyerensis solâ quasi indole soli ac loci emicaret) statuâ ex Aspricollensi Quercu confectâ, & ab Erycio Puteano donatâ, auctior, fortasse & ad cumulâda mortalibus beneficia instructior evasit. Ita apud Polonos Claromontana ac Zyrowicensis; illa quidem Imagine à D. Luca picta; hæc verò, uti coràm ipsi spectavimus venerabundi, statuâ vix palmari; utraque innumeris ac propè quotidianis clarissimâ miraculis; quæ illic Andreas Goddanowski, hic verò alius Ordinis D. Basilii M. Religiosus, singularibus evulgarunt libris, Ita denique, ut alias mirramus, sacra Lindensis Deiparæ Ædes, primam ac primigeniam, venerationis, & miraculorum quasi radicem, habuit Deiparæ Imaginem; à quâ & Tiliæ arbori, & Lindensi loco religio; & innumeris mortalibus immortalium beneficiorum prodiit, à tot seculis, & adhuc indies uberrimus prodit fructus. Posteaquam enim (uti memoravimus, & sæpius memorare grati animi conscientia imperat) Deiparæ per Marianos milites ope, Idola apud Prusiam subversa, & ipsi illi Idolorum cultores tandem ad Christum reducti sunt; continuò illa Deiparæ Imago spectari in Tilia, & tum Tilia, tum locus ipse ab eadem Imagine, præter admirationem, etjam cultum venerationemque populorum mereri; denique magna DEI Mater tum in loco illo, tum in ipsa Tilia, tum denique in Icone sua coli; in magna verò DEI Matre, ipse DEUS ter Opt. Max.



Max. tanquam omnis boni sanctitatisque fons, & primum rerum principium singulariter adorari, populorumque, etiam turmatim confluentium, piissimis votis caput invocari. Neque deerant plurimæ, quæ in populis & admirationem excitarent & religionem, causæ. Principio enim insolens ac miraculo proximum videbatur, Iconem Deiparæ, loco præsertim deserto, præter morem spectari; neque tamen unde, aut quo pacto icon illa esse collocata, ab ullo spectantium sciri; neque fere, nisi è pecoris, eo loci in pascuis versantis, adoratione, ipsam potuisse Iconem cognosci. Deinde & illud, quod jam recentuimus, mirum spectantibus fuit, quod illa ipsa Arbor Tilia perpetuum Ver induisset, ut neque hiemis gelu, neque Sirii ullo ardore, amænissimi coloris odorisve gratia unquam temeraretur. Denique & illud non nisi miraculo affinenè fuit, quod simul atque illa Deiparentis Imago in Arbore conspecta cognitaque fuit, tum illa, tum Arbor, tum locus ad extremum ipse, sacrum quendam horrorem spectantium oculis afflare continuò cæperit; ita ut non homines duntaxat, verum & belluæ quoque id perentiscerent, adeoque prono poplitum flexu, uti suo referemus loco, quod perentiscebant, testarentur. Nunc, ne fortè Imagines Deiparæ, super arboribus collocari aut reperiri solitas esse, cuiquam mirum videatur, ad illa quæ jam produximus exempla, etiam id, quod Nicephorus (a) refert, tanquam huic nostro admodum affine, ne dicam Germanum, adicere placuit. *Constantinopoli fuit Cupressus ingens & procera; in qua superiori-*  
bus

(a) lib. I. Cap. 46.

bus temporibus, nescio quomodo, Imaginem DEI genitricis quidam occultavit. Cum autem multum temporis præterisset, & Imago lateret, ipsa seipsam indicavit. Cupressus enim immenso coruscans lumine, perinde atque fax ardere visa est; & ingens etiam miraculorum vis, ab obscura & latente efficacia, manavit. Vbi autem quidam, laudatâ curiositate, Arborem conscendit, Imago, unde miraculorum vis profluxit, apparuit. Quapropter Cyrus Patriarcha, loco ei honorem habens, pulcherrimum & maximum DEI genitrici construxit Templum. Nimirum, ut cum Guiljelmo Gumpenberg in Idea Atlantis Mariani (a) loquamur, ex quo Filius ab Arbore pependit, odisse Mater Arbores non potest, à quibus tot titulos habet. In Castanea, ut B. V. Goritiensis in Germania; in Rubo, ut B. V. Turcan. in Boëmia; in Sambuco, ut B. V. Chervi, in Germania; in Larice, ut B. V. Valcast. in Germ. in Vite, ut B. V. Viterb. in Italia; in Quercu, ut B. V. Foyensis in Germ. in Cupressu, ut B. V. Constantinopolitana in Oriente; in Piro, ut B. V. Zyroviciensis in Lituania; in Spinis, ut B. V. de pario. no. in Italia; in Nuce, ut B. V. Castilion. in Italia; in Ceraso, ut B. V. Elarensis in Germania; in Nemore, ut B. V. Aricina in Italia.

## CAPUT XV.

Qua, qualis, & unde illa DEIPARÆ Imago Lindam delata credatur.

RErum, quæ à sensibus temporibus quæ nostris longè positæ sunt, notitiam, vix aliis quàm vel famæ, vel conjecturæ adminiculis, & quasi impressis lentè vestigiis assequi possumus. Nobis verò, nisi hæreseom furor, intercessisset, neutro hoc subsidio ad præsens institutum opus esse oportebat. Postquam enim,

F.

quem-



quemadmodum libro proximo referemus, eruncatæ in Prussia Idolomaniæ, haud paulò minùs infelix præteritatum hæreseon lolium successit; illam quoque Deiparæ Lindenensis effigiem, illam, inquam, primam præcipuamque Christianæ religionis ac pietatis sementem, unà cum Tilia & Sacello, pessimum illud, & supra quodvis aliud lolium, exitiale germen, suffocare & obterere parabat. Enimverò tantum profecit, ut cum Imago illa, ab oculis sensibusque nostris longè absit, minimè tamen ab hujus quoque ætatis memoria abeat. *In hac Tilia, gloria frondium nobili* (inquit Michaël Ciaritius, is, qui Lindensem historiam circiter triginta ante annos, primus adumbravit) *a primo ferme statu Christianæ fidei in Prussia, videndam se præbuit admiranda Effigies Beata Virginis Mariæ, divinâ arte & manu facta; qua Puellum Jesum, Deum nostrum, maternis ulnû gestaret.* Et quis hæc inficias eat? Nunquid enim satis jam constat, & Lindam Marianam, cum primo Christianæ religionis ortu in Prussia simul effloruisse? & in primo illo religionis ortu, Deiparæ Iconem spectandam se in Tilia mortalium obtutibus exhibuisse? An verò quis *Puerulum Jesum, in illa effigie, maternis ulnû fuisse gestatum* neget? Is verò perinde Deiparam, cum impiissimo Nestorio *Theotocon* negârit. Alioqui verissimum semper fuit, & erit illud, quod Deiparæ verbis, Poëta Christianus cecinit (a)

*Absque meo, quicumque voles, me pingere Nato,*

*Me, sine me, potius pinge, dolebo minus.*

Nec minus verum est, quod in Atlantis Mariani Idea

(a) *Bern. Bauhausius.*

Idea (a) memoratur. S. Maria Rosarum Tarenti, in Regno Neapolitano, fragmentum picturæ antiquæ, reperta est à pia muliere, & domi, loco decenti reposita. Titulum, quæ appellari vellet, ipsa B. Virgo revelavit, & puerum Jesum sibi appingi ipsa imperavit. Nempe melius pinxeris Mariam sine Maria, quàm sine Jesu. Et alibi (b) B. Virgo Viterbiensis, licet in Quercu esset, tamen à Vite mirabilibus gyris ambiebatur, nemine observante; dum de tanto Thesauro Eremita vicinus moneretur à Lupis. Is, ut sibi atque Imagini melius esset, eam ad Tugurium suum desert; sed Imago postridie rediit, unde venerat, & in Vite reperta est. Nempe nec Palmes sine Vite; nec Vitis sine palmitibus; nec Maria sine Jesu reperitur. Quid enim B. Virgo sine Filio? aut quid B. Virginis Filius sine unito sibi verbo divino? aut quid Christotocos Nestorii, sine universalis & Catholicæ Ecclesiæ Theotoco? unde & ipsa Deipara, in suo illo, planè divino carmine: Magnificat, inquit, anima mea Dominum; & exultavit spiritus meus in Deo salutari suo. Amæbæum prorsus mihi videtur hoc carmen: nam & Anima spiritui, & Magnificat, suo re-  
spondat Exultavit. Sicut igitur magnificavit Dominum, qui quidem alius non fuit, quàm Deus, ita exultavit in salutari suo, non sanè alio, quàm Deo itidem, ac Domino suo. Quis autem Deus alius Salvator aut salutaris ipsius, quàm ille, de quo Gabriel Archangelus (c) Vocabis, inquit ad Josephum, nomen eius Jesum; ipse enim salvum faciet populum suum à peccatis eorum. Non igitur absque Puerulo Jesu, illa Deiparæ Icon fuit. Sed qualis tandem illa Icon? Videbimus (ut hoc loco cum P. Guilielmo Gumpenberg in Idea Mariani At-

(a) pag. 107. (b) pag. 114. (c) Matth. I. 21.



lantis (a) loquar) ex tot centuriis, quas afferam, vix patiesse, quibus artem aliquam à sculptura aut pictura inesse dicas. Plerumque Symmetria, proportioque membrorum vel nulla, vel imperita. Materia fere semper vilis; aurea, quod sciam, nulla. Hæc stulta mundi elegit, hic portenta patrat DEUS. Miraberis, & velatis Seraphinorum vultu oculis, indagare defines Altissimi consilium. Sculpta deinde, an picta? & unde fuit? An aglypham sive sculptam fuisse, & à divina potius, quàm humana venisse manu, quæ jam referemus, evincunt. Non desunt etiamnum, qui ex ipsorum quoque, in vicino Ducatu, Senatoriorum famâ acceperint (quemadmodum P. Petri Althoff commentariolus refert) fuisse scilicet Rastemburgi hominem, ob facinora, quæ patrârat, ergastulo inclusum, ad eoque de Prætoris sententia morti jam addictum. Is ubi de ferali Theta, & lato in se nigro calculo factus est certior, pro illius ævi, imò pro Catholicorum (qui tum Rastemburgi, & in reliqua Prussia omnes erant) recepto ubique more, secundum DEUM, ad Deiparæ patrocinium, & apertum semper miseris asylum, sese recepit; & (quemadmodum prodive est arbitrari) ut vel vitam prorogare, vel felicem de vitæ statione discessum impetrare dignaretur, supplex oravit. Neque afflicto Deipara Virgo defuit, quæ, non sine suo Filii quæ sui gaudio, in solenni Ecclesiæ carmine Consolatrix afflictorum audit. Pridie ejus diei, qui homini supremus erat futurus, vitæ suæ exitum, ignominia juxta ac cruciatus plenum, non sine dolore ac metu, ut in eo temporum articulo fieri contuevit, alius apud se reputandi, spectan-

Standum se nocte intempestâ, exhibet illustri cum splendore Matrôna, vultu & benignitate, quàm in humanis spectari possint, augustior. Nemo dubitârit, benignissimam DEI Matrem fuisse; quæ sicut in memorato Ecclesiæ carmine, *Refugium peccatorum* appellatur, ita miseris, si præsertim in vota vocetur, vix unquam deesse consuevit. Ergo, ad hominem, ob præsentis jam mortis imaginem ante oculos planè obversantem, vehementer consternatum ac propè semianimem. Ecquid, inquit, angeris, ac mæore apud te contabescis? Quid ni angar, reponit ille? Moriendum! & quidem, crastinâ mihi luce omnino moriendum est! Tum Deipara, pone metum, & hoc lignum, atque unâ scalpellum hoc (utrumque enim homini simul oblatum fuerat) in manus tume; & quidquid libuerit, ligno insculpe. Fecit homo imperata, & scalpro, quantum per studium parendi potius, quam per fingendi artem potuit, notas quasdam eidem ligno inscripsit. Quod simul factum est, jubet insuper Deipara, ut & lignum & scalpellum, ubi crastinâ luce prætori sistendus esset, unâ secum deferret; & rei, quemadmodum gesta esset, seriem, pro Tribunali, omnibus coràm exponeret; atque ubi per Prætores absolutus, ac liber dimissus esset, iter non aliò, quàm Ressellum versùs ingrederetur, Imaginemque ligno illi jam impressam, super Arborem Tiliæ, quæ juxta viam deserto illo in loco prima occurrisset, collocaret. Posterâ igitur die, cum ad Judicem & Tribunal productus, secundum enarratam rei gestæ seriem, lignum cum scalpello, pro Tribunali exhibuisset; apparuit mira DEIPARÆ effigies, non



tam facinorosi illius, quàm alicujus è cœlestibus ge-  
 niis vel ipsius DEIPARÆ DEIVÈ manu, elegantissimè  
 elaborata. Non potuit Prætor, ceterique Iudices, ni-  
 si admirabundi, & attonitis similes, tum rei seriem  
 audire, tum admirandam Deiparæ Iconem coram in-  
 tueri. Ergo hominem, quantumvis noxiū, quem  
 tam illustri miraculo viderunt divinitus absolutū, ipsi  
 quoque absolvunt, ac liberum abire, resque suas ha-  
 bere siont. Ille verò magis fortasse ex ipsius aspectu  
 Imaginis, quàm ex recepta, præter omnem spem, vi-  
 ta, gaudii plenus, in viam se dat, ut Tiliam, cui Dei-  
 paræ Imaginem superimponeret, perquirat. Quatri-  
 duo integro vagabundus obetrâsse fertur, quoad  
 tandem ad eum ipsum locum, in quo nunc visitur  
 Lindensis Ædes, delatus Tiliam invenit; & Deiparæ  
 Icone super eam collocatâ, non sine gratiis supremo  
 Numini, magnæque Numinis Matri, suæ secundum  
 DEUM sospitatrici, enixè actis, ad suos se recepit. Ac  
 Imago Deiparæ, suum quasi campum Martium apud  
 Lindam nacta, nunquam mira in hominum salutem  
 operari, & maximis deinceps coruscare miraculis  
 destitit. Quanquam & ille quatrduanus, ante collo-  
 catam super Tilia Imaginem, hominis error, sine ali-  
 qua miraculi specie videtur non accidisse; fortasse ut  
 quandam religionis, & divini apud Lindam Maria-  
 nam cultus soliditatem æternitatemque portende-  
 ret. Quemadmodum enim in *continua*, ut Philoso-  
 phorum in morem loquamur, ita in *discreta* quoque  
 quantitate, quæ potissimum tempore constat, solidi-  
 tas à quaternario numero pendet. *Quaternarius enim*  
*numerus* (ut Philo, libro de Mundi opificio, ait) *primus*  
solidi

*Solidi naturam ostendit; nam in unitate censetur punctum; in binario linea; ubi accessit latitudo, fit superficies ad ternarium pertinens: hac, quod minus sit corpus naturâ solidum, unâ destituitur altitudine; quâ junctâ ad ternarium, fit quaternarius. Eundem in modum S. Augustinus libro 83. quæstionum (a) differens Progressio, inquit, à Puncto ad longitudinem, à longitudine ad latitudinem, à latitudine ad altitudinem, soliditatem corporis facit, quæ rursus quaternario numero continetur. Sicut ergo corporum, ita & Temporum soliditas, à quaternario numero pendeat; ut & hic, ex unitate primæ diei ad binarium secundæ, & ab hoc ad ternarium tertiæ, denique à Ternario ad soliditatem quartæ diei, hoc est, ad duraturæ, apud Lindam Marianam, religionis perennitatem (quod & capite 14. jam fecimus) non omnino vani conjectores, progressionem faciamus. Interim, quæ hîc retulimus, ab iis, quæ in Atlantis Mariani Idea (b) memorantur, haud multum abluunt. Mira, DEI Mater non facit modò, sed & imperat; quia admirabilis est. Militi in mente Ortone prope Paduam apparet; & ab eo Templum petit, pro Imagine monstrata & reperta sub aquis. Ne fides militi non haberetur, iubet eum patrare miracula coram Magistratu. Ille, ut iussus est à Virgine, caput coronat ramo querno viridi, & ramus repente arefcit: eodem lumbos cingit & revirescit. Iterum ramo Oliva viridi cinxit lumbos, & mox aruit ramus; revivuit iterum, quàm primum caput sibi eo coronavit. Hac tot miraculorum, quæ hodie fiunt, origo. Sed & illud, quod alibi (c) recensetur, quàm his, gemina quoque de causa geminum! Imago B. Virginis miraculosa, quæ in*



Romaniolâ, etiam mutatione loci, clara, tanta patrat miracula. Scrofa indicio reperta est. Hac enim de deserto grege, quotidie circa meridiem, collem ascendit, & nemus, quod ibi erat ingressa, non ita multo post rediit. Sequitur curiosus opilio, puer ob manus unius malum ad cetera inhabilia: reperit scropham orantis situ fixam, coram Imagine, Arbori verustissima insistente. Alloquitur Imago puerum; imperat & Processionem, & Templi fabricam. Et, ut fides haberetur, opilioni spondet sanitatem manus, quando eam coram Magistratu immisisset in sinum, retraxissetq; manutenuus Moyses. Et illud alterius loci (a) Forolivienfium Tutela, in societatis Jesu Templo est, statua Mariana, olim à nobili Germano in Arbore reperta: terq; donum portata est; sed frustra; ternamq; ad locum rediit: culta dein Templo & Monasterio. Hanc Diva Brunsvicensis, ne hereticorum in manus veniret, Collegio donavit, unâ cum Manica B.V. quâ in ipsa Imagine latebat. Et pag. 106. B. Virginis statuam in monte Bruno, pastor reperit, tulitq; domum. Fuisse, qui intempestivâ pietate eam pastori eriperent, collocaturi in Vrbe, loco decentiore; sed pretium opera fuit caecitas, dum statuam reponerent in domo coloni. Et pag. 107. Boccabolerii in Calabria Templum hodie vides grande. Hic olim spelunca fuit, in qua statua miraculosa reperta, colî voluit. Quâ à populo, semel iterumq; cum pietate, ad ampliore cultum, aliâ sportata, è marmore licet sit, rediit tamen. Neque est quod mireris, facinorosorum operas hominum ad propagandum sui cultum, Deiparam adhibere: nam in eadem Idea (b) legimus, nec piratas odit Maria, modo dō velint ipsi odio digni non esse. Petrus Bianchus, ex pirata factus est Eremita Novofori;

visam

(a) pag. 103. (b) pag. 1. it.

Cæcus primum apud Lindam beneficium consecutus. 39

*visam Virginis Imaginem in quercu reperit; cuius favores  
& gratia hodieque durant. Quæ tot ac tanta, in una B.  
V. Lindenſis Effigie, quo pacto ſint reperta, ex iis,  
quæ ſequuntur, patebit.*

## CAPUT XVI.

*Cæcus, recepto viſu, primum Imaginis Deiparæ Lindenſis beneficium  
experitur.*

POſteaquam homo, qui Iconem Deiparæ ſuper  
Tiliam defixerat, gradum inde movit, cæcus qui-  
dam illac, ſive cūrru ſive carpento, fortè præterve-  
hendo ſele admovit. Nobili genere & opibus floren-  
tem fuiſſe, eorundem hominum teſtimonio & famâ  
accepimus; qui cū cætera nihil videret, ne Imagi-  
nem quidem illam cernere potuit. At verò auriga,  
qui hominem veſtabat, ſimul ac Tiliam verſus ocu-  
los flexit lucem quandam, & eximium promicare in-  
de ſplendorem advertit. Subſiſtit igitur tantisper, &  
herus de viſu, rei que novitate admonet. Herus, ut  
gradum propius admoveat, & omnia coram explo-  
ret, ſibi que ex fide renuntiet, imperat. Accedit ille, &  
jam Arbori proximus, Effigiem Deiparæ, mirâ undi-  
que cinctam luce, attonitus juxta, ac venerabundus  
aliquandiu intuitus; tandem hero, quod vidiffet, re-  
nuntiat. Herus quantò oculorum caſſis lumine, tan-  
to magis aciem mentis intendere; & inter fluctuantis  
obſtupelcentis que animi æſtus, forſitan hæc apud ſe  
agitare. Siccine Arbor, vicino nobis loco ſata, novo  
quaſi fructu onuſta, Effigiem nobis magnæ Dei Ma-  
tris proferret? Siccine, & effigie, & luce pariter, quæ ab  
effigie promicar, illuſtris Tilia, & locum & Pruiſſiam

F s uni-



universam illustrabit? Quid ni & me, & oculos meos, pulsâ caligine, illustrare queat? Potuit illa in Paradiso Arbor, fructu infelici protoplastos ad se pellicere, ut, etiam Deo vetante, gustarent, & apertis, inter gustandum, eorum oculis, clarum cernerent, *aperti enim sunt oculi amborum (a)* nunquid & hæc novo, præter spem, fructum quasi fata Arbor, novum mihi patriæque paradisum reddit, & cum mihi, tum aliis plurimis visum, atque integram animi corporisque lucem restituet? Potuit Jonathæ, regio quondam juveni, *pauillum mellis*, simul acori & linguæ, extimoduntaxat virgæ apice fuit admotum, tantum prodesse, ut gloriabundus confestim exclamaret; *Videtur ipsi, quia illuminati sunt mihi oculi, eò quòd gustaverim paululum de melle isto (b)* nunquid poterit ros & succus, qui de Tilia ista, non jam dædalæa apum industriâ in favos mellis, sed in divinarum fluentia gratiarum, operâ & arte prorsum divinâ, uti spes est, redundabit, ad meorum lucem oculorum aliquid conferre? Tum ad aurigam versùs, Age, inquit; fac me ad Tiliam istam, & quam ipse vidisti, Deiparæ Imaginem, sine mora ducas. Ductus est, & simul atque manus, primum Tiliæ, tum deinde ipsi super Tiliam positæ Imagini, eodem servo ductore, admovit; subito easdem manus ad oculos convertit; conversisque ita manibus, iterum atque iterum visum quasi perungit. Crederes non vacuas, sed illius ipsius, quâ Imago radiabat, lucis plenas ita fuisse redditas manus, ut etiam intra oculos eadem lux redundaret. E vestigio enim, homo, lucis usuram recepit; & gaudio exultans, gratiis Deo,

Deipa-

(a) Gen. 3. 7. (b) 1. Reg. 14. 29.

Deiparæque ætis, nullâ amplius ductoris ope, ad currum, inde verò domum, incolumis se recepit.

## CAPUT XVII.

*Etiam brutæ animantes Imaginem Deiparæ Lindenſis venerantur.*

SI fortè aperti, ut vidimus, nobilis viri oculi, ad aperiendos aliorum, præsertim in vicino positorum oculos, & cognoscendam, colendamque DEI, per Matrem suam mira operantis, potentiam atque majestatem, non satis attulerunt, momenti; attulerunt profectò sub illud ipsum tempus, tum oculi belluarum magis, quàm hominum, aperti; tum cernui coram Effigie Deiparæ, earundem belluarum poplites. Quemadmodum enim nobilis ille vir, ita brevissimo, ut ego quidem conjicio, intervallo temporis interjecto, pastores quidam suo cum grege, ad eundem locum fortuitò delati, ab ipso grege suo, quem Deiparæ ejusque Imagini præstare cultum & venerationem tenerentur, abundè didicerunt. Pastoribus enim gregem hinc inde ponè sequentibus, posteaquam pecora, carpendis intenta pascuis, ad Tiliam propius accessère, sive aliquâ radiantis adhuc Imaginis luce perstricti fuerint oculi; sive præcordia, superiore aliquâ vi atque instinctu permota, subito ingenua provolvuntur; & quâ possunt, pollentque voce, DEI, DEIPARÆ, locique ipsius religiosam prosumbendo majestatem profitentur. Nimirum suo quodam modo impleri hîc oportuit illud Isaia (a) *Cognovit bos possessorem suum, & asinus præsepe Domini sui: nisi fortè quis, aut Jesum neget Dominum; aut*  
*Virgi-*

(a) cap. I. 3.



Virginis Deiparæ uterum posthabeat præsepi. Neque verò insolens est, etiam brutas animantes DEI maiestatem, flexis quoque poplitibus venerati, cum & hominibus, nullo fortasse alio, nisi solius naturæ, genio ductæ, debitam sæpe contestentur gratitudinem. Leo, ut refert in Prato spiritali Sophronius, ob exemptam sibi à S. Gerasimo spinam, sedulò per totam vitam eidem sancto viro servivit; & morienti morte suâ, præ mæroris acerbitate, parentavit. Simile, & aliquanto etiam notius est, quod de Androdi Leone refert ex Appione Gellius (a) Neque minus admirandum est, quod, aut de educato & in solitudinem delato, à Thoante Arcade, Diacono memorat ex Democrito Lilius Giraldus libro de Ingrat. aut ex Demetrio Physico de Panthera; aut de Aspide, ex Philarcho. Quæ, si lubet, apud Cornelium, ad citatum Isaïæ locum, pluribus exposita spectari possunt. Nobis, ad rem præsentem quiddam affine, tum ex Lipsio de Diva Aspricollensi, tum ex Atlantis Mariani Idea præter jam adducta, afferre lubet. *Statua B. Virginis in Brugeris*, inquit in Atlante Petrus Possinus, prope Tolosam in agro jaceat. Hanc boves in terra proni adorârunt; quasi ejus ectyponesse intelligerent, quam olim boves venerati sunt in stabulo. At verò Lipsius (b) Aiunt, inquit, ante centum annos ( & constans ita fama habet) fuisse pastorem, qui oves in eo tractu pasceret: atque is reperit, ne scio quo casu, humi Imaginem sustulit, in sinu condidit, certius eam domum secum auferre. Parva enim erat, & privato cultui videbatur opportuna. Sed dum agitat, ecce membra eius omnia stupere; pedes utique non movere,

(a) lib. 5. cap. 14. (b) cap. 3.

veræ, & quasi frutex aut stipes ibi stare. Ipse mirari & animo quoque stupere, nec ad causam affurgere: herus autem villicus absens, requirere pastorem suum, & gregem; nam horâ iam redditui lapsâ, & sole remoto nox propinquabat. Itaque infortunii anxius eò accurrit: & reperit defixum stantem, & quæ gesta, simpliciter narrantem. At ille mentis melior, Imaginem statim recipit, & timidâ religione, in veteri sua sede & Quercu reponit. Eoquæ factô, pastor velut vinculis liberatur: & venerati uterq; Numen, domum abeunt, rem denarrant, & viciniam totam religionis implent. Melior aliquanto conditio excepit nostros Pastores, stupore quidem animi, non tamen corporis defixos; non secus atque illos, qui B. V. in monte Serrato Imaginem conspexerunt ac venerati sunt primi. De quibus in Mariani Atlantis Ideâ (a) hunc in modum scribitur. Quæ in Monte Serrato, toto celebris orbe est Imago B. V. fulgore insolito & cantu Angelico septem pastoribus, & quidem pueris indicata est. Vnde ex ore infantium perfici sibi hanc laudem voluit, stabuli memor, Mater DEI. Non ergo poterant illi nostri, qui pecora sua illis in pascuis, ad singularem Numinis utique venerationem ita procubuisse humi cernebant, ad tantam rei novitatem non commoveri vehementer, atque obstupescere. Mox tamen, ubi ad sese aliquantum sunt reversi, Tiliam versûs, quam pecus venerabundum undique cinxerat, progrediuntur; & visâ Deiparæ, super Tiliam mitum in modum corulcante, Imagine, ipsi quoque tum gaudii tum venerationis pleni, quæ in se, quæque in grege suo, oculis animisque usurpârunt, cum cæteris mortalibus, tum civita-



vitati potissimum Rastemburgensi, cujus intra fines Tilia Arbor & fundus Lindenſis jam tum quoque erat, non sine magna Numinis & Deiparæ laude, evulgant.

## CAPUT XVIII.

*Imago DEIPARÆ iterum atque iterum deportata Rastemburgum, semper ad fundum Lindenſem, & suam in Tilia sedem remigrat.*

Quod posteriore ævo apud Sichemium, in Aspricollensi Diva evenisse retulit citatus proximè Lipsius; multò ante apud Lindam Marianam constat evenisse. Nescio enim, quomodo pleraque, quæ apud alia D. Virgini sacra loca, Deus mira operari dignatus est, quasi aggesta & liberaliter accumulata (uti antea quoque (a) intelligi facillè potuit) Lindæ Marianæ esse voluit. Igitur sicut Aspricollensis Divæ Imago, quamvis loco mota, locum deserere noluit, quod & alibi quoque non rarò evenisse, proximè audivimus (b) ita apud Lindam, loco quoque mota, majore miraculo, locum semper repetiit. Pastorum enim nuntio, & fortasse plurimorum aliorum famâ, commotis in Prussia mortalibus, universos quidem Imaginem Deiparæ, ad Lindam repertæ, coram videndi, Resſelienſes verò atque Rastemburgenses etiam habendi cupidò incesſit. Utrique ejusdem Diœceſeos (sicut & nunc quoque sunt) jam tum erant; illi tamen jure vicinitatis, quemadmodum hi jure municipii, pro obtinenda causa decertabant. Nam uti Resſelienſes, aliquot fere passuum millibus Lindæ sunt vicinioreſ, ita Rastemburgenses propinquitatem loci,

(a) cap. 5. & 16. (b) cap. 16.

loci, unius ejusdemque municipii jure compensant; ideoque jam tum causâ superiores erant. Statâ quocirca die, ad quam plurima, vicini præferrim populi, multitudo confluxerat, Rastemburgenses (qui id ævi, pietate cum quavis in Prussia civitate facile contende-  
bant) totis effusi mænibus, composito supplican-  
tum in morem agmine, Clero & Cleri Duçtore Pa-  
rocho, pro recepto ubique more, præeuntibus, ipsis  
quoque, ut credi par est, Ordinis Theutonici militi-  
bus suo cum *Commendatore*, ut vocabant, ponè se-  
quentibus, Lindam versùs, magno silentio, majore  
verò pietate, & gestientium animorum sensu pro-  
grediuntur. Ubi ad locum Lindæ ventum est, & jam,  
tum mirabilis Tilia, tum in ipsa quoque Tilia multò  
admirabilior magnæ DEI Genitricis Icon, spectari  
coram potuit; omnes in genua provoluti, & quâ ta-  
citis animi votis, quâ publicis insuper vocibus in  
DEI, DEIPARÆQUE laudes certatim effusi, suam,  
patriæque de tam præsentè propitiî Numinis bene-  
ficio faustitatem, jam tum augurabantur pariter, ac  
prædicabant. Atque (ut ex illa tunc Christiana Ca-  
tholicaque Rastenburgensium religione divinare li-  
cet) alii libi laribusque sigillatim suis, alii toti civitati  
ac municipio; alii toti Prussiz, omnes verò Ecclesiæ  
Christianæ universæ, ex illo divinitus apud se recens  
aperto asylo, faustissima quæque animis præconce-  
pta, singulis præ gaudio exundantibus, lacrymis-  
que uberrimè fufis, quasi in perpetuum consignabant.  
At verò Curio, cæteri que, qui de Clero aderant, ubi  
satis populo jam per se currenti, pro concione habi-  
ta admovent insuper calcaria, Ferculum, quod ge-  
stant.



standæ deportandæque Imaginis causâ magnificè  
apparatum secum adduxerant, expediunt, & magnæ  
DEI patentis Imaginem, thure aliisque, pro more,  
odora mentis ante honoratam, de Tilia, magna cum  
pietate, & gaudio, reverentiæ mixto levâr, & Then-  
iæ quàm decentissimo ritu imponunt. Tum verò  
Cantorum, qui aderant, chorus, cæteri que omnes  
choro præeunte, in supremi Numinis & Deiparæ  
laudes vocem attollunt; ac majore etiam, quàm ve-  
nerant, tum pietate tum exultatione, iter Rastenburgum  
celerrimè relegunt. Quò postquam reditum est,  
omnes, quâ venerant pompâ, & gaudio, ad Ædem  
sacram pergunt; Imaginem summa in Ara consti-  
tuunt, & gratiis, de Thesaurò tanto non tantum in-  
vento, verum & domi jam in tuto collocato, Numi-  
ni actis, domos quisque suas, magno cum animi sen-  
su, nec minore in Deum atque Deiparam conceptâ  
fiduciâ, se referunt. Verum enim verò, ut non ingra-  
ta fuit illa Rastenburgensium, in Deum & DEI  
Matrem pietas atque religio, locus tamen ille, in quo  
Deiparæ Icon Lindâ asportata fuit reposita, non us-  
quequaque gratus est visus; quippe eadem illa die à  
Deiparæ Icone desertus. Nam ubi postridie ad  
Templum, vel solius illius Iconis spectandæ causâ,  
solito est celerius concursus, nulla in Ara majore,  
ubi reposita erat, nulla toto in Templo apparuit  
Imago. Omnibus vehementer ea super re attonitis,  
nuntium affertur Lindâ, Imaginem Deiparæ, suam  
super Tilia sedem iteratò repetiisse: ac fortasse ejus  
præsentiam, ex pecoris iteratò circum Tiliam in ge-  
nua prolapsi veneratione, à pastoribus, aliisque, qui  
ade-

aderant, iterum cognitam esse. Rastemburgenses ad  
eum nuntium obstupescere, neque tamen animos ad-  
huc despondere : Tanta enim pietas, tantus in DE  
parentem cultus illo vigeat ævo Rastemburgi, cu-  
jus nunc vix ulla reperias vestigia ! Majore igitur,  
quàm pridie fecerant, & animi & corporis pietate,  
supplicantium agmen iterum Lindam cogunt, Ima-  
ginemque Deiparæ ibidem repertam, ad illud idem  
Templum reducant ; atque in eadem majore Arâ,  
sed & eodem prorsus eventu, collocant. Postridie  
enim Imago, non jam Rastemburgi, sed Lindæ ite-  
rum reperta conspectaque fuit : proinde tum Ra-  
stemburgensibus, tum Resselienibus aliisque in vi-  
cino positis, alia promovendi divini cultus consilia  
animo oborta ; de quibus jam agemus, ubi affine  
quiddam de Christi Crucifixi Effigie, & sacra Domo  
Lauretanâ nequidquam asportata, Tursellinum, &  
de Turcanensi Boleslaviensi ac Tungrensi B.V. Ima-  
gine Gumpffenbergium, in Atlantis Mariani Idea,  
deque Brunsvicensi Orlandinum audierimus nar-  
rantes: *Fama etiam tenet, inquit Tursellinus, antiquissi-  
mam Christi crucifixi Imaginem, simul cum Domo adve-  
ctam, multiplici eodem tempore miraculo extitisse insi-  
gnem. Nam cum eam efferri, & in sacello, ad id exornato;  
ut majore honore coleretur, reponi Recinetensibus, & Epi-  
scopo placuisset; translata subinde in sacram remigrasse  
Domum, & in suam sedem recepisse se. Itaque illos, re ne-  
quidquam sapientatâ, irritò demum incepto destituisse. Ac  
verò Gumpffenbergius pag 78. Statua, inquit, B. Vir-  
ginis Turcanensis in Moravia prope Brunam, à pio Rustico  
in Rubo reperta est, circa annum 1050. Portata domum bis,*



bi rediit ad Rubum: tertiâ vice in domum coloni reportata, mutavit statuaſeiſentiam, & ſtetit; ſtabuli, ut puto, memor & paſtorum. Accola Kyrlicenſes non procul inde Aream Templo designant, & fabrica neceſſaria; fide bonâ, id eſt ruſticâ, comportant, convehuntquæ. Sed hiſ omnibus, divinâ virtute, ad ruſtici domum deportatu, perſuaſum coloni calitus poſt non longas ratiocinationes eſt, ibi virginem coli velle, ubi ſtatua (iure domicilii tertio reditu potita) ſedem fixiſſet, quod & factum. Neque mirûs affine eſt prioribus, quod eodem ſubjungit loco. Quod ego quidem, veleo quoque nomine, quod à B. V. Lindenſis alumno & cliente (quippe Meelſaco, Varmienſi civitate oriundo) P. Andrea Schambogen Provinciæ Societatis Jeſu Boëmiæ Provinciali, primûm literis fuit prodicium, ad Lindenſem hiftoriam referendum puto. Boeſlavia Boëmia, inquit ille, theſaurum habet, agro emptum. Statua eſt Deipara, quam ruſticus, cum terram aratro proſcinderet, eruit, domumquæ tulit, & arcâ clauſit. Poſtridie iterum reperta in agro eſt, & à ruſtico, duplicatâ lætitiâ, domum portata. Crediderat bonus, habere ſe nunc duas ad amuſum ſibi ſimiles; dum, & vacuam reperiret arcam, & hanc, eam ipſam eſſe, quam pridie reperiſſet, palparet. Hoc argumentationis genere, convictus utcunque colonus, tertiâ tamen vice reportavit; & verò tertium etiam reſpondit DEUS, cui ſermocinatio cum ſimplicibus eſt, tam piè interroganti. Deprehenſum deinde à ſagacioribus eſt, illam eſſe, quam S. Venceslaus Rex olim è collo pendulam geſtare conſueſſet. Metallî ſpeciem nemo agnoſcit. Creditum eſt, ſtatuaſ hanc, quia Regina cœlectypon eſt, olim regis manibus tractatâ, nunc bobus, venerationis cauſâ, in terram procumbentibus, adoratam. A-  
 dem

Sacellum Lindense erigitur & Tilia illi inclusa.

99

dem postulare opulentiorē. Itaque divites plebi, adibus  
coloni dirutis, Ædem Virgini struxere in agro, quam sibi  
hodieque gratam esse, portentis probat. Quid quod Tun-  
grensis in Hannonia statua ter ad eundem itidem lo-  
cum divinitus reportata, Templum eodem loco, B.  
Virgini struendum perluaserit? Audi rem ex eadem  
Atlantis Mariani Idea. S. Maternus, à Christo ad portas  
urbis Naim à morte suscitatus, & matri restitutus, id eo-  
que Maternus dictus; à S. Petro creditur missus in partes septen-  
trionales, & apud Tungros, primam posuisse statuam B.  
Virgini, & primum Templum. Statua, quæ hodie à Tungrie  
colitur, sive illa, sive alia sit, mediâ post mediam noctem ho-  
râ, inter splendores & concentus caelestes, ab Angelis in  
hortum cuiusdam nobilis ter deportata, denique persuasit,  
ut crederetur, ibi se velle sedem figere, & coli. Pluribus  
de eadem Valrandus Caoult apud Fridericū Forne-  
rū in Palma triumphali lib. 5. c. 25. Affine est, quod ea-  
dem Atlantis Idea ex Octav. Pancirollo pag. 37. re-  
fert: Imago B. Virginis ab Illustrissimo Frangipane, olim ex  
Oriente allata, hodie S. Maria Nova dicitur. Fabrica cau-  
sâ, aliò portata, suâ sponte rediit. Credo, in S. Petri hono-  
rem, qui eo loco preces in calum misit, ut è celo in terram  
affligeretur Simon Magus. Denique Orlandinus ad An-  
ni M. DLXXXIV. Annales: Hanc, inquit, Imaginem, an-  
nis antè sexcentis Eques nobilis, dum silvestres agit at fe-  
ras, invenit. Ea imposita erat trunco arboris pervetusto.  
Non tulit pius eques in occultis eam silvâ, sine honore late-  
re. Ablatam ex ignobili legimus, deportari iussit in ades:  
sed non diu illa, à suis sedibus abesse voluit. Pestridie ad  
eundem Truncum arboris reperitur. Cumque semel atque ite-  
rum, unde ablata fuerat, revertisset, rei miraculo vir no-  
bilis excitatus, Virginum cenobium in locis instruxit.

G 2

CAPUT



## CAPUT XIX.

*Imagini DEIPARÆ Lindam sapius repetenti, sacellum, de piorum munificentia structum, & Tilia, tum ramis & frondibus, tum umbrâ et jam mysticâ admirabilis, sacelli muris inclusa.*

**T**Ot, & tantis providentiæ voluntatisque divinæ indiciiis, cùm planè cognitum perspectum que omnibus esset, dignum DEO ac Deiparâ, in oblata divinitus Imagine, cultum non alio, quàm Lindensi in loco esse promovendum; nemo jam de transportanda aliò Imagine, omnes verò de rationibus stabilienti eo loco divini cultus, cogitationem suscipere. Atque aliis alia apud se versantibus, illud denique omnium suffragiorum calculis steterit; ut, quemadmodum Imaginem segregari à loco nefas jam esset; ita & Imago simul & Tilia, sacello quàm primum structo, undique cingeretur. Ita tum decretum, ita citra moram opere iplo, quod constitutum fuerat, est perfectum. Crediderim piorum subsidio ac munificentia opus stetisse; qui enim aliunde census obvenisse censendi? præsertim, cùm illo ævo, aut omnes, aut plurimas in Prussia Ecclesias, nonnisi de piorum liberalitate structas esse, argumento sit illa ipsa, Deiparæ Gedani, uti diximus, sacra, omniumque aliarum facilè princeps, ideoque verè appellanda *Basilica*. Præterquam enim, quod Eberhardus Böticher in manuscripto Basilicæ illius commentario, quem ille appellavit *Reitindicem*, ex variis Indulgentiarum, ad promovendam fabricam datarum, concessis diplomatis, id palàm adstruat, tempus insuper seculi integri, quod ob eleemosynarum sensim corrogatarum moram, fabricæ impendi oportuit, id ipsum suadet.

det. Quemadmodum enim supra Adytum sive *sacristiam* Ecclesiæ, aureis scriptum cernimus literis, Anno Domini M CCCXLI. feria quartâ post Latære, positus est primus lapis muri civitatis Dantzæ; & postea, proximâ feria, positus est primus Lapis muri B.V. Mariæ; cuius dedicatio celebrabitur Dominica proxima post festum Mariæ Nativitatis. Sive autem primus ille Lapis Turri duntaxat Templi, sive priori Deiparæ Templo (cujus postmodum loco major Basilica nonnisi circiter Annum M. cccc. cæpta, & M. dlii. perfecta, quo ad V. Cal. Sextiles quartâ à meridie horâ, ultimo fornici suprema imposita est manus) subjectus fuerit, constat opus illud magnificum, à magnifica pietatis Catholicæ, quæ tum Gedani eximie regnabat, liberalitate partim inchoatum, partim absolutum esse; ut vix aliud de censibus atque impendiis, sub idem fere tempus, in sacellum Deiparæ Lindensis collatis statui posse videatur. Et, ut fortasse Rastemburgensium, tum jura, tum pietas atque munificentia, in fundamentis totoque sacelli opere struendo, primas tenuerit; minimè tamen inficias iverim Resselienſium quoque, uti & aliorum juxta positorum, haud contemnendas accessisse symbolas: Fratribus Theutonicis, uti illo ævo iis mos fuit, tum Ideam operi suggerentibus, tum operas ad maturandam fabricam dirigentibus. Quadrata operi figura, alterâ parte longior delecta ac data est, ita ut longitudo quidem cubitos vicenos, latitudo verò terdenos circiter obtineret: sicuti è vetustis, quæ et jamnum supersunt, & sacellum postliminio superstructum commodè sustentant, fundamentis cuius intueri licet. Illud eo in opere



prorsum singulare, ac miraculo proximum semper fuit visum, quod ductis in sublime, ut par erat, muris, tectum aut non potuerit, aut non fuerit necesse superne claudi. Ipsa enim Tilia, quæ medio fere sacelli loco (ubi nunc quoque pavementum, ad rei memoriam, quasi in collem exurgit) relicta, & muris undique fuit cincta; ramis ac frondibus in altum latè fuffis, mutuūque densissimè ita implexis, ut nusquam pervadere imbrium guttæ, aut perpluere possent, totius aut magnæ partis tecti vicem subiit. Et erat amenum sanè, nec minùs rarum spectaculum, non modò Tiliam, hibernâ juxta ac æstivâ tempestate perenniter vigentem ac virentem, verùm & totam ramorum, frondium, ac foliorum quasi majestatem, supra Ædem semper diffusam intueri, ut jam non multum videatur habere, unde Majolus Tom. I. Colloq. II. scribendo gloriatur. *Vidimus apud Ravennam in litore Adriatici maris Templum, cui D. Maria Rotunda, ob circularem formam, nomen est, cum antea fuisset Theodorici Gothorum Regis sepulchrum latissimè patens. Mirandum, omne illud Templum, unico saxo tegitur, cuius ambitus est supra pedes centum, crassities supra decem, ut latius saxum nemo in Europa vidisse putetur. Si quidem verò fides Herodoto lib. 2. habenda, In Ægypto unicum saxum, per singula quatuor latera, cubitis 40. latum, intus excisum, per se unum efficit Templum, manente parietum ac tecti, in excavato illo saxo crassitie cubitorum quatuor: uti inter mirarum num. 22. Pontanus refert. Neque minùs grata erat ipsa Tiliæ umbra, quæ, quò major ac densior ab opaco frondium implexu descendebat, eò pere-*

peregrinis, & ad refrigerium quietemque aptior, & ad excitandam in præſidio patrocinioque Mariano ſpem ac fiduciam erat utilior. Quotus enim quisque, Tiliæ Marianæ umbrâ beneficioque dum fruere-  
tur, non ſimul exigebat animum, ad illius, quod à Deo per Deiparam jam acceperat, vel accepturum ſe certò ſperabat, præſidii, protectionisque umbram? Quis non in ea umbra, vel tacitus apud animum ſuum illud (a) ſibi occinebat, ſub umbra illius, quem deſidera-  
veram, ſed; & fructus, eius dulcis gutturi meo? Quæ enim hæc alia umbra, quàm illa, de qua divinus ad Deipa-  
ram nuncius (b) Spiritus Sanctus, inquit, ſuperveniet in Te, & virtus Altiffimi obumbrabit Tibi? Quia enim illa, ut S. Ildefonſus ſerm. 4. de Annunt. ait, meruit virtute Al-  
tiſſimi obumbrari, nos meremur eius precibus adiuvari. Nimirum, uti ſponſæ aliæ, ſub ipſum deſponſationis  
tempus, conopæo ſive pallio, aut id genus Sponſi ſui umbraculo ſolebant tegi (uti id Cornelius loc. cit. non  
tantum è Ruth 3. 9. Ezech. 16 8. verùm & ex Euripi-  
de demonſtrat) ita magnæ Dei Matri, virtus Altiffimi obumbravit. Præclare S. Gregorius apud eundem  
Corneliū, Umbra, inquit, Chriſti, protectio eſt Spiritus Sancti: Spiritus quippe Sanctus mentem, quam replet, ob-  
umbrat; quia omnem tentationum fervorem temperat: &  
dum aurâ ſue inſpirationis mentem ſuaviter tangit, quid-  
quid noxi caloris ſuſtinebat, expellit: & quam iam forſi-  
tan nimius vitiorum æſtus marcidam fecerat, umbra Sancti  
Spiritus protegens recreat: ut dum in eius inſpiratione ſe-  
dens pauſat, vires colligat, quibus ad æternam vitam robu-  
ſtius currat. Si igitur Socrati, quemadmodum à Pla-



rone in Phædro inducitur, sub Platano disputanti,  
 licuit gloriari. *Hæc Platanus, est admodum patulis diffusa  
 ramis & procera; & altitudo opacitasque perpulchra nimis  
 & amena: quidni licuerit, & adhuc cuivis sub Ti-  
 liæ Marianæ umbra sedenti, liceat & altitudinem, &  
 opacitatem, & pulchritudinem, & amœnitatem, &  
 istiusmodi sexcenta, in ejusdem Tiliæ prædicare um-  
 bra? Si licuit, quemadmodum libuit, Xerxi Regi, ad  
 proceram in Lydiæ solitudine Platanum, teste Ælia-  
 no (a) castra tanto referta exercitu, nullâ postulante  
 necessitate, ponere, & solido ibidem die exacto, mul-  
 tiplicem juxta ac preciosum ex ea suspendere orna-  
 tum; torquibus & armillis ramos frondesque onera-  
 re; denique & curatorem ei, custodemque ac propu-  
 gnatorem, tanquam amasiæ, relinquere: quidni li-  
 ceat, Tiliæ Marianæ aliquid sive ornamenti, sive ve-  
 nerationis adjicere? nisi fortè aliqui exspectent, ut  
 Themistocles iis pro merito occinat, quòd ingruen-  
 te pluvîa ad platanos recurrant, quas tamen, redditâ  
 serenitate, inleſtentur ac vellicent. Ego, ut Olaus Ma-  
 gno (b) facîle annuerim, Templum Upsaliense, ob  
 aurum, quo erat magnificentissimè inductum, Lin-  
 densæ sacello ditius, vel etjam augustius, potuisse vi-  
 deri; tamen ob ingentem ignoti generis arborem,  
 Templi illius foribus adstantem, & perinde hieme  
 ac æstate florentem, nihil omnino præperpetua Tiliæ  
 Marianæ viriditate, amplitudine, & quâdam, quasi  
 supra naturæ vim, eximiâ majestate, concesserim: tan-  
 tum abest, ut *Arboribus*, uti Tertullian. c. 9. Apologetici  
 loquitur, *Templorum obumbratricibus*, in comparatione  
 Tiliæ*

(a) lib. 2. cap. 14. (b) lib. 3. histor.

Tiliæ Marianæ, aliquis eſſe poſſet locus. Quò enim magis profana erant Idolorum fana, eò quoque magis profanæ erant fanorum illorum obumbratrices arbores; quantum vis Lyſiæ Oratori, pro exciſo iſtiusmodi obumbratricis oleæ trunco, integrâ fuerit oratione dimicandum: quali tamen dimicatione, magno Chriſti militi S. Martino, cùm Pinum, quæ fano erat proxima, excidiſſet, minimè opuserat, uti Severus Sulpitius cap. 10. vitæ percenſet. Cæterùm Deipata cùm alibi ubique ſit *Arbor vitæ*, tum apud ſuam Lindam ſingulariter atque eximiè eſt Arbor obumbratrix. *Arbor eſt MARIA* (inquit Richardus à S. Laurentio lib. 12. de laudibus Virg.) *propter virorem virginitatis, humorem gratiæ, medullam pietatis, folia ſacrorum verborum, frondes bonorum operum flores ſanctorum deſideriorum, fructum unigeniti DEI: umbram protectionis, refrigerium illorum, qui malè exaſtuant; radicem humilitatis fidei, & charitatis, celiſtudinem ſpei, & eminentiam contemplationis.* Unde, non longè ab eo loco, in *MARIA*, inquit, veluti in horto condenſo, & umbroſo, invenitur *umbra propitiationis.* Sed & olim jam, Eccleſiâ Græcâ in Menæis teſte (a) *Beatiſſimus prophetantium chorus Montem ac Portam appellavit Obumbratricem.* Quos inter Prophetas, meritò illud Iſaiæ de umbra in horologio Achaz Regi Ezechia datum (b) jure cenſuerimus; qui vel uſi S. Joanni Baptiſtæ (ut Robertus à Crypta Minerva in Itinerario quoque obſervavit) adhuc in utero matris poſito, plus ab hac umbra virginea ſcimus obveniſſe beneficii, atque re-

G 5 medii,

(a) apud VVagnereck. num. 34. πύλην τε καὶ ὄρεα καὶ πόσκιον. (b) 4. Reg. 20.



medii, quàm vel sperare unquam, etiam à Galbano suo veteres, Plinio lib. 2. 1. cap. 50 teste potuerint. Hoc nimirum verè erat, & nunc est, ad Græcorum sensum, in umbra nutrirī (a) melius utique, quàm vel

— Parnassia Laurus

Parva sub ingenti matris se subicit umbra (b)  
vel ipsi Jovi Chaonix Silvæ Quercus, dum à Rhea editus esset, umbraculo fuerit, ideo quæ Jovi deinceps sacrata ac dicata Callimacho auctore fuerit. Hic denique multo æquius, quàm apud Platanum, Academicorum Mediolanensium symbolum, lemma adjicias, obumbrat, & recreat (c)

## CAPUT XX.

Variis piorum donis & Anathematis, Linda Mariana religio jam olim, & nunc illustrata.

**N**ON desunt plurimi, qui Tiliæ Marianæ (multò quàm fuerit, vel esse unquam potuerit Xerxis Platanus, angustiori ac diviniore) Torques, armillas, & id genus, ex argento, auro, gemmisque donaria, quæ coram spectari possunt, dent, dedicent, ac consecrent. Neque dubium est, quin anterioribus seculis, quibus Linda Mariana floruit, multò etiam plura ac locupletiora fuerint, quæ hæreticus furor, excisâ Lindâ, immensi sacrilegio abstulit. Si qui tamen mortalium dicere ex animo cum Principe Apostolorum (d) possunt: *Argentum & aurum non est mihi; possunt cum eodem adjicere: Quod autem habeo, hoc tibi do. Quod quidem, si non voce, certè opere ipso pronun-*

(a) *οικαλεσθῆναι*. (b) *Georg. 2.* (c) *Athan. Kircherus Tomo 2. Oedipi classe 1. cap. 2.* (d) *Act. 3. 6.*

nuntiant, quotquot locum sacrum indies frequentant: non ignari illius, quod Theodoretus lib. 8. de curand. Græc. affect. scriptum reliquit: *Gratissimè accipit eorum Dominus, qualiacumq; sint dona; nec exigua aut vilia dedignatur; quippe, qui ea proferenti facultate metitur.* Alii igitur pauperē illam (a) viduam, æra minuta in gazophylacium mittentem imitati, unum, aut plures teruncios offerunt; ditioribus interim non tam pro facultate, quàm pro voluntate, paulò liberaliùs agentibus. Alii plerumque cereos, candelarum, vel corollarum in morem effictos, offerunt; ut vel in candelis accensis, inflammatum in Deum ac Deiparam studium; vel in corollis, devota se Deo Deiparæque capita esse profiteantur. Alii grandiores cereos, totius alicujus familiæ, vel vici, vel oppidi nomine succendunt; ut vel acceptorum à Deo per Deiparam beneficiorum memoriam & gratitudinem, vel minimè dubiam impetrandorum spem fiduciamque testentur. Alii fictas de cera artuum variorum, hominumque insuper integrorum, vel etjam animantium ædiumvè effigies appendunt; ut, quæ jam accepissent, quævè etjamnum poscerent ac sperarent, à Deo Deiparæque beneficia, recognoscant. Neque alius eorum sensus est, qui de argento varios humani corporis artus, vel votivas, & arte, ad elegantiam pietatemque exactas tabellas; vel de ebore, pariove lapide, Christi, vel Deiparæ Imagines faberrimè effictas, vel etjam fusas ex auro, argento, atque ære statuas effigiesvè dedicant. Quas quidem inter statuas principem locum occupat, duos propè cubitos longa, &

ex ar-

(a) Marci 12.



ex argento egregiè laborata Deiparæ statua ; quam  
 M. DC. LIV. anno R. P. Jacobus Marquard Societatis  
 Jesu) primùm Sigismundo III. Regi, deinde ipsius  
 Tiliæ Serenissimæ Annæ Catharinæ Constantiæ,  
 Philippo Wilhelmo Duci Neoburgico Rhenique  
 Palatino nuptæ, à sacris Confessionibus) de piorum  
 eleëmofynis curatam, ipse jam ætate gravior attulit.  
 Deiparam, uti diximus, statua refert, Puerum Jesum  
 sinistro brachio, dextrâ verò manu, sceptrum ge-  
 stantem; & tanquam cæli terræque Reginam, caput  
 diademate inaurato, quali & Filius coronatus est,  
 præcinctam. Insistit quadratæ ex ebено sedi, tan-  
 quam suppedaneo; quod argenteis suo loco floribus,  
 ad artem elegantiamque factis, & inter atrum ebeni  
 colorem nitidissimè gratissimeq; candicantibus, pul-  
 cherriimè ornatum est. Ne quid porrò, ad majesta-  
 tem aut decorem operi deesset, quâ curâ, quâ precio  
 succurrit Patris Jacobi Germanus frater, Perillustis  
 & Admodum Reverendus Dominus Georgius  
 Marquard, Custos & Canonicus Varmiensis; ut hoc  
 ipso anno, statuæ argentei undique radii, quemad-  
 modum & capiti jam aliàs diademate cincto, stellæ  
 duodecim, diadematis instar, in orbem recurrentes,  
 adderentur. Idem ipse Custos ac Canonicus Varmi-  
 ensis, cùm eodem fere tempore, annuam, pro more,  
 pietateque suâ ad locum sacrum peregrinationem  
 abiret, Christi de Cruce pendentis, & Deiparæ ac  
 Joannis Apostoli juxta Crucem adstantium sigilla,  
 ex ebore faberrimè sculpra, nuper Sigismundo Regi  
 indelictis habita, Deiparæ Lindensi dedicavit. Pro-  
 ximum locum statuae itidem Deiparæ ex ebore facta,

& ra-

& radiis argenteis auro illitis cincta, uti & alia ex pario lapide, pretio & magnitudine longè inferiores quippe, quæ pedem geometricum longitudine vix superent; sed ab arte & sculptoris manu longè superiores. Utraque à R. P. Andrea Klinger Societatis Jesu, cum Serenissimo Joanni Alberto, Poloniæ & Sueciæ Principi, ac S. R. E. Cardinali à sacro esset Tribunali (uti nuper fuit Serenissimo Carolo Ferdinando, Poloniæ itidem ac Sueciæ Principi, Ploensique ac Uratislaviensi Episcopo) jam antè dedicata. Longam esset, ac perdifficile, singula aliorum donaria per censere, nedum pro merito exornare; aliqua tamen, suis præsertim locis, præterire nefas fuerit. Si enim Fridericus Fornerus ea, quæ D. Virgini Weyerensi donata sunt, paulò fusiùs deducit, si Tursellinus quovis seorsim libro, quid de summorum Pontificum aliorumque tum Ecclesiastici tum civilis ordinis Principum liberalitate, Lauretanæ Domui accesserit, accuratè, ut sanè par erat, per censet ne nobis quidem prætereunda erant quàm plurima, nisi vel operis brevitatis aliud posceret; vel quædam suis memoranda locis superessent; vel denique eorum, qui donantium nomina haud satis diligenter in album redegerunt, oscitantia, nos etiam currentes retardaret. Quædam tamen præteriri minimè debet. Quod à Joanne Lamsheft, Oeconomo primùm, deinde etiam Canonico Varmienti curatum ac dicatum, in omnium versatur oculis, sacra videlicet, Divinæ Eucharistiæ Theca, ac divinum veri *Salomonis ferculum*, Monstrantiam vulgo appellant Ex argento, suis partibus inaurato opus est, artis juxta ac majestatis plenum,



num, & ad usus DEI, nobiscum in terra commorantibus, quoddam quasi Tabernaculum, non incommodum Epigramma operi hujusmodi additum;

*Vni, ter immenso, Desideriorum Pelago;  
Ad ostium Misericordiarum Virginem  
Eucharisticon deposuit*

*Ioannes Lamshefft Can. Oecon. Varmien.*

1648.

Ab eodem quoque est tum ex solido argento Thuribulum præclari operis; tum Calix argenteus auro illitus, à pondere juxta & ab arte, paucis comparandus; cui infra pedem Inscriptio addita;

*DEO, Trino & Vni, summo rerum Creatori,  
Magna Matri, & Virgini, Domina Clementissima  
Ac sacello sacra Tilia dicto; ejusdem nomini consecrato  
Calicem hunc, unà cum Patena,  
Offert, dedicat, & consecrat,*

*Ioannes Lamshefft, Can. & Oecon. Varmiensis.*

*Anno M.DC.XLIV.*

Cæterum plurimi sunt, qui vel paria prioribus doctrina afferunt, vel, si id non possint, vario tamen religionis cultu, ac supplicantium ritu, interna pertolunt animorum suorum vota; quæ quidem, uti prioribus illis sunt, & esse debent, augustiora, ita & nunc, & superioribus olim seculis (quid enim nunc rituum ac ceremoniarum, quod illis non vigerit temporibus, Catholica usurpat religio?) nemo dubitat fuisse uti frequentata. De quibus jam sigillatim restat disserendum, sumpto à peregrinationibus exordio.

CAPUT

## CAPUT XXI.

*Deipara Lindenſis, populorum etiam longiſſimè diſſitorum, Peregrinationibus, ſemper culta ac honorata.*

Nulla fuit unquam populi Chriſtiani natio, quæ, ſimul atque Chriſtum agnovit, non agnoverit ſingularia Dei beneficia, certis apud ſe, vel haud longè diſſitis ab ſe locis, abundè mortalibus conferri ſolita; atque idcirco eadem illa loca, ſingulari pietate, & institutis ſæpe peregrinationibus non coluerit, ac frequentârît: præſertim cùm peregrinationum exempla tum in lege naturæ (a) Abraham & Iſaac (b) Jacob, aliique; tum in lege ſcripta Deut. 16. 16. uti & 1. Reg. 10. 3. Joan. 4. 21. Joan. 12. 12. Act. 8. 27. tum denique in lege gratiæ Chriſtus ejuſque parentes Luc. 2. 41. Paulus Apoſtolus Act. 20. 16. nobis ſuppeditent. *Neque hoc dicimus* (juvat enim D. Hieronymum (c) in præſente cauſa audire perorantem) quod renuamus Regnum Dei intra nos eſſe, & ſanctos viros etiam eſſe in aliis regionibus: ſed quod hoc aſſeramus, vel maxime eos, qui in toto orbe ſunt primi huc (videlicet in Palæſtinam, & ad ſacra in Palæſtina loca) pariter congregari: &c. Quicumque in Gallia fuerit primus, huc properat: diſſus ab orbe noſtro Britannus, ſi in religione proceſſerit, occiduo ſole diſmiſſo, quærit locum, famâ ſibi tantum & ſcripturarum relatione notum. Quid referamus Armenos, quid Perſas, &c. Pluribus de Hieroſolymitana, aliis que peregrinationibus, idem Hieronymus epiſt. 154. uti & in Epiſtaphio Paulæ; & præſatione in lib. 4. Comment. Jerem. Sicut & de antiquiſſima omnium que cele-

(a) Gen. 22. (b) Gen. 28. (c) epiſt. 17.



celeberrima, ad Limina Apostolorum, peregrinatione Chrylostomus hom. 66. ad populum; & hom. 12. in epist. ad Rom. & hom. 8. in epist. ad Ephes. Augustinus item, ut alios mittamus, serm. 28. de Sanctis, & epist. 42. Posteaquam igitur & Prussia Christum agnovit, agnovit pariter intra suos quoque fines, varia Deo destinata loca, quibus singulares dispensarentur mortalibus gratiæ atque beneficia: quæ quidem loca, jam inde ab ipso fidei Christianæ ortu, magno hominum numero, nec minore pietate ac religione culta sunt. Non est opus percellere eas Ædes atque loca, quæ tum in Regia, tum in Episcopali, ut vocant, Prussia, singularibus Dei beneficiis aut miraculis redundant, vel olim, priusquam illos divinatorum beneficiorum fontes ingratis obstruxisset hæresis, affatim redundarunt; qualia potissimum fuerunt. Gedani ad S. Elisabethæ; Elbingæ ad S. Georgii; Neoburgi & alibi ad alios, Glogaviæ ad venerabile sacramentum, Travendorff ad S. Annam; quin, ne ea quoque, quæ intra eos fines, quibus Prussiæ Ducatus circumscribitur, referri necesse est, ut in Quednau ad S. Jacobi; juxta Labiau ad S. Jodoci: cum plurima sint, quæ ad ipsa propè Regiomonti pomeria sita sunt; & vel ab ipso Prædicante Mislenta, non sine adpersis eloquentiæ prædicantiæ flosculis (a) in Manuali Prutenico referantur. Supputârat ille eo loco tempus, quo Romana in Prussia religio, ad summum vigorem & quasi apicem, sub Vinrico Kniprode, Generali Theutonicorum Magistro pertigerat, ideoque ad loca peregrinationibus illustria, &

Regio;

(a) pag. c. i.

Regiomonto propinqua delatus, ita scribit. In Arnau (villa est, leucâ unâ Orientem versus Regiomonto diffusa) olim Templum erat, D. Catharina consecraneum; quod etiam peregrinationes institui solebant: ut & ad simulachrum B. Maria in Iergenau, & post ad idem, ex Iergenau translatum in Canobium SS. Trinitati dicatum, & in loco Rikojoth extinctum; In vico Mulhusen olim Templum, ob indulgentias & peregrinationes creberrimas, erat celebre; eum in finem impetrato diplomate Papali, operâ studio, & impendiis Danielis à Kunheim senioris Anno 1492. Quemadmodum autem prædictum Diploma, quantum ab undecim Cardinalibus manu & sigillis munitum, alter Prædicans Hennebergerus, suggillat, & pro suo scilicet more, nassam, qua Clerus Ecclesiæ Rom. pecuniam captarit, appellat; ita in deprædicando alia ex causa & celebrando Mulhusino Templo, sociennum Myslentam habet. Quæ verò illa tandem causa alia? Quia nimirum, filia ipsius Lutheri, cuidam nobili (cujus nomini parcendum est) olim nupta, unâ cum quinque liberis in eo sepulta fuerit. Quæ etiam de causa, beatum prædicant Regiomontum, quod in Palæopolitano illius Templo Joannes, major natus Lutheri filius, tumularus sit. Hæc scilicet Prædicantur est beatitudo, si exactis ejectisque sanctorum Lipsanis aut imaginibus, spuria, eorundem loco, de incestu cadavera ferventur & colantur; ne, ut est in proverbio, non habeant similes labra lactucas. Cæterum Occidentem versus, plus aliquantò duobus passuum millibus Regiomonto abest villa Judenburch nuncupata; in qua, iisdem testibus, Templum Deiparæ Virgini sacrum, peregrinationibus etiam exterorum



ita celebre fuit, ut vel ex ipsa Geldria Dux Carolus, quatuor millium exercitu stipatus, voti solvendi causâ, ad eam Deiparæ ædem, temporibus Conradi à Jungingen Magni Ordinis Magistri, adveniret. Inde quatuor circiter leucis distat celeberrima quondam, uti alias meminimus, S. Adalberti inclyti eo loco Martyrio Ædes, peregrinationum frequentia supra hætenus memoratas admodum celebris. Huc enim, ut ipse quoque Myslenta scribit, Generales Crucigerorum Magistri concedendo, unâ cum spectatissimo comitatu, & Episcopo Fischhausensi Indulgentias impetrare, singulis annis circa festum Michaelis, in more positum habebant; uti hoc ipsum historia de Ludouico von Eelsinghausen/ Prussia Archimagistro, Anno 1463. comprobatur: & alia sub Henrico von Richtenbergh Prussia Magistro, de Erhardo von Reichenstein/ Commendatore Regiomontano; qui quatuordecim integros annos, relum chalcicum ab hoste in certamine capiti inflictum circumportavit; donec per palatipartem putrefactam egressum reperiret. Quod commemoratus Commendator, honori S. Adalberti consecræneum, catenula argentea Imagini S. Adalberti, unâ cum insignibus suis gentilitiis, in perpetuam rei memoriam appendit. Visitur id ipsum hodiernis temporibus dicto in loco.

Sed inter omnia cum miraculis beneficiisque divinis, tum peregrinationibus inclyta per Prussiam loca, nullus illo jam ævo, Lindâ Marianâ illustrior fuit. Nam & ille ipse Albertus Brandenburgicus, Magistorum universi Ordinis Theutonici in Prussia postremus, & primus deinceps in eadem Prussia parte Dux, priusquàm religiosâ cum veste, ipsam quoque Religionem Catholicam exuit, ab ipsa us-

que

que Regiomontana urbe, Lindam duodecim inde leucas minimum distitam, pedes, quin & nudipes absolvisse fertur. De quo non modò Ciaritius (a) verum & Sectarius Mislenta, Hennebergerum suum secutus, ita memorat. *Remissio omnis culpa & pena spondebatur, peregrinationem ad Tiliam, in campo prope Beislak, suscipientibus. Hinc Dux Prussia Albertus, adhuc in Papatu tenebris cespitans, pedestes, & quod maius est, nudis pedibus, ad Tiliam illam, Regiomonto peregrinationem suscepisse legitur.* Hujuscemodi peregrinationes multo fortasse plures & illustriores, etjam hoc tempore, ad Lindam Marianam fiunt. Vix aliquos in toto Varmienti Episcopatu, paucos omnino in reliqua Prussia invenies, qui non aliquando locum sacrum referant; non paucos verò, qui non sæpius intra annum quoque revisant. Ita pietas in magnam DEI Matrem, altissimas hic radices agit! ita nemo non maternum à Deipara vel experitur, vel expectat subsidium! sed & ad vicinos cis & trans Episcopatum populos, tum illius, de qua egimus pietatis populum, tum etjam maximorum & mirorum DEI Matris beneficiorum exempla, longè lateque diffusa, distinctissimis sæpe ex oris peregrinos attrahit. Neque enim juxta positæ in Matovia, Podlachia, Litvania, Poloniae nationes duntaxat, verum & è Germania, plurimisque illius provinciis, non pauci mortales, eodem receptum habent. Nos ipsi corrente anno spectavimus, qui tum Vilnâ, tum ex ipsa quoque Ukraina, voto iis locis ad Deiparam Lindenlem facto, Lindæ adfuerunt. Singulare illud videri potest, quod

H 2

super-



Superiore Anni M. D. C. LIV. æstate, ipso Deiparæ Elisabetham visitantis festo, plurimi oculis pauci animis usurpare potuerunt. Decem erant matronæ nobili & illustri loco, partim è Lublinensi Palatinatu, partim è remotioribus trans Lublinum partibus, & habitu & victu, ne agnoscerentur, mendicabulorum assumpto, nec non itinere per tanta gentium, terrarumque discrimina, pedibus confecto. Ita se facturas voverant, si incolumes è Tartarorum Cosacorumque manibus evasisent. Barbaris enim illis, secundum fœdus ad Zborow cum Polonis ictum, quaquaversum sævissimè grassantibus, & innumeros in servitutem mortales agentibus, istæ, quæ nusquam habere receptum poterant, cùm de miris maximisque Deiparæ Lindensis jam ante edoctæ fuissent beneficium, cò sibi factis votis receptum aperuerunt. Exparuit sanè; omnes enim Deiparæ ope incolumes, omnes eidem se voti reas, apud Lindam non sine actis enixissimè gratiis, uti diximus, stiterunt. Fuit sub idem ferè tempus, qui non tam suâ sponte quàm majore quadam vi, atque imperio adactus, ex ulteriore Poloniâ, Lindam usque peregrinationem suscepit. Immani se, & prorsum infando cum belluis scelere polluerat; quoad tandem iussu Deiparæ non læviter flagellis cæsus, ubi spem frugis melioris addixit, Lindam utque expiandi sceleris causâ remissus est.

Neque illud potest non admodum videri mirum, quòd ii quoque, qui in vicino Prussiæ Ducatu ab Ecclesia Catholica, proinde & à comunione cultusque sanctorum, per Lutheri emissarios distracti avulsique sunt, à Deipara tamen Lindensi honoran-

da, &, quando licet, etjam visitandâ, avelli nunquam potuerint. Nam præter illa, quæ ab Excidio Lindæ, ad usque sacelli restorationem evenisse libro proximo dicemus, illud hîc universim dicendum; vix aliquod est tempus, quo non aliqui, simul ac tantillum à iugo Prædicantium respirare, &, quâ licet, perumpere Lindam usque possunt, læti alacresque continuò advolent. Quod cùm non ignorent plerumque ipsi Prædicantes, quid non moliantur, ut veliter obstruant? vel, cùm id non succedit, in miseram plebem, tam impotenti obnoxiam tyrannidi, conceptum animo evomant virus? Jam ipsi, quâ privatim, quâ pro publica concione, verbis, minus & omni caninâ eloquentiâ detonare; jam viros nobiles, quorum in ditione ovium Christi mandras lupi invaluerunt, jam præfectos arcium, oppidorum villarumque tentare, sollicitare, & in vindictam, tanti scilicet facinoris, impellere. Et evenit nonnunquam, ut malitiâ suâ aliorum accendant sive avaritiam sive stultitiam; & per homines, quandoque minimè malos, malè tamen deceptos, subjectas iisdem plebes, minis, vinculis, verberibus, aut etjam depenso multæ nomine ære graviter depectant. Neque tamen vel ita pessimè iniquissimeque multatis, eripi pietatis in DEI Matrem aut fiducia potest. De quibus suo loco: nunc illud vel innuisse juverit; inter eos, qui Catholicæ sinu Ecclesiæ foveantur, non vulgus duntaxat, aut minorum subselliorum homines, verùm Principes quoque ipsos, Lindam, ad magnæ DEI Parentis matrum prorsus sinum non rarò recurrere. De aliis, erit suus dicendi locus. Te verò, magnæ Polonorum Sue-



corumque Rex, JOANNO CASIMIRE, solum hic tibi locus vendicat. Tu tantam belli, simul & inperduelles Cosaccos, & in perpetuos ad hanc diem Reip. hostes Tartaros, & in perfidos ac barbaros semper Moschos molem, non sine nuncupato ad DEIPARAM LINDENSEM voto auspicatus es. Et quidem, ut eventus jam docet, non infeliciter. Nam & Tartaros, citragladium & sanguinem, maximo Tuo, Regni Tui, & universæ Christianæ Reip. commodo, ad Tuas Reipub. partes jam adjunxisti: & tum Cosaccos, tum Moschos, Deiparæ, ut credi par est, ope, militumque Tuorum singulari virtute, ad eas redegisti incitas, ut spes non minima omnibus affulgeat, brevi Te, & votorum tuorum compotem, futurum, & factorum ad Deiparam Lindensem quemadmodum jam aliàs fecisti, compariturum reum. Hærent enim adhuc impressa apud Lindam pietatis vestigiæ Tuæ, cum Princeps, è peregrinatione apud exteros tandem peractâ, Peregrinationem, quam Deiparæ Lindensi addixeras, me etiam spectante, felicissimè in patriam redux, absolvisi. Superi Te, exercitusque Tuos fortunent, ut & promissam hanc alteram, quàm fortunatissimè celererrimeque absolvas.

## CAPUT XXII.

*Deipara Lindensis, publicis variarum in Prussia civitatum, vicinarumque Prussia populorum, supplicationibus ac processionibus, semper culta.*

Quantum militi cohors, exercitusve cohorti addit, tantundem publica supplicantium agmina, Processiones, vulgò dicimus, addunt privatis hominum

num peregrinationibus. Et quid, quæſo, videri aliud poſſunt, conferta illa, ac pulcherrimo ordine procedentia ſupplicantium agmina, quàm vel Exercitus compoſito agmine progredientes; vel examina apum, ad legendum ſingendum quæ mel effuſa? Nam & *Regnum calorum vim pati*, tanquam ab exercitibus oppugnatum, ſcimus; & pios hominum cætus mellificio cæleſti addictos atque intentos, non ignoramus. Quæ autem, aut unde cælo vis inferri major poteſt, quàm cum non jam unus aliquis ac ſolitariuſ, ſed integri quodammodo exercitus cælo manus admovet, juxta Pauli (a) diſciplinam, *levantes puras in oratione manus* : vel ubi divinum illud mellificum provenire uberius poteſt, quàm ubi ipſum Tiliæ nomen, rore & ſucco abundantis melleo. divinæ rorem gratiæ, in mortales per Deiparam effundi ſolitæ, præſe ferre, aut potiùs exhibere ultro viderur? Atque hinc illa, à primo religionis Chriſtianæ in Pruſſia exortu, cum ad alia nonnulla loca, tum ad Lindam Marianam frequentia : ut vel inde, Romanæ in Pruſſia religionis ſummum quaſi apicem, paulò antè citatus Prædicans Myſlenta dimetiatur. Sic enim (b) ſcribit : *Proceſſiones in ſuper pompâ Perſicâ ornata, nec non frequentia Magnatum, & caterorum, tam ex primoribus, quàm ex vulgo concurrentium, crebriores in uſu fuiſſe deprehenduntur. Ac ne fortè alicui ex vano, uti hominibus iſtiusmodi mos & natura eſt, hoc quoque hauſiſſe videatur, producit in medium ultimæ Proceſſionis pompam, quæ paulò antè, quàm Quintum Lutheri Prædicantum quæ Evangelium, quaſi quoddam Alecſus ſignum ex*

H 4

urbe

(a) 1. Timoth. 2. 8. (b) pag. 6. 3.



urbe personuisset, Catholico ritu Regiomonti fuit instituta. Juvat eam hoc loco, quasi coram intueri; & ex ea una de reliquis, proinde & de Catholica pietate ac magnificentia Ecclesiæ, sumere argumenta. Regiomonti quidem (inquit ille citato loco) Processionis ritus hunc in modum institui solebat, qualis ex Processione Anni 1519. conspicitur; institutâ die Veneris ante medium Ieiunii Quadragesimæ. Intererant tunc pompa illi duo Episcopi, Pomesaniensis Iacobus von Dobeneck & Georgius von Pölsig Episcopus Sambiensis: Marchio Albertus Dux Prusiæ, tum temporis adhuc Magister Crucigerorum supremus; Marchio Wilhelmus, Alberti Ducis frater; Ernestus vel Ericus Dux Brunsvicensis. Initium Processionis institutum erat, in Templo Cathedrali Cneiphoviano; ex quo progressus factus est in Templum Palaopolitanum; inde in Templum Divo Nicolao sacrum in Lithostrato seu præurbio Palaopolitano situm; porro in Templum Divæ Magdalena, quod esse jam desiit; situm fuerat propè arcem, ubi locorum Monetæ nunc cuditur. Hinc in Templum Sins; ex eo verò in Templum S. Crucis, quod etiam profanatum ac conflans tormentis aeneis, machinæq; bellicis destinatum, propè portam Crucis nuncupatum. Inde in Templum D. Barbaræ; postea in Templum Monialium, B. Mariæ sacrum, quod hodiequæ extat in Xenodochio; Ex hoc in Templum Spiritus Sancti; quod hodie in usus fartorum & Lanionum cecisse in veteri oppido, prope portam Lobnicensem, visitur. Denique regressus inde institutus erat in Templum summum seu Cathedrale Cneiphovianum; ubi etiam actui coronis erat imposita. Eadem memorat Hennebergerus (4) & Joannes Behm oratione I. seculari, sive Jubilæâ Academia

miæ

mia Regiomontanæ. (a) Gratiæ debentur Prædican-  
tibus, qui tam eximium Catholicæ in Prussia religio-  
nis, vel inviti nobis monumentum, factum tectum  
reliquerunt. Ex eo quippe, facile quivis colligat, quæ,  
& quales, tum Regiomonti, tum alibi, tum præcipuè  
ad Lindam Marianam olim ſemper vigerint Pro-  
ceſſiones. Ego quidem, qui hoc tempore, propè quo-  
tidianas, sæpè etiam plures intra unum diem concur-  
rentes intueor, videor mihi illam, quæ primis Eccle-  
ſiæ ſeculis, per univerſum orbem Chriſtianum luce-  
bat, pietatem, quin & magnificentiam intueri. S.  
Paulinus Antiſtes Nolanus, virtute juxta ac doctrinâ  
clariffimus, & cum aliis ſanctis Eccleſiæ Patribus,  
tum Hieronymo potiffimum atque Auguſtino, ſum-  
mè ſæpiſſimè quæ laudatus, eas, quæ quotannis ad S.  
Felicem Nolanum fiebant, ſupplicationes atque pro-  
ceſſiones, tanquam oculus teſtis, natalitiis aliquot  
Poëmatibus ita depinxit, ut in illis hodiernarum quo-  
que Lindenſium videatur relucere imago. Natali  
Tertio hunc in modum canit.

*Nec modus eſt populis coëuntibus agmine denſo,  
Nec requies. Properant in lucem à nocte, diemquæ  
Expectare piget: votis avidis mora noctis  
Rumpitur, & noctem flammis funalia vincunt.  
Stipatam multis unam invat urbibus urbem  
Cernere; totquæ uno compulſa examina voto.*

Et quid horum, quæſo, in plerisque ad B. V. Lin-  
denſem ſupplicationibus deſideres? Num *Agmina*  
*denſa*? Arqui sæpe evenit, ut non ſacellum modò, ſed  
& areas ſacello vicinas, & lucos populi repleant.

H

Num



Num Populos *fine modo & requie coeuntes*? Atqui hebdomada nulla, quin & dies, toto anno, maximè verò æstate, vix ulla intercurrit; quin Linda aliquos habeat visitatores; ita, ut cum fortasse ad S. Felicem Nolanum unâ duntaxat aliquâ, Natali videlicet ipsius die, per annum fieret; ad B. V. Lindentem plurimis, sed maximè festis ipsius B. V. diebus, toto anno fiat. Num *Moras noctis, quâ votis avidûs, quâ flammis & funalibus vincentes mortales*? Atqui, ut majoribus minimè Deiparæ festis aut supplicationibus, non dies duntaxat Cereorum flammulis, verùm & noctes, accensis per arcas lucosque ignibus collucunt. Num *urbem unam multis stipatam urbibus*? Atqui plures simul pagos, interdum & civitates, diversissimis ex locis, intra eandem diem simul coeuntes, ac sese mutuam stipantes, quin & è sacello & vicinâ sacello arêâ, vi protrudentes, magna cum admiratione sæpe licet intueri. Num denique *uno compulsæ examina voto*? sicubi ad sanctorum aliorum Memorias, certè ad Tiliam Marianam convolantes populos, tanquam quædam Apum examina, æstimare atque appellare fas est. Neque enim sic ad ullam Tiliam, melle, aut rore succovè melleo turgentem, apes ut mel colligant, quàm ad Marianam Tiliam populi, ut cælestium mella gratiarum sugant, atque intra suarum ædium oppidorumvè quasi alveos recondant, uno planè voto, convolare solent. Nam, ut cum eodem S. Paulino, Natali octavo canamus:

*Omni namq, die, testes sumus, undique crebris  
Catibus, aut sanos gratanter reddere vota;  
Aut egros varias petere, ac ambire medelas.*

CAPUT

## CAPUT XXIII.

*Receſſentur ſigillatim villa, civitates & populi, qui ſtatas quotannis Proceſſiones ad B.V.Lindenſem obire ſolent.*

Non ſatis erat Divo Paulino confertam populorum multitudinem ad S. Felicem Nolam confluentem, celebraſſe, niſi & populos ipſos, ita confluentes ſigillatim percenſuiſſet. Sic enim Natali tertio accepimus canentem:

*Lucani coeunt populi; coit Appula pubes,  
Et Calabri, & cuncti quos alluit æſtus uterque;  
Qui lavâ & dextra Latium circumſonat unda,  
Ipſaque caeleſtum ſacris Procerum, monumentis  
Roma Petro Pauloque potens, rareſcere gaudet  
Huius honore DEI; portaque ex ore Capena  
Millia profundens ad amica menia Nol.:*

Neque nobis quocirca ſatis fuerit, tot & tantarum feciſſe Proceſſionum memoriam, niſi quarundam (quis enim omnes ad amuſſim percenteat) aut cenſum, aut memoriam refricemus.

Primas ſibi vere vendicat civitas Reſſeliensis, quæ ſicut Lindæ Marianæ, præ cæteris, vicinioreſt, ita Proceſſionum annuarum frequentiam nulli primas cedit. Quaternas minimum, Reſſelienses uniuerſi intra annum faciunt ſupplicationes, & quidem omnes ſerè ex publico conceptas voto. Prima alteram, ut vocant, Rogationum feriam occupat; qua pro more, atque Catholicæ inſtituto Eccleſiæ, ſatis & ſementi jam factæ ac futuræ, clementior aura, & divina de cælo benignitas, publicis ubique precibus imploratur non ſecus atque ſub Annum Domini 452. à S. Mamery



Mamerco Viennensium in Gallia Episcopo, partim ad terræ motus, partim ad ferocium in urbe luporum incurfus, partim denique ad subterraneorum eruptiones ignium avertendas, triduana ante Domini Ascensionem supplicationes fuerunt institutæ; quemadmodum S. Avitus illius successor, & Sidonius Apollinaris (a) testantur. Altera Resselienſium supplicatio instituitur, Dominicâ Festum Visitationis B. V. proximè consequente. Cùm enim illo tempore, Deiparam ad *Montana cum festinatione abeuntem*, plerique alii, qui sub id tempus Lindam publicas adorant Processiones, imitari satagant, aut etiam quadantenus, comitari; ne Resselienſes quidem, in eo erga Deiparam sive officio, sive pietate, publico itidem omnium voto firmatâ, eripi sibi palmam sinunt. *Tertia* ad V. III. Cal. Aug. ipso videlicet D. Jacobi Apostoli festo, quo publicæ supremo Numini aguntur gratiæ, ob servatam à præſente incendio civitatem. Anno enim Domini M. DC. XLI. subitum juxta ac vehemens exortum incendium, in audita propè celeritate ac vi depasce civitatem cæpit; ut, vento flammæ, carbones, quin & torres & grandia tigna quaquaversum jactante, ratio ac modus sistendi ignis nullus esset. Et jam platea arcem inter ac prætorium interjecta, quemadmodum & suburbium, *piscaria platea*, dictum in cineres reſederat domicilio Societatis in medio sito, atq; octies flammam concipiente, supellectili, quæ intra pomarium, domui ortum versus subjectum, jactata erat, ignibus haustâ. Ratio denique sistendi mali, omnibus unica apud Deiparam Linden-

sem

ſem occurrit. Simul igitur ac votum annuæ in eum diem ſupplicationis nuncupatum eſt, omnis ſimul ignis extinctus: Reſſeliensium vero ad Deiparam Lindenſem pietas, tantò magis eſt accenſa. *Quarta* denique, inſtituitur poſtridie Aſſumptæ in cælum Virginis, quâ ob ſervatam à peſtilenti lue civitatem, gratiæ itidem referuntur D<sup>eo</sup>. Duodenæ circiter familiæ intra civitatem erant, quæ id temporis votum annuæ peregrinationis Deiparæ Lindenſi nuncuparant, & continuo, ab omni immunes periculo evaſerunt. Ergo primum illi ipſi, qui voverant, eorumque poſteriori paulò verò poſt, univerſa civitas, commune D<sup>e</sup>i ac Deiparæ beneficium, communi ſupplicatione profiteri ac celebrare aggreſſa, et jamnum perſeverat. Neque his contenti Reſſelienses, quandoque plures extra ordinem adjiciunt Proceſſiones, quemadmodum hoc, quo iſthæc ſcribimus, & ſuperiore anno fecerunt. Nam ſuperiore quidem anno, cum epidemica lues, in vicinis quoque Ducatus locis sædè graſſaretur, Reſſelienses factâ citra moram ſupplicatione, quaſi meliorem de Tilia Mariana ſuccum, pro antidoto ſumpſiſſent, à præſentiſſimo jam periculo eximii fuerunt. Hoc verò quinquageſimo quinto ſeculi iſtius anno, quod & alias pari eventu factum, agris & ſatis nimio Syrii æſtu ac ſiccitate prope exareſcentibus, quaſi ſub Marianæ Umbræ Tiliæ, pro more, ſe receperunt, brevi que intervallo, opportunos de cælo imbres naſci ſunt. Atque hæc Reſſelienses univerſi: jam verò ii, qui ſuburbium, vulgo, *Piſcaria plate*, dictum, colunt, ſeorſim inſuper Tertia Pentecoſtes feriâ, publicam quotannis inſtituunt proceſſionem,



nem ; quæ ob depulsam ab se pestilentis auræ lucem, supremo Numini & Deiparæ gratias agunt. Triginta circiter inde abierunt anni, cum Resselium totum, illa populata est lues, ut ad dictum quoque pervaserit suburbium. Hic de præfecti vici illius consilio omnes annuam Deiparæ vovent peregrinationem; &, simul ac voverant, voti compotes effecti, perpetuâ grati animi memoria atque processione beneficium recolunt.

Resselienſibus proximi sunt *Bistenienses*; oppidum quippe, vix tribus Linda, Resselio autem duabus abest leucis: illi proinde Resselienſium vestigia ponere legunt. Quovis enim anno, proximâ à festo Pentecostes Dominicâ, quæ sanctissimæ Trinitati est dicata, sub meridiem domo egressi, numeroso juxta, & ad modestiam pietatemque composito rite agmine, sub vesperam ingrediuntur Resselium; precibusque in Templo Societatis aliquamdiu fusis, quieti se, in vicina plerumque villa *Rotaven* dicta, componunt; primaque postridie luce, iter Lindam pari modestiâ ac pietate prosequuntur. Tametsi verò aliorum quoque omnium, qui Lindam frequentant, pietas ipso quasi vultu facile se prodat, singulare tamen quiddam in Bistenienſibus relucet, velut quidam earum supplicationum fructus. Palàm est, ejus oppidi cives, commensationibus antehac, ebrietatibus, &, quæ inde sequuntur, rixis, pugnis, atque cædibus, supra cæteros, prope infames habitos; adeo ut Illustrissimus Antistes Nicolaus Sayizkowski ante annos circiter undeviginti, necesse habuerit iis, qui cultrum in alium strinxisset (cultris enim potissimum inter pocula certaba-

tabatur) exilii subhastationisque penam infligere. At illi simul ac supplicationes ejuscemodi; annuas obire, Patrumque Collegii Resselienfis operâ ad frugem se recipere cæperunt, jam cum quavis vicinarum civitatum, de honestate, de modestia ac pietate facile videntur posse contendere.

*Bisburgenses* quoque, qui quatuor, *Seeburgenses*, qui quinque, & *Vartemburgenses*, qui sex itineris leucas Lindam, usque habent, ferè circa Deiparæ Elisabetham visitantis festum, statas quovis anno supplicationes obeunt. Quæ, quò sunt longinquiores, & quâ itinerum, qua tempestatum incommodis magis obnoxia, eò magis pietatem, civitatibus illis quasi insitam, contestantur. Quibus de causis etiam *Allenstei-  
nensium*, municipum meorum, religio & constantia magis videtur prædicanda; quòd, cum octo minimum leucas itineris emetiri Lindam usque debeant, nullo tamen anno, semel cæptas, & semper magna cum pietate obitas Processiones omittant. Quorum, ut est insignis religio, ita, quæ religionem adjuvat & ornat, Musices canendique peritia, tum domi, tum in hisce supplicantium choris, faciliè palmam cæteris præripit. Quod quidem superiore anno etiam inde patuit, quando agmini Lindam proximè succedenti, Deiparæ Virginis laudes, quæ Lauretanis continentur Litaniis, virgineâ voce nubilæ jam virgo, toto agmine accinente, patriâ linguâ, nec minima arte juxta ac suavitate, præcinuit.

Civitatum exempla sequuntur adjunctæ civitatibus villæ, & quæ Lindæ viciniore sunt, etiam præeunt. Etsi verò necdum constet, quam sibi singuli fixerint



xerint statam in anno diem, reperio tamen in commentariolis circa 1640. & proximè currentes annos, Aprili mense suo defungi solitos itinere *Worplacenses*, & *Klausdorffenses*: Majo verò *Glocksteineses*, *Santoppenses* & *Plausenses*: Janio *Wuslacienses*, *Sturmbublenses*, *Heinersdorffenses*, *Plesenses*, *Kivvirenses*, *Schulenses* ac *Lautenses*; Julio *Kellenses* & *Crausenses*. Plures alii potuissent consignari, si ii quibus consignandi provincia fuerat, commissa, paulò accuratius munere suo fuissent defuncti: quippe & causas tum supplicationum, tum votorum supplicationes antevententium opportuisset perquiri ac signari. De solis interim *Wuslaciensis* illud proditum est, Epidemica lue (quam majorem vocant pestem) ubique grassante, votum Deiparæ Lindenfi in Templo omnes nuncuparunt, & è Templo progressi, sub dio ante Christi è Cruce pendentis effigiem id ipsum confirmarunt. Auditi sunt de cælo, ideoque voti rei, & beneficii divini memores, quod voverant, quovis anno exequuntur. *Klausdorffenses* quoque ac eorum vicini *Worplacenses*, ultro farentur, jam inde ab avorum abavorumque memoria, supplicationes suas voto firmatas, & supra centum jam annos, ipsa feria quinta Dominicam Paschatis proximè consequentes, ab se frequentatas. Causam verò perpetuam istius voti fuisse, incendium ope Deiparæ Lindenfis, ad quam trepidi recurrerant, subito extinctum: unde & dictum diem, quam possunt, festivissimam, & ab omni opere servili eximiam, ducunt. Similis est *Munchsdorffensium* pietas, qui sexta, & *Santoppensium*, eidemque *Paracizæ* adjunctorum, qui secundâ

Festum

Feſtum Corporis Domini conſequentē feriâ, agmine è tota villa coaſto, ſupplices præcedunt; & votum (quod ad avertendas æeris tempeſtates, quæ hoc tempore, maxima cum ſatorum noxa, graſſari ſolent, ipſorum majores dudum ante fecerant) quovis anno prolequuntur.

Sunt præterea aliæ civitates, quæ eſſi non quovis anno, frequentius tamen intra annos non multos, paria prioribus ſupplicantium agmina Lindam mittunt: quas inter ſunt *Heilsberga, Gutſtadium, Meelſacum, Vormditum & Brunsberga*; quæ quidem uti cæteris eſt remotior (ſedecim quippe milliaribus Prutenicis abeſt Linda) ita rarius coaſto ſimul omniū agmine accedit; accedit tamen quaſi per ſparſos, quos ſubinde quovis anno ſubmittit, ſuorum manipulos. Quod & *Traumburgum, & Iolkemitum*, aliquanto quàm Brunsberga remotiores, pari ſolent religione facere. Sed & *Regiomontum, & Elbinga, & Gedanum*, quanquam paucos, præſectariorum turbâ numerent Catholicos, tamen, pro eo numero, non paucos quotannis Lindam expediunt.

Neque verò ſolius Varmia aut Pruſſiæ finibus, Deiparæ Lindenſis, per publica ſupplicantium agmina, cultores continentur. Sunt & in ampliſſimis Regni Poloniæ, & Magni Ducatus Litvaniæ provinciis, qui necdum quidem annuas, frequentes tamen, præſertim è Maſovia & Podlachia peregrinationes, quin & Proceſſiones inſtituunt. Et è Maſovia quidam *Chorzelenſes*, qui quindecim, & *Prasniſenſes*, qui quatuor inſuper leucas abſunt Lindâ, frequentiffimè per manipulos, interdum verò etiam coaſto omni-



um aut plurimorum agmine, supplices accedunt *Colnenses* quoque, & alii, haud procul *Lamzâ*, Lindâ verò viginti circiter leucas distiti, frequentes adesse quotannis solent; insuper hoc anno, pro ipso Visitationis B. V. die, *VVanfosenses*, & haud longè ab iis positi *Goncondzenses* magno numero, & agmine in morem supplicantium composito, adfuerunt. Quorum omnium, eò magis est & laudanda & admiranda pietas ac religio, quòd maximam itineris partem, per ipsa quasi adversariorum castra, per Prædicantium, inquam, & sectariorum in Ducatu dominantium fines, conficere, & non rarò eorundem sannis atque opprobriis saturari necesse habeant. Verùm haud gravatè opprobria & sannas impiorum supportant ac perferunt, qui ad cælestis gratiæ rorem & ambrosiam, quam Tilia Mariana affatim suppeditat, toto pectore animoque anhelant.

Verùm hoc loco, piaculi instar videri possit, si studiosam *Collegii Resselienfis* juventutem taciti præterierimus, quippe cui non annua, sed Menstrua ad Lindam Marianam supplicatio est. Quovis enim mense, die remissioni animorum datâ, & Vacunæ, quod ajunt, sacra, ad signum primâ luce dari solitum, quasi provolantes de suis alveolis apes è vestigio adfunt; & in classium suarum ordines tributî, præcedente cum Deiparæ effigie Labaro, progressuri; à Lauretanarum carmine Litaniarum exorî, quod animosâ juxta ac dulci vocem modulatione pertexunt, alia insuper atque alia, in Dei & Deiparæ laudes carmina, toto decurrunt itinere. Tum silvam Lindæ proximam lucumque ingressi, & ad voces can-

nentium non tam respondentis quam ludentis, & ludendo calidos juventæ spiritus irritantis Echo, sibilis, ad novum modulandi æstum succensi, quò fiunt sacro loco propinquiore, eò lætioribus dulcioribusque personant modulis: quoad tandem ad ipsam Deiparæ Ædem delati, tanquam innoxia, mellis tamen avida, apum examina, Tiliam suam cælesti rore ac melle gravidam nacti; inter sacrum Missæ sacrificium, & harmonicos Musicorum concentus, rorem cælestem ac mella legunt; quibus deinceps intra animorum suorum quasi cellas reconditis, ad DEI & Deiparæ amorem, cultum ac religionem, totâ nutriantur foveanturque vitâ.

## CAPUT XXIV.

*Variis ritus, & supplicandi rationes ac modi, quibus Deipara Lindenfis olim culta, & nunc, ad Ecclesiæ veteris exempla colitur.*

**S**piritus, & solennes ad Deiparam Lindensem supplicantium ceremoniæ, perinde possent calamo & oratione pingi, atque in se oculis spectantium sunt gratæ; magnam sanè huic narrationi, & pietate, quam spirant, & varietate sua gratiam adferrent. Si enim, ipso teste Christo Domino (a) *Gaudium est Angelis, super uno peccatore penitentiam agente*; quidni jucundum sit, cum iisdem Angelis, tum etiam hominibus spectaculum, non unum duntaxat, sed tot penitentiam agentes, & quod agunt, tot ac talibus modis proficientes, intueri? sive igitur composito agmine procedentium, sive peregrinorum, aliorumvé Lindam accedentium, ritus intuearis, videbis principid

I 2

pleros-

(a) *LUC. 15.*



plerosque, accensis præire cereis, & illa ceræ ardentis luce palam contestari, duritiem cordis per peccata quondam prope saxeam, DEI Deiparæque ope non tantum ad instar ceræ emollitam, ac ad DEI nutum flexilem; verum & Spiritus sancti igne accensam, ita in se ardere, ut etiam bonæ conversationis luce, omnibus, qui spectant, occasionem det glorificandi Patrem qui in cælis est (b) Quod si fortasse necdum aliqui faciunt, facturos tamen confidunt; & accensam faciem, quam manu præferunt spondent, ac quodam quasi modo in manum conveniunt. Iam quid est (ut cum S. Gregorio (c) loquamur) quod opus nostrum, & ita faciendum est, ne uideatur: & tamen ut debeat uideri, præcipitur: nisi quod ea, qua agimus, & occultanda sunt, ne ipsi laudemur; & tamen ostendenda sunt, ut laudem cælestis Patris augeamus? Nam cum nos iustitiam nostram, coram hominibus facere Dominus prohiberet, illic adiunxit, ut uideamini ab eis; & cum rursus uidenda ab hominibus bona opera nostra præciperet, protinus subdidit, ut glorificent Patrem uestrum, qui in cælis est. Qualiter igitur uidenda essent, uel qualiter non uidenda, ex sententiarum sine monstravit: quatenus operantis mens, opus suum, & propter se uideri non quereretur; & tamen hoc, propter cælestis Patris gloriam non calaret. Atque hinc, simplici rudioris plebeculæ desideriis, anxie nitentis, ut, quos gestant cereos, omnium in sacra comburantur. Ede, conniveri debet. Tamen si enim Dominus non munerum, quæ offeruntur, molem, sed mentis spectet & acceptet sensa, vulgi tamen simplicitas eo se

(b) Matth. 5. (c) 3. parte pastoral. ad mon. c. 36.

se plus existimat placere Deo , quò plus, etjam de aspectabili illo candelarum luce , ad DEI gloriam promittit: nisi fortassè aliqui per illam cereorum suorum lucem, eo magis Catholicæ fidei, quam profitentur, splendorem, promicare apud Lindam Marianā uelint; quo densiores Lindam, in uicino Ducatu, excipiunt hæreseon sectarumque tenebræ .

Iam uerò alios quoque uidetis, accensos cereos, aliavè munuscula, manibus præferentes, uel maiorem sacelli Arcam, uel ipsum Sacellum, ter ut minimum circuire ; fortasse non immemores repetitarum per septem dies, circa Urbem Iericho, (a) processionum. Neque enim quibusdam, aut pro asperitate prauitateque morum , teneriorem , aut pro peccandi astuetudine uiciorumque usu infirmiores Ierichunta , nomine reque ipsā quarovis Lunæ mutabilitatem referentem , hostis ille generis humani, in animo quasi à fundamentis erexit; ut nonnisi frequente circuitu, & ui, quasi per uarios astultus, admotâ, infelices illi Ierichuntis muri, subruī ac funditus everti queant. Neque illud minùs frequens, aut minùs iucundum spectaculum est, quando plerique non modò de geniculis nixi, circum Aram sacelli, uel ipsum quoque sacellum , iterum ac sæpiùs reptant: uel aliquam itineris Lindensis partem , præsertim cum uiciniores Lindæ fiunt , geniculis reptando absolunt, & quod primæ Christianorum Ecclesiæ in more positum fuisse legimus , exemplo , & re ipsâ probent. Nam & *Genicationes*, cum Tertulliano (b) ac Hieronymo; (c) & *populum ingeniculantem*

I 3

adorare,

(a) Iosue 6. (b) *ad scapulā c. 4.* (c) *in c. 3. ad Eph.*



adorare, cum Prospero (a) & cum citato jam Ter-  
tulliano adversus Judæos, genibus positis, & manibus  
cadentibus pectus, & facie humi volutata, orationem  
commendari, quavis propè die, apud Lindam Maria-  
nam spectamus. Cæterum uti Geniculatioes usitatae,  
quæ affixis certo loco genibus fiunt, communes aliis  
locis sunt; ita, quibus circa Aram uel ipsam Ædem  
reptatur, Lindæ Marianæ singulares ac propriæ, uel  
admodum paucis uidentur communes; perinde at-  
que uita, quæ secundum Rupertum, geniculatio-  
nis figuratur, tum Christianis tum gentilibus com-  
munis est: at uita, ad uirtutem & legem divinæ ex-  
acta admodum est singularis, & in paucis se offert  
spectanda. Iuvat ea super re, Rupertii ipsius sapien-  
tissimam adducere contemplationem. In utero, in-  
quit ille (b) nos ita natura formavit, ut genua Genis op-  
posita sint; unde & à genis genua dicantur. Ibi enim co-  
hærent sibi, & cognata sunt oculis lacrimarum indicibus  
& misericordia. Deniq; complicatū aiunt signi formariq;  
hominem, ita ut genua sursum sint, quibus oculi forman-  
tur, ut cavi fiant ac reconditi. Inde est, quod homines,  
dum se ad genua prosternunt, statim lacrimantur. Voluit  
enim natura, nos maternum memorare uterum ubi conside-  
bamus in tenebris, antequam ueniremus ad lucem. Profe-  
cto, qui causam istam diligenter attendit, ille scienter atq;  
rationabiliter laudat & approbat, sanctum & eruditum  
cogitationibus familiare esse, genua frequentius excelsis  
DEO curvare, & genas lacrimosas genibus curvis applica-  
re; ut respiciat ac cogitet Creator habitans in excelsis,  
qualiter

(a) p. I. cap. 14. de prædict. Dei (b) lib. 6. ad cap. 6.  
Cantic.

qualiter nos in utero formavit. Quo loco, cum multa Rupertus eruditè iuxta accipè, tum illud ad causam nostram accommodè dixit, uidelicet, *sancti & eruditis cogitationibus familiare esse, genua frequentius excelsa curvare* DEO : quia id non modò Stephanus (b) Petrus (c) Paulus (d) uerùm etiam & Christus (e) & Salomon (f) & Daniel (g) fecerunt. Præ cæteris tamen Sanctis, maximè id familiare S. Iacobo Apostolo, qui *Frater Domini*, appellatus est, fuisse memorant; cui ex frequenti geniculatione, genua callum instar Cameli, obdlexerunt, quemadmodum S. Hieronymus in Catalogo de scriptoribus Eccles. prodit. Quin & Frontem, si S. Chrysostomo hom. 5. in Matth. credimus, habuit Callosam, eò quod illam inter orandum prostratus, assiduò terræ affigeret. Denique & S. Bartholomæus, teste Ribadenerra in uita, & S. Martha, S. Antonino teste, centies per diem, & centies per noctem flexis genibus invocabat & adorabat DEVM. *Hic modus ac ritus* (videlicet de geniculis adorandi) ait P. Georgius Schererus (h) ita quondam apud Catholicos fuit in uso, ut frequentius geniculando magna in excavatis marmoribus foramina, quòd meis oculis sæpè uidi reliquerint. Neque hoc mirum, cum & gutta cavet lapidem, & formicæ, in petris viæ vestigia relinquant.

Quale uerò, & quàm uerè ad ueteris Ecclesiæ usum affinnè illud spectaculum, quando plerique, non genibus duntaxat nixi, sed toto corpore humi pro-

I 4

strati,

(b) Act. 7. (c) Act. 9. 4. (d) Act. 20. & 21. 5. (e) Luc. 22. 41. (f) 3. Reg. 8. (g) cap. 6. (h) Concione 7<sup>a</sup> contra Aliorum.



strati, cum Christo Domino, *in faciem suam procedendo*, (b) ipsi quoque, ut Tertullianum iam loquentem audivimus, *Facie humi uolutatâ oravit*; uerum & cum eodem Domino Crucifixo, manibus ac toto corpore, in morem Crucis terræ quasi affixi, adinstar Apostoli Pauli (c) *Christo configuntur Cruci*: & non tantum spiritu, uerum & corpore quadantenus Crucifixo conformantur. Quod dum faciunt, non iam uerbis, sed, (quemadmodum Nistenus (d) loquentem Apostolum inducit) opere ipso, *Clamant nullam in se affectionem humanam uivere*; non fastum, non timiditatem, non uoluptatem, non dolorem, non iram, non metum, non audaciam, non iniuriarum memoriam; non inuidiam, non uindicta, non avaritia, honoris aut gloriæ cupiditatem: sed, his omnibus abrais, solus ille superest, qui nihil est horum; qui est ipsa sanctificatio, & puritas, & immortalitas, & lumen, & ueritas; qui pascitur inter Lilia in splendoribus sanctorum. Manus enim in modum crucis expandendo representant in te illam, uti Tertullianus lib. de Oratione (e) appellat, *Cithara diuina in Cruce Modulationem*. Nos uerò, inquit ille, non attollimus tantum manus, sed etiam expandimus; & Dominicâ Passione modulantes, confitemur Christo. Putat enim Cerda, doctissimus Tertulliani aliorumque interpres; illum, eâ in Modulatione alludere, & ad modum, quo extenti sumus; & ad Musicas chordas ex societate adsonantes: quasi extentus Christus sit Chorda una, & extentus Christianus Chorda altera; atque ita gratissima utrinque fiat Modulatio. A quo

(b) *Matth. 26. 39.* (c) *Gal. 2. 19.* (d) *hom. 15. in Cant.* (e) *cap. II.*

quo fortasse etiam orandi ritu, ut & à Crucis myste-  
rio Christi quæ Passione Christiani olim ( eodem  
Cerdâ, testem Alitelmom de laude Virginitatis, ad  
caput 16. Apologotici Tertulliani adducente ) *Crucio-  
la* dicti fuerunt. Nunquid & nostros istos jure quis  
*Cruciolas* appellarit ?

Ad extremum , ne illa quidem apud B. V. Lin-  
densem desiderari possunt spectacula , quæ apud S.  
Felicem Nolanum spectari solita , S. Paulinus (b)  
hunc in modum memorat.

*Cernere sæpè iuvat, uarijs spectacula formis,  
Mira salutarum, & sibi quæque accommoda votis  
Poscentum. Videas etiam de rure colonos  
Non solum gremio sua pignora ferre paterno,  
Sed pecora ægra manu sæpè introducere secum,  
Et Sancto, quasi conspicuo, mandare licenter  
Moxq; datam sua confisos ad vota medelam,  
Experiogaudere Deo, & iam credere sana,  
Et nerè plerumq; brevi sanata sub ipso  
Limine, lata suis iumenta reducere tectis.*

Non, inquam, hæc apud Lindam omnia deside-  
rantur. Nam & uariis efficta formis anathemata ac  
donaria offerri, jam ante memoravimus, & non co-  
lonos modò, uerùm & alios majores meliorumque  
subselliorum homines, sua offerre pignora, aut, quos  
pignorum loco habent, amicos, Deo ac Deiparæ  
commendare, quotidie propè spectamus. Inter alia  
uerò omnia frequentissimè licet intueri Pecora ægra  
adduci, & circum Ædiculæ parietes circumduci;  
magnâ etiam sectariorum erga Deiparam Linden-  
sem



sem fiducia; nec minore commodo suo ut alias dicendum erit. Interim preteriri hoc loco non debet, quod hac ipsâ die, atque adeo eadem, qua hæc scribimus, horâ spectavimus. Hieronymus Mitzka, Schistensis oppidi inquilinus, equum paullò ante habuit morbo ita afflictum, ut ne pabulum quidem carpere, tantum abest, ut operas hero præstare aliquas posset. Concepit herus ad Deiparam Lindensem uotum, & equum, si revaluisset, apud Lindam se stitutum promissit; continuo equus revaluit, & herus, quanquam lutherana castra secutus non tantum equum hodie Deiparæ stitit, ac circa ipsius ædem, pro more, ter circumegit. Uerum & excera anathema, Resselii emptum, Deiparæ obrulit.

Ad extremum, quidquid in Atlantis Mariani Ideâ pag. 46. de B. Virginis cultu quo ad modum percensetur, id apud Lindam Marianam non auribus modo, uerum & oculis usurpari potest. Quibus jure addideris, quæ pietate juxta atque gloria maximi duo Principes hisce temporibus ediderê, Maximilianus S. R. I. septemvir, & Joannes Casimirus Poloniae Sueciæque Rex: ille paucis ante obitum annis syngrapham proprio sanguine conscriptam nemine mortalium conscio, clam in Æde Oetinganâ ad Aram oculuit; quâ se Divæ Virgini Peccatorem, ut ipse scripsit, devovit: iste uerò Voto Calendis April. Anni M. D. LVI. Leopoli ad summam Aram, suo & omnium Regni sui Ordinum nomine palam nuncupato, felicissimo nomine, Deiparam Virginem POLONIÆ REGINAM dixit.

CAPUT,

C A P U T XXV.

*Gratia ſanitarum, aliqꝫ beneficia, quæ ſupplices apud B. V. Lindenſem, in corpore, rebusqꝫ exteris, cumulata ſolent uſferre.*

**T**Alia ac tanta ſupplicantium officia, majoribus longè muneribus ac beneficiis divinitus compenſantur, ut uerè de B. V. Lindenſi cani illud poſſit, quod de Sichemienſi (a) cecinit juſtus Lipſius.

*Perge calame, perge laudes Virginis diffundere.*

*Illius quæ peperit ſervatorem gentium;*

*Illius, quæ pergit Orbi dare, donare munera.*

*Sanat agros animi, ſanat agros etiam corporis*

*Quàm benigna in hi uolensqꝫ, quàm potens & efficax,*

*Vis uidere? uidetis noſtra; ſed mentē affer & fidem:*

*Illam pronam, & iſtam promptam.*

Neque minus uerè uſurpari etiam poſſet, quod de B. V. Lauretanâ (b) Turſellinus aſſeruit: nam, loci religio ſanis corporibus, mentis ſerè ſanitatē; aque, etiam morborum curationē impertit. Quocirca iam ea, quæ corporis ſunt, principiò attingamus. Vix eſt ulla corporis, aut rerum ad uſum corporis requiſitarū calamitas, quæ non ſuam apud Tiliam Marianam repperit Panaceam, & quaſi conſectum de rore aut ſucco Tiliæ, alexipharmacum. Uerè enim de illa canit in Menæis 19. Martii Eccleſia Græca: Tu Divinum protuliſti VERBUM, quod per Te, in omni neceſſitate cultores tuos ſervat. (c) Ipſa, quæ toto Sacello uiſuntur, anathemata ac donaria, quid aliud ſunt, quàm ærumna-

(a) cap. 2. (b) lib. II. cap. 2. (c) θεὸν γὰρ λόγον ἐκνοφώησας, τὸν διὰ σὺ, ρυάμενον πάσης ἀνάγκης, τῶς τιμῶντας σε.



ærumnarnm morborumque ope Virginis depulso-  
rum monumenta? Ordiamur ab ipso corporis hu-  
mani uertice. Spectari adhuc possunt, uel in se jam  
evoluti, uel (acculis indusi, capitis humani crines, leu  
potius contorta conglomerataque inexplicabiles in  
nodos capillitia. Ea uerò indicant non paucis sanè  
mortalibus illius generis morbos; qui sunt aliis po-  
pulis ferè ignoti, ita in Poloniâ, hoc est in partibus  
Poloniæ, quæ sibi Russiæ appellationem jam olim  
uendicarunt, plerumque orti, ac fœdum in morem  
grassantes, Medicis quidem *Plica Polonica*; uulgò au-  
tem *Gozdziet* uocari solent. Insolens, admodum  
grave, nec minùs uarium ac multiplex mali genus:  
cui necdum tantâ Medentium industriâ, quæ certò  
profint reperta sunt remedia: Principio artus om-  
nes, ac potissimum nervos, uenas, musculos, car-  
nemque insuper, ac ipsa pervadens ossa, languorem  
& fastidium, intimis gravissimisque mixtum dolo-  
ribus, toto fundit corpore, ut ad insaniam plerum-  
que, nec rarò ad ipsum mortales abducatur exitium;  
nisi tandem ui mali foras erumpente, in ipso capitis  
humani uertice, quasi triumphans de humano ge-  
nere morbus sese ostendet, & in intricatis, intortis,  
implicatisque capillis, uictoriæ suæ trophea expli-  
cet; ut qui eatenus *Gozdziet* uulgò dicebatur, jam  
*Violsum* uocari mereatur. Et uerò Triumphare ui-  
deri potest in illo, et jam ad aspectum fædo capillitio  
morbus, quia si capillitium radatur, aut etiam uel-  
latur, plerumque mors aut nihilo infelicior morte,  
cæcitas comitari solent. Cùm igitur in tam acerbò,  
ac periculi plenissimo morbo, vix ullum ac humanâ  
ope

ope remedium ſit; nonniſi ad DEVM, & Deiparam, etiam apud Lindam Marianam, tantopere ab iis locis, quibus uis mali regnat, diſunctam, recurrere mortales, & ſanitati reſtitui, revuſumque ab radice capillamentum, grati animi ergo, ſuſpendere ſolent. Quid opus eſt Cephaleum, alioſque capitis humani cruciatus; quid oculorum, aurium, cæterorumque aruum uitia, aut æſtus penitus depulſos, aut quadam quaſi Tiliæ Marianæ umbrâ mitigatos, hîc memorare, cum & ſuis locis quædam per cenſa ſint, & tam multa oculorum, aurium, & id genus membrorum, & argento, vel ære vel cerâ efficta, & ante Effigiem Deiparæ pendentia ſimulacra, nihil aliud ſint, niſi manifeſta beneficiorum & ſanitarum per Deiparâ obtentam monumenta? Certe præter alias & argento ſolido votivas tabellas (quæ ſupra ducentas ac uicenas hodie numerantur, quarumque non paucae pedis geometrici longitudinem aut ſuperant, aut proximè attingunt) pedes argentei, quorum aliqui longitudine ad cubitum prope accedunt, ſunt plus quam uiceni, oculorum paria circiter ſeptena: ut de manuum, cordium, aliorumque ſimulacris nihil memorem. Verùm neſcio, quo pacto ſpectantium oculos, præ aliis etiam ex argento figuris atque anathematis, ſubalaria claudorum fulcra, & quædam quaſi grallæ, ad utrumque ſacelli parietem, non exiguo pendentes numero, in ſui contemplationem admirationemque rapiunt: ſunt ea plus quam manifeſta, divinæ in pedum uitia beneficentiæ ueſtigia; quia ab iis ipſis, qui ſuſcepto ad Lindam Marianam uoto claudi perreperant, & ſanitate, uti experie-

rant,



rant, recepta, grallas & fulera ad perpetuam rei memoriam, suæque in Deiparâ gratitudinis monumentum ibidem appenderunt. Quod si illorum quoque, qui factò ad Virginem Lindensem uoto, domi suæ continuò persanati sunt, fulera Lindam delata suspensaque fuissent, quis ea locus caperet? Quam enim multi sunt, qui, ut in cæteris, ita & in hoc quoque malo, domi factò uoto, domi quoque persanantur, ut necesse minimè habeant, fulcris Lindam ulque conniti? Qui si subinde è cera figuratos afferunt pedes, jam hi cum cæteris istiusmodi simulacris, non quidem in spongiam cum Ajace cujusdam, sed in Vulcanum incumbunt.

Cæterum ut & plurima sunt divinorum beneficiorum anathemata, & ipsa, quæ illis significanrur beneficia, sanè quam maxima, quia tamen, quæ hætenus libata sunt, singulis fere obveniunt mortalibus, præ iis minus uulgò æstimantur, quæ in multos simul redundant; & jam, non instar stillæ, in singulos, sed instar nimbi cujusdam, si non in uniuersos, certè in plurimos devolvuntur. Interea jure censeas præclusos auræ pestilenti: atque epidemicæ, tum apud ipsam Lindam, tum alibi terrarum aditus. Memorant enim plerique eam regionem, quæ Lindam Marianam proximè ambit, quoad memoriam hominum superat, nunquam eiusmodi contaminatam lue. Equidem superiore tempestate, cum Poloniam & omnes ferè Regni Provineias id malum pervagaretur, Linda ab eo semper immunis & eximia fuit: adeò ut Ciaricius Anno M. DC. XXXVI. historiæ Lindensi ab se scriptæ colophonem imponens, adjecerit;

cerit ; Illud præterea miraculo non immeritò adscribendum, quod his superioribus temporibus, contagiosa pestilentia lue infectis, Mariana Lindæ locus, etiamsi ad eundem innumera hominum multitudo conflueret, ab omni tamen infectionis periculo, manserit liber & immunus. Hoc ipsum nos quoque, de nostris hisce annis, tempestatibusque profiteri possumus. Nam proximo, qui præterit, anno, cum undique, potissimum uerò è vicino Ducatu, pestilens aura Lindam afflaret, nonquam tamen, quæ Dei benignitas fuit, perflavit. Non deerant ex amicis, cum Resselii tum alibi digentibus, qui & de periculo admodum uicino nos commone facerent ; & insuper nobis, adeoque civitati ipsi (ne quid è uicino detrimenti caperet) provideremus, obsecrarent. Verebantur quippe, ne inter confertam multitudinem, quæ instante jam urgenteque periculo, ad B.V. Lindensem frequentissima recurrebat, aliqui de locis peste jam afflatis accederent, & simul nos, ac civitatem ita propinquam involverent. Neque metus, etsi quibusdam iusto altius insederat, omninò haustus ex uano erat. Constitit enim postmodum, adrepisse clam nonnullos, ex locis illâ lue perstrictis ; imò & ad Sacrum Tribunal, & ad Divinam Mensam cæteris se miscuisse : neque tamen cuiquam, (quæ Dei clementia fuit) uel tantillum affricuere noxæ. Neque uerò ipse duntaxat Lindæ Marianæ locus, ab eo malo liber fuit, sed & alii, qui malo tam ferali obnoxii fuerunt, simul ac uota ad Deiparam Lindensem noncuparant, à malo servati, uel sibi facile restituti ; plerique sunt. Civitas Heilsbergensis, ubi uis mali irruit, & plateas



plateas etiam Templo Parochiali domosque uicinas populari cepit, Admodum R. D. Joannes Slichtenbergh Archipresbyter & Curio, suo & omnium suorum nomine, facto ad Deiparam Lindenensem uoto, quasi nervos grassanti jam malo incidit: ut ex infimâ plebe admodum pauci, è civibus multò pauciores sublatis sint: ipse cum universa civitate voti reus publicâ supplicationi institutâ, paullo post votum exsolvit. Qua de re suo bono uberius (a)

## CAPUT XXVI.

*Beneficia & gratia animum concernentes, quæ apud Lindam Marianam de vinitus tribui solent.*

Magna est, in rebus ad salutem commodaque corporis pertinentibus, Deiparæ Lindenensis erga mortales omnes beneficentia: sed in iis, quæ animum concernunt, tantò etiam major, atque locupletior, quantò animus corpori antestat. Quid est autem beneficiorum salutem animi concernentium, quod non eo loco in genus humanum liberalissimè redundet? Cùm enim salus mortalium, in sola Dei & Servatoris nostri gratiâ consistat; divina autem gratia, simul ac mortalium animis fuerit infusa, omnibus uirtutum ornamentis (præsertim uerò earum quæ Theologicæ uocantur, & totius architecturæ spiritualis fundamentum ac basis sunt) animos eisdem condecorer atque stabiliat; non aliundè sanè, etiam ad præsentissimum Deiparæ Lindenensis Asylum, quàm ab earundem uirtutum prima quasi semente

(a) lib. 4. cap. 33.

semente, hoc est, ab ipsa Fidei, Spei, & Charitatis stirpe, clementissimus Deus, hominum salutem auspiciatur. Jam suo loco vidimus, quo pacto Linda Mariana, simul ac fides Christiana seri in Prussia cepit, assurrexerit, ut æstuantem etiamnum vitiorum ardoribus, novi illius populi Christo inserti, animos, Virgineæ umbræ Tiliæ refocillarentur ac reficerentur: neque profecto aliter, his etiam temporibus, Trophæum Fidei, & Asylum spei plerisque Mortalibus Linda Mariana est. Non enim illi duntaxat, qui in Episcopatu Warmiensi aliisve provinciis, materno Ecclesiæ Catholicæ sinu foventur, sed illi quoque, qui in vicino amplissimoque Prusiæ Ducatu, variarum hæreseon undique implexi vepribus, ab Ecclesiæ Catholicæ sinu avelli non possunt, ad Lindam Marianam identidem se recipiunt; cum, ut eo in loco, tanquam ad Triumphatricis de hæresibus omnibus Deiparæ Aram, victricia signa figant; tum etiam, ut, in illo quasi Campo Martio, adversus fidei hostes, eminus cominusque depugnent. Quis enim è tanto indies confluentium numero, ubi in loco sectatum Ministrellis cincto, sectatorumque molitionibus quondam vehementer obnoxio constitit, non se germanum Ecclesiæ Catholicæ germen, ipso opere generose proficitur, & de vicinis sectis gloriose triumphat! Quis non fidei causâ, velut in Amphitheatro quodam cum tot adversariis depugnat, quotquot se fidei hostibus cinctum non ignorat? Quis inter sectarios, longè ab eo loco positus, cum eorum blanditiis, strophis, versutiis, fraudibus, minis, aliisque molitionibus mille, à fide Catholica abstrahitur, non



perpetuò, etiam absens, corporis animique oculos ad Deiparam Lindenlem vertit, & aliquando laqueis illis expeditus, si non corpore, saltem animo, suæ secundum Deum sospitatri, trophæa; vel, si id non possit, gratias ex intimis animi sensibus, quàm possit maximas, agit? Longum foret ex eorum numero vel paucos referre: unicum tamen par ancillarum, quod ipsi superiore anno coram spectavimus, præteriri silentio non debet. Utraque cis Grodnam oriunda, è Litvania cum iis, qui messis temporibus in Insulam Marianam, totamque adeo Prussiam, plurimi quovis anno effundere se solent, Prussiam adierat; & cum apud Catholicos nulla se famulandi occasio daret, apud sectarios coactæ sunt operam suam locare. Villa est, *Schvartzenstein* nomine, Rastemburgo quidem bis mille, Linda verò sexies mille passibus circiter abjuncta; in qua ut Hennebergerus (a) memorat, Cauponis uxor, ob graves, quas in hospites cæterosque advenas exercebat injurias, aliquot seculis abhinc, in equæ speciem, Dæmonis ope, versa, & ad fabri officinam ducta, immanibus soleis (quæ quidem etiamnum in Templo suspensæ visuntur) fertur calceanda fuisse; nisi fabro interim sive metu admodum consternato, sive supplicationibus illius miseræ flexo, ideoque moras nectente, Dæmonium ad galli cantum disparuisset, & solearum loco, gravi ac diuturno morbo, miseram confixisset. In ea igitur villa, ancillæ illæ, altera quidem apud colonum quendam, altera verò apud ipsum sectæ Lutheranae præconem, Prædicantem vulgo appellant, cum servant, illa quidem

secta-

(a) pag. 429.

seſtariorum technis ac ſtrophis in Lutheri caſſes incauta inciderat, ut etjam Cœnam, quam vocant, eorundem frequenter; at verò altera, ne ipſius quidem Prædicantis, Prædicantiæve familiæ dolis, aut machinis, induci unquam potuit, ut ab Eccleſia Catholica ſecederet; tantumque exemplo conſtantiaque ſuâ valuit, ut priorem illam ad eandem reduxerit Eccleſiam. Cùm ergo Dominicæ Reſurrectionis, proinde & ſacroſanctæ Euchariſtiæ ſumendæ inſtaret tempus, utraque ad Deiparam Lindenſem oculos animosque vertit; & tantùm illo animi robore promovit, ut vel ab hoſte virtus earum laudaretur, quin & coronaretur. Ipſe enim ille Prædicans tantam admiratus fidem atque conſtantiam, ſuis utramque equis atque curru, adjunctâ etjam viæ comite ac ductrice uxore ſuâ, ut ſacris rite ſangerentur ſuis, ultro deduxit, atque iterum reduxit. Quo quidem uno exemplo ſatis patuit, quantum, vel inter hoſtes, Catholica fides poſſit, ſi vera ac firma ſit; adeoque, quoties, tantundem non poteſt, aut nulla, aut parùm germana ſit.

Neque minus Deipara, apud ſuam Lindam, ſpei Aſylum erexit. Ad hoc reſpiciunt, quotquot ſe indies confertim eo recipiunt. Quî enim ſe reciperent, niſi, cùm aliàs ſemper, cum rebus domi forisque anguſtis, ſpe & fiducia ad Deiparam pleni? Videntur ii omnes tacite profari id, quod Simon Niderhoff Seeburgenſis Archipreſbyter, Imagini B. V. ab ſe Lindam miſſæ inſcripſit carmen:

*Fluctuat hic mundus, Crux anchora, portus Jeſus.*

*Mater, io, ſancta ſis cynoſura ſpei.*



Et accidit non rarò, quemadmodum suo loco doce-  
bunt exempla, ut plerique saxum inter sacrum que,  
quod dicitur, constituti, nulquam aliò, quàm secun-  
dum DEUM ad Lindensem Deiparam queant respi-  
cere: ita, ut quos prostratæ, quæ corporis, quæ animi  
vires humi jam afflixerant, hoc unum Deiparæ asy-  
lum, ad spem, fiduciam, salutem que deinceps erigat.  
Non ii duntaxat, qui pro sacris Tribunalibus sedent,  
verùm & alii plerique, solent per sæpe confitentes  
habere reos; illos, inquam, qui postquam ob imma-  
nia flagitia sua, et jam spe excidissent salutis, simul ac  
Deiparæ Lindensis memoria subiit, ilico spem de su-  
premi Numinis clementia animo subiisse, haud in-  
grati fateantur. Proditum memoriæ est, Ludovicum  
Secundum Ducem Borbonium, cùm ex Africa, in  
quam exercitum contra Barbaros duxerat, tandem  
redux, Ordinem Equitum B. Mariæ, *A Carduo*, dictum  
instituisset, Torquem aureum ex liliis contextum, &  
Cardui foliis, per intervalla interstinctum, Cruce in-  
tra dependente, militibus suis insigne dedisse, adje-  
cto lemmate, *SPES*. Quicunque Lindam Marianam  
adeunt, vel ab eadem salutis gaudii que pleni rede-  
unt, meliorem, quàm vel ille de auro fuit, Torquem  
liliis, non jam Carduo, sed Tiliæ frondibus, cum eo-  
dem lemmate, intertextis, præferre possunt.

Denique, ne quid de triplici illo divinarum chari-  
tum choro ad Lindam Marianam desideretur, ipsa  
quoque divina charitas illic mortalibus, Deiparæ o-  
pe, affatim offertur & affertur. Pauci sunt è tot mil-  
lium eò concurrentium frequentia, qui non præcipi-  
tes in vitia aliquando à supremo Numine prolapsi,  
tum

tum illa, tum alia omnia crimina detestati, eidem se Numini Deiparæ auxilio precibusque reduniant; & qui per sædas seculi hujus sentinas volutabantur, ad cælos erecti, divino charitatis igne exæstuent. Quoniam verò charitas DEI, quin se in hominum quoque aliorum commoda ususque effundat, nulla est (*Hoc enim mandatum habemus à DEO, ut qui diligit DEUM diligat & fratrem suum, (a)* idcirco ii quoque, qui sacrum illum charitatis ignem, ad Tiliam Marianam conceperunt, ad aliorum quoque salutem promovendam è vestigio accenduntur. Hinc alii variis corporum morbis excruciatos, ad Lindam Marianam, tanquam ad omnis medicinæ officinam, invitare: alii gravioribus et jam animi vulneribus affectos, ad ejusdem Deiparæ alexipharmaca pellicere; alii eorum, qui vel morbis, vel aliis impediuntur causis, neque iter possunt ingredi, vices subire, anathemata deportare, & quidquid ad utramque proximi sanitatem facit, strenuè præstare.

Jam verò aliarum virtutum, quæ ex di&is, vel tanquam radicibus in flores arborescè pullulant; vel tanquam fundamentis in spiritualium ædium moles assurgunt, quanta, quàm locuples, & quàm opulenta apud Lindam Marianam seges est! Illic, ut S. Ambrosium (*b*) ad causam nostram philosophantem audiamus, *Virgo Vitem redolet, fragrat Oleam, Rosam renidet; ut in Vite Religio, in Olea pax, in Rosa pudor sacrae Virginitatis inoleseat*: Illic, inquam, ut suo loco exempla testabuntur, & humilitatis violas, & castitatis lilia, & Rosas eximias inter adversa patientiæ atque fortitudinis,

K 3

dinis,

(a) 1. Ioan. 4. 21. (b) lib. 1. de Virgin.



dinis, cæterarumque fructus virtutum, de benigna  
 Numinis manu per Deiparam, largè in omnes mor-  
 talium usus sese extendente, carpere liceat: ut jam fa-  
 bula de Horto Jovis, propè desinat apud Lindam  
 Marianam esse fabula. Plato enim Philosophus, qui  
 humanæ civilisque sapientiæ effata, ad instar Poëta-  
 rum; fabellis involvere sæpè solitus erat, ad sacras li-  
 teras, (a) pro more alludens, Hortum (ut S. Ambrosi-  
 lib. de bono mortis (b) scribit) sibi composuit, quem Io-  
 vis Hortum alibi, alibi Hortum Mentis appellavit: Iovem  
 enim & DEUM & Mentem toties dixit. In hunc introisse  
 animam, quam Peniam nuncupat, ut se abundantia & di-  
 vitis Horti repletet; in quo repletus potu, jaceret Porus, qui  
 nectar effunderet. Hac igitur ex libro Canticorum compo-  
 suit; eò quod anima DEO adherens, in Hortum Mentis in-  
 gressa sit; in quo esset abundantia diversarum virtutum,  
 floresque sermonum. Quis autem ignorat, quod ex Paradiso  
 illo, quem legimus in Genesi habentem lignum vitæ, & li-  
 gnum scientiæ boni & mali, & ligna cætera, abundantiam  
 Virtutum putaverit transferendam, & in Hortum Mentis  
 esse plantandam? Quem, in Cantico Canticorum Salomon,  
 Hortum anime significavit; vel ipsam animam. Sic enim  
 scriptum est; Hortus clausus, soror mea sponsa, hortus clau-  
 sus; Fons signatus: Transmissiones tuæ Paradisus. Tamen  
 verò in isto Lindæ Marianæ Horto, omnium virtu-  
 tum flores, fructusvè possint carpi, uberius tamen  
 præ cæteris Myrrha & Aloë videntur provenire; quæ  
 Pænitiæ (tum quæ virtus, tum quæ sacramentum  
 est) symbola sunt: ut hoc etiam loco adjici possit,  
 quod Salomon citato Canticorum loco adjecit: E-  
 missio-

(a) Præsertim Gen. 2. 8. & Cant. 4. 12. (b) cap. 5.

Gratiz & beneficia interna cumulatè præstari Lindæ solita. 151

missiones Tuæ paradisus, malorum puni-  
corum, cum pomorum fructibus; Cypri cum Nardo; Nardus & Crocus; Fistula  
& Cinnamomum; cum universis lignis Libani; Myrrha &  
Aloe, cum omnibus primis unguentis. Per Cyprum, Nardum,  
Crocum, Philo Carpathius, apud Cornelium Theo-  
logicas virtutes, fidem, spem & charitatem; per Fistu-  
lam & Cinnamomum cum universis lignis Libani, reli-  
quarum omnium virtutum acervum intelligit; ut  
jam, ad Deiparam Lindensem, uti liceat illis tum Ec-  
clesiæ Græcæ in Menæis 15. Martii precibus: Tu sa-  
cro sancto germine Tuo germina impietatis arefaciens, ad-  
versarii quoque malitiam, in me quotidie germinantem, ad  
nihilum redige (a) tum Ruperti, ad eundem Cantico-  
rum locum, verbis: Quidquid gratiarum, quidquid vir-  
tutum, quidquid operationum celestium Mundus accepit,  
Emissiones Tuæ sunt: ut, ubi erant prius Spina, & Vepres, &  
Carduus, Lappa & Tribulus, Vrtica & Palurus, universi-  
tas nequitiarum; ibi sit Cyprus cum Nardo, Nardus & Cro-  
cus, Fistula & Cinnamomum, Myrrha & Aloe universitas  
gratiarum. Veruntamen in ista sive lignorum Libani,  
sive potius gratiarum universitate, singulariter pæni-  
tentia & mortificationis Myrrha atque Aloe me-  
morantur; quia singulariter, ut jam diximus, apud B.  
V. Lindensem proveniunt. Myrrha, ut ad citatum  
Cant. locum, inquit Cornelius, est compunctio suaveo-  
lens Deo, & lacryma cordis compuncti. Vnde Myrrha hoc  
extat Enigma & Hieroglyphicum:

De lacrymis, & pro lacrymis, mea capis origo:

K 4

Ex

(a) μαράναισα τὰ Φυλὰ τῆς ἀθλείας, τῶν σὼ ἀγίων Φυ-  
τῶν, πλὴν ἀναβλαστάνουσιν ἐν ἡμοῖς ἐκάστοτε τῇ ἐχθρῇ κα-  
κίαν ἀπομείωσον.



*Ex oculis fluxi, sed nunc ex arbore nascor.*

*Latus honor frondis, tristis sed imago doloris.*

Et propius ad rem nostram, Oliverius Bonartius

(a) DEI Mater, inquit, & ejus memoria peccatoribus amaritudinem & contritionis gratiam impetrat: & ut Myrrha, à corruptione peccati, in posterum servat; & suavi odore animos suorum reficit, devotione ipsos delinens.

Notum abunde est, quot, & quanti Lindam indies accedant. Et quis eorum, nisi compuncto & contrito, de peccatis suis corde accedit? solenne est plerisque generalem, ut vocant, Exomologesin per texere, & totius vitæ, ab ipsa usque pueritia, redordiri relam; ut, si quid fortè, vel per oblivionem excidit, vel per verecundiam pudoremve, plus quàm sub rusticum, animis inolevit; vel denique non satis justis ex quo castigatum abiit suppliciis, velut fasciculus myrrhæ colligatur & colligetur; atque ad magnæ DEI Matris Aram, DEO per sacrum Tribunal præsentatum, non sine compuncti animi lacrymis, & amarissimo Myrrhæ vino, adoleatur simul & aboleatur. Quid, quod inveniantur, qui sacrilegas alibi faciunt exomologeses, rati (tanta est hominum in rebus tantis oscitantia aut potius barbaries!) haud magnæ sibi noxæ fore, si quæ alibi celaverint in sacro Tubunali flagitia, Lindæ demum ex animo fateantur atque detestentur? Et fuit, qui hoc ipso anno, de vita migrans, cum ipse Lindam accedere suaque ibi flagitia à puero usque conscientiæ inolita expiare non posset, uxori jam moriens flagitia illa retexuerit; atque

(a) Eccli. 24. 29.

atque ut suo nomine apud Lindam sacerdoti ( quis eam in homine Catholico ruditatem expectaret, tametsi pietas & cordis lacrymæ inexpectatæ apud Deum non fuerint?)percenferet,oravit:ut nemo mireretur,quòd in Paraquaria è Neophytis inventus sit, cui morienti cùm sacerdos magis, quàm confitendi animus deesset, intortum funiculis nodum uxori tradiderit, venturo scilicet tradendum sacerdoti, ut ille tot se noxis irretitum absolveret quot funiculum modis intortum accepisset quemadmodum in Messe Paraquariensi à P. Adamo Schirmberk traditum accepimus. Quid,quòd invenias nonnullos, qui pro consuetudine & usu perditissimè recepto,etjam Lindæ sacrilegas facturi confessiones,ubi sensim loco sacro appropinquare cæperint, sensim ad se reduci, seque ad ritè confitendum illuminari, pellici que sentiunt?ut postmodum,cùm ad divinam purgandarum conscientiarum adierint Cathedram, non possint, cùm alia omnia sua facinora, tum hoc ipsum divinæ illustrationis beneficium,non planè fateri? Quid,ad extremum,quod non pauci,qui,quanquam non suâ sponte,suâ tamen sive ignaviâ, sive errore, & densis conscientiæ tenebris aëti,quæ nusquam in se perspexerunt peccata, dum Lindam versus progrediuntur, novâ quadam luce animis objecta, & perspicere eadem incipiunt; & ritè confiteri ac detestari amplius nō negligunt? Sunt in Arabia,quod in Bæoticis memorat Paulanias, Arbusculæ, ad quas cubilia figunt viperæ; quia & liquore, & umbrâ,balsami mirificè capiuntur: nullam verò mortiferam inferunt plagam,quia præstantissimi liquoris vi,& odore,acerbi-



tas veneni mitescit. Quicumque peccatis, hoc est, Tartarei illius serpentis veneno saucii, ad Tiliam Marianam se recipiunt, viperis illis similes sunt, quia non minus, mali exempli atque conversationis afflatu, quam viperæ dentibus & linguâ, pestiferæ tabis imprimunt. Quoties tamen & umbrâ Tiliæ Marianæ se reficiunt, & divinæ, quæ per Deiparam diffunditur, gratiæ balsamo perunguntur, cum sibi tum aliis innoxii sunt. Illustris illa Christi sponsa Gertrudis, recte Blosio in Monili (a) vidit aliquando, Deo ita revelante, fædas bestiolas, ad Deiparæ pallium confugere; quas illa non modò libens admittebat, verùm & manu mulcebat, & suâ chlamyde protegbat. Lubet ipsum Blosium audire narrantem S. Gertrudi, inquit ille, *caelestia contuenti, DEI Mater ac cali Regina præsens affulsit, pallâ mirabili corpus omne contegente. Quo ipso tempore diversa animalia sunt objecta Gertrudi, & bestia dissimiles ad Deiparam accurrentes, ac se palla illius oblongæ sinibus occultantes. Quas universas DEI Mater humanissimè acceptas, laxitate vestis obvelabat, singulas leniter manu tractabat, & blandè permulcebat, ut Heri catulos solent, qui dominascuntur. Gertrudi admiranti, & quid illud esset, nescienti, declaratum est, multas illas pecudes, varique generis animantes, perditorum hominum, & multiplicitè in DEI legem peccantium, imaginem quandam exhibere: qui tamen Virginis amantes ad eam adversis rebus confugiunt. Illam autem adversus animalia rationis expertia caritatem, misericordia symbolum esse, quâ clementia Mater libidinosi, flagitiosi, facinorosi se*  
*invocant.*

(a) cap. I.

Gratiae & beneficia interna cumulatè præstari Lindæ solita. 155  
invocantibus opitulatur, & favet. Sicubi id, certe apud  
Lindam Marianam, sæpe cerneret, quisquis per-  
fusus divinâ luce illuc afferret oculos. Interim nos,  
solenne illud Ecclesiæ ad Deiparam usurpare fas est.  
Sub Tuum præsidium confugimus, sancta DEI Genitrix,  
nostras deprecationes ne despicias in necessitatibus; sed à  
periculis cunctis libera nos semper Virgo gloriosa & bene-  
dicta: neque enim quidquam eorum, quæ in At-  
lantis Mariani Idea (a) de Misericordia Imaginum  
Deipara memorantur, desiderari apud Lindam vi-  
detur. Redundat illa in Episcopos & Pontifices; in  
Canonicos, Religiosos & Eremitas; in Imperatores,  
Principes & Nobiles; in Architectos, Rusticos & Pasto-  
res; in Ethnicos, Iudæos, & Hereticos; in Feminas  
Principes, Virgines, & Vxores afflictas; in Infantes,  
Tribulatos, Captivos, Energumenos, Desperatos, Bla-  
sphemos, Ignorantes peccata, Penitentes, Peccatores; in  
Eligentes statum vita; in Milites fame afflictos, preliant-  
es, obsessos in urbe, in mari, in spelunca: in Podagri-  
cos, cacos, claudos, mutos, surdos, Paralyticos; in ani-  
mas purgatorii; in tempestate, ruinis montium, domo-  
rum; in incendio, naufragio eluvione; in aqua penuria;  
pro veloci & felici reditu, rebus amissis, pluvia.

LIBER

(a) pag. 55.



## LIBER II.

*De Linda Mariana Excidio, & rebus ad An-  
num Domini, circiter M.DC.XVII.  
gestis.*

## CAPUT I.

*Sacellum & Linda Mariana, ante sui Excidium mirâ Angelorum Pro-  
cessionem illustrata.*

**Q**UO pacto Linda Mariana sit nata, quo  
item adoleverit & floruerit; quàm salutarî  
fuerit mortalibus subsidio; quanto deni-  
que studio ab omnibus longè lateque cul-  
ta atque ornata; quoad per interjectam  
antiquitatis caliginem licuit, hætenus spectavimus:  
jam, quo pacto denata, & per Sectariorum furorem  
excisa fuerit, deinceps spectabimus. Nimirum, ut in  
vastis fluviorum, ne dicam Oceani, eluvionibus,  
non modò flores & germina, & luxuriantes per arva  
segetes, verùm & arbores ipsæ, & amplissimæ firmis-  
simæque sedes, & integra quoque oppida atque ur-  
bes subruuntur; ita per sædam & inauditam hære-  
seon in Prussia eluvionem, inter alias plurimas, DEI,  
DEIPARÆ cælitumque Ædes, Linda quoque Ma-  
riana, unâ cum sacello eversa atque excisa fuit. Prius,  
quàm ad spectandum ita triste sacerrimique excidi-  
um loci accedamus, lubet, imò & juvat, oculos à  
stante adhuc & vigente sacello, non ita repentè  
avertere, & augustam Lindæ Marianz faciem, vel  
obi-

obiter, non nihil intueri. Quidni enim augusta videatur loci *Ædis*que ipsius facies, quàm Angeli, vel alii cælestes spiritus, augusti utique tanti Regis Palatini, præsentia suâ, quin & festivâ, quam egere pompâ, augustiorem reddidêre. Quo tempore id acciderit, incertum est; certum tamen stante adhuc & vigente Lindâ atque sacello evenisse. Quo verò modo evenierit, Ciaritius hunc in modum percenset (a) *Fecerat eadem hominis, in tumultuaria pugna Eques Prutenus, & fuga presidium ad tuendam salutem arripuerat, Timor impendentis supplicii, varia eum loca adire, & latibula querere, compellebat. Evenit fortè, ut noctem quandam, in silva, qua *Ædem* hanc in corona modum ferè circumcingit, traducere constitueret, sed somnum & conscientia facinorâ, & solitudo ipsa ab oculis arcebat. Pervigilans igitur, cernit è sacelli area progredientem turbam, haud modicam, candidissimo velatam amictu, faculas manibus præferentem; locumq; sacrum decentissimo ordine circum-eundo lustrantem: & suavisimum quoddam melos personantem audit. Istud cum ternâ vice factum fuisset; idem sacer cætus, ed se, unde exierat, rursus retulit, & confestim disparsens, mirantis oculos destituit. Ille divino visu attonitus, in aliumque virum mutatus, scelus dignè expiavit. Creditum est, Angelos humanâ specie fuisse, qui locum hunc venerati, laudes DEO concinuerint; & homicidâ, ad meliorem vitæ frugem reducto, lati discesserint. Si fortè spectaculum hoc, paulò antè quàm Linda excinderetur Mariana evenit, vix profectò aliud portendit, quàm quod olim sub excidium Urbis Jerosolymæ, haud dissimile cælitum, ut plerique existimant, agmen portende-*



tenderat; quodque carmine illo, *Migremus hinc*, indicatum fuit. Si verò florente et jamnum ac vigente Lindâ Marianâ accidit, nihil mirum videri debet, cantu & choris cœlitum honoratam fuisse apud suam Lindam DEI Genitricem; quæ omnibus Angelorum cœlitumque choris, ingentem ubique laudum & præconiorum causam affert; nisi fortè quispiam minus jam credat, quod semper universa credidit Ecclesia, et jam Græca; quæ quidem in Menæis 22. Januarii (a) non sine gaudio & exultatione profitetur, *Semper & ubique inculpatissimam Numinis Matrem, ingentem cantandi materiam, Apostolis, Martyribus, Prophetis, & omnibus demum Cœlitibus esse datam.* Unde, & 2. Januarii ad omnium Cœlitum choros in laudem Deiparæ effusos, hunc se in modum eadem adjungit Ecclesia. *Te propriè Deiparam confitemur, per Te, ô Virgo casta servati: Teque magnificamus incorporearum mentium choris adiuncti.* (b)

## CAPUT II.

*Linda Mariana excidium ab hæresi, & Theutonici Ordinis quibusdam militibus satisfime in hæresin prolapsis.*

**T**Heutonicus Marianorum militum Ordo, quoad disciplinæ religiosæ, quibus te incluserat, cancellos non perfregit. Orbem Christianum, suarum famâ virtutum implevit; Prussiam verò insuper quin & Livo-

(a) πανάμωμε μητρόθεε, τὸ μεγὰ περίσκημα τῶν ἀποστόλων, μαρτύρων, ἡ προφητῶν, ἡ ὁσίων πάντων.  
 (b) κυρίως θεοτόκῳ σε ὁμολογῶμεν, οἱ διὰ σὲ σωσμένοι παρ' ἐνὲ ἀγνῇ. σὺν ἁσώματοις χοροῖς σε μεγαλύνομεν.

Livoniam universam, tot tantisque urbibus, & urbium, oppidorum, pagorumque Templis, usque ad elegantiam ac prope ad miraculum ubique adornavit.

Neque enim vulgarem omnino fuisse Ordinis illius disciplinam, quæ & tanta per Prussiam fidei Christianæ poluit fundamenta; & tot ac tanta fortissimorum, militum dicam an potius Martyrum, crudelissimè à barbaris, per ignem ad idola ustulatorum, initio etiam in Prussia produxit exempla. At ubi in eadem Prussia laxatis disciplinæ ejusdem frænis, in avaritiam, libidines, Tyrannidem, aliaque vitia diffluere Ordinis illius homines sensim capere, tandem & in hæreleos barathrum (quod, tanquam in sentinam quandam, omnium denique vitiorum tordes plerumque exonerantur) præceps abiit. Tamen enim & Gedani, & Torunii, & Elbingæ, quin & Brunsbergæ, non minimi ejus pestis fontes aut leaturigines aperire se initio cepissent; nusquam tamen, quàm Regiomonto (quod post amissum tredecennali bello Mariæburgum, Theutonicorum Magistrorum sedes ac provinciæ caput erat) uberior mali vena profluxit. Simul enim ac postremus Ordinis in Prussia Magister, Albertus Marchio Brandenburgicus, Principum Imperii suffragiis in Germania lectus, & Anno Domini M.DXII. ad x. Cal. Decemb. à Theutonicis in Prussia receptus ac salutus: inflatus magnis quorundam pollicitationibus ac spebus, Regni Poloniæ, Regisque Sigismundi Lavunculi sui jugum excutere, & civilia arma Anno M.DC.XI. promovere cepit. Prius tamen, quàm arma illa lumeret, in Germaniam

ad Be-



ad Berolinensia, uti postmodum ad Norimbergensia Comitia se recepit; ut scilicet fidem, quam Principes Imperii obstrinxerant, &, quas promiserant, suppetias exigeret. Cùm eo in itinere esset, in illam Germaniæ, totiusque Europæ Furiam, Lutherum, alicubi impegit: à quo pestilens illud venenum, quo magna pars Germaniæ infecta jam erat, ira toto hausit pectore; ut primùm suis in Prussia fraterculis, iis videlicet, qui per libidinem aliisque vitia dudum subnervatierant, postmodum verò Provinciæ universæ, per eodẽ venenum illud propinârît. Creditissiles è Circæo poculo bibisse omnes; ita subitò, & Fratres Theutonici, & reliqui propè omnes in Ducatu positi, formas, quas habuerant, exuunt, ut deteriores (quia ad Lutheri modulum atque Ideam, quam in libro ad Fratres Theutonici Ordinis scripto effinxerat, ex amussim factas) plerique induerint. Vidisses novi illius Vlyssis milites atque socios, in monstraverfos, ut Poëta canit: (a)

*Setigeros quæ sues, atque in præsepibus urfos  
Savire, ac formas magnorum ululare luporum:  
Quos hominum ex facie, Dea sava potentibus herbis  
Induerat Ciræ in vultus ac terga ferarum.*

Ergo locum etiam hîc invenit tum illa Philosophi sententia, Vinum scilicet, quod generosius est, si corrumpi caperit, in pessimum usq; acetum degenerare: tum etiam verissima ac certissima S. Augustini experientia; qui assererat, nullos se meliores expertum, quàm qui in Monasteriis profecerunt; neque ullos è diverso peiores, quàm qui in Monasteriis ceciderunt. Sed

præstat

(a) Virgil. 6. Æneid.

præstat ipsum S. Augustinum, ad ipsius conscientias quasi Aram gravissimè differentem audire. *Simpliciter autem fateor caritati vestræ* ( sic enim ille epistolâ 137. ad Clerum & populum Hipponensem datâ scribit ) *coram Domino DEO nostro, qui testis est super animam meam; ex quo DEO servire capi, quomodo difficile sum expertus meliores, quàm qui in Monasteriis profecerunt; ita non sum expertus peiores, quàm qui in Monasteriis ceciderunt; ita ut hinc arbitrer in Apocalypsi scriptum, JUSTUS JUSTIOR FIAT, ET SORDIDUS SORDESCAT ADHUC.* Experientia id paruit in Prussia universa, sub initium hæreseos Lutheranæ; quæ quidem homines seculo huic obstrictos fecit, hæreticos; at verò eos qui ex Ecclesiastico Ordine ad eam delapsi sunt, Dæmonibus reddidit deteriores. Vulgo enim sub id tempus, ut Joannes Leo lib. 7. pag. 716. ex Simone Grunau, teste aurito, refert, dicebatur, *Seculares esse boves Lutheranos; sed sacerdotes, & profugos Monachos omnibus Dæmonibus esse deteriores.* Unde non pauci cum Augustino cap. 29. soliloq. ingemiscendo agebant. *Vidimus multos Domine, & audivimus à Patribus nostris ( quod ubique sine magno tremore non recolo, sine multo timore non confiteor ) ascendisse primitus quosdam usque ad calos, & inter sidera nidum suum collocasse; postmodum autem cecidisse usque ad abyssos, & animas eorum in malis obstupuisse; vidimus stellas de calo cecidisse, & eos, qui inter filios DEI ambulabant, in medio lapidum ignitorum, quasi lutum ad nihilum defluxisse.* Sicut igitur Theutonici milites, quâ armis, quâ etjam præclaris vitæ Christianæ exemplis, Prussiam initio ad Christum adduxerant; ita postmodum suo quoque exemplo,



plo, magnam Prussiz partem, à Christo ad Lutheri & affines Luthero hæresiarchas averterunt. Vel ab uno alterovè exemplo discas, quantum in propaganda Christi religione illi virtute sua perfecerint. Inter Prutenos, Sudavi, sive Sudini, & in cultu idolorum præ omnibus pertinaces, & in usu exercitatio, neque bellorum strenui, ad Ordinis Theutonicæ imperia, & Christi jugum, omnium postremi sunt adducti. Plurimum eam ad rem valuit Ludouici à Libbenzell, strenui inter Theutonicos militis, tum doctrina, quæ cæteris præstabat; tum pietas & religio, quæ in ipsorum quoque paganorum oculos facile incurrit. Sub Annum Domini M. cclxxx. uti ex Nicolao Jeroschinio memorat Hennebergerus (a) cum quadragésimo Provinciæ in Prussia Magistro, Mangoldo à Sternberg, Sudinos aggressus, & fortissimè dimicando captus, Scomando Sudinorum Duci traditus est; cui ob virtutem raræ doctrinæ conjunctam, etjam venerationi fuit; ut non modò captivum mensæ adhiberet suæ; verum etjam, cum ille Nobilem quendam militem, non minus potu, quàm profusâ bile remulentum, atque inde tum in se Ordinemq; suum, tum fortasse etjam in Christianos omnes contumeliis impotentius debacchantem, super mensam obtruncasset, Scomandus hominem contra suorum vim defenderit, & ad suos liberum abire siverit. Non longò post intervallo, sive Ludouici monitis atque exemplis, sive etjam conscientia vi, exagitatus Scomandus, qui nusquam animo requiem invenisset, cum omnibus suis Christo, & Christianis se adjunxit. Verum

(a) pag. 44.

rūm Ludouicus proximo cum Sudinis prælio, fortissime dimicans, à barbaris circumventus, ac prope obrutus, intra nives sepultus hæsit: repertus tamen, cum vitæ indicia quædam superessent, equo transversim pendulus impositus, ad acceleratum equicursum, qui intra præcordia jam subsederat, atque concreverat, sanguinem expuit; sibiq̃ue redditus alteri Sudinorum Duci Cattigendo traditur: tantumq̃ue iterum doctrinâ, vel potius virtute ac religione suâ ubique inter barbaros promovit, ut plurimos Sudinorum ad Christum adjunxerit; & ipse insuper, unâ cum omnibus ad Christum conversis, liber iterum abire permissus sit. Eo in itinere cum esset, Fratri Conrado à Tirenberg Provinciæ præfecto, ad reliquos Sudinorum expugnandos cum exercitu tendenti, Ludouicus cum m. d. c. quâ viris, quâ mulieribus Christo adjunctis, præter omnem spem atque expectationem occurrit; & omnes, ejusdem præfecti Provinciæ jussu, in Sambiam usque deductos, eo loco, qui nunc quoque Sudinorum vicus appellatur, collocavit. Samii sive Sambientes eo tempore Christiani jam erant, sed ut essent, non tam Arma, quam virtus & religio Theutonicorum quoque valuerunt. Balga fortissimum quondam propugnaculum, à Widedvuto primo Rege Prutenorum, uti Hennebergerus ex Simone Grunau (a) refert, sub Annum Christi dxxxiii. extructum, primisque toti Prussiæ legibus ibidem latis nobilitatum, à Theutonicis sub Annum m. c. cxxix. occupatum, atque illustratius Ordinis illius cænobio instructum ornatumq̃ue fuit. In-

L 2

cerea



terea non multò pòst, Legati à Sambienſibus miſſi, Balgam veniunt, & à Theutonicis ſupra omnem ſpem ſuam, per humaniter accepti. pleraque tum loci, tum ipſius Ordinis arcana ſpectare permiſſi ſunt. Iſti igitur ad ſuos reverſi, inter cætera retulerunt. Milites Theutonicos, qui ita in prælio leonum, aut fulminum more dimicarent, nihil aliud, quàm quod ipſi quoque eſſent, homines eſſe; carne & oſſibus, perinde ut ipſi, conſtare; neque melioribus, quàm ipſi, armis uti: nihilominus, quod ipſi non facerent, frequentius non interdum duntaxat, verùm & noctu Templum adire, & Deum ſuum ſupplices invocare. Ad hæc, quod ipſis quoque factu nefas eſſet ( quia viderant laetæcis aliisq̃ue oleribus victitantes, aut, pro Eccleſiæ Catholicæ ordinisq̃ue more, jejuniiſ intentos) gramine; perinde ac equos, veſci ac vivere poſſe; proinde vel in ſilvis victu ſuo vitæq̃ue neceſſaria abundè reperire: nuſquam ſe quocirca iis aut pugnando, aut etjam reſiſtendo pares eſſe poſſe. Quis ambigat Sambienſes, hiſce abſtinentiæ cæterarumq̃ue virtutum exemplis magis, quàm deinceps Odoacri Boëmæ Regis aliorumq̃ue Germaniæ Principum armis fuiſſe ad Chriſtum aggregatos?

Ob iſta, plurimaq̃ue alia, quæ in illo Theutonicorum Ordine per Prusiā exempla virtutum luxerunt, poteramus, uti S. Auguſtinus loco citato fecit, adeoque oprabamus ſubungere. Quapropter etiam contriſtamur de aliquibus purgantibus; conſolamur tamen de pluribus ornamentis. Nolite ergo propter Amurcam, quæ oculi veſtri offenduntur, Torcularia deteſtari, unde Apoſtheca dominica fructu olei luminioſioris impletur: poteramus,

ramus, inquam, adeoque optabamus istud subjungere, nisi aut Amurca Torcularibus, aut purgamenta ornamentis capiosiora fuissent. Pauci admodum è tanto militum Theutonicorum in Prussia numero, cum hæresis Lutheri grassari cæpit, Catholicam fidem, & Ordinis sui, sive Torcularia sive ornamenta retinuerunt; qui etjam propè omnes, illam hæreleon in Prussia eluvionem vitando, in Germaniam sese receperunt. Unius inter paucos, quia singularis, non est omnino prætereunda constantia. *Ericus* is erat *Dux Brunsvicensis*, & inter ordinis sui magistratus, Præfectus, sive, ut tum vocabant, Commendator Memelensis; qui (quemadmodum etjam Hennebergerus (a) celare non potuit) neque ipse ullo modo ab Ordine & Ecclesia Catholica avelli, neque, quòd sui avellerentur, probare unquam potuit. Quocirca Albertus Marchio Brandenburgicus. ubi ex Magistro supremo Ordinis, in Ducem Prussiæ Anno Domini M.D.XXV. inauguratus est, Ericum per Georgium Polentium (quem Lutherus in epistola ad ipsum data, à *Polentis*, vocat) primum è Sambienfibus, imò & ex omnibus Catholicæ Ecclesiæ, superiore ævo, Episcopis ad Lutheri & hæreticorum castra Apostatam, Memelensi arce, Prussiaque univerfa sategit exturbare. Secesserat tum in Germaniam Ericus; ergo Apostata ille, à polentis, omnem ut arce Memelensi potiretur, movere lapidem; &, qui Fischhausum, aliaque Sambienfis Episcopæ loca, novo Duci, nullo sanè precio (nisi forte leorum, quod Simon Grunau exactus temporis illius historicus, cum viginti mansis ipsi à Duce memorat datum, apud hominem ad



libidinem omnem projectum, precii loco censendum sit jam tradiderat; ut illam quoque Arcem traderet, conniti; cumque irriti redderentur conatus omnes, ipsum Ericum à Germania jam reducem, Regiomonti ut comprehenderet, moliri. Sensit infidias Ericus, & Regiomonto per suburbia declinato, primum quidem in Sarkau, inde verò, consensu lembo, per sinum Curonensem in suam arcem evasit. Quò, cum paulò pòt ipse Albertus Marchio cum exercitu accessisset, & Ericus resistendo amplius non esset, lorica, cæteraque arma, uti Theutonicis aliisque cataphractis mos erat, indutus, stricto gladio Marchioni solus occurrit. Verùm Marchioni à vi abstinente, Ericus iis conditionibus Arcem denique tradidit, ut sibi conscientiam, religionem, Ordinisque disciplinam salvis, Prussia hæresibus, ita polluta excedere, & annuo à Prussia tributo, uti frui in Germania, quoad viveret, liceret.

### CAPUT III.

*Linda Mariana excidium, sicut & alia Catholicæ in Prussia Ecclesiæ detrimenta, ac Theutonicorum plerorumque apostasia, singularibus denunciata portentis.*

**F**uturas in Ecclesiâ Christi hæreses, & secuturas per hæreseon monstra calamitates, diu ante verbis, vel prodigiis ac portentis quibusdam denunciari, quin & prædici, neque novum neque insolens esse, pluribus alio opere (a) declaratum, & tum aliis tum S. Antonii Magni, Arrianorumque exemplis, quemadmodum ex Athanasio, & aliis plurimis, inter A & a

Con;

(a) *Disquisit. Vbiquist. num.*

Concilii Nicani I. (a) relata sunt, demonstratum à nobis est. Quod Prussiam attinet, produximus eodem opere, quæ Hennebergerus Prædicans, de Tritico in Allium commutato memorat. Anno circiter M. DVIII (inquit ille (b) in Tabulæ Prutenæ Expositione) sub Friderico Misnia Principe, & Generali Ordinis Theutonici in Prussia Magistro, Triticum purum à Præfeto Brandenburgensi Ioanne de Gablentz, terra mandatum fuit: quod, cum in herbam erupisset, animadversum est, maiorem partem in Allium degenerasse. Cuius quidem Allii capita aliquot, Magistro Ordinis in Misniam usq; missa sunt. Miracula ceteroqui Prædicantes vix admittunt; hoc tamen loco non possunt non admittere; ita, ut hic noster, prius quàm rei seriem enarrasset, expressis verbis titulum præfixerit, MIRACULUM. Ne porro nobis divinandi solis relictis videretur locus, jam olim alii, quin & Hennebergerus ipse, Oedipum egere; degeneres ab orthodoxa Religione & virtute plurimorum animos, eâ metamorphosi existimantes signari. Mali id ominis loco, inquit noster Oedipus, sub Alberto Brandenburgico, qui Friderico successit, à quibusdam habitum. Ego autem puto, Evangelium, quod hic sub Alberto prædicari captum est, esse figuratum. Acu rem tetigisse, cum sibi quoque vitus esset homo, suum illud suorumque Evangelium, quod ita Allium, ut vetere formulâ utamur, obolisset, mirè deprædicare exortus est. Cui eodem loco abundè cum sit repositum, superest ut hic Divum Ambrosium, Cælio Rhodigino teste (c) differentem audiat. Mirum est, inquit ille, Allio de-

L 4

lecta-

(a) pag. 497. edit. Veneta. (b) pag. 35. (c) lib. 16. cap. 13.



lectari homines, quod fugit Leopardus: nam sicubi parietes litu infecerit, exilit protinus, nec resistit. Cuius venenata fera odorem non patitur, in mensam admittunt plerique, ac internis infundere visceribus non desinunt. Credideris Leopardo, & id genus belluis efferatioribus esse, qui Evangelico isto Allio delectantur pariter, & gloriantur; affines fortasse Thraciæ incolis illis, quos in Geographia sua Maginus ait: Colore esse fulvo ex caruleo, & in vertice crinitos; impavidos, ferocissimos, ac savissimos; strenuos item potatores & vinosos, atque Allio in primis delectari. Quid si verò aliquis cum Poëta istis Allii Evangelici adoratoribus occinat? (a)

O sanctas gentes, quibus hac nascuntur in hortis Numina?

Quæ verò illa nata in hortis Numina? Allium nempe, & inter olera alia Cepæ. Allium enim (ut Plinius (b) ait) Cepasq; inter DEOS, iureiurando habet Ægyptus. Addit idem ipse Plinius alio loco (c) vim quæ ad ferrum attrahendum in Magnete est, Allio eludi, aut etiam elidi. Quid ferri duritiâ, inquit ille, pugnacius? tamen domitrix illa rerum materia trahitur à Magnete. Veruntamen, si Allio allinatur, aut fimo regatur Magnes, vires suas ad ferrum trabendum, tam diu amittit, donec vino abluatur. Et miremur si Magnetismus ille, qui in Christo, ut D. Hieronymus observavit, & Christi Evangelio, illa vis homines ad se trahendi, cum alibi tum in Prussia, vim suam rarè aut admodum ægrè hactenus exeruit; Allium, quod cum novo isto Evangelio, natum est, obstaculo fuit. Allium, quin & firmum

(a) Iuvenal, Satyr. 15. (b) lib. 10. 6. (c) lib. 36. c. 6.

num non leviter oboluit, quod Evangelio isti Patres etiam inter sordes, vel potius simetum, ab se sub scamno repertum esse fatentur, quin & gloriantur.

Ejusdem ferè generis atque indolis portentum, sub eadem propemodum tempora, in succino, quod natura proprium voluit esse Prussiæ, contigisse testis est ejusdem sectæ per quam studiosus Medicus, Severinus Gœbelius; qui geminum de succino librum Anno M.DLXXXII. Regiomonti edidit. In succino, ut idem ait (a) tria sunt potissimum colorum genera, Candidum, Pellucidum, & obscurum, seu confusum, ac mixtum ex parvis coloribus. Interim, quod idem paulò pòst, de novo succini genere, quod cum novo istorum Evangelio, apparere simul in Prussia cæpit, in hæc verba memorata (b) Notatu dignum est, quod Nigri succini genus quoddam, tunc temporis, ad litora appellebatur, cum nova quadam hæresis in Prussia exorta esset. Erat id. liquidum, viscidum, & lentum, instar picis nitens, ac teterissimi odori: quod, cum à nobis antea non fuisset conspectum, merito videbatur nobis, ceu digito ostendere, hæresin talem exorituram, quæ suo fatore multos esset turbatura. Et sanè, si Candido succino quod omnium nobilissimum est, quanquam pellucidum non sit, ut idem author discretè antea dixerat, Fragrantissimus inest odor, quo restituit syncope, vertigine, vel epilepsiâ correptos; & quo candidum est, eò in medicina est prastantius: quis ambigere jam auserit, atro illo & fætidissimo, insolentissimoque succino, nihil aliud nisi atros juxta ac fædos fætidissimosque novi istius Evangelii mores, ut idem quoque medicus augurabatur, fuisse notatos: qui proinde insu-

L. S.

per



peraddit, Verisimile esse, tale bitumen fuisse in lacu Asphaltite, ubi Sodoma & Gomorrha conflagrarunt, in eternam divina ultionis memoriam.

Verum hæc, & id genus portenta, aliis communia etiam sunt; sunt etiam, quæ singulariter ipsum Theutonicorum in Prussia Ordinem concernebant. Præterquam enim, quod S. Brigitta (quemadmodum pervulgatâ jam olim famâ accepimus) in Prussiam aliquando trajecit, & milites illos, ni respicerent, vindicem DEI manum experturos coram admonuerit; erat insuper in eodem Theutonicorum Ordine Frater Wolfgangus à Scaratein, multis DEIPARÆ visitationibus clarus (uti Simon Grunau Ordinis Prædicatorum Prutena primus in Historia, in suis Manuscriptis Tractatu vicesimo tertio<sup>(a)</sup> affirmat. Is verò, eodem teste, cum rebus sui Ordinis admodum in Prussia efflorescentibus, ad futura oculos mentemq; acrius intenderet, Deiparâ docente intellexit, futurum tandem, ut Ordo in hæresin lapsus, tum se Patronam Ordinis blasphematurus, tum eas regiones ac terras, quas iam possideret, amissurus esset. Et quid aliud, evenisse nunc sive in Livonia, sive etiam in Prussia videmus? Prius ante quàm id evenisset, memorabile juxta ac formidandum est, quod centum ante annis, ita scilicet eventurum esse, mirâ, & rarò auditâ visione exhibitum erat. Rem, uti à Thoma Tretero in Manuscriptis Episcoporum Varmiensium Vitis, in Joanne III. & à Simone Grunau Tractatu decimoquarto<sup>(b)</sup> ac decimoquinto<sup>(c)</sup> denique & ab Hennebergero, ad Arcis Christburgensis descriptionem, inter varia utriusque fortunæ

pro

(a) cap. 5. (b) cap. 15. (c) cap. 3.

pro more exempla, est tradita, paucis aperiā. Bellum (a) quod Anno M. cccc. x. in centore Magistro Ordinis Ulrico à Jungingen, Theutonici infelicissimè ad Tannebergam gesserunt, omnibus modis dissuadebat F. Albertus Schwartzenburg Christburgensis, ut vocant, Commendator; sed frangere pertinaciam suorum, vel potius furorem non potuit. Consensus igitur, etiam contra animi sui sententiam, equum, atque iturus, dum à quodam suorum interrogatur, cui tandem commissæ sibi arcis curam abiturus, relinqueret? sive præferocia, sive insuper etiam præacerbitate animi, Tibi, inquit, & omnibus, quotquot sunt, Diabolis. Quo dicto, is qui interrogat, subito expiravit, & exinde arx dæmonum potestati, ad hanc usque diem, cessit. Tamen si enim hodieque aliquid veterum supersit parietinarum, nemo tamen vel reficere, vel incolere locum potest: cum à prima maledicti execrationisquæ illius horâ, quotquot incolere ausi sunt, vel in puteis, vel in ædium pinnaculis suspensi, vel aliis spectrorum intemperiiis exagitati, excedere demum arce coacti sunt. Interim (b) faber quidam è sacra quatuor annorum peregrinatione Christburgum reversus; ut, quæ de spectris, dæmonumque audierat dominio, oculis coram experiretur, arci succedit; & ecce obvium in ponte habet F. Ottonem Langervicium, qui fabri paulò antè filium è sacro fonte levarat, & in eodem prælio occubuerat! Præmissâ, tanquam ad compatrem, salute, quàm vana sunt, quæ homines, cum aliis de rebus, tum de te, accide tua

spar-

(a) In Vita Episc. Varmiens. M. S. in Ioanne III. (b) in Creutzburg.



spargunt? inquit faber? at ille, Tu verò, inquit, haud vana spectaturus es; tantummodo me comitare; & oculis non linguâ utere. Cave cuiquam assensum hîc præstiteris, aut etjam verbum loquaris. Ita edoctum ad primum intra arcem conclave deducit: ubi omnia militari licentiâ, & colloquiis, imò vociferationibus, juramentis, & execrationibus personabant. Inde ad secundum conclave ductus, videt omnia ludis, & mixtis inter ludos, contentionibus, transigi. Tertium ingressis, obiciuntur alibi mensæ, convivia, commensationes, & ebrietates: alibi ducti ad numeros musicos chori, plausus, & laxata ad omnes carnis illecebras fræna: alibi tædæ libidinis, raptus, & stupra virginum, adulteria conjugatarum. Omnes in partes invitabatur blandè faber: sed ille memor dati sibi consilii tacitus ductorem sequebatur; quoad ad ipsum Arcis Templum est ventum. Ibi verò (cùm alibi vigiles essent omnes, & magnâ rem alacritate hætenus visi essent agere) qui choro aderant, omnes universim dormitabant; qui verò ad Aram stabat mystes, ad speciem magis, quàm ad pietatem Christianam faciebat. Et jam digressis inde, reditus instabat, cùm undique ejulatus, & miserabilis comploratio personuit, ut faber sibi in inferno magis, quàm super terram versari videretur. Ad pontem arcis erat ventum, cùm ductor ad fabrum, vera inquit, sunt omnia, quæ intuitus es; jam enim unicuique pro meritis sua est merces. Tu verò, ad Magistrum Ordinis perge, eundemque de omnibus, quæ vidisti edoce; atque insuper mone, ut à proposito sibi concilio absistat; **judicium enim DEI venit super nos; servi proinde aliorum**

rum erimus. Quæ tu cum Magistro dixeris, occidet te; sed tu te mortem esse meritum, vel illo loco ac tempore (& revocavit illi certa ab ipso patrata facinora) memineris. Cæterum evenerunt omnia uti prænuntiata sunt. Faber enim cum Mariæburgi Ordinis Magistrum commonuisset, de ponte in profluentem ab eo præcipitatus est: succedente verò tempore, Theutonici cupiditatum in primis suarum servi, à fide & Ordine desciverunt, & unâ omnibus Prussiæ provinciis exciderunt.

## CAPUT IV.

Inter plurimas Ædes sacras, etiam sacellum cum Tilia Mariana, ab Hæreticis excisum.

PRÆclare S. Augustinus (a) omnes Ecclesiæ Catholicæ hostes, &, inter eos, principe loco, Hæreticos. Torrentibus comparat. Ut enim Torrens quivis, quanquam non sine multo strepitu, ac tumultu gravi, undas præcipitat; & tamen undæ, ut interdum magnæ sint, diuturnæ esse non possunt: adeo ut Torrens, priusquam videri, observari, timerivè interdum cæperit, nullo propè relicto sui vestigio videatur desuisse esse. Ad eum prorsus modum sectæ, sectarumque architecti, præter expectationem, magno secum itrepitu verborum, populorumque tumultu interdum ostentant; cum ecce subito, & ipsi, & ipsorum memoria, juxta divinum carmen, cum sonitu perit! Exundarunt non rarò hujuscemodi sectarum Torrentes in Prussiam; nam & circa Annum Domini M. CCCXXIII. sub decimoquarto Ordinis Magistro

Werne-

(a) in Psalm. 109.



Wernero ab Vrselen, quidam Enthusiastæ, viridi S. Andreæ Cruce palliis candidis intertextâ spectabiles, pecuniam sub specie recuperandæ Palæstinæ emungebant: & sub Conrado Wallenrodt vicesimo-primo Magistro, Albigenſes Duce Leandro Medicinæ Doctore, è Gallia sub Annum Domini m.cccxc. & Wicleſi ſectatores sub vicesimoquinto, Ordinis Magistro Michaële Kuchmeiſtero, circa Annum m.ccccxv. in Prusſiam uſque perreptarunt. Verùm hi, & quidam iis affines, nihil niſi Torrentes exigui, & tempore admodum exiguo perſtrepenſes fuiſſe viſi ſunt. At verò eluvies illa, quæ per Albertum, Albertique combenſiones Ordinis Theutonicæ milites, à Luthero, & Germanicis Lutheranæ ſectæ lacunis, latiùs ſe, quam ullæ ſuperiores, in Prusſiam diſſudit, Torrens quidem, ſed paulò vaſtior atque recentior erat: quippe, qui ſupra privatarum ædium hominumque ruinas, plurimorum Templorum, Monafteriorum, aut (ſi perſtingere eoſque non potuit) Theſaurorum Eccleſiæ immanem fecit vaſtitaſtem. Nam, ut alia nunc prætereamus loca, intra unius duntaxat Regiomonti pomæria, quot, quæſo, Tempſa, aut penitus ſubruta? aut in profanos uſus verſa? aut prorsum ſunt expilata? Audiamus vel ex adverſis caſtris, jam non omnino vanum teſtem Miſlentam. In ea, quam hîc (a) diſcuſſit Proceſſione, præter Tempſa, quæ et jamnum Regiomonti ſuperſunt, recenſet Templum *Divæ Mariæ Magdalene*. At ubi id nunc, aut quid eo tandem factum? *Iam*, ut ille (b) inquit, *eſſe deſiit*. Poſſetne vel locus, vel aliquod ejus Tem-

(a) lib. I. cap. II. (b) pag. c. 3.

Templi vestigium adhuc monstrari? *Situm*, inquit idem, fuerat propè Arcem, ubi locorum Moneta nunc cuditur. Enimverò præclare! & fortasse etiam ad Evangelii normam! Nam & Christus Dominus (a) in Templo euentes, & vendentes, & Numularios invenit: ac hinc insuper etiam æs & Moneta cudentes invenit. Nunquid & hinc, uti ibi quoque fecerat, aliquando. *Ecce*! an fortè necdum confecit quasi fl. gellum defumiculis? Aut, non possunt fortasse Numularii dici, qui Numos cudunt? aut nondum satis videtur conversa in domum negotiationis (in qua Moneta jam cuditur) *Datus* Orationis? Et quid est aliud Mammonæ servire? Nimirum hujusmodi Pænitiæ fructus, & lacrymas, & gemitus, & singultus pænitentis Magdalene, reperiri secundum Prædicantem Evangelium oportuit, in Templo Divæ (ut etiam Mislenta appellat) *Mariae* Magdalene. Quid verò reperiemus in idem Regionti, in Templo S. Crucis? *Templum S. Crucis*, inquit loco citato Mislenta, etiam profanatum, ac conflaudis aenei Tormentis, machinisq. bellicis destinatum, propè portam Crucis nuncupatam. Ne hoc quidem extra, aut contra Evangelii prædicantici amissim. Crux Christi fuit semper, & est. Dæmonum omnium & Inferni Tormentum. Quid jam Tormento hujusmodi opus iis, qui secundum vatem (b) gloriando dicunt, *Percussimus fadus cum Morte, & cum Inferno fecimus pactum*? Alia igitur Tormenta non in Dæmonum, vel Inferni, sed in hominum Ecclesiæque Christi ruinam, oportuit Prædicantes ordiri. Sed nunquid oportebit eisdem quoque id, quod Dominus per eundem

(a) Matt. 21. Ioan. 2. (b) Isaia 28. 15.



eundem Vatem v. 18. decrevit, audire? *Delebitur fadus vestrum cum morte, & pactum vestrum cum Inferno, non stabit?* Denique, ut Templum D. Barbaræ, Templum item Bernardinorum, de quo Hennebergerus (a) aut Templum Virginum Benedictinarum, de quo idem (b) &, si quæ insuper Regiomonti fuerunt, missa hoc loco faciamus, quid in iplo Spiritus S. Templo reperiemus? *Hodie*, inquit idem Mislenza, *in usus factorum, & lanionum, in veteri oppido, prope portam Lobnicensem visitur cessisse.* Egregiè verò, & ad ejusdem Evangelii libellam examussum! Non decebat Domum DEI secundum Evangelium Christi (c) fieri *speluncam latronum*: at secundum Prædicantum Evangelium, decet ipsius sanctissimi Spiritus, veri utique DEI Domum, fieri & esse adhuc domum lanionum ac factorum? Et quis istam barbariem, ne dicam feritatem, æquis animis oculisvè aspexerit? Ne ipsi quidem, quotquot ad humanitatem inter eos utcumque exculi sunt, possunt aspicere. Triginta circiter ante annos, cum in eodem Spiritus S. Templo, iterum Macella & lanionum officinæ reficerentur vel etiam augerentur, sepulorum quæ illuc quondam Christianorum ossa plaustris aliò deportarentur, Bernardus Detschovius, qui in vetere civitate id temporis Pseudopastorem agebat, nō potuit, tantā, ne quid gravius dicam, hominum insolentiā, non commoveri quā maxime; & ipsis Regiomontanis, qui sepultis quoque defunctorum ossibus, suam inviderent quietem, dira quæque aut ipsas diras non denuntiare.

Atque hæc Regiomonti cum patrata sint, quid aliis

(a) pag. 283. (b) 237. (c) Matt. 21. 13.

aliis per civitates, oppida, villasque structis olim Templis; quid sacris locis, quid Lindæ denique Marianæ, ejusdemque sacello factum puremus? si Joanni Leoni Canonico Gütstadiensi libro 7. historię M.S. (a) &, quem ille authorem testemque oculatum sequitur, Simoni Grunau, fido illius ævi, ut diximus, historico, fides habenda; sicubi Tempia eversa non fuerunt, fuerunt tamen strenuè expilata: nisi fortè cives ipsi expilantium conatibus alicubi obstitissent. Nam agebant civitates, quemadmodum authores citati scribunt, Christum neminem ad fidem coegisse, uti ipsi facerent; scire se utique, non tam fidei causâ, rem institutam, quàm suppellectilis Ecclesiasticæ emungendâ. Porro duobus, ad sacrilegas istiusmodi rapinas, vulturiis potissimum usi feruntur apostatæ Crucigeri; videlicet Erhardo Queis Pömelaniensi Pseudoepiscopo, de quo plurima Grunau memorat; & Fratre quodam, dicto Domino ab Heideck; qui è Canonico Bambergenſi Ordinem Theutonicorum tertur ingressus fuisse. Uterque, quò facilius raperet, vel nervos belli contra Polonos gerendi, Magistro Ordinis necessarios, prætexebat; vel minimè necessariam, imò superfluam, ac planè hypocriticam in Ecclesiis divinoque cultu pompam, abolendam clamitabat: re autem verâ Mammonæ uterque quàm impiissimè litabat. Posteaquam verò immane illud avaritiæ barathrum, raptæ è civitatum, vicorumque Templis opes (quæ nihil aliud, quàm aurum, ut est in proverbiiis, Tholofanum sunt) explere nequaquam possent, Monasteriis expilandis, Monachisque dissipandis manus admo-

M

tæ sunt



tæ sunt. Ut enim loco citato historia prosequitur, vi-  
 dens Frater Heideck, frustra se cum oppidis expostulare,  
 aggressus est Gerdaviense, Velaviense, Tilsense, Heiligen-  
 beilense, & Patollense Monasteria; &, quæ in eis reperit,  
 cistis inclusit; ordinavitq; in singulis Monasteriis tres senio-  
 res Monachos, qui manerent; omnibus aliis, pro mundi re-  
 plemente, expulsis; &, ut tres illi Monachi sibi unum cali-  
 cem stanneum fieri curarent, ad explendam suam hypocri-  
 sim: nec quempiam alium reciperent, in ordinem; neve mul-  
 tum divagarentur, spem suam projicerent in Deum qui eos  
 liberaturus esset. Hunc igitur miserandum in modum,  
 cum, in dirissima illa hæreseon eluvione, Monaste-  
 ria, Tempia, aliæque sacræ Ædes, vel funditus excin-  
 derentur, vel expilarentur; quid mirum si Linda Ma-  
 riana ejusque sacellum eidem fuerit obnoxium tem-  
 pestati? Jam alias (a) abunde spectavimus, Prædi-  
 cantibus, & Prædicantium filiis, illam Deiparæ Æ-  
 dem, omni temporum momento, salem sudemque in  
 oculis fuisse; illi proinde, homines scilicet religiosissi-  
 mi, parcerent, qui cæteris, infra illius famam venera-  
 tionemque longè positis, minimè potuerunt parce-  
 re? Ego verò minimè dubitem, quemadmodum Ca-  
 tholicorum & omnium piorum oculi, ad Lindensem  
 Deiparæ Ædem, præ omnibus sacris in Prussia locis,  
 maximè semper fuerunt intenti; ita illos sectariorum,  
 obliqua ruentes hirques, nulquam prius, quàm ad ean-  
 dem respexisse; &, simul, atque respexerant, duces o-  
 culos ponere manus sacrilegas fuisse secutas. Admotæ  
 igitur facinorosissimorum hominum manus, & sub-  
 rurâ aut excisâ Tiliâ Marianâ, propè ipsa sacelli fun-  
 damenta sedibus suis emota sunt.

(a) lib. I. cap. 3.

CAPUT

CAPUT V.

Sacelli Deiparæ Lindenſis excidium, non ſine ingenti piorum ſtupore ac dolore perpetratum, adjunctarum ſacello ædium ruinam ſecum traxit.

Quæ locum, apud Lindam Marianam, ſacrum reddebant, quæque loco, venerationem, & ſingulari adaugebant cultum, erant, uti alias diximus, Tilia, & admiranda miraculisque inclyta, ſuper Tiliam Deiparæ Imago; atque circumdatum utriusque, è ſolido muro, ſacellum. Hæc uniuerſa, per illam hæreſeon hæreticorumque eluvionem, ſimul vaſtata atque exciſa ſunt. Et quidem ſacelli ipſius ruinam, rudera, quæ integrum propè ſeculum in oculos ſpectantium incurrebant, palàm loquebantur. Tameſi enim toto illo tempore, quod ab Anno circiter M. DXX. aut M. DXXII. ad præſentis ſæculi Annum XVII. excurrit, gratiæ ſanitarum aliaque Dei ac Deiparæ beneficia, nunquam ab eo loco fuerunt diſcreta; locus tamen intuentibus nihil aliud, niſi aggeſtum ruderum acervum, & quoddam quaſi, ſacraſſimæ illius Ædis, cadaver videbatur exhibere. Sunt hodie quoque pluri mi, totâ Pruiſſiâ ſuperſtites, qui ſuis ea rudera oculis olim ſpectabant, & egregium illud, è ruderibus aggeſtum, hæreticæ ſacrilegæque barbariei trophæum, cum olim ſemper execrabantur, tum modò quoque deteſtarentur; niſi gaudium, quod ex reſtaurato nuper ſacello, creſcenteque indies ſacelli ornatu juxta ac religione, capiunt ſingulare, præteriti memoriam doloris penitus abſtergeret. Cæterum, quem putemus ſenſum fuiſſe, illo ipſo tempore, quo excidium



illud patratum est, in omnium piorum, non modò per Prussiam, verùm & per dissitas regiones, animis? Quanta Asiæ totius consternatione ac stupore, Dianæ Ephesiæ sanum, incendiarii cuiusdam flammis subrutum fuerit, vel è sacris literis (a) discimus. Si enim, quando nonnisi per aliquam suspicionis nubem, à Demetrio argentario, ejusque sociennis objectam, aliquod Dianæ, vel ejus Templo periculum imminere videbatur, non modò Demetrius cum suis (b) sed & omnium Ephesiorum, imò & Asianorum cæterorum, Ephesi tunc præsentium, ut sacra loquitur historia, *Vox facta una est omnium, quasi per duas horas clamantium, magna Diana Ephesiorum*: quidni & pii omnes, ad sacelli, & Lindæ Marianæ (quæ non jam profanæ gentilium, sed, ut eam loco citato Cornelius appellat, *vera, & veraci Christianorum Diana*, sacra erat) tam immane & sacrilegum Excidium ingemuerint, animisque immensum fuerint consternati? Licet enim non eâ, quâ Templum Ephesium fuerit magnificentiâ, ut laboris & sumptuum impensorum causâ, inter septem mundi veteris miracula censeri posset; DEI tamen, & DEIPARÆ beneficentiâ, & quæ hinc manabant, prodigiis ac miraculis, tum illud, tum reliqua veterum miracula, immenso antebat intervallo. Quod si Ephesium illud ducentis, Plinio (c) teste; aut potius, ut idem alibi docet, quadringentis viginti annis, ut miraculi nomen tortiretur, ædificatum est; Lindensis, profectò Ædes plus quadringentis annis, tot miracula edidit, ut non tam saxi aut lapidibus, quàm meris videretur niti & constare

(a) Act. 19. (b) v. 28. (c) lib. 36. cap. 14.

stare miraculis. Eat nunc impudens Prædicans Mislenta, & Heroa, nescio quem, à facinoribus. Principe Christiano nimirum dignis, *super æthera tollat*; quod cum *totale excidium* (ut ille (a) multis garric) Religionis Romano-Catholica ex Ducatu promovendo, inter cætera Indulgentias Papales, Processiones, Peregrinationes ad loca sanctis ac Divis consecranea, proscripserit, inhibuerit, & prorsus exterminaverit. Addat insuper, commemoratione dignum occurrere, de destructione Fani ad Lindam extracti; ad quod peregrinationes, indulgentiarum impetrandarum gratiâ, ab undequaque hominibus illuc confluentibus, institui solebant. Hæc, inquam, atque id genus alia, de Prædicantiæ fursuribus eloquentiæ, in Heroa illum spargat Mislenta; ego tamen neque nunc adducor, neq; deinceps, ut loco suo constabit, adduci potero, ut in hominis transeam sententiam; hoc est, ut cum Prædicante, tantam heroi illi notam inuram. Quis enim, aut tam humilis illum animi, aut tam projectæ mentis, aut denique tam digneris à serenissima stirpe sua, tum spiritus, tum sanguinis, fuisse sibi persuadeat; ut non putarit vel equilia, vel haras & stabula alia, suppetere aliunde sibi posse, nisi è dirutis subversisque Templis ad ea erigenda, lateres, & saxa; aliamque materiem sacrilegè usurparet? Id enim fecit is, quicumque tandem sacelli & Lindæ Marianæ infelicissimus sacerrimusque excidii author fuit. Audi Ciaritium (b) *Tiliam, sacratissimam Virginis Matris incolatu venerando pranobilem, nefariorum furor stirpitus excidit. Lateres Oratorii, ut & trabes, ac ligna domorum illi adjunctarum, quæ eandem demolitionis cla-*

M 3

dem



dem sabierant, Rastemburgum avecta, & in substructionem stabulorum Arcis conversa; reliqua avectione indigna, permissa ignibus, in favillam redacta sunt. Hæccine ille Heros: hæc, inquam, ille, non modò designare opere, verùm & animo potuit concipere? ille non profanarum duntaxat ædium, sacello adjunctarum (si quid tamen profanum apud Lindam fuisse dici potest) Trabes & ligna, verùm & ipsius Oratorii lateres, ad privatos usus, & quid privatos dico? ad profanissimos, quin & lordidissimos, non hominum sed beluarum usus, ad stabula, ad mandras, vel etjam haras verterit? ille pro insitâ animo rabie, quæ asportare, & in profanissimos etjam usus, è Lindæ materie convertere non potuit, ignibus permiserit, & in favillas redegerit? Non hæc indoles Heroem; non animum, non sanguinem ingenuum, ne dicam generosum aut nobilem, refert. Opus ipsum, probat authorem non alium fuisse, quàm Castorem; illius utique, qui Regiomonti Templum Spiritus Sancti in macellum vertit, Pollucis gemellum. Uterque ejusdem Ledaë sinu saturus; uterque ovo prognatus eodem; proinde uterque non hominem, sed Jovem refert parentem. Valuit enim, hic illud Poëtæ:

*Castor gaudet equis, ovo prognatus eodem-Castibus.*

Hic cæstibus ad lanionum proludebat macella; ille equis, ad palatia militabat equisonum; inde uterque non heroum, sed aut lanionum, aut agalonum, aut, si fortè id malint, Prædicantum sanguis.

## CAPUT VI.

Cum sacello, etjam Tilia Mariana excisa, non tam religioni ipsius loci, quam Catholice in Prussia Ecclesiæ, imminentem portendere visa calamitatem.

EXcito dictum in modum sacello, non alia ipsam Tiliam, quæ in medio sacelli olim sita, rectumque sacelli ramis & frondibus, uti diximus, supergressa, perenni foliorum frondiumque vigore, & quadam quasi umbræ majestate, recti vicem sacello præstabat, excepit fortuna. Nam & Tiliæ ferales impiorum manus ita sunt admotæ, ut vel stirpitus evulsa, vel ad ipsas radices fuerit præcisa. Monstratur etjamnum in medio sacelli locus, quo illa (ut constantissima est omnium fama) stetisse ac viguisse olim fertur: utrum verò eodem in loco, vel ipsæ radices fuerint relictæ, mortalium nemo monstravit. Quamquam autem ipsæ quoque Tiliæ illius radices excisæ tum fuissent, Marianæ tamen Lindæ radices, quibus illa divinitus nitebatur, & nunc quoque nititur, nunquam aut excindi, aut evelli, aut etjam loco moveri potuerunt. Neque enim radices istæ, humo magis vel arenæ, quam cælo infixæ, subductam oculis corporum, subducere oculis animorum Tiliam potuerunt. Itaque non haurit illa quidem amplius, neque in truncum, vel ramos derivat, haustum de terræ venis humorem; at haurit de cælo succum, & largè, omnibus partitur mortalibus uberrimos gratiæ divinæ rivos: non viret illa quidem jam pristina florum aut foliorum frondiumve majestate & gloriâ; at viret nihilominus ac viget, divinæ fructibus beneficentiæ & largi-



tatis; non tegit frondibus aut ramis eductos in altum  
 è laterculo parietes, at protegit cælestis gratiæ um-  
 brâ populos undique adductos: non præbet apibus  
 dulcem ad mellificia rorem, at præbet hominibus,  
 largum ad bene agendum, beateque vivendum, divi-  
 norum auxiliorum imbrem. Quæ profectò, si quis  
 apud se reputaverit, Tiliam Marianam, symbolum  
 quoddam aut hieroglyphicum immortalitatis repu-  
 tare poterit. Sicut enim *Arbor quærû*, juxta S. Augusti-  
 num, de verbis Apostoli (a) *speciem exprimit Resurre-*  
*ctionis*; quia cum hiemis tempore, spoliatur pomis, nudetur  
 foliis; adveniente tamen æstate, turget in gemmis, ornatur  
 in floribus; vestitur foliis, pomis gravatur: ita Tilia Maria-  
 na, quæ etiam radicitus evulsa, nunquam aut fructi-  
 bus, aut foliis & frondibus, longè, ut vidimus, divi-  
 nioribus, spoliari potuit, Immortalitatis nobis esse  
 poterit symbolum. Ne tamen aut furori, aut potius  
 conatibus impiorum, nihil omnino videamur tri-  
 buisse, concedamus ac fateamur Tiliam Arborem,  
 non modò succisam ab iis, verùm & stirpitis revul-  
 sam fuisse; dummodo & illi, & cæteri omnes minimè  
 diffiteantur, illud Tiliæ excidium, ejus (quod Catho-  
 licæ in Prussia Ecclesiæ ad tempus imminebat) exci-  
 dii, seu potius calamitatis, umbram quandam fuisse;  
 non secus, atque olim Ecclesiæ Africanæ calamitas,  
 quæ per Vandalos, eorumque Regem Hunnericum,  
 Arrianâ peste infectum, brevi ventura erat, per sub-  
 versam Arborem divinitus fuit adumbrata. Nam, ut  
 refert Victor Uricensis histor. Vandal. lib. 1. *Vidit ve-*  
*nerabilis Paulus Episcopus, Arborem, usque ad calos ramis*  
*floren-*

(a) *Serm. 34.*

florētibus extensam; quæ etiam dilatatione suâ, omnem penè Africam opacabat. Et cum omnes eius magnitudine & speciositate gauderent; ecce subitò venit Asinus violentus; qui defricans cervicem suam, super robur radicum eius, impulsu suo, cum ingenti sonitu, illam mirabilem Arborem elisit ad terram. Quod si Hunnericus Rex, fortasse quia ob sædissimam Arrianorum hæresin, ab illa generosa filiorum DEI stirpe degenerarat, per Asinum fuit adumbratus; quidni is quoque, qui non minus degenerare Lutheri spiritu actus, Tiliam Marianam, illam, inquam, Arborem usque ad calos ramis extensam, & dilatatione suâ omnem Prusiam opacantem, subruit, possit, imò debeat Asinus vocari: præsertim, cum etiam Darius Rex, apud Isai. 21. 7. cum suis Medis, exprimat per Camelum; & Cyrus cum suis Persis per Asinum; vel certe per Semiasinum sive Mulum; uti in suo Enthusiasmo (teste Eusebio (a) de Præparat.) Nabuchodonosor Rex eum vidit, ac suis Chaldæis hunc in modum prædixit; Veniet Persa Semiasinus, qui nobis iugum servitutis imponet. Adhæc, si Plato, teste Æliano (b) ob ingratitudinem, Aristotelem vocabat Mulum; eò quòd quemadmodum Mulus lacte materno saturatus, matrem calcibus petit; ita Aristoteles, optimis à Platone disciplinis atque artibus quasi suffartus, scholam contra Platonem aperuit Peripateticorum; in qua illius doctrinam atque placita oppugnavit; quidni iste, quicumque tandem sive è Theutonico, sive quocunque tandem alio Ordine fuerit, Ecclesiæ Catholicæ lacte à tenebris nutritus; adeoque ipsius Dei paræ, quæ totius Or-

M s

dinis

(a) lib. 9. cap. ult. (b) lib. 4.



dinis Theutonicorum singularis patrona, & quasi  
 Mater fuit habita, beneficiis rotâ retro vitâ saturatus,  
 tum in Ecclesiam Catholicam, quasi calce arietavit;  
 tum in ipsam Virginem Deiparam, mortalium in-  
 gratissimus, manum & arma, in Mariana ipsius Lin-  
 da intrinxit, sive Mulus, sive Semiasinus audiat & sed  
 hac super re, luculentius postmodum erit agendum;  
 nunc de Tilia Mariana, quod de Rege Chaldæorum  
 (in figura divinitus apud Danielem (a) exhibita) di-  
 ctum est, haud injuriâ usurpemus; præsertim, si eam,  
 quod jam vidimus, & in medio terræ, quodammodo  
 sitam, & novô ac perenni radicum germine, Immor-  
 talem non negemus. Ecce Arbor, in medio terra, & alti-  
 tudo eius nimia! magna Arbor, & fortis; & proceritas eius,  
 contingens calum; aspectus illius, usque ad terminos univer-  
 se terra, folia eius pulcherrima, & fructus eius nimius: &  
 esca universorum in ea, subter eam habitabant animalia  
 & bestia; & in ramis eius conversabantur volucres cali, &  
 ex ea vefcebat omnis caro. Si enim, quod Cardanus  
 (b) & Peterius (c) memorant, Coccus Arbor Indica,  
 plurimarum rerum humano generi necessarium sup-  
 plet usum (nam & colorem coccineum, aquam, navi-  
 gia, funes, vela, malos, clavos ac remos; & insuper bu-  
 tyrum, oleum, acerum, saccharum, ex ea confici posse  
 constat) quidni ad plures longè usus, Tilia Mariana,  
 uti antea quoque vidimus, divinitus comedari  
 mortalibus, & Arbori à Rege Chaldæo visæ, compa-  
 rari queat? Quod si porro, divinâ providentiâ sapi-  
 entissimè sanctissimeque ita permittente, vigil & san-  
 ctus

(a) Dan. 4. 7. (b) de Variet. lib. 7. cap. 33. (c) ad  
 6. ap. 6. Genes.

Etus de calo descendit, & clamavit fortiter; & sic ait, succidite Arborem, & pracidite ramos eius, excutite folia eius: quod quidem per illud Tiliæ & sacelli excidium abunde factum fuit; nihilo tamen minus, de eadem Tiliâ & sacello, ab eadem providentia, benignitate, clementiaque divinâ, id quod versu 12. sequitur, decretum sancitumque fuit, veruntamen germen radicum eius in terra finite. Quod quidem, & toto illo excidii tempore verissimum fuit, & nunc pariter est: quia quoad Linda Mariana illas miraculorum divinorum, & sanitatum curationumque gratias, quas stante Tiliâ habuit, etjam succisâ postmodum Tiliâ, retinuit, & adhuc retinet; germen radicum, non modò in terra relictum, verum & in cælo, ut diximus, fixum semper habuit, & adhuc habet. Vnde non injuriâ, tum de Imagine Deiparæ Lindensis, de qua cap. seq. tum etjam de ipsa Tiliâ Mariana suo modo usurpari potest, quod de Diva Aspricollensi (a) scriptum Lipsius reliquit. Sed evenit, & candidè fatendum est, ut dicat Imago illa, sive statua perierit; incertum quâ vi, aut casu, nisi quod suspicio prædones culpat, in iis lustris asiduos per hæc bella, non solum crebros. Ea amissio incidit circa Annum M. DLXXX. ut aiunt, & conspici ibi Diva desuit, sed non coli. Veniebant enim nihilo segnius ad locum, loculumque vacuum; & opem ac solarium etjam inveniebant. Quis miretur, aut culpet? Persæ, Regis sui sellam venerati sunt, quia Maiestas illa insedisset, & attactu velut sacrasset: cur non liceat piis, loca Numini electa, & consecrata? nec tamen Quercum illam (nemo censeat) ob ipsam, sed in ea statuat, & in statua Divam, in hac DEUM venerati sunt, & adora-



*adorarunt. Nec in statua sanè propriè vis aut virtus; quod res hîc docuit eâ amissâ, & mox mutatâ.*

## CAPUT VII.

Novorum in Prussia Iconoclastarum furor in sacras Imagines; & quid ab iisdem B. V. Lindenſis Imago experta.

**N**emo unquam fuit, qui in DEI, DEI PARÆ, aliorumvé sanctorum Imagines, manum calamumvé strinxerit quin idem vel gentili barbarie fuerit effeſeratus; vel Judaicâ, Turcicâ, Magicavé impietate pollutus; vel aliorum sordibus vitiiorum inquinatissimus; ut vel hinc censere, atque æstimare facîle cuivis liceat, de eorum Iconomachorum atque Iconoclastarum vitâ & moribus, qui uti aliorum sanctorum Imaginibus, ita & B. V. Lindenſis admirabili Iconi, violentas juxta ac sacrilegas manus intulêre. Primi in VII. Synodo Act. v. Iconomachorum nomen meriti sunt Judæi; sed Judæi erant; è quorum tribu tempore Justinij junioris, Samaritani quidam Ecclesiam alicubi inſaſerunt, & in Christi cælitumque Imagines ferocissimè grassati sunt; uti ex Epistola Simeonis Eremitæ, in eadem Synodo, patet. Sub Annum Domini D. C. Mahometes in Alcorano cap. 15. & 17. Imagines omnes sustulit; sed quid potuit à primo Turcicæ barbariei parente expectari aliud? Paulò antè sub Zenone Imperatore fuit Xenaias, quem Nicephorus (a) & Cedrenus in Compendio, Iconomachorum Principem appellant: sed Xenaias, ut Bellarminus Tomo 2. de Reliq. Sanct. (b) inquit, fuit homo Persa, & Barbarus; imò & servus fugitivus: & licet

(a) lib. 16. cap. 17. (b) lib. 2. cap. 6.

licet non eſſet baptizatus, ſimulans tamen ſe Chriſtianum, irreſſit ad Epiſcopatum. Inter Chriſtianos Imperatores, primus Leo Iſaurus bellum Imaginibus intulit, unde & Iconomachi nomen vulgo eſt ſortitus : ſed Leo iſte, Cedreno, Zonara, & Paulo Diacono, teſtibus Judæorum in ea cauſa infaniam, præ S. Gregorii Papæ, & S. Germani ſanctiſſimj Conſtantinopoleos Patriarchæ, præque duodecim ſapientum (quos cum Magiſtro Oecumenico eorundem præpoſito, inſtru-ctiſſimæque Bibliothecâ, intra domum incluſos, combuſſit vivos) denique & præ totius Eccleſiæ Chriſtiænæ doctrinâ, ſequi maluit. Leonem pari paſſu Conſtantineſis filius ſecutus eſt, mali corui malum ovum; ſed iſ non modò Copronymus, verùm & Neſtorianus, & Magus fuit : & ſicut luſtrales Baptiſmi aquas, dum tingeretur, ſtercore ſuo inquinavit; ita Eccleſiam Orientalem impiis Neſtorii & Iconoclaſtarum furoribus plurimùm turbavit. Non longo poſt intervallo, Leo Armenus, Michaël Balbus, & Theophilus Imperatores, eandem Iconomachorum infanierunt infaniam; ſed, ut priorum duorum vitia, raceantur, Theophilus Judaicâ & Necromanticâ impietate fuit apud omnes infamis. Omnibus his, in eadem ſcilicet iniquitatis palæſtrâ, præluſit Julianus Imperator; qui Imaginem in Novo Teſtamento, ſerè omnium primam (quam Chriſto Servatori Sospitatorique ſuo, mulier hæmorrhoiſſa (a) à ſanguinis fluxu curatâ, Paneade (quæ poſtmodum Cæſaræa Philippi dicta fuit gratiſſimi animi ergo poſuerat)

teſti-

(a) Matth. 9. Marc. 5. Luc. 8.



testibus Eusebio (a) & Sozomeno (b) demolitur, vœcordissimâ impudentiâ, suam, ejus loco, effigiem substituit. Sed Julianus Imp. Apostata fuit; & quemadmodum cætera Christianæ fidei capita, ipsumque adeo Christum Dominum, ita & Christi, sanctorumque Imagines infamis parabata oppugnavit; dignus, qui primum in imagine illâ suâ, deinde verò etiam in semetipso fulmen de cælo expertus, communi hominum sepulturâ privaretur; quippe ut Nazianzenus orat. in S. Athanasium memorat, cadaver à terra sponte aperta fuit absorptum. Tantâ veterum Iconoclastarum sive impietate sive insaniâ, nihilo fuit recentiorum levior, non modò Andreæ Carolstadii (qui, vel Luthero ipso improbante, Iconomachiam primus Vitebergæ, Anno M DXXII. instituit) verum & eorum, qui in ista Iconomachorum atena primi deludarunt. Primus in Prussia deploratissimæ sectæ incentor, fuit Paulus Speratus, qui (ut Joannes Leo (c) cum Simone Grunau asserit, quod neque Mislenra (d) neque Hennebergerus (e) diffiteri possunt) à Luthero in Prussiam missus, Anno Domini M. DXXIV. pueros & plebem in sacras Divorum Imagines, pro concione armavit. Ad istam desperatissimi hominis actionem, plus quàm Verrinam, quorquot aut de populi fece, aut de puerorum ludo aderant, tertiâ post Dominicam, ut illi ajunt, *Invocavit*, sive primam Quadragesimæ, feriâ, Templum Cathedrale irrupunt; Imagines atque statuas invadunt, pleraque sedibus deturbant suis: neque parietes duntaxat, verum & Aras

(a) lib. 7. hist. c. 14. (b) lib. 5. c. 21. (c) lib. 7. (d) pag. 4. 3. (e) pag. 2. 13.

Hæreticorū in Lindenſem aliasq; Imagines per Prūſſiam furor. 191  
Sc Aras ſpoliant; iplasq; adeo de Altaribus tabulas,  
in quibus Chriſti Domini & Divorum pictæ effigies  
erant, revellunt. Quid deinceps iis factum ſit Imagi-  
nibus Regiomonti, incertum eſt, quia nemo rem li-  
teris exactè, ut video, prodidit. Proclivè tamen eſt  
arbitrari, haud aliter, quam vel Riſemburgi, vel Salfel-  
dia, in Pomeſanienſi Diœceſi; vel aliis in Ducatu lo-  
cis, fuiſſe cultos. Qua de re, præſtat Simonem Gru-  
nau apud Joannem Leonem (a) ita ſcribentem re-  
ferre. Anno eodem 1524. in nundiniis Riſenbergeniſibus, in  
quibus omnũ generũ homines confluxerant, Lutherani ſuas  
vires, & quid poſſent in Imagines B. Virginis aliorumq; ſan-  
ctorum, palàm oſtenderunt. Nam eis domum comporta-  
tũ, propinabant Scyphos, & ut reſponderent bibendo, inſta-  
bant. Quod cùm non facerent, ſuper capita Imaginum li-  
quorem fundebant, additis verbis probrorum plenis, quæ ne  
Ethnicus quidem excogitaſſet. Cùm verò ſolvenda compo-  
rationis tempus adveniſſet, etiam ab Imaginibus eo nomine,  
pecunia repetitis vicibus petebantur. Earum ergo nomine,  
aliqui, qui ſolveret, ſolicitabatur, ita, ut ſi ſolvifſet pecu-  
nias, domum Imagines auferre poſſet. Reperiebantur homi-  
nes agreſtes, qui ſolverent, & Imagines tollerent. Alia, pro  
quibus non ſolvebatur, virgũ aut etiam gladiis cadebantur,  
ac cùm improprio pungebantur, ac denique exurebantur.  
Cùm de hiſ Epifcopo relatum eſſet, laudavit, recteq; fa-  
ctum dixit; neque ſecus ab ſe fuiſſe inſtructos. Atque hunc  
in modum, plus quàm barbarà in ſacras Imagines,  
Iconoclaſtarum noſtrorum inſania, aut potius furo-  
re, ſævitum eſt Riſemburgi; quæ civitas Præbuita Po-  
lonis dicitur. Quid Salfeldia? quæ ejuſdem quoque  
Epifco-

(a) pag. 715.



Episcopi Pomesanienſis oppidum fuit ? Audiendus eſt idem ipſe Grunau loco proximè citato. Hoc ipſo anno, 1524 in autumna, Parochus Salfeldeniſis, iuxta tenorem ſui Evangelii, Virginem ſibi deſponſavit. Et, ut longè lateq; dimanaret fama, conatusq; iſte Evangelicus aliis ſacerdotibus exemplo eſſet, grande convivium inſtruxit, majore convivarum invitato numero. Habebatur ibidem Monasterium Bernardinorum eleganter adificatum; in eo ille nuptias ſuas peragere voluit. Et, ne quid moleſtiarum inde pateretur, à fratre Episcopi Riſenburgenſis, cuius fidei civitas concœdita fuit, ut inde Monachi quaſi hypocritæ Antichriſti, expellerentur, obtinuit. Monachi verò ita expulſi, ruſtici operam ſuam locare cogebantur. Peragebatur itaque convivium in Monasterio, coquebanturq; optima quæq; fercula, foco è ſiccis lignis, de Imaginibus & tabulis ſanctorum, pulpitarum & ſedilium extructo. Quis vel fando uſquam talia audit? vel extrema quæque metuendo, ſperare etjam in media barbaria potuit?

Cæterum, quandoquidem tanta alibi procella, furor Iconoclaſtarum in ſacras Divorum Imagines detonuit, quid putemus Lindæ, tum in cæteras, quæ aderant, tum verò potiſſimum in admirandam illam Deiparæ, ſuper Tiliam repertam Imaginem, à tam immani, & plus quàm barbarâ feritate patratum? Quantum illi ipſi, aut inſaniæ, aut rabiei hîc effuderunt, qui alibi vix tantillum continere cohibereque eandem potuerint? Quò enim illa Lindeniſis Deiparæ effigies, omnibus, quæ in Pruſſia uſquam erant, & beneficiorum meritis, & miraculorum gloria, & populorum religione, cultuque illuſtrior erat; tantò magis in eam ſacrilega illa Iconomachorum rabies arde-

ardebar. Poſteaquam igitur, & ſacellum, & ſacra Tilia exciſa ſunt, ad illam ipſam Imaginem DEIPARÆ, è Tilia jam ante proturbatam, veræ ſunt impiſſimorum manus. Quo mihi loco, multò juſtius quàm olim Romano Oratori Actione 2. (a) in Verrem licuerit de erepto, *Segeſtaniæ* in Sicilia civitati, Dianæ ſimulachro contra noſtros Verres expoſtulare. Fuerit enim ſanè, ut ille ait, illud ex ære ſimulachrum, tum ſummâ atque antiquiſſimâ præditum religione; tum ſingulari opere artiſicioque perfectum; at non niſi Dianæ, fabuloſæ nimirum Dææ, ſimulachrum erat: Lindenſis verò Effigies, majore etjam atque longè antiquiore præditum religione, veræ & Chriſtianæ, ut Cornelium aliàs docentem audivimus, Dianæ, hoc eſt magnæ DEI Matris ſimulachrum, non humano, ſed potius divino opere artiſicioque perfectum erat. Fuerit illud, eâ apud Segeſtanos religione, ut Segeſtæ nemo, neque liber, neq; ſervus; neque civis, neque peregrinus fuerit repertus, qui illud ſignum auderet attingere; barbarosque idcirco Lylybeo advocatos operarios, qui, omnium ignari, ſuſtulerunt: quis non obſtupelſcat, tantam in Prufſia repertam fuiſſe hominum barbariem, ut ſcientes ac volentes (ſi tamen ſcire ac velle poſſunt dici, qui furore atque rabie hæreticâ agitantur) non modò manus admoverint, ſed inſuper plurimum furori ſuo indulſerint.

Redactâ enim dictum in modum, Deiparæ in ſuam poteſtatem Imagine, non magnâ facinoroſiſſimis mortalibus amentiffimiſque, deliberatione opus erat, quo tandem pacto eam peſſundarent, cum nihil

N

aliud



aliud manu, linguâ, animisque agitent, quàm ut eam quocunque tandem modo perditum irent. Et quid eam aut ferro discindere ac discerpere, aut ignibus ustulare pararent, quibus geminus in proximo lacus, quo eam mergerent, quasi ultro se offerebat? Et quamvis, præ Denavio, multo esset minor atque angustior Virbellus; ad hunc tamen, quia lutulentior, &, ad mergendam quàm altissimè Imaginem, magis idoneus, sacrosantam asportâtunt Iconem; &, ne quando aut reperiri, aut ex aquis posset erui, quàm altiores stagnabant aquæ, eo Iconem eminus de longinquo jactatam mergunt. Sed nimirum, eadem erat illa Icon, quæ olim Rastemburgum iterum atque iterum delata, remeare ad suam sedem toties potuit; potuit quòcirca & nunc, iterum atque iterum, quoad supremo placitum Numini, de aquis emergere; & suum, licet in Tilia, nulla amplius sedes esset, ad Lindam pro more locum repetere. Neque aliter placitum fuit Numini. Voluit quippe majore aliquantùm gloria, sacram Matris suæ Iconem decorare. Nam aquis injecta mergi nequaquam potuit: quoque magis infra aquas impiissimorum jactabatur manibus, eò emergebat atque eminebat magis, conatumque omnem Iconomachorum eludebat. Quid ergo agerent? si æquè accensus igne focus juxta adfasset, atque illi furore atque insaniâ ardebant succensi, Imaginem haud dubiè foco flammisque exurendam injecissent. Occurrit interim, ut in palustri loco solet, occurrit, inquam, lama sive lacuna non exigua, lato & sordibus horrida in ea scrobem, aliquot pedes egesta, ut credi patet, terra, altiore faciant.

& fa-

& ſacram Iconem, intra ſcrobem quam altiffimè  
 poruit, meſſam atque ſepultam, terra, cæno, ſordi-  
 busq; deſuper aggeſtis obruunt magis, quàm ope-  
 riunt. Et jam victores, nihil niſi triumphum apud ſe  
 agitabant. At ſacroſanctæ Deiparæ Icon, nullâ vi, aut  
 ope humanâ, è cænosa illa lama, & ſcrobe quantum-  
 vis profunda, ſordibusq; latè aggeſtis, facilè evaſit;  
 & ad priſtinum Tiliæ ſuæ locum, qui erat acervus è  
 ruderibus ſacelli everſi aggeſtus, ſe recepit; multaq;  
 circumfulam luce, ac ſplendore, ſeſe iterum ſpectan-  
 dam obrulit univerſis. Attoniti eo ſpectaculo pii jux-  
 ta ac impii omnes potiffimùm verò immaniſſimi illi  
 Iconoclaſtæ: qui demum ſtupore in iram rabiemq;e  
 iterum verſo, ſacrilegas iterum manus expediunt, ſa-  
 cram Iconem invadunt, & è ſede illa revuſſam, incer-  
 tum, quo tandem aut loco aut modo planè peſſun-  
 dant. Creditum fuit quibusdam, vel flammis inje-  
 ctam fuiſſe, & in cineres verſam; vel in partes minu-  
 tim diſſectam, aliquo loco abolitam. Neque tamen  
 deſunt, qui ſingulari DEI providentiâ adhuc ſerva-  
 tam alicubi cenſeant; ſuisq;e temporibus, cùm ſcilli-  
 cet placitum fuerit Divinæ Majeſtati, revelandam,  
 & tum ſolatio piorum, tum Eccleſiæ Catholicæ or-  
 namento, tum denique novo iterum Pruffiæ ſubſidio  
 divinitus redhibendam ſperent. Tameſi enim locus  
 ipſe, quo ſacra olim Imago vigit, illa omnia, quæ  
 præſente olim Imagine præſtabat, etjam nū præſter;  
 nullum tamen eſt dubiū, quin, ut cætera omnia ex æ-  
 quo adſint, gaudium tamen & ſolatium piorum, ex  
 ipſo præſentis Imaginis conſpectu, longè futurum ſit  
 cumulatiuſ. Neque inſolens aut novum eſt, ſive ſacra



Divorum Lipsana, siue res alias sacras, etiam longo tempore occultas, divinitus tandem revelari; ut nunc *ss. septem dormientium*, vel sanctorum Stephani, Gamalielis aliorumque exempla mittamus, sacro sanctæ Crucis Dominicæ Inventio, quam sancta Ecclesia singulari quorannis festo prosequitur, eximie docet. Neque de B. Virginis Imaginibus exempla desunt. Statua, quam B. Virgo Toleti, in Ara maxima posita, postquam S. Ildephonsus de se concionantem veste cælesti donavit (ut in Idea Atlantis Mariani pag. 93. memoratur) *abscedens est arte complexa, irruentibus Mauris coli desit; nam Imago in puteo absconsa latuit; dum, exactis Mauris, redacti Christiani viderent insitatum splendorem puteo circumfusus eo tempore, quo Laudes canebantur. Quasi a & reperta Imagine ab Episcopo, compertum simul est eam esse horam, quâ olim è calo in cathedrale Templum descenderat.* Affine quoque est, quod eodem loco, de Imagine B. V. de Mercede dicta aliisque subditur. Qua de re cum iterum paulò post sit agendum, nos interim cum Ecclesia Græca, ad Deiparam conversi, illud Menæorum, 30. Marc. usurpemus. *O intaminata semper Virgo, inimicissimi simul & execrandi nobis videntur, qui Tuæ, Filiique Tui forma effigiem, detrectant adorare; propterea quod divinis majorum nostrorum decretis non obediunt. (a)*

## CAPUT

(a) ἐχθριστοὶ ὡφθησαν ἡμῖν καὶ ἐπάρατοι ὁμῶς, τῆς σῆς ἀπειράστου οἱ προσκυνεῖν μὴ θελοντες μορφῆς τοῦ εἰκονίσματος καὶ τῆς ἡῶς σα. διότι ἐπείθονται, τοῖς ἀνωθεν πατρικοῖς θεοῖς δογμασιν.

CAPUT VIII.

De Excidii Lindensis, & tot tantorumque sacrilegiorum authore, qui etiam hominem videtur exuisse, inquiritur.

**S**I, quod proxime vidimus, Hunnericus Vandalorum Rex, in Visione divinitus facta, per Asinum fuit exhibitus; si Darius Medorum Rex per Camelum, Cyrus Persa per Mulum seu Semiasinum, eò quòd Regnum & Ecclesiam Dei vexarent, aut expiarent; denique si C. Verres ille Prædo Siciliæ, Oratori Romano, ob Dianæ simulachrum apud Segestanos, aliaque idola alibi direpta, non voce duntaxat ac nomine, verum & reipsa Verres, seu potius Everriculum Siciliæ, fuit appellatus; quo is tandem nomine erit appellandus, cujus manu, vel operâ atque imperio, non jam Dianæ aut alicujus idoli simulachrum, sed ipsa magnæ DEI Matris Imago attacta, direpta, ablata, & pessundata? Nunquid aut Verres, aut Mulus, aut Asinus erit habendus, quo duce & authore, Tilia Imaginis illius sedes, excisa; & ipsa denique Aedes tot populorum, seculorumque cultu religiosissima, est non violata duntaxat, verum & funditus subruta? Hominem profectò non fuisse, illud evincit, quòd, in tot tantorumque facinorum, quæ hæreticus furor suggestit, feritate, ne tantillum quidem præ se tulerit humanitatis: ut, vel in illo, si quopiam alio, habear locum, quod divinus vates (a) de Excidio vineæ, quæ Ecclesiam Dei significat, cecinit gembundus; *Exterminavit eam aper de silva; & singularis ferus depastus est eam.* Symmachus pro singulari fero,

N 3

legit

(a) Psalm. 79. 14.



legit & vertit, *animalia solitudinis*. Verè enim sacrilega illa sceleratissimorum manus dici potuit, *animalia solitudinis*; quia non in urbibus modò, vel oppidis ac villis; verùm & in isto, quo sacellum Deiparæ Lindensis vigeat, deserto prorsum loco, nihil aliud nisi solitudinem & vastitatem reliquit; & non secus, atque *Aper de silva*, isque *singularis*, sive, ut Hesychius, Augustinus, aliique apud Corderium legunt, *solivagus* exterminavit, atque depastus est omnia. Nam, ut Theodorus ibidem ait, valde destruit Vineam porcus, tamen si mansuetus ac communis fuerit: magis autem si silvestris sit, & ex iis, qui in montibus degunt. Quod si verò inter silvestres solivagus fuerit, adhuc gravius malum infert; non enim solum fructum attingit, sed plerumque etiam stirpes, ac plantas ipsas, devastat & exterminat. Et non exterminavit sacrilegus iste Lindæ Marianæ bustuarius, stirpes quoque ac plantas ipsas; qui & sacellum funditus, & Tiliam stirpitus subruit; & ipsam Deiparæ insuper Effigiem omnino pessundedit? Nunquid idcirco & *singularis* ferus, & *Aper de silva*, proinde & Verres atque Everriculum, pietatis, religionis, quin & omnis humanitatis erit habendus? verùm retinuerit aliquid humanitatis, &, vel ad speciem, adhuc homo fuerit; quis tandem ille homo? unde genus? quod nomen? quæ patria? status, conditio? Equidem, si Prædicantum Annales consulamus, non dubitabit Mislenta ipsum Albertum Marchionem Brandeburgicum, primum in Prussia Ducem, tantorum authorem majorum proclamare sic enim de Alberto (a) Manuallius scribit. *Quem locum, unà cum fano, in summo honore*

& cen-

& cenſu habuerat, olim tenebris Papatibus obrutus Princeps noſter, aded, ut pedeſter diſcalceatus, ac nudis pedibus, Regionem to ad illam Tiliam, peregrinationem quodam tempore inſtituerit; eiusdem fanum, non modò diruit, ac ſolo aquavit, verùm etiam ſub mulctâ patibuli, peregrinationem ſubditis ſuis illuc interdixit. Atque hæc Prædicans, in honorem ſcilicet Principis ſui: verùm ego, qui non Alberto duntaxat, verùm & omnibus Sereniſſimæ Domus Brandenburgicæ Principibus longè, quàm vel Prædicans ullus cogitando æſtimare queat; generoſiorem & ſanguinem & indolem ſcio inſitam; neque paulò antè induci potui, neque nunc, ut id facilè credam, inducat. Nunquam ſe, de Electorali Brandenburgienſium Principum familia, ad tantam, tamquæ ſacrilegam barbariem, immanitatem, quin & vilitatem quisquam demifit, quantò minus Albertus? Qui, quanquam illo, quem à Luthero hauſerat, hæreſeon toxico, multum religioſi vigorem animi enervârat, nunquam tamen, ſi naturam, & heroicæ proſapiæ ſanguinem attendamus, à majorum ſuorum ſtirpe, ita fuit degener, ut eam ſibi domuiquæ ſuæ, qualem Prædicans inurit, ignominia, ſacrilegiiquæ notam affricaret. Et potuit generoſus ille Alberti ſpiritus ac ſanguis, cùm aliàs non rarò, tum verò maxime Brunsbergæ, quam Anno M. DXX. præter omnium exſpectationem improviſò occupârat, palàm ſpectari. Tantùm enim abeſt, ut ſacris Imaginibus vim aliquam manumvè intulerit, ut etjam Templum, quo ad matutinas laudes, ipſo Circumciſionis Dominicæ feſto propè omnis populus confluxerat, modèſtè ingreſſus, præmiſſâ omnibus, potiſſimùm verò



Magistratui amicâ consalutatione, pileum capiti suo detractum, Imaginiquê DEIPARÆ oblatum, reliquisse appensum feratur. Satis igitur defensus videtur contra Prædicantis Myslentæ calumniam Albertus Princeps: nisi fortè Ministrorum, quos gubernationi adhibebat, vitia, uti plerumque fit, ipsi ascribuntur Principi; cum præsertim illud non minùs proprium, quàm verum semper fuerit; Per se nimirum facere eum, qui per alios facit. Qui primas Ministrorum partes apud Albertum initio, præsertim in urgenda instruendaque novæ illius fidiculæ causâ, à Joanne Behm in 1. Orat. seculari (a) recensentur; fuerunt Georgius Polentz Sambientis, & Eberhardus à Queir Pomesanienſis Pseudo-Episcopi. Inter quos, ut idem (b) ait, tum præcipuus fuit Illustræ Dominus, Dn. Fridericus ab Heideck Francus; qui Alberto Marchioni in Germania versanti innotuit; quemq; secum in Prusiam sumpsit: ejusque consiliis in multum usus est. Didici è Simone Grunau Albertum Principem, in constituendo obtinendoque Prussiæ Ducatu Friderici ab Heideck operâ potissimum fuisse usum; jam è Behmio disco, etjam in promovenda Lutheri secta adhibitam ejus operam, ita ut sub ejus nomine liber Theutonicâ linguâ impressus Anno M.DXXVI. Regiomonti prodierit, quo Valttherum à Plattenberg Magistrum ceterosque in Livonia Ordinis Theutonici milites, ad eandem invitat sectam. Utrum porro hic ipse, an quispiam alius, non tam Principis sui, quàm suo nomine (quis enim nescit Ministros Principum plerumque non pro illorum imperio, sed pro libidine, vel

avari-

(a) pag. B. 1. (b) B. 2.

Plus quàm barbarus excidii Lindensis author investigatur. 201

avariciâ suâ moliri?) sacrilegas juxta ac violentas Lin-  
dæ Marianæ admo verit manus, ego in præsentiarum  
nihil habeo memorare. Fama, & quidem ad hæc us-  
que tempora admodum constans est, Præfectum  
Rastemburgensem fuisse: de quo præstat Citatium  
(a) referentem, & simul illam, quæ apud Lindam  
Marianam gravissimè detonuit, tempestatem brevissi-  
mè perstringentem, audire. Præfectus tum erat Ra-  
stemburgi, è prædipua nobilitate vir (nomen recepta passim  
fama constanter memorat) hunc graviter offendit, B. Ma-  
ria Lindensis, apud pientiores Christi fideles, & vetustioris  
pietatis tenaciores, in pristina sua sanctitudinis existima-  
tione perseverare. Excanduit itaque homo, jam à vera fide  
lavus, & ideo savus; in DEUM impius, in DIVAM Matrem  
Virginem contumeliosus; in rabiemq; actus, manum conflat,  
advolat, invadit, diruit, vastat; totamq; celebris ac reli-  
giosi Oratorii faciem, in miserabilem informiam ruderum  
Acervum redigit: admirandam illam B. M. V. Imaginem,  
ex Tilia ramis deturbat; in lacum Virbellum, qui proximus  
loco sacro adstagnat, abiicit, aquis immergit. Tamen si  
igitur fama, et jamnum sacrilegi istius Verris nomen  
loquatur, à me tamen illud par est non prodi; non eâ  
tantum causâ, quodd posterorum ac propinquorum  
honori consultum ex animo velim; verum etiam  
quodd indignus sit homo ille, cujus nomen vel è cala-  
mo meo profluat; vel, si memoretur, etiam ora refe-  
rentium polluat. Si enim eum, qui eadem, quâ Ale-  
xander Macedo natus est nocte, Ephesiæ Dianæ  
Templum succendit, indignum veteres censuerunt,  
cujus vel nomen posteritati proderetur, aut cujus-

N S

quana



quam ore usurparetur; quidni indignissimum censeamus eum, qui non jam Dianæ fabulotæ, sed diviniſſimæ ſupremi Numinis parentis Ædem ſubruit, Imaginem, & Imagini deſtinatam à DEO ſedem Tiliam peſſundedit ac perdidit? ſi quis tamen Eroſtrati iſtius nomen magnopere nōſſe deſiderat, vicinorum Præſectorum nomina in Tabulariis excutiat; neque enim alius inter præſectos, qui Theutonicorum Commendatorum occupârunt locum, prior cenſeri potuit, niſi qui in tanto ſacrilegii tacinore primas tenuit.

### CAPUT IX.

Excisâ Lindâ Marianâ, nequaquam exciſa, quin potius auſta, & confirmata loci religio.

**P**ERſtriſtæ omnino, aut nullius potius frontis, ſint oportet omnes ii, qui ſingularem cum alibi, tum etjam apud Lindam Marianam, populi Catholici pietatem ac Religionem, non verentur Idololatricam, illiberali ſanè voce, aut potius immani, & plus quàm meretricia, proſtitutaque infania, vocare. Si enim res ita haberet, excisâ Tiliâ, perditâ peſſundataque Deiparæ Imagine, hoc eſt ſublato, ut illi inſanè vocant, idolo; everſo olim ac ſolo æquato fano; quid tandem eſſe reliqui potuit, quod aut Idololatræ Lindam evocare, aut coli ab iisdem Lindæ poſſet? Erubescite tandem, ſi poteſtis, ô miſeri; atque vel ex religioſiſſima hac apud Lindam pietate Catholicorum, aliquando diſcite; quàm & vos naviter ſitis impudentes, ac mendaces; & Catholici, etjam in Deiparæ Divorumque cultu piſſimè prudentes, ac veriſſimè religio-

religiosi. Quemadmodum enim Tilia succisa, Imagine sublata, eversoque sacello, nihil aliud, nisi supremum Numen, colunt, venerantur, & adorant; ita, cum illa salva essent omnia, nihil in iis, nisi idem Numen adorabant, venerabantur, & colebant; adeoque nunc quoque in Deipara, & Cælitibus, Deiparæve aut Cælitum, signis, ædibus, Imaginibus, aut sacris locis & Lipsanis, nihil nisi *gloriosum in sanctis* DEUM, adorant & colunt. Quod porro hoc, vel alio loco, id majore pietatis sensu agant; aut potius, quod DEUS OPT. MAX. hoc potius loco quam alio cultores suos exaudiat, gratiaque & beneficiis suis cumulet, poterant jam ex citato alibi S. Augustino (si vellent, ut aliquando saperent) erudiri. Quandoquidem autem hoc, quo Tilia stetit, & qui nunc quoque à Tilia nomen habet, loco, DEUS sese mortalibus eximie propitium, ac largissimè munificum semper exhibuit, & in horas exhibet; mirum non est, si & olim tanta ad eum frequentia atque multitudine, populi semper undique confluerint, & nunc insuper confluant. Videtur enim quasi certamen quoddam, cum impietate atque immanitate hæretica, instituisse eo loci benignissimus DEUS. Hæretici quidem, non secus ac ille, à quo hæreseos toxicum hauserunt, tartareus serpens, calcaneo Virginis insidiando, honorem cultumque ejus obterere nititur; at benignitas beneficentiaque divina, non modò sacram rectamque eo loco Deiparam conservat; verum etiam per ipsos quoque adversariorum conatus, magis ac magis promover. Hæretici, ut Deiparæ cultum, locique ipsius religionem extirpent, *sacellum & Tiliam funditus excisa-*



excindunt, Imaginemque Deipatæ dissipant; at è diverso bonus Deus, Imaginis loco, non tam oculis, quàm animis mortalium, reverentiam suæ Matris tantò majorem imprimit, firmioremque; quantò altius firmitusque hærent, quæ animis hominum, quàm quæ oculis duntaxat obversantur. Hæretici exspoliato, excisoque Lindenſi ſacello atque aſylo, homines omnibus Dei & Deipatæ beneficiis orbare, adeoque omnes divinæ munificentia fontes, ipsis everſi ſacelli ruderibus obruere, memoriamque eorum cum ipsa quodammodo terra eradere moliuntur: at Deus, cui, vel de petra ac ſilice aquas & flumina producere nihil eſt inſolens, in ipsis quoque exciſæ Lindæ ruderibus, uberrimas gratiarum beneficiorumque ſuorum deſtinavit exhibere ſcaturigines. Neque minus, quàm deſtinârat, exhibuit. Sicut enim homines, quos verus illa pietas ac religio, vel ex ipsis Lindæ ruderibus, & ſqualore ſituque loci ſingulariter afflabat ſimul, & exultabat, nullis, quemadmodum jam diceretur, hæreticorum minis, ſtrophis, aut ſuppliciis abſterreretur, ne dicam arceri inde poterant; ita Deus, ſi non majora, certè prioribus paria, in loco, quantumcunque deſerto, beneficia cumulatiſſimè largiebatur; ut vix ullus in exciſa deſertaque jam Linda, Lindam videretur jure poſſe deſiderare. Quocirca homines, villæ, oppida, & provinciæ locum deſertum frequentare, ut antè; preces ſupplicationesque facere, ut antè; vota, anathemata, & donaria perferre, Dei, Deipatæque ſubſidia aſſatim experiri; celeſtibusque beneficiis cumulari ut antè. Nimirum acervus ille ruderum, quem in medium ſacelli locum, quo

Per Lindæ Marianæ excidium, loci religio confirmata & aucta. 265

quo olim Tilia steterat, aggreſſerant ſacrilegi, quaſi Autifodina quædam piis omnibus fuit : ut, quibus egerent, quæque à Deo & Deiparæ popoſciſſent, inde quodammodo ſibi eruerent : adeò, ut nemo inde voti impoſabiret; nemo, ſi exteriorem loci ornatum, qui antè fuerat, amantitatemque demas, quidquam præterea magnopere requireret. Arque hoc nimirum (ut ad divinam Regii vatiſlyram numerosque canamus) nil propè aliud erat, quàm *sugere mel de petra, oleumq; de ſaxo durifſimo* : evenitque hîc, ſaltem in ſpiritu, Dei & Eccleſiæ Catholicæ filiis quod filiis Iſraël, ab Ægyptiis & Pharaone quondam oppreſſis (a) *Quanto opprimebant eos, tanto magis multiplicabantur, & creſcebant* ; adeoque (quod ante præmiſſum fuerat) *quaſi germinantes multiplicati ſunt*. Deſolatus ac deſertus erat tum Lindæ Marianæ locus; at in eo veri filii Iſraël germinabant ; & inſtar roſarum, inter illas veptium ſpinas, pulcherrimè effloreſcebant: conſtringebant illam filiorum Dei in cultu divino libertatem, immanes illi hæreſeon hæreticorumque miniſtri; nihilominus illi *creſcebant*; vel potius, ut in Hebræo legitur, *erumpebant*; quia, uti Cornelius ad eum locum addit, perinde atque Aqua aut fluvius, quò magis arctatur & concluditur, eò majore vi & copiâ eluctatur, aggeres obicesque perfringit & erumpit ; ita & olim filii Iſraël in Ægypto oppreſſi ; ita poſtmodum Catholici omnes, Ægyptiacâ apud Lindam Marianam ſervitute, per Pharaonem Miniſtrosque Pharaonis inductâ. De qua ſervitute jam ſuperest diſſerendum.

## CAPUT

(a) *Exodi* I. 12.



## CAPUT X.

In excelsu Lindæ Marianæ loco, ut Hæretici religionem quoque excinderent, furcâ & patibulo, in Deiparæ cultores ibidem d. s. v. i. e. r. u. n. t.

Quid ad istam Catholicæ pietatis religionisquæ, in Deiparæ cultu, constantiam, quid ad illam intra animorum sinus latentem fidei Orthodoxæ flammam, per exortos repente ventorum turbines altius multo latiusquæ se diffundentem, hæreticus furor? Audi, & obstupece! Stupenda prorsum olim fuit, quâ ad abolendam Christi crucifixi, Crucisquæ illius gloriæ, extirpandamquæ est Christiani populi animis pietatem, ferebatur Judæorum Gentiliumquæ insania; de qua, præter Eusebium; de vita Constantini (a) Ruffinum (b) Sozomenum (c) & alios, Breviarium quoque Romanum v. Non. Majas. Quo enim loco, in Calvariæ monte fixa Domini Crux fuerat, eo illi, ad tollendum Passionis & Crucis Dominicæ cultum atque memoriam, collocârunt, marmoream Veneris statuam. Quo verò loco Christus Dominus, è sepulchro gloriolus in Horto surrexerat; eo simulachrum Jovis statuerunt. Denique quo idem Dominus, infans aliquando vagiit; eo impuri Adonidis, sive Thamuz Veneris amasii, posuerunt, signum. Putabant homines egregiè fatui, se pietati honori quæ Christiano, eum in modum, itidem egregiè impolituros; si vel adoraturos, objectis idolis suis, à Christo suo excluderent; vel adorantibus, cultum suorum idolorum, etjam ad speciem quancunque afficerent.

(a) lib. 3. c. 24. (b) lib. 1. cap. 7. (c) l. 2. c. 1.

Ad excindendam loci religionem patibulum Lindæ erectum. 207

rent. Gentiles, inquit Sozomenus, qui Ecclesiam persecuti sunt, quoniam Christianam religionem delere & excindere omnibus viribus laborabant; idcirco eum locum, ingenti aggere superinfecto obruerunt. Quin etiam universo loco (tum sepulchri, unde Christus resurrexit, tum Calvaria) muro undique circumdato, eum pro suo arbitrio exornare ceperunt. Nam primum sternunt lapidibus; deinde fanum Veneris superextruunt; postremo simulachrum in eo statuunt; ad eum sanè finem, ut, & qui Christum in eo loco adorarent, Venerem viderentur adorare; & temporis diuturnitate, ut homines eum locum venerarentur, veniret in oblivionem. Non longè dispar fuit Iconomachorum nostrorum sive insania, sive immanitas. Posteaquam enim lubrurâ atque excisâ Lindâ, populus Catholicus, locum nihilominus pari religionis pietatisque studio accedebat, minis primum arceri inde cæpit. Verùm cum minæ haud procederent, adjecta sunt publica edicta, & intextæ edictis mulctæ, verbera, aliaque id genus supplicia. Neque tamen his moveri potuit auterjam debuit, illa, quæ in Catholica Petrà Ecclesiæ, fundata firmataque est pietas. Quò igitur se tandem verteret rabies & immanitas barbara? Ad Judæorum nempe artes atque ingenium. Eo ipso loco, quo Tilia steterat, vel certè ponè in vicina Lindæ area, infelicem statuunt arborem, ut non modò præsentes aut propinquos inde arceret, verùm & cæteris omnibus (non sine insigni in Deum & DEI genitricem contumeliâ) extremum loci sacri horrorem & fastidium, incuteret, factum id memorant, illius ejusdem Præfecti Rattenburgensis voluntate, quin & imperio; tamen si Mislenta, pro sua scilicet in Prin-



Principes, etjam proprios observantiâ, id facinus plus quàm execrandum, Alberto Duci adscribat. Sic enim loco paulò antè citato garrit. Non modò sanum diruit, ac solo aquavit; verùm etiam, sub mulctæ patibuli, peregrinationem subduis suis illuc interdixit: hoc què pana genere, inobedientes ac contumaces Idololatrias in hoc Ducatu, quotquot ad illum locum, cultus gratiâ, devenisse deprehendebantur, affectit; adeoq, suspendio puniri curavit, uti Annales perbibent. Sed & Hennebergerus, non aliâ est in Principem quoque tuam reverentiâ. Juvat illum audire loquentem, & non Catholicorum tantùm, verùm & aliorum à fide Catholica naufragorum, de singulari in B. V. Lindensem (etjam dum sacello excilo, omnia situ squalebant) fiducia ac pietate luculentum admittere & audire Testem. Sic enim (a) scribit. Ad Lindam, Resselium inter & Bestacum stabat *Ædicula sacra*; in qua magna exercebatur idololatria; Serenissimus Marchio Albertus, cùm in Papatu etiamnum haberet, peregrinationem eò, & quidem nudipes, Regiomonto usque suscepit. Et haret virus illud in multis, præsertim qui vicinum Episcopatum accolunt, ita altè fixum, ut nequeant remittere; quin vel noctu accedant illuc, cereos accendant, idolomaniâq, exerceant; etsi sanum funditus eversum sit, & accessus sub pana patibuli interdictus, adeoque tam aliqui, suspendio, ea de causa plexi sint. Hæc elogia de Alberto Duce Prædicantes: quâ fide (nam de debita Principibus observantia non est opus disquirere) ipsi ipsorumque alumni viderint. Ego verò, plus hoc etjam loco de Brandeburgicâ, hoc est, de generosissimâ heroicâque Domus sanguine & in-

dole,

dole, in Alberro, quantumvis ab Ecclesia Catholica jam degenerare, reperio, quàm ut istam sibi, à furca & infelici arbore, eo potissimum in loco, satageret laureolam demerere. Magis quocirca iterum in Claritii sententiam concedo, qui & constante hominum famâ atque traditione, & illustrium testimonio viorum, & recentiore superioribus annis memoriâ edoctus, Præfectum Rastenburgensem, illius molis egregium facit sive Ædilem sive Architectum. Sic enim (a) scribit. Dum hoc modo in desolata B.M.V. sacelli arcam inveteratam DEI cultus, & recepta gloriosissima Virginis Maria veneratio, apud homines non senesceret, sed speciosius quodammodo reiuvenesceret, tulit id indignè Præfectus ille idem Rastenburgensis, qui antehac loco sacro manus impias admoverat; atque exulcerantibus animum furis præceps rapitur ad maiorem DEO contumeliam inferendam, & scelestiorem Virgini DEI Genitrici in honorationem irrogandam. Quocirca, ut hominibus ad Ædem Lindensem confluentibus horrorem iniiceret, fugam conciret, & à frequentatione omnino removeret, patibularem Crucem in religiosa loci sacri area erigit, facinorosumque hominem infelici ligno suspendit.

Cæterum, quisquis infelicem illam arborem, eo præsertim loco, plantavit, non de ligno vitæ, sed aliunde semen futuræ plantationi sumpsit. Memorant Hebræi, Sethum, iussu Angeli, de verita scientia boni & mali Arbore, semen accepisse; illudque sepulti Adæ ori indidisse, ex qua succreverit Arbor; de qua Crux Christi, per quam Adæ peccata expiarentur, confecta postmodum sit; decuisse enim, ut in eodem

O



dem ligno, quo Adam peccaverat, Christus Adæ peccatum lueret atque expiaret. Sit, quicumque fabulæ (de qua in Prævio Salomonis (a) Pineda) locus esse potest; jam pro fabula reputari haberi que non debet, si quis illius & similium Arborum infelicitum semina, è novo Evangelii prædicantici sive horto, sive Paradiso sumpta, vel potius illud ipsum Evangelium, quod ipsi *verbum Dei*, proinde (juxta illam D. Lucæ (b) parabolam) *semen* vocare debent, asseruerit. Quàm enim copiosè, istiusmodi apud eos proveniant arbores Disquis. Ubiq. xxiv. affatim monstratum est. Illud hic minimè prætereundum est, quod præ cæteris, Hennebergerus quoque (c) Gedani evenisse memorat. Simul enim ac Lutheri Evangelium, quinque Tritonum buccinis Anno M. D. xxiv. Gedani personuit; illicò flores, sive fructus Evangelii prædicantici in ipso Gedanensi foro apparuerunt, Furcæ nimirum, Rotæ & Gladii. *Paribulum*, inquit ille, & *Rota in foro posita sunt, & gladius iisdem appensus*. Ecce quàm præcoces fructus, & genuinas sibi arbores; illud Evangelii prædicantici semen Gedani protulit! & quidem in ipso foro; adeoque ut Bernardus Vapovius quoque memorat, *ante prætorium*! An hæc porro ultra terrorem Gedani processerint, haud satis constat; videndum igitur superest, quousque tandem Lindæ sit processum.

## CAPUT

(a) lib. 5. c. 14. (b) Luc. 8. 11. (c) pag. 92.

Patibulum & Patibularii Lindens. insigne sunt monumentum. 211

## C A P U T X I.

Patibulum Lindæ erectum, & homines in eodem suspensi, perpetuum  
hæreticæ crudelitatis, & grassantis ubique Prædicantum  
immanitatis, monumentum.

Satis erat, ad barbaram hæresin hæreticorumque  
istius ævi immanitatem, ac feritatem arguendam,  
Furca, hoc est, infelix Arbor, in loco Tiliæ sacræ  
plantata. Quid si verò jugulatos in ea homines dica-  
mus? Et crederet aliquis, eo præsertim loco, jugulatos?  
Fortasse enim Hæretici, eorumque Mitiones, Mini-  
stri, inquam, ad terrorem duntaxat incutiendum, ar-  
cendosque ab eo loco mortales, illud lenitatis, &  
mansuetudinis, scilicet, suæ monumentum, voluerunt  
collocatum. At res longè secus habet: quippe ne ipsi  
quidem negant, ad suspendium usque, & quidem  
plurium hominum, sævitum fuisse Lindæ. Ex Hen-  
nebergero paulò antè didicimus, aliquot eâ causâ,  
quod videlicet religionis ergo Lindam revisissent,  
suspendio fuisse plexos. Sed & Mislentam itidem audi-  
vimus referentem, hoc pœnæ genere, quotquot ad illum  
locum, cultus gratiâ, devenisse deprehendebantur, affectos,  
ad eod. suspendio punitos. Sive autem ipsius Alberti  
Ducis, uti Prædicantes asserunt; sive ut ego quidem  
censeo, Præfecti Rastenburgensis imperio hoc fa-  
ctum sit, parum interest; cùm liquidò constet, neque  
hunc, neque illum citra Prædicantum consilia atque  
impulsum, ad eam immanitatem unquam fuisse de-  
venturum. Neque aliud sanè à Prædicantum Evan-  
gelio expectandum fuit; quod sanguinem sitire ipse-  
met Lutherus assererat. Neque secus accidit, se cis-



let; si facultas agendi fuisset. Quid enim aliud ispirant illa ad Silvestrum Prieratem effata, quæ Tomo 9. Wittemberg Anno 1554. per Joannem Lufft continentur? Si fures laqueo, latrones gladio, hæretici flammis plectuntur; quidni potius in perditissimos hos Doctores, in Pontifices, Cardinales, Episcopos, & universum Sodomæ Romana examen, manus & arma expedinus, & in sanguine eorum manus nostras lavamus; atque ita nos posterosque nostros, maximè ac periculosissimis flammis eripimus?

Ad hoc Lutheri, vel tanquam Patriarchæ exemplum, vel tanquam Ducis classicum, vix aliquis Ministrorum fuit, qui non furcas, patibula, gladios, & id genus, Evangelii scilicet sui fructus, ore, calamoque vibraret; vibraturus utique etiam manu, si facultas non defuisset. Certè Joannes Sturmius, ab eorum tribu minimè alienus, veritate ipsâ, atque exemplis suorum convictus, non potuit committere; quin, in sua ad libros Bucerii præfatione, palàm exararet; si istis hominibus, Magistratus gladium suum, per triduum concederet, statim crudelissima sequerentur condemnationum tonitrua, fulgura, fulmina. Quando igitur facultas istis hominibus deest, vota nihilominus deesse minimè possunt. Et vide, quælo, quibus rem agant, non in Catholicos duntaxat, verum & in semetiplos votis! Calviniani Heidelbergenses, Lutheranis è Casimiri Palatini Provinciis, variâ arte tandem exactis, ne quid eorum, hominum scilicet sibi amicissimorum, in Palatinatu uspiam resideret, post varias ultro citroque habitas deliberationes, pronuntiârunt, capite minuendos esse. Atque in eum finem, teste Adamo Con-

Patibulum & Patibularii Lindenſ. inſigne ſunt monumentum. 273

Contzen de Unione cap. 14. (a) conclavi ipſius Caſimiri carmen, quod ſequitur, affixerunt:

*O Caſimire potens, ſervos expelle Lutheri!*

*Enſe, Rota, Ponto, Funibus, Igne neca.*

Ita quidem univerſi ſimul in concilio; ita quoque Miniſter Aulico-Palatinus, tum alibi tum in gynæceo; qui (ut ex hiſtoria mutæ in Palatinatu religionis edita, idem Contzen (b) docet) diſertiſſimè pronuntiabat; *ſe, ſi Caſar eſſet, Miniſtru Lutheranis caput omnibus amputaturum eſſe.*

Ad hæc Calvinianorum vota, quid tandem Lutherani, tanquam Arcades, ex æquo, & cantare & reſpondere parati, reſoluerunt. Memorat Grynæus, contra Jacobum Andrææ, eodem Contzenio, loco citato, teſte, ſcriptitans, *Lutheranos ex æquo vini, ac ſanguinis Calvinianorum inexplebili ſiti ardere; ideoque Miniſtros eorum, in Palatinatu ſub Patibulo exauctorâſſe.* Idipſum teſtabatur Caſimiri Palatini Adminiſtrator, qui Lutheranis exprobrare ſolitus erat, *ipſos non quidem ſcribere, ſed proſcribere ſolitos.* Mitioris inter Lutheranos ingenii ſemper habiti ſunt Philippus Melancthon, & Erasmus Alberus; & tamen iſtius, teſte Contzen (c) de Carolſtadio vox erat, *illum, ſpitama una breviorẽ fieri oportere; ille verò de Campano in Sympoſiacis Lutheri, eodem teſte (d) edixit, Campanum, in illuſtri & tralucente Patibulo illuſtrandum.* Ita etjam mitiſſimi inter Prædicantes, vix aliud, quàm Patibula, Gladios, Rotas, & quidem erga ſuos fere contribules in votis habent! Quæ iſti non faciunt in

O 3

Catho-

(a) pag. 155. & 350. (b) pag. 157. (c) pag. 162.  
(d) pag. 316.



Catholicos vota ? imò, cum vel tantillum adest facultatis, quæ non designant facinora ? Plena sunt exemplorum. *Theatra crudelitatis*; aliaque quam plurima volumina; ut hîc minimè opus sit vel pauca adducere. Unicum tamen par votorum, quia intra Regni Poloniæ fines sanctè conceptum, præterire non debeo: alterum quidem Lutherani, Matthiæ Stoy, Medicinæ apud Regiomontanos Doctoris; alterum verò Calviniani, Andreæ Volani, qui Ministrorum in Lituania habitus est Alpha. Atque hic quidem, quemadmodum in Anatomia libri ejusdem Volani, doctissimus Andreas Jurgievicius Canonicus Vilnensis demonstrat, & Jetuitis Rogosatque ignes, & ipsi Jurgievicio fustes & fustuaria, plagas & verbera, insuper & Restem, proinde & Patibulum atque Furcam, pro Evangelica scilicet pietate ac lenitate, precatus est. Jam verò ille alius, non utique medicorum de minuendo humano sanguine aphorismorum immemor, quæ non pro Aloysio Lipomanno Apostolico in Polonia Nuntio vota, tum animo concepit, tum calamo effudit ? scripserat Lipomannus ad Palatinum Vilnensem Nicolaum Radivilum Epistolam, quam, cum ejusdem Palatini Responso Paulus Vergerius Apostata, typis Regiomontanis Anno 1556. non sine quorundam Regiomontanorum acrioribus, in lucem dedit. Inter hæc, extat adhuc Elegia hoc titulo: *Omen Matthiæ Stoy, Philosophiæ & Medicinæ Doctoris*. In qua hunc in modum canit:

*Sed Lipomanne dabis, si me non omnia fallant,*

*Penas; ultor erit primus & ipse Papa;*

*Dum malè perfunctus Legati munere, Romam,*

*Vt des;*

Patibulum & Patibularii Lindens. insigne sunt monumentum. 21,

*Vt decet, in servo vincte traheris equo.*

*Antè sed, & statuens tibi grata Polonia Furcas,*

*Hæc curâ poterit, forte levare Papam.*

Sic iste Prædicantium spiritu plenus, nil humile;  
sed Furcas. & id genus, sublimia omnia, prædicanti-  
cè spirat; & quam ex Prædicantium Evangelio hau-  
serat, gratitudinem, eodem spiritu, vel potius impu-  
dentiâ prædicantiâ grata scilicet Polonia tribuit:

Neque segnius eadem, aut iis similia vora ad eun-  
dem Palatinum Vilnensem ingeminat:

*Tu verò Radivilonum decus, inclyte Princeps,*

*O generose Tuae sanguis, amorque Domus!*

*Adferè divini verissima dogmata verbi,*

*Quâ debes dextrâ vindice, quâq; potes.*

*Me verò hæc alacriser classicâ voce canentem,*

*Quâ solâ potui parte venire Tibi,*

*Atque utinam liceat! quoniam libet esse in iis dem*

*Partibus, in quas hæc nuda Thalia volat!*

*Non timeam calamum vocemq; in fata Papatus*

*Stringere, dum nequeo fortis ad arma manum.*

Nimirum hæud longè positus Lindâ erat Stojus,  
& vel oculis coram, vel certè auribus Regiomonti,  
Furcam illam, seu patibulum Lindæ positum, su-  
spensosque inde mortales usurpârat; ut, vel inde, di-  
gnos Evangelio isto spiritus sumptierit, quos deinde  
in versum chartamque effudit: effuturos profecto &  
in venas nervosque Catholicorum, si potestas vo-  
luntati respondisset.

Eant nunc, cum suis, Prædicantes; & vel Inquisi-  
tiones Hispanicas, invidiosissime, pro more suo qua-  
si in scenam producant; vel suorum lenitatem pecto-



rum nundinentur ; vel denique ovillam, ut de iis Christus ipse vaticinatus est, pellem lupis prætendant : nos illis paucissima, cum S. Augustino lib. 2. contra Petilianum (a) & Epist. 48. ad Vincentium, hoc loco reponemus. *Savire vos nolle dicitis, ego non posse arbitror. Vbi enim potuistis, & non fecistis! Inde ostenditur, quod plura faceretis, si posssetis.* Et fecerunt, si quando potuerunt; uti vel in cæde Nicolai Rulcæ Sondriensis, apud Rhætos Archipresbyteri, Anno M. D. C. XV III. patuit. De qua præstat adire Fridericum Fornerum Suffraganeum Bambergensem libro I. cap. § 4. *Palmæ triumphalis.* Ego in rem præsentem addidero, quod amicus, Burmio ad me 3. Januarii præsentis Anni 1656. peregrinationem suam pertexens, scribit. *Tirolim, inquit ille, à Grisonibus, post Torveis una determinat fossa. Fines Tirolenses erectam habent Crucem; ex adverso Grifones ex opposito Crucis in suis finibus habent erectum patibulum.* Hoc nimirum insigne ac monumentum est Evangelii prædicantici.

## CAPUT XII.

Excisæ Lindz, & Patibuli in ejus loco erecti author, miro, & repentino supplicio divinitus castigatus.

**V**etus est verbum, etjam Plutarcho usurpatum, *serò molas Deorum molere;* quia laneos, ut aliud diverbium fert, *Dii habent pedes.* Plerumque enim vindicta divina seriùs multò, quàm mererentur, impios tangit. Evenit tamen interdum etjam id, quod Horatius (b) canit:

*Rarò antecedentem scelestum*

*Deseruit pede pena claudò.*

(a) cap. 83. (b) lib. 3. ode 2.

Quod

Quod cum cæteris ſoleat accidere, tum iis maximè, qui vel ſacrilegis manibus Tempſa, vel impiis dogmatibus Eccleſiam Dei polluerunt. Ut enim Heliodorus, in ipſo ſacrilegii aſtu, atque loco, pœnas dependit (a) & multis flagellatus in terram cecidit; ita plerique hæreſiarcharum, acceleratis, et jam in hac vita, caſtigati ſunt ſuppliciiis. Simon ille Magnus, non tam alis, quàm vano auræ popularis vento, juxta ac dæmonum operâ, in ſublime elatus, ad orationem Simonis Petri, Apoſtolorum Principis, collapsus ad terram cecidit; vel potius ad illam à Chriſto excitatam Eccleſiæ Petram collifus, fractis primum tibiis, magna cum ignominia mox obiit, teſte Arnobio (b) contra Gentes. Arrius diſputationis cauſâ ad Eccleſiam progreſſus, ex itinere, levandi ventris cauſâ ſeceſſit, & S. Athanaſio orat. i. contra Arrianos teſte, animam ſimul cum viſceribus, in latrinam effudit. Neſtorius, Evagrius teſte (c) miſerrimè interiit, impiâ linguâ à vermibus fœdè corroſâ. Quid aliis horum ſimilibus evenerit, apud Bellarminum libro 4. de Eccleſia (d) videri poteſt. Ut iſtorum numero atque collegio accenſeretur impiſſimus Lindæ Marianæ vaſtator, divinæ placitum fuit providentiæ, ſimul & juſtitiz; neque enim deſervit ſi eleſtum pede pena claudendo. Eodem propè momento, quo erectâ ad Lindam Forcâ, & patibulario in eadem ſuffixo, de ſacello, hoc eſt, de illa Deiparæ Regia, de quæ ipſa Deipara, ut ſibi videbatur, jam victor, elatâ illâ mole, quaſi curru quodam triumphali, in aëra ſibi viſus eſt evehi, divina

O 5

de ho-

(a) 2. Machab. 3. 25. (b) lib. 2. (c) lib. 1. cap. 7. (d) cap. 17.



de homine impio Nemesis, uti par erat, triumphavit. Rem diuturno, & constante omnium sermone firmatam, Ciaritius ex fide hunc in modum (a) pergeret: Degebat tum Praefecti illius filius in Gallia, Regisq; militariibus ordinibus adscriptus stipendia merebat; cum pater in D. Virginem Lindensem omne genus impietatis excerceret. Accidit verò, iusto DEI iudicio, quamvis occulto, ut iuvenis castrensi licentiâ, enorme quoddam facinus committeret. Raptus, Tribuno sistitur, obnoxius crimini convincitur, & funis nodo eliso gutture, infami arbori miser ex templo appenditur. Et quò certius acriusq; divina indignationis, in patrem sacrilegum, liqueret esse telum; eodem planè die, eodemquè tempore, filium infamâ carnificis manu evectum perdidit; quo ipse sacrum hunc Diva Virginis locum, patibulari furca violaverat, & ferali hominis morte inessaverat. Non longè post, perferuntur ad illum ex Gallia litera de probroso filii interitu nuntiantes. Ille mox dolore & luctu amens, qui paulò antè superbo elatus collo, quasi DEO triumphato, Beataque Virgine Matre ad rhedam ducta, incesseerat; iam humi stratus, tristem domus suae fortunam, & sempiternum dedecus, ex illatibili filii morte lugere compellitur. Hocquè illi cor mastum, violentius & irrequietius cruentavit; quodd (cum dies computat & horarum momenta componit) reperisset, eodem omnino die, eodemquè temporis articulo, filium patibulari morte fuisse multatum, quo ipse piaculari cruce locum sacrum Mariana Linda contaminavisset. Lenta quidem esse solet divina vindicta; at tarditatem, gravitate supplicii pensare consuevit. In hoc praepropera fuit; cùm in scelestum recenti adhuc crimine furem, tam atrociter defaviecit, pondusque

(a) pag. A 8.

ſupplicio addiderit, ut extincto filio, quem unicum ſuſceperat, omni quoque generis propagatione ſit orbatus. Documentum mortalibus, ne licenter adeo, impunitatis ſpe, in DEUM caliquè Reginam bacchari pergant. Quàm iſta ex vero ſint à Ciaritio narrata, conſtare vel inde poteſt, quòd infame illud patibulum, quemadmodum præter ſpem, apud Lindam ſubito apparuit, ita videri poſtmodum ſubito deſiit. Quippe Præfectus Nemeſin illam expertus, ac, ne quid inſuper gravius in ſe designaretur, veritus, amoliendum inde quanto cyus curavit. Quæ etjam de re, juvat eundem audire narrantem Ciaritium. Quandoque felicior eſt peccator, ſi celeri poena percellatur: in ſe nimirum deſcendit; & aut penitus criminofa vita labem deſerit; aut minimum remiſſius delinquendo inſanit. Iſtud hic factum adverte. Non ejecit ſane ſacri loci temerator ex animo virus illud, quo turgidus, tam horrendo ſe facinorum reatu impiaverat; tamen pudendâ filii morte emendatus, mentique lemmori reſtitutus, atque metuens, ne graviora celeſtis iracundia ſupplicia in ſe concitaret, funeſtum illud patibulum evelli, & quanto cyus è loco ſacro abiici gemebundus mandavit. Ita piſcator hic lapuit iſtus: ita plurimi alii, ut ſuo referemus loco, facti ſunt meliores plagis Phryges.

## CAPUT XIII.

Prædicantes, & quidam alii, de vicino Ducatu inſolentiores, cultum divinum in deſerto Lindæ loco impedire nequidquam conati.

CAſtigato ad eum, qui dictus eſt, modum, Raſtemburgenſi Præfecto, poterant imò debebant, exemplo illius ſapere alii, uti diximus, Phryges. Et ſapient-



puissent profectò non pauci; nisi Prædicantes, quod de iis ab Apostolo (a) singulariter dictum est, *inreprobum sensum dari*, ut aliorum quoque sensus occallescerent, perfecissent. Quocirca, ipsi in primis, tum ignavissima quæque, ac væcordissima, tam de oppidanis, quàm de ordine equestri, ipsorum mancipia; Catholicos, desertum Lindæ Marianæ locum reviventes, variè incurfare atque vexare, plus quàm integro seculo, vix unquam destiterunt. Et, ne id contra jus & fas omne agere, hoc est, ne sine ratione insanire sibi viderentur, rudiorum oculis glaucoma quoddam, è Provinciali Ducatus Prussiæ jure, conantur offundere. Fabulantur enim ut væcordissimo cuique os, quocunque tandem modo, sublinant; Ducatum Prussiæ, non politico duntaxat, verùm & Ecclesiastico, eoque prorsum novo jure, ita gaudere, ut nullus Catholicæ Religionis amplius in ea parte Prussiæ relictus sit locus. Quod, ut Mislenta in *Manuali*, vel ad speciem quocunque modo obtineat, in omnes sese partes versando ita jactat, ut non tam disputatorem agere velle videatur, quam juratum & Ecclesiæ Orthodoxæ, quin & inclyti Poloniæ Regni hostem, aut potius perduellem. Ausus est enim homo planè fanaticus, non modo (b) *Panolethriam seu totale exterminium Religionis Romano Catholicæ ex Ducatu Prussia asserere*, verùm & Jura, atque serenissimorum Poloniæ Regum tum edicta, tum pacta cum serenissimis Electoribus Brandenburgicis, in causa Religionis Catholicæ firmata, plurimis (c) impugnare. Verùm illi, illiusque sociennis aut parastatis, abundè occursum est

21.

(a) *Rom. I. 28.* (b) *pag. d 3. & seqq.* (c) *à pag. 1 4.*

21. Disquisitione Ubiquisticâ, cæterisque eam consequentibus. Interim sciant, ac tandem aliquando Prædicantes, Prædicantumque mancipia discant; principid quidem, nulli in Ducatu Prussiæ religioni, nisi Catholicæ primas esse datas: deinde *Confessioni Augustanæ*, sed nonnisi primigeniæ atque invariatae, secundas esse partes relictas; sed ita relictas, ut non absolute, quemadmodum vulgo dicitur, ac per se, sed permissivè, & per solam indulgentiam, Catholicorumque tolerantiam, aut conniventiam locum habeat; neque (ut ad Apostoli mentem loquamur) Confessio illa, tam *Sara* liberi Isaaci, quàm *Agar* Ismaëlis servi, mater audiat. Adhæc sciant, jus omne Catholicis esse, non tantum ritu Catholico ubique in Ducatu vivendi, verum & ad Catholici ritus usum atque exercitationem, Tempia, sacella, Aedes sacras atque Oratoria in suo fundo ædificandi; aut jam olim ædificata, ad eundem casum reducendi. Denique ne illud, quod maximè interest, amplius ignorent; eodem illo ipso Jure Prædicantibus, Prædicantumque servis, frænum ita injectum, ut ne hiscere quidem contra debeant; tantum abest, ut, aut intercedere jure, ac prohibere; aut calumniarum, probrorum, maledictorum, aliarumque criminationum & convitiolorum plaustris, pro suo more, in Catholicos possint invehi. Et tamen, quid non illi toto, quo deserta squalebat Linda, seculo egerunt? imò, quid nunc quoque non agunt? Ex iis, quæ et jamnum designare solent, pronum erit, quid retroactis egerint temporibus, divinare: multò enim plus insanix, ac proterviætum iis inerat, quàm (quando novo restauratorum



Feudorum jure, tanta sunt iis capita imposita) adhuc inesse queat. Cum igitur nunc tot modis in Catholicos, præsertim in Dei ac Deiparæ religiosos apud Lindam Marianam cultores, maledictis, & probris, etiam pro Concione jactari solitis, bacchentur, quid dudum antè fecisse putandi sunt? Quid enim nunc, vicini præsertim Ministelli, in ore, quàm *Lindensem Idololatriam* habent? Hanc illi è pulpitis rostrisque suis pro concione despuere; hanc in privatis congressibus, tum plebi, tum primario cuique, odiosiore, non sine maximo scelere suo, detestabiliorēque reddere; ab hac denique omnes quæ consiliis & strophis, quæ precibus & affusis Crocodilli lacrymis arcere. Si hæc parum procedant, tum enim vero, *dignas* unusquisque suo *love* concipere iras; & ad minas, imò & ad diras, denique & ad fulgura, ad tonitrua verti ac fulmina. Nam & verbis in nobiliores, & in plebem pecuniariis multis, carceribus item ac vinculis, ad extremum verberibus quoque ac corporum cruciatu, quoties facultas aut potestas est, latvire, non est, neque olim fuit iis insolens. Testes, præter quotidianam fere experientiam, omni exceptione, in hac præsertim causa, majores habemus ipsos illos, quos paulò antè citavimus Prædicantes; nam alter disertè ait: *Et si fanum eversum sit, & accessus sub panæ patibuli interdictus, adeoq, aliqui suspendio iam ea de causa plexi, homines tamen remittere non posse, quin vel noctu accedant, &c.* alter verò, *sub multa*, inquit, patibuli peregrinationem interdictam, eoque genere pænæ inobedientes idololatrias affectos. Et quæ alia causa religiosos homines adigit, vel etiam nunc interdum

Hæretici religionem apud Lind. Marian. impedire non possunt. 223

terdum adigit, ut vel *Noctu accedant, cereos a cendant*; nisi, quia omni Prædicantium conatu, & tum æris, tum corporis mulctis, suppliciisque, quod minus interdici, & commodo sibi tempore id agant, prohibentur? Ea nihilominus hominum est constantia, is religionis erga Divam Lindenlem, animique ardor, ut sæpe malint extrema quæque perferre, quàm eo se a sylo (in quo, tot ac tantis animi corporisque muneribus cumulantur) aut excludi, aut etiam prohiberi. Quod quàm sit verum, plurima, quæ quinto potissimum libro afferentur, exempla docebunt; eorum præsertim, qui sub jugo adhuc Prædicantium in Ducatu gemunt. Si enim palàm accedere iis non liceat, vel per mæandros ac labyrinthos Lindam penetrare satagunt. Qua de re paucis capite sequente agendum nobis erit.

#### C A P U T XIV.

Noh solum Catholici, verùm & ipsi, præsertim in vicino Ducatu, ab Ecclesia Catholica sejuncti, desertum Lindæ locum frequentant; & ipsâ adversariorum oppugnatione, magis erga loci venerationem cultumque DEIPARÆ incitantur.

Quod de stygio Tenebrarum principe, ex mente Gregorii, divinus vates Jobus (a) juxta editionem LXX. dixit, *Myrmicoleon perit*; de ejusdem Principis satellitibus ac Ministris, dici universim potest. Recte, inquit ille (b) *Myrmicoleon, id est, Leo & formica* dicitur antiquus hostis; quia sicut contra consentientes fortis est, ita contra resistentes debilis. Si enim eius suggestionibus

(a) cap. 4. II. (b) 5. moral. c. 17.



bus assensus præbatur, quasi Leo tolerari nequaquam potest: si autem resistitur, quasi formica atteritur. Alii ergo leo est, alii formica; quia crudelitatem illius carnales mentes vix tolerant; spirituales verò, infirmitatem illius pede virtutis calcant. Eundem prorsus in morem, satellites ipsius ac Ministri, Leones esse ac videri volunt, & interdum quoque sunt; sed nemini, nisi aut ad terræ & cæni, aut ad carnis & ventris cultum pastumque abjecto; hoc est, non nisi vilissimo, væcordissimo, ac lordidissimo cuique. Nam iis, qui aliquid generosæ stirpis, ac spiritus indolis vè habent, nihil aliud, nisi Formicæ sunt. Patuit hoc & in istis, quibus de agimus, ad Lindam Marianam velitationibus. Si quos enim, in Martio illo campo, invenissent degeneres, facilè Leonem mentiti, ad sua antra pecus ignavum abduxerunt; sin verò in constantioris animi pectus incurrissent, jam è leonibus vidisses continuò formicas, non sine anxietate humi perreptantes. Atque ii quidem, qui è vicino Episcopatu Varmienfi, vel aliis Catholicæ Ecclesiæ provinciis, aut Diocæsesibus Lindam adventabant, non poterant vanas Myrmicaleonum istorum sive minas non ridere, sive sannas non miserari. Sicut enim minis, nihil nisi fulmina in pelvi jactabant; ita sannis suis, nihil nisi sacrilegam & blasphemam, in Deiparam cælitesque mentem, exhibebant. At verò ii, qui è vicino Ducatu, aut locis furori Prædicantium utcumque obnoxii Lindam itidem commeabant, quoad per vim licuit, palam & apertâ luce, suum in Deiparam cultum testabantur; sin vis urgeret, noctu, & per tenebras, quâ tandem licuit, tanquam Nicodemi adrepebant;

Etiam Hæretici desertum Lindæ locum frequentant & colunt. 205  
bant; atque illi, qui *videt in occulto*, in ipsius Genitricis cælumque conspectu, sua ex animo vota reddebant. Quod quidem etiam hisce temporibus faciunt, eò frequentius, quò magis Prædicantium minæ atque imperia evilescunt, ac sensim pro merito, quasi subnervantur. Quemadmodum igitur olim factum, ita hodie quoque spectare licet frequentes è Ducatu, tamen necdum ritè Catholicos, non modò locum Deiparæ sacrum adire; verùm etiam, ad Catholicorum morem, si sacramentorum usum demas, cætera propè omnia usurpare. Nam alii quidem cereos manu præferunt (iisdemque in loco accensis, vel ipsum circumquaq; sacellum, vel certe Principem sacelli Aram, venerabundi obeunt) alii nummulos, vel alia, pro more, donariola in sacelli usum offerunt: alii verò, & quidem frequentissimi, pecora pecudesque suas, ad locum sacrum adducunt, & minimum ter circa sacellum circumagunt; evenitque propè semper, ut, qui animantes morbo aliquo prostratas, aut vehementer afflictas deduxerant, sanas repente atque incolumes reducant. Quæ fere potissimùm causa homines illos, cæteroqui minimè malos, & sub iugo Prædicantium graviter gementes, ad Lindam Marianam plerumque cogit. Memini ante viginti & aliquot annos, cùm postliminio, è Litvania in Prussiam reverterer, deque beneficiis Lindæ à D<sup>no</sup> congeri solitis, adeoque & de ipsa Linda Mariana non admodum multa adhuc nòssem, ex ipsius Ducatus incolis non pauca illo itinere didicisse. Inter cætera, cùm percontarer, an etiam ipsi locum nòssent, vel interdum frequentarent? disertè reponebant, se verò & nòsse,  
P



nôsse, & frequentare quo enim aliò, in suis ac suorum angustis, quàm ad illud, quod Deus benignissimè aperuisset, asylum (ut ipsi aiebant) sese reciperent? Cum porro ampliùs rogarem; nunquid à suis Ministris inde arcerentur? se enimvero arceri dicebant, imò & minis, & variis multis, ac pœnis inde excludi: sed quid facerent, aut quò se verterent? quibus neque apud ipsos, neque apud suorum quenquam, ullum à Deo subsidium, in præsentibus calamitatibus esset relictum? malle proinde se & minas, & mul-  
ras, & supplicia cætera insuper habere, quàm paratis eo loco Dei beneficiis fraudari: simul etiam innue-  
bant (quod & nunc haud rarò faciunt) se, si per eos, quibus subjecti sunt, fas esset, ad Catholicam faciliè reversuros Ecclesiam. Arque hæc plurimi, quibus & pietatis & animi plus aliquantò inest; qui verò suo-  
rum minis aut terroribus ita moventur, ut frequenta-  
re aut accedere ipsi locum non possint, committere  
tamen non possunt, quin per alios eò recurrant, &  
per eosdem vota ac donaria sua curent deferri. Vivit  
hodieque in civitate viciniore, vidua Catholica, te-  
nuioris quidem conditionis, sed pietatis non postre-  
mæ; quæ à plerisque tum agrestibus, tum etiam op-  
pidanis, nonnunquam verò etiam ab equestribus Or-  
dinis hominibus, mitti Lindam, eorumque vota &  
anathemata deportare solet. Neque aliis in Ducatu  
locis desunt, qui id suo, aliorumve nomine persæpe  
faciant. Ita freudentibus, & nequidquam contra ni-  
tentibus adversariis, Deus locum, & in loco Deipa-  
tam honorat; ut hic iterum usurpari illud Regii va-  
ris queat: *Peccator videbit, & irascetur; dentibus suis fre-*  
*met,*

*met, & tabescet. Desiderium peccatorum peribit: vel illud jam citatum Jobi, Myrmicæ leon perit.*

## CAPUT XV.

Deserti Lindæ loci religio & sanctitas, gemino apud homines  
Catholicos prodigio egregiè asserta.

**P**Lurimum interest, quo quis animo, quamcunque in rem, spirituque feratur: nam & opus, quod in oculos incurrit idem esse potest, & meritum nihilo minus mercesque operis, longè diversissima. Sic etiam in iis, quæ quâdam animi nausæ fastidimus, evenire solet. Nam sunt, quæ alter pro conscientia tenebritudine, alter pro supercilio duntaxat, non admittit. Non defuerunt inter Catholicos quoque, qui deserti Lindæ loci religionem necdum satis (uti quidem ipsis videbatur) assertam, palàm exemplo authoritateque suâ asserere, magnæ sibi ducerent religioni: ne fortè, uti non rarò usu venire solet, plus alicubi de anili superstitione, quàm de vera virtute ac sanctimonie pietate assertum irent. Quæ etiam causa fuit *Henrico Hindenbergio* Cantori & Canonico *Varmien*si, ut non facilè ea, quæ de Lindæ Marianæ, etiam desolatæ, sanctimoniâ ac religione palàm vulgo ferebantur, persuaderi sibi pateretur. Erat ille non modò severioribus disciplinis, sub magno illo Theologiz, Theologorumque hujus ævi Doctore, *Francisco Soario*, Romæ admodum excultus; verùm & gestis in patria muneribus (nam & sub Cardinali *Andrea Bathoreo*, & sub *Petro Tilicio Varmiensibus* Episcopis, Cancellarium egerat, & sub *Rudnicio* deinceps maximis quibusque negotiis adhibitus fuit)



graviter perfunctus, ut non satis videretur decere tantum virum ad quamcunque vulgaris auræ famam commoveri, ne dicam inclinari. Interim tempus incidit, quo Simon Rudnicus, Episcopus Varmienfis, pro ea, quam semper Varmie suæ curam providentiamque habuerat, limites cum Ducatu Prussie communes, recenseri, & constitui, per delectos partim ab se, partim à Duce Prussie arbitros, satagebat. Multum ea res, tum ad ipsius Ecclesie commoda, tum ad pacem, quæ inter Provincie utriusque populos, sanguine & cædibus nonnunquam fuit redimenda, pertinebat stabiliendam: ut gratiæ Rudnicio singulares à posteris agenda sint, qui & curâ industriaque suâ, & quâ apud Serenissimum Electorem Brandenburgicum Joannem Sigismundum, amicitia, & autoritate propè paternâ, multum valebat, tantam de regundis pangendisque finibus controversiam sopierit. In ea causa, cum inter arbitros Hindenbergius quoque delectus versaretur; jamque cæteris ex ordine finibus recensitis, Lindam versùs cum cæteris esset progressus, interpellatus à collegis suis est, ut, quanquam desertam, vicinam tamen Lindæ Marianæ sedem unâ reviseret, & more majorum, piè veneraretur. Ille, qui aut plebeculæ superstitionem adhuc eo loci suspectam habebat; aut, ne quid temere, in rebus præsertim sacris, aggrediretur, plus æquo verebatur, comitem se tandem in viam dat. Ubi sacelli deserti area primum in conspectum venit, equo, quo vehebatur, calcaria animosè addit, in ipsum usque areæ locum, uti destinârat, unâ cum equo evasurus. Verùm equus, ubi proximè aream ventum est, subito  
immo-

immutus consistere, &, tanquam humi fixus, effectus hæreret! cumque acrius identidem calcaria subderentur, promovit quidem tantisper gradum, quoad sacelli Aream proximè attrigit. Hic enim verò, ut loci videlicet dignitatem bellua testaretur, in genua poplitesque repente procubuit, suoque herum exemplo ad venerationem inclinavit. Neque herus cunctari amplius potuit, quin momento deflueret ex equo; atque ipse etjam in genua provolutus, DEUM & magnam DEI Matrem, eò majore coleret reverentiâ, quo majoribus jam stimulis erat adactus. Gestata sunt hæc, præsentibus omnibus finium reguadorum arbitris, viris gravissimis, ex utraque Provincia: uti diximus, delectis ac delegatis; populi que, qui sive loci sacri visendi, sive finium, uti fieri solet, iustrandorum causâ aderat, non minimâ multitudine spectante. Sed & ipse Hindenbergius, nunquam aut loci religionem, aut DEI, & Deiparæ in se benignitatem destitit prædicare, quoad vixit; vixit autem maximâ apud omnes authoritate & gratiâ; quoad bello Suecico, in Traumburgensi castro (quod aliis Canonicis aliò dilapsis, ipse deserere noluit) captivus Elbingam à Gustavo ductus; indeque biennio adhuc superstes ad meliorem vitam & illud gloriæ æternæ Templum, uti spes est, fuit translatus; exuviis corporis in Templo Langualdensi (eo siquidem ratione fundi paterni Wilcken dicti, pertinebant) depositis.

Non longo inde temporis intervallo, aliud, quantumvis deserta atque excilia Linda Mariana edidit miraculum, quod plerisque Resselienfibus, ad hanc usque diem, non modò in memoria, verùm & in



oculis versatur; quippe quod omnium oculos, quo tempore emicuit, splendore suo quadantenus perstrinxit. Prætozem agebat Resselii perpetuum, vulgus *Sculptetum hereditarium* appellat, Dominus Fridericus Berendt, cujus et jam sequente libro faciendæ erit mentio. Facile cæteris domi forisque auctoritate, gratiâ, & opibus antestabat; quippe, qui juventutem in magnatum aulis, magna cum industriæ virtutisque commendatione exactam, ætatis maturioris gravitate ita ornabat, ut vel ab ipso euntis incessu & maturitate quadam in eo emicante, vulgari diverbio, de Friderici gradu, locus fuerit (a) is procedente ætate, usu oculorum privatus, fortunam suam generosè tulit: at ubi filiolus Carolus, quem habebat unicum, gravi & periculosissimo depositus est morbo, ita ut remediis omnibus frustra consumptis, non tam vita, quàm extrema pueri cum morte lucta & agon quatuordecim integros dies tenuerit; miserandus parens, qui ereptum oculis cæli lumen, in unico filiollo (quem luce ipsâ cariorẽ habuerit) utcunque sibi sarciebat, ne ea quoque lux sibi eriperetur, ad veri luminis Matrem confugit, & votum, Lindam Marianam quantocyus visitandi, nuncupavit. Ne verò etiam minima in exolvendo voto mora, vel vitam tenuissimo jam filo pendentem abrumperet, vel ipsi morbo, doloribusque filii, moram tempusque produceret, accelerandum quàm maximè ratus, tum viæ ducem (qui cæcum in itinere regeret) tum viæ comites non paucos, eosdemque apud DEUM & Deiparam deprecatores futuros, quàm citissimè secum rapit.

(a) Friderich Berendes trite.

rapit. Ventum est, Lindam exiguam quidem sed admodum pio supplicantium agmine (nam & virgines, quæ in Conventu, communique convictu religiosam, & certis, quanquam non solennibus votis adstrictam vitam paulò antè Resseleii inchoarant, agmini erant adjunctæ) & vota cum à cæteris, tum à parente pro incolumitate filii rite persoluta. Et jam spem inter ac metum anxius domum repetebat parens, cum ædibus appropinquanti, Carolus filiolus jam sanus, & ab omni proximi morbi periculo prorsum immunis, lætus & exultabundus occurrit; non sine ingenti omnium admiratione aut potius stupore; nec minore erga DEUM ac DEIPARAM gratiarum actione. Ita Fridericus restituto Deiparæ ope filio, quem cum piissima illa Tobizæ Matre (a) *Lumen oculorum* appellare potuit, ipsum quadantenus lumen oculorum recepit. Idem enim Carolus, quæ erat pietate in parentem, etiam cum Brunsbergensis Collegii scholas jam adolescens frequentaret, cæcum parentem, manu humero suo innixum ductabat. Brunsbergam enim, venditis Resseleensi civitati fundis, juxta commodissimè adjacentibus, se parens transtulerat, & fixa in ædibus Parochi statione, Templum Societatis, in quo matutinum tempus omnino totum quotidie conterebat, filio ductorem ultro citroque semper agente, frequentabat; in quo etiam postmodum conditus quievit, quoad Suecico bello, avarus miles stanneo loculo, quem rapuit, ossa eiecit. Porro Carolus, uti P. Simon Hein in commentariolo suo disertè scribit, *vixit adhuc Vormiditi, cum hac*

P 4

per



per oculos presentesq; testes probata scriberem: sed & hodie, ut spero, vivit in Monasterio Olivenſi Ordinis Cisterciensis, ad quod se uxore Vormditi defunctâ, jam pluribus abhinc annis, vitæ religiosius instituendæ causâ, recepit.

## CAPUT XVI.

Primum supplicii genus, in eos, qui desertum Lindæ Marianæ locum contemnere, vel temerare ausi sunt, divinitus designatum;  
Terrores & Minæ.

**P**la fortasse videri potest vox, aut etiam mens, impii Apostatæ Juliani Augusti, qui Nicephoro teste (a) negabat quidquam fausti ac fortunati evenire posse iis, qui Cybelen Deum Matrem minus honorarent: pia enim vero & vox & mens est Ruperti, qui (b) Deiparam alloquens, *Tanta*, inquit, *es, ut Te honoret ipse sol Christus honore, quo decet Filium honorare parentes suos. Qui enim dixit: Honora patrem & matrem, non dubium, quin & ipse honoret, & ab omnibus amicis suis velit honorari Matrem.* Similiter & Merhodius (c) eandem affatus, *Euge, euge*, inquit, *qua debitorem illum habes, qui omnibus mutuatur! Deo enim universi debemus; Tibi autem etiam ille debet. Proinde, qui dixit: Honora patrem tuum & matrem tuam, ut is decretum à se promulgatum observet, & alios excedat, omnem Matri & gratiam & honorem impendit. Qui igitur vult honorari Matrem, quidni jure animadvertat in eos, qui Matris derogant honori? quidni, quemadmodum sæpissime alibi, ita quandoque & Lindæ statuatur aliqua in eos exempla,*

(a) lib. 10. c. 22. (b) lib. in Cant. penult. (c) orat. de Purificat.

empla, qui neglecto DEI, Deiparæ, locique religio-  
sissimi cultu ac reverentiâ, novos sese Gygantes orbi  
spectandos exhibent? Pauca de multis exempla pro-  
ducemus, sumpto à mitioribus, quippe quæ ultra Mi-  
nas & Terrores non processerunt, exordio.

Mense Decembri Anni 1637 supremum clausit  
diem Resselii, opificio Victor Wilhelmus Lebbert:  
qui (quemadmodum P. Simon Hein Soc. Jes. in com-  
mentarium retulit) moriturus de se palàm fassus est,  
plures ante annos, cum iter aliquando ingressus (qua-  
lentem adhuc Deiparæ Lindensis aream præteriret,  
nec quidquam, nisi acervum rudum positum ante  
oculos haberet, gradu propius admoto, vidit inter  
rudera nummulos aliquot *Peelchen* vulgo dictos; quo-  
rum tum usus admodum rarus nunc planè nullus jam  
est; valor autem singulorum, dimidium æquabat se-  
stertium. Terna ejuscemodi numismata aufert, & ita  
captum prosequitur. Paucos post dies, eadem viâ re-  
versus, videt miro splendore præeuntem ante se Vir-  
ginem, & acervum lapidum versus procedentem.  
Quo postquam venit, substitit; &, quanquam ver-  
bum protulisset nullum, protensâ tamen ad reum  
manu atque graviter minitabunda, visa est reo, quod  
ipse quoque fatebatur, tacitè dicere, cave, sis, ne  
quando propius accesseris, ut aliquid hinc auferas; ne  
fortè gravius tibi quid eveniat.

Valuerunt apud Catholicum pectus Virginis mi-  
næ; ut, cum deinceps viginti circiter annos vixerit,  
nunquam Deiparam, nunquam sacrum Deiparæ lo-  
cum, venerari desierit. Quin & apud Hæreticum, se-  
cundâ perinde atque genere suò tumentem, sive Virgi-



nis, siue alterius fuerint minæ, plurimum valuerunt. Rem ita percenset Ciaritius.

*Vir quidam Nobilis, in vicinia sacri loci habitans (nomen consulti d' tacetur) prateribat squalentem Mariana Tilia Aream, eo tempore, quo patibulari Cruce illa adhuc esset debonestata. Solutus itaq; in risum, subsannans letabatur locum sacrum dedecoroso patibuli tormento funestatum. Cumq; Chirotheciis, quas manugerebat, insultaret minabundus; conspexit subito mirabundus, Chirothecas sibi insensibiliter ereptas, è patibulo pendere; unaq; vocem expavescendam audiit; ne id ipsum tibi contingat, cave. Exanimatus fere metu, homo gradum corripit, & celestibus minis edoctus, religiosiorem se deinceps exhibuit loco sacro; et jam si ipse vera religionis exsors maneret.*

Memorat Fridericus Fornerus lib. I. (a) de miraculosis B. Virginis Weyerensis Beneficiis, notatu, ut ille scribit, & admiratione dignum vetustatis testimonium, ad nostra usque tempora, circa Haslacense sacellum, à S. Ottone Bambergensi Episcopo, & Pomeranorum Apostolo dedicatum, perseverans. Neque enim aut muro, aut fossis, ut complures in eo tractu, illa cincta est Ecclesia: quam latè tamen ac longè, lustralis aqua, Ecclesiarum dedicationi, Apostolico ritu, adhiberi solita, terram aspersit, nulla planè Bestia siue domestica siue fera, & silvestris, transire aut solet, aut potest. Sed quid, si vi impellatur, ut terminum transgrediatur? Certa est, & usu millies comprobata experientia; aut ilico perit; aut uno vel utroq; lumine orbata excacatur; aut claudicatione, aut alio infelici eventu debilitata, prorsus inutilis redditur. Haud dissimile quiddam apud Deiparæ Lindenſis

Ædem

Ædem evenire consuevit. Non illa aut muro, aut fossis cincta, quin excisa à sectariis sædè squalibat; & tamen Bestiis (quæ enim magis dici possunt Bestiæ quàm homines, vitâ & moribus feræ) vel ad ipsum sacelli deserti locum, haud facilis patebat aditus. Et si enim Deiparæ, cùm alibi tum apud sacram Lindam suam, bestiolas, quemadmodum lib. i. cap. ultimo, ex Revelatione S. Gertrudi facta didicimus, ad pallium suum confugientes, non modò admittat, verùm & manibus placidissimè permulceat; si quæ tamen feritatis necdum oblitæ, pallium Deiparæ non tam subire, quàm scindere parant; non secus, atque apud sacellum Haslacense, cæcitate vel aliis mactantur malis, ut, quæ neque minis, neque terroribus perdomari ad propriam salutem poterant, suo, ad aliorum commoda, exitio castigentur. Quòd si quando, eodem in loco non castigentur. alibi tamen hoc ipsum, vel aliud supplicii genus vix effugiunt. Sub Annum M. D. C. X. in ipso Lindensi fundo piscator, Lutheri sectâ imbutus, degebat. Pro animi vel potius sectæ protervia, tempore Resselium iter ingressurus, candelas aliquot, inter sacelli rudera jacentes (sive ut venderet, sive ut ad pocula ganearum quæ mensas absumeret) sustulit. Haud longè inde aberat, & quæ à piscatore gerebantur, haud incuriosus spectabat Ecclesiæ Resselienfis Ædituus: qui ubi Resselium unà revertit, piscatorem, uti sacrilegii reum, ad Prætorem desert. Agebat illo tempore Prætorem, uti, & postmodum Consulem, Dominus Joannes Schultz, perillustis & adm. R. D. Laurentii Schultz Canonici Pultovient. & Præpositi Vispensis (qui hæc ore manuque suâ testatus



status est) parens : reumque ex jure & æquo conventum, perurgeri sinit. Ille, ut sacrilegis mos est, facinus pernegat. Sed conscientia, reum, magis quam Aetore perurgente, factum, ut candelæ sacrilegio ablata, oculi accelari amplius non valuerint. Ultero enim, ac suâ quasi sponte, è sinu vel sacculo, quo abditæ erant, prodeuntes aut potius prorumpentes, conscientia jam victum, & pudore insuper gravissimo perfusum, ad facti confessionem adegerunt. Falsus igitur tandem, jussus est ablata piè restituere; & ut facinus utcumque expiaret, quasi sacri cujusdam sænoris instar, tantundem insuper adjicere cereorum.

## C A P U T XVII.

Alterum supplicii genus in eosdem, cæcitas.

Qui hîc sequuntur, vix paria, ne dicam graviora prioribus videntur in locum sacrum admisisse flagitia; & tamen paulò graviora sunt experti supplicia: ut vel hinc pateat, ea, quæ è sacrilegii quasi fontibus promanant facinora, ab ipso quodammodo ortu atque scaturigine, quandam secum trahere gravitatem ac sæditatem; cumque in se videantur leviora, nihilo tamen levioribus suppliciis divinitus interdum plectantur. Impura illa apud Egyptios mulier (a) integrum castissimo juveni Josepho pallium vi rapuit; neque tamen lubitò ob id memoratur castigata: at Saul (b) sacrum Prophetæ Samuelis pallium nonnihil laceravit, & regno protinus à Deo exiit. Ille, ut sacer textus ait, *apprehendit summitatem pallii; Et Samuel*

(a) Genes. 39. (b) 1. Reg. 15. 17.

*inuel ad eum ait: Scidit Dominus regnum Israël à te hodie.* Haud procul Jericho latrones hominem innoxium invaserunt, spoliârunt, & *plagis impositis abierunt semivivo relicto* (a) Abierunt patrata ac propè perfecta cæde latrones; at eodem fere loco *Achan* (b) *regulam auream* & quædam de Anathemate Jericho furatus, lapidibus obrutus, & igne, unâ cum omni domo sua, absumptus est. Ad eandem justitiæ divinæ normam, in quosdam apud desertam Lindam sacrilegos, videtur animadversum.

Sensburgum oppidum est in Ducatu Prussiæ, Resselio quidem trium, Linda vetò duarum circiter horarum spatio distitum. Eo cùm R. P. Jacobum Lachoroski Societatis nostræ Provincialem Resselio comitatus, Anno 1638. die 24. Maji venissem, Georgius Polchor, ejusdem oppidi civis, aliiq̃ plurimi, qui ad ejusdem ædes convenerant, id, quod sequitur, tanquam omnibus in oppido vicinisq; pagis omnino notum, me aliisque tribus de Societate coram audientibus retulerunt. Martinus, vulgo Tischper dictus, opificio pellio, paulò antè defunctus; triginta circiter retro annos, varia, pro more, loca opificii sui exercendi gratiâ peragrans, Lindam delatus, cereum, quem fortè in sacro loco repererat, abstulit, & secum asportavit Sensburgum. E vestigio vindicta de cælo hominem comitata est. Vix oppidum erat ingressus, cùm oculis subito captus est. Amici interim, cognito hominis sacrilegio suadent, ut penitentiâ facti ductus cereum referret. Paruit ille; Lindam revisit, & continuò visum recepit.

Gemi-

(a) Luc. 10. (b) Iosue 7.



Geminum huic prope est, quod Ciaritius hisce verbis perceret. *Casspar Piscator*, in proxima ad locum sacrum domuncula habitans, acceperat aliquantam pecuniam ex acervo lapidum Mariana area; in usu necessarios illam absumpturus, & ludibrio religionem loci sacri habiturus. Vix domum remeaverat, actutum consequitur sacrilegum hominem ultro, Subitâ cecitate ictus, animadvertit, justè se sacrilegii reum penas pendere. Resipiscens igitur, ducente eum uxore, locum sacrum furto violatum adit, anathema restituit; divinum Numen propitiat; Virginem Matrem apprecatur; & propere visu restituto, uxoris ductu amplius non indigens, castigatior & melior in casam suam reversus est. Ceterò factum asserebat *Godofredus Baro* ab *Eulenburg* Anno 1623. 13. Februar, sed *Damoni* adscribebat. Non ab similibus illis, qui Christi Domini miracula, in *Belzebub* Principem *Demoniorum* transferebant.

Neque dissimile est, quod, ad Nobilis viri *Christophori Portugal* narrationem, idem Ciaritius historiæ suæ inseruit. *Matthias* quidam, è *Villa Lachsdoia Hortulanus*, sustulerat nummulos aliquot de loci sacri Area. Cum domum redisset, subitò cecitate percussus est. Accurrit uxor ad dominum pagi, questum miserandum casum mariti. Ille, homo minime malus, ubi vir fuisset, quid vè egisset, ex muliere quesivit. Retulit mulier id, quod res erat. Mandat Nobilis, tantundem pecunia, quantum sublatum fuerat, sumat, & præterea aliquantum addat: virumq; educat: ut violatam religionem in loco delicti expiet. Facit, quæ consulebantur, mulier: & triduo post, visum perfectè virum recepisse gavisâ est.

## CAPUT XVIII.

Tertium, & quidem gravius supplicii genus, artuum viscerumque cruciatus, vel ipsa etiam mors.

**P**roluisse hætenus videri potest divinæ æquitas justitiæ, si ad ea, quæ jam referentur, quæque fortasse aliis, in locum Lindensis Deiparæ sacrilegis, irrogavit, respicere quis voluerit. Et quoniam proximum è pago Lachsdoja exemplum produximus, ad eundem cum Ciaritio pagum revertamur.

*Ernestus Sartor, ut ille scribit, ex eodem pago Lachsdoja, rapuerat Coronulas aliquot cereas, quæ ad locum sacrum voto piorum delata fuerant; & domum reveniens, insolenter sese efferebat apud loci Dominum: velle se, inquit, aliquot noctibus, ad lumen sablatorum cereorum, futuram suam egregiè promovere. Corripit Nobilis scelerati hominis factum; ipse vilipendit. Sed confestim eum divina ultionis manus tetigit, pedes enim manuq; in spiras contrahuntur: illi gressui, hæc operi inutiles redduntur: & ed usq; acerrimo dolore convelluntur; donec alias coronas cereas emi, ad locum sacrum deferri, & reponi loco priorum curasset. Postquam hoc factum, membra etiam, cessante dolore, ad pristina officia revertuntur.*

Magna hæc alicui videatur in sacrilegum pœna, sed multo erat illius major culpa, quemadmodum & Dei Deiparæque, pœnam ita facile relaxantis, maxima pietas & clementia. Non est eandem affecutus, qui proximè, ab eodem Ciaritio memoratur.

*Homo quidam, inquit ille, extremè malus (Pomeranus fuisse dicitur) nobilis cuiusdam è proximo Oeconomus, cum multas frequenter loco sacro contumelias, & verbo, &*  
*re in-*



re intulisset; homines ed confluentes turbasset, dispulisset, convitiis affecisset; pecuniam, cereosque votivos inde sustulisset; suo tandem tempore, divina indignationis vim malignus sensit. Nam propinquisimè ad sacra Linda aream, contracto cum opilione quodam levi iurgio, dum animi odiaque incrudescunt, miser ab opilione, glande plumbea è bombardâ traiectus, occubuit. Vbi ceteri calum sibi conciliant, inde miserandus ad Orcum raptus est. Hoc uti & proximum recensuit nobilis Christophorus Portugal; sanctè attestans, ita ut relatam, gesta fuisse.

Jam quod sequitur, ejusdem viri Nobilis testimonio subnixum ita memorat Ciaritius. Valerius Schaff, Minister verbi in pago Beselacensi (qui proximus loco sacro adiacet) transiens Arcam Lindensem tum desertam, turpi eandem oleto scedavit. Verùm repente, universa membra illius gravissimo dolore corripuntur, dirisimè torquentur. Adhac infelix demens efficitur; & doloribus impar, indefinenter clamabat, ut Area à se indignè conspurcata munderetur. Quod simul ac factum est, continuò ille & valetudini membrorum, pristina, & usui rationis restitutus, sanctè testabatur, se eundem locum singulari veneratione culturum; & quibus posset, ne eundem violent, diligenter suasurum. Eum tunc divinitus tortum ob illatam sacro loco contumeliam, inviserat Michael ab Hoggendorff, Iudex Olecentis; & reverendissimo Domino Administratori Varmienensi, octuagenario maior, multis presentibus narravit. Poterat Minister tam insigni miraculo ad fidem Catholicam emollitus fuisse; nisi in perfidia plus iusto obduruisset, celeriter interitu brevi sublatum. Vix enim biennio exacto, celebrato apud Nobilem, in proximiorè pago, convivio, cum domum reveheretur, ultra modum se tendens, hinc indeque ver-

*sans, ac spumans, animam pręgravatam epulis infelicitę efflavit.*

Cui, obsecro, infelicem hunc Ministellum compa-  
res? Antiocho Regi sacrilego, qui ob Templum DE I  
Jerololymis pollutum & spoliatum, diro viscerum do-  
lore, & amaris internorum tormentis dicitur (a) extin-  
ctus? an verò impiissimo omnium hæresiarcharum  
Arrio, qui ut Beda (b) scribit, *fusus per posteriora visce-  
ribus, cunctū finem hæretica docendi; & Hæreticis digna  
supplicia subeundi principium misere invenit?* Equidem,  
si & flagitia, & supplicia juxta componas, non mo-  
dò utriusque illi verum & Judæ Iſcarioti propè affi-  
nem dixerit: nam & cum Antiocho locum sacrum  
fædissimo sacrilegio polluit; & cum Arrio atque Ju-  
da, ubi prius, id, quod ipsis visceribus spurcius est, ef-  
fundisset, etiam animam infelicem, spumans atque in  
omnes sese partes versans, incertum qua parte, effu-  
dit: ut scilicet agnosceremus (lubet enim S. Ambrosium  
(c) jam loquentem audire) similem Judæ proditoris, Ar-  
rii quoque, fuisse perfidiam, quem simili pœna damnavit: ef-  
fusa sunt enim & Arrii viscera; pudet dicere ubi. Atque  
ita crepuit medius, prostratus in faciem, ea, quibus Chri-  
stum negaverat, fædâ ora pollutus. Quin & Sedulium,  
affine quiddam Poëtica tubâ canentem audiamus:

*Arrius infelix! qui curva per avia, rectum  
Flectere nixus iter, foveam delapsus in imam  
Corruit, & tetri mersus petit ima profundi,  
Tam vacuus sensu, justa quàm tempore pœna  
Visceribus fusus vacuus quoque ventre remansit.*

Q

Et

(a) 2. Machab. 9. 5. (b) ad 1. Reg. 5. (c) lib. de fide  
cap. 9.



Et quid mirum, spurcissimum Prædicantem pœnâ Judæ & Arrii dignum censei, cùm eandem, iusto DEI iudicio, quanquam ob leviora sacrilegia, & Gentilis quidam, ob vasa sacra impurius tractata, & Arrianorum nonnemo, ob sellam (quâ D. Athanasius in Templo docens Alexandriæ utebatur) convulsam, jam olim sint experti? De hoc ipse S. Athanasius (a) Arrianus, inquit, juvenis ausus illam ligneam Templi Alexandrini convellere, fragmento ligni inde in ventrem resiliente, intestina sua perforavit; & eâdem vi, quâ solium disrumpere conabatur, ruptâ alvo, intestina effudit; celeriusquæ quàm ipse Thronum auferret, Thronus ei vitam sustulit. De illo verò, S. Chrysostomus (b) Ausus, inquit, impuris manibus sacra vasa contingere; hoc etiam non contentus, sed contumeliâ ulterius progressus (vasis enim inversis, & super pavementum collocatis super ea, desedit) è vestigio pœnas dedit. Illius enim verenda, vermiculos generârunt; qui mordicus partibus putribus inhærebant; atque illum ita demum, multis diebus absumptum, perdiderunt.

## LIBER

(a) in Epist. ad solit. vitam agentes. (b) lib. contra Gentiles.

## LIBER III.

*De Lindæ Mariana vindictis, instaurato sacello,  
& rebus ad Annum MDCXXX.  
gestis.*

## CAPUT I.

E squalore & vastitate Lindæ Mariana, Catholicorum & omnium  
priorum squalor; recuperandæque ac restaurandæ Lindæ  
desiderium.

**Q**Uanquam sacer Lindæ Mariana locus,  
per integros propè centum annos, nun-  
quam sive beneficiorum divinorum, sive  
variorum miraculorum ac prodigiorum,  
quemadmodum vidimus, luce desit coruscare: ipse  
tamen, qui oculos everberabat, loci squalor atque  
vastitas, non poterat omnibus piis non asferre singu-  
larem animi squalorem atque tristitiam. Si enim cæ-  
terorum à sectariis adhuc occupatarum ac polluta-  
rum ædium aspectus, et jamnum gravem animis do-  
lorem affert, quidni illa tam fæda & tam diuturna  
sacræ Lindæ vastitas asferret? Quando enim Linda  
aliis sive Templis, sive locis sacris, miraculorum, be-  
neficiorumque divinorum splendore, clariùs effulsit,  
tanto illa, quàm loci squalor, non animis modò ve-  
rùm & oculis spectantium incutiebat caligo atque  
tenebræ, graviore accidebant. Non deerant, qui  
cum Rom. Oratore tot urbium ac Templorum, cum  
dolore spectarent ac miserarentur cadavera (quid  
enim ea spiritu ac vigore veræ religionis destituta  
Q 2 aliud,



aliud, quàm cadavera censueris ? ) haud magnopere spiritum illum desiderabant Lindæ, ubi ob ingentem loci religionem abesse spiritum non posse sciebant; desiderarent nihilominus anxie ipsam quasi exterioris resurrectionem corporis, atque ad optatissimam (per vindicias restaurationem quæ loci ) Anastasian anhelabant Neque spe excidebant suâ. Nimirum uti Arbor, foliis ac frondibus hiberno frigore decussis, suâ nihilominus radice nititur; & dum inamænum sui aspectum intuentibus objicit, futuri simul veris, & cum vere suæ amænitate atque gratiæ, fructuum quæ insuper spem facit : ad eum modum & Linda Mariana, quantumvis excisa ac desolata, nulla quidem folia aut frondes, nullam sui speciem aut amænitatem, oculis spectantium objiciebat; objiciebat tamen animis, quasi altissimè fixas humi radices; quibus loci religio & perennis illa miraculorum beneficiorum quæ divinorum ita nitebatur ubertas, ut neque temporum vetustate atque injuriis, neque tot ac tantis adversariorum molitionibus aboleri posset aut extirpari. Quæ, si quis apud se animo versaverit, atque insuper illa, quæ divina sapientia de se (a) prædicat, mysticè cum SS. Patribus ad DEIPARAM transferre voluerit; profectò quemadmodum v. 13. quasi pro imperio Deiparæ Virgini demandatum audiet, *in Iacob inhabitare, & in Israël hereditare; & in electis meis mittere radices* : ita quoque v. 16. quasi respondentem pariter Deiparam audiet, *radicari in populo honorificato*: sive ut Tigurina legunt, *in illi stri populo sum radicata*. Et quis, quæto, usquam sub celo popu-

(a) Eccli. 24.

lus illustris, aut populus honorificatus, nisi qui Catholicæ gremio continetur Ecclesiæ? Et ubi aliàs, si non in illustri hoc & honorificato populo, magna DEI Mater radices egit, aut deinceps æternum ager? Quod etsi inter Catholicos semper, & ubique agat, singulariter tamen iis locis agit, quibus singulares DEIPARÆ Aedes beneficiis, miraculisque divinis redundantes, coruscant Quibus locis, cum Linda Mariana, singulari DEI benignitate accenseatur, nihil mirum, si eodem in loco, tam altas, uti videmus, radices fixerit. Neque etiam mirum cuiquam esse potest, si ex tanta radicum firmitate atque constantia, firmam quoque spem in Tilia Mariana Catholici omnes defixerint, & cum venturo mox vere, restaurationis, amœnitatis, atque fructuum maximam, quasi ante oculos positam, habuerint fiduciam? Quo tempore Arbor illa Grandis, teste Daniele vate (a) admotâ divinitus bipenni succidebatur, continuo sancitum fuit de cælo, (b) attamen germen radicum ejus, in terra dimittite: quo nihil aliud fuit indicatum, quàm quod idem divinus interpretes (c) aiebat: Quod autem praecepit, ut relinqueretur germen radicum ejus, Regnum tibi manebit. Nunquid multò æquiùs, quando illa magnæ DEI Matris ad Lindam Regia, sacrilegis Iconoclastarum manibus, divinâ id permittente providentiâ, excindebatur, sancitum de cælo putemus, ut suum Deiparæ Regnum eo loco integrum, & quidem tantò magis maneret, quantò altiores eodem loco radices, pietas erga DEIPARAM atque religio tot actis retro seculis egerant? Quas quidem radices ita fixas, cum ho-

Q 3

mines

(a) cap. 4. (b) v. 20. (c) v. 23.



mines Catholici intruerentur, non poterant non habere magnam, de renascitura quandoque Tiliæ Marianæ gloria, spem atque expectationem. Si enim reptantibus et jamnum super terram radicibus, & per fibras, terræ leviter immixtas, succum magis suffurantibus quàm haurientibus, videas plerumque Arborem sensim prorumpere, & in virgultum ita asurgere, ut brevi intervallo & gramen, & humiles myricas, quibus æquo aliquandiu colludebat gradu, desuper eminus despectet; quin & in gemmas, frutices, ac surculos turgeat, & demum frondibus ac foliis, propè ad lasciviam vestita, in flores & fructus, non sine gravi suimet pondere exuberet: quid non expectandum fuit de Tilia Mariana, tam altis semper, & tam propè firmatis nixa radicibus? Et sanè respondit ad extremum tantæ expectationi, ut jam memorabitur, eventus.

## CAPUT II.

Simonis Rudnicii, pro refarcienda per Ducatum, & universam Prussiam fide Catholicâ, egregii conatus; proque instauranda Linda Mariana primus labor atque industria.

Quod de magno Ecclesiæ populique Hebræi sacerdote, Simone Oniæ filio usurpavit Syracides (a) videor mihi de Simone Rudnicio Varmienſe Episcopo, triginta circiter ab hinc annis defuncto, usurpare jure posse: *Simon sacerdos magnus, qui in vita sua suffulſit domum, & in diebus suis corroboravit Templum. Templi etiam altitudo ab ipſo fundata est; duplex ædifi-*

(a) Eccli. 50.

edificatio, & excelsi parietes Templi. In diebus eius emannerunt putei aquarum, & quasi mare adimpleti sunt supra modum. Qui prevaluit amplificare civitatem, &c. Ergo Simon Oniæ suffulsi domum, quia Templum sub auspiciis Darii Histaspis Persarum Regis, à Zorobabele & Jesu Pontifice reedificatum (a) quod cccxx. annos usque ad Simonis Oniæ Pontificatum, multa vel ab ipsis temporum injuriis & vetustate, contraxerat vitia, Peribolo, & substructionibus, aggestam intra muros terram continentibus, firmavit. At verò Simon Rudnicius, suffulsi itidem domum, quia Ecclesiam Catholicam, quæ secundum Apostolum (b) est columna & firmamentum veritatis, nullo quidem suo vitio, sed variis sectariorum molitionibus in Prussia, præsertim verò in Ducatu, admodum inclinatam, non tam peribolis aut aggestis terrâ substructionibus, quàm firmissimis pactorum conventorum sanctionibus, & novis Regum Reique publ. Polonæ constitutionibus ita stabilivit, ut, cum pro suo more Prædicantes (Joanne Behmio in orat. secul. & alibi, Misientâ in Manuali, Ducibus) Panoletiriam, sive totalem Catholicæ in Ducatu religionis ruinam jactârint, illa Simonis nostri curâ atque industria, multò, quàm ante videri poterat, & stabiliùs sit explicata, & explicatiùs stabilita. Adhæc, ille altitudinem Templi fundavit, cum duplici aedificatione, & excelsis parietibus; quia vel Templum in sublime, per geminam contignationem extulit, vel in imum per adiectas substructiones, & altissima earundem fundamenta, stabilivit: Ille verò quia Ecclesiæ Catholi-

Q 4

cæ di-

(a) 1. Esd. 2. (b) 2. Tim. 4.



cæ dignitatem, cum alibi, tum in contermino Prus-  
sæ Ducatu, ita erexit, in sublime, ut simul firmissimis,  
quæ divini, quæ humani juris basibus ac fundamen-  
tis perpetuum solidârit. Denique ut reliqua missa fa-  
ciamus, & ad ea, quæ hujus loci propria sunt, acceda-  
mus, *ille pravaluit amplificare civitatem*, non modò,  
quia Templum exedris, porticibus, cæterisque Tem-  
plo adjunctis fabricis auxit; verum etiam quia ipsam  
urbem Hierosolymam, tum plateis & domibus, tum  
civibus & incolis (qui, ductis in Ægyptum, per Pro-  
lemæum Lagi, centum viginti millibus, & antè sub  
Seleuco per universam Asiam ubique sparsis, immi-  
nuti admodum fuerant) augustiorem vastioremque  
reddidit. Iste verò, quia non modò in Episcopatu  
Varmiensis erectis à fundamento, vel certè egregiè  
promotis Templis (quale Heilsbergæ S. Stanislai pro  
Polonis, Seeburgi pro iisdem, alibi alia) sed etiam in  
adjuncto Ducatu, quæ ex iniqua sectariorum posses-  
sione recuperatis, quæ etiam recens erectis Dei Ec-  
clesiis, domum Dei plurimum auxit. Hoc enim cam-  
po Rudnicii virtus maximè emicuit; ut, qui se Eccle-  
siæ Catholicæ Antistitem, atque ovium Christi Pa-  
storem, esse semper meminisset, semper, tum pro re-  
stituendis ovium mandris, tum pro ovibus ad man-  
dras reducendis vigilaret. Et vigilavit sanè, non accu-  
ratè minùs, quàm feliciter & fortunatè. Nam, & alibi  
viri nobiles in Ducatu, Tempa in suis fundis posita  
(uti Berzevicii in Lissenau, vulgo *Lisnowo*; Rivocii in  
Lentzko, Rosciszevii in Przelaug) Rudnicio vel præ-  
eunte vel adjuvante, exactis Pseudo-evangelicis tu-  
bicinibus, Catholicæ Ecclesiæ restituerunt; & ipse

Rudnicii Episc. Varm. primus pro restauratione Lindæ labor. 249

summâ plurium annorum contentione, tum Elbingæ, princeps urbis Templum, Catholicæ vindicavit Ecclesiæ; tum Regiomonti, ut novum à fundamentis excitaretur (quod hodie quæ, quanquam necdum ad coronidem satis deductum viget) pari jure atque labore pervicit. Sicut autem Elbingæ, exeunte Anno MDXVII. recuperatam de manu Prædicantium Ecclesiam Parochialem ipse iteratò consecravit; ita quinquennio ante Regiomonti, primum ipse per se lapidem in fundamenta Catholici Templi, cum hac inscriptione jecit:

D. O. M.

*In honorem DEI Omnipotentis, Beatissimæ Virginis Mariæ, & omnium Sanctorum, nec non Patronorum Ecclesiæ hujus, SS. Andrea Apostoli, Ioannis Baptista, Adalberti Episcopi & Martyris: Illustrissimus & reverendissimus Episcopus Varmiensis, D. Simon Rudnicii, hujus Ecclesiæ Ordinarius, lapidem hunc angularem consecratum, iuxta ritum SS. Ecclesiæ Catholicæ Rom. fundamentis imposuit, die XXII. Maii, Anno MDXIV.*

Sed hæc, alia quæ id genus, maximo labore juxta ac felicitate perfecta, quanquam maxima essent, & ad Rudnicii immortalitatem nominis plurimum facerent; præ Lindæ Marianæ recuperatione atque restauratione minora semper censebat ipsemet Rudnicius. Hoc planè campo Hercules noster primum, hoc itidem fere postremum laborem; cum lætarum monstris exantlavit. Posteaquam pridie Non. Novemb. currentis seculi Anno quarto, ad constantia Varmiensis Collegii suffragia, in Episcopum Varmiensem, à Sigismundo III. est renunciatus, & in sequen-



te Anno mdev. Varmiam Dominicâ Palmarum, tanquam plurimarum Palmarum ex Hæresi aliisque vitiis futurus victor, auspicatò est ingressus, nihil habuit antiquius, quàm ut eodem ipso anno citra omnem moram, ad vindicandam è manibus adversariorum Lindam adjiceret animum. Extant in Tabulario Collegii nostri Resselienfis, inter alia Lindæ Marianæ monumenta, singulares de hac Rudnicii contentione literæ. Quarum causâ operæ precium est, paulò altius negotium quàm brevissimè redordiri. Ducatus Prussiæ Anno mdcxv. jure Feudî collatus est Alberto Marchioni Brandenburgico, ultimo Ordinis Theutonicî in Prussia Magistro, à Sigismundo I. Poloniæ Rege; admissus ad idem Feudî jus, tribus ejusdem Alberti fratribus, Georgio, Casimiro, & Joanne (quartus enim frater Wilhelmus, Rigenfium egit Archiepiscopum) ita ut masculâ Alberti deficiente stirpe, ad dictos fratres eorumque hæredes jus illud devolveretur. Albertus è secunda uxore, Maria Brunsvigia, reliquit hæredem Albertum Fridericum; qui, patre in Japiau, matre verò Regiomonti simul eadem die, quæ erat vicesima Martii Anni MDLXVIII. extinctis, in Feudum Anno proximè sequente successit, & Privilegio, in Lublinensibus ejusdem Anni Comitibus dato, confirmatus est. Verùm cum ab ipso fere suscepti Regiminis exordio, ad mdcxvi. usque annum, quo defunctus est Fischhussii mense Augusto, capitis animique ægritudine ita laboraret, ut vulgo nonnisi *heri infirmi* nomen mereretur (a) Curatores illi, toto illo tempore constitui

(a) Der blöde Herr.

stitui oportuit. Primus Curatorum loco admotus illi est, Anno eodem MDLIX. Georgius Fridericus, sive, ut à Commissariis Regiis (a) Anno MDCIX. vocatur, Georgius ab Anspach, tanquam Georgii ad Feudum initio admissi filius, & Alberti Friderici patrue-  
lis, qui (quemadmodum ex libro Privilegiorum (b)) constat, defuncto parente, primum per Legatos, deinde verò ipse per se, jus Feudi Anno MDLXIII. jam antè adierat. Georgio Friderico, & cum eo. Anspachianâ sive Franconicâ serenissimæ Domus Brandeburgicæ familiâ, circa Annum MDCIII. à Feudo juxta ac seculo hoc decedentibus, altera Domus Brandeburgica, & quidem electoralis (quæ vulgo Marchiaca, à Commissariis verò Regiis in Cautione Anni MDCXII. die XXII. data *Onoldina* atque etjam *Culmbachiana* dicitur) primum quidem per Joachimum Fridericum Electorem, in jus, ut vocant *Curatela*, deinde per ejusdem filium Joannem Sigismundum ejusque posteros, in ipsum Feudi jus successit. Prius tamen, quàm Domus Marchiaca & electoralis succederet, inter alias cum Sigismundo III. ac Repub. Polonâ conditiones, Anno MDCV. propositas, & à serenissimo Joachimo Friderico Electore eodem tempore, illiusque posteris Anno MDCIX. ac deinceps admissas, atq; juramento firmatas, illæ quoque, quæ ad præsens institutum maximè pertinent, numerantur, tum in libro Privilegiorum (c) tum à Joanne Behmio in præfatione ad orationes seculares, & Mis lenta in Manuali (d) *Prima* quidem, ut exercitium

(a) pag. 100. (b) pag. 59. (c) pag. 140. (d) pag. 46.



tium Catholicæ Religionis. quemadmodum de jure fuit, & semper esse debuit, omnibus in Ducatu sit omnino liberum. *Alterâ* verò, ut Catholico cuiuslibet sit, Templâ, Sacella, Oratoria, in suos suorumque usus erigere; vel jam ante in suo fundo erectis, uti, frui, & gaudere. *Tertiâ*, ut cuiuslibet Catholico jura patronatus, quæ cum suo fundo possedisset, sacra testata integerrimè permaneant. *Quartâ*, ut Catholicis ad munera, dignitatesque publicas, ex æquo cum cæteris pateat aditus. *Quintâ*, ut pro publico Religionis Catholicæ exercitio, geminum Templum Regiomonti erigatur, fundetur, atque pro dignitate doretur.

Atque hoc Catholicæ Religionis in Ducatu jus, cum in Comitibus Anni MDCV. non tam quaesitum, quam roboratum, stabilitumque accepisset Rudnicus; aut potius ipse (tanquam is, qui paulò antè ut Referendarius Regni, eo verò tempore ut Episcopus ac Senator ad clavum Reipub. sedebat) confirmari, stabiliri que curasset; nulla interposita mora, Henrico Hindenbergio Canonico Varmiens. cujus paulò antè jam meminimus, & Jacobo Schrotero præpositum Gutsadien. postmodum verò etiam Canonico Varmien. nuntiis ad serenissimum Electorem ab se Regiomontum missis, inter cætera negotia, Lindæ Marianæ Vindicias, restitutionemque maximè voluisse curæ. Testantur id ipsius literæ, quarum, uti promissimus, exemplum jam hîc ponimus.

*Reverendi Domini, Fratres carissimi.*

*Oblitus sum, cum Dominationes Vestra à me discederent, negotii illius pii & sancti, de sacello, in fundo illo Tilia dicto,*

Rudnicii Episc. Varm. primus pro restauratione Lindæ labor. 253

dicto, per D. Fridericum Berent extruendo. Rogo, omnem  
Dominationes Vestra narent operam, quod licentia à Ma-  
gnificis Dominis Regentibus obtineatur; quamputamus non  
adeo fore difficilem, ex eo, quod in contractu illo curatorio,  
cum Regia Maiestate inito, cautum hoc extat, ut liber sit  
Ecclesiarum Catholicarum in Ducatu usus, tam iam exi-  
stentium, quàm edificandarum. Consensum Domini fundi,  
pretendit se iam habere Dominus Fridericus, prout ex  
scheda adiuncta intelligent. His Dominationes Vestras  
optimè valere cupio. Datum Heilsbergæ 9. Septemb. Anno  
1605.

Reverendarum DD. VV.

Frater amantissimus

SIMON RUDNICII,  
Episc. Varm. m. p.

Literas hasce Rudnicius non solùm, proprio, ut  
ajunt Marte, sed manu quoque propriâ integras ex-  
aravit; ut, vel hinc pateat, quàm Lindæ Marianæ ne-  
gotium optimo Præsuli fuerit cordi; quod non mini-  
strorum, uti plerumque cætera omnia, sed suamet o-  
perâ promovere voluit. Porro scheda, cujus mentio-  
nem Rudnicius facit, quæque D. Fridericus Berent à  
Domino fundi Lindensis consensum jam obtentum  
significat, ejusdem Friderici, ut videtur, manu scripta  
istiusmodi est. Portio fundi illius, qui aliàs Tilia dicitur,  
ad generosi & nobilis quondam Domini Ioannis à Tettau  
derelictam viduam, hereditario iure spectare dignoscitur.  
Egi hætenus, cum generoso & nobile Domino, Fabiano à  
Lekevvang, dicta vidua fratre germano ac legitimo tuto-  
re, ut eius loci cessionem mihi impetraret, in quo Oratori-



*um seu sacellum in adificari possit; qui respondit nihil difficultatis in hoc fore; dummodo apud Magnificos DD. Regentes Ducales id obtineri possit: idq, stipulatâ manu Dominus Leskevvang promisit.*

Dubium non est, memoratos Rudnicii nuntios, qui in aliis plurimis gravissimisq, negotiis, operam industriamq, suam egregè probârunt, in hac quoque Lindæ Marianæ causâ, omnem Regiomonti movisse lapidem. Sed rebus, sub ipsum novi contractus illius Curatorii, primamq, Feudi possessionem, necdum usquequaque maturis, haud multum promoverunt: præsertim cum & vis libertati Catholicæ tamdiu illata necdum remitteret; &, ne porro remitteret, incentores malorum Prædicantes, ab artibus, strophis, clamoribusq, suis desistere aut remittere nequaquam possent. Rudnicus tamen, ut Lindenſe negotium promoveretur, novas tum suis, tum Regiis, Regionumq, manibus, ut jam dicemus, admoveere non destitit machinas.

### C A P U T III.

Alter Rudnicii, pro vindiciis & restauratione Lindæ Marianæ labor, per Sadorſcium contra Ottonem à Groben, vehementer obnitentem, strenuè admotus.

**C**unctatione Græcos Trojâ fuisse petitos, vetus est verbum; Rudnicus citra cunctationem Lindâ potiri desiderabat; sed tot ejus sunt conatibus objectæ remoræ atq, obices, ut illi supra decennium Græcorum, multò plus fuerit cunctandum, aut potius citra cunctationem sursum prorsumq, connitendum; & jam hæc, jam alia via, ad urgendum negotii

gotii progressum, ineunda. Postquam igitur Friderici Berent, quàm principio adhibuit, parum aut potius nihil processit opera, aliò se optimus Antistes vertit. Habebat in aula sua Stephanum Sadorscium, S.R. M. secretarium, ætate quidem vixdum juventutem supergressum, sed doctrinâ, ingenio, usu, & in rebus agendis industriâ, multorum canitiem prægressum. Eum proinde, quo maximis in negotiis uti consueverat, ad vindicandam asserendamque sibi Lindam Marianam adhibere cæpit. Sadorscius inter multas, expeditissimam, facillimamque ad Lindæ possessionem, viam ratus, si fundum Lindensem, numerato precio emptum, sibi assereret; cum Ottone à Groben, fundi Lindenensis possessore, tum per se, tum per amicos enixè agere; abnuentem omnibus, humanitatis officiis studiisque demereri; denique etiam reluctantem, ac præfractissimè obnitentem, interpositâ non modò Antistitis ac Principis sui Rudnicii, verùm & Serenissimi Regis Sigismundi III. Reginae Constantiæ, Uladislai Principis, summorumque de Aula Regia virorum auctoritate perurgere, aut potius perfringere. Erat Otto à Groben, nobilissimo in Prussia loco genereque natus; & postquam juventutem primum in literis, deinde verò in variis per Germaniam, Italiam, Galliam, Hispaniam, aliasque Europæ provincias, contriverat peregrinationibus, ad Reipub. clavum in Ducatu Prusiæ, proximè jam admotus erat. Cùm enim civile totius Ducatus regimen ac gubernatio, quæ etiam in volumine privilegiorum (a) consignata est, secundùm ipsum Prusiæ Du-

siæ Du-

(a) pag. 54. vulgo *Regiments-Nottel.*



siz Ducem, ad quatuor supremos Consiliarios, quos  
 vulgo *Regentes* vocant, videlicet ad Provincie Magi-  
 strum, Burggrabium Regiomontanum, Cancellari-  
 um, & Martalcum; Judicium item Aulicum, & qua-  
 tuor supremos, Regiomontoque viciniore Præfe-  
 ctos, vulgo *Capitaneos*, videlicet ad Brandeburgen-  
 sem, Fischhausensem, Schackensem, & Tapiavien-  
 sem, universim pertineat; Otto à Groben, quialias in  
 variis gravissimisque negotiis, strenuam Principi pa-  
 triæque operam navarat; ad Præfecturam Schacken-  
 sem proventus jam erat; in eaque constitutus præfe-  
 ctura, Anno MDCIX inter nobilissimos totius Or-  
 dinis equestris ad S. R. M. Remque publ. Polonam  
 Internuntios, uti in dicto Privilegiorum libro (a) pa-  
 tet, priusquam tenebat locum : & pro ea, quæ sanè  
 doctrinæ omnis, in primisque juris scientiæ, ac civi-  
 lis prudentiæ facultate excelebat, in gubernanda pa-  
 tria, præ cæteris, unus propè ita regnabat ; ut inter  
 doctissimos quoque ac literatissimos viros, non po-  
 stremo regnaret loco. Et superant etjamnum singula-  
 ris illius in re, literaria regni, totidem prope monu-  
 menta, quot sunt in amplissima ejusdem bibliotheca,  
 quæ non paucis annis in Resselienâ Collegio ter-  
 vata fuit, libri. Vix enim ullum, in tanto numero, fuit  
 volumen, quod ille à capite ad calcem usque non  
 evoluerit, & notis suis plurimum non despunxerit; ita  
 ut non mihi dumtaxat, verùm & iis, qui literis & li-  
 bris propè immoriuntur, admirationi sæpe fuerit.  
 Talem igitur ac tantum virum Grobenium Sador-  
 scius, datâ occasione, amicè aggreditur; &, ut Lin-  
 densen-

(a) pag. 97. 108. & 126.

densum fundum, pecuniâ, vel alio secum fundo, ex æquo & justo permutet, etiam atque etiam orat. Facile Ottoni, ut erat emunctissimæ naris, suboluit, quò restandem vergeret. Itaque Sadorfcium principio quidem officiosè expedire; deinde vetò vehementius quâ prece, quâ precio instanrem ac perurgentem, animosè constanterque negando rejicere. Altius nimirum illi Lutheranae virus sectæ, in qua & natus, & ad eam usque diem erat versatus, intra præcordia hæserat, quàm ut Idolomaniam Lindensem (neque enim secus, quàm ejusdem mandræ gregales cæteros audivimus loquentes sentire ac loqui ipse tum poterat) suâ, qualicunque tandem operâ postliminio revocaret, aut etiam revocari pateretur. Quòd si fortè jam tum, ex Baronii, Bellarmini, aliorumque lectione, ad fidem, Ecclesiamque Catholicam inclinabat; poterat nihilominus videri, ad personam (quam in Repub. Lutheri toxico, quoad res divinas, admodum ebrîâ gerebat) nonnihil respexisse; & ne Papistis, ut vulgus illud profanum loqui solet, colludere videretur, anxie præcavisse. Urit res habuerit, Grobenius certè, ante decimum septimum hujus seculi annum, ut Fundo Lindensi, in cujusquam Catholici usum, cederet, nullâ prorsum vi, aut arte potuit adigi. Cæterum ubi Regiâ potissimum auctoritate permotus, aut potius adactus tandem cessit; & in fundo illo sacellum postliminio Deiparæ erigi, Lindamque Marianam reflorescere iterum vidit, Deiparæ, uti credere par est, beneficio atque ope singulari, ad Ecclesiam Catholicam se recepit; & in eodem ipso Deiparæ Lindensis sacello divinis, tum Pæ-



nitentiae tum Eucharistiae mysteriis initiatus est, ducte, ac quodam quasi mystagogo P. Michaële Hornâ è Societate Jesu adhibito. Verum hîc enim vero fuit carmen, quod in Menæis, Græca de Virgine Deipara usurpat Ecclesia (a) illuminavit enim cordis oculos, & poenitentiae radium iniecit, ac tenebris æternum duravimus liberavit, uti veri luminis porta & cunctorum refugium. Ego verò, videor mihi in Grobenio divitem illum durum intueri, cujus panis, per importunas mendici preces extortus, aut potius lapidis instar, in pauperè jactus, divinæ justitiæ lanci impositus, plus ponderis ac momenti, quàm omnia, uti proditum est literis, peccatorum ipsius onera habuit. Exinde enim ipse de se Grobenius usurpare quadantenus illud Pauli (b) potuit. *Que mihi fuerunt lucra, hæc arbitratus sum propter Christum detrimenta. Verum tamen existimo omnia detrimentum esse, propter eminentem scientiam Jesu Christi Domini mei; & arbitror ut stercora, ut Christum lucrificari.* Primùm enim Repub. ac rebus civilibus valere jussis, Deo ac sibi vivere, privatamque ac omni pompâ vacuum delegit vitam: & me (si in patria hæsisset) civilibus iterum fluctibus involveretur, ad Ferdinandum II. Imperatorem, ad tempus se recepit; cui quemadmodum & serenissimo Regi Poloniae à Consiliis fuit. Interea verò Suecico in Prussiam exundante bello, in nullius magis, quàm in Grobenii, jam Catholici, fundos atque bona, hostilis aut potius hæ-

(a) 4. Januar. τὰ ὅμματα φωτίσον, καὶ ἴενε, τῆς καρδίας με λάμψον μοι ἀκτῖνα μελανοίας, σκότους με ρύσαι διακρίνοντος, πύλη τῆς φωτός, χεῖρας αἰνῶν πάντων τὸ προσφύγων, (b) Phil. 3. 7.

us hæreticus furor delæviit. Amplissimum illi erat prædium Wicken, sex Regionum leucis Austrum versùs situm; ex eo omnia pecora per militem abacta, supellex omnis expilata; ædes ipsæ flammis destinatæ; arsisserentque, atque in favillam resedissent, nisi Tribuni Suecici uxor, quæ eum fundum sibi obventurum, ideoque, quoadliceret, sartum tectumque; servandâ spe devorârat, à flammis & incendio maritum arcuisset. Atque hunc in modum re ipsa expertus est *sectam* quorundam, ut ipse etiam nobis sæpius audientibus vocare solebat, verè fuisse, & esse *sanguinariam*. Vbi verò primùm bellicus ille turbo nonnihil resedit, citra moram redux in patriam, quantum de suo ad Ecclesiam Catholicam reditu, tantundem etiam de restituta Linda Mariana, revocatoque Deiparæ cultu publico exultabat: quoad in vicino Linda fundo, *Iesau* dicto, extremâ senectute confectus, in Templo Collegii Resselienfis Societatis *Jesu* postmodum Anno MDCXLIX. sepultus est. Illud tamen prudentissimus vir dedolere nunquam potuit, quod non dudum antè, ad Catholicæ gremium Ecclesiæ se recepisset; & ipse suo in fundo sacellum cultumque Deiparæ restituisset; aut certè, quod tam diu, ne alii restituerent, pervicace obfirmatoque animo obstitisset. Qui ergo neque suum Deiparæ fundum jam consecrare, neque sacello jam erecto manus admoveere ampliùs poterat, quod insuper poterat, Aram ad Boreale majoris Aræ latus in sacello, DEO & Deiparæ erexit; quoque id animo fecerit, hæc inscriptione, quam meâ tunc manus



exaratam eo libentiùs hîc attexo, restatum esse voluit universis.

Generosus & nobilis, Otto von der Gröben / S. Cæs. & Regia Maieſt. Conſiliarius & Secretarius; ad ſereniſſimi Regis, Regina, ac Principis Polonia ac Sueciæ requiſitionem, locum hunc, ab ipſis fidei Chriſtiana initium, Deo Deiparæ quæ ſacrum, ad Eccleſiæ Catholica cultum reduci conſenſit; & Hereſi, omnibꝫ Novatorum inventis abiurati, ſeipſum, cum unico filio, in eiꝫdem Eccleſiæ gremium recepit; atque hoc Monumentum poſuit, Kal. Iun. MD CXXXVI.

Eidem Aræ, ex S. Auguſtino pleraque inſcribi voluit, tum de cauſis ſui ad Eccleſiam Catholicam reditus; tum de plerisque eiꝫdem Eccleſiæ capitibus Novatorum furore impugnari ſolit. Ac principiò de cauſis, ſui ad Catholicam Eccleſiam receptus, Auguſtinum contra Epistolam Fundamenti cap. 4. ita docentem inducit. *Multa ſunt, quæ in Catholica gremio Eccleſiæ, me iuſtiſſimè tenent. Tenet conſenſus populorum; tenet authoritas Miraculis inchoata, ſpe nutrita, charitate aucta, vetuſtate firmata; tenet ab ipſa ſede Petri, cui paſcendas oves ſuas, poſt Reſurrectionem Dominus commendavit, uſque ad præſentem Episcopum, ſucceſſio Sacerdotum. Tenet poſtremò Catholica nomen, quod ſola obtinuit.*

De ſalute in ſola Catholica Eccleſiæ obtinenda, eundem in Epistola ad Bonifacium ſcribentem inducit. *Eccleſiæ Catholica ſola eſt corpus Chriſti. Extra hoc corpus neminem vivificat Spiritus Sanctus. Etepiſt. 152. Quisquis ergo ab hac Eccleſiæ fuerit ſeparatus quantumlibet laudabiliter ſe vivere exiſtimet, hoc ſolo ſcelere, quoddà Chriſti unitate diſiunctus eſt, non habebit vitam, ſed ira DEI manet ſuper eum.*

De

De scripturæ, Traditionum Ecclesiasticarum, & Ecclesiæ autoritate: ex Epistola 118. cap. 5. *Si divina scriptura præscribit auctoritas, non est dubitandum, quin ita facere debeamus, ut legimus. Similiter, si quid horum tota per orbem frequentat Ecclesia. Nam hoc, quin ita faciendum sit, disputare, insolentissima insania est. Et contra Epist. Fundam. cap. 5. Ego verò Evangelio non crederem, nisi me Catholica Ecclesia commoveret auctoritas. Denique de purgatorio & sacrificio Missæ lib. 20. Civit. cap. 9. Neque piorum animæ mortuorum separantur ab Ecclesia. Alioquin nec ad Altare DESERET eorum memoria in communicatione corporis Christi.*

## CAPUT IV.

Tertius Rudnicii pro Linda Mariana conatus, per singularem, eum serenissimo Electore ac Prussiæ Duce, amicitiam, atque familiaritatem.

**A**micitiam colere, semper quidem honestum est: at cum amicitia, amicorumque vires & animi in Deum, resque divinas, tanquam in scopum diriguntur, supraquam dici potest honestissimum. Talis erat Rudnicii, cum serenissimo Electore, atque Prussiæ Duce Joanne Sigismundo amicitia, quin & familiaritatis necessitudinisque usus; tum initio susceptus, tum procedente tempore firmatus. Extincto, cum morte Georgii Friderici, Domus Franconicæ sive Anspachianæ, ad Ducatum Prussiæ Feudo, quod ille cum Alberti Friderici, uti diximus, curatela adierat, altera non modò, ut prior, itidem Brandenburgica, sed insuper etiam Electoralis apud Marchiam Dominus, in Joachimo Friderico, ejusdem Feudi, aut po-



rius curatela<sup>s</sup> jus adierat. Sed & Joachimo Friderico Electori, nonnisi triennium superstiti, cum vita omne simul jus intercidit. Successurus igitur patri defuncto, Joannes Sigismundus, serenissimus itidem Elector, cum serenissimus Albertus Fridericus jam triginta circiter annos ita fuisset æger, ut nulla ad recuperandam mentis sanitatem amplius superesset spes, Anno MD CIX à serenissimo Rege Sigismundo III. & amplissimo Poloniae Regno contendit, ut sibi posterisque suis, non curatorio duntaxat, sed prorsum novo contractu jus Feudi ad Prussiae Ducatum, fas esset reprehendere. Et obtinuit, quod pensabat, Rudnicio Episcopo, tanquam vicino Regni Senatore, tum ad acquirendum, tum ad adeundumprehendendumque jus provinciae, inter ceteros eximie adjuvante. Ille enim, ut in ipso quoque libertatum Privilegiorumque Prussiae datorum volumine (a) intueri cuivis licet, & in Generali Ordinum Ducatus Prussiae Conventu die XXVI. Maji, Anno MD CIX. celebrato (quo tum Ecclesiasticae, tum civiles Ducatus illius leges, adeoque ipsa Provinciae fundamenta, non leviter jam convulsa, fuerunt in integrum restituta) & Anno MD CXII. quo serenissimus Elector Joannes Sigismundus possessionem Ducatus adiit, Regios inter Legatos, principem semper locum tenuit: proindeque in rebus tum ipsius Ducatus ac Provinciae, tum serenissimi Electoris ac Ducis, rite constituendis, præcipuam navavit operam. Quâ quidem, uti & plurimis aliis de causis, potissimum verò ob summas, quæ in illo Præsule elucebant, virtutes, se-

renis-

(a) pag. 98. 125. 130. 132.

renissimus Joannes Sigismundus Rudnicium, quem singulari animi reverentiâ patrem suum appellare solitus erat, & diligebat, & reverebatur, ut patrem; ad eò, ut, cum moriturus à suis rogaretur, quâ tandem in fide ac religione migraturus ex hac vita esset, illæque reposuisset, se in fide patris sui decedere, multis (qui id, me etiam audiente frequenti tum sermone celebrabant) dubium reliquerit, utrum in Electoris Joachimi Friderici, quem parentem secundum carnem habuerat, an potius in Episcopi Rudnicii, quem ut patrem semper coluerat, fide ac religione hinc migrârît? Ac Rudnicius quidem, hujuscum serenissimo Electore amicitiæ fructus, quàm cumulatissimos tulit; quos non tam in suum, propinquorum vè suorum, quàm in rei Catholicæ, & Provinciæ suæ usum vertit. Præterquam enim, quod serenissimus Elector illum, pro ea, quâ colebat, observantia, subinde Heilshergæ coram reviseret, vicissimque revileretur ab illo; præterquam, quod utriusque provinciæ subditi, ex mutua illa Principum familiaritate ad lummam inter se pacem colendam impulsî sint: illa insuper ad utriusque populî usus consecuta sunt; quod (ut Author vitæ Rudnicii (a) scribit) antiquissima de limitibus controversia, quæ prædecessorum temporibus, non sine partium sanguine agitabantur, nominatim utrinque arbitris, cum magna Ecclesiastica utilitatis accessione, sublata sint; & prima posita fundamenta pacis, quæbus usque vicinos inter utriusque provincia incolas sanctè religiosequè observatur: huius familiaritatis privilegio usus est etiam Rudnicium, ad res Catholica

R 4

propa-



propagationem; morasq<sup>ue</sup> omnes sustulit, quæ progressum votorum sistere poterant. Erectum est ergo Regiononti à fundamentis Templum pro Orthodoxis, perpetuaq<sup>ue</sup> dote instructum; data libertas nobilibus erigendi oratoria; securitas provisæ transferentibus Tempia ad Catholicos ritus: pœna in eos scripta, qui convitiis, aut scelere religionem infestarent.

Verum enimvero, cum hæc, aliaque id genus plurima, sub ipsum renovati Feudi initium, vel saltem, in illa Anni MD CXII. Legatorum Regionum transactione per Rudnicium sint perfecta, vel à serenissimo Electore impetrata; quid est, quòd Lindæ Marianæ instauratio, quæ non nisi Anno MD CXVIII. inchoata est, neque perfici, neque impetrari potuerit? Haud equidem censuerim serenissimum Electorem, qui cætera, vel pro Feudi, vel pro amicitia familiaritatisque jure, faciliè Rudnicio largiebatur, hinc adamantinum potuisse habere pectus. Vereor quocirca, ne idem ille Otto à Groben, fundi Lindensis herus, et jam serenissimo Electore, ut Linda restauraretur, cōnivente, aut in gratiam Rudnicii insuper annuente ac volente, murum se Adamantinum, pro ea, quæ erat apud omnes auctoritate, aut potius pro insito erga Lutheri sectam studio, objecerit. Quod ut ita esse mihi persuadeam, persuadent illæ, quæ ipsum tandem, ab Aula Regia subruerunt, ut jam dicemus, machinæ.

## CAPUT V.

Primus à Regia, pro vindiciis & instauratione Tiliz Marianæ  
conatus, prorsum irritus.

**Q**Vandoquidem neque per Fridericum Berent aut Sadorcium ; neque per se, ipsumque serenissimum Prussiz Ducem ac Electorem, quidquam in causa sacrorum fundique Lindensis Rudnicius Episcopus promovit; non ignarus, omnes in unius fundi illius hero sitas esse remoras, majores ac validiores ad perfringendam hominis pertinaciam, admovit arietes. Perspectum habebat Rudnicius, quod universo orbi Christiano perspectissimum quoque erat, quanto Sigismundus III. Poloniz & Sueciz Rex, totaque Regis illius Aula, ad promovendum Dei ac Deiparæ cultum arderet studio. Cum Rege igitur, & iis, qui Regem proximi circumstant, anxie egit, ut suam interponerent auctoritatem atque operam. Nimirum servabatur ista Tiliz Marianæ adorea, Regiæ Sigismundi III. Domui; ut & ipse, qui tot, & tanta rerum pro Ecclesia Dei & Repub. Christiana gestarum statuisset Trophæa, & serenissima ejus Conjux Regina Constantia, & liberi omnes, pro restauranda, augenda, ornandaque Deipara Lindensi, inter se quodammodo de laurea certare viderentur. Quemadmodum enim, uti videbimus, Rex, & Regina, & serenissimus Uladislaus, tunc Princeps, postmodum Rex, fundum vindicando, ipsa quasi fundamenta Lindæ Marianæ jecerunt; ita & serenissimus Joannes Casimirus Rex, & Joannes Albertus Cardinalis, & Carolus Ferdinandus, & Anna Catharina Con-



stantia, suis sive votis ac suffragiis, sive etiam singulis donariis jacta semel eductaque in altum fundamenta ornârunt, ac stabilierunt. Cæterum; quia negotium per Sadorfcium inchoatum jam erat, ut extrema causæ, suo cohærent capiti, pereundem deinceps vitum est etiam ab Regia Grobenium esse urgendum. Jam antè, ut vidimus, cum Ottone à Groben egerat Sadorfcius; sed ille sive, pro hæretico, quo adhuc turgebat, spiritu; sive etiam pro ingenii, quâ pollebat, dexteritate, ut Sadorfcio fucum faceret, videretur hominem, quemadmodum è Regiis, quas dabimus, literis patebit, ad generum suum, Casparum à Fischhausen, Dunamundensem in Livonia Præfectum rejecisse. Cum enim illi filiam in matrimonium Grobenius dedisset, facilè in vim dotis etiam Fundum Lindenlem dedisse credi poterat. Et videtur credidisse Sadorfcius, qui Anno MD CXVI. serenissimo Regi supplex factus, primas à Regia, non ad Grobenium, sed ad illius generum Fischhausium, literas in hæc verba impetravit.

*Generoso Casparo Fischhausen, Capitaneo nostro Dunamundensi, fideliter Nobis dilecto.*

**G**enerose, nobis fideliter dilecte: Generosus Stephanus Sadorfky Secretarius noster, fundum quendam Fidelitatis tua hereditarium, Linde antiquitus appellatum, se acquirere velle, idque summopere optare, Nobis exposuit. Cui cum propter singulare suum, de Nobis bene merendi studium optime faveamus, valde cuperemus eum voti sui, hoc in negotio, compotem fieri. Quapropter rem gratissimam Nobis se facturam Fidelitas tua persuadeat, si huic Secretario nostro, commendationis nostræ causâ studium suum testa-

tum

Primus à Regia pro Lindæ vindiciis conatus irritus.

267

tum reddiderit : sequē voluntati nostræ, hac in parte gratificari velle ostenderit. Non deerit occasio, quā Nos huius studii sui Fidelitas tua, gratos esse agnosceret : quam interim bene valere cupimus. Datum Varsavia die xxx. Mensis Septembris, Anno Domini MD CXVI. Regnorum nostrorum Polonia xxix, Suecie xxiii.

SIGISMUNDUS REX.

In cassum fuisse has serenissimi Regis literas datas, Sadorsciumque non in Aneam, sed in objectam à Grobenio nubem pugnasse, vel inde constat; quod deinceps, non jam Fischhausio, sed ipsi Grobenio, plures & vehementiores à Regis manibus, totaque propè Domo Regia stimuli admoti sint.

## CAPUT VI.

Secundo à Regia conatu adhibito, Area pro erigendo Lindæ Marianæ sacello obtinetur.

SEcundiores aliquanto videri possunt literæ, secundo loco ab Aula Regia pro Lindæ Marianæ vindiciis datæ; quandoquidem tantum habuere ponderis, ut Aream pro reædificanda postliminio Deiparæ Ædícula obtinuerint. Cæterum, si tum Regiarum Majestatem literarum, tum rei obtentæ magnitudinē attendamus, vix illæ quoque literæ prioribus deprehendentur fuisse secundiores. Quid enim? ad tanti Regis ac Reginae, ad serenissimi Principis Uladislai, & aliorum in Regia Aula procerum literas, vel potius preces, nihil ampliùs, nisi Aream, pedes circiter 40. longam, & 26. latam, obtineri potuisse! Certe emi, vulgo ajunt, quod precibus ematur: quanti igitur hæc Area emptæ, quæ supra  
precis;



precium à Sadorfcio numeratum, tot, tantis, talibus-  
que ab ipsa Regia precibus fuit emenda ! Ac Sigi-  
smundus quidem Rex III. Non. Feb. Anni MDCXVII.  
literas, quæ sequuntur, misit:

*Generoso Ottoni à Groben, Capitaneo Schackensi Ducatus  
Pruſſia Conſiliario terreſtri, fideliter Nobis  
dilecto*

*Sigismundus III. DEI gratiâ Rex Polonia, &c.*

*G*enerose, fideliter nobis dilecte. Singularis virtus,  
promptumque de Nobis & Repub. bene merendi studi-  
um, Generosi Stephani Sadorfcii Secretarii nostri, sapius  
contestatum facit, ut rebus ipsius commodiꝫ, quàm optime  
faveamus. Quapropter, cum fundum quendam, Fidelitatis  
tuæ hereditarium, LINDE antiquis appellatum, se à Fi-  
delitate tua, acquirere velle nobis exposuisset, idꝫ literis  
nostris adnissus, facilius se consecuturum sperasset; dandas  
has ad Fidelitatem tuam duximus; velit in hoc negotio,  
non difficilem se illi præbere; quin imò voluntati nostræ gra-  
tificari, nostrasꝫ has literas suum pondus obtinuisse de-  
cet. Rem gratissimam nobis factura est, & benevolentiam nô-  
strâ, datâ occasione, rependendam Fidelitas tua. Quam be-  
ne valere cupimus. Datum Varsavia die II. Mensis Esbr.  
Anno Domini MDCXVII. Regnorum nostrorum Polonia  
XXX, Suecia vero XXIII Anno.

*SIGISMUNDUS REX.*

Eâdem ipsâ die, et jam serenissimus Princeps Ula-  
dislaus ad eundem Grobenium sequentem dedit  
epistolam,

*Gene-*

Generoso Ottoni à Groben, Capitano Schackensi, Ducatus  
Prusie Consiliario terrestri, gratè Nobis dilecto

Vladislaus Sigismundus Polonia & Suecia Princeps.

**G**enerose gratè nobis dilecte. Quo animi affectu omnes  
bonos complectimur, eodem singularem virtutem, ac  
promptum de Regia Maiestate, ac Nobis bene merendi stu-  
dium, generosi Stephani Sadorscii, Secretarii Regie Ma-  
iestatis prosequimur. Cupit is quendam locum Gratitude  
tua hereditarium acquirere; & quò commodius id conse-  
quis possit, nostram postulavit intercessionem. Diligenter ita-  
que à Gratitude tua postulamus; velit, commendationis  
nostræ causâ, eum voti sui compotem facere; atque cum No-  
bis, rum illi declarare, nostram apud Gratitude tuam  
intercessionem, eum, quem speravit, effectum habuisse. Quo  
Nos sibi non mediocriter devinciet Gratitude tua. Quam  
bene valere cupimus. Datum Varsavia 11. Febr. Anno Do-  
mini MDCXVII.

VLADISLAUS SIGISMUNDUS.

Quid verò hisce Regis ac serenissimi Principis li-  
teris perfectum est? Illud nimirum, ut cunctante, at-  
que omnes in partes sese adhuc versante Grobenio,  
necesse fuerit, & serenissimæ Reginae, & aliorum  
apud Aulam Regiam Procerum, amicorum quæ liti-  
tis, hominem invitum arque obluentem, ad Regias  
impelli voluntates. Ac serenissima quidem Regina  
ad IV. Idus Martias, hoc est, plus quàm mente inte-  
gro, quo Grobenius ad Regias fuerat literas tergi-  
versatus, aut potius obluentatus, Epistolam, quæ sub-  
jungitur, misit.

Magni-



Magnifico Domino Ottoni à Groben, Capitano Schackensi, Ducatus Prussia Consiliario terrestri, sincere & fideliter Nobis dilecto.

Constantia, DEIGRATIÀ Regina Polonia & Suecia, magna Dux Lituania, Russia, Prussia, Masovia, Samogitia, Livonieque, &c. Nata Archidux Austria.

**G**enerose, fideliter Nobis dilecte. Generosus Stephanus Sadowsky Regia Maiestatis Secretarius, ob singularem suam probitatem, promptumque cum Regia Maiestati, tum Nobis ipsis obsequendi studium, Nobis est commendatus. Cuius nomine supplicatum Nobis est, ut partes nostras interponeremus; quo is commodius fundum quendam, vulgò LINDE appellatum, à Fidelitate tua, acquirere & emere possit. Non gravatim sanè id concedendum, dandasque hasce ad Fidelitatem tuam duximus; ut Nobis hac in parte Fidelitas tua, suum testetur studium; ipsaque experiat, nostram sibi plurimum profuisse intercessionem. Fecerit nobis rem gratissimam Fidelitas tua. Quam optime valere cupimus. Datum Varsaviae die XI. Mensis Martii, Anno Domini MD CXV II.

#### CONSTANTIA REGINA.

Jam verò Amicorum & quorundam apud Aulam Procerum nomine, Jacobus Zadzile (qui tunc magni Regni Secretarium agebat; & in eodem munere constitutus, jam antè in Ducatu Prussiae cum aliis Legatis, multum pro Ducis & omnium Provinciae Ordinum commodis, in Feudi institutione laborarat; postmodum verò ex magno Regni Cancellario, Episcopus Cracoviensis decelsit) pro ea, quam cum Grobenio contraxerat, amicitia, paulò actioribus literis, non sua duntaxat in ipsum, verum & Regis,

Secundo à Regia conatu, Area pro facello obtinetur. 278

dis, & totius Regni in Ducem ac univertum Ducatum merita commemorare non dubitavit; ut, vel in unius Lindæ Marianæ restitutione, debitam grati animi testificationem, in uno homine, nomine omnium cæterorum exprimeret. Sic enim ad XIX. Cal. Mart ejusdem Anni ad Grobenium scripsit.

Magnifico ac Generoso Domino, D. Ottoni von Gröben/  
Capitano Schackensi, Amico meo charissimo &  
honorando.

Magnifice, ac generose Domine Capitaneæ.

**E**tsi sciam, literas S. R. Maiestatis, serenissima Regina, & Principis nostri, sat ponderis habuisse, ut locum quendam LINDE dictum, Generoso Domino Stephano Sadowsky. S. R. M. Secretario, ad usum Ecclesiæ Catholicæ cedat; dum S. R. Maiestas, serenissima Regina, & serenissimus Princeps, eo id loco acceptabunt, ac si ipsis factum esset: eoquæ Dominationem vestram, singulari suâ gratiâ & clementiâ dignum iudicabunt. Attamen cum magnificam Dominationem vestram cunctari, & difficultates obtendere intelligam; hæc pro singulari nostra amicitia, ad magnificam Dominationem vestram, dare, eiquæ ostendere volui; non sat causa subesse, cur istud suum obsequendi studium, S. R. Maiestati, & tot serenissimorum intercessionibus denegare voluerit. Est enim res honesta, est res pia, est publicis pactis consentanea. Quæ omnia, etsi ad obsequia faciendæ per se sufficientissima esse possint; tamen magnificam Dominationem vestram, illud movere ante cætera debet; quantum S. R. Maiest. & Ordines Regni, de illustrissimo Principe Electore, & Ducatu Fruscia, in primis verò, de nobilitate, juribus, & libertate eorū, meriti sint; quantumq; adhuc indies novis beneficiis ea cumulare possint; quod pro his omnibus nihil desideret, nisi ut grata iis memoria exhiberi possit.



Cum itaq; hoc nomine, tota Respub. vestra, S. R. Maieitati, & Regno multum debeat, mirarer sanè, si magnifica D. V. quam S. R. Maiestas, & Regni Ordines propter virtutem & merita sua in Regnum & patriam, benevolentia propensissimaq; voluntate complectuntur, maioriq; gratia dignum iudicat, tam exiguum gratitudinis studium, denegare iis velit; quo ipso & patriæ, & sibi, suiq;, tantum obesse possit, ut serenissimi Regis, sibi hactenus ad dictissimi clementissimiq; animum alienationem in posterum reddere queat. Quod ego, pro mea parte, qui illustrissimo Electori, Ducatui, & Nobilitati, eorumque Privilegiis, & magnifica D. V. semper favi, nunquam evenire cupio; idque ut magnifica D. V. sua prudentia, cura, & vigilantia, etiam precavere velit, magnopere oro & hortor. Erit hoc non postremum, inter cetera sua in S. R. Maiestatem, Regnum, & patriam merita, si in hoc se tot serenissimorum intercessionibus obsequentem exhibuerit. Nam hoc ipso, S. R. Maiestatem, & precipuos Ordines magis magisque sibi devinciet; & seipsum omni gratia, benignitate, ac remuneratione, apud S. R. Maiestatem dignum indicabit: Patria autem sua, & illustritati, tantum proderit, quantum ipsi sibi polliceri poterunt. Ego vero, & alii Domini Aula Officiales, omni benevolentia & officiorum testificatione, erga magnificam D. V. hoc ipsum compensare non intermittemus. Quam diu felicissimeque valere opto, eique mea studia & officia desero. Varavia die xx. mensis Februarii, Anno MDCXVII.

Magnificæ Dominationis Vestræ

Amicus ad inserviendum promptissimus

JACOBUS ZADZILE,

Secret. Regni Polon.

Non

Tertio à Regia conatu adjacens sacello fundus acquiritur. 275

Non potuit enimvero, non persentiscere in hisce literis *armatas*, ut vocant, *preces* Grobenius: proinde refragari, aut potius oblectari amplius non potuit, quin Aream pro restaurando Deiparæ sacrario, non tam precio per Sadorfcium numerato, quàm serenissimorum Regum, Regiûque Principis ac Procerum authoritati tandem cederet.

## C A P U T VII.

Tertio à Regia conatu, fundus juxta sacellum Deiparæ situs, acquiritur.

**M**VLtùm sibi videbatur Sadorfcio, aut potius Catholicis omnibus tribuisse Otto à Groben, cùm Aream, quantumvis justo precio venditam, pro restauranda Æde sacra attribuit. Neque profectò, aut Sadorfcio, aut cuiquam alteri Catholicorum, tenue videri poterat, quod in tantum magnæ DEI Matris cultum, ut erat, certò sperabatur cessurum. At enim, cùm istiusmodi cultus in fundo alieno, & quidem sub hero fundi à religione orthodoxa averso; omnibus Prædicantium, aliorumque sectariorum molitionibus, lannis, atque injuriis, non posset non esse obnoxius; multò amplius Sadorfcio, quin & ipsi Antistiti Rudnicio connitendum erat, ut & fundus ipse, juxta Aream jam acquisitam positus, compararetur. Quapropter ad Regem Sadorfcius, aut potius ipse Rudnicius supplex accedit, & literas, quæ sequuntur III. Non. Mart. Anno MD CXVIII. impetrat.



Generoso Ottoni à Groben, &c.

Sigismundus III. DEI gratiâ Rex, &c.

**G**enerose Nobis fideliter dilecte, gratissimum Nobis accidit, intellexisse, Fidelitatem tuam literis nostris requisitam, Fundum certum, LINDE nuncupatum, generoso Stephano Sadorsky Secretario nostro concessisse; atque voluntati nostræ, hac in parte benevolum se exhibuisse. Locus, certe is, multâ antiquitus hominum frequentatione, & prodigiis celebris est. Quapropter idem Secretarius noster, ex mandato nostro, Eadem aliquam diu Virgini consecratam, in illo loco extruere proposuit. Cum verò ob angustiam loci, nequaquam aque commodè, ut res ipsa postularet, Devotio ibidem cultusq; divinus peragi possit; postulandum adhuc à Fidelitate tua duximus, ut ulteriorem suam Nobis testetur benevolentiam: viciniorēque adhuc agrum, qui Fidelitati tua, parvo commodo esse potest, adungere velit. Erit id Nobis ita gratum, ut nihil magis, quam ut idem studium Fidelitatis tuæ, benevolentia nostrâ compensandum existimemus. Cupimus interim Fidelitatem tuam bene valere. Datum Varsavia die V. Mensis Martii, Anno Domini MDCXVIII. Regnorum nostrorum, Polonia XXXII. Suecia verò XXIV.

SIGISMUNDUS REX.

Bene sit piissimis Sigismiundi Regis manibus! qui, ut locum, quemadmodum ipse scribit, antiquitus hominum frequentatione & prodigiis celebrem, vindicaret, non modò curæ & labori nulli pepercit, verum & de Regia Majestate sua plurimum se demisit. Poterat ab homine sub sua constituto potestate, pro imperio, obsequium & parendi alacritatem urgere; at ille

Tertio à Regia conatu adjacens sacello fundus acquiritur. 275

ille, apud hominem sibi subiectum, propè supplex accidit, dum nihil nisi illius in se benevolentiam deprecatur, & benevolentiam iterum atque iterum postulat. Tanta nimirum in Deiparam, & sacram Deiparæ Lindam, ferebatur magnus ille Rex pietate ac religione, ut animo verè Regio, Deiparæ, & supremo in Deiparam Numini, Regiam substerneret Majestatem. Et potuisset illam tanto Regi negare benevolentiam Grobenius, quàm nullam unquam præstantiorem locupletiori vel gazam vel ipse intra domum suam, vel quisquam alius reperire potuisset? Honorificentissimum protectò fuit, atque futuris erit temporibus, benevolentiam à tanto Rege, intra Grobeniorum Domum fuisse propè emendicatam; sed non minus Sigismundo maximo Regi, atque Regiæ ipsius Domui gloriosum est, atque in perpetuum semper erit, Duci ac Deiparæ causâ quandantenus Mendicabulum induisse. Tamen enim Sadorscius fundum illum, magno satis precio, uti oportuit, redemerit; nunquam tamen fundus ille, aut ipsa quoque Ædiculæ Lindensis Area, Sadorscio vel cuiquam obvenisset Catholicorum, nisi Rex Sigismundus Majestatem Regiam, Grobenii benevolentia submisisset.

## CAPUT VIII.

Quarto à Regia conatu admoto, Cappona sacello Lindensi  
adjacens, comparata.

Qui Outonem à Groben fundo suo Lindensi  
S A decess-



decedentem paulò contempletur attentius, videbit illum, non tam hereditario fundo, quàm quasi propugnaculo quodam, aut prædiariâ arce castrovê, & quidem nonnisi vi expugnatum, sensim per alios atque alios receptus decedentem. Neque enim ille, ut in contractibus fieri amat, sponte cessionem fecit; sed (ut in oblectis expugnatisque prædiis arcibusvê solet) ex uno quasi propugnaculo in aliud se recipiendo, secessit. Principiò igitur gravissimâ Sigismundi Regis, Reginae, & Uladislai Principis autoritate permotus, Areâ sacelli decessit; recepitque se in fundum sacello adjacentem: inde cum facessendum deinceps esset, receptum invenit geminum; alterum quidem in caupona, in piscaria casa alterum. Et hanc quidem, quia *Ædi* lacræ divinisque rebus nihil officit, sibi habet et jamnum (nisi quòd casa, quæ olim ad ipsum lacum Denaum, quâ rivulus se exonerat, fixa fuerat, nunc verò in collem sacello Occidentem versus oppositum translata, retentis à Grobenio aliquot agelli jugeribus infideat) illam verò, ut Sadorscio, quemadmodum cætera jam tradiderat, ex æquo & justo traderet, Rudnicius Antistes apud Regem, Rex verò apud Grobenium perfecit. Et verò, non Sadorscio duntaxat, verum & hominibus cæteris, undique religionis causâ ad locum sacrum tanto numero confluentibus, perincommodum fore videbatur, si caupona (quæ non tam meritoria potatorum taberna, quàm peregrinorum, viatorumque sacrorum diversorium futura erat) ad diversum à sacelli fundique hero spectaret, cum nemo inficias iverit, satius esse, si unus atque idem pro Aris juxta ac focis caret. Sed, &  
ad ma-

Quarto à Regiæ conatu diversoriorum sacello adjacens obtinetur. 277

ad magnæ DEI Marris ( hæc enim magis , quàm vel Sadorfcus, vel Rudnicus, vel ipse etiam Sigismundus Rex , Regiivē proceres aut Principes, *terribilis ut cæstrorum acies ordinata*, & hæresin, & omnia hæreseonfomenta, amoliri ab illa sua Lindensi Regia videri voluisse potest ) triumphum atque decora pertinebat, ne quid, quod vel ad injuriam sacrorum, vel ad contumeliam quoquomodo facere posset, se & in vicino possiderent. Quocirca illa, quæ & Regem, cum tota Regia, ut credi par est, & Rudnicum Episcopum cum Sadorfcio, cæterisque piis, ad vindicandam loci Regiæque illius suæ possessionem tacitè stimulârat, videtur eosdem pariter ad vindicandum diversorium illud, & in peregrinorum suorum usus occupandum aptandumque stimulâsse. Postquam igitur Sadorfcus Rudnicum, & hic Regem, ea super re, quantum par erat, edocuit ; Rex Grobenium in Ducatus Ducisquæ sui causâ, apud se, pro more, versantem, coram ea de re appellavit : neque ille, quin Regi adpromitteret, committere potuit. Ne tamen iterum suo more, moras aliquas internecteret, simul atque domum ab Regia fuerat digressus, per Epistolam Idibus Februar. Anni MD CXIX. datam, est iterum à Rege, uti ex adjuncta eadem Epistola patet, appellatus.

Generoso Ottoni à Groben, &c.

Sigismundus III. DEI gratiâ Rex, &c.

Generose, fideliter Nobis dilecte : Existimamus adhuc recenti habere memoriâ Fidelitati tuæ promissum illud, quod Nobis ratione Tabernæ, generoso Stephano Sador-



dorsky Secretario nostro, in possessionem & usum tradenda prestitit; neque dubitamus idem effectus ipso comprobaturam. Cum tamen ex reverendo in Christo Patre, Domino Episcopo Varmienſi intellexerimus, multum & ad opportunitatem illius loci, & ad devotionem commodius exercendam conducere; si quam primum Ecclesia illi adjungeretur; atque ex ea ratione Ecclesia illius securitati indeunitatiq̃ue, sublati omnibus impedimentis prospiceretur; dandas hasce iterum ad Fidelitatem tuam duximus; velit hac in parte memorato Secretario nostro gratificari, requæ ipsa declarare, spem nostram de promisso à Fidelitate tua præstando, non inanem fuisse. Non deerunt quoque occasiones, quibus Nos studii huius Fidelitatis tue, gratos esse, exhibebimus. Quam de cetero bene valere cupimus. Datum Varsavia die XIII. mensis Februarii Anno Domini MDCXIX, Regnorum nostrorum Polonia XXII. Suecia verò XXV. Anno.

## SIGISMUNDUS REX.

Nequaquam potuit amplius siue promisso suo, siue potius Regiæ voluntati authoritatiq̃ue Grobenius adversari, quin et jam Taberna illa cederet; potuit tamen Sadorſcium, ut aliam sibi, Lindenſis loco, alibi procuraret, adigere. Et adegit sanè; vix enim circumactis aliquot mensibus, exhibuit illi Sadorſcius Cauponam aliam, trans Heilsbergam unius circiter horæ intervallo in *Rauman* sitam; non sine aliquot, quæ Sadorſcium premerent, jam antè adjectis superiore anno conditionibus. Super quibus, tabulæ inter eos III. Non. Decemb. Anni MDCXVIII. conferiptæ ac signatæ in Tabulario Lindenſi hujuscemodi extant.

Quarto à Regia conatu divaforiū facello adjacens obtinetur. 279

Hodie conventum est, ut contractus permutationis pro Capella Lindensi, & Taberna cerevisiaria, antea inter nos initus, nunc etiam secundum vigorem litera, in omnibus punctis firmus esse & manere debeat. Cuius causā ego Stephanus Sadorsky S. R. M. Secretarius, magnifico Domino Ottone à Groben, Capitaneo Schackensi, Tabernam in Raunau, illustrissimi Episcopi consensu à me emptam, simul cum horro hodie tradidi; efficiamq; ut Tabernator debitos census & operas, illustrissimo Domino Episcopo ex istis mansis praestet; ne, quidquam mensa episcopali decedat. Et si posthac praedictus Dominus Capitaneus Tabernam potius vendere, quā iure suo uti voluerit, tum ego idoneum emptorem ipsi procurabo. Quod si etiam praesens inhabitator Taberna, pro cerevisia ei non satisfecerit, & sic in as suum incurrerit, tum promitto, me eius nomine, quidquid abhinc intra octo septimanas, pro debito ei ratione cerevisiae restiterit, solutionem facturum. Pro cuius rei fide hanc obligationem, manibus & sigillis nostra communivimus. Sislaky III. Decemb. Anno MDCXVIII.

(L.S.)

Otto à Groben,  
Capitaneus Schackensis  
mp.

(L.S.)

Stephanus Sadorsky,  
S. R. M. Secretarius  
mp.



## CAPUT IX.

Arca, pro futura sacelli fabrica, magno operarum labore purgata, ipsoque Præsentationis B. V. die aperta, numismata & Altare in eadem reperta.

**I**lluxit tandem aliquando desideratissima, & tot tantisque piorum votis expectita diutissime dies; qua restaurando Lindæ Marianæ sacello manus admoverentur. Simul enim atque Sadorscius, Sigismundi Regis, Regiæque Domus & Aulæ ope atque operâ, Lindæ possessionem adiit, ad futuram sacelli fabricam, quantâ maximè potuit, celeritate se accinxit. Neque Rudnicius Antistes, qui ad vindicandam Lindam primum præcipuumque admoverat laborem, ad inchoandam promovendamque fabricam deesse potuit. Placuerat, non aliò, quam quo olim steterat, loco, recens postliminio sacrarium collocare; adeoque iisdem, si fortè adhuc extarent ac reperi possent, superstruere fundamentis; ut non tam novum, quam Phœnicis adinstar, illud ipsum, quod diu antè vigerat, videretur resurgere ac renasci: Ipse lapidum ruderumque acervus ingens, quo primum loco Deiparæ Ædes posita fuisset, spectantibus facile monstrabat; sed idem ipse acervus, quò magis in tantam assurrexerat molem, eò & fundamenta vetera, & ipsam sacelli plantam, quasi sepultam, magis occultabat. Eruderandus proinde ante omnia erat locus; &, purgata ab imo area, producenda in lucem prima illa vetustissimaque sacrarii fundamenta. Verùm *hic labor, hoc opus erat.* Præter enim residua prioris sacelli rudera, & aggesta undique saxa, tantum à sacrilegis icono-

iconomachorum manibus, de colle juxta posito, in excisi aream sacelli affusum erat arenæ, aggestum quæ leætatum undiq; sordium ac purgamentorum, ut unde primùm operæ aggredierentur opus, aut quâ tandem parte manus admoverent, difficilè etjam Sadorfcio præsentî constaret. Non pauciores triginta, ligonibus, bipaliis, sarculis, aliisque fossoriis ad opus instrumentis probè armatas, principio admovit operas; neque operæ segnius operi, quàm decebat, manus admoverunt: sed quò magis incumbunt, eò videbantur promoverè minùs; ut post gravissimum prioris diei laborem, non infectâ modò, verùm & desperatâ propè re abierint. Sed, non Sadorfcius perinde atque operæ, despondere animum potuit; quippe qui in Deiparæ auxilio spem fiduciam quæ omnem ita defixerat, ut qui priorum tot laborum ac votorum tantopere esset compos factus, de posterioribus nefas sibi, vel tantillum, ambigere duceret. Itaque postero die, iterum operas, ut antè operi admoveret; sed non alio, quàm antè, conatu; quin majore, quàm antè tum fastidio tum dolore, aut potius desperatione. Instabat proximus Deiparæ, in Templo præsentatæ dies, qui in ix Kal. Decemb. incidit; quò majore spe animoque erectus Sadorfcius, de purganda in illum diem Area, omnes curas cogitationes quæ suas confixit; minimè dubius, eò magis affaturam singulari auxilio Deiparam, purgandæ illâ die Ædis suæ Areæ, quò plus in eadem Area, quod purgaretur, esset repertum; ut jam tum, quasi cum instaurata sui in Templo præsentatione, sui apud Lindam Templi possessionem adiret. Quocirca ubi primùm



mum diluxit, operi vixdum inchoato, tertium instare alacrius jubet. Res mira, ac prodigio similis omnibus visa, adeoque jam ante à Ciaritio annalibus hunc in modum prodita. *Tantam arena ac rudenum molem, ex illius loci area, per homines triginta, intra medii diei spatium, egestum fuit, quantum aliàs trecenti vix biduo egestissent.* Quocirca omnes inde sibi mutuum gratulari, juxta, ac gaudere; sed præ omnibus, ipse Sadoriscus triumphare ac propè exilire gaudio: tantoque majoribus, melioribusque spei ac fiduciæ auris vela implere, quò majora divinæ in ea causa benignitatis ac providentiæ monumenta, quasi manu jam tenebat. Nam & illud, quantum omnibus in commune gaudium fiduciamque attulit, quòd, ubi paulò altius effossa est humus, ipsum diruti olim sacelli pavementum, & statumen coctili lapide tot ante secula stratum, oculis se spectandum objecit? Cujus sub adspectum, dum animosius operæ instant, numismata quædam inter rudera, gratum oculis spectaculum acciderunt: quæ quidem cum nonnisi in ipso rudenum fundo patuissent, simul inde etiam animus patuit, illa haud nuper, sed sub ipsum excidii tempus jactata à piis, & postmodum superaggestâ arenâ ruderibusque fuisse obruta. Neque enim pietas religioque hominum, quæ tam diu apud omnes eminebat, subruì ita potuit, quin per denarios etiam intra rudera jactatos, aliquod sui vestigium loco religioso imprimeret. Sed & ipsis operis egestionì animosè instantibus, non modicam impresserunt alacritatem, ut eò magis connitendo  
opus

opus promoverent. Quod dum faciunt, præter omnium spem, atque expectationem, Altare, quod cum sacello subrutum unà fuerat, inter rudera propè integrum repertum est. Hic verò universi, Sacerdotio præeunte, in gratiarum actionem laudesque Deo agendas, effusi iterum sunt. Tamen enim Altare illud, ob situm, infra terram integro seculo contractum, amplius usui esse non posset; exhibebat tamen omnibus manifesta vetustæ Catholicæque pietatis monumenta. Sed & apertâ eodem tempore, veteris sacelli fundamenta plurimum addiderunt lætitiæ & alacritatis. Licet enim, quâ parte supra terram fuerant educta, tum ab aggesta desuper humo, tum multò magis à frequentibus integro seculo imbris, pluviis, nivibus, & id genus tempestatibus, vitii nonnihil contraxerant; facilè tamen repurgari ac refici, proinde & ad accelerandam tuo tempore fabricam, maximo poterant esse usui. Super omnia verò, gaudium universis accumulavit, ipsa præsentatæ eo die Virginis in Templo Hierosolymitano memoria. Persuadebant enim sibi, quemadmodum ipsa Deipara, die illâ, uti sanctus Damascenus (a) scribit, adducta in Templum, plantata in domo Domini, & impinguita Spiritu, veluti Oliva fructifera, omnis virtutis habitaculum facta est; cum ab omni seculari vita, & carnali concupiscentiâ mentem abduxisset; & sic virgineum animum, simul & corpus conservasset, ut decebat eam, quæ in sinu Deum susceptura erat: ita in illo Deiparæ sacello, non secus atque olim, super-

(a) lib. 4. orthodox. cap. 15.



superstite Tiliâ, quod jam alio loco advertimus, Deiparam instar semper florentis ac vigentis virentisque Tiliæ, & frondibus, & floribus, & umbrâ, & omnibus erga mortales benignitatis, beneficentiæ, patrociniique officiis certaturam: eò fortasse magis, quò iterum Linda Mariana, à seculi istius potestate exempta, illiusque concupiscentiis minus jam obnoxia, Dominæ ac Patronæ suæ cælestis, intaminatam ac perpetuam imitari deinceps videretur posse Virginitatem.

### CAPUT X.

Sacellum intra anni spatium reedificatum, atque eximio splendori restitutum.

**Q**Vo tempore repurgandæ in fundo Lindenſi A-reæ intendebat Sadorſcius, eodem cum ille quoque, tum ipſemet Rudnicius Episcopus materiem futuro operi fabricæque strenuè apparabat. Neque apparabat ſolùm, ſed et jam, cum per hibernas nives, carpentaria, ut vocant, viâ non leviter jam ſtrata, trahis ſive chamulcis commodam, ultro citroque commeandi occaſionem jam dediſſet, undique curabat deportari. Ac ligna quidem è vicinioribus Reſſelio ſilvis, uti & ſaxa ex agris vecta ſunt; at laterculi coctiles, uti & calx, & ferrumen cæmentorum, non tantùm Reſſelio, veiùm & vicinis ex oppidis, potiſſimum verò Biſtenio, Biſburgo, Seeburgo, atq; Heilsbergâ deportari oportuit; ut & hæc oppida, unde de reſtaurato Lindenſi ſacrario gloriari jure poſſint, abundè habeant. Quæ hieme perfectæ cum eſſent, appetente primùm vere, ut fabri cæmentarii murum quàm

quàm citissimè educerent, Sadorscius omnes curas cogitationesque intendit. Et tanta fuit, cum illius vigilantia, tum alacritas contentioque structorum, non pactam magis mercedem, quàm Dei & Deiparæ gloriæ, ob oculos sibi positam assiduè habentium; ut anno vixdum circumacto & parietes, & tectum, imbricibus solidè excoctis munitum, tantò maiore omnium gaudio, quantò minore præconceptâ spe, constiterint. Et tectum quidem, non, ut ante excisionem ferrur fuisse, cum compluvio, sed (quandoquidem Tilia quæ Tecti vicem ex parte suppleret, nulla jam erat) integrum, & quidem peccinatum, sive displuviatum, cum suggrundiis austrum & boream versùs porrectis, statui oportuit; gemino Orientem occidentemque versùs culmine seu pteromate, non ad firmitatem solùm, verùm & ad elegantiam pulcherrimè fastigiato. Cui egregiâ structorum operâ atque dexteritate, ad instar cælaturæ cujusdam variis discriminato projecturis, ne quid elegantix decorisque deesset; aut potius ne eorum, qui in vindicanda restaurandaq; Linda Mariana plurimùm adjuvissent, memoria subito intercideret, adhiberâ pictorum operâ Sadorscius providit. Ac medium quidem locum dedit serenissimorum Poloniae Regum insignibus quia eorum maximè operâ, auctoritate, atque studio Linda vindicata est: tum deinde dextrum serenissimorum Prussiae Ducum, uti & sinistrum illustrissimi Episcopi Rudnicii signis; quia, ut istius summâ contentione atque impendiis, ita illorum æquitate juxta auctoritate est restaurata, & contra malignorum insultus æternùm stabilita. Ad eandem sacellæ



crae Aedis elegantiam, vel potius ad excitandam populi adventantis pietatem, adiecit Sadorfcus epigrammata ipsius suggrundiis Latinâ Germanicâque linguâ proximè inscripta, commodissimèque ex sacris literis sumpta. Septentrionem & Occidentem versùs inscriptus est locus ex 2. Paralipomen. libris (a) *Oculi mei erunt aperti, & aures meae rectae ad orationem eius, qui in loco isto oraverit. Elegi enim, & sanctificavi locum istum, ut sit nomen meum ibi in sempiternum, & permanent oculi mei & cor meum, ibi cunctis diebus.* Ad Austrum, occupat locum versus ex eodem libro (b) *Aperi oculos tuos, super domum istam diebus ac noctibus: super locum, super quo pollicitus es, ut invocaretur nomen tuum.* Denique ad Orientem ex alio ejusdem libri loco (c) *Audivi orationem tuam, & elegi locum istum mihi in domum sacrificii.* Cæterùm ut illa, quæ olim à Tilia, sacellum tectumque sacelli egressa, adeoque Tecti vicem obeunte, sive majestas, sive elegancia, non magnopere desiderari apud Lindensem Ædem posset, variis tecto ornamentis additis compensavit Sadorfcus. Nam & in supremo pinnaculi vertice Occidentem versùs spectante, quasi coronidis loco, Angeli statuam affabrè cælatam, Christi que de Cruce pendentis effigiem manu utrâque præferentis, non sine raro & gratissimo intuentium spectaculo posuit: & in Orientali pinnaculo, Turriculam pro ære campano, è muro lateritio eduxit, tecto que hexagonâ figurâ in apicem desinente eandem coronavit: & ad extremum alterâ itidem turriculâ quadrato te-

(a) cap. 7. 15. (b) 2. Paral. cap. 6. 20. (c) cap. 7. 12.

to tecto, pyramidis instar, in altum assurgente, machinæque ad horas indicandas suo tempore construendæ ului futurâ, medium sacelli tectum exornavit.

Jam verò intra sacellum ipsum, majore etjam cultu atque elegantia Sadorfcus ornare pleraque aggressus; lacunar quidem è ligno & asseribus posuit, sed nequaquam rudî operâ. Nam & asseres infra tigna atque trabes, non modò runcinâ examussim poliri arctissimeque sibi commissi, verùm & intertingitis, areolarum in morem variè distinctis, & rosis nitidissimè sculptis auroque litis, ad areolarumque extrema ubique decenter interfertis, tabulatum aspectu gratissimum reddunt; & ipsæ tabulati areolæ (quæ sculptis itidem, auroque vel argento perlitis fertis undique clausæ, varias Christi passî, Deiparæque imagines, coloribus accuratè expressas includunt) pietatem ac religionem, amænitati mixtam referunt; ut intuentibus jure liceat illud S. Paulini in VI. Natali usurpare.

*Ecce vides, quantus splendor, velut Æde renatâ*

*Rideat, insculptum camerâ crispante lacunar!*

Quibus S. Paulini versibus, qua amœbæum respondet carmen, majori Ædis nostræ Aræ inscriptum:

*Vernascit Tilia decus immortale renata.*

Porro Ara major, quæ sola initio posita erat, pro illius temporis usu, etjam vulgarem artis censum supergressa, principe loco magnæ Dei Matris effigiem, ad modum Romanæ (quam à sancto Luca pictam, vulgo *maiorem* appellant)

*contig-*



continebat expressam; cujus tamen loco, quia loci religionisque dignitati, non satis ex æquo videbatur respondere, Patres Societatis, simul atque Lindæ Marianæ curam susceperunt, aliam (quæ hodieque, magna cum Majestate & populi veneratione, Aram Ædemque exornat) curârunt, manu Bartholomæi Pens pictoris Belgæ; qui captâ à Sueco Elbingâ, Vilnam usque commigrârat, præclarè effictam. Ad latera ejusdem Aræ, super ipsas, quibus Ara claudi solet, valvas curavit idem Sadorscius, hinc quidem S. Stephanum Protomartyrem, inde verò S. Ignatium Societatis Jesu Fundatorem pingi; utrumque Patronum singularem suum: nam & illius nomine, ab ipso sacro lavacro, initiatus erat; & hujus Societati Lindam, quemadmodum suo tempore evenit, jam tum (quò videlicet uberiores in peregrinorum aliorumque omnium Lindam frequentantium provenirent fructus) animo destinârat. Verùm dum Aram, aliæque sacelli ornamenta, quæ percensere operosum esset, Sadorscius, pro sua pietate industriaque maturat, majore etjam curâ, cætera, quæ ad sacram divini sacrificii in Ara faciendi supellectilem attinebant, procurabat: quæ quidem, sive calices, sive sacram vestem spectes, plerarumque Ecclesiarum aliarum, quæ diutissimè antè in Prussia, alibi que viguerunt, supellectilem abundè superabant.

Et si verò tum ea, quæ diximus, tum multa insuper alia; ad instaurationem sacelli, domusque in usus sacerdotum ipsi sacello adjunctæ necessaria, per se ipsemet Sadorscius agebat; plurimùm tamen etjam aliorum, præsertim Rescliensium civium consilio & o-

perâ

perâ adjutus est. Quos inter strenuam cum omni familia sua navavit operam Joannes Ageison; qui non modò nomina ac rationes omnes in adversaria referebat, ideoque fabrûm aliarumque operarum præcipuam gerebat curam; verùm & suis quoque impendiis, quæ apud superstitem ejus viduam ipse vidi, non pauca in restaurandæ Lindæ usum faciebat. Erat Joannes patriâ Danus, literis & Philosophiæ quoque studiis, in quibus Artium Magister creatus erat, præclarè instructus: religione verò Catholicâ, quam cum literis apud Patres Societatis Jesu hauserat, majore et jam cum laude, ad promovendam aliorum salutem incitatus. Proinde, in patriam Lutheranâ ubique hæresi laborantem redux, ductâ uxore & ad Ecclesiam Catholicam feliciter reductâ, literarium ludum, magna cum nominis fama, aperuit: juvenus enim non scholam modò verùm & mensam præcipua frequentavit; parentibus aut propinquis id enixè ab eo flagrantibus; eò quod illius commissos disciplinæ, non literis solùm, verùm & moribus egregiè viderent omnes perpoliri. At ille, quemadmodum fixum animo apud se habebat, juvenibus, quos idoneos advertebat, Catholicæ fidem Ecclesiæ moresque sensim instillare, & ad divinæ ludum sapientiæ, quâ valebat industriâ, eosdem promovere. Neque minimum constitit operæ precium. Non pauci adolescentum ad Ecclesiam reducti, aut ut mox reducerentur, ad scholas Societatis Jesu plerumque ab eo Brunsbergam directi, ad suam aliorumque salutem gnaviter formabantur. Non potuit tanta Joannis virtus ad extremum latere: incurrit in aliorum, & maxi-



mè ipsorum Prædicantium oculos; qui, cùm per alias  
 quasdam quasi rimas, tum maximè per libros ( quos  
 illi adolescentes Brunsbergæ atque alibi scriptos, ut  
 aliis quoque contri-  
 bulibus suis, Catholicæ lumen  
 veritatis exhiberent, studio quàm exitu meliore, in  
 patriam submittebant) illam veræ fidei lucem, à Jo-  
 annis promicare ædibus tandem agno-  
 verunt. Quorū  
 circa lymphaticorum in morem, omnia Regis ad  
 Regni tribunalia in Joannem ira armant, ut ille se, ad  
 familiam suam, immani juxta ac subitæ tempestatē  
 subducere vix potuerit. Subduxit tamen, contēns  
 feliciter tot inter pericula navi; ac D<sup>no</sup> duce primū  
 Brunsbergam, inde ad Rudniciū Episcopum Heils-  
 bergam appulit: à quo humanissimè paterneque ac-  
 ceptus, Resselji demum ( coemptis Friderici Beren-  
 de quo aliàs diximus, ædibus) sedem fixit; vel eò non  
 infelix, quòd instar Abrahamæ, *de domo & cognatione sua*  
*egressus*, non modò in terra, ad quam D<sup>eo</sup> duce vene-  
 rat, eidem D<sup>eo</sup>, qui illi in divina ad Catholicam Ec-  
 clesiam vocatione apparuerat, Altare (dum ad Lind-  
 Marianæ instaurationem juvat) erexit (a) verūm  
 filium suum Gorgonium, *super unum* tot religio-  
 rum in Ecclesia Catholica *montium*, tanquam alte-  
 rum Isaac, in Societate Jesu obtulit: in quo, & pe-  
 quem, divinam accepisse credendi sunt benedictio-  
 nem, non ii duntaxat, qui sub tanto in Academia Vi-  
 nensi, Theologiæ jurisque Canonici Professore at-  
 que Doctore, literis sublimioribus ac omni pietate  
 hactenus sunt imbuti, verūm & ii, qui per eosdem  
 eorumque posteros, futuris imbuentur temporibus

CAPUT

(a) Gen. 12. 7.

## CAPUT XI.

Sacellum Lindense à Rudnicio Episcopo consecratur, & B.V.M.A.  
RIÆ summâ animi exultatione dedicatur.

INaurato Lindensi sacello, unum illud, quod omnibus sacris Ædibus, quasi sacræ cujusdam coronidis loco addi solet, adhuc deerat, Consecratio videlicet atque Dedicatio. Obtinuit enim non in veterè duntaxat Testamento, verum & in ipsa à Christo Domino instituta Ecclesia, jam inde à primis Christiani nominis temporibus, constantissimus usus, atque consuetudo; ut & recens extructorum, & restauratorum pōstliminio Templorum Encæniam, non sine maxima populi Christiani lætitia atque exultatione agitentur. Liber vel unicum ex omni antiquitate exemplum, quod Eusebius ad causam nostram peraccommodum refert (a) hoc loco memorare. Posteaquam enim recensuit, quo pacto à Maximini aliorumque Tyrannorum obitu, Pax Christianis, vel potius, ut Eusebius ipse loquitur, *lux solis Ecclesiis, ac Templis illustrior affulsit*; continuo addit; *Ex quo aderat cunctis, velut divino munere infusa lætitia, maxime videntibus ea loca, quæ pauld antè impiis Tyrannorum machinis fuerant destructa, redivivâ constructione clariora & celsiora consurgere; Templaque excelsa præ humilibus conventiculis elevari.* Deinde, & de ipsa Ecclesiarum consecratione ita scribit; *Festivitates à nostris frequentissima agebantur cum omni lætitia & exultatione, dedicationibus Ecclesiarum per urbes & loca singula celebratis.* Magnopere quoque Lindensis Ædis dedicationi prælusit ac præluxie

(a) lib. 4. hist. c. 10.



exemplum Machabæorum longè illustrissimum. Templum à gentilibus, hîc ab hæreticis dirutum, in profanos usus conversum est : ibi à Juda Machabæo electi sacerdotes, qui mundarent sancta (a) hîc Regiâ, ut vidimus, autoritate, magnus sacerdos Rudanicus, manum cum suis, repurgando admovit loco. Ibi adificaverunt sancta, & quæ intra domum erant intrinsecus; & Ædem, & Atria sanctificaverunt (b) hîc omnibus intra Ædem sacram restitutis, unica defunctæ Consecratio atq; Dedicatio; quam idè Pontifex, per se tandem absolvit. Ibi facta est lætitia magna in populo & aversum est opprobrium gentium (c) hîc Dedicatio maximâ omnium orthodoxorum gratulatione peracta est, aversumque opprobrium lætiorum. statutum est, ut agatur dies Dedicationis ab anno in annum per dies octo, cum lætitia & gaudio (d) qui dies festus accepit nomen Encenia, quod etiam in Evangelio retinet (e) aliàs, teste Josepho (f) festivitas luminum, vel etiam lumina dictus; Vocamus, inquit ille, hanc festivitatem luminum, opinor ideo, quòd ex insperato illuxerit nobis tanta felicitas: hîc non tam annua, quàm perennis ac perpetua quædam, à populis undique indies confluentibus festivitas agitur; quæ etiam festivitas luminum dici possit; quia per hæc Encenia (quæ juxta Redanum (g) Initialia sive Renovationalia, si laudareret, appellari possent) & loco prisca religio atque dignitas iterum afflur; & populis in Cimmeria lætætarum caligine juxta degentibus, Catholicæ lux ve-

(a) 1. Mach. 4. v. 42. (b) v. 48. (c) v. 58. (d) v. 59. (e) Ioann. 10. 22. (f) lib. 12. antiq. cap. 11. (g) ad 1. Mach. 4. §. 83. & seq.

ritatis, quasi è Pharo quadam accendi atque lucere  
 cepit. Denique & à singulari, quæ in animis piorum  
 repente emicuit, gaudii lætitiæ quæ luce, festivitas illa  
 unum fuit. Quæ quidem lætitiæ lux, etsi commu-  
 nis omnibus fuerit, Rudnicius tamen Episcopus il-  
 lam sibi præ omnibus singularem expertus est; aut  
 certe reliquis omnibus præripuisse visus est. *Vnus*  
*hoc*, inquit de eo Ciaritius (a) antequam universa car-  
 nali viam ingrederetur, ille summo desiderio optabat; post re-  
 ceptum jam & expiatum Elbingense Templum, cultumq;  
 orthodoxæ pietatis in illud postliminio reductum: post Regio-  
 montanum Romana Religionis exercitium procuratum; ut  
 Mariana Tilia Oratorium cernebat restitutum. Vidit, ante-  
 quam Spiritum celo redderet, & immensè lætatus est; cy-  
 pneumq; illud ac divinum acroama, in quod Simeon quon-  
 dam, viso contrectatoq; in infantilibus Deo proruperat,  
 exultante spiritu pius Antistes cecinit, ex mortali vitæ eru-  
 gna petens dimitti. Et satius se ad eam diem vixisse reba-  
 tur, vir immortalis vitæ dignus, cum non solum, B.V. Orato-  
 rium eleganter readificatum intueri; sed etiam illud Deo  
 Opt. Max. solemnibus ceremoniis sacrare, & sacratissima  
 regi Mariæ, Christiano ritu addicere, divino munere illi  
 concessum fuisset.

## CAPUT XII.

Rudnicii, succedentiumque deinceps Episcoporum Varmiensium, in  
 B.V. Lindensem, religio, pietas, ac munificentia.

Defunctus longâ & diuturnâ jactatione Rudni-  
 cius, restaurato & dedicato jam Lindenſi ſacel-  
 lo, in portu lecurus ac hilaris jam ſtabat votorum;

T 3

pote-

(a) pag. B. 5.



poteratq; quando, & quoties libebat, suæ erga Lin-  
dam Marianam pietati laxare vota. Et laxavit sanè  
quoad reliquum vitæ superfuit. Nam, quoties ille  
supplex quovis anno illuc accessit? quoties vota sua  
gaudio, agendisq; gratiis mista geminavit? Non  
erat opus, ut eum, quemadmodum plerosque, aut  
morbus, aut necessitas aliqua, casusvè eò cogeret; ul-  
tro, ac libens, volensq; identidem accurrebat; ut  
delitiis suis, & quidem tam diu, tantaq; contentio-  
ne quæsitis, tandemq; partis coram frueretur. S-  
enim prius quàm sacellum restauraretur, aut ipse lo-  
cus sacer vindicaretur, committere non potuit, quin  
eò animi sensu, ac pietate, qualem Ciaritius oculatus  
interdum testis descripsit, identidem accederet; quic-  
censemus deinceps ab eo factum? Non celanda hoc lo-  
co videtur, inquit Ciaritius, in sacrum hunc locum, rever-  
rendissimi olim & pientissimi Prasulis Varmiensis Simoni  
Rudnicii, dum viveret, affectio. Ardebat perpetuò, flam-  
mantis illius pectoris, erga eius solitudinem devotio, pietas  
exundabat. Solitus erat proinde quotannis, comitante uni-  
versâ familiâ, senili provectâq; ætate nequaquam retar-  
dante, ad sacratissimam Virginem eò loci venerandam, pre-  
destre iter aliquoties instituere. Inter viam profundum  
quod divina decet, silentium; elevatio mentis in Deum lo-  
gè à terrenis semota; interdum precatoriarum sphaerula-  
rum versatio adhibebatur, interdum voce Deus, voce Ma-  
ter Virgo celebrabatur, pio Antistite sacri chori duce pre-  
eunte. Postquam verò locum sacrum attigisset, senili  
membra honorabilis Prasul terre illidebat; ex imis cor-  
latebris, suspirabundi erumpabant gemitus, singultus gemi-

Episcoporum Varmienſ. in B. V. Lindenſem pietas & liberalitas. 295  
nabantur: oculi ſtillantes lacrymis liqueſcebant, & uber-  
tim deſertum locum rigabant. Arcanas hi iungebat pre-  
ces, crebra condensabat ſuſpiria; Deum ad miſericordi-  
am adverſum ſe, adverſum alios provocantum; & ſuperni-  
ſa abundantiſſe conſolatione ſuperfuſus, votorum certus, a-  
lacer ſe domum recipiebat.

Rudnicium ſecuri deinceps Antiſtites, preſſa ab  
illo veſtigia ad Lindam Marianam conſtantiſſimè  
triverunt. Primus, qui ab ejus obitu Episcopam Var-  
mienſem tenuit, fuit ſereniſſimus Princeps Joannes  
Albertus, Sigifmundi III. Regis filius: qui, quemad-  
modum cæteris in virtutibus, ita & in iſta Domui  
Regiæ erga B. V. Lindenſem pietate, minimè dege-  
ner, inter plura, quæ pro maximo ſuo in eam ſtudio,  
animo deſtinârat, unum quoque opere ipſo præſti-  
tit, & quidem plurimi æſtimandum: quando ſacel-  
lum Deiparæ Lindenſis, unâ cum adjuncta ædicula  
Societati Jeſu Collegii Reſſeliensis donatum, pro-  
ea, quâ pollebat authoritate, non modò confirmavit,  
verùm & immunitati libertatibusque eccleſiaſticis  
utrumque adſcribendo, locum, quem Iconoclaſtæ  
tam diu profanum reddiderant, ſacrationem effecit,  
& à ſeculi hujus jugo ad eccleſiaſtica libertatis am-  
plitudinem dignitatemque provexit. Quibus de re-  
bus, neminem magis, quàm ipſum in diplomate,  
quod diligenter aſſervatur, loquentem audire juve-  
rit.



*Ioannes Albertus, DEI gratiâ Polonia & Suecia Princeps,  
Episcopus Varmiensis.*

CUM & muneris nostri, divinâ voluntatē ad nos delati, rationes, & laudatissimorum majorum nostrorum quotidiana fere exempla postulent, ut nihil magis quàm cultus divini propagationem & augmentum ubique sed vel præcipuè in Episcopatu, curæ nostræ commisso, in votis habeamus; non possumus non mirificè complecti piorum vota, liberalitatem & largitiones, quibus ceu validissimis fulcris idem cultus Numinis divini non tantum firmiter lustineatur, verum etiam magis ac magis in dies non vulgari fidelium consolatione felicissimè promoveatur. Proinde cum diebus proximè elapsis & Commissariorum nostrorum, non ita pridem ex Episcopatu nostro reversorum relatu intellexissemus, & ex Authenticis documentum percepissemus Nobilem Stephanum Sadorsky Capellam muratam Lindensem B.<sup>mæ</sup> Virg. Mariæ prope Resselium in Ducatu Prussiæ ad fines Provinciales sitam unâ cum domo eidem Capellæ vicina religiosis Patribus Soc. Jesu jure culmen perpetuo & irrevocabili dedisse, donâsse, atque ad Acta sive coram officio nostro Heilsbergæ die 7. Maji Anno proximè elapso MDCCXXI. inscripisse, & in perpetuum judicialiter resignâsse, eandemque simul inscriptionem & resignationem nomine eorundem religiosorum Patrum Soc. Jesu, ab ipsismet Patribus tum præsentibus acceptatam atque iisdem Archivis nostris insertam & munitam esse, summopere recreamur, vel eo præsertim

tim quod isti Religioni siue ordini locus is celeberrimus cesserit, cujus sana & salutaris doctrina nec non sancta exempla uti multas alias provincias & regna, ita Episcopatum quoque erexerint, confirmarint, illustrarint, & nunc etiam feliciter fauentibus superis sustineant & illustrent. Ut itaque præmissa omnia robur & firmitatem debitam obtineant, non solum petitioni & precibus eorundem reverendorum Patrum benignè annuendo, verum etiam pro debito muneris nostri augendi cultus divini studio, & erga eosdem Patres singulari animi nostri propensionem superius expressam donatione, inscriptionem, resignationem & cætera omnia in præmissis facta Authentica nostra ordinaria confirmanda esse duximus, uti quidem in Dei nomine ratificamus, confirmamus, eandemque Capellam unâ eum fundo, in quo consistit, & domo vicina immunitati Ecclesiasticæ adscribimus harum testimonio literarum, quas robur perpetuæ & irrevocabilis firmitatis habere volumus. In maiorem omnium præmissorum fidem præsentibus manu nostrâ subscriptas sigillo nostro muniri iussimus. Actum & datum Varlaviz die 6. mensis Junii Anno MDCXXXII.

*Ioannes Albertus*

(L.S.)

*Iacobus VVierzbienta Doruchorosky.*

T s

Ea-



Eâdem planè tempestate, quâ serenissimus Princeps Joannes Albertus Episcopatum obtinebat, illustrissimus D. Michaël Dzialynsky, hoc quidem Camenecensis, illo verò tempore Hipponensis Episcopus, unaque suffraganeus & Canonicus Varmienfis, vices Principis, divinis potissimum in officiis, ita supplebat, ut tamen in cultu ac pietate erga Deiparam Lindensem suas quoque partes strenuè obiret: neque enim solum adire locum sacrum per occasionem, verum & præclaris ornare donis in usu habebat. Extat adhuc Calix argenteus pro facienda re divina ab eo datus; plerisque multum acceptus, ac præ reliquis adhiberi solitus, sive quod inter primos fuerit Deiparæ Lindensi oblatus; sive etiam quod ad usum sacrificii, præ cæteris, videatur accommodatior.

Principi Joanni Alberto in eadem juxta Provincia Varmienfi, atque in singulari erga B. V. Lindensem pietate, successit illustrissimus D. Nicolaus Szyszkowski: qui, sicut pro officii sui ratione ac dignitate, verissimè cum Regio vate, *dilexit decorem Domus Dei*; ita cum cæteras omnes, in tota Diocesi, Ecclesias, beneficiis, muneribusque cumulasset suis, ut propè nullum sit Templum vel Ædes sacra, quam ille vel Calice, vel Pyxide, vel Cruce, vel alio ex auro, argento, vestibibusve sacris, etiam precii majoris, munere non ornârit; in Lindensem tamen Deiparæ Ædem singulari ferretur studio, atque beneficentiâ. Tamen si enim ad fundandum, & ab imo struendum Societati Jesu, tum Templum, tum Collegium Refectui animam curamque omnem addixisset; destinârat tamen animo, in ornanda augendaque Linda Maria-  
na, su-

na, futuro majori operi ante quasi proludere: fecissetque, uti destinârat, nisi quorundam (nescio, quid Lindæ intra fines A catholicorum sitæ, haud satis prudenter metuentium) consilio & suâ ad novam Ædem, rotundâ figurâ, in deserto, juxta villam Springborn loco, ædificandam, manus animumque vertisset. Neq; tamen sic à Linda Mariana, quàm frequentissimè quotannis revisebat, liberalissimas potuit subtrahere manus, quin supra frequentes ex ære suo largitiones, quarum ego admodum conscius sum, Lindensi sacello, pro sacratissimo Eucharistiæ sacramento asservando, Pyxidem argenteam auro undiq; inductam, juxtaque precio ac magnitudine excellentem dicaret.

Nicolao Szyszkovio, non sine plurimorum dolore, rebus humanis exempto, occupaturus jam sedem erat, cujus & Regum Poloniae & Summi Pontificis auctoritate jus adierat, illustrissimus Dominus à Konopat, Konopatus: sed fati antè concessit, quàm suam, in sua quoque Prussia, Varmiam prehensisset. Non pauca & ille, tum in Collegium Resseliente, tum in Lindam Marianam, apud animum suum consignârat beneficia; quæ et jam R. P. Georgio Leyer, uti fidissimo in peregrinatione Gallicana socio, sæpius coram exprompserat; sed piissimam optimi Præsulis, quanquam necdum ad coronidem ipso opere promotam voluntatem, gloria non hujus seculi, quæ plerumque aliquo vanæ gloriæ fumo deflorari solet, sed illius beatoris, uti spes est, excepit.

Decedentis Konopatii provinciam, ut & studium in Lindam Marianam propensissimū, occupavit illustriss-



strissimus Wenceslaus Comes à Leszno; cujus etiam  
 num divinâ grat à superstitis, uti & reverendissimi  
 ejusdem suffraganei D. Alberti Pilchowitzi Episcopi  
 Hipponensis, Vicarii insuper, atque Canonici  
 Varmiensis, non addecer hoc tempore ac loco, auri-  
 bus quidquam dare. Nihilo tamen minus, & mune-  
 ra, quæ illustrissimus Princeps jam obtulit; & pere-  
 grinationes, quas, cum intra provinciam est, non ra-  
 ras ad B. V. Lindensem obit; & lignorum, quæ ad la-  
 xanda peregrinorum hospitia non modò donavit,  
 verùm & deportari ad locum curavit, acervus sat  
 magnus, etiam me tacente, ipsius in B. V. Lindensem  
 loquuntur, & futuris deinceps temporibus loquen-  
 tur pietatem ac liberalitatem. Si enim summo Pon-  
 tifici Paulo III. Tursellino (a) teste, magnæ fuit laudi;  
 quòd ad sacram Ædem Lauretanam, accipiendis et-  
 jam Regibus, principibusque peregrinis, idoneas  
 struxisset & Pontificæ quoque magnificentia dignas  
 ædes; non poterit citra Lelcinii Pontificis laudem  
 aut prædicari, aut etiam spectari diversorium, quod  
 accipiendis commodè peregrinis, ejus potissimum  
 beneficentia Lindæ jam assurgit. Quanquam & nos,  
 cum suo loco votorum illius rationes & votivæ Ta-  
 bulæ causas enarrabimus, tacere nequaquam debe-  
 bimus, tanti Præsulis virtutem, ac pietatem. (b)

## CAPIT

(a) lib. 4. cap. 10. (b) lib. 4. cap. 6. & 31.

C A P U T XIII.

Sigismundus III. & alii serenissimi Poloniæ Reges, Patrocinium  
Lindæ Marianæ, & jus patronatus ejusdem sacelli, in se  
recipiunt.

**T**Antam esse humanæ vim atque furorem impie-  
tatis, ut et jam cælo interre manus ausit, docuit  
jam olim veterum de Gigantibus Philosophia: ut  
proinde sollicitus de restaurata ab se Linda Sador-  
scius, nullum omiserit, quoad vixit, adversus eandem  
impietatem, quærere & advocare præsidium. Quo-  
niam verò nullum in terris majus atq; firmitus, quàm  
in serenissimorum Poloniæ Regum Majestate, præ-  
sidium reperiri posse vidit, tantò se majore fiduciâ eò  
contulit, quantò se in vindicando sacro loco, ab ea-  
dem Regia benignitate atque autoritate magis ad-  
jutum meminerat. Quapropter suppliciter Sigis-  
mundo Regi, toti quæ Regiæ Domui advolvitur; &  
ut tum sacellum ab se reedificatum, tum universim  
fundum ad Lindam attinentem, Regio patrocinio  
non indignum arbitrari, communite auctoritate  
Regiâ, & contra omnes adversariorum machinas at-  
que vim tueri ac protegere dignentur, quàm submis-  
sissimè obsecrat. Sigismundus Rex, pro ea, quâ sem-  
per in Deiparam ferebatur pietate ac religione, pro-  
que incredibili, quo rem Catholicam ubique cupie-  
bat propagatam, studio atque contentione, omnia,  
quàm rogabatur, cumulatiùs præstitit: nam & se, se-  
renissimos quæ heredes suos; & futuros deinceps Po-  
loniæ Reges, sacro Lindensi loco, perpetuum fore  
patronos professus est. Qua de re ipse Sadorscius in  
Testa-



Testamenti tabulis Anno MDCCXIV. confectis, quæ in Collegio Resselienſi aſſervantur, *Im*, inquit, patronatus & protectionem ſacelli & Fundi Lindeniſis, uti ſacra Regia Maieſtati & Regno inſcripſi, atque ſacra Regia Maieſtas, Dominus meus clementiſſimus in ſe, ac pro ſucceſſoribus ſuis recepit benigniſſimè; ita & hiſce nunc literis ſacra Reg. Maieſtati & Regno inſcribo, in perpetuum; quatenus eo tutius in loco iſto ſacro, religio & exercitium Catholica Romana fidei, perpetuo temporibus peragi ac vigere poſſit. Neque hîc tanti Regis pietas quievit; ſingulares inſuper literas ad ſereniſſimum Electorem ac Pruſſiæ Ducem, in cujus diſtione Linda Mariana ſita eſt, perſcripſas dedit; atque ut iſ quoque, ſuo locum ſacrum patrociniſ foveret, pro ea, quâ pollebat auctoritate, cohortatus eſt. Juvat eas literas, quæ in Tabulario noſtro Reſſelii aſſervantur, hoc loco referri, non modò ut tanti Regis in Deiparam remque Catholicam ſtudio, verùm etiam ut ſereniſſimorum Electorum ac Pruſſiæ Ducum (quorum non minimâ utique curâ ac providentiâ, locus ille ſacer tot jam annis illibatus viger ac floret) in ſereniſſimos Poloniae Reges obſervantiâ, fiant manifeſta. Sicigitur ad IV. Cal. April. Anno MDCXVIII. Rex.

*Sigismundus III. DEI gratiâ Rex Polonia magnus Dux Lithuanie, Ruſſiæ, Pruſſiæ, Maſoviae, Samogitiæ, Livoniæq; nec non Suecorum, Gothorum, Vandalorumque hereditarius Rex.*

*Illuſtriſſimo Principi, Domino Ioanni Sigismundo Marchioni Brandenburgeniſi, Sac. Rom. Imp. Archicamerario & Electori, Pruſſiæ, Iulie, Clivie, Montium, Stetini, Pome-*

Patrocinium Lindæ serenissimi Poloniæ Reges sibi vendicant. 303

*Pomeranorum, Cassuborum, Sclaverum, nec non Crofna Carnoviaque in Sclesia Duci, Burggrabio Norimbergensi, ac Rugia Principi; Amico, Affini, uti filio nostro carissimo, salutem & mutui amoris continuum incrementum.*

*[I]llustrissime Princeps, Amice, affinis, uti Fili noster carissime. Pium generosi Stephani Sadorsky Secretarii nostri institutum, restituendi & readificandi Oratorii, in fundo Linde, quoddam præcæ religione semper floruit, ita comprobamus, ut locum hunc sub Patrocinio nostro, majora incrementa sumere desideremus. Quamobrem, amanter ab Illustritate vestra postulamus, ut nostram causam, favere quoque velit optimo propagandi cultus divini studio eius Secretarii nostri; atque ita negotium istud promoveri, ut nos reipsam experiamur, Illustritatem vestram, quidquid nos valde velle intellexerit, eam Illustritatem vestram libenter studium voluntatemque suam accommodare. Cui diuturnam valetudinem à Deo precamur. Datâ Varsavia die XXVII. mensis Martii Anno Domini MDCXVIII. Regnorum nostrorum Polonia XXXI. Suecia XXV. Anno.*

SIGISMUNDUS REX.

Quantum literæ istæ ponderis habuerint, atque etiamnum habeant, ex ipsa, quæ in loco sacro pax, quies, tranquillitas, & securitas hætenus viguit, patere cuiusvis potest. Septimus jam supra tricesimum, à restaurato sacello, decurrit annus; & (si privatorum, ac de fece populi quorundam excipias petulantiam, aut potius amentiam) nulla loco sacro, nulla cuiquam peregrina



peregrinorum vis, aut contumelia illata. Quòd ego quidem serenissimorum Electorum ac Prussiae Ducum curæ ac providentiæ, minimè dubitem in acceptis, secundùm Deum, referre. Tanta siquidem est serenissimorum Brandenburgicæ Domus Electorum, in Reges Regnumque Poloniæ obſervantia, ut eorum voluntatem atque nutum, pro imperio reputent; neque possint non habere magnam tum sacelli, tum ipsius Lindenſis fundi sollicitudinem, quorum tantam vident serenissimis Poloniæ Regibus infixam curam, atque studium patrocinandì. Expertus est, cùm superstes esset Sadorſcius, experimur & nos cæteri que omnes, non omnino cassum fuisse Sigismundi Regis votum, ac desiderium; quo à serenissimis Prussiae Ducibus istud circa Lindam Marianam negotium ita promoveri cupiebat, ut & ipse, & cæteri omnes intelligerent, serenissimos Prussiae Duces ac Electores, quidquid serenissimos Poloniæ Reges valde velle intellexissent, eò quoque libenter studium voluntatemque suam accommodare.

Qua in causa, non decet Sadorſcii laudem, quam illi jure Ciaritius attribuit, præterire. Non respexit hic, inquit ille, carnem aut sanguinem Sadorſcius; sed seposito omni affectu, cunctas sanguinis necessitudines à bonis Lindenſibus exclusit: maluitque potestate regiâ & Regni robore, B. V. Lindenſis incolumitati consulere, quàm consanguineos, illius fundi accessione, locupletiores existere. Hoc plurimum veritus, ne temporum lapsu, cui obnoxia sunt humana, ex illorum possessione exiens, in eorum, quorum ipse maximè noller, manus iteratò relaberetur, & ludibriosæ, ortu atrocitæ arbitria subiret.

Cum Lindā restauratur pietas, non sine hæreticorum invidia. 305

## CAPUT XIV.

Cum restaurata Linda Mariana, restaurata, imò magis etjam aucta in Deiparam religio; non sine hæreticorum contabescentium invidia, hæreseonque ad ruinam inclinatione.

**N**Unquam equidem, etjam cum exciso extinctoque Lindenſi ſacello, extingui aut excindi potuit mortalium ad B. V. Lindenſem pietas atque religio, uti aliàs docuimus: veruntamen, uti

*ſegnius irritant animum demiffa per aures,*

*Quàm, qua ſunt oculis ſubjecta fidelibus;*

ita, cum non animus duntaxat, verum & oculi & aures, ſua habent ad pietatem quaſi irritamenta, tantò facilius exardescit ille pietatis in animis mortalium igniculus, quantò pluribus vel excitatur, vel etjam nutritur fomentis. Tamenſi igitur magnus ſemper fuerit hominum ad B. V. Lindenſem undique accuſus, etjam dum ſacellum exciſum, locusque prorſum deſertus eſſet; tamen ubi poſtliminio reſtauratum vidère, vel etjam audivère populi, mirum, quantum ubique in omnium animis ſit auſtum erga Lindam Marianam ſtadium! Tunc enim, & peregrinationes, longiſſimè quoque diſſitorum, crebreſcere; & populi, atque integræ urbes, non modò ſacellum verum & vicinas ſacello valles atque lucos, per Proceſſiones, confertiſſimasque ſupplicantium pompas, inundare; & rei votorum cum ſuis anathematis variisque donis, undique locum ſacrum, quovis propè die frequentare. Quæ cum ſpectare, ac coram fruendo venerari multo ſit æquius atque antiquius, non eſt, quòd eorum ſcribendo deteramus gratiam.

V

Verum



Verum hinc Deiparæ juxta ac Ecclesiæ Catholicæ hostes, præteritum verò, qui in contermino stabulantur Ducatu Lutheri Popæ, dum tantam Deiparæ gloriam, vident, vehementer invident; & quod in proverbio est, *Matrea belluam alunt*. Alunt enim vero belluam, quia ex rebus Ecclesiæ Catholicæ secundis ac Deiparæ cælitumque honore; quasi venenum de floribus sorbendo, invidiâ atque odio contabescunt, & Polypi ad instar (si tamen id Plinius (a) admittat) carnes suas vorant. Sciendum enim, ut S. Gregorii oratione utamur (b) quia, quamvis per omne vitium, quod perpetratur, humano cordi antiqui hostis virus infunditur, in hac tamen invidia nequitia, tota sua viscera serpens concutit, & omnem pestem evomit: unde scriptum est, *INVIDIA DIABOLI MORS INTRAVIT IN ORBEM TERRARUM*. Nam cum devictum cor, livoris putredo corrumpitur, ipsa quoque exteriora indicant, quam graviter animum *vesania instigat*. Color quippe pallore afficitur, oculi depri-muntur, mens accenditur, & membra frigescent. Fit in cogitatione rabies, in dentibus stridor, in conscientia vulnus. Libertné hinc vel unicum de restaurata Linda Maria-na, & DEIPARÆ cultu tabescentem, ideoque in conscientia vulnus, in dentibus stridorem, rabiem in cogitatione alentem, quasi coram spectare? Is verò erit, non rarò alias hic spectatus Mislenta; qui sub finem Manualis, de Quinto Ecclesiarum in Prussia statu, sive de sectæ Lutheranae, ad ruinam inclinatione differens, non pauciora quam octo ejus inclinationis promittit indicia; quæ quidem inter, tertio loco me-morat

(a) lib. 9. cap. 29. (b) 5. moral. cap. 33. & 39.

Cum Linda restauratur pietas, non sine hæreticorum invidia. 307

morat introductionem hæreseon ( sic enim illi placuit scribere ) antehac ex Ducatu exterminatarum, imprimis-  
que Papistica, vel Romano-Catholica. Unde verò eam  
Papisticæ religionis introductionem deducit? Tri-  
bus potissimum ex argumentis: quorum prius est,  
Templum Catholicum, magnis, ut ille ait, impenditis  
Regiomontie extructum: alterum est, Catholica Re-  
ligio, Augustanæ Confessioni, etjam in Ducatu Prus-  
siæ præposita, ac primas ubique sibi vendicans, libe-  
rumque ejus exercitium, cuius, ut ille quoque ait,  
per omnia, ubivis locorum concessum: Tertium denique  
Lindæ Marianæ restauratio. De qua tanquam hujus  
loci propriâ, lubet nigrum istum cygnum, tanquam  
funeris sui haud longè secuturi, jamque tandem secu-  
ti præcentorem, iterum audire exululantem. Loca, in-  
quit ille (a) idololatræ antehac abrogata & absoluta,  
nunc, pro dolor! instaurantur, & redintegrantur passim.  
Sic Tilia illius, ante centum fere annos, sacellum ab illu-  
strissimo Duce Alberto dirutum, ac solo equatum, à Ponti-  
ficis patronis iam instauratum, officina idololatriæ abomi-  
nanda evasit; peregrinis è longinquo, ac è propinquo, eò su-  
perstitionis causâ confluentibus, & impune quidem, quibus  
olim prævii loco, patibulum erat designatum. O quam  
verè hîc locum invenit juxta Cassianum (b) illud Je-  
remiæ (c) Ecce ego mittam vobis serpentes regulos,  
quibus non est incantatio; & mordebunt vos! Re-  
tè, ut ait Cassianus, invidia Basilisco comparatur;  
quia sicut Basiliscus mordens perit, sic invidens, prius

V 2

quàm

(a) pag. 2, 6. (b) Collat. 18. cap. 17. (c)  
cap. 8.



*quàm in hominem, cui invidet, mortis virus effundat, ipse se perdidit.*

Verùm nos ad cygneam illam Mislentæ vocem oportet reverti, qua cùm ille, non antè ad Cereris generum abiit, quàm & Movio & aliis plurimis, maximè autem Drejero & Drejeraniseum, quasi *intornando*, concentum est exorsus, qui non facillè ad finem, vel (ut cum vulgo Musicorum loquamur) *ad finalem* decurrat. Ut tamen alacrius & constantius conatur, proderit hisce cantoribus reliqua inclinari ad ruinam Lutheranismi indicia, & eodem præcentore, quàm paucissimis hîc retulisse. Primum ille ait Magistratus, animis à Lutherana secta, alieniores. Secundum, *totalem Ordinis ecclesiastici*, ut ille ait, *abrogationem*: Tertium, Catholicæ religionis introductionem: Quartum, manifestum Lutheranismi, in ipso quoque Ducatu, contemptum & fastidium: Quintum Theologorum, ut ille ait, verbiq̃ue Ministrorum contemptû; nec modò contemptum, sed, ut ille sexto indicio scribit, *quæ multifariam accidit, Theologorum ac Ministrorum pressuram*, videlicet *ex requitate, quin & subtractione salarii; ex denegatione honesti domicilii; ex occulta & aperta Politicorum persecutione*. Septimum, rei literariæ & literatorum contemptum: Denique octavum, studium partium ad Catholicam Ecclesiam non leviter inclinantium. Quæ omnia, si vera sunt, uti quidem non longè à vero abesse videntur, habent sanè cantores nostri, unde & Mislentæ præcentori gratias agant, & ipsi sese, quàm diutissimè canendo, utcunque reficiant. Ego interim, dum ista, aliaq̃ue id genus canuntur, atque aguntur, qua pars  
est pie-

est pietate, quin & gratulandi studio, Deiparæ Lindensi, solenne illud, cum Ecclesia Catholica, Epinicion ingemino; *Gaude MARIA Virgo! cunctas Hæreses sola inieremisti, in universo mundo.*

## CAPUT XV.

Beneficia divina, quæ apud Lindam Marianam cumulatissimè conferuntur, quanti æstimanda?

Fieri nequaquam potest, ut liberalitas divina, quantiscunque mortalium obsequiis vel officiis, superari unquam possit. Si enim, ut ex mente Philosophi Doctor Angelicus præclare disserit (a) *liberalis hominis est, superabundare in datione; quanto magis DEI? Esse porro in DEO liberalitatem, etiam propriè dictam, & quidem maximam, inde Lessius demonstrat (b) quòd DEUS propensissimus sit ad erogandum, & quidem copiosè, ac merè gratis. Unde non solum in futuro, verum & in præsentè seculo habet locum illud Apostoli (c) Momentaneum & leve tribulationis nostræ, supra modum in sublimitate, æternum gloria pondus operatur in nobis. Ut enim in futura vita Pondus gloriæ, ita & in præsentè, divina pondus gratiæ, si cum meritis, obsequiis, officiisque nostris ad bilancem veniat, immensum superat; præsertim si illud Christi (d) sicut est omnino verissimum, nos quoque verum in nobis reipsa experiamur; Iugum meum suave est, & onus meum leve: credamusque S. Augustino in Psalmum 59. ita differenti: Alia sarcina premit & aggravat te; Christi autem sarcina sublevat te: alia sarcina pondus habet, Christi sarcina pen-*

V. 3

nas ha-

(a) 2. 2. q. 117. a. 6. (b) de Iure & Iustit. lib. 2. cap. 47. dub. 8. (c) 2. Cor. 4. 17. (d) Matth. 11.



nas habet. Nam & Avi, si pennas detrahas, quasi onus tollis; & quò magis onus abstulisti, eo magis in terra remanebit: redeat onus, & volat. Talis est Christi sarcina. Verùm sit lanè Christi sarcina, non tam penna, quàm sarcina; sit onus, sit pondus; nunquid aliud quàm leve & momentaneum erit? Et tamen in *momentaneo hoc*, ut loquitur Bernardus (a) *latet eternitas; in levi pondus sublime, & supra modum.* Sublime enim & supra modum est pondus, non tantum gloriæ, sed etiam, quæ in præfenti vita divinitus confertur, Gratiæ. Franciscus Assisias, ille in carne mortali immortalis Seraphin, quod divinitus erat edoctus, suos quoq; docere solitus erat, minimum nò tantum gloriæ sed etiam gratiæ divinæ gradum; qui operi quantumvis exili respondet, pluri esse mundo universo etiam, si terra omnis in aurum, & lapides omnes in gemmas, & Oceanus totus in ballamum verteretur. Quid verò, quod liberalitas divina, uti promissit (b) *querentibus primum regnum Dei, alia adjiciat?* Nunquid, ut plurimos alios mittamus, Rudolpho Habsburgi Comiti, & primo Romanorum ex Austriacis Imperatori adjecit? Verè ille Comes erat, qui, quantumvis sub Eucharisticarum nube specierum peregrinantem comitatus est Dominum: nec minùs verè hic Dominus, qui Comiti suo Orbis universi contulit Dominium, descendentemque ex equo, ad Imperii Romani erexit solium, ut, dum quasi ex æquo certare videtur, hinc quidem Austriaca pietas & religio; inde verò divina liberalitas ac munificentia, breve illud, imò *momentaneum ac leve officii obsequii*que meritum,

(a) *serm. 17. in Psalm. Qui habitat.* (b) *Matt. 6. 33.*

titum, quodammodo æternum gloriæ pondus, in hoc quoque seculo operatum sit; quando, ut Spondanus quoque ait, *Et ipsi Rudolpho, Et ipsius posteris, totum, ad hunc usque diem, acquisivit Imperium.* Quamvis autem non omnes, qui ad DEI & Deiparæ laudem, se se Lindam recipiunt, aut Imperia aut Regna in terris recipiant; recipiunt tamen plerique, præter futuras gloriæ, præsentēsque gratiæ diviniæ opes, eas curationum sanitarumque gratias, quas, si optio datur, vix, aut ne vix quidem regnis atque imperiis permutarent De quibus quidem curationum gratiis, cum jam deinceps agendum nobis sit, ita pleraque, quæ decem vel octo circiter annorum spatio evenerunt, hoc est, quæ ab Anno MD CXVIII. quo sacellum restaurari cepit, ad Annum MD CXXVI. quo ob belli Suecici turbinem, nemo quæ aliis deinceps annis gesta sunt, consignavit, ad exitum hujus libri percelebimus, ut non tam succedentium sibi annorum temporisque seriem, quam ipsorum beneficiorum, certa in genera classesque tributorum (quod ipsum sequente quoque libro facturi sumus) rationem habeamus, ordinemque sequamur.

## CAPUT XVI.

Cæcitas, & alia oculorum vitia, Deiparæ Lindensis opes, depulsa.

Omniū quidem calamitatum, & cum animi tum corporis morborum, reperiuntur apud Lindam Marianam remedia atque alexipharmaca; in primis tamē videntur oculis parata eximie, & præsentia adesse



medicamina. Nam, & primum sub ipsam Marianæ Lindæ originem, uti aliàs vidimus (a) Miraculum, cæci restitutio fuit; & à restituta postmodum Linda restauratoque sacello, inter morbos corporis, cæcitatē potissimum fuisse depulsam, exempla, quæ ex Ciaritio jam percelebimus, docebunt.

## I.

*Figulus Allensteinenfis à cæcitate curatus.*

*Allensteini, inquit Ciaritius, quod oppidum spectat ad venerabile Capitulum Ecclesia Varmiensis, Figulus quispian contracto oculorum dolore, excacatus fuit: & in hac cæcitate calamitate septennium exegit. Dei clementiam post multa exposcens, & B.M. Virginis interventionem implorans beatam Virginem Lindensem, se quotannis, quam diu viveret, visitaturum constituit; Vix preces exorsus fuerat, vixq; votum verbis peregerat; cum subito oculis lumen refusum est. Atque ille, quod pollicitus fuerat, singulis annis, quoad vixit, religiosè executus est.*

## II.

*Oculi incidentibus ossium segminibus usque ad cæcitatem læsi, ex voto Lindam concepto, restituti.*

*Anno MDCXXII. inquit idem, sancti Martini festo, Matthæus Toxius rusticus in Arensdorff (est vicus hic in Vormditensi municipio, leucâ unâ à civitate Austrum versùs disjunctus) adstante uxore carnem codebat: ossicula quadam in oculos insiluerunt; qua usque ad Bacchanalia nihil vidit. Tandem vover, & revalescit; secundâ Iulii votum solvit.*

## III. Vir

(a) lib. I. cap. 16.

## III.

Vir inter Allensteinenſes primarius, viſum ope B. V. Lindenſis ſibi reſtitutum, oblatâ imagine, beneficii indice, conteſtatur.

Notus mihi etjamnum adoleſcenti is vir erat; quippe qui è peregrinatione, quam ad pleraſque Europæ provincias ſuſceperat, domum reverſus facile omnium in ſe oculos convertit: notior tamen Cutioni ſuo Michaëli Ciaritio, qui hæc, quæ jam recenſebo, de illo prodidit.

Ioannes Henrici, è numero Scabinorum Allenſteinenſium vir ſpectabilis; bene longo tempore ex oculis laborans, illorum uſu penitus privatus fuit. Invocat â itaque Virgine MARIA, votivum ſe iter ad ejuſdem Ædem ſuſcepturum, ſolemni pollicitatione firmavit, Quod ubi factum, ſtatim dolor reſedit, & oculi, ad intuenſam lucem, reparati ſunt. Nihil idcirco cunctando, ad Oratorium glorioſe Virginis ſe contulit; & votum, quàm potuit, pientiffimè ſolvit. Grati animi pignus imaginem non inelegantem, in parietibus ſacelli fixit. Ex ipſius, qua appicta eſt, effigie, quo habitu Virginis Filio, ipſiquæ Virgini Matri, pro avertenda, jam propemodum incurſa cæcitate, ſupplicet, res maniſeſtius ſpectari poteſt. Fiebat Anno MDCXXII. die XV. Auguſti.

## IV.

Adoleſcentula, voto Lindam facto, à gravi oculorum dolore curata.

Brigitta adoleſcentula, inquit idem Author, ex pago Lauternbagen (municipiî Heilsbergenſis pagus iſt eſt) tanto ardore oculos inflammatos habebat, ut in ad intuenſam lucem agerrimè uti poſſet; & ſi quid cerneret, nonniſi caliginosè admodum perciperet. Itaque ad B. MARIAM



Lindensem profecturam se, & munus delaturam vovit. Statim ab oculis, omni illa infestanti ardoris vehementia disparuit, caligo fugata est, & oculi ad capiendam lucem vegetiores redditi. Votum pie solvit Anno MDCXXIII.

## V.

Juvenis, periculosâ oculos caligine suffusus, voto Lindam facto perlanatur.

Quo loco, ac fere tempore Lindensem historiam Ciacitius scribebat, id, quod ipse refert, accidit; ut fortasse oculatus, possit videri testis. Bisteni enim res accidit pridie Cal. Majas Anni MDCXXIII. & ille, Bisteni iidem ipsis Martii Calendis Anni MDCXXVI. Regi Sigismundo historiam ab se scriptam dicavit. Rem poro, de qua agimus, ita perstrinxit. *Juvenis quidam Brunsbergensis, sutoris manceps, dum Bischoffsteini Butrina dat operam, in sperato illi oculi caligine, obfuscantur; ita ut duarum septimanarum intervallo viderit omnino nihil, & perpetuam timuerit cecitatem. Quamprimum verd ad Marienam Lindam votum prestitit, mox integer rine visum recepit; beneque oculis sanus votum reddidit xxx. April. MDCXXIII.*

## CAPUT XVII.

Idem beneficium, etiam à Catholica Ecclesia alienis, per B.V. Lindensem, prestitum.

**A**Tque hæc, aliaque id genus beneficia, Catholicis à Deipara fuisse concessa, haud sanè mirum videri possit; quid enim filii Mater benignissima negare queat? Illud fortasse mirum videatur, quòd eadem alienis quoque exhibeat. Quidni enim ab illa alieni, qui

qui à Catholica Filii ipsius Ecclesia ita se juncti? Neque tamen istos piissima misericordiarum parens despicit; quò & ipsi aliquando semetipsos respiciant, & ad veræ lumen Ecclesiæ tandem recipiant; neque externis duntaxat, verum & interioribus animi oculis ritè deinceps fungantur; eveniatque illud, quod à Deipara precari Ecclesia solet, *solve vincla rei, profer lumen cæci*. Quidni verò Deipara, ad Filii sui exemplum, omnibus omnia, in imaginibus quoque suis fiat? Jam olim, quemadmodum Baronius ad Annum 870. memorat. *Prope Damascum imago B. Virginis in ligno picta distetuit: denique evanescentibus paulatim coloribus, successit cecitas ut imago carnea simul & lignea esset, vel certè incarnatum lignum. Insuper oleum balsamo fragrantius manus imaginis dedit, non Christianis modò, sed & Hebræis, Mauris, & Saracenis salubre. Idea Atlantis Mariani pag. 120.*

## I.

Puer voto à matre, ad B. V. Lindensem edito,  
lucem simul & vitam, propè amissam,  
recipit.

Narratur id à Ciaricio hunc in modum: *Laboraverat lethali agitudine, Georgius, Friderici Serige filiolus in Zandersdorff coloni, qui pagus ad Hospitale Landspergense spectat: cuius iam ante immodica suffusio sanguinis, lumen oculorum eripuerat, & immaturâ morte ludum parentibus reliquerat. Iustina mater deploratam salutem filii videns, ad vota convertitur, filiumque, si reviviscat, ad B. V. Lindensem laturam, & munus solenne addituram, quâ maxime potest pietate, spondet. Inter*  
hanc



hanc maternam votorum curam, caperunt artus pueri, morte iam frigentes, vitali calore denuò impleri, & animari: ipse moveri, oscitare & integris oculis lucem rursus contueri, ad vitam perfectè revocatus. Exiit gaudio mater recepto filio vivo, & sano; vota DEO, ac B. V. MARIE facta, lata sine mora solvit.

## II.

Mulier ad extremam fere cæcitatem perducta, voto ad B. V. Lindensem concepto, sanata.

Anno MDCXXII. inquit Ciaricius, XVIII. Augusti, Margareta mulier vidua ex pago Coia, libertinorum Territorii Drenckfurtensis, hic votum solvit. Fatebatur (quod & pater illius, qui unà venerat, vir provecus atque constanter assererat) se diuturno ac vehemèti capitis dolore, ad extremas fere oculorum tenebras perductam fuisse. Voto B. MARIE Virgini ad Tiliam facto, dolorem omnem cessasse; oculos cacutire omnino desisse: & ad B. V. Lindensem, nullotens ductore, sine quo nuppiam antè progredi poterat, venisse testabatur. DEO, beatissimaque Virgini MARIE, demissè gratus actû, gratulabunda domum remeavit.

## III.

Textor Silesius, à gravi oculorum dolore, & ipsâ propemodum cæcitate, curatur.

Matthias Hoffman, Textor Silesius, ut idem Author narrat, domicilium habens in Kamionka pago, Anno exeunte MDCXXII. tetto oculorum dolore correptus, in ipsam propemodum incurrerat cæcitatem: ita ut triem hebdomadarum spatio, ne ex propinquo quidem, vel videre, vel liquido discernere quidquam potuerit. Demum, ut calamitosorum mos est, ad vota confugit; & se Oratorium B.

MA-

MARIÆ Virginis Lindensis visitaturum promisit. Nec frustranea fuit votiva promissio, rediit enim subito oculorum lumen. Voti nexibus se expedivit MD CXXIII. die XVI. Aprilis.

## IV.

Homo, ex profano Cingarorum genere, Lindam à suis deductus, lumen, quod amiserat, subito recepit.

Ex vagabunda illo hominum genere, sic enim rem Clarius percerasset, qui se Cyngaros, seu Cyrenaos falsò appellant, quidā non postrema nota, per acutā oculorū vexatione eductus fuerat, ut de iis retinendis omnino desperaret. Tandem post varia, nihilquē iuvantia adhibita medicamenta, aut suā sponte incitatus, aut à quibusdā piis hominibus submonitus, ad B. Virginis hoc Oratorium, grandicum Cereo, se profecturum devovit. Ducitur igitur à turma Cingarorum ad locum sacrum, diem non videns, & deductorem sequens. Suscepit Jesus, per Matris gloriosæ interventionem, hominis votum precesquē. Confestim enim pristina oculorum sanitas illi reddita est. Ille DEUM suppliciter adorat, B. V. MARIÆ humiles agit gratias, lætus discedit. Certè non levia Cyngarus hic videbatur pii, & grati animi signa edere, ut & ceteri illius comites, qui copiosā stipe in eleëmofynarium stipitem iniectā, frequenter se S. locum adituros, & gloriam DEI: qui in eo mira operatur, ubique locorum depradicaturos affirmarunt. Accidit MD CXXII. Illimet homines Anno MD CXXIV. velum insigne è Syria contextum, ad sacrum Oratorium venerabundi detulerunt.



## CAPUT XVIII.

Claudi beneficio B. V. Lindenſis curati.

**I**Oanni Baptiſtæ, illi magno altiffimi Prophetæ & Antecarbuloni, per diſcipulos ad Chriſtum Dominum ablegatos interroganti: *Tu es, qui venturus es, an alium expectamus?* primum veri Meſſiæ, ejusdemque adventus indicium dedit Chriſtus, *cæci vident*; alterum verò, *claudi ambulant* (a) Si quis de præſente Deiparæ Virginis, ejusdem veri Meſſiæ, ter maximæ Matris, apud Lindam patrociniò præſidioque curioſè diſquiſierit, habebit primum ejus rei indicium, quia, ut vidimus, *cæci vident*. Nunquid verò & *claudi ambulant*? Ita proſum. Non enim minus quàm apud Jobum illud hîc locum inveniat, *oculus fui cæco, pes claudò* (b) Quem ad locum Origenes in Catena, *Vſurpatuſ eſt*, inquit, *oculus tanquam dux viæ ad intelligendum; Pes autem, quaſi dux morum*. Quid enim (ut utrumque beneficium hoc ad animi ſalutem referamus) magnopere profuerit, oculorum pollere uſu, niſi & pedum, & aliorum membrorum, ad promovendam ſalutem, accedat uſus? Radulphus Commentario in Leviticum, S. Gregorium (c) ſecutus, *claudum* appellat, qui viam vitæ, quam videt, per infirmitatem mentis, tenere non vult: utpote ob pravam conſuetudinem ad virtutis ſtatum nunquam probè erectuſ. Divo Cyrillo *clauduſ* dicitur, qui ad perſe-

(a) *Matth. 11. 3. ſeqq. Luc. 7. 22.* (b) *cap. 29. 15.*  
 (c) *Pæſtor. parte 2.*

perfectè incedendum parum firmus, circa res agendas, fractus & debilis est: Procopio verò, qui non promptè opera legis exercet. Verum, ut omnis quidem iniquus claudus sit, maximè tamen tales sunt Pseudopolitici, & quos D. Paulus (a) *in fide fluctuantes parvulos* appellat: quibus profectò non alius, quàm ipse Elias illud suum (b) inclamet: *Vsq; quo claudicari in duas partes?* Veruntamen & his, & aliis claudis, paratum est apud B.V.Lindensem, dummodo non respuant, remedium. Nam & ibi locum habet illud Isaïæ (c) *Tunc saliet, sicut cervus, claudus*. Quo quidem Christus D. in suo ad legatos Joannis responso, quasi digito intendens, multos (ut S. Augustinus apud Cornelium loco citato censuit) claudos, cæcos, surdos curavit, ut eis simul spiritale lumen, auditum & gressum mentis restitueret. Unde & nos, jam ad claudorum apud B.V.Lindensem curatorum exempla, par est gradum promovere.

## I.

Colonus quidam pedum morbo levatus, in reddendo voto negligentior, cranii dolore accedente, simul voto, simul utroque morbo levatur.

Anno MDCCXIII. pridie Cal. Majas voti reddendæ causâ, accessit Lindam Georgius quidam agricola; cui nuncupandi primum voti causâ fuit sinistrum crus ita affectum, ut non modò claudicare hominem cogeret, verùm & ulceribus ac rabe undique scaten-

(a) Ephes. 4. (b) 3. Reg. 18. 22. (c) cap. 35.6.



lcatente, fœdum, milerumque in modum absumere-  
tur. Sed qui ita claudicare fuit coactus, eò ipso ad su-  
pera erigi atque ascendere cepit. Lindam enim ad B.  
V. aspirat, & voto facto, simul sanitatem recuperat.  
Ecce autem hominem! qui claudus esse pedibus de-  
sierat, animo deterius claudicare cepit. Voti enim  
reddendi admodum incurius, ac propè jam oblitus,  
diem diè trudebat. Jam illud, non pedum sed capitis  
vitium erat; capiti proinde subito luendum fuit. In-  
vasit hominem, cætera sanissimum inopinatus Cra-  
nii dolor, & quidem admodum vehemens; quippe  
quem etiam ad animum pertingere oportuit, ac pé-  
nitus pervadere. Pervasit, & hominem religionis ne-  
glectæ in tempore admonuit. Iterum ad Deiparam  
Lindensem se recipit, & novo locum sacrum adeun-  
di voto se obstringit: confestimque dolore levatus,  
animo quoque claudus, ne deinceps esset, nullam,  
quin votum solveret, moram interposuit: uti Ciarit-  
tius quoque num. 29. narravit.

## II.

Laterarius pedes æger, ex voto sanatus; voti negli-  
gens; à novo voto restituitur.

Geminum priori propè est, quod Ciaritius refert.  
Matthias quidam Corsensis, laterum confectiōe vitam to-  
lerabat. Anno fere integro, pedibus ad gressum invalidis de-  
cubuerat. Ad B. V. Lindensem voto facto, gradiendi facul-  
tatem receperat. Dum autem voti solutionem differret,  
priori aegritudine iterum tentari cepit. Veritus itaque, ne  
voto obligatus, aut iam passos, aut graviores forsitan expe-  
riri dolores, comparatâ imagunculâ, in hominis for-  
mam effigiatâ, & cereo addito, humili mente, Deo & Vir-  
gini

*gini Matri ſatiſfecit. Spe bonâ ſecundioris & conſtantioris  
valitudinis domum rediit: non ſine gratiarum actione, be-  
neficii memor factum narravit.*

III.

*Mulier graviffimè pedes affecta, interpoſito ad B.V.  
Lindenſem voto, ſanatur.*

*Helenam fuiſſe, Joannis Martini cujuſdam uxo-  
rem Ciaritius (a) ait. Incertum, qua ex cauſa gravit-  
ſimè pedibus affecta eſſet; cumque remedium dolori  
nullum ſupereſſet, eò, ubi deeſſe non poſſet, remedii  
cauſâ ſe vertit. Votum ad DEIPARAM Lindenſem,  
quâ poteſt animi religione, concipit, & conſeſtim à  
voto facto, ſanitatem recipit. Simul igitur ac pedum  
uſum recepit, celeritate magnâ uſa, Lindam ipſodie  
viſitantis Deiparæ ſacro adiit, ac votum, quod nun-  
cuparat, reddidit, Anno MDCCXIII.*

IV.

*Juvenis, pedem ac manum contractus, ſimul ac vo-  
tum ad B.V. Lindenſem fecit, reſtitutus, iterum  
atque iterum, beneficii memor gratias  
Lindæ agit.*

*Quod jam referemus, è P. Simonis Hein com-  
mentariolo ſumptum eſt. Juvenis erat, manum juxta  
ac pedem ita contractus, ut nullius uſu frui poſſet.  
Accedebat dolor, qui & pedem & manum ſæviſſimè  
exagitabat, ut nulli manum operi vel tantillum lice-  
ret admoveſcere, aut pedem loco movere. Commovit  
tamen animum dolor, ut ad ſublimiora hominem  
raperet. Votum igitur, ut author inquit, ad ſanctiſſimam  
Virginem Lindenſem fecit, & ſtatim levamen ſenſit. Die  
divo Baptiſtæ ſacrâ Anni MDCCXXIX. venit ad ſacram Ti-*



liam : ubi confessus, & sacrâ Synaxi refectus hac mihi recensuit. Anno etiam sequenti, memor accepti beneficii, id ipsum fecit.

## CAPUT XIX.

Idem beneficium A catholicis à B.V Lindenſi exhibitum.

**S**I ego hoc loco illud regii vatis uſurpem, Filii alieni inueterati ſunt, & claudicauerunt à ſemine ſuo (a) haud ab re abludam. Illi enim, ut cum Græca expoſitione apud Corderium loquar, QUI FILII appellati, atque in filiorum ordinem relati ſunt, alienos ſe reddiderunt, cum beneficium ingrati extiterint; & circa fidem claudicauerint, & piam ſemitam dereliquerint. Quid ſi enim cum Auguſtino ad eundem locum dicerem. Filii non mei, ſed potius alieni; quibus dicitur, vos ex patre diabolo eſtis (b) Neque tamen iſtis quoque, quantum vis alienis, nec minùs à fide, quàm à recto grefſuum tramite claudicantibus, benigniſſima apud ſuam Lindam Mater DEI, ſolet deeſſe; ut, quæ aliorum pedes erigit ad mores, iſtorum erigat ad fidem; quorum plerique tandem, cum eodem vate regio canere poſſint: Eduxit me de lacu miſeria, & de luto faciſ, & ſtatuit ſupra petram pedes meos, & direxit grefſus meos (c) A lacu miſeria (ut Didymus in Catena ait) hoc eſt prava idololatria (quidni & hæreticæ infidelitatis) & luto faciſ, id eſt, ſordidâ vivendiratione, me erexit; & ſtatuit ſupra petram, inconcuſſam ſcilicet & conſtantem fidei confeſſionem.

I. Puel-

(a) Pſalm. 17. 46. πρὸς τὴν πλὴν χωλαίναντες. (b) Ioann. 8. 44. (c) Pſalm. 39. 3.

I.

Puella ad annum ætatis decimum quintum humi re-  
prans, apud B. V. Lindenſem repentē  
ſanata.

Quo id anno evenit, nō prodidit Ciaritius rem-  
tamen iſtam, uti evenit, ex fide hunc in modum (a)  
prodidit. Barbara puella, ex Viderino pago, qui milliari  
circiter diſtat Lindā, à tenera ætate, caſu gravi afflicta,  
clauda effecta ad annum decimum quintum uſq., humi po-  
tius repebat, quā incedebat. Poſt longa tandem & acerba  
membrorum tormenta, quorundam ſuaſu, voto ritē emiſſo,  
ad hunc locum ſe contulit. Et qua ſcipioni grallūq̃ innixa  
venerat, voto ſoluto, ſolidatis pedibus, DEO ac Virgini  
MARIE gratias agens, nullo adminiculo opus habens, do-  
mum reverſa eſt.

II.

Puella incurabili fiſtulā affectum habens pedem, vo-  
to ad B. V. Lindenſem factō, curata.

Quod Lucillo Episcopo Syniceni, divinitus obti-  
giſſe memorat S. Auguſtinus (b) nimirum ut piā Re-  
liquiarum S. Stephani Protomartyris ſarcinæ vecta-  
tione atque iſtarum attractu reliquiarum à fiſtula, quā  
diu graviffimēq̃ afflictuſ erat, extemplo liberaretur;  
id iſpum propē, ex nuncupato ad B. V. Linden-  
ſem voto, evenit Hedwigi puellæ ex oppidulo Wi-  
dimin, octo circiter leucas Lindā diſſito oriundæ, ad  
x. Calend. Novemb. Anni MDCCXXII. Degebat ea,  
ut Ciaritius memorat, in pago Ruſticaimenſi, Bar-  
tenſtenienſis coloniæ, & pedem ſiniſtrum incurabi-  
bili fiſtulā diu graviterq̃ affectum habebat.

X 2

Mu-

(a) num. 13. (b) lib. 22. ſiſit. cap. 8.



Mulier quædam, haud ignara beneficiorum, quæ apud Lindam Marianam divinitus affatim obveniunt, consilium miseræ dat, ut ad idem se præsidium reciperet. Audiit probè monentem, & vorum adeundæ Lindæ nuncupavit; neque diu post sanitati pristinæ est restituta.

## C A P U T XX.

Epilepsia ope Deiparæ Lindenensis curata.

**E**Pilepsia sive sacer morbus, aliàs etjam lenticus dici solitus, & comitialis) eò quòd Comitia apud Romanos, si quem interea morbo illo corripì contigisset, dissolvi necesse esset) vulgo *caducus* appellatur. Qui in sacra Evangeliorum historia, eo morbi genere affecti leguntur, *lunatici* appellantur (a) eò, quòd morbus ille, sive ad ipsius Lunæ mutationes, sive (ut Origenes, Chrysostomus & Hieronymus ad eandem Evangelii historiam commentantur) ad dæmonum, lunæ mutationibus abutentium operam, suas vires atque incrementa sumat. Luna enim phlegmaticos ac melancholicos, quibus ipsa dominatur, cerebrum humores ac spiritus, plenilunio ac novilunio maxime commovet: qui quidem, aut per se, aut malignorum concursu spirituum, cerebrum turbant; spumas & totius corporis agitationes collisionesque ciant. Genus morbi difficillimum curatu, adeò ut hinc etiam *Herculeus* à Medicis vocetur; non quidem idcirco quòd ut, vulgus censer, Hercules eo laboravit; sed potius quòd, ut Medici ipsi loquuntur, Herculeis ad ejus curationem viribus atque industriâ opus sit. Ceterum Deiparæ Lindenensis, hujus quoque morbi cura-

(a) Matth. 17. 15.

tio difficilis non est: ut, quemadmodum in aliorum curatione morborum facit, etiam hîc à corporis epilepsia, ad eam, quæ animam spiritumque exagitat, curandam homines adjuvet. Lunatici enim spiritu, ut Beda ad eum locum disserit, sunt ii, qui ut luna mutantur. Qui spumant, cum stultitia tabescunt (stultorum namq; est spumas & salivam ex ore dimittere) strident verò dentibus, cum iracundia furore flammeſcunt.

## I.

Puer, ex voto à matre ad B.V. Lindensem nuncupato, à morbo comitiali simul & ab amentia, liberatus.

Quo Anno id eveniret, non memorat Ciaritius; constat tamen evenisse sub initia sacelli jam instaurati. Sic enim scribit: Puer quidam in pago Henrichsdorfsensi; phrenesi graviter vexabatur; & decesserat non minus infesta epilepsia, quàm misellus per intervalla temporum graviter exagitabatur. Videbatur mater, dira hæc tormenta pati in filio; & malum nullo succurſu pelli poterat. Deo itaq; suppliciter provolvitur; beatissimamq; Virginem ad intercessionem adhibet, ut puero caelestem medelam impetret; illumq; ad Ædem Marianam, cum munere sistendum demissè voveret. Vix illa votum persolverat; confestim videt filium ab omni infestatione morbi liberum, sanitatem recepisse. Detulit incunctanter filium cum promisso munere; DEO & B. MARIE Virgini enixè gratias agens; insignemq; Paroſidem ſtanneam, celerù sibi præstiti auxilii in filio, Mariano Oratorio obtulit.



## II.

Virgo religiosa, vi fulminis usque ad comitalis mor-  
bi exagitationem consternata, voto per paren-  
tes ad B. V. Lindensem nuncupato, sta-  
tim revalescit.

Quantum in restauranda Linda Mariana operæ  
posuerit, inclytus Catholicæ fidei causâ, è Dania ex-  
ul D. Joannes Ageison, jam alio loco (a) spectavi-  
mus: quantum verò ejus operæ precium tulerit, ar-  
gumento id, quod nunc memorabitur, inter multa  
erit. Susceperat inter alios liberos, etjam Elisabe-  
tham filiam, quam piissimâ fæminâ conjugè suâ Evâ  
adjuvante, ita ad pietatē formârat à teneris, ut jam  
adultior seculo vale fecerit; & cùm nullum in proxi-  
mo claustralium virginum esset cænobium, in Resse-  
liensium se receperit conventum. Jam aliàs earum  
virginum mentio à nobis facta; quarum instituti vi-  
vendique ratio Brunsbergæ, à Regina Protmania,  
prudentiæ pietatisq; laude (qua cum Anno MD CXII.  
decessit) eccellente Virgine triginta & aliquot ante  
annos exordium cæpit. Partitio inter suos loco, nata  
erat Regina, & nuptias juxta ac seculum in seculo fu-  
gitans, totam se Deo rebusq; divinis addixerat; ita  
ut majorem diei partem in Templo, vel oratione,  
domesticos intra parietes fusâ, contereret: & quovis  
Dominico ac festo die ad sacrosanctum Domini epu-  
lum se conferret. Non potuit *lucerna hæc*, uti Domi-  
nus ait, *latere sub modio*; facileq; & illa pietatis lux sin-  
gularis, in oculos incurrit; & ille virtutum Christiana-  
rum odor, ad se plures pellexit, aut potius traxit. Ita  
sub Annum Domini MDLXXX, aggregatis nonnul-

(a) lib. 3. cap. 10.

lis, ejusdem animi pietatisque virginibus, eodem te-  
cto, iisdem vestibus, iisdem que instituti legibus (quas  
P. Engelbertus è Soc. Jesu tanquam conscientia ca-  
rundem arbitet, & P. Paulus Boxa, ille tot anno-  
rum in Provinciis Regni Polonia Soc. Jesu mode-  
rator, potissimum condidère, illustrissimi verò Anti-  
stites Varmienfis ad hanc usque diem omnes proba-  
vère) cæperunt uti; crescenteque in dies numero, ad  
alias Varmia civitates Vormditum nempe, Heilsber-  
gam & Kesselium colonia ductæ. In hac igitur Res-  
selienfi colonia, Templo admodum vicina, & Turri  
Templi propè contigua, virgo Ageisonia, repentino  
juxta ac horribili fulminis ictu, quo eadem Turris  
perculsa, tecto tenus conflagravit, vehementissime,  
ut è propinquo solet, perculsa usque ad consequen-  
tem inde epilepsiam est; quâ, cum sæpius & gravissi-  
mè exagitaretur, novo quasi fulmine, cum cæteras in-  
stituti sui socias, tum verò potissimum ipsos parentes  
suos perculit. Haud equidem ambigam, socias omnes  
varia adhibuisse malo remedia; parentes nihilominus  
omnium invenerunt optimum. Ad Marianam nem-  
pe Lindam, quam suâ quoq; operâ non mediocriter  
provexerant, & contra fulmen, non jam lauri, pro ve-  
terum more, sed plus quàm aureum Sibyllæ ramû è  
Tilia Mariana carpsisse visi sunt; quando voto ad B.  
V. Lindensem facto, eundem capiti filia ramum præ-  
texuerūt. Simul enim ac votum, uti Ciaritius scribit,  
*incunctanter reddiderunt, illa bene volente DEO, & B. m<sup>o</sup>*  
*Virgine suffragante, integerrimè convaleuit; ita ut in poste-*  
*rum, eo morbi genere nunquam sit impetita, & sana adhuc*  
*vivat. Viventem, & quanquam nō admodum validâ.*



satis tamen commodâ utentem valetudine, ego quoque pluribus deinceps annis spectavi. Quæ ante viginti circiter annos defuncta, Matri suæ Evæ, cujus potissimum consilio desponsa fuit Christo, videtur de annis suis aliquid admensa. Ad hunc enim MDCLV. annum pia illa matrona, tot persecutionum in Dania, exilii in Prussia laboribus calamitatibusque exercita, cum vix pelle & ossibus constare posset, superstes fuit.

### III.

Infans gravi epilepsiâ correptus, voto ad B.V. Lindenlem per matrem facto sanatus.

Si fortè comitialis morbus, ad vulgi sensum Hercules idcirco dici possit, quòd Herculem in ipsis quoque cunis, magis, quàm gemini illi ab eo elisi angues, fortasse invalerit, poterit eodem tanè sensu facer morbus idcirco fortasse dici, quòd hominem aliquando sacrum religiosè futurum, in ipsis quoque; adortus sit cunis. Erat is Vormditi, honestissimo inter suos loco natus, qui etjamnum quinquagenario major in Societate Jesu quatuor vota professus agit P. Georgius Erenst Reverfus ille è Grodnensi Societatis Jesu domicilio (quod triennium superior gubernarat) postliminio in patriam; cum historiam Lindenlem condidit me cognovisset, ultro, beneficii divini memor, & nomen, & gratum erga Deum ac Deiparam animum, III. Cal. Aug. Anni MDCLIV. apud me professus est. Sextum vitæ mentem vixdum attigerat, quando illo conflictari malo cæpit. Mater, quæ non lacte magis, quàm pietate imbuendum susceperat filiolum, Deiparæ ita afflictum obtulit, & voto Lindam

dam nuncupato, eidem Deiparæ coram stitit; neque  
 segnius Deiparæ, tanti vim mali stitit in infante. Ab  
 eo temporis momento, sanus domum rediit, Paro-  
 chum Laubichium, egregium virum, super beneficii  
 divini magnitudine vehementer attonitum, coëgit  
 exclamare: Puer iste, olim doctus juxta, ac magnus in  
 domo DEI vir erit.

## IV.

Puella quadrima, toto vitæ tempore sacro morbo af-  
 flicta, Deiparæ Lindenensis ope curata.

Placet in præsentiarum, iterum narrantem audire  
 Ciaritium. Stanislaus Zach Novogrodensis ex Podla-  
 chia, uxorquæ Helena, habebant filiolum quadriennem,  
 Magdalenam nomine: qua toto eo fere tempore, quo vixe-  
 rat, dirum illum morbum, quem comitalem vocant, vel ca-  
 ducum, passa fuerat. Hanc parentes attulerant Resselium,  
 ut eam ad Altare S. Valentini admovent, & meritis pre-  
 cibuscq; Martyris, filiola salutem impetrarent. Videbaturq;  
 morbus remississe aliquantulum; sed paulò post vehementius  
 incruduerat. Quare cujusdam matrona Resselienfis suasu  
 inducti parentes, ut pro filia votum ad hoc Oratorium face-  
 rent. Dictum, factum; & puella amplius ab ea diritate in-  
 festata non est. Voti religionem expleverunt xxx. Iunii An-  
 no MD CXXIII.

## V.

Puer octennis, voto parentum, quamvis non Catho-  
 licorum ad B.V. Lindensem emissio, à fontico  
 morbo liberatus.

Placet & hîc Ciaritio narranti aures dare. Stanis-  
 laus Iastrzembski habitans in villa Gura, districtus Anger-  
 burgensis, adduxerat ad hoc Lindenſe Oratorium Anno  
 X 5 MD CXXIII.



MDCXXIII. die XVII. Iunii, filium Casparum, puerum o-  
 Ettennem; quem referebat ex terrore atri canis à se tantum  
 visi, in Epilepsiam incidisse: & sex annis, certis temporum  
 conversionibus, & maxime noviluniis eo morbi genere dive-  
 xatum fuisse. Tandem cujusdam senis monitu persuasus pa-  
 rens, & avia pueri, illum ad gloriosissimam Virginis MARIÆ  
 Oratorium Lindense ducendum aut gestandum voverunt.  
 Statim ab emissio voto, pestiferi humoris effervescencia se-  
 data; puer in posterum eâ peste nunquam amplius tactus est.

### CAPUT XXI.

A pestilentiz luc, vel maleficiis ope B. V. Lindenſis ſervati,  
 vel erepti.

**I**Am aliàs (a) Ciaritio, experientiaque testibus di-  
 dicimus, ipsum Lindæ Marianæ locum, etiam si pe-  
 stilens aër in vicino undique grassaretur, ab omni pe-  
 stilitatis contagione fuisse immunem. Sed & ii, qui  
 eo alibi malo vel septi, vel affecti, animo supplicibus-  
 que votis ad eam Tilix Marianæ umbram sese rece-  
 père, non rarò DEI, ac Deiparæ sospitatricem experti  
 sunt manum.

#### I.

Præfectus arcis Heilsbergensis undique pestilente  
 aurâ septrus, voto B. V. Lindenſi factò, cum o-  
 mnibus suis incolumis servatur.

Loquitur id tum per se, tum per adjctam inscrip-  
 tionem insignis argentea tabula, ab eodem Præfe-  
 cto voti reo XIV. Calend. Majas Anni MDCXXI Lin-  
 denſi Deiparæ oblata. Nam, uti Ciaritius quoque  
 memorat, cum Anno MDCXX. pestis in Episcopatu Var-  
 mienſi;

(a) lib. I. cap. 25.

miensi, immaniter plerique in locis, maxime verò Heilsbergæ grassaretur, multosque tolleret, generosus Ioannes Gonsiorovsky Burggravius Heilsbergensis, contagionis periculo, undequaque cinctus, in Arse consistens, auctor fuit reliquis, qui cum illo remanserant, ut se communi voto B. **MARIÆ V.** ad Lindam obstringerent. Quod, ut factum fuit, ipse cum omnibus incolumis servatus est. Voto, pari pietatis religione satisfactum Anno MD CXXI. die XVIII. April. Idipsum testatur epigraphæ Tabulæ addita, quæ huiusmodi est:

D.O.M. in periculis vindici, ad gloriam: diva Genitricis ob singularem tutelam, ad honorem: Ioannes Gonsiorovsky Burggravius Heilsberg, in Arce ibidem cum suis, à peste undique grassante servatus incolumis; gratitudinis ergo, humillimè ex voto posuit, Anno MD CXXI. die XVIII. April.

## II.

Familia & domus tota primarii civis Heilsbergensis, voto Lindam factò, à peste liberata.

Eodem prorsum tempore ac loco, primarii inter Heilsbergenses viri domus Deiparæ Lindenensis beneficium affatim expecta est. Erat is D. Nicolaus Hagnau dignitate & opibus inter tuos spectabilis; ut pietas quoque magis spectabilem redderet, commune pestilentis auræ quasi incendium fecit. Jam domum ejus flamma involverat & pedissequarum altera vi pestilentiae extincta; altera ne malum serperet latius, aliò deducta; simulque ubi è tantis vestigiis malum innotuit, votum ad Deiparam Lindensem factum: neque salus domui legnè reddita. Ab eo momento, quasi è medio



medio flammæ omnes erepti incolumes evasere. Quod tum quidem admirabundus juxta ac gratulabundus coram spectavit, & nunc magna cum gratiarum actione III. Non. Majas Anni MDCLV. apud Lindam Marianam, quod cum denso civitatis supplicantis agmine venit, dicti D. Nicolai & Emerentianæ superstes filius, D. Simon Hœgnau Consul Resselienſis, mihi ex fide recensuit. Recenserent fortasse idipsum germani fratres ejus, si coram adessent, tum Georgius, tum Christophorus, uterque Societatis nostræ sacerdos, & ille hoc ipso tempore Collegii Gedanensis Rector.

## III.

Puer supra grassantis pestilentie sævitiem, morbo gravissimo afflictus, voto à parentibus ad B. V. Lindenlem nuncupato, sanatus.

Loquitur & hoc ipsum altera insignis Tabella argentea Anno MD CXXVI. oblata, & inscriptum illi Polonicâ linguâ epigramma, quod Latine hic reddimus. Ioannes Pexin de la Bastil Gallus, S. R. Maiestatis Crustularius, unâ cum Catharina sua consorte, memores, quo pacto filius noster Petrus, tempore pestilentie, gravissimo fuisset morbo depositus, & à nobis in eo morbo sanctissimæ Virginis Mariæ apud Lindam oblatus, citra omnem moram, priori incolumitati fuerit restitutus. Quocirca in perpetuam accepti beneficii memoriam, Tabellam hanc dicamus. Quod ad maiorem sanctissimæ Virginis gloriam & honorem cedat XV. Decembris Anno Domini MD CXXVI.

## IV. Vir-

## IV.

Virgo maleficio Dæmonis, omnium usu membrorum privata, per Deiparam Lindensem pristinae incolumitati restituta.

Patria Virginierat Lauternhagen, coloniae Heilsbergensis pagus; nomen verò Walpurgis. Incertum quibusdam fuit, qua tandem ex causa morbum prorsus incurabilem contraxisset; at ipsi certum omnino videbatur, ex maleficio Dæmonis fuisse contractum. & ipso temporis intervallo, quod quidem non breve fuit, auctum potius quàm quæsitum: ita ut membrorum omnium motu usque privata, quemadmodum Ciaritius rem absolvit, immensos diu dolores toleraverit. Nec reperiebatur quisquam, qui aut membris mederetur, aut dolorem pelleret. Succurrit illi post omnia, B. V. MARIA Lindenensis. Votum idcirco ad illam concipit; & continuo omnia membra, ac si nunquam morbo laborassent, ad consuetam operum munia, apta reddita sunt. Ipsa verò bene valida satisfecit Anno MDCCXIII. mense April.

## V.

Puella quadrima, cum ne quidem maleficæ operâ curatâ morbo posset, DEIPARÆ Lindenensis ope curata est.

Tanta est siue vis veritatis, siue DEI imperantis potestas, ut ipsi quoque Dæmones, & qui à dæmonum obsequiis sunt, magi, sagæ, aliique id genus tenebrarum ministri, DEO & veritati gloriam dare cogantur. Quanquam enim beneficia Dæmonu, ut S. Leo ait (a) omnibus sunt nocentiora vulneribus; quia ut S. Augustinus docuit (b) dum beneficia præstat, magis nocet; inter-

(a) *serm. 19. de Passione.* (b) *lib. 8. civit. 24.*



interdum tamen Deo adigente, è scorpìo illo, quasi scorpiacon quoddam habere mortales solent. Si enim Bedæ, Hugoni aliisque (a) credimus; Pythonis illa, vel potius, qui illam possederat, spiritus malignus, adactus est, Pauli & Silæ panægyristen agere, & exclamare: *Isti homines, servi Dei excelsi sunt.* Non igitur mirum videri debet, si malefica, quæ in curando puellæ quadrimæ, qua de agimus, morbo, omne suum robur nequidquam consumpserat, Deo & Deiparæ Lindenfi, ad cujus opem ultro, aut potius coacta ægram remisserat, gloriam dare coacta sit. Rem è P. Simonis Hein ( qui à parentibus puellæ acceperat ) commentariolo paucis accipe. Anno MD CXXIX. colonus quidam in pago, à sacra Linda haud longè diffito, filiolæ circiter quadrimæ, alia nequidquam remedia adhibuerat; ad veneficam ergo iterum ac tertio recurrit; quæ etjam tertium de pellendo morbo vires omnes & carmina adhibuit: sed semper in cassum; ut palàm fateretur, curari ab se non posse; sed, si parentes curatam vellent, ad B. Virginem Lindensem, quæ curare possit, recurrerent. Agnoverunt parentes, non sine pudore suo, in maleficæ ore, ipsius veritatis, per adactam loquentis maleficam vocem: & voto statim religiosè concepto, relictâ domi puellâ in viam sese dant. Et jam voto defuncti, jamque domum appropinquant, filiolam, quam lecto affixam reliquerant, extra lectulum domumque progressam, quin & sanam, & aliis coævis alacriter colludentem repererunt!

CAPUT

(a) apud Canobium in Act. 16. 17.

A mortis periculo morbisq; gravioribus per B. V. Lind. erepti. 335

## CAPUT XXII.

A manifesto mortis periculo, vel gravioribus morbis, Deipara Lindensis ope eruti.

**A**Rgure nec minus piè, uti solet, ac verè Græca Ecclesia in Menæis (a) beatissimam Virginem per obitum suum asserit Mundum vivificare; sive per obdormitionem suam omnibus, usque ad ipsos fines terre vitam largiri. Quòd cum in Templis sibi dicatis plerumque faciat (illa enim sunt Officinæ medicæ aëgris omnibus expositæ gratis, uti eadem Ecclesia Græca (b) docet) nihil cuiquam sit mirum, si & in Lindæ suæ sacello medicam aperuerit officinam etiam iis, qui cum morte interdum magis, quàm cum morbo luctantur.

### I.

Ipsemet historiæ Lindensis scriptor per Deiparam Lindensem, propè ab ipsis portis reductus mortis.

Vix dum finierat historiam B. V. Lindensis, qui primus illam hoc ævo (superiorum enim seculorum altissimum de scripta historia silentium est) concinnare erat aggressus Michaël Ciaritius, cum unâ & vitam, nisi eadem Deipara produxisset, propè finivisset. Anno MDCCXVI. Cal. Mart. finitam ab se historiam magno Regi Sigismundo dicavit; at XVI. Cal. Febr. ejusdem anni, productam sibi à Deipara vitam, Tabellâ argenteâ, egregio sanè opere effectâ, eidem cum hac inscriptione dedicata his verbis est professus.

Calo-

(a) Apud VVagnereckium num. 456. χαίρει, ἡ τὰ πέντατα τη κομῆσει ζωόσασα. (b) Ibidem num. 407. ἰατρῆον ἀμύδου τὰς ἀθενῆσιν ὑπάρχει ὁ ναὸς.



*Calorum, Maru, Terra Regina*

*Cape fave; promove preces, Reo salutem.*

*Audi Jesu, precantem Matrem, & veni salutifer Amen.*

*Sacratissima Virgini MARIAE, ad Tiliam sacram*

*Matri magna, Matri misericordia Opt. Max. Patrona*

*Peccator supplex servulus, Michaël Fridericus Ciaritius*

*de VVartemburgo P. L. Presbyter Varmiensis*

*à portis fere mortis sospitatus restitutus*

*ex voto, gratè & humiliter S.*

*Anno 1626. Ian. 17.*

Et erat ille profectò sanitati restitutus, quia ab eo tempore duodecim circiter annos vitam produxit; quæ etsi posterioribus aliquot annis calamitosa & morbis tanquam sentibus fuerit implexa, crediderim has etiam spinas singulari Deipatæ clementiâ illius clienti oblatas, ut futura in vita, coronam sine omni spina illi redderet.

Cæterùm qua ex causa non modò simili opere perfectam, similiq; fere epigrammate inscriptam, sed & eodem planè tempore oblatam dicârît B. V. nobilissimus vir & totius Varmiaë Judex Ludovicus à Seegat Stanislawsky, mihi quidem necdum satis liquet. Satis igitur nunc officio defungar, si vel ipsam duntaxat additam operi inscriptionem, ut ex argumenti affinitate de causarum quoque affinitate cuius sit divinandi facultas, in medium produxero. Ad iplum igitur Tabulæ limbum, circum B. V. effigiem faberrimè ex argento culam, scriptum est.

A mortis periculo morbisq; gravioribus per B.V. Lind. erepti. 177

*Calorum, maris, terra Regina,*

*Cape, fave, preces promove, Reo salutem.*

*Audi Iesu precantem Matrem, & veni salutifer.*

Iam verò à tergo ejusdem tabulæ, affixa nova itidem argentea tabella scriptum habet.

Ludovicus Stanislavsky à Seegut. Heros in Molditten, Advocatus Varmiensis, unà cum conjuge sua Sybilla à Schedlin; ad honorem & gloriam Dei ter Opt. Max. Virginique Deiparae Mariae laudem hanc icunculam fieri, & in locum sacrum Lindam deferri curavit, Anno 1626. die 15. Januarii.

II.

Illust. Castellanus Siradiensis, à gravissimo mortis periculo, B. V. Lindensis ope, ereptus.

Decebat primum historix Lindensis, uti memoravimus, conditorem beneficiorum Deiparae Lindensis non esse exortem; nec minùs decebat, ad eum beneficiorum cumulum admitti eum, qui primus restauratae Lindae fuit author Rudnicus Varmiensis Episcopus. Admissus est, & quidem eodem fere, quo Linda restaurata, anno. Eodem enim tempore, cum frater ejus natu major, Castellanus Siradiensis, longè gratissimus advenisset hospes, multò deinceps gravior fuit, quando Deipara Lind. ope, ab ipsa prope morte revocatus, restitutus fratri fuit Accipe rei seriem à manu & calamo Citaritii, oculati, ut ego quidem arbitror, testis. Venerat Heilsbergam, Illust. ac magnificus D. Ioannes Rudni ky Castellanus Siradiensis, ut Reverendissimum ac illustrissimum Episcopum Varmiens. Simonem, fratrem germanum inviseret. Prater spem verò in gravissimum mortis periculum, ex ardente febris inciderat. Respuebat vis morbi omnem Medi-



corum opem: ab illūque pro desperato ac deposito habitus, animam agebat. Accurrit ad fratrem agrum, vehementi dolore percussus Episcopus, videtque cuncta præsidia humana, in conservanda fratris vita, nullius esse momenti. Ad caelestia igitur se convertit, fratremque Beatissima Deipara Virgini, & lacrymis & precibus diligenter commendans, votum nuncupat fratris nomine ad sacrum hoc oratorium, si convalescat, ab ipso persolvendum. Mirum dictu! continuo ager, morbo fontico levatur, pristinum virium robur recipit, & eodem die votum, quod sui causā factum fuisse intellexerat, exequi statuit. Prohibitus autem à fratre Episcopo, post triduum octuagenarius senex, huc cum Episcopo se contulit, & summā, id pietate præsstitit. Reliquit devotē in Oratorio argenteam laminam, restituta sibi sanitatis, Virginis gloriosa interventu, testem, Anno 1619. Atque hæc Ciaricius: at verò argentea, cujus ille meminit, tabula rem paucis ita signatam præfert.

Illust. & magnificus D. Ioan. Rudnicky Castellanus Siradiensis gravissimo mortis periculo, ex voto Illustrissimi ac Reverendissimi Principis & Episcopi Varmiensis, fratris sui germani liberatus, Beatissima Deipara Virgini ad Tiliam sive Linde, monumentum hoc devotissime posuit, Anno MDCXIX.

### III.

Adolescentulus nobili genere ortus, ab immani & periculosissima anatomosi, tum aqua Lindam præterlabente tum multo magis caelesti Deipara Lindenensis ope curatus.

Anno circiter MDCXIX, Brunsbergæ literis operam dabat, Matthias Raab nobili genere adolescentulus

tulus; & necdum fundendo generosè sanguini satis idoneus, immani sanguinis sputatione, præter spem accedente, propè et jam animam fudit. Credi vix potest, quantum è tantillo adolescentuli corpusculo manarit sanguinis profluvium, quod Biennium integrum tenuit; medicis nequidquam, aur potius etiam noxiè amantibus. Prostrata jam omnino erat tum salus, tum spes quoque salutis: cum pia mater, è nobili & perverusta Biloniorum domo Elisabetha, apud Divæ Virginis Lindenſis domum, filio medicinam invenit. Voto enim nuncupato, filium magis rapit, quàm ducit, simul autem atque votum matris ore prolutum erat, revalescere filius utcunq; caput: simul verò atque Lindam attigit, & aquâ, quæ mediam convallem lambeudo præterlabitur, sese perluit, præclare revaluit, Mater non alienam à promovenda salute aquam illâ rata, hydriâ ejus secum deportat. Neq; vana fuit, etiam in ipsâ Lindam præterlabente aquâ, sedes aut fiducia. Idem enim filiolus, ut domi priore sanguinis fluxu penitus repente caruerit, non tamen caruit succedente, cum tempore periculossima intra fauces anginâ: quam, ut eadem Deiparæ Lindenſis ope abigeret, eandem eluendo gutturi aquam identidem adhibuit; & brevî procedente tempore, ita revaluit, ut ad hanc diem, Dei gratiâ sanus, & Lindæ vicinus nunquam desistat Dei, ac Deiparæ beneficentiam prædicare.



**Varii morbis variis levati gratum erga Deiparam  
Lindensem animum tabellis argenteis  
contestantur.**

Si omnes, qui non jam tacitis animorum votis ac precibus, sed etiam anathematis è cerâ effictis vel alijs donariolis gratum erga Deum, & B. V. Lindensem animum contestati sunt, percenseri aut etiam sciri possent, immanè quantà vel voluminum mole, vel temporis spatio ad exigendos calculos opus esset. Pauculo ex iis, qui argenteis tabellis, vel nomina vel accepti beneficii memoriam inscripserunt, necesse est non præterire: nam alios plurimos, qui argenteas quoque tabellas sine ullo vel beneficii accepti vel nominis indicio attulerunt, quis cognoverit, ne dicam, recensuerit? Anno MDCXXI. generosus Dominus Ioannes Henchen, Dñi Eustachii Placidi Canonici Varmiensis germanus frater, Burggravius Varmditensis, & in Elditen hereditarius Dominus egregiam obtulit tabellam cum hac epigraphæ, quam è germanico traductam damus. *Ego Ioannes Henchen, unâ cum carissima Thori consorte Anna Protmania effigiem hanc sanctissimæ Dei Genitricis, ad Dei gloriam fieri curavimus; quandoquidem gratiam & suffragium eiusdem Dei Genitricis experti sumus Anno MDCXXI. die XX. Aprilis. Quid porro beneficii aut gratiæ singularis experti sint, propinquus eorum de societate Iesu sacerdos censet fuisse, impetratos à Deo per Deiparæ suffragium liberos, quos inito matrimonio nullos longo tempore susceperant.*

*Et forasle eadem, aut simili de causâ ab ipsis, vel*

A mortis periculo morbisq; gravioribus per B.V. Lind. erepti. 341  
ab eorum filiolo Alberto, post exactos quinque ab  
eo tempore annos, altera itidem argentea tabella  
oblata est cum hac inscriptione, Anno MDCXXVI.  
die XXI. Mesi Albertus Henchen.

Anno MDCXXII. Matthias Hoffman, ubi suum  
votum oculorum causâ susceptum explevit, dum  
rei seriem, uti Ciaritius scribit, referret, addidit; uxore  
que suam Barbaram, longo capitis dolore prater mo-  
dum afflictam, votum ad eandem B.V. Mariam fecisse: &  
levamentum cepisse; brevi ad futuram, ut voto satisfaciatur.

## CAPUT XXII.

Supplicia divinitus accelerata iis, qui Deiparam in restaurata Linda  
loco, contumeliâ vel injuriâ affecerunt.

Quod divinus vates Isa. (a) peccatum quasi vinculum  
plaustris trahi, docuit, & S. Cyrill. ad eos transtulit,  
qui, peccatis, quasi vinculis plaustralibus innexi,  
pœnas & supplicia, peccatis ex æquo respondentia,  
quasi plaustra non tam ducunt, quem impetu quo-  
dam in se devolvunt; id ita verum quandoquæ est,  
ut S. Augustinus in eo, quam de vitâ Christianâ, ad  
sororem perscripsit libro (b) non dubitarit eodem  
illud divinum Oraculum, subitò venit ira ejus, eâ in  
causa usurpare, quin, cum id in plerisque impleri  
(quibus ob nimia peccata & in presenti ira Dei supervenit,  
& in futuro servatur) tum verbis tum exemplis adstru-  
xisset, tandem propè exclamando subjicit: Dicat  
mihi quis, si quem sacrilegum, sanguinarium, rapacem,  
falsarium, homicidam, furem, fraudulentum, adulterum,  
ceterorumque criminum reum, vel in presenti potuit videre

T 3

lon-

(a) cap. 5. 18. (b) cap. 2.



longavum? Nos enim plurimorum habemus exempla, per qua probare sufficimus, sceleratos & impios, peccatorum suorum sine completo, etiam hoc tempore judicari; & præsentem eis vitam negari, non minùs quàm futuram. Non negat Aug. differri sæpè impiorum supplicia, tum ut longâ Dei patientiâ, humano generi consulatur; tum ne Deus judicetur impatiens, si illico voluerit damnare peccantes; præsertim cû nec justos de peccatoribus haberemus, si confestim Deus vellet punire, qui peccant: tamen, & justitiæ Dei suum relinquit locum, quæ interdum exigit, ut impius vel dum è portu solvit. vel dum medium impietatis suæ Oceanum ingressus est, naufragium faciat, & quam exorsus fuerat scelerum telam, sub ipsum abrumpat exordium. Atque inde quoque fit, ut ad illud Lindæ Marianæ Asylum (quo peccatoribus quantumvis impiis, tutissimus est receptus, si redire ad saniora velint) plerisque, qui saniora consilia respuunt, sua non raro adsit Nemesis, ut exempla nō minùs quàm apud Tursellinum de Æde Lauretana (a) quorundam docebunt.

## I.

Sub ipsum instaurandæ Lindæ exordium. mulier, cereos è loco sacro auferens, divinitus plexa.

Si ii, qui è sacrosanctâ Æde Lauretanâ aliquid, etiam pietatis ergo raptum asservabant, divinitus sunt castigati (qualis fuit tum vir ille nobilis, de quo Tursell. lib. 3. (b) tum Ioan Soar. Episc. Conimbricensis, de quo idem (c) tum alii, de quibus lib. 5. (d), quidni

(a) lib. 2. cap. 23. & lib. 3. cap. 29. (b) cap. 30. (c) lib. 4. cap. 3. (d) cap. 8. & 15.

In Lindæ restauratæ violatores supplicia divinitus inflicta. 348  
 majore videantur castigandi jure, qui ex eadem vel  
 alia sacrâ D. Virgini Æde, citra contumeliam nonta-  
 men citra contemptum aliquem, ad usus minimè pi-  
 os tollunt? Cùm sacrosanctum hoc (inquit de Lindensi  
 Ciaritius) Sacellum, à Sadorcio instaurari ceptum esset,  
 accidit, ut Michaelis Brodovii, fabri murarii uxor, cereros  
 non paucos è sacro loco raperet, in chartarum lusu exurendos.  
 At diu furto letata non est. Continud enim pedes illius tanta  
 debilitatis languore corripuntur, ut consistere omnino non  
 potuerit. Perterrita hoc malo, irreligiosa mulier (viso, ca-  
 terisque, qui aderant, causam facti ignorantibus, in stupo-  
 rem versis) ultro scelus fassa est. Restituit itaque loco sacro  
 surreptos cereos, ceramque aliam decuplo serè augmento su-  
 peraddidit; & absq; dilatione ulla, pristinam pedum sanita-  
 tem recuperavit; salutaremque terrorem aliis incussit, ut lo-  
 cum sacrum religiosius venerarentur.

## II.

Vir nobilis in Deiparam Lindensem contumelio-  
 sus, ab arbore firmis nixa radicibus, subitò  
 vix non obrutus.

Prius quàm id, quod Ciaritius (a) memorat, hoc  
 loco referam, subit planè mentem id, quod in buco-  
 lico divinæ suæ poëseos carmine, sponsi ac sponsæ  
 nomine Salomon canit de Christo & B. Virgine (b)  
 sicut lilium inter spinas, sic amica mea inter filias: sicut ma-  
 lus inter ligna silvarum, sic dilectus meus inter filios. Quo  
 pacto Deipara Virgo, ut etjam ad ejus Lindam re-  
 spiciamus, fuerit & sit lilium inter spinas, præclare  
 ut solet, Abbas Tuitienfis, apud Cornelium ipsum  
 inducens Christum Deiparam alloquentem, ita ex-  
 plicat.

T 4

(a) n. 17. (b) Cant. 12.



plicat. Itaque ha spina & filia, blasphemia sunt Iudeorum, secta sunt hereticorum. Verum sicut ego spinas periuli quidem, sed exsuperavi; ita & de te veraciter predicabitur, quia cunctas haereses interemisti. Qua verò ratione Christus sit & fuerit malus inter ligna silvarum, alii alibi docuerunt, apud Lindam verò Marianam, videtur aspectabilis malus arbor fuisse, quæ impudens & blasphemum hos hæretici obtudit. Præteribat, ut inquit Ciaricius, curru vectus Marianum hoc Oratorium, Vir quidam nobilis; & ad illud, non pietatē, sed scelesto more ridendi sacra stimulatus, deflexit. Ingressus igitur, non pepercit verbum in Deum, Virginemq; Matrem contumeliosis. Ad hæc sancto altari insidens, omne, quod potuit, dehonestamentum loco sacro inferre non intermisit. Postquam verò inde se recepisset, & montem proximum conscendere pararet, pomus arbor, ad declivē latus profundioris via sita, firma radicibus, & floribus tum induta, repente prolapsa, & in temonē, inter equos currumq; incidens, illos stitit; parumq; absuit, quin hominem sacrilegum oppresserit. Ille quidem sceleratē; rem tam mirandam, magicis incantationibus, imputavit; ceterum omnibus consistit, qui aderant nonnisi vi divina arborem altis fundatam radicibus momento corruisse; misericordī tamen benignitate Dei, caput contumeliosi hominis non obturvissē; & hoc tam stupendo casu, Beatissima Virginis honorem fuisse vindicatum.

## III.

Impius verbi Lutherani minister, de Deiparā & Lindensi illius Æde ludos sibi faciens, gravissimas impietatis suæ poenas luit.

Mitius fortasse plexus videri potest is, de quo proximē egimus, nobilis vir, præ quodam Luteri Popa,

Popa, de quo Ciaritius (a) fortasse idcirco, quia minus videri potest facinus illius, qui Ministris ita docentibus didicit, & quod didicerat, magis ipsorum quàm suâ impietate exeruit, certe Popa ille, non modò par nobili viro facinus patravit, sed etiam, pro more munereque suo, de Cathedrâ pestilentiz illud prædicando docuit, nam ut Chrysologus inquit (b) *docens impietatem, pestilentia residet in cathedra; & sermone mellito* (qualis utique prædicantium esse solet) *virus doctrina letalis audientibus effundit.* Sed jam Ciaritium audiamus. Alter quidam minister verbi ad Rhein oppidum inferioris Prussia, dum iter faceret ad hoc Oratorium, ingressus, in risus ludosque profanos effusus, coronasque cereas capiti imponens, insano motu subsultans choreas duxit. At diu non divina vindicta morata est. Tantus enim illum dolor stuporque opprimit, ut egre ex Oratorio efferri, & egrum domum perferri potuerit. Ita, et jam nunc toto corpore affectus perhibetur, ut per se nec recte ingredi, nec firmiter consistere queat; & in ostentum mortalibus penam suam omnibus membris invalidus circumferat. Remi erat istatim uxorem, cum denariolis quibusdam ad sacrum Oratorium & tegmina crurum fasciasque in loco sacro suspendi curaverat, ut essent religionis violata, & sue panitudinis signum. Res ab omnibus cantatur, & signa quandoque illi etiam, quibus recentium evangelium est amabilius, videre optant. At non supersunt.

Y f

IV

(a) num. 8. (b) Serm. 44



## IV.

Consul Resselienſis ob non ſolutum, quod Deipara  
Lindenſi nuncuparat, votum, purgatorijs igni-  
bus expiatur.

Etjam leviores in Deipara cultu noxas, haud im-  
pune abire, vel à ſuo quoque obitu docuit Dominus  
Ioannes Schultz, Perilluſtris & adm. R. D. Lau-  
rentii Schultz. Canonici Pultoviensis & præpoſiti  
Viſnenſis (qui hæc manu quoque ſuâ prodidit, quiq;  
jam aliàs (a) luculentus nobis adfuit teſtis) qua pie-  
tate, quâ primis inter ſuos honoribus ſpectabilis pa-  
rens. Agebat is Conſulem Reſſelii, cum ſub Anni  
MDCXIV. exitum in morbum incidit; &, ſive pro  
reſtauranda ſanitate ſive pro ſelici ex hac mortalita-  
te abitu, candelam ceream Deipara Lindenſi pro-  
miſit. Promiſſi memoriam aliqua fortasſe negligenti-  
a ademerat agro, ita ut voti reus ad plures hinc e-  
migravit. Vix triduum inde abierat, cum ſuperſtiti  
uxori Eſtheræ Ditlofranz per ſomnium ſe offert  
ſpectandum, & de præſtando Deipara voto admonet,  
illud adjiciens, ſe quidem viam ſalutis feliciter  
ingreſſum eſſe, progreditamen nequaquam poſſe,  
niſi voto, quo Deipara Lindenſi obſtriſtus eſſet, ab-  
ſolvatur. Diſtum, factum. Pia enim conjux, voto citra  
omnem prorsus moram præſtito, etjam quod-  
dam quaſi ſœnus adjecit; quia ſodalitati B. V. An-  
nunciata, quæ in collegio Lomzenſi, recens tum ſo-  
cietati Jeſu erecto, unâ aſſurgebat, grandius ex ar-  
gento ſigillum, quo ad hanc uſque diem ſodalitas il-  
la fruitur, donavit.

LIBER

## LIBER IV.

*De Lindæ Marianæ, curæ Societatis Iesu commissæ,  
& rebus à MDCXXX. Anno  
gestis.*

## CAPVT I.

Primi, qui de societate Iesu ad Lindæ Marianæ curam admoti sunt,  
fuerunt è collegio Brunsbergenſi exules.

**O** Vi ad ipsum Lindæ sacelliq̃ue exortum  
retroactis seculis, diuinarum rerum curam  
gesserint sacerdotes, haud facillè est conjicere;  
nisi quòd Ioannes à Tieffen Ordinis  
Theutonicus supremus moderator (uti libro I. cap.  
VI. vidimus) innuat, partim ex illius Ordinis sacerdotibus,  
partim ex aliis Cleri, ut vocant, secularis Presbyteris,  
Lindæ curam habuisse solitos. Posteaquam Sadorſcius  
postliminio sacellum restituit, ut Dei ac Deiparæ cultum unà  
restitueret, nihil habuit antiquius, quàm ut Societatis Iesu  
presbyteris curam sacelli, laboremq̃ue circa promovendam  
animarum salutem committeret. Præterquam enim,  
quòd rebus diuinis, & peregrinorum commodis,  
quàm maximè vellet consultum, eà insuper erat in  
societate Iesu jam à teneris voluntate ac studio, ut, si  
quâ posset, fundare societatem Resſelii dudum ante  
fatageret: Egerat quocirca sæpe cum moderatoribus  
societatis, ut in desertū Eremitarum Ordinis S. Aug.  
monasterium (quod & Illustrissimi Varmienſis Episcopi,  
& serenissimi Polonia Regis gratiâ facillè  
obti-



obtinuerat, sanctæque sedis Apostolicæ autoritate possessione firmaturus erat) commigrare ne detre-  
 scarent. Quâ causâ societate, in testamenti suis tabulis,  
 Anno MDCXXIV conditis & signatis (quæ in ta-  
 bulario nostro Resselij asservantur) bonorum ex as-  
 se heredem scripsit, *vi*, quemadmodum ille ait, *Pa-  
 tres Societatis quanto prius ad Monasterium Resseliense intro-  
 ducantur, & Collegium isthic restituatur Easdem testa-  
 menti tabulas cum Anno MDCXXVI. die 28. Iulii in-  
 staurasset, Hæredes, inquit, bonorum omnium, Reverendos  
 Patres Societatis Iesu constituo (uti in priori meo testamento,  
 ante annum à me conscripto, consignato, & ab admodum  
 R. P. Philippo Frisio Rectore Brunsbergense subscripto, cum  
 subscriptionibus informâ testamenti concedito constitui, &  
 Societati Iesu, pro fundatione Residentiæ Resseliensis inscripsi)  
 & eidem bona omnia lego tam in Episcopatu, quàm in  
 Ducatu; nimirum Fursenau pagum, cum aulâ, prædio, pe-  
 coribus, &c. similiter molam in Schulen, &c. Verùm nō ea  
 rum aut tempora, aut societatis rationes erant, ut  
 societas (quæ nullam cæteroqui ansam, Deiparæ  
 cultum promovendi non arripit) vel in ipso Lindæ  
 Marianæ loco, vel intra desertas Monasterii parietinas  
 Resselij figeret sedem. Quocirca Sadorfcius,  
 qui de pellicienda Resselium societate nondum om-  
 nem projecerat spem, apud Deiparæ Lindæ. Adem  
 aliorum ministeria comparare interim est coactus;  
 quibus eodem ipso tempore, quantumvis haud  
 magnam, satis tamen accommodam juxta facellum,  
 ad habitandū extruxerat domum. Et navabant stre-  
 nuam pro virili operam, terni circiter sacerdotes,  
 intra annos fere octo sibi ordine succedentes. Sed  
 cum*

cùm neque illis, qui ad solitariam illam vitam nusquam assuevissent, aut assuescere unquam animum induxissent; neque tot populis undique occurrentibus, ab uno, quantumvis gnavo operario satisfieri commodè posset; Sadorfcus tantò vehementius societatis operas desiderare, ambire, requirere. Et, ô miras providentiæ divinæ rationes! Eadem prorsum tempestate, sextus supra vicésimum hujus seculi annus verrebatur, cùm ille ab Aquilone belli turbo, qui Prussiam pervasit, capta Brunsb. etjam Collegium societatis dissipavit. Occasus Brunbergenfis Collegii (quæ Dei benignitas in societatem esse solet) Residentiæ, & futuri aliquando Resselienfis Collegii, ortus fuisse videtur; ut Collegium Brunbergenfe, è suis quasi cineribus, instar Phœnicis, in hac sua quasi sobole revixisse; vel certè ex illius quasi ruderibus, nova societati sedes, quæ alio, qui salvo illo Collegio sperari vix poterat, posita fuisse videri queat; adeoque societas geminum intra Varmiam domicilium iam possideat. Illo ergo belli turbine sex omnino sociis Brunsb. involutis, & aliis aliò disjectis, P. Simon Hein, qui se non tam adventanti hosti subduxerat; quàm è præsentis propè manibus Dei beneficio evolverat, cum Socio Resselii substitit; partim ut civitati ad ipsos Sectariorum fines positæ operam navaret; partim ut è vicinâ quasi speculâ Brunbergenfis Collegii statum; & (ut quorundam tum vanæ speserant) occasionem brevi redeundi opperiretur. Commodam hîc occasionem nactus Sadorfcus, Patrem enixè orat, ut difficillimis temporibus sacram Lindæ Adem aliis de-



deferentibus, ipse ne deleat. Neque Pater segnius operam suam, quoad quidem potuit, addixit. Evenerat enim illi, ut, qui Scyllam evitasset, in Charybdim propè inciderit. Nam qui fœdam illam belli tempestatem à tergo reliquerat, à fronte, præter ejusdem belli longè lateque serpentis metum, in grassantem pestilentiam luem incurrit. In qua cum civitati, quæ erat in afflictos caritate, strenuè deservit, Georgium Bussiæ, gnævum in Collegio Brunsbergenfi rerum temporalium, per multos annos administrum, Resellii verò, & totius exilii atque calamitatis fidissimum socium, illam pestilentiam lue afflatum paulò post amisit. Solus igitur civibus intra mœnia cum morte in horas confluantibus ita adfuit, ut tamen Lindam identidem excurreret; & tum Peregrinis, tum Catholicis in vicino positis, à sacris quæ sacrificiis, quæ confessionibus, aliisque sacramentis esset. Paucis ante quam nuper decederet è vita diebus (decessit pridie Cal. Maj. Anni MDCCLIV. annum ætatis octuagesimum quartum supergressus) quemadmodum & alias referre jucundè solitus erat, quanto sibi in illa belli pestisquæ calamitate fuisset solatium, illud ad Deiparam Lindensem perfugium. Tamen si enim per læpe vix ea, quæ ad faciendam rem divinam requiruntur, in illa rerum temporumque difficultate, acquiri possent, tantum abest, ut cætera affluerent; jucundum tamen erat frui illâ facultate, quæ ad maternum quasi Deiparæ sinum clientulo recurrere, & apud Lindensem ipsius Regiam, tum suas, tum universæ societatis vicesliceret desungi.

CAPUT

## CAPUT II.

Societati per Sigismundum III. Regem evocatæ Resselium, Sador-  
scius Lindenſe ſacellum, & domum ſacello adjacentem  
attribuit.

**N**ondum, vel Resselii, vel etiam Lindæ societas  
pedem fixerat, etsi per suos operarios, Deo &  
proximis non contemnendam utrobique navaret o-  
peram: cum, ut utrobique figeret, votisque Sa-  
dorſcii tandem annueret, serenissimi Regis Sigis-  
mundi III. voluntas juxta, ac provinciæ totius ne-  
cessitas coëgit. Successerat in defuncti Rudnicii lo-  
cum, Anno MD cxxi. Serenissimus Joannes Albertus  
Poloniæ & Sueciæ Princeps, perpetuus Episcopus  
Varmiensis Administrator; magnoque & Pro-  
vinciæ & Ecclesiæ comodo, Regiæ suæ dignitatis  
luce Varmiam ornabat: cum interim captâ primo  
Suecorum incurſu Brunsberga, Collegioque societa-  
tis prostrato, omnia in pejus ruere, ac retto sublapſa  
referri. Jacebant prostratæ, unâ cum illis Prussiæ A-  
thenis, literæ; neque erat, ubi juvenus, catholicis  
præsertim orta parentibus, vel ad virtutem, vel ad e-  
ruditionem, eversa illa pietatis literarumque palæ-  
stra, fingeretur. Sacerdotes non pauci, qui se è præ-  
sente belli incendio, vel exilio subduxerant volunta-  
riè, vel morte erepti jam erant, desertas in pagis atq;  
oppidis Ecclesias relinquebant, sed & scholæ ac Ma-  
gistratus civitatum; doctrina pariter ac juris doctis  
sensim deficientibus, vastitatem atque horrorem  
quondam minabantur. Igitur tantam Ecclesiæ Rei-  
pub. solitudinem cum viderent, ac majorem etiam  
indies



indies vererentur iis, quibus rerum administratio difficillimis sanè temporibus erat commissa (potissimum verò prudentissimis illis viris, quibus Collegium illud apud Cathedram Varmientem inclytum semper abundat, vehementer adnitentibus) ad serenissimum Principem suum Joannem Albertum, atque adeò ad ipsum Regem Sigismundum ultro ad-eunt; præsentes patriæ necessitates explicant, implo-rant auxilium. Propè omnium vota eo maximè spe-ctabant, ut Patres societatis Varmiam postliminò revocati, præsentibus, quin & futuris Ecclesiæ Rei-pub. incommodis mederentur; hoc est, ut fixis ali-cubi sedibus, Gymnasium, in quo juvenus diu ne-glecta, ad præsentes futurosq; patriæ usus formare-tur, quamprimum aperirent. Rex pro summo in rem Catholicam, minimamque Jesu Societatem studio, haud gravatè postulatis annuiq; idoneumq; Gymna-sio locum deligi ex templo imperavit. Non deerant qui angustiis civitatis Resselien-sis moti, Heilsber-gam, Allenstenium, Guttstadium, aliumvé locum, ob majorem populi ædiumque frequentiam, tanquam futuro Gymnasio magis opportunum præferrent. Enimvero Sadorfcus occasione utendum ratus, om-nem movere lapidem, ut veteri suo desiderio, cum Resselium cæteris præferendum persuasisset, tan-dem faceret satis. Itaque literas Idibus ipsis Aprilis Anni MDCXXX. ad Sigismundum Regem, ad P. Pompilium Lambertengum, societatis tum in Pro-vincia Lituaniæ visitatorem, ad P. Joannem Jamier-thorosky ejusdem provinciæ Præpositû, ad P. Jacobû Marquard, & P. Valentinum Seidelium, quorû alter

Regi

Soc. Reff. evocatæ facellum cum adjuncta ædícula attributum. 333

Regi, Reginæ alter à sacro tribunali erat, magno studio adornat. Ea fuit literarum vis, ut obtento facile omnium consensu, & Rex ipse maturandum opus censeret; & R. P. Provincialis, ad explorandam loci commoditatem, Resselium, nullâ interpositâ morâ excurreret. Cum verò is omnia probâisset, Varſaviam reversus, literas, ut vocant, *intromissionis*, à Rege datas Sadorſcio transmiſit; adjunctis aliis ejusdem serenissimi Regis literis, ad præfectum Resselienſem Eriſcum Guldeſtern datis; quibus mandabatur, ut traditâ Sadorſcio Monasterii poſſeſſione, rudera aliaque impedimenta, quibus Monasterii parietinæ, frequens incendium jam olim perpeſſæ, ad horrorem usque ſqualebant, quantocyus repurgarentur. Hic verò plenus gaudii Sadorſcius, eâ ipsâ die, quâ literas acceperat, Resselium proſectus, aditâ Monasterii poſſeſſione, materiem & operas ad futuram fabricam perquirere; rudera atque veteres inquilinos, qui fixis ubique intra parietinas gurgustiis omnia complêrant, amoliri; manus denique ipse admove-re; operas, cæteraque omnia conari, ut in proximè venturas D. Joannis Baptiſtæ ferias (huic enim Templum jam olim dicatum erat) res divina fieri in ſacello Templi poſſet. Et sanè ceſſit ad vota negotium. Ipſo enim D. Baptiſtæ Natali, prima hoſtia, tanquam futuræ reſtaurationis pignus, Deo immortalis eſt litata: tantâ populi frequentîâ, ut locus multitudinem non caperet; tanto bonorum omnium gaudio, ut lacrymæ ubertim plerisque manarent; quibus id, quod dudum ex animo optâſſent, et jam oculis ulurpare divinitus eſſet conſeſſum. Poſteaquam igitur Societas



Resseii sedem fixit, ut Lindæ quoque figeret. Sador-  
scius anno proximè consequente, ad ipsas Nonas  
Majas, qua die R. P. Nicolao Lancicio Provinciali,  
& R. P. Andreae Klinget, constitutæ jam Resseii Re-  
sidentia superiori, Lindæ Marianæ possessionem tra-  
diderat, cumulatè perfecit. Juvat è publicis tabulis,  
ea super re confectis, quæ in rem præsentem faciunt,  
producere.

Michaël Dziatynsky, DEI gratiâ Episcopus Hipponen-  
sis, Abbas Mogelnensis, Suffraganeus, Administ. rator Var-  
miensis, S. R. M. Secretarius; Notum facio, quorum inter-  
est, aut futuris temporibus, quomodolibet interesse poterit,  
universis & singulis: Quod coram officio meo, personaliter  
comparens generosus Dominus Stephanus Sadorsky, sacra-  
regia Majestatis Secretarius, hares in Firstenau; sanus  
mente & corpore, non compulsus, nec coactus, maturâ deli-  
beratione prahabitâ, spontè, liberè, palàm, publicè verbis quæ  
expressè recognovit, & fassus est: Quia ipse Capellam mu-  
ratam Lindensem beatissimæ Virginis Mariæ cum adiunctâ  
domuncula, prope Resseium in Ducatu Prussia, ad fines  
provinciales sitam; religiosis Patribus Societatis Jesu, iu-  
re Culmensi perpetuè & irrevocabili dedit, donavit, & in-  
scripsit; & in perpetuum iudicialiter resignavit; pro ut, ex-  
nunc dat, donat, inscribit, & in perpetuum resignat. Quam-  
quidem donationem, inscriptionem, resignationem, nomine  
Societatis præfata: Reverendi Patres Nicolaus Lancicius  
Præpositus Provincialis eundem Societatis in provincia Li-  
tuania, & Andreas Klinger Superior Residentia Resseiensis  
præsentes acceptârunt. Intendit præterea idem generosus  
Dominus Sadorsky, cum iidem dicti Patres Societatis Je-  
su devenerint, in realem & actualement possessionem bono-  
rum

Donatio Soc. facta ab Episc. Varm. & Nunt. Apost. confirmatur. 359

rum, ad dictam Capellam spectantium, ipsis quando placuerit eidem Domino Sadorsky resignandorum & tradendorum, ut annuatim ex iisdem bonis dent, & consignent Venerabili Capitulo Cathedralis Ecclesie Varmiensis, quinquaginta marcas Pruthenicales usualis moneta, grossis viginti in marcam computatis; videlicet pro anniversario ipsius Domini Sadorsky viginti marcas, triginta vero marcas pro patrocinio, seu defensione dictae Capellae; quod quidem patrocinium & defensionem ille singulariter venerabili Capitulo praefato, cum primis autem serenissimo Principi, reverendissimo Domino Ioanni Alberto, DEI gratia Polonia, & Suecia Principi, Episcopo Varmienfi Domino suo clementissimo, & eius successoribus humillime commendat. Actum in Castro Heilsbergensi die septima Maij Anno Domini MDCXXXI. Praesentibus admodum reverendo Michaeli Schambogen, Canonico Varmienfi Archipresbytero Heilsbergensi; nobili Iacobo Roscikevsky Stabuli Praefecto, Andrea Marquart Proconsule Heilsbergensi, & Cancellaria Heilsbergensis Notario, aliisque pluribus testibus ad hoc rogatis, & requisitis. In quorum fidem, praesentes manu propria subscriptas, officii mei sigillo feci roborari.

Michaël Dziatynsky  
Suffrag. Administ. mp.

(L.S.)

Andreas Marquart Secrer. & Not. Cancellariz Heilsberg. mp.

Z 2

CAPUT



## CAPUT III.

Donationem sacelli, & Domus Lindenſis Societati à Sadorſcio  
etiam, ſereniſſimus Polonia & Sueciæ Princeps Varmienſis  
Episcopuſ, & illuſtriſſimus Nuntiuſ Apo-  
ſtolicuſ confirmant.

**N**ON poterat ſereniſſimus Joannes Albertuſ Po-  
loniæ & Sueciæ Princepſ, Episcopuſ Varmienſiſ  
non magnopere lætari, ſimularque poſſeſſionem tum  
Monafterii Reſſeliſenſiſ, tum ſacelli domuſque Lin-  
denſiſ à Societate jam aditam intellexit: præſertim  
cùm & Eccleſiæ Provinciæque ſuæ, & unâ ipſi quo-  
que Societati, ea in re proſpectuſ ſatiſ intelligeret.  
Ut enim Provinciæ Eccleſiæque ſuæ proſpiceret, pa-  
ſtoraliſ muneris ratio poſtulabat: ut verò Societati  
quoque proſpectuſ velleret, amor & ſtudiuſ, quod  
ineam, cum lacte materno ſuxerat, eò uſque incitar-  
bant, ut etjam paucis poſt annis, ſupra alia beneficia,  
domicilio Reſſeliſenſi, aliquot nummũ aureorum  
millia, pro futura Collegii fundacione addiderit, ac  
ſupremis Teſtamenti codicilliſ firmarit: quaſi jam  
tum divinâſſet, Fundacionem, quam ipſe inchoarat,  
à ſereniſſimo Fratre ſuo JOANNE CASIMIRO Rege  
(quemadmodum hiſce annis, DEI gratiâ, factuſ vi-  
dimuſ) abſolvendam. Neque verò leviter, ad abſol-  
vendam fundacionem illa ſereniſſimi Principiſ libe-  
ralitas conduxit: nam & è cenſibus ad Annum  
MDCL. illâ ex ſummâ provenientibus, prædiolum  
Lindæ vicinuſ, *Skatnub* in Ducatu ſituſ fuit em-  
ptuſ: & nunciuſ ſors, quæ potiſſimũ apud Domi-  
no

Dos Creutzios super fundum Hausdorfensem erat  
 sita, unâ cum residuis censibus vindicata, ad compa-  
 randi alterius prædij usum faciet. Cæterum, ut se-  
 renissimus Princeps, Deiparæ quoque Lindenensis cul-  
 tum, per Societatis operas promoveret, serenissimo-  
 rum parentum, totiusque regiæ domus, exempla  
 provocabant. Obversabantur illi ob oculos, quæ se-  
 renissimi Parentes, quæ serenissimus Frater Uladis-  
 laus, uti libro superiore vidimus, in causa Augustæ  
 Virginis Lindenensis egissent, ut locum sacrum vindi-  
 carent; non poterat quocirca non adniti, ut quæ illi  
 tanto studio atque industria vindicassent, ipse facta  
 recta conservaret. Quod cum operâ Societatis non  
 leviter fieri posse consideret, Donationem Societati  
 à Sadorscio factam, non ratam modò atque gratam  
 habuit, verum & literis publicis, quas libro quoque  
 superiore produximus, stabilivit. Ne quid porro ad  
 causæ firmitatem, securis præferrim temporibus,  
 desiderari posset, accessit per illustrissimum Nunti-  
 um, ad eam donationem Societati factam, sedis A-  
 postolicæ robur atque autoritas. Operæ precium  
 est literas eam in rem publicè datas, è Tabulario no-  
 stro hîc producere.



*Marinus Philonardus, DEI & Apostolica Sedis gratia, Episcopus Avenionensis & Princeps, sanctissimi D.N. Urbani VIII. Prælatus domesticus & assistens, nec non eiusdem sanctissimi, & sedis prædictæ, ad Vladislauum IV. serenissimum Poloniarum & Suecia Regem, cum facultatibus de latere Nunciarius Apostolicus.*

**U**Niversis & singulis, præsentem literas inspecturis, salutem in Domino sempiternam. Ex commisi nobis desuper ab Apostolica sede, cuius auctoritate in hac parte fungimur, officii debito; Ecclesiarum quarumlibet utilitati favoreabiliter intendentes, ut, ea quæ piè facta esse, noscuntur, firma, perpetua, & illibata persistant, libenter Apostolico munimine roboramus. Exponi siquidem nobis fecerunt dilecti in Christo Patres Societatis Jesu Residentiæ Resfeliensis: qualiter generosus Dominus Stephanus Sadowsky S. R. Maiestatis Secretarius hæres in Firshenau, Capellam muratam Lindensis B. Virginis, cum adiuncta domuncula ipsis perpetuò & irrevocabili iure, dedit, donavit, inscripsit, & iudicialiter resignavit; prout in instrumento desuper exposito plenius continetur, cuius quidem instrumenti tenor sequitur, & est talis.

*Michael Dzialinsky DEI gratia Episcopus, &c.*  
& quæ insuper eo instrumento contenta, à nobis capite proximè præcedente, inde allata sunt.

Cum autem, sicut eadem expositio subiungebat, dicti exponentes cupiant instrumentum prædictum, pro illius firmitiori subsistentia, Apostolico munimine roborari; Nos supplicationibus, pro parte dictorum Patrum Societatis Jesu Resfe

Donatio Soc. facta ab Episc. Varm. & Nunt. Apost. confirmatur. 359

Residentia Resseliensis, nobis super hoc humiliter correctus, inclinatus; ac ipsius utilitati opportunè consulentes, instrumentum prædictum, & omnia in eo contenta & descripta, Apostolicâ auctoritate, tenore præsentium approbamus, confirmamus, eisque Apostolica firmitatis robur adiciamus, ac tam Patres Societatis Jesu, quàm dictum D. Stephanum Sadorsky, ad illius observationem teneri, & obligatos fore, & esse, pro ut iuris, respectivè decernimus. Datum Varsavia decima Februarii: Anno Domini millesimo sexcentesimo trigesimo septimo.

Sic causa fundi Lindenſis, ad sola Catholicorum tribunalia pertineret, satis illi hætenus, ne quid pateretur detrimenti, prospectum videri poterat: sed quia fundus ille, intra Ducatus Prussiæ limites positus, aliorum quoque judiciis obnoxius est, Sadorsky, qui non minus ingenio, quàm longo usu atque exercitatione, maximam juriſ Prussiæ scientiam affecutus erat, huc quoque oculos intendit; & ut futuris quoque periculis, quoad posset, occurreret, venerabili Capitulo Varmiensi, cui ad retundendos quorumvis adversariorum impetus atque molitiones, satis noverat & virium esse, & sapientiæ, patrocinium atque ius Lindæ commisit. At venerabile Capitulum, patrocini jure sibi retento, dominiũ Societati, uti jam narrandum est, concessit.



## CAPUT IV.

Venerabile Capitulum Varmienſe, prævio Sedis Apoſtolice conſenſu, pro ſuo quoque iure, Fundum ſacello Lindeni adjacentem, Societati attribuit.

QUANTOPERE in vindicanda, ſtabilienda, atque ornanda Linda Mariana certâſſe inter ſe viſi ſint, tum ſereniſſimi Poloniarum Reges atque Principes, tum illuſtriſſimi Epilcopi Varmienſes, ſatis jam antè ſpectatum fuit. Ad certamen ita pium, pro eo, quo in Deiparam ſemper fuerunt ſtudio, atque pietate, per illuſtres, reverendiſſimi, & admodum reverendi Domini, Prælati, atque Canonici Varmienſes, non poſtremi ita acceſſerunt, ut ſimul illud, quo minimam Jeſu Societatem perpetuò complexi ſunt, ſtadium, benevolentiam, atque beneficentiam unâ teſtarentur. Ferebatur vulgi famâ, quaſi nonnulli ea, quæ Sadorſcius jam Societati contulerat, intervertere molirentur. Id ubi ad R. P. Jacobum Lachowſky Provincialem, & per illum, ad venerabile Capitulum eſt perlatum, continuò hiſce ad eum literis, exaggeratæ, ut ſemper, in Societatem voluntatis pleniffimis, ad xlv. Cal. Majas, Anni mdcxxxvi. datis eſt reſponſum.

*Admodum reverende in Chriſto Pater,  
Pater obſervandiſſime.*

*PRiUS quàm literis admodum reverenda Paternitatis veſtra moneremur, jam firmiter apud nos decrevimus, nihil contra inſcriptionem Societatis, ſemel à generoſo Domino Secretario Sadorſky factam attentare velle, nec jure poſſe.*

Fundus sacello adjacens Societati à ven. Capit. Varm. attributus. 361

posse. Deterrent quin etiam nos, tam praeclara & salutaria,  
de hoc Episcopatu ejusdem Societatis merita; ita, ut ingrati  
omnino essemus, si nā ampliora eidem incrementa optemus;  
nedum ut tam tenuem accessionem invidemus. Ut porro &  
generosus Dominus Secretarius accommodetur, & certi  
tandem aliquid, de ipsius voluntate constet. expediemus  
Heilsbergam in certo negotio, ad diem xxvi. Aprilis ad-  
modum reverendos Dominos, Dominum Praepositum, &  
D. German; quibus pariter jam commisimus, ut eadem ope-  
rā memoratum D. Secretarium cōveniant, ac omnia pla-  
nent. Illis, ut admodum R. P. V. comitem se faciat, consul-  
tum nobis videtur; neque enim de felici dubitamus effectu,  
cui studia nostra impensè deferimus. Varmia 18. April.  
1637.

Adm. R. P. V.

Observantissimi

Praetati & Canonici  
Ecclesiae Cathedralis  
Varmiensi.

Neque secus venerabile Capitulum, ac literis scri-  
ptis promiserat, reapse fecit. Fundum enim univer-  
sum Lindensi adjunctum sacello, quem Sadorscius  
memoratas ob causas ( tum Regiomontana Anni  
mdcxxxvi. die vii. Sept. tum Seeburgensi die xviii.  
Decemb. transactione ) illi addixerat; Societati per-  
petuis temporibus utendum fruendumque attribuit  
quā liberalissimè; palām ac disertis prorsum verbis  
profitendo, non posse se, pietatis alienae fidei commissum  
tueri melius, quā si divini Numinis gloria, & cultui pro-  
pagando ab se reddatur. Quam quidem eximiam ven.  
Z 5 Capi.



Capituli benevolentiam atque beneficentiam, non modò illustrissimus Episcopus Varmiensis Nicolaus Szyszkowsky, verùm & sanctissimus Pontifex Urbanus VIII. pro sua quisque auctoritate, singularibus diplomatis stabilivit. Præstaret literas, universam hanc causam concernentes, quæ intra reliqua Lindæ monumenta sanctè asservantur, hoc loco proferre, nisi moles præsentis operis plus æquo augenda intercederet. Satis igitur fuerit summi Pontificis literas (quæ, quemadmodum cæteris omnibus vim addunt quàm maximam, ita seriem quoque illarum compendio retexunt) duntaxat recitare.

Urbanus Episcopus, servus servorum DEI, dilecto filio Officiali; venerabili fratri nostri Episcopi Varmiensis, salutem & Apostolicam benedictionem. Ex iniuncto nobis desuper Apostolica servitutis officio, his, quæ pro divini cultus augmento, ac fidei Catholica propagatione, providè facta dicuntur, ut perpetuò valida & efficacia persistant, libenter, cum à nobis petitur, Apostolici mandamus adijci muniminis firmitatem. Exhibita siquidem nobis nuper, pro parte dilectorum Filiorum, Capituli & Canonicorum Ecclesie Varmiensis Dioceseos, petitio continebat: Quod ipsi aliàs Capitulum & Canonici quibus aliàs quedam Capella non collativa, B **MARIÆ** Virginis Lindensis, in Ducatu Prusie heretico dicta Dioceseos, per dilectum filium Stephanum Sadorsky Secretarium, charissimi in Christo Filii nostri Polonia Regis, & dicta Capella Patronum, legitime donata fuerat, considerantes eandem Capellam (quæ ob continua inibi patrari solita miracula in magna veneratione à fidei populo habetur) ab eorum Ecclesia & Capitulo longè distare, ipsosque non posse, ob distantiam ibi officia

sacra peragere, & conversioni hæreticorum attendere, Capellam præfatam aliàs Patribus Societatis JESU canonicè concessam, & usum fundi adjacentis, cum agris, pratis, sylva, & taberna, ad ipsam legitime spectantibus, in quorum pacifica possessione existebant, & ex quibus omnibus decem circiter ducati auri de camera annuatim percipiuntur, præfatis Patribus, tanquam dicta Capella vicinis & fidei Catholica in illis partibus promotoribus, reservato eidem Capitulo directo dominio, & cum hoc, quod dicti Presbyteri Societatis JESU, teneantur ad omnia onera dictæ Capelle incumbentia, ac restorationem, ac manutentionem illius, & adificiorum, & aliàs, pro ut inscripturis de super confectis plenius dicitur contineri, de licentia ordinarii perpetuò concesserunt. Cum autem, sicut eadem petitio subiungebat, concessio huiusmodi pro felici servitio dictæ Capelle ac fidei Catholica propagatione, facta esse dignoscatur, Ideo pro parte Capituli & Canonicorum, nec non Presbyterorum Societatis JESU præfatorum nobis humiliter fuit supplicatum, quatenus illam approbare, & confirmare dignaremur. Nos igitur, qui devotionis Christi fidelium, ac piorum operum augmentum nostris potissimum temporibus sinceris exoptamus affectibus: Capitulum & Canonicos, ac Præfatos Presbyteros, eorumque singulares personas, à quibuscumque excommunicationis, suspensionis & interdicti, aliisque Ecclesiasticis sententiis, censuris & penis à iure, vel ab homine quavis occasione, vel causa latæ, si quibus quomodolibet innodati existunt, ad effectum præsentium duntaxat consequendum, harum serie absolventes, & absolutos fore censentes, huiusmodi supplicationibus inclinati, discretionis tuæ per Apostolica scripta mandamus, quatenus constituto tibi legitime de narratis, & præsertim quod Capella præfa-



præfata non sit collativa, aut in titulum beneficii collativi erecta, seu conferri solita, illaque & alia, illi ut supra annexa, ad Capitulum & Canonicos præfatos legitime spectarent, concessionem præfata, & prout illam concernunt, de super confectas scripturas, & in eis contenta, quacunque licita tamen, & honesta, cum omnibus & singulis, inde legitime secutis, Autoritate nostrâ perpetuâ, sine alicuius præiudicio, ad partium supplicationem approbes, & confirmes, eaque inviolabilis apostolica firmitatis robur adicias. Non obstantibus constitutionibus, & ordinationibus Apostolicis, ac dictæ Ecclesiæ iuramento, confirmatione Apostolicâ, vel quâvis firmitate aliâ roboratis, statutis, & consuetudinibus, ceterisque contrariis quibuscunque. Datum Romæ apud sanctam Mariam maiorem Anno incarnationis Dominicæ millesimo, sexcentesimo, quadragesimo, Idibus Septemb. Pontificatus nostri Anno decimo octavo.

Cæterum, quid Albertus Rudnicky Præpositus & generalis Vicarius Varmienſis, ex mandato S. Sedis Apostolicæ pridie Cal. Decemb. Varmie; quid Lucas Gornicky Decanus & Canonicus Varmienſis xv. Cal. Januarias ejusdem anni, in præſente causa egerint; publicum à Valentino Ludicio, sacræ Sedis Apostolicæ Autoritate Notario, confectum instrumentum cumulatè docent. Rem verbo; Collegium Reſſeliense Societatis Jesu, positi ad Lindam Marianam fundi, etjam ven. Capituli Varmienſis suffragio, prolixissimaque semper in Societatem voluntate ac beneficentiâ, possessionem illo ipso tempore adiit: quâ, Dei beneficio, ita fruitur, ut per illud rerum temporalium incrementum, securius multò & quietius, apud Lindam Marianam divinas recutet ac promoveat.

CAPUT

## CAP V.

Sacellum B.V. Lindenſis, ſacris BB. Martyrum Symphoriani & Liberatæ Lipſanis, uti & Chriſti Crucifixi effigie, quanvis ad adſpectum rudi, miraculi tamen gloriâ illuſtri auctum.

QVod de auguſtiſſima Numinis parente uniuerſim Græca in Menæis (a) canit Eccleſia, cani etiam de Lindenſi Deipara, ſuo quodam jure, poteſt: videlicet, illud æterni Patris verbum, abſque ullâ virginitatæ corruptione Tabernaculum in MARIA fixiſſe; ad quod præcellentem Martyrum chorum, qui præconum inſtar, illam veram DEI Matrem deprædicant, attraxerit. Nam & ad Lindenſe Virginis ſacellum, è ſacro illo Martyrum choro, tanquam ad quoddam divinitatis Tabernaculum v. Non. Julii Anni MD cxxxi. attracti ſunt ſancti Symphorianus & Liberata: ſive, ut, quemadmodum in cælo, ita & in terris, communi cum Regina Martyrum fruëtur gloriâ; ſive ut ſuæ, omniumque Martyrum, ac Sanctorum Reginæ tanquam familiares præſtidi adēſſent Palatini. Quâ porro hominum pompâ gaudio, ac veneratione, ſacra Martyrum Lipſana deportata Lindam fuerint, quoniam illo jam tempore res literarum monumentis fuit tradita, eadem ego fide, quin & verbis iſdem, ne quid vel de authoris, vel de hſtoriæ veritate videar deterrere, hîc prodam:

v. No-

(a) μή διαφθείρας τὴν παρθενίαν ὅλως τὴν σὴν, λόγῳ τῶ πατρὸς, ἐσκήνωσεν ἐπὶ σοὶ, ἡ μαρτύρων ἐπέσπασατο χορὸν αἰοίδιμον, θεοτόκον αἶγλην σε κηρύττοντα. apud VVagner Ecknum. 281.



V. Nonas Iulii, Anno 1631. Dies triumphali sacrorum  
 Lipsanorum translationi, definitus est in districtu Resselien-  
 si, proximus à visitante Elizabetham Virgine; nam ipsis au-  
 gustissima Virginis feriis concedendum aliquid fuerat inu-  
 sitata & flagrantissima hominum pietati, undique ad cle-  
 mentissimam Lindenſis Oratorii Praesidem concurrentium;  
 partim ut incenso supplicis animi cultu, optata desidio-  
 rum beneficia, communi miserorum Matrigrati reporta-  
 rent; partim ut temporaria, simul & aeterna divina liberali-  
 tatis munera, interventu pientissima Domina exposcerent;  
 suique necessitatibus compararent. Numerus concurrentis  
 pro tunc multitudinis fere quinq; millium erat. Quadrin-  
 genti diurno refecti epulo, singularia eo loci, sua in DEUM  
 ac Virginem Matrem studia, ac venerationem sunt attesta-  
 ti. Iter suum orsa est processio ab oppido Besteinenſi, duobus  
 milliaribus Resselio disito, in ipsa visitanti DEIPARAE fe-  
 stivitate, post vespertinam divini officii Psalmodiam, fre-  
 quenti incolarum confluxu & comitatu; multuq; inusitata  
 devotionis argumentis. Deferebant sacratissima Martyrum  
 ossa, bini Presbyteri, qui gravem urentis solis aestum, & mul-  
 tiplices longinqui itineris molestias, strenue sequaci & mo-  
 rigerà cum turba pedes confecerunt (nec enim vacillare  
 gressu poterant, quos pernix animorum in DEUM, superos-  
 que affectus, provexerat) universe verò via tedium indeſe-  
 ſa divinarum laudum, ac piissimorum concentuum vicissi-  
 tudine allevabant. Medio in itinere Paracia Glöckſteinen-  
 ſis, pulchro caeremoniarum ritu Martyribus obviam proce-  
 dere, novuq; in superos fungi officium, & singularem illis ho-  
 norem, sacra in eade habere visa est. Mox inde pari venera-  
 tione discessum, & quasi de integro, concentu vario, prio-  
 req; ordine, praecipiti iam ad vespertinam die, Resselium  
 isum. Consultum autè Resselii fuerat, quid è triumphali

divorum honore esset; ergo ubi Campanis signum datum, cives militari ordine & apparatu, labaro civitatis praeunte obviam exire; alii, ut collegiati opifices, cerosferaria circiter quinquaginta eleganti opere splendida deportare, tota in occursum effundi civitas, clero cum choro praeunte. Vbi iam beatissima lipsana, cernuus extra mania populus suscepit, aenea fistula fragore bellico triumphum sonare; & reducere congratulantium agmen ad civitatem redire cepit. Et quia succedente nocte, maior usus aurium, quam oculorum fuit, commovit festivus campanarum pulsus, iteratus crebro scloporum sonus, & suave canentium melos, praesentium animos in attentio-rem procedentium in triumpho Martyrum venerationem. Iucundum erat intueri civilem cohortem, ordine longo, praeforibus Templi Parochialis dispositam, cum iam limen adis sacrae gloriose Cineres subirent, uno quasi igne crepusculum illustrare, & fragore non interrupto personare, ipsum vero Templum ad ingressum sacrorum Corporum luminaribus undique, praesulgentibus, triumphali quodammodo ardere incendio. Conclusa est diei illius cum nocte solennitas; Postera luce horum sublucentis, ad sonitum campana excitus hominibus, primoque re divina facta, novus cum sacro reliquiarum deposito, progrediendi modus innovatur; praebant signorum paria aliquot, pone studiosa Juventus, elegantiori vestrum ornatu, & torquibus insignis; palmas manibus praeferebat, sequebantur Presbyteri numerosissimi, quos res dignitas ad divorum cultum de vicinis convocabat, multiplici sacrarum rerum apparatu instructi; Horum unus, proximè sequentibus, triumphantibus Imperatorum corporibus grato odore thuris honorem faciebat. Ibat deinde cum primoribus civitatis non impigris passibus Magna & Gen. Dominus Sador scius S. Regia Maieft. Secret. strenuus  
sacra



sacra Translationis propagator. Hic triumphale iter Be-  
steino pedibus infirmis ingressus, fortiter Lindam pedester  
terminavit. Inter viam profundum animi silentium; & sin-  
gularis omnium in superos cultus elucebat: alii precatorias  
versabant sphaerulas, alii caelestium rerum studio, ac com-  
mentatione detinebantur, omnia contentu musico perstre-  
pebant. Postquam verò religiosissimum Lindensis Virginis  
sacrarium attigissent, eleganti variaque rerum sacrarum  
suppellectili ornata resplenduit ades; plurima in auro, &  
argento divae Matris, divorumque simulacra effulsere. Sacel-  
li parietes pulchro imaginum, & perstromatum ornata  
vestiti enitebant. Post decantatum sanctorum Ambrosii &  
Augustini hymnum Ecclesiastes gloriosum Martyrum tri-  
umphum, diuertè venusteque ad populum celebravit, tum pre-  
sentissimum ei loco DEUM, novosque calites saluari divina  
hostia immolatione sanctè colere, & suavi instrumentorum  
vocumque symphoniam venerari ceperunt. Vbi litatum liba-  
tumque DEO, selecta è studiosorum numero iuventus, in  
loco eminentiore, purpuratos mundi victores, elaboratis,  
varieque ingeniosis, praecunte & sequente choro, devenera-  
ta est congratulationibus. Posthac alii presbyteri sacris ope-  
rati, martyrum honorem redivinam promoverunt, & tandem  
Lindensi Capitolio invicti Imperatores triumphum suum  
concluserunt. Non omittendum inter alia videtur eviden-  
tissimum miserti mortalium Numinis argumentum, quod  
non dubiè efficacibus novorum Patronorum suffragiis Res-  
selum excepit. Nam cum nimia vi urentis solis, ac calore  
prata frugesque languerent, ac arescerent, nec tellus arida  
pluvius immadere posset, in sequente nocte post dictam, divo-  
rum cinerum translationem, etiam calum vim suam,  
quando ita terra conveniebat dimisit, roremque concessit.

Nimi

*Nimirum novum diurna opitulationis asyllum, felix beatorum Martyrum depositum, Lindensi contulit celebritati.*

Prævium beatorum Martyrum, quasi anteambulorum aut servorum gradum, proximè secutus, & Lindam Marianam, in sua Effigie, ingressus est ipse Dominus. Ingressus, inquam, eâ quadantenus, quâ olim in mundum venerat, hoc est, vili & abjectâ specie: sed quæ multò, uberius quàm vel Brutiscipiones, vel Sileni Alcibiadis, contineret ipsius divinitatis aurum. Rudis equidem est ad aspectum Christi Crucifixi effigies; sed quæ, ob præsentem illius, quem refert, majestatem, eximium de hæresi jam egit triumphum. Nimirum, uti vetus illa Deiparæ Lindensis imago (quemadmodum libro primo vidimus) de gentilium idololatriâ tot antè seculis, & postmodum de nascente in Prussia hæresi, superiore seculo triumphavit: ita decebat recurrente seculo eundem, de eadem hæresi, non jam in Deiparæ, sed in ipsius Crucifixi Dei imagine triumphum restaurari. Sicut autem illa, ita & hæc apud Lindam Marianam, quasi triumphalem quendam sibi videtur Arcum delegisse; ita ut sicut divino placitum fuit Numini, Lindam per Sadorscium instaurari, ita per Sadorscium videatur placuisse triumphantis, Christi apud Lindam statui signum. Qua de re, non me, sed ipsum in publico loquentem monumento Sadorscium, juberit audire. Sic enim ille:

*Ego Stephanus Sadowsky sacra regia Maiestatis Secretarius, ad perpetuam rei memoriam testatum esse volo, coram illustrissimo & reverendissimo Domino, Domino Nicolao Szyszkowsky Episcopo Varmieni, me donasse Patri-*



bus Societatis JESU Residentia & futuro Collegio Resse-  
 liensī CHRISTI crucifixi ex ligno sculpti antiquissimam  
 Imaginem, ab hæreticis surreptam in ducali Prussia, mihi  
 quæ allatam à generoso Domino Melchiore Lesguan, hære-  
 ditario in Zanderbork; pro Æde sacra, magnis miraculis  
 illustri B. Virginis MARIÆ Lindensis; quam quidem ima-  
 ginem seu statuam CHRISTI crucifixi sine cruce (cui  
 modò affixa est) hæretici in ducali Prussia, ex odio Religio-  
 nis catholicæ, tanquam objectum & fomentum idololatriæ  
 papisticæ (ut illi appellant) conati sunt non semel combure-  
 re; & quamvis in varios ignes eam coniecissent, nunquam  
 potuit ab igne ullam injuriam & lationem, immo denigra-  
 tionem pati; confirmante DEO divinitus hoc miraculo, ve-  
 ritatem fidei catholicæ, de sacro usu & cultu imaginum  
 sacrarum. Quod miraculum conservata in igne, sine ulla la-  
 sione dictæ sacre statuæ, ipsi hæretici in ducali Prussia, mihi  
 cum magno & sincero, cordis affectu, confesi sunt; præse-  
 tim dictus, generosus Dominus Melchior Lesguan; qui cor-  
 ram illustrissimo & reverendissimo Domino Simone Rud-  
 nicki bon. mem. Episcopo Varmienti defuncto, publicè  
 multis Catholicis & Hæreticis presentibus, & id audien-  
 tibus, confirmavit. In quorum fidem hoc testimonium dedi,  
 à me subscriptum, & sigillo meo roboratum. Resselii Anno  
 christiana salutis 1634. die 19. Octobris.

(L.S.)

Stephanus Sadorsky  
 S.R.M. Secretarius  
 manu propriâ.

CAPUT

Beneficia, quibus Linda abundat, jussu Epif. Varm. colliguntur. 371

## CAPUT VI.

Linda Mariana, majore, quàm enarrantur, aut enarrari queant, divi-  
norum beneficiorum ubertate efflorescit; quorum consignan-  
dorum causâ, ab illustrissimo Episcopo Var-  
miensi cura atque industria  
adhibita singularis.

Quod in arborum aut florum, hoc & in cultu ani-  
morum soler usu venire. Multa arboribus juxta  
ac floribus, ab hortorum, glebæ, & soli fecunditate  
obveniunt, sed non pauciora propè à cultorum ma-  
nu atque industria. Vel ipsa putandi, & non modò  
foliorum, suffraginum, pullorumque, verùm & ra-  
morum, frondium, florumque luxuriem castigandi  
ars quantum conducit! semper quidem Mariana Ti-  
lia, tum pietatis ac religionis gloriâ, tum multitudi-  
ne, magnitudine, ac varietate miraculorum eximiè  
floruit; tamen ubi non ignava operariorum cultura  
accessit, non modicam in utroque genere accessio-  
nem factam, videtur ipsa quoque res atque omnium  
experientia loqui. Quod si fortè nihil à Societatis o-  
pera atque operariis accessit, tanto nihilominus est  
Dei ac Deiparæ major atque uberior in homines be-  
nignitas atque clementia, quantò majora in eos de-  
rivant tum animi, tum corporis hoc tempore bene-  
ficia. Et quidem, quod attinet corpus, sanitatum, cu-  
rationumque gratiæ, quæ jam referentur, abunde  
testabuntur; quæ verò animum spectant, proximo  
capite paucis libabuntur. Illud in antecessum inge-  
nuè fatendum est, in utroque beneficiorum genere,  
longè pauciora, quàm evenerint, literis fuisse consigna-  
ta. Nam ut curationum gratias, corporumque beneficia



duntaxat expendamus, ad ea, quæ operarii nostri  
 consignârunt, plurimâ in anathematis, ipsisque adeo  
 quæ plurimæ sunt, tabellis argenteis reperio, quorum  
 apud illos ne quidem mentio facta Quàm multa, inò  
 quàm propè innumera oportuit esse, quæ vel cereis  
 icunculis, vel aliis monumentis expressa, unâ cum ce-  
 ra difflaxerunt, atque ex hominum sunt memoria ab-  
 olita! Quàm multa, quæ neque cerâ, neque argento  
 aliové metallo signata, simplicitas & ruditas pluri-  
 morum, citra memoriam notitiâq; hominum pro-  
 pemodum in auras dissipavit! Quàm multa, quæ etiâ  
 ad notitiâ deducta fuerint, vel ob accumulatos o-  
 perariorum labores, & perpetuam, solennioribus  
 maximè diebus, maximoque populorum confluentia  
 inquietem, vel denique ob aliquam ipsorum opera-  
 riorum incuriam, prætermissa sunt! Ego quidem,  
 quantum in me est, maximo cupiam opere, & verò  
 præsentibus æquè, ac posteros enixissimè orem; ut  
 quemadmodum in omni animorum cura atque cul-  
 tu, labori minimè parcant, ita sint, in adnotandis, quæ  
 Dei beneficio apud Lindam eveniunt, paulò accu-  
 ratiores. Sit nostris, qui jam decesserunt, majoribus  
 venia, quibus curæ erat, ut (cum Tullio (a) loquor)  
*in agendo plus, quàm in scribendo operâ ponerent*: at nobis  
 perinde haud potest esse, quibus, ut vires sunt multo  
 auctiores, ita & *frangere panem, & fragmenta, ne per-  
 eant, colligere*, vehementer incumbit. Quantum in me  
 fuit, ne hac quidem in parte, labori parcendum sta-  
 tui; siue nostrorum commentarioli, si qui superes-  
 sent, evolvendi forent; siue anathemata & votivæ ta-  
 belle

(a) ad initium 2. Officiorum.

Beneficia, quibus Linda abundat, jussu Epif. Varm. colliguntur. 373

bellæ perlustrandæ; sive denique de iis, quæ tum hic, tum illic, erant accuratius enarranda, disquirendum fuit. Si quid in me, quoque fuerit desideratum, rationem unâ mecum ii reddent, qui vel satagentem non adjuverunt, vel etjam facultatem satagendi ademerunt. Cæterum ingentes debentur, atque æternum (si quidem grata esse posteritas voluerit) debebuntur gratiæ, illustrissimo S. R. I. Principi, atque Antistiti Varmienfi Wenceslao Comiti de Lesno; qui pro ea, quâ est in Deiparam Lindensem pietate, pleraque, quæ vel incuriâ hominum, vel temporum injuriâ propè interciderant, quasi è tenebris in lucem produxit, Dæi ac Deiparæ beneficia. Pleraque, inquam; quis enim possit omnia? cum & ipsa sint in se prope innumera; & mortales, qui ea sunt experti, ab ipsis Varmia, tot & tam vastis sejuncti provinciis, pastores illius cohortationes, ac vocem, magis non possint, quàm nolint audire. Vele ex iis duntaxat, quæ intra Varmienfis diœceseos quasi pomæria, jussu auctoritate quæ illius sunt consignata, haud difficile fuerit, de iis quoque, quæ disjunctissimis inde locis evenerunt, æstimare. Ut porro consignarentur Encyclicæ, quemadmodum vocant illustrissimi Pastoris literæ, ad omnes Archipresbyteros, & per eos ad universum Clerum, populum quæ Varmiensem datæ, plurimum adjuverunt; quarum exemplum, cujus quidem me admodum reverendus Dominus Archipresbyter Elbingensis participem fecit, par est hoc à nobis loco recitari.



Venerabili in Christo, Friderico Meibohm Archipresbytero  
 Parocho Elbingensi, devotè nobis dilecto.

Venerabilis in Christo, devotè nobis dilecte: Et nostra,  
 & communis omnium vestrum, in DEUM &  
 augustam DEI Matrem pietas atque religio postulat, ne  
 quidquam, quod conservando augendoq; DEI cultui op-  
 portunum videtur, negligamus. Cum igitur magna, & mi-  
 ra DEI opera, qua DEUS per Deiparam, etiam apud sa-  
 crum Lindenſe ſacellum, operari propè indies dignatur, ad  
 cultum & gloriam DEI literis conſignari, & publica com-  
 mitti luci expediat, conſtet autem plurima DEI beneficia  
 qua partim in eo ipſo loco, partim ex voto ad illum ſuſcep-  
 to, alibi fidelibus DEI populis evenerunt, neque ab illis  
 prodita, aut manifeſtata; neque proinde à quopiam literis  
 excepta eſſe: Fraternitati jam tua partium erit, non modò  
 per ſe in ſuis, verum & per ſubordinatos ſibi, Parochos ac  
 ſacerdotes, in ipſorum Eccleſiis, fidelem populum edocere,  
 & ſingulari commoneſcere ſtudio, ut, quidquid uſpiciam  
 beneficii aliqui, apud beatam Virginem Lindenſem exper-  
 tus eſt, ſi præſertim id necdum literis conſignari curavit,  
 Fraternitas tua, & ſubordinati Parochi conſignent, & ad  
 Patrem Thomam Clagium Societatis Jeſu, Reſſeltium  
 quanto citius transmitti curent. Colligenda enim ſunt frag-  
 menta, ne pereant; quibus populi fideles, & ad futuram, &  
 ad præſentem quoque vitam educantur. Bene de cætero  
 valeat. Smolani die 23. Sept. 1654.

Venceslaus de Leſno  
 Episc. Varm. mp.

Quan-

Quantum hæ literæ habuerint ponderis, quintus hujus operis liber, abunde exhibebit. Tamen si enim pauci admodum ex Archipresbyteris & Parochis (sive id aliquâ ipsorum oscitantia sive potius, ut ego quidem cenleo, subjectionum ipsis populorum rusticâ evenerit verecundiâ) ea, quæ jussi fuerant, consignârint, aut consignata ad nos miserint; ipsi tamen homines Lindam & Varmienſi diœcesi quotidie frequentantes, tum illustrissimi Pastoris sui literis, tum sacris operariorum Lindensium quæstionibus excitati, divina, quæ in se experti sunt beneficia, alacrius juxta ac uberius percensent, ut vix tempus connotandis omnibus suppetere queat.

## CAPUT VII.

Æ vocivis tabellis, aliisque id genus anathematis, multitudo, magnitudo, & varietas, beneficiorum divinatorum per B.V.Lindensem hominibus præstitorum æstimatur.

Quamquam ea, quæ animum concernunt, divinitus collata beneficia, eximie cæteris præstant; quia tamen ea, quæ corporibus, supra vires & spes quæ humanas exhibentur, in oculos vulgi magis incurrunr, magis etiam solent ejusdem vulgi commovere animos. Quo etiam fit, ut & memoriæ renacius hæreant, & tum voce, tum literis ad posteros facilius propagentur. Neque defunt, qui suis & posterorum temporibus, æterna acceptorum divinitus beneficiorum velint monumenta superesse. Hinc alii, quorum facultates ita ferunt, auro vel argento; alii ære vel marmore, vel alio metallo signata,



post se relinquunt; & Jobum fortasse sigillatim imitari, apud se taciti loquuntur; *Quis mihi tribuat, ut scribantur sermones mei? quis mihi det, ut exarentur in libro stylo ferreo, & plumbi laminâ, vel celte sculpanentur in silice.* (a) Quatuor nimirum graduum scala cum Jobo, uti interpretes observat Jacobus Bolducius ad hunc locum vota provehunt sua: ut videlicet à privato & singulari aliquo viro, gestæ res ac sermones notentur: ut publico notarii aut scribæ publici instrumento diggerantur; ut non in vulgari scribarum charta, aut membranis, quæ corrodi & vetustate consumi possunt, sed in plumbeis laminis stylo ferreo exarentur; denique ut marmori & ipsis quoque silicibus scalpello quàm altissimè insculpanentur. Quod si tantorum compotes votorum esse nequeunt, aliis quibus possunt, monumentis rem ad posteros consignant. Quæ quidem inter monumenta facies humana argentea, & auris, atque insuper mala dextra itidem argentea, unius pluriumvè palmorum excedens longitudinem, quid aliud loquuntur, nisi & aurium, & capitis, & faciei depulsos, ope Deiparæ, dolores atque morbos? Quid oculorum quinquæ effigies itidem argenteæ, nisi aut visum cæcis restitutum, aut epiphoras, glaucomata, lippitudines, ophthalmias, & id genus oculorum vitia atque suffusiones, ejusdem Deiparæ auxilio sublata? Quid gemina, propè ad cubiti longitudinem fusa ex argento brachia? quid ternæ ex argento quorūque laboratæ manus? quid quini supra vicenos, ex argento pedes, quorum aliqui è solido fusi metallo, alii cubiti integri, alii dimidii referunt magnitudinem? quid

(a) *Iob 19.23.*

quid inſuper denæ cordis humani argenteæ effigies, duorum aut leſquipalmi magnitudine; niſi aut cordis, aut pedum, aut brachiorum, manuumvé languores, cruciatus, ægritudines, ægrorationes, & varia teſtantur ope Deiparæ proſtigata ſymptomata? Denique quid votivæ ex argento tabulæ aut tabellæ, quarum non paucæ cubiti longitudinem, latitudine longitudini accommodatâ, facilè attingunt; aliæ plures, aut pedis geometrici, aut palmorum aliquot magnitudinem exæquant? ſunt propè centenæ ac quinquagenæ, quæ vel expreſſam, vel duntaxat tacitam, literis quibusdam aliisvé notis inſcriptis, acceptorum beneficiorum ſpeciem, magnitudinemque teſtantur: at plurimæ aliæ vel literarum nullum referunt veſtigium; vel quid per inſculptas divorum imagines loquantur, etjam curioſo lectori non latis aperiunt. Teſtantur nihilominus etjam iſtæ, neque ſine cauſa gravi, neque ſine prævio DEI ac Deiparæ ſingulari beneficio, ad eum ſe locum fuiſſe delatas, & memoris gratique animi ergo appenſas. Neque aliud loqui videntur coloribus expreſſæ tot, & tantæ imagines: quarum vix aliquæ, curationis, beneficii, munerisque divinitus accepti, literis ſignatas referunt rationes: & tamen, cùm tot ſint, ut intra ſacellum iis locus jam non ſuperſit, adeoque tum in porticibus, ſacellum undique cingentibus, tum in iplâ ſacræ ſupelleſtilis camera neceſſe habeant deſigi, omnes nihil aliud tacitè loquuntur, niſi maximam anguſtæ Virginis Lindenſis liberalitatem, gratias, & beneficia. Ad extremum, factæ ex cera formæ atque effigies, prorſum in-



numera, quid aliud videantur loqui? Præter eas, quæ majore aliquanto temporis intervallo, suis dispositæ locis, intra sacellum visuntur; videas propè quotidie hinc formatas ex cera manus, pedes, aliosvè artus, inde verò totius corporis humani deferri simulachra: manifesto utique, profligatorum ope Deiparæ, aut à toto corpore, aut quibusdam membris sensibusvè morborum argumento. Videas inde plurimas equorum aliarumvè animantium cereas formas apporari: non alio sanè, quàm morborum & calamitatum, à vario pecore, variè beneficio Deiparæ depulsarum indicio. Denique videas & tectorum, & ædium, & villarum civitarumvè è cera fictas, aut metallo impressas effigies, quâ aliâ, quàm servatarum Deiparæ manu civitatum, ædium, tectorumque causâ. Verùm hæc, & id genus, Deiparæ Lindenensis benefacta, atque de humano genere merita, quantum quidem tum è quorundam commentariolis, tum ex ipsis quoque votivis quorundam tabellis, notitia poterit erui, in suas dispescendæ classes, ac percensendæ jam sunt; eo majore utique fide ac fiduciâ veritatis, quo vicinior ipse quoque nonnulla spectarem. Interim quod cuidam expressæ coloribus imagini, Deiparæ natum ex se Deum prono vultu adorantis effigiem (qualis apud Rhegientes coli fertur) referenti, & à Simone Niderhoff Archipresbytero Seeburgensi Lindam dedicatæ inscriptum legitur epigramma, operæ precium videtur in antecessum huic argumento præmittere. Epigraphæ imagini præfixa est, *quem genuit, adoravit*: jam verò ipsum epigramma imagini subscriptum, hujuscemodi est:

Te MATREM VERBI, mutū conferre loquelam;

Lucis & Altricem lumina adempta dare;

Te geſtatricem vita, veraq; ſalutis

Ferre ſalutarem, viviſicamq; manum;

Niſ mirum: maiora potes, melioraq; virgo.

Quæ DEUS imperio, tu prece cuncta potes.

Cuncta igitur cū poſſit, quid mirum, ſi tanta & tam innumera, cū aliis locis, tum apud ſuam quoque Lindam patret miracula? quid mirum, ſi de innumeris ejus miraculis Jacobus Pontanus (a) cecinerit?

Non tot flumina piſcibus natantur,

Non tot aëra remigant volucres,

Non tot ſilvaſ ſeras favos tot Hybla,

Non tot Parthus habet ferox ſagittas,

Non tot æquora fluctibus tumescunt,

Non tot ſpicea ſerra geſtat æſtas,

Non tot arboribus comæ viſcunt,

Non tot roboramontibus creantur,

Non tot aſtra micant tacente nocte;

Quor exempla tua benignitatis

Humanum in genus, in tuos clientes.

Quæ, ne cuiſpiam ad Poëſeos magis licentiam, quam ad hiſtoriæ fidem cantata videantur, juvat univerſam Eccleſiam Græcam eadem in ſuis Menæis audire Deiparæ concinentem. Flumina miraculorum, ò DEIPARA, ex te, tanquam è Paradifo progreſſa,  
univer-

(a) lib. 2. de Virgine Matre.



*universi orbis exsatiant sicim, gratiarum cumulos, velut undas, volventia, in utilitate eorum, qui sincerâ te fide coluit (a) Et quid hic aliud expectes, nisi ut eadem Ecclesia omnes ad tanta miraculorum beneficiorum-que Marianorum flumina invitet? Ecce (sic enim eodem pergit loco) inexhaustam gratia copiam! Adeste omnes, & corde puro, scaturientes hinc rivos, ut planè divinos, haurite. (b)*

### CAPUT VIII.

*Beneficia divina, quæ ad animorum cultum atque salutem, Deiparæ Lindenfis ope conferuntur, paucis libata.*

**I**llud antè omnia, in beneficiis divinis animos mortalium concernentibus, venerari omnino par est, quòd plerisque locum sacrum non modò jam ingressis, sed cominus quin & eminus aspicientibus, vel etjam iter duntaxat eò capeissentibus, peccatorum suorum memoria, non sine ingenti animi dolore, subeat, ut vix uspiam magis. Atque hinc est, quòd illic tot exomologeses, aut ab ipso vitæ exordio instituantur; aut, si quid anterioribus defuisse videatur, sarciantur. Paucos admodum invenias, qui eo loci, aut totius vitæ sarcinas non deponant; aut, si alibi deposuère, non se illic singulariter allevari sentiant. Quid,

(a) οἱ τῶν θαυμαίων πόταμοι, θεοτόκε, ἐκ σὲ προερχόμενοι, αἷς ἐξ ἐδου, ποτίζουσι τὸ πρόσωπον τῆς γῆς, χάριτας προχέοντες τοῖς πισῶς σε τιμῶσιν. Apud VVagnereck, num. 399. (b) ἰδὲ χάρις ἀνεζάντητος. δέυτε πάντες, εἰλικρίνεις καρδίᾳ ἀρρῦσαθε, θεῖα νόματα πηγάζοντες.

Quid, quòd illi quoque, qui aut nullam, aut exiguam purgandæ conſcientiæ curam rationemvè ſecum afſerebant, ſimulatque ſacrum locum ſubière, aut ei propiores facti ſunt, ſubitò intra ſe mutati, collectum diu intra conſcientiam virus, majore, quàm vel ipſi ſperàrant, animi gemitu evomunt? Fuit paucos ante annos miles quidam, qui Ædem ſacram ingreſſus, cùm nihil antè ſuper exoneranda apud ſe agiſſet conſcientiâ, præter expectationem ſubitò excitari ſe ad faciendam peccatorum conſeſſionem, quin & diviniore quâdam vi impelli ſenſit, ut *contra ſtimulum calcitrare*, vix ampliùs poſſet. Ergo ad divinum Tribunal ſe repente proripit, &, quæ longo temporum militiæque uſu haulerat venena, ita apud ſacrum Quæſitorem digeſſit atque egeſſit, ut quemadmodum dolor maximus reum, ita judicem ſumma admiratione, utrumque verò incredibilis demum exceperit lætitiâ. Neque verò minùs, anguſta Lindenſis Virgo à vitiis jam lapſos revocat, quàm cum vitiis luctantes aut confirmat, ne cadant; aut, cùm lapſare cæperint, erigit. Unum de multis, quæ memorari poſſent, è P. Simonis Hein commentariolo ſubjicio. Anno MDCCLI. maritus quidam, ſcèdum in morem per adulteria volutatus, non Dei duntaxat ac divorum, verùm & conjugis ſuæ acerrimum incurrit odium. In eo libidinis æſtu, ſub Tiliæ Mariæ umbram confugit; &, ut Regina Virginum, omniſque etjam Angelicæ puritatis fons ſupplicem audiat, obſecrando vovet, ſe tum ſacrum Lindæ ſacellum adiuturũ, tum ſeptem dies in honorem puriſſimæ Virginiſ



nis jejunio traducturum. Annuit supplici Virgo, & continuò omnem insanæ libidinis æstum ita extinxit, ut qui toties alienum polluerat thorum, deinceps etjam suum, quantum per fœdera liceret matrimonio, vellet servare puriorem. Voti quocirca reus, Lindam III. Cal. Jun. adiit, & sospitatrici suæ intimas egit gratias. Quis verò memoret, quantum in aliis constitutos animi periculis B. V. Lindenensis adjuvet; quando Catholicæ quoque Ecclesiæ ac fidei, quæ virtutis omnis vitæque divinæ fundamentum est, tantam gerit curam, ut non modò Orthodoxos, in medio sectariorum per Ducatum Prussiæ sparsos confirmet, verùm & luctantes adjuvet, & lapsos revocet, & eos, qui de Ecclesia orthodoxa vix fando audierant, ad eandem invitet? Viderur profectò locum ipsum jam olim delegisse, unde ad omnium, quasi de specula quadam, excubaret salutem, & non minùs in tenebris hæreseon positos, veræ fidei perfunderet lumine, quàm orthodoxos flammâ accenderet pietatis. Haud facillè eorum, qui Deiparæ Lindenensis ope ad Ecclesiam Catholicam redière, numerum iniverit, etiam si quis numerum ritè consignare statuisset. In unius, quem proximè adduxi, P. Simonis Hein, commentariolo, ab anno circiter MDCCCXVI. ad MDCLIII. quo defunctus est, invenio præter eos, qui decrepito jam seni ac planè capulari, exciderunt memoriâ, restitutos per ipsum Ecclesiæ, ac de nomine signatos, centum octuaginta septem. Quorum etsi nonnulli videantur Resseii vinctulis hæreseon expediti, Lindenensi tamen Deiparæ, secundùm Deum salutem debent; quia & illi ab ipsa

Res;

Reſſelium diriguntur; & Societas Reſſelienſis, quid aliud, niſi Deiparæ Lindenſis alumna eſt? Quod ſi, juxta unius commentariolum necdum ſatis ad amuſſum utrique exactum, Deipara tot ad fidem & Eccleſiam reduxit, quot & quales eſſent, ſi, uti Eccleſiæ ſunt reſtituti, ab aliis quoque operariis relati in commentarios accuratè eſſent? Quid ſi verò illi quoque, qui vel ex avaritiæ vel luxuriæ, vel alio vitiorum cæno, graviffimisquæ Satanæ vinculis erepti; vel qui caſtimoniæ, juſtitie, liberalitatis, aliarumquæ virtutum præſidio muniti atque ornati ſunt, in tabulas fuiſſent relati, quiſ eorum ſatis numerum explicâſſet? Quorum ego non magis, quàm meo quoque nomine, ſub tiliæ Marianæ umbra poſitus, non tam cum ſancto Saba, magno Eccleſiæ Græcæ Rectore, quàm cum univerſa Eccleſia Græca in Menæis Deiparam ſupplex oro. Ego ſum inſrugiferæ Arbor, nullum ſalutis fructum afferens. Quocirca, ne exſcindar, & in ignem, qui extingui non pot eſt, miſer projiciar, metuo. Ut inde ergo me eripias, atque ſuffragiis tuis frugiferum, tuo exhibeas Filio, coram te proſternor. (a)

## CAPLIT

(a) Apud VVagnereckium num. 192. ἔγω εἰμι τὸ ἄκαρπον δένδρον, τὸ μὴ καρπῖνον καρπὸν σωτήριον. διὸ καὶ τρέμω τὴν ἐκκαπλὴν, μὴ πῶς ἐληθῶ εἰς τὸ πῦρ τὸ ἄσβεστον ὁ ἄθλιος. ὁ θεὸς προσπίτω σοι, γέγε ῥῦσά με, καὶ πόθορον δείξον τῷ ἡῶ σε τῇ μεσιτείᾳ σε.



## CAPUT IX.

Inter beneficia ab Anno MDCXXX. divinitus apud Lindam Marianam exhibita, non postremum locum sibi vendicant illustrati mortalium oculi, & cæcitas aliaque oculorum vitia depulsa.

**Q**uemadmodum tum à primo Lindæ Marianæ ortu, tum ab eadem postliminio restaurata (quod & libro 1. cap. 16. & lib. 3. c. 16. spectavimus) inter beneficia, quæ supremum Numen dispensari in genus humanum per Deiparam voluit, primum aut præcipuum fuit, depulsa ab oculis caligo: ita ex eo quoque tempore, quo, non sine Dei, Deiparæque nutu ac singulari benignitate, Societati JESU cura Lindæ commissa fuit, primum aut fere præcipuum locum occupat, depulsa itidem ab oculis caligo & luminis orbitas. Atque ut eos, qui laboratas ex argento, uti paulò antè memoravimus, oculorum effigies, inter anathemata, Deiparæ Lindensi, ob visum receptum dicârunt, quia ignoti sunt, missos faciamus, primum hic locum teneat, qui id beneficii primo obtinuit loco.

## I.

Adolescens ob impactam oculo festucam, oculi usque orbatus, promissâ peracta que Lindam peregrinatione, oculum, oculique usum integrè recipit.

Anno MDCXXXVI. Balthasar Cimen adolescens, perdiscendo apud calceolarium opificio, navabat operam Heilsbergæ, unde oriundus quoque erat.

Domini

Dominico interea die heræ ſuæ (quanquam reclamante, & ne diem feſtum temeraret, obluſtante conſcientiâ) diſto audiens, manum ſecandis lignis admovent; continuoq; quàm verum eſſet illud, quod ſacræ literæ interminantur (a) *Erunt vobis ſudes in oculis veſtris*; re ipſâ expertus eſt. Ad primum ſecuris iſtum ligno impactum, ligni tegmen oculo illapſum, videndi oculiq; totius uſum eripuit. Mater adoleſcentis, non minore, quàm filius, animi dolore percuſſa, ad luminis æterni Matrem recurrit, atque, ut filius quoque recurrat, perſuadet. Ergo ille peregrinationem ad Lindam Marianam vovet, eamq; proſecuturus, die ſacroſanctæ & individua Trinitati ſacro, Heilsberga progreditur. Vbi Reſſellium acceſſit, lumen ſibi ſenſim reſtitui ſenſit: tanto quocirca alacrior Lindam perrexit, indeq; rediit, ac plus identidem ſibi luminis accedere videns, iterato ad diem aſſumptæ in cælum Virgini ſacro, peregrinationem eandem repetiit; & (quem admodum Gertrudis illius ſoror, quæ inter conventuales, ut vocant, Virgines, præſectam haud ita pridem egit, hodieq; ſuperſtes ſanctè affirmat) ita perſanatus eſt, atque ſi nullum eo oculo fuiſſet aut vitium aut dolorem paſſus.

## II.

Mulier biennium oculis privata ſanatur.

Ad vi. Cal. Iul. anni ejusdem, venerunt Lindam Henricus V Vennigk, è pago territorii Meelſaccenſis, Groſkerpen diſto, ejusq; conjux Euphroſyna. qui ſecundùm divinum Euchariftiæ epulû dili-

B b

gen-

(a) *Iob. 23. 13.*



gentius interrogati, beneficium, quod acceperant, Deiparæ Lindenſi, ſecundum Deum, in acceptis re-  
tulerunt. Nam Euphroſynæ biennium integrum, ita  
uſus oculorum erat ademptus, ut & ſanies ubertim  
inde profluens, & tumor, qui faciem occupârat, fa-  
ciem humanæ prorsus redderet diſſimilem: cru-  
ciatus verò ac dolores tantierant, ut miſera nihil ali-  
ud niſi mortem identidem ſibi precaretur. Adhi-  
bita ſunt omnia, quæcunque uſpam reperiri pote-  
rant, medicorum præſidia, eo ſucceſſu, ut dolores  
non minui, ſed augeri magis ac magis viderentur:  
quoad tandem ad Langualdenſe parœciæ ſuz tem-  
plum, paſchalis communionis cauſâ mulier dedu-  
cta, Lindenſis quoque peregrinationis votum, piè  
ceteras inter preces, concipit. Et ecce eodem mo-  
mento tumor reſidere, & illa ſanie ſcaturigo exa-  
reſcere, & dolor remittere, ægraque in dies melius  
ſemper habere! *Vidi ego oculos* (inquit in ſuo com-  
mentariolo P. Simon Hein, qui Lindæ præſentem  
Pœnitentiæ & Euchariſtiæ Sacramentis refecerat)  
*oculos ſani hominis per omnia ſimiles, eſi tum adhuc cali-  
gantes; qui tamen, uti ex oculatis cognitum eſt teſti-  
bus paulò poſt integrè ſunt reſtituti.*

## III.

Mulier acerrimo oculorum dolore cruciata, voto  
Lindam factò, dolore ſoluta, videndi faculta-  
tem recipit.

Anno MDCXXXVIII. iſſis Nonis Iunii, adfuit  
Lindæ voti rea, civis Vormditenſis, Grolmus dicti  
uxor Maria, ut pro recepto luminis oculorumque  
uſu,

usu, sospitatrici suæ gratias ageret. Nam, ut ipsamet bonâ fide asseruit, hyeme proximè elapsâ, gravissimo oculorum dolore conflictata, cum opem aliunde peritam, videret prorsum irritam, peregrinationem ad B. V. Lindensem vovit. Continuo dolor & cruciatus omnis remittere, tumor desidere, oculorumque usus caput redire, ita, ut, cum Lindam adiisset, uno duntaxat oculo molestiæ nonnihil sentiret, cæteroqui probè sana.

#### IV.

Viri duo gravi oculorum dolore & caligine liberati.

Quod sequitur, iisdem reddam verbis, quibus eo, quo evenit tempore, non sine publica fide signatum fuit. Anno MDCXXXIX. die XIII. Maji, venerunt Lindam, votumque exolverunt, Martinus Helman Vormditenensis, & Andreas Grepell Meelsaccensis; uterque è gravi oculorum morbo sanitati restitutus. Cum enim autumno proximè elapso, in Pado Beervvald Cameratus Meelsaccensis, in una eademque domo uterque famularetur, ferè octiduo ante S. Michaëlem ingenti oculorum dolore uterque ita correptus est, ut, morbo indies augescente, ne videre quidem, nisi tenuissimè posset, atque adeo arbores in campis, è propinquo vix dignosceret; quæ tamen ipsæ arbores, quasi ardere videbantur. Tandem prior, frustra adhibitis quibusdam remediis, B. Virginis Lindensis memor, templum propinquum ingreditur, vovetque se nudis pedibus Lindam iturum, & unius libræ cereum delaturum. Fa-



Ad voto, melius continuò habere cepit, ut intra  
 Aiduum ad pristinam redierit sanitatem, authorque  
 sacro, jam nonnihil revalescenti fuerit; ut, si perfe-  
 ctè sanus esse vellet, voto se simili obstringeret: quod  
 & alter fecit, perfecteque sanatus est. Atque hæc ita  
 se habere, sub conscientia, tacto manu pectore, in  
 præsentia infra scriptorum edixerunt.

*Ita est, uti supra, Valentinus German Canonicus Var-  
 miensis; Protonotarius Apostol. man. prop.*

*Andreas Selinger Soc. Iesu, ita esse testor.*

*Christophorus Schmidt Notarius Resselienfis ita esse at-  
 testor m. p.*

*Idem testor Thomas Clagius Soc. Iesu.*

# V.

Vir Sexagenario longè major, oculorū lumen, quod  
 nullo sacrorum in Polonia locorum cultu recipere  
 potuit, apud Lindam Marianam recepit.

Ethoc quoque iisdem, quibus suo tempore  
 gnatum & confirmatum est verbis ac testibus hîc re-  
 ferendum est. Anno MDCXXXIX. Matthias Renczko-  
 roscki ex Bredinen pago Episcopatus Varmiensis ori-  
 undus, opificio molitor ac faber lignarius, fixâ in  
 Szady civitate Samogitiæ sede, Anno MDCXXXVI.  
 mense Iulio, gravi cœcitate percussus est, ut uxore  
 rem viri sui puduerit; quæ proinde maritum exire  
 & penitus exesse domo voluit. Sed & Illustrissimus  
 Samogitiæ Episc. Georgius Tiszkievviez, & Se-  
 bastianus Kieystort Vexillifer Samogitiæ, & Chry-  
 stomus V Visztort, Parochus Szadensis, anno su-  
 pra citato, publicis instrumentis, de ejusdem cœ-  
 citate

citare palam testati sunt. Cum autem humana præsidia deessent, ad divina confugit, votumque de visendis omnibus, in Polonia ac Lituania sacris locis fecit. Facto voto, primum Zurovicios, deinde Crestochoviam, aliaque loca plurima revisit, uti è testimoniis, quæ habet, patuit: sed propè irritò eventum. Tandem domum repetit; & cum duodecim circiter leucis abesset, admonetur, ut B. Virginis Lindenensis sacellum miraculis illustre ne negligeret. Ille monitis paruit, & retrò iter flexit. Ventum est Interburgum, ubi in medicum (quem à mendendis oculis vulgo *Oculistam* vocant) incidit, opemque, dato pro sua facultate ære, imploravit: sed planè frustra uti ex medici ejusdem chirographo colligi potest. Denique Lindam veniens, geniculatim inter sacellum, ter altare obreptavit, & ante aram B. Virginis humi in modum Crucis prostratus, Deum ac Deiparam, pro sua incolumitate deprecatus est. Fufis precibus surgit, & continuo visum se recepisse gavisus est. Rem ita se habere, ipse tacto Evangeliorum codice, fixisque humigenibus juratus edixit: quod infra scripti præsentibus audierunt, examinerunt, & adscriptis manibus roborarunt, Anno MDCXXXIX. die XXII. Maji.

*Ita esse testor Paulus Mollerius Archipresbyter & Parochus Resselienfis.*

*Idem testor Thomas Clagius Residentia Resselienfis Societatis Iesu superior m. p.*

*Ita esse testor Henricus Conradi Proconsul Ressel. m. p.*  
*Christophorus Schmidt Notarius Resselienfis juratus rem supra scriptam ita esse affirmo m. p.*

*Eh 3.*

*Simon*



*Simon Hein Societatis Iesu, ita esse testor.*

*Stanislaus Zberovský S. I idem testor m. p.*

## VI.

**Mulier gravissimis oculorum doloribus liberata.**

Anno MDCXLI. Petri Prang civis Gutstadiensis uxor, votum Deiparæ Lindensi exolvit. Duodeviginti menses, acerrimos oculorum dolores pertulerat; neque iis, aut prorsum levandis, aut vel medicriter leniendis quidquam opis reperire uspiam poterat. Ad Deiparam Lindensem cum non posset corporis, animi aciem intendit, & gemino se eidem voto obstrinxit; altero quidem, Lindam ipsius quam primum invisendi; altero verò, quodvis festorum Deiparæ pervigilium, jejunio, & quidem in solo pane & aqua, traducendi. Audita est supplicis vox, neque dolores, exaudita jam voce, cum auxiliari Deiparæ manu, simul amplius potuerunt consistere.

## VII.

**Illustrissimæ Magni Ducatus Lituaniæ Marecalli Aulicus, gravi & longo oculorum dolore levatus.**

Anno MDCXLII. ad v. Non. Octob. venit Lindam amplissimo cum comitatu & familiâ suâ Illustrissimæ heroina Alexandra de Sobiesciorum domo, Illustrissimi M. D. L. Irenarchæ sive Marecalli Christophori V Vieshtoroski, Tikocinensis, Kleszelen, &c. Præfecti, nuper defuncti vidua; ut Augustissimæ Dei

Dei Matri, quas pro acceptis per eam beneficiis referre non poterat, ageret gratias. Maximis enim, inter cætera, tum curis, tum etiam periculis, quæ in cauſa bonorum Krzemienienſium incurrerat, Deipara Lind. ad quam recurrerat, ope ſe cum ſuis levatam expeditamq; agnoſcebat. Non pauci in illo tum comitatu erant, qui non voce duntaxat, verùm & manu calomogûe ſuo (quemadmodum codicillus manibus eorum ſignatus indicio eſt) teſtati ac palam ſunt profeſſi omnia, quibus à Deipara Lind maſtati ſunt, divina beneficia Quos inter Paulus Caſmirus Reſziſzevvski, qui eidem heroinæ ab obſequiis erat, acerrimo oculorum cruciatu toto hoc itinere (quod ex interiore Lituania Lind. uſq; ſat eſt longum juxta ac impeditum) temporibusq; retroactis, nuſquam ſe levare potuiſſe ſanctè affirmavit. Simul autem limen Deipara Lindenſis attigit, conſeſtim allevatus eſt, quemadmodum præcipui illius aulae comites, præſertim Dominus Thomas Karnierosky (de quo erit ſuus dicendi locus) & Albertus Łzjuſki præſentes atque oculati teſtes, manu ſua eidem codicillo adjectâ, confirmarunt.

## VIII.

Nobilis Virgo, viſum prorſus amiſſum recipit.

Sub eadem, ut conſpicere poſſum, tempora Carharina, Ioannis Koſcieſza nuper in Gronitté Allenſtenſis municipii, nunc in Sorenbohm Seeburgenſis Territorii heredis, avunculi mei materni (à quo primum literarum guſtum hauſiſſe me gratus fateor)



filia oculorum usum, quem aliquamdiu prorsum amiserat, Deipara Lindensis ope recepit, quo etiamnum lata, juxta ac incolumis fruitur: &, ut gratias Deipara agat, quovis anno Lindam frequentat.

## IX.

Nobili, puero oculi, pessimè affecti, restituti.

Anno MDC XLIII. ad VII. Idus Iulias, Magnus ac Generosus Dom. Ioannes de Boianczice Bojaneky, Illustrissimo quondam Nicolao Szytzkoroski, Varmienensi Episcopo, ab intimis obsequiis, tum verò Seeburgensis atque exinde Gutsdiensis Burgrabius, votum, quo magnæ Matri Lindensi obstrictus fuerat, exolvit. Erat ei filiulus (quem unà secum, tanquam voti reum, præsentem Lindæ stitit) oculis ita male affectus, ut (quod parens etiam me coram sanctè asserbat) neque ad solis, neq; ad ignis lumen cernere quidquam posset; in aprico tamen caligantibus admodum oculis, quasi per nebulam, non nihil intueretur. Sed ubi parens, & se, & filium Deipara voto addixit, continuò & hic clarum tueri, oculisque per commodè frui; & ille, quoad voto se per otium exolvere, Deoque ac Deipara apud Lindam gratias agere posset, gaudio interim non desit triumphare.

## X.

Puella oculis per annum capta sanatur.

Sub ejusdem anni decursum, Martinus Herder civis Vormditensis, sponsonem, quâ filia causâ Deo ac Deipara obligatus erat, Lindæ persolvit. Erat illi

illi filia Margareta, solidum jam annum oculis capta; ut nihil aliud jam, nisi ne sempiterna nox offunderetur, expectandum foret. Parentes suam filiaque sortem miserati, nullum tamen aliud miseræ, nisi apud B. V. Lindensem auxilium reperiunt. Illi filiam offerunt, & si votorum damnarentur, Lindæ sistendam suo tempore spondet. Damnati sunt, & filiam sanitati oculisque restitutam, sine mora Lindam deduxerunt.

## XI.

Mulier diuturno oculorum dolore liberata.

Eodem fere tempore, Pudentiana è villa Tolnik Seeburgensis municipii colona mulier, votum solvit. Continuis quatuordecim hebdomadis, gravissime ex oculis laborarat; & cum neque collyrium neque aliud remedium sperare aliunde posset; collyrium à tiliâ Marianâ sibi afferre nō desperavit. Spondet igitur Deipara Lindensi si depulso ab oculis, illius ope, cruciatus, & instante jam orbitate, libera esset voti se ream, non modò sacellum ejus visuram, verum & bis mille passus geniculando aut potius, genibus reptando confecturam. Spondit mulier. & Virgo Deipara, voto sine mora respondit. neque Pudentiana secus, quam sponponderat, peregrinationem est prosecuta.

## XII.

Cuidam in Samogitia posito, post votum B. V. Lindensi factum, cæcitas depulsa.

Anno MDCXLIV. ad VIII. Cal. Jun. quidam ab ipsa usque Samogitiâ, ut se voto exolveret, Lindam venit. Cæcus paullò antè fuerat; & qui in



vicino, quod sibi mederetur, cernebat nihil, potuit de longinquo, quo opus esset, cernere. Fortè de Lindæ Marianæ loco, collatisquæ in miseros mortales beneficiis, fando aliquid inaudierat. Eò igitur sibi recurrendum ratus, voto se, si convaluisset, Lindam adeundi obstringit. Simul votum conceperat, simul recepit & visum; eodemquæ securus & gaudens lumine jam fruens Lindam gratias acturus perexit.

## XIII.

Duobus item aliis in Prussia, cæcitas depulsa.

Eodem Anno VI. Non. Iun. adfuit Lindæ Bartholomæus Ros è Pagoterritorii Vormditensis Neu-hoff dicto: qui in oculorum suorum orbitate, cum non haberet, quò refugeret, refugit ad sacram Deiparæ Lindam, votoquæ nuncupato persanatus, & votum, & se Deiparæ apud Lindam reddidit. Neq; multò post, videlicet, prid. Id. Iun. adfuit quidam ex ipso Vormditensi oppido civis, qui ob sanitatem oculorum redditam votum & gratias, quas Deiparæ, uti promiserat, debuit, venerabundus persolvit.

## XIV.

Duo è Meelsaccensi municipio, periculoso oculorum morbo liberati.

Iam verò ad x. Cal. Iul. ejusdem anni, par hominum è Meelsaccensi municipio accesserunt, pariterque voto, ab acceptum à Deipara Lindensi par mu-

munus ac beneficium, obligatus. Grave uterque ex oculorum vitio periculum adierat; factò ad Deiparam voto, uterque liber subito evaſit; &, nullâ interpoſitâ morâ, ut vincula, quibus ſe per votum induerat, evaderet, ſimul uterque Lindam contendit.

XV.

Puella Biſtenienſis apud Lindam Marianam viſum recepit.

Ad xiv. Cal. Aug. ejusdem anni, puella Biſtenio oriunda, prorsum cæca Lindam perreptavit. Quia verò nō minùs animi, quàm corporis lumen à Virgine, MARIA quæ ipſo MARIE nomine ſe & corporis & animæ *Illuminatricem* profitetur, ſupplex depoſcebat, utrumque eodem loco ac tempore conſecuta eſt. Nam ubi peracta delictorum ſuorum conſeſſione, tenebras, quæ ſe animo offuderant, diſpulerat, ad ſacroſanctum Eucharistiæ ſacramentum, hoc eſt, ad divinum illum inter ſeptem Eccleſiæ Sacramenta, Solem acceſſit, & unà lumen, corpori jam dudum ereptum, non ſine ingenti gaudio & ſummâ gratiarum actione recepit.

XVI.

Rei familiaris adminiſter, uſu oculorum prope captus, voto Lindam factò, ſanatus.

Anno MDCLVII. Clemens Fiſcher, è VVuſen municipii Vormditenſis pago oriundus, Traumburgi ad rei familiaris operas miniſteria ſua addixerat; cùm interim oculorū uſu deſtitui ſenſim ac privati cæpit.

Nulla



Nulla in præfente, adeoque periculoso morbo potiora erant remedia, quàm quæ de B. V. Lindenſis præſentiſſimo in malis ſubſidio à nonnullis familiarium ſuggerebantur. Ad ea quocirca & ille animum adjicit, votumquæ Lindam concipit; eodemquæ tempore & viſum propè amiſſum recipit, & mox votum Lindæ præſens magna cum gratiarum actione reddit.

## XVII.

Puella medium annum cæca viſum recipit.

Eodem anno Martini Vlrich civis Heilsbergensis filiola, medium circiter annum oculis proſum orba, ſive ſuo, ſive aliorum conſilio ad Deiparæ Lindenſis præſidium confugit; & voto factò priſtinum oculorum uſum ſubitò recepit. Patrem igitur, Lindam uſque piè comitata, votum & gratias pro incolumitate, ita facile recepta dependit.

## XVIII.

Biennium integrum oculis captus, tum animi tum corporis lumen recipit.

Anno MDCXLVIII. ex infami illo Ambubajarum genere ( qui ſi non laſcivas, certè ludicras artes proſitendo, celebria quævis loca quaſtus gratiâ percuſſant ) fuit Salpiſtes uſſinus, ex Smurgon Lituaniæ oppidulo, duodecim circiter leucas ultra vilnam ſito, oriundus Ioachimus nomine. Is ad mōrem in Ruſſia Lituaniaquæ uſitatum, domitos & ad ludum choreasquæ variè inſtru-

instructos urfos, ductando, plures jam annos cum sui similibus belluarum exercitoribus, varias aliorum quoque regnorum provincias obierat; quoad tandem qui supra urfos cæterasque belluas vix intra animum perspicaciores habebat oculos, etiam eos, quos in corpore cum belluis habebat, communes amittit. Biennium integrum, & omni ope, & consilio destitutus, miser oberrârat; cum ille peregrinus quidam Ioannes Szukelski in Samogitia adortus, ad Deiparam Lindensem opis præsidiique causâ dirigit. Sequitur cæcus saniora peregrini consilia, & Lindam usque se confert. Hic verò, priusquam lumen corporis, quod quærebat, reciperet, lumen etiam animi, quod ad eam diem, neque quæsierat, neque insuper noverat, accepit. Instructus enim de Græcorum & Schismaticorum, in quo adoleverat, errore, ultro se ad Catholicæ lumen Ecclesiæ recipit. Posteaquam verò densam illam peccatorum caliginem, per sacra Pœnitentiæ & Eucharistiæ Sacramenta, ab animo dispulit, lumen quoque corporis, visu per Deiparam restituto, confestim recepit.

## XIX.

Clauda mater, & filia cæca sanatæ.

Iunio mense anni MDCLII. exeunte iunctum fuit, uti credere par est, Angelis hominibusque spectaculum, & vel ad veterum Poëtarum disertissimos argutissimosque sales, non inficetum. Luferint inter eos, non modò Philippus, Leonides, & Antiphilus, verum & ipse adhuc iunior  
Plato



Plato (a) de cæco & claudo mutuam sibi operam præstantibus, quando

*Claudum portabat cæcus, cæcum ille regebat,  
Nempe erat hic illi pes, & hic illi oculus;*

Quidni & vos, meliore quodam acti enthusiasmo, si perinde mutuam corpori, atque animo navatam cerneremus operam, ludere possemus? Mater erat, quæ ex Pago Blodau juxta Traumburgum sito, unâ cum filia Lindam venerat; & hæc quidam cæca, illa verò erat clauda. Ut verò filia cæca matrem humeris non deportarit, mater tamen clauda filiam cæcam, in sua pariter atque illius causa, Lindam direxit atque duxit. Matris enim consilio, ad votum faciendum credo impulsam fuisse filiam, uti postmodum ejusdem ductu Lindam profecta est. Sed prius, quàm eò proficiscerentur, utraque Deiparæ ope, quam supplicibus votis invocant, sanitati reddita fuit; ut neque cæca claudæ, neque hæc illius operâ indigeret: utraque verò mira Dei ac Deiparæ in se opera, tum Lindæ tum alibi simul deprædicaret.

## XX.

Etiam aquâ, juxta Lindam Marianam præterfluente, oculorum morbi curati.

Quod alio loco (b) de ipsa quoque aqua (quæ Lindam præterlabitur, & vel è fontibus hinc inde scaturit,

(a) Lib. I. antholog. cap. 4. ἀνέρεα τις λιπὸ γγον ὁπὲρ νότισο λιπαυγῆς ἡγι, πόδας χερῶν, ὁμίματα χερσάμων. (b) Lib. I, cap.

tur, vel rivulo vallem ſecante devolvitur) de quæ incolumitate nonnullis ex eadẽ promanante aquâ diximus, hujus MDCLII. anni exemplo abunde confirmatum eſt. Mos eſt non paucis Lindam accedentibus, ut vel terram, vel frondes, vel etjam aquam, è loco ſacro ſecum aſportent; illum fere Candacis Reginæ, de quo literæ ſacræ (a) Eunuchum imitati. Fuit inter hos Generoſus D. Euthachius Nenchen, in Elditten hæreditarius; qui aquam è Lindenſi ſcaturigine hauſtam, lagenâ ad futuros uſus ſecum aſportavit. Et ecce, non leve tantillæ operæ præcium! Erat illi inter domeſticos operarios quidam, cætera quidẽ haud ignavus, ſed ob vitia, quæ patiebatur, oculorũ, haud magnæ, præſertim in futurum, frugis. Huic ille allatam recens è ſacro Lindæ loco aquam tradit, & ut oculos identidẽ perluat, imperat. Paruit hero miniſter, & cum primum aquâ illâ perluiffet oculos, non aquam ſed præſentiſſimũ oculis collyrium admoviſſe viſus eſt: ſubito enim oculi reſtituti, & omnia, quæ invaluerant, vitia ſunt depulſa. Quod quidem idẽ ipſe generoſus Dñs Nenchen Anno proximẽ conſecuto ad VI. Jul. præſente R. D. Joanne Reiter & quibusdam de ſocietate Patribus coram audientibus, ita uti memoravimus contigiſſe, ſanctẽ affirmant.

## XXI.

Duodecim annorum cæcitas curata.

Anno proximẽ inſecuto, ut ego quidem conjecturâ aſſequor, Laurentius Mrovka è Schœnberg regionis Allenſteinensis pago, Deiparam Lindenſem

ſupplex;

(a) Act. 8.



supplex quanquam luminis ac annis duodecim et jamnum expers, veneratus tum voto tum cæcitate magis, quàm luscitie, quibus obstrictus erat, solutus est. Quia enim duodecimo hoc afflictissimæ suæ vitæ anno ad opem Deiparæ se contulerat, & tum peccata ritè confitendi, tum sacrosanctam in Æde Lindensi Eucharistiam sumendi votum fecerat, simul atque, quod promiserat, coràm executus est, videntis sensum, quemadmodum optabat, & de Magnæ Dei Matris benignitate sperabat, manifestò in eadem Deiparæ Æde consecutus est.

## XXII.

Caligo, quæ plures hebdomadas offusa erat oculis, depulsa.

Anno MDCLIV. ad III. Non. Iun. Simon Hein ex Stegendorff Meelsaccensis, ut vocant, Cameratus Pago incola simulque caupo, uti insperat à ita densa oculorum caligine, ante quadragesimam proximè elapsam, suffusus ac paullò post, videndi usu penitus orbatus est, ita ut toto illo, quod ad Pascha intercurrit, tempore nihil omnino potuerit cernere. Simul autem atque votum ad Deiparam Lindenensem adeundi fecit, mox illa Caligo sensim dispelli, atque lux oculis redire cepit. Quæ, quemadmodum memorata sunt, ipse mihi apud Lindam, testibus fide dignissimis præsentibus coram enarravit.

# CAPUT X.

Deiparæ Lindenſis beneficia etjam ad hæreticos, & ab Eccleſia Catholica alienos, præſertim verò in vicino Pruſſiæ Ducatu ſitos derivata, atque in iis quoque cæcitas, & alii oculorum curati morbi.

Quanti magnam Dei Matrem æſtiment hujus temporis ſectarii vel è blaſphemiſ atque impiſſiſimis quorundam, qui ſectiſ nomina vel incrementa dedere, vocibus abunde patuit. Et tamen iſtorum quoque vota, apud Deiparam Lindenſem inveniunt locum! Quid aliud eſt (ajebat Philoſophus Antitheſes (a) è flamma cibum petere, quam eorum auxilium & opem implorare, quos neceſſitate non urgente, ne teruncii quidem æſtimes?

## I.

B. V. Lindenſis, non modò quâ Dei Mater, ſed etjam, quâ Lindæ Domina, quodam jure ad benefaciendum ſuis adverſariis quaſi obligatur.

Si ad cæteros Chriſti familiares & Dei ſervos, illud pertinet: Diligite inimicos veſtros; benefacite hiſ, qui oderunt vos; & orate pro perſequentibus & calumniantibus vos, ut ſitis filii Patris veſtri, qui in calis eſt; qui ſolem ſuum oriri facit ſuper bonos & malos, & pluit ſuper juſtos & iniuſtos (b) quid ni id quoque ad ipſam Dei & Chriſti Matrem pertineat? Qua de cauſa videtur profeſſor diva Lindenſis, locum illum in Pruſſiæ Ducatu, jam tum ab ipſo rei Chriſtianæ in Pruſſia ex-

Cc

ordiq

(a) apud Stobæum ſerm. 21. (b) Matth. 5. 44.



ordio sibi eo delegisse consilio, ut & Catholicis, & à se, filii quæ sui Ecclesia dissidentibus, quodam jure se redderet obstrictam. Illis enim, qui in Catholica filii ipsius Ecclesia degunt, maximo jure (quod quidem *communio Sanctorum* fundat) obligata est; & iis, apud quos ratione fundi Lindensis, quasi glebæ adscriptoria agit, quodam quasi municipali Provinciæ jure obstringitur. Quocirca tametsi non ex æquo, ex voto certè suo, iis quoque, qui ita à se disjuncti sunt, parata ab se præsidia affatim offert. Quod si illi perinde ad capiendum, atque piissima liberalissimaque illa Mater ad promendum, essent parati; non minus fortasse quàm Catholici, etiam de divinissimis animorum bonis ab ea sortirentur: certè quæ corpus concernunt, ita largè sortiuntur; ut non desint, qui illam putent in eos, qui in vicino Prussiæ Ducatu siti opem illius implorant, quàm in reliquos orthodoxos esse liberaliorem. Sive enim hominum illorum (quorum plerique minimè in se mali, herorum duntaxat suorum imperio atque prædicantium intemperiti à Catholica destinentur Ecclesia) innoxia simplicitas (ob quam, non *formales*, uti Theologi loquuntur, sed *materiales* duntaxat plerique sunt hæretici) sive etiam ipsius Deiparæ in eos benignitas facit, evenire profectò solet, ut cum reliqui Orthodoxi pro eo, quo affluunt, plurimum numero, non semper exaudiantur, illi tamen, vix unquam à benignissima Matre, non audiantur: ut vel hinc veram Dei non modò filiam, verùm & Matrem agnoscas, quæ beneficentiæ suæ radios oriri facit, super bonos & malos; & pluit super iustos & iniustos.

II.

**Puella Angerburgenſis ab ingruente liberata  
cecitate.**

In ea Pruffiæ Ducalis provincia, quàm vel à primo  
principe Wide wuti filio, vel certe à principe oppi-  
do Barthen, Barthoniâ dicunt, civitas eſt Angerbur-  
gum, ſex circiter leucas diſſitum Lindâ. Inde ad XIV.  
Cal. Decemb. Anno MD C XLIII. puella, annos propè  
viginti nata, Lindam venit; & ut veniret, non modò  
lippitudo, ſed ipſa jam oculis, tanquam nox intem-  
peſta, offuſa caligo ingruensq̃ue cecitas adegit. Au-  
diverat enim, quod & aliorum in eodem Pruffiæ Du-  
catu omnium aures circumſonat, quanta Deipara  
Lindenſis ope atque præſidio, miſeris mortalibus  
dona cælitus in horas conferantur. Igitur plena ſpeſ  
& ipſa acceſſit; & quàm primùm Eadem ſacram, non  
ſine ductore, attingit, recepto ipſâ exſpectatione citius  
lumine, domum inde ſuam, non ſine gratiarum actio-  
ne, & maximo animi gaudio, proſum incolumis re-  
ceſſit.

III.

**Mulier Inſterburgenſis diu cæca, perſanata.**

In eadem Ducatus provincia, ad ipſos Nadriaviæ  
fines, Boream verſus, jacet non infrequens neque in-  
elegans civitas Inſterburgum: è cujus municipio, ad  
X. Cal. Junias Anni MD C XLIV. mulier quædam, Ca-  
tharina nomine, Lindam Marianam reviſit. Eraſ  
hæc priori, qua de egimus, haud diſſimilis, præter-  
quam quòd major calamitas diſſimilitudinem ali-  
quam iniecit: hæc enim non ingruentem modò,



verum & inolitam jam diu cæcitatem secum adduxerat. Sed & hoc velum, quantumvis ita arctè oculis obtensum, benignissima Deiparæ manus reduxit. Simul enim atque mulier illa miserrima intra sacram Ædem sese intulit, hæc inter omnes mulieres æternum benedicta, medicam attulit manum; & diram illam ab oculis noctem prorsum deterfit: parata utique non illi duntaxat, verum & cæteris omnibus, præsertim in vicina, atque ita, uti diximus, obnoxia sibi provincia positis, & hæreseon magis, quam hibernarum caligine noctium offusis, multò etiam liberalius atque officiosius, dummodo ipsi non oblectentur, tantas animorum tenebras detergere atque dissipare.

## IV.

Filia cæca per matrem Lindam deducta, per Dei Matrem curata.

Ex eodem loco, atque eodem propè tempore, quippe ad XII. Cal. Julias anni ejusdem, ad idem calamitolorum asylum, quod Lindæ magna Dei Mater erexit, tristissima quædam mater filiam suam Catharinam deduxit. Non poterat diram tristitiæ caliginem non offundere matris animo, offusa filiæ oculis horrenda cæcitatis caligo. Quò magis & filia, & mater ante misericordiæ Matrem supplices prosterni, solatium flagitare, opem & præsidium, tanquam apud præsentissimum asylum obtestando implorare. Neque piissima Dei Mater potuit non audire, eo præsertim loco supplicantes. Ex templo Catharinæ oculis lux affusa, & videndi restitutus est sensus. Quocirca &

ca & mater, & filia in gratiarum actionem effuſæ, non ſanitatem duntaxat receptam, verum & adjectam inſuper maximam animi lætitiâ, domum unâ retulerunt.

## V.

Mulier Fridlandenſis, Lindæ à cæcitate ſanata.

Menſe Junio Anni MDCLIV. Chriſtina Fabri Fridlandenſis conjux, perinde veræ fidei atque oculorum lumine orba, Lindam curru deportata venit. Eò proceſſerat luminum orbitas, ut neque alia juxta ſe poſita, neque infantem adeò ſuum cernere ampliùs poſſet. Fortè in exiguo illo, qui Fridlandi eſt, Catholicorum numero, aliqui conſilium ægræ dant, ut Deiparæ Lindenſis præſentem opem præſidium quæ imploret. Ad fuiſſe illam plurimis, poſſe & ipſi, ſiquidem ſupplicem viderit, adeſſe. Mulier bene monentium haud alpernata conſilium, etiam animum ad ſpem ſiduciam quæ erigit, & voto Lindenſis peregrinationis factò, in viam ſe dat. Vix locum ſacrum attigerat, cum ſubitò luce oculis redditâ, & locum intueri corâ, & divinæ in ſe benignitatis magnitudinem æſtimare animo, Deum quæ in ſua Matre, uti par erat, de prædicare potuit. Quæ quidem omnia admodum R. D. Joannes Grunenbergh Santoppenſis Curio ( qui tum Lindæ præſens aderat ) tum vectore mulieris cum ſua conjuge, tum aliis enarrantibus ita eſſe geſta audiit: & ipſe deinceps aſſeruit.



## CAPUT XI.

Aurium morbi, ope Deiparae Lindenensis, profligati.

**P**roximum oculis locum in humano corpore Aures habent, habeant proinde & in curationum beneficiorumque, per B.V. Lindensem obtentorum, narratione.

## I.

Quidam colonus biennium surdaster, nullâ nisi B. Virginis ope, curatus.

Incertum est, quo anno, quod jam referetur, evenit; certum nihilominus est, quemadmodum è cuiusdam referetur commentariolo, evenisse. Joannes Tochsè Polkhaim, Seeburgensis municipii villâ, audiendi sensum admodum gravem, biennio integro expertus; & ut in surdastis usu venit, sibi juxta ac aliis gravis erat. Neque erat in humanis remedium, quod calamitatem in dies magis ac magis invalescentem superaret. Audiverat jam antè, magnam Dei Matrem, ad calamitosorum preces, nunquam apud suam Lindam obsurdescere solitam. Ad eam proinde & ipse inclamat, atque votum peregrinationis Lindenensis apud se nuncupat. Audiit surdi vocem atque vota piissima Virgo; atque, ut ille quoque aliorum voces facillè audiret, ope suâ, quâ apud Deum omnia potest, subito perfecit. Qui verò se vel ex propria quoque voce jam probè percepta, cognovit ex auditum, Lindam præproperè contendit: ut Deipara Virgo, quæ haud gravatè audierat supplicantem, et jam gratias, quemadmodum jus & fas esset, agentem, pia ac propitia audiret.

II. Alter

## II.

Alter colonus, oculorum atque aurium ſenſu propè deſtitutus, eâdem ope adjutus.

Anno MDCXLIV. ad IV. Nonas Junias, Martinus Schultz è Komejen, Vormditenſis territorii pago, voti reus apud B. V. Lindenſem apparuit, &, quod ſponponderat, exolvit. Ad oculorum, non leviter cæcipientium incommoda, ſat per ſe utique gravia, acceſſerat nihilo levius & aliud, auricularis videlicet morbus, audiendique hebetudo, ex patotide vel alia ex cauſa proveniens. Igitur utroque ſenſu, majorem partem cum eſſet captus, ad Dei Matrem, quàm nô- rat, & ſolvere vincla reis, & proferre lumen cæcis, ſeſe contulit, neque in caſſum. Brevi ſibi & viſum, & auditum ſenſu reſtitutum; ideoque Virgini, quæ reſti- tuit, gratias, quas debuit, apud Lindam Marianam, coràm perſolvit.

## III.

Sacerdoti è Societate Jeſu reſtitutus auditus.

P. Joannes Bruns Societatis Jeſu Presbyter, pa- triâ Lobavienſis, mathematicarum in plerisque hu- jus provinciæ Lituaniæ Collegiis diſciplinarum, jam diu Profeſſor, ſive ipſius naturæ, ſive aliquo alio vitiô vel cauſâ, gravem contraxerat auditum; &, malo in- dies ingreſcente, quò ſe remedii cauſâ reciperet, non inveniebat. Recepit tandem ad B. V. Linden- ſem, & beneficium, quod implorabat, à benigniſſima Dei Matre facilè recepit, quemadmodum ipſemet palàm conſitetur. Sic enim Tabellæ argenteæ



ab se deauratæ, eo charactere, quo in sculpendo eximie pollet, epigramma incidit.

D. O. M. *Virginis, sive originali concepta, ob restitutum auditum D.D. devotus cliens, P. I. B. S. I. Anno 1647.*

## IV.

Nobilis è Masovia vir, tum gravi aurium vicio, tum præsentis mortis periculo, Deiparæ Lindensis ope levatum se recognoscit.

ANNO MDCLIII. ad VI. Id. Jul. nobilis ac generosus Dominus, Paulus Zmijewsky, terrestris, ut vocant, in provincia Wisnensi subjudex, & serenissimi Electoris Brandenburgici, Prussiarque Ducis, Quadruplator, gravi aurium vicio ad surditatem propè redactus, ad B. V. Lindensis (quam cæteri ipsius populares Masovii, *Virginem Prussicam*, appellare solent) opem, quam superiore anno, cumulatè jam fuerat expertus, iterum respexit; atque ut voti compos fieret, non modò sacrum Lindæ locum se aditurum, verum & sacrosanctis pœnitentiæ atque eucharistiæ sacramentis in eodem se fruiturum vovit, simul votum hoc ediderat, simul & voti compos, integrum aurium usum recepit. Quòd quidem beneficium, Deiparæ Lindensi ita in acceptis retulit, ut & manu propriâ illud consignârit, & simul prioris alterius beneficii memoriam unâ reficuerit. Sic enim in chirographo suo, quod commentariolis suis Lindensibus voluit adjectum, linguâ maternâ scriptum reliquit. Anno 1653. die 10. Julii, peregrinationem anno superiore ad hunc sacrum Lindæ locum reverendorum Societatis Jesu

Patrum factam repetendo, collatam in me, graviſſimâ illâ calamitate affectum, ſanctiſſimæ Virginis gratiam, animo grato recolo, iterumque profiteor; me & tum ex voto ad B.V. factô illum gratiam, & nunc iterum aliam eiusdem SS. Virginis ope eſſe conſecutum. Quod quidem iterum, atque iterum profiteor, atque omne beneficium ſanctiſſimæ Virgini, & huic loco adſcribo. Paulus Zmjevſky Subiudex Terra VViſnenſis, & ſereniſſimi Principis Electoris inſtigatôr. Jam verò quod, & quale fuerit beneficium, anno proximè præterito eidem à B.V. Lindenſi collatum, non aliunde melius, quàm ex altero ejusdem chirographo intelligi poteſt. Eſt autem è materna lingua in Latinam translatum iſtiusmodi. Anno MDCLII. die XVIII Julii, ego Paulus Zmjevſky Terra VViſnenſis Proiudex terreſtris, hoc ipſo anno vi morbi eò redactus, ut neque meâ, neque aliorum opinione (omnes enim de me actum eſſe conclamârunt) ſuperſtes ampliùs eſſe potuerim; ſimul atque ad ſacrum hunc Linda locum, cum ab aliis, tum à ſacerdotibus ſacrum Miſſa ſacrificium pro me facientibus, ſum oblatuſ, non aliâ ſanè quàm ſingulari ſanctiſſimæ DEI Matris ope, priſtina ſanitati reſtitutuſ ſum; quod ipſum & nunc eidem ſanctiſſimæ DEI Matri attribuo. Idem ipſe ego ſuprà nominatuſ cum teſtibus infrâ nominatis recognoſco manu meâ. Laurentiuſ Pikarſky VVonſocenſis plebanuſ. Matthiaſ Milevſky Vicecapitaneuſ Caſtrenſiſ VWonſocenſiſ manu propria. Florianuſ Sczuka Succamerariuſ terreſtriſ VWonſocenſiſ.



## CAPUT XII.

Gutturis & dentium cruciatibus liberat.

**A**uribus & auditui præstita à DEIPARA Lindensi beneficia, jam excipient, quæ vel dentibus, vel faucibus ab eadem sunt divinitus impensa.

## I.

Nobilis illustrissimæ M.D. Lituanix Marecallæ aulicæ, faucium cruciatu, & alii aliis morbis apud Lindam Marianam levati.

Inter eos, qui (quemadmodum capite nono memoratum est) frequenter illustrissimam heroinam magni Ducatus Lituanix Marsalcam Anno MDCXLIV. ad v. Non. Oct. Lindam comitati venerunt, fuit etiam Matthias Milewsky, qui prius quàm iter esset ingressus, ac postmodum in ipso quoque itinere acerbissimos faucium dolores (sive ea vis mali, ab angina, sive ab alio glutti gurgulionisve vitio fuerit) solidas duas hebdomadas perpeffus est. Neque aliud, etiam ante susceptum iter, vel in tam opulenta ac magnifica heroinæ illius aula, mali remedium, quàm à Deipara Lindensi repetiri potuit. Ad eam proinde & vorum, & iter tam longinquum suscepit, neque profectò in cassum. Quàm primùm enim sacram Lindæ Marianæ sedem attingit, pristina illi rediit valerudo. Quod beneficium & is, qui percepit, & alii, qui ex eadem aula præsentibus aderant, non modò Lindensi divæ in acceptis retulerunt, verùm & manibus suis consignare parati erant: quorum o-

mini-

mnium nomine Albertus Lonzinsky & Stanislaus Zonkowsky, rem, uti narrata est, subscriptis manibus nominibusque signarunt. Atque hujus fortasse aliorumque ipsius comitum imitati exemplum, tres ex ejusdem heroinæ aula ad v. Id. Septemb. Anno MDCLIV. Lindam adierunt, & vota, quæ fecerant, reddiderunt. Incertum est, quod singuli morbo fuerint pressi, quia in commentariolis morbi genus expressum non invenio: at colligi vel ex iisdem potest, quemadmodum facto Lindenensis peregrinationis voto, levati sunt morbo, ita non levi conflictatos fuisse morbi acerbitate. Cæterum an ipsa quoque illustrissima Mareſcalla aliquod in morbo præsidium divæ Lindenſis fuerit experta, haud satis constat; constat tamen sæpius ab ea tam longinquæ peregrinationis iter, Lindam usque fuisse susceptum. Sed & mihi tum è gravis cujusdam Sacerdotis, qui in illa aula versatus erat, tum è religiosissimæ virginis Ursulæ Krzeziciæ Monasterii Grodnensis (quod illa heroina cum illustrissimo conjuge suo sub Regula S. Salvatoris divæ Brigittæ data fundarat) Abbatissæ testimonio constat, in ea lite, & litem consequentibus angustis, quæ super bonis Krzemienica, foundationi dicti Monasterii attributis, sanè quàm diuturnæ & graves intercedebant, singularem Deiparæ Lindenſis fuisse expertam opem atque subsidium.

## II.

Wartemburgensis inquilinus, cum aliis tum dentium doloribus levatus.

Ad III. Nonas Jun. Anni MDCLIV. adierat Lindam



dam Simon Nitsch inquilinus Wartemburgensis, qui & mihi, & multis coram audientibus, quo pacto majorem veris proximi partem, varios inter morbos, eosque gravissimos ac periculosissimos, cum traduxisset, ope tandem Virginis Lindenensis esset levatus, enarravit. Nam & capitis, & ossium omnium, & præcipue dentium cruciatus ii erant, ut spes vitæ planè superesset nulla. Rebus interim afflictissimis, venit in mentem Deiparæ Lindenensis; ad quam ille continuo votum concepit, & voto ritè concepto, revalescere ac vires resumere extemplo capit; ita ut præsentem dictâ die apud Lindam Marianam, & sacris pœnitentiæ atque Eucharistiæ sacramentis ritè perfunctum, omnes etiam corpore probè valentem cernebant, ejusque causâ Dei ac Deiparæ benignitatem extollerent.

## III.

Civi Heilsbergensi sex dentibus vi & vehementiâ doloris excussis, dolor omnis, voto ad B. V. Lindensem facto excussus.

Acerbius plerumque quàm periculosius solet esse in dentium cruciatu malum: sed apud Martinum Treptau, magnam etiam periculi partem videtur habuisse conjunctam; quia acerbissimis capitis doloribus erat conjunctus. Tres integras hebdomadas ii cruciatus tenuerunt, ita ut sex omnino dentibus vi & acerbitate cruciatuum confractis, radices eorum è gingivis excussi profiluerint. Tentatis nequidquam aliis remediis, unicum ad B. V. Lindensem votum pro omnibus remediis atque alexipharmacis fuit, simul enim atque pedestrem ad illius sacellum peregrinatio.

tionem, & candelam è dimidia ceræ libra Virgini offerendam promisit, dolor ille omnis remissit; ut exactis inde tribus hebdomadis, non modò incolumis verùm & alacer, ad viii. Cal. Sept. Anni MDCLIV. Lindam veniens, omnes, ad gratias Deo ac Deiparæ suo nomine agendas, incitârit.

## IV.

Admodum R. D. Michaël Axamitowsky Archipresbyter Vormdirensis, non uno dentium cruciatu per divam Lindensem levatus.

Inter anathemata & tabellas ex argento Deiparæ apud Lindam appensas, sunt, quæ genarum seu malarum speciem referant. Incertum aliquamdiu fuit, à quo, & cujus rei causâ oblatae atque dicatae essent: patuit tandem donarium fuisse adm. R. D. Michaëlis Axamitowsky, qui Vormditensibus egregiam & diuturnam in sacris operam navarat, & jam Archipresbyter eorundem, tantò alacrius navat, quantò sæpius atque constantius à diva Lindenle, quam identidem revisere & perpetuò solet colere, adjuvatur; & jam olim in acerbissimo dentium cruciatu adjutus est.

## CAPUT XIII.

Eadem quoque beneficia A catholicis, per B. V. Lindensem præstita.

SI, quemadmodum paulò antè disseruimus, B. V. Lindenensis tanquam fundi in Ducatu Prussiae sibi Domina, quodam quasi municipali jure ad succurrendum municipibus suis obstringitur; quò illi Marianæ



rianæ ipsius Lindæ fuerint viciniore, eò fortasse alacrius, iis patrona, uti solet, aderit.

## I.

Puella rustica opem, quam capitis dentiumque cruciatibus in suorum fano nequidquam quærit, in Deiparæ Lindenſis Æde faciliè invenit.

Aris oppidulum est, septem circiter leucas ab junctum Lindâ, & illi vicinus pagus Gory dictus: in eo pago Eva Pauli Odonek filia, infestissimo capitis ac dentium cruciatu exagitabatur. Parentes cum humana præsidia haberent nulla, ad divina scilicet confugere sese rati, Ekersbergam, vulgo Polonis Okar tow'a, dictum viculum, medio fere inter Aris & Lindam itinere situm, filiam devovent. Castellum quondam Ekersberga fuerat, quod à Kinstuto Lituanorum quondam Duce jam dudum eversum, solum duntaxat fanum, ab recente Lutheranorum secta profanum, retinuit: nam & pons, qui supra Spirding nobilissimum in Prussia locum (è quo Gedanim usque navigandi facultas se offert) stratus quondam erat, ac locum multo reddebat celebriorem, dudum subrutus est, ut solis pontonibus via illac jam pervia sit. Hic igitur locus, qui humanis quoque præfidiis omnibus ita orbarus jam erat, quid divinæ opis afferre cuiquam posset? Quocirca & Eva ad se peregrinanti nullum potuit exhibere, vel de ligno vitæ, vel de aliis Paradisi arboribus remedium; nisi fortè aliquid de *Arbore scientiæ boni & mali*, profferret antidoti.

dor; ad quod satis alioqui miseri jam dentes penitus obstupefcerent. Quærendus igitur fuit Evæ melior apud Lindam Marianam Paradisus; ad quem suorum quoque parentum consilio ac voto ubi destinata fuit, continuo omnis dolor capitis remisit, dentium cruciatu non nihil adhuc perdurante; quoad illa peregrinationem, quam ipsi quoque parentes voverant, Lindam usque pedes absolvit: tunc enim etiam illa residuo dentium, quorum unus chirurgi manu revulsus erat, absoluta est cruciatu.

## II.

Mulier Angerburgensis, ab immani dentium cruciatu bis ope B.V. Lindenensis liberata.

Anno MDCLIV. prid. Non. Sept. non unius, sed quinque annorum peregrinationem, hæretica mulier ex Angerburgo oppido, compendio, quo potuit, compenlavit. Sex septemvè circiter ante annos peracerbo dentium vexata cruciatu, neque uspiam, nisi apud B.V. Lindenensem relevari se posse confila, quotannis se peregrinationem ad Lindam Marianam suscepturn, & quinos sestertios, quovis itidem anno, Deiparæ in ejus sacello depenturam vovit; subitoque ubi primùm votivâ illâ peregrinatione defuncta fuit, omni illo cruciatu relevata est. Verùm uti plerumque rebus in portu jam collocatis, evenire solet, ut nos præteritarum tempestatum oblivio capiat; ita muliercula quoque illa, ab eo morbo perlanata, perinde doloris præteriti ac promissa

per-



peregrinationis annuæ oblita fuit: nisi fortè, non tam oblivio, quàm socordia, vel, ut in sectariis facile accidit, contemptus quoque mulierculam ceperit, & à reddendo annuo penso retardarit. Verùm iusta Nemesis ac vindicta divina, retardari ultra quintum annum haud potuit. Redit idem ille dolor ac cruciatus; & fortasse etiam gravius, quàm ante, miseram exagitat. Redit quocirca & illa ad sese, & ingratitudinem, vœcordiamque suam detestata, ex templo ad divam Lindensem recurrit; pensum annorum quinque sefteriorum, per tot annos retentum simul dependit; atque ut sospitatricem quondam suam, iterum propitiam ac fautricem experiatur, quantâ potest, contentione oblectat. Impetravit iterum, quod petiit, non tam suo merito, quàm Deipara benignitate; proinde & gratias, quas potuit, beneficium deprædicando Deiparae retulit, seque domum jam sana, ingenti cum gaudio recepit.

## CAPUT XIV.

Cephalæa, plicæ, aliisque capitis doloribus Deipara Lindensio ope exempti.

**A**B Oculis & Auribus, quæque his viciniora sunt, proximus est nobis ad caput gradus; cujus quidem dolores eò usque intendi nonnunquam solent, ut hominem de statu mentis quoque deturbent; adeoque vel delirium & amentiam, vel etiam furem & maniam adducant. De quibus & nos auctori initium sumemus ab iis capitis cruciatibus, à quibus alii deinceps ortum suum sumunt.

I.

Reverendissimus Abbas Olivenfis, gravissimo capitis dolore per B. V. Lindensem liberatus.

Non est hic alio, quàm ipso Perillustri ac Reverendissimo Abbate, et jamnum Dei gratiâ superstitè, historico aut teste opus. Neque enim tacere potest tantum Dei paræ in se beneficium, quanquam si verbis et jam non prædicaret, prædicat argenteâ, quam Dei paræ Lindenfi dicavit, tabellâ; in qua scalpro exarari, quæ jam damus, curavit.

*Perillustri ac Reverendissimus D. Alexander de Bautzendorff Kensoy vsky Abbas Olivæ, gravissimo capitis dolore laborans, hanc Tabellam Beatissimæ Virgini MARIAE offert. Anno 1649.*

II.

Idem Reverendissimus Dominus Abbas, in eodem vel alio simili morbo, similem B. V. Lindenfi est opem expertus.

Quartus ab eo tempore volvebatur annus; eratq; is, ad vulgarem Christianorum æram, supra millesimum sexcentissimum LIII. cùm iterum idem ille Perillustri ac Reverendissimus sacri Cisterciensium Ordinis apud Olivam, dignissimus Abbas, gravissimo conflictatus morbo, iterum opem apud B. V. Lindensem, præsidiumquæ quæsitum facile invenit. Ergo iterum votivam Divæ Lindenfi tabellam appendit, & in tabellâ acceptum divinitus beneficium, hæc, quæ sequitur epigraphe professus est.

D. O. M. Perillustri ac reverendissimus Dominus A-

D d

lexan-



Alexander à Bautzendorff Kenschovsky Abbas Olivensis, singulare patrocinium beatissimæ MARIAE Virginis in infirmitate sua expertus, tabellam hanc gratitudinis ergo in honorem ejus offert, die V. Februarii Anno 1653. Ita præclarè Cisterciensi in Prussia Olivæ cum Mariana, in Prussia itidem sitâ tiliâ convenit; quia & in ipsa Deipara Virgine, quemadmodum *Olivæ speciosa in campis* (a) ita, quod alibi (b) demonstravimus, Virtutes Deiparæ exhibet abunde tilia.

## III.

Aulicus illustriſſimæ magni Ducatus Lituaniæ Mareſcallæ, ab ingenti capitis dolore curatus.

Anno MDCXLII. pridie Non. Octob. cum Illuſtriſſima M. D. L. Mareſcalla, advenit quoque Lindam Dom. Iacobus Zavvadzky, qui diutino & gravi capitis dolore oppreſſus, voto ad B. V. Lindensem factò, ſimul, atque iter Lindam verſus eſt ingreſſus, meliusculè habere cæpit: cùm verò ad ipſum Lindæ Mariæ Sacellum perveniſſet, planè convaluit. Quod quidem eum in modum eveniſſe, viri nobiles, qui in eodem comitatu adveniant, ſubſcriptis rei geſtæ manibus nominibusque ſuis teſtati ſunt, potiſſimum verò Dom. Albertus Lonzinsky, & Dom. Thomas Karniewsky.

## IV.

(a) Eccli. 24. (b) lib. I. cap. 12.

## IV.

Nobilis illustri genere in Masovia natus, voto Lindam facto, gravissimis capitis doloribus levatur.

Anno MDCLIII. ad VIII. Cal. April. cum amplo familiarium comitatu Lindæ adfuit Stanislaus Gumowsky, illustri genere in Masovia oriundus, & in Targowba, fundo Varavia haud longè disjuncto, heres ac Dominus; ut se voti reum Deiparæ Lindenfi sisteret, & pro beneficiis, quibus ab ea se benignissimè maclatum assererat, grates redderet. Obrutus erat ingentibus capitis morbis, (& cum alibi, tum Varaviæ (ubi & Regionum, & aliorum peritissimorum copia medicorum semper adest) medicamentum aliquod tantis malis anxie quæsierat, sed in cassum. Ergo, qui plerosque, à Diva Lindenfi, sanitatem cæteraquæ præsidia impetrâsse haud ignorabat, ad eandem se opitulatricem recipit, & voto eidem nuncupato, citra moram convalescit. Quod, cum ipse manu sua disertè fateatur, præstat illum ex Syngrapha sua audire differentem. Sic igitur ille vernaculâ linguâ:

Ego infra-scriptus fateor, & recognosco; quod, cum gravissimis capitis doloribus affectus essem, & jam nulla mihi ad restituendam sanitatem spes amplius superesset, voto me, in tanta calamitate positus, ad sacram Lindam obstrinxi. Quo voto facto, auxilium brevi tempore sensi. Datum apud S. Lindam, die XXV. Martii anno MDCLIII.

Stanislaus Gumowsky ex Targowba  
juxta Varaviam, manu propria.

Dd 2

V.



## V.

Matrona quædam marito comitante, prodepulsis capitis doloribus, B. V. Lindenſi gratias agit.

Ad VI. Id. Majas Anni MDCLIV. Vir quidam conjugem suam Deiparæ Lindenſi, unâ secum votivam, præſentem ſtitit. Acutissimis illa capitis doloribus longo tempore conflictata, nullum usquam curando levandové malo remedium invenire potuit. Quæſuit denique apud B. V. Lindenſem, & prius quoque, quàm ad ipsam accederet, invenit. Posteaquam enim votum Lindam peregrinandi nuncupavit, quasi aut medicatam capitis fasciam adstrinxisset, aut aliud potentius amuletum admovisset: ita dolor omnis protinus remiſit. Neque illa, de voti pertolvendi diligentia, quidquam remiſit; sed protinus, marito comite, se in viam dedit; & Deiparâ Lindenſem, quam absens ita sibi fuerat experta auxiliarem, summâ animi gratitudine præſens venerata est.

## VI.

Duæ Virgines Heilsbergenses à cephalalgia curatæ.

Eodem anno, ad VIII. Idus Junias, Catharina Joannis Ageiſon, cujus aliàs meminimus (a) filia, & Joannis Strwert honesti atque opulenti civis Heilsbergensis vidua, duas è filiabus suis Lindam deduxit, & Deiparæ voti reas coram exhibuit. Gravibus utraque capitis doloribus erat afflicta; neque verò aut illæ,

(a) lib. 3. cap. 10. & 20.

illæ, aut cum illis, afflictissima genitrix, præsentius quam apud Dei genitricem, sacramque illi tiliam, sperare præsidium potuit. Quocirca, & ipsa votum nuncupat, & filias nuncupare unà jubet. Dictum factum; neque diutius præsidium curatioque dilata: protinus enim à concepto voto, & filiabus sanitas & matri consolatio rediit. Vnde simul omnes, peregrinatione domi promissâ Lindæ sunt exolutæ.

## VII.

Civis Traumburgensis, capitis & spinæ dorsæ  
cruciatibus levatus.

Eodem quoque anno, ac mense, diebus aliquot intercedentibus videlicet ad III. Non. Junias Christophorus Sikorsky Traumburgensis inquilinus, sacrosanctis Pænitentiae & Eucharistiae Sacramentis apud Lindam Marianam refectus, me comam, aliisque præsentibus disertè professus est: se vere proximè præterlapso, immanibus capitis spinæque dorsæ excruciatum doloribus, nullum uspiam levando malo, quam apud B. V. Lindensem præsidium repetire potuisse. Ad eam proinde votum peregrinandi concepis; & concepto voto, omni mox cruciatu fuisse levatum. Quod igitur promiserat, memorarâ die præstitit; iterque septendecim propè leucarum ab ipso usque Traumburgo, non modò sanus, verùm & alacer, pedes totum est emensus.



## VIII.

**Matrona Meelfaccensis, capitis & oculi doloribus liberata.**

Eodem insuper mense, ipſis videlicet Idibus Iunii votum exolvit Margareta, Matthæi Bucholtz civis Meelfaccensis uxor. Anni proximè elapſi autumne eos capitis cruciatus est perpeſſa, ut in faciem, ac dextrum præfertim oculum redundarent. Sive autem mali ſonsulcus aliquod interius, ſive alia cauſa fuerit, oculus certè non dolore modò, ſed pelliculâ inſuper ſuffuſus omnem videndi uſum perdiderat. Etſi verò nuncupato Lindam voto, & capitis, & oculi, omnis extemplò receſſerit dolor, pellicula tamen illa pupillæ obteſa non receſſit, qua cum Lindam quoque venit. Verùm, ut & hæc recederet aut potius ſalutari Deiparæ manu, abſtergeretur, de præterfluente Lindam aquâ, qua ad aliorum exempla mortalium, oculum illum perſueret, hydriolam ſecum aſportavit domum.

## IX.

**Duo è Maſovia homines, à cephalæa curati.**

Non multis diebus interjeſtis, videlicet pridie Cal Aug. ejusdem anni, par hominum è Maſovia Lindæ adfuit: utrique votum atque peregrinationem ſive vertigo. ſive alii vehementes ac permoleſti expreſſerunt morbi. Votum autem atque peregrinatio tantis urgentibus malis expreſſa, videntur à Deipara Lindenſi quodammodo ſanitatem expreſſiſſe.

Quâ

Quà per Deiparam obtentâ, nihil utiq; fuit utrique antiquius, quàm ut primo quoque tempore voto se expedirent; quemadmodum dic, quâ diximus, non sine ingentibus Deiparæ actis gratiis, & singulari animi exultatione, expediverunt.

## X.

Nobilis è Masovia vir, plicâ, & periculossimâ,  
quæ plicam comitantur, propè ad mor-  
tem excruciatu tormentis, vo-  
to ad B. V. Lindensem sa-  
cto sanatus.

Ad morbos capitis, placuit adjungere *Plicam*,  
ut plerique medicorum appellant, *Polonicam*, de  
qua alio loco nonnihil jam à nobis dictum (a) Tam-  
etsi enim id genus morbi, uti planè nocuum, &  
apud alias nationes prope ignotum, inusitatum  
certè est, ita non modò caput, verùm & ve-  
nas, & nervos, & musculos, & carnem, & ossa,  
& totum denique hominis corpus pervadat, atque  
in auditis lancinet cruciatibus: quia tamen (postea-  
quam quasi possessam totius humani corporis arcem  
pertrumpere, & se in ipsa spectantium oculis ex-  
hibere solet) in ipso capitis vertice, per ca-  
pillum scilicet in nodos prorsum inexplicabiles  
contortum, conglomeratumque apparere primum  
solet; et jam hic locum, à capite haud paullo sejun-  
ctum, sibi vendicat. Nondum ab humanâ ope,  
tam vario, & tam novitio malo repertum est cer-

Dd 4.

tura

(a) lib. 3. cap. 28.



tum aliquod medicamentum: nihilominus; quia singulari Dei providentiâ atque benignitate, apud sacram Deiparâ Lindam quædam quasi Panacæa atque Panchrestum, est constitutum, non potest etiam huius tanti mali non absolutorium esse. Experti id sunt non pauci, quorum suspenſa in *Æde* Lindensi capillamenta, ne horrorem intuentium oculis incuterent, facculis inclusa pendent. Expertus insuper hoc tempore est, nobilis ac Generosus ex *Maſovia* vir *Joannes Gorzłowsky*; qui III. Non. Junias Lindam adiit, & quæ jam percenſeo, coram sanctè enarravit, adeoque manu signavit sua. Grassabatur autumno proxime elapſo sæva pestilentia lues, cum alibi, tum in eâ quoque *Maſovia* orâ, in qua ille, haud procul *Ostrolenka*, tum degebat. Interea corripitur ille quoque morbo, eoque admodum vehemente, ita ut & corpus per hebdomadas quinque obstructum planè esset, & molem corporis sustinere pedes amplius non possent. Omnium sensus erat, hominem, eiusque familiam totam, fonticâ pestilentia aura fuisse afflatos: unde vix ullus hominem eiusque familiam affari, nedum accedere, toto illo morbi tempore audebat. Equidem constitit omnibus deinceps, non pestem sed familiarem illum *Polonia* morbum esse, cum se in plicam per inextricabile capillamentum sensim evolveret: neque tamen quidquam præsto esse potuit aut medicamenti aut levaminis. Rebus igitur iam desperatis rogat uxor, ut unicum, quod superesse posset, complecti præsidium, & se ad *Deiparam* Lindensem veller devoveri. Annuit æger, & voto per coniugem facto, revalescere ex templo

templo caput; paulloque post, non modò extra morbum, sed etiam extra omne pestilentis auræ periculum jam constitutus, cum Susanna, paris nobilitatis ac pietatis consorte, liberisque suis venit, ac votum Deiparæ exolvit; quæq; hic memorata sunt, posteaquam sacra Pœnitentiæ & Eucharistiæ Sacramenta usurpavit, suâ manu hunc modum confirmavit.

*Ego Ioannes Gœctorosky, pro personâ meâ, & idem recognosco, ex voto chara conjugis meæ mp.*

## C A P V T X V.

Etiam à fide, Ecclesiæque Catholicæ alienis, eadem per B. V. Linden-  
sem, præstata beneficia.

**C**Ælestis ac prorsum divinæ indolis est, non personas, sed calamitates, quibus opitulêre. in genere humano respicere. Semper hæc in Deipara Virgine eluxit; quæ sicut nemini censum. aut decus, aut domum eligit, ita quoque nullius fastidit aut vitæ aut sordes, parata in omnes (dummodo & ipsi, ad capiendum sint parati) maternæ pietatis sinum visceraque effundere. Quod apud Lindam Marianam tum vel maximè patet, cum à se filique sui Ecclesiâ disjunctis, dummodo supplices esse velint, semper vult præsto esse.

### I.

Nobilis ex Ducatu Prussiæ matrona, à capitis doloribus per B. V. sanata, Ministri hæretici publicam incurrit objurgationem.

Vt pleræque in Ducatu Prussiæ, ita & hæc nobilis



lis matrona Lutheri sectæ addicta fuit. Talis nihilominus cum esset neq; atrocissimis cephalææ doloribus remedium uspiam inveniret, coacta est Deiparam Virginem, intra sacrum ipsi apud Lindam sacellum accedere & supplex esse. Quo loco cum aliquantum orasset, dolor omnis ope Deiparæ abactus est. Neque mulier domum redux celare beneficium familiares suos potuit, uti sanè nec debuit. Verùm cum illa pluribus id memoraret, et jam ad prædicationis aures fama pervolavit. Hic ille, campum scilicet Martium industriæ suæ nactus, cum privatim, tū in fano publico, pro professoriarum more modoq; concionum, in matronam, quantumvis genere & domo illustrem, continere bilem non potuit, quin etiam publicè eam evomeret, & grandibus illis, in pelvis natis, fulminibus detonaret. Quæ quemadmodum retulimus testes omni exceptione major, Illustris ac Magnificus Dom. Otto à Græben (de quo pluribus libro 3. memoravimus) Anno MDCCXXXIX. ad III. Cal. Jul. memoravit; eo dignior fide, quo fuit matronæ illi genere propinquior.

## II.

Mulier villana, primum capitis, deinde etiam manuum ac pedum cruciatibus liberata.

Sorquiten pagus in Ducatu Prussiæ est, duobus amplius leucis austrum versus Lindâ disjunctus. Quoad fides Catholica totâ viguit Prussia pagus ille ad Bisburgensem Archipresbiteratum spectabat: ubi verò infusa Prussiæ hæresis illum quoque locum occupavit,

Etiam Acatholici dolore morbisq; capitis per B. V. liberati. 427

cupavit, Sorquitenfis cum omnibus vicinis Paraciis, ab illo Archipresbyteratu revulsa, Curioni Bisburgensi solum Parochi nomen reliquit. In eo igitur pago Dorothea Georgii Preus gravissimis capitis doloribus quinque ante annos exagitata, neque ullo hominum subsidio usquam adjuta, à Deipara Lindensi adjuta est. Nam ubi se voto futura Lindam peregrinationis obstrinxit, omni morbo confestim soluta est: proinde & ipsa non destitit voto, quo tenebatur, se quantocyus exolvere. Porro cum procedente tempore, idem, aut gravior etiam dolor tum manus tum pedes occupasset, non aliò sibi Dorothea quam ad eandem apud Lindam fautricem recurrendum censuit. Itaque cum plura morbo tenerentur membra, plura etiam vovit anathemata; præ cæteris vero cerea manuum ac pedum simulachra, & ceream insuper candelam, quacum ter Aram sacelli geniculatim obiret. Hisce votis cum se adstrinxisset, confestim omni manuum pedumque dolore ac morbo iterum exoluta, peregrinationem Anno Domini MDCLIV. ritè obivit.

## CAPUT XVI.

Amentes ope Deiparæ Lindensis curati.

**N**E quideorum, quæ ad humani corporis arcem spectant, videamur præterisse, ab aliis humani capitis morbis ad curationem Amentis gradum faciamus. Tamen si animalii quoque morbi hominem de statione  
mentis



mentis possent dimovere; id tamen potissimum ii, qui in capite sedem habent, facere solent; cum caput & cerebrum intellectus, iudicii, mentisque homini quædam quasi officina sit: quâ quidam malè affectâ, necesse est & animæ functiones exerrare. Quod dum evenit, haud facillè remedium alibi reperitur: reperitur tamen apud Deiparam Lindensem.

## I.

Faber lignarius aliquot hebdomadas mente motus, voto ad B. V. Lindensem facto, sibi restituitur.

Martinus Vlrich, cujus jam ante mentionem fecimus, Heilsbergæ apud fabrum lignarium strenuè aliquamdiu egerat; uti fortasse & nunc, per Deiparam sibi restitutus non minore industriâ agit. Quæ eorum mentis homini causa fuerit, non satis constat; constat nihilominus eo usque progressum fuisse morbum, ut hominem animi impotem per aliquot hebdomadas reddiderit. Cæterum & in ipsa mentis exerratione, diu firmata erga B. V. pietas non exerravit. Pro pietate igitur suâ, mentem subiit asyli auxiliisque Lindenensis, simulque voti ad B. V. concipiendi. Concipitur votum, & mox tum mens, tum ejam sanitas corporis homini rediit. Quam ille, cum Deiparæ Lindenensis secundum Deum in acceptis referret, ut etiam gratias, quoad posset, referret, Lindam venit, & voto rite perfunctus est.

## II.

## II.

Homo villanus ab amentia, è morborum dolorum-  
quæ vi orta liberatus.

Anno MDCLIII. Christophorus Barkel ex Olbersdorff Vormditenſi villa, à Iunio mense ad Novembrem usque cingulo tenus gravissimos toto corpore passus est cruciatus, ut neque se movere, neque ab aliis moveri, quin & attingi, finire se posset. Magnitudine quocirca ac varietate cruciatuum ad ad amentiam usque redactus, ac sui prorsum impos, illud duntaxat potuit, ut pro veteri in Deiparâ religionè, illi se totum addiceret, & votum peregrinationis Lindenſis faceret. Neque Deipara clientem suum deseruit, cui subito & mentis & insuper virium usum ita restituit, ut ad VII. Cal. Iul. pedes inter duodecim circiter leucarum ingredi, & sanus atque vegetus Lindam usque progredi potuerit.

## III.

Matrona Vormditenſis delirio, filiolus ejus alio morbo, & pecora lue simul liberantur.

Sub idem tempus, atque ex eodem propè loco, Anna civis Vormditenſis, Andreæ Beit conjux, Deiparâ Lindenſi votum coram suppliciter reddidit. Multæ simul calamitates muliebri pectus, quin & mentem expugnant. Nam & pecora, quotquot ferme erant, subita lue morbi quæ invâſere; & filiolus, qui omni pecore opibusque multò erat gravior, dolorum acerbitate pedes ita contractus erat, ut gradum



dum facere nequaquam posset, denique & ipsa mulier, vi morborum undique obstita, ad amentiam redacta jam erat. Quod unicum in tanta malorum iliade supererat, saluti omnibus fuit, pietas videlicet in Deiparam Virginem. Ad eam, tanquam ad sacram anchoram, recurrit calamitosissima mulier; & si menti salutique pristinae redderetur, cum ad alia loca quædam, tum verò potissimum ad Lindam Marianam peregrinationem vovet. Vix illa votum ediderat, cum & ratio, quæ de sede sua erat dejecta, & sanitas tum mulieri, tum filiolo, tum denique etiam pecoribus est reddita. Neque illa cunctandum deinceps rata, mense Julio Anni MDCLIII. Lindæ votum, quæ par erat, gratitudine reddidit.

## IV.

Colonus Sturmhublensis, à phrenesi curatus.

Ad IV. Id. Iun. Anni MDCLIV. voti religione, qualigatus erat, sese absolvit Gregorius Schwarck, ex Sturmhubel Resfeliensis ditionis colonus. Pertinaci morbo de potestate mentis dimotus erat; & cum ipse præsto sibi auxilioque, in ea mentis exerratione ac phrenesi, esse non posset, adfuit conjux; quæ beneficiorum Deiparæ Lindensis satis gnara, ad illos beneficentiæ divinæ fontes, quibus illi sensuum cerebrique astus restingerentur, virum censuit admovendum. Fecit ita, & voto pro viri incolumitate Lindam nuncupato conjugem biduo vix dum exacto Deiparæ ope sibi mentique redditum ita recepit, ut conti-

nudò ad exolvendum Lindæ votum, votis precibus-  
que suis comitaretur.

## V.

Etjam hæretica mulier, vicinorum injuriis ad Phre-  
nesin, aut potius furorem adacta, Deiparæ  
Lindensis auxilio sanata.

Et hæc quidem Catholicis suis, benignissima Dei  
Mater ita præstitit, ut tamen etjam à sua filiique  
sui Ecclesia disjunctos non posset non miserari,  
& recurrentium ad se non misereri. ANNO MDCLII.  
in quodam pago Wola dicto, Dominorum ab  
Heideck ditioni in vicino Ducatu subjecto,  
mulier degebat, Adami Kolenczik uxor Catha-  
rina. Vicinis, qui eandem villam incolebant, mulie-  
rem, incertum quâ causâ, acrius insectantibus, &  
quâ verborum contumeliis, quâ aliarum acerbitate  
varietateque injuriarum vehementius identidem  
incessantibus, injuriæ vulnerum instar, etjam, quàm  
pro muliebri impotentiâ par erat, altius ad animum  
descenderunt: & cum illa neque per vindictam ef-  
fundere bilem atque iram, neque per sexus imbecilli-  
tatem animivè impotentiam concoquere injuriam  
posset: si non in rabiem, certè in amentiam præceps  
abiit. Adhibita sunt fortasse ab ipsis quoque ini-  
micis sortem miseræ serò miserantibus, omnia, quæ  
præsto esse poterant, præsidia; verùm præsidia hu-  
mana omnia superabat malum; altiores quippe radi-  
ces egerat, quàm ut humanæ eo vires consiliaque  
sele penetrarent. Quocirca, ut reliquis in  
Ducatu etjam Prussiæ positis, unicum apud  
Deipa



Deiparam Lindensem præsidium supererat flagitandum; quod ubi flagitatum est, Alexipharmaci instar erat. Posteaquam enim peregrinationis ad Lindam Marianam votum nuncupavit; protinus & menti, & sensibus, & sanitati restituta est. venitque paullo post, videlicet ad VII. Cal. Iul. Lindam, &, non sine lachrimis, quæ sibi ab hominibus, quæque à Deo; per B. V. evenissent, ingenuè facta, Deo & Deiparæ laudem dedit.

## C A P U T XVII.

Energumeni, vel à Dæmoniis vexati, ope Deiparæ Lindensis curati.

**M**iserabilis admodum est conditio eorum qui vel suâ, vel hominum aliorum culpâ, dementis potestate abeunt; sed multò etiam miserabilior eorum, qui Dæmonum nequitia in eandem proturbantur calamitatem. Neque minùs miserandi, qui, Deo justissime sanctissimeque permittente, ob sua, vel suorum delicta ita juri Dæmonum potestati que traduntur, ut quanquam in animum jus illi imperiumque exercere nullum queant, in corpora tamen facultatesque hominum sævè grassentur. Quas tamen contra Dæmonum molitiones, præsentissimū est Deiparæ, cum alibi tum apud Lindam Marianam præsidium; ut & antidoti instar sit, sicubi illi aditum tentent; & cathartici, sicubi jam aditum occupavit.

## I.

Matrona Vormditenſis, à dæmone, uſque ad ipſius  
vitæ periculum exagitata, apud Lindam Ma-  
rianam Deiparæ ope, à Dæmonis po-  
teſtate liberata.

Anno MDCXXXIX ad XII. Cal. Junias Matrona  
quædam, piſtoris Vormditenſis conjux, peregrina-  
tionem, de conſilio Virginum, quæ in conventu  
Vormditenſi piè ac religioſè degunt, ad B.V Lin-  
denſem ſuſceptam, & voto ſtabilitam, abſolvit. Cau-  
ſa tum peregrinationis ſulcipiendæ, tum voti nuncu-  
pandi fuerat, ab hoſte Tartario jam poſitæ mulieris  
inſidiæ. Multo enim tempore illam variè exagitârât,  
& terroribus, nocturnis pariter atque diurnis ita ob-  
ruerat, ut neque quietem nocturnam capere, neque  
diurnum ordiri laborem miſeræ jam liceret, ne di-  
cam liberet. Dies igitur æquæ atque noctes miſerrimè  
excruciata, quid, niſi ſuum ipſa apud ſe agitaret in-  
teritum? Et jam non omnino ſecurum erat, vel cul-  
trum illius permittere manibus; ne fortè, quod o-  
mnes meritò verebantur, pectus ante ſuum, quàm  
quidpiam, et jam eſculentorum, ferro haariret. Ergo  
miſeræ quæritur tum alibi, tum apud illas in Con-  
ventu virgines remedium, vel, ſi id deeſſet, conſilium.  
Illæ nuſquam magis, quàm ad Deiparam Lindenſem  
recurrendum ſuadent. Perſuaſerunt; votum illa pe-  
regrinationis Lindenſis nuncupat, pauloque poſt  
ipſum proſequitur iter. Ubi Lindam mulier et jam-  
num ægra, eſt deducta, & purgato per ſacram exo-  
mo-



mologesin animo, sacrosanctæ dapibus Eucharistiæ refectâ; ab omnibus è vestigio, tum animi tum corporis ita perlanata est angustia, ut proximam, quem admodum & securas deinceps noctes, quietè placideque traducere, & omnia divini laboris officia, pro cæterarum matrum familias more, exple potuerit.

## II.

Figulus vicinorum odiis ad insaniam, inde ad manifestas tartarei hostis insidias adactus, imploratâ Deiparæ Lindenensis ope, adjutus.

Eodem tempore. videlicet ad xv. Cal. Octob. Matthæus Scharff, opificio figulus Lindæ apparuit, & pænitiæ atque eucharistiæ munitus præsidii, vorum, quod Deiparæ fecerat, dependit. Vicinorum civium simultates, quas cum homine contraxerat, atque odia, primùm quidem homini curas & dolorem, inde angustias & amaritudines, perpetuasque animi tempestates concitavêre; ut de se, deque vita sua, haud multum sana ageretur consilia; parumque abesset, quin violentas ipse sibi inferret manus. Hinc occasionem non omnino calvam, quāquam à tergo, malus ab Erebo machinator arripuit. Hominem enim silvas aliquando ingressum, quamvis inaspetabilis, adoritur, & nih. l. minùs quàm ipsius metuentem insidias, per capillitium reprehendens ad se trahit. Obvertit homo anxius vultum, & neminem à tergo conspicatus, agnovit mali comitis pessimi que consultoris, pessimum oppidò consilium. Itaque intra se versus, cùm divæ Lindenensis memoria subiisset, ad ean-

ad eandem ſe vertit; & ſi in iis animi corporisq̃ anguſtiis conſtitutum adjuviſſet, peregrinationem ad ſacrum Lindæ ſacellum ſpondet. Adjutus eſt ſubitò, & tum ab hoſtiſtartarei machinis, tum ab animi ſæviſſimis liber tempeſtatibus, incolumis juxta ac tranquillus, iter paulò poſt ingreſſus, votum illâ eâdem, quâ memoravimus, die, auguſtæ Matri apud Lindam ſolvit.

## III.

Homo inſidiis mali genii exagitatus, & ad laqueum propè adaçtus, priùs quàm Lindæ voto defungeretur, Deiparæ præſidium ſenſit.

Hoc ipſo undequadreſimo ſeculi anno, ipſis Nonis Junii, vir quidam è Meelſaccenſi ditione Reſſelium acceſſit, inde Lindam (ut vorum, quod Deiparæ nuncuparat, exolveret) perrecturus. Voti nuncupandi cauſa, à mali genii infeſtatione, fuit. Neq; enim ille clàm duntaxat, verùm & clarâ luce hominem aggrediebatur, ut citra cuſtodiam, & aliorum præſentiam, præſidiumq; hominum, relinqui ſolus vix poſſet. Fuit, cùm ſe aliquando hominis ſpecie dabat ſpectandum, & (pro ſua ſcilicet in mortales liberalitate) funem atque laqueum, ut de ſe homo illiteratus longam faceret literam, & illo ipſo laqueo gulam elideret, miſero offerebat. Tantis ac tam manifeſtis Dæmonis inſidiis, cùm homo ille eſſet obnoxius, amicorum (uaſu, ad Dei Matris, quæ tartarei illius ſerpentis caput contrivit, præſidium ſe recepit, factoque voto, ſe Lindæ compariturum, & Virgini



Augustæ supplicem, pro futura incolumitate futurum promisit. At piissima virgo, prius quàm ille Lindam supplex adesset, vota hominis antevertit; & sanitatem, atque ab infero hoste præsidium, eo ipso loco ac tempore, supplici clientulo impendit. Sanus igitur & ab hoste undique securus, Resselii pænitentia sacris expiatus, postridie Lindam adiit: ibique reddidit augustæ Matri voto, in diviniissimæ Eucharistiæ epulis, panem Angelorum, quo ille Angelus abyssi æternum carebit, *manducavit homo*.

## IV.

Vir, à malis geniis ad furorem adactus, per votum ad B. V. Lindensem factum, sibi, & sanitati restituitur.

Haud multis interjectis inde diebus, videlicet ad VII. Cal. Jul. adfuit, ex Meßsaccensis iridem municipii villa, *Stengegen* dicta, homo statura vastus, & viribus, ut parebat, robore quæ præstans; sed vultu subtristis, & qui ingentem animo curarum tristitia quæ offusculam nubem regere, imò præ animi intemperis partem sibi videretur constare. Nimirum, prius quàm Lindam accessisset, & apud illam, quæ *sole amicta*, atque *ut sol electa*, cælo terra quæ lucet, caliginem animi, quæ supererat, dispulisset, recurabant identidem, quas ab illo tenebrarum Principe, obductas habuerat animo tenebras. Ita enim hominem miserum tunc quæ de quæ agebat, ut ad suspendium sæpe stimularer. Neque unum se, uni homini ita esse infestum habebat satis, assumpto quandoque de stygia cohorte

ſono, & quaſi ſuccedaneâ, in eo cum hominibus bello, victimâ. gemini ſe in conſpectum miſero dabant, & thiopibus retriores, & quâ minis, quâ aſpectu ipſo horrendi. Multos dies homo infelix, ſine custodia & hominum præſidio neque debuit, neque potuit relinquere ſolus. Tandem ſive ſuo, ſive aliorum potius conſilio, ad Dei Matris præſidium ſe confert: & inviſendâ Lindæ Mariæ voto obligat. Jam ille tum ſanatus quidem eſt, ita tamen, ut non modica tritiæ nubes animo relinqueretur offuſa; quoad & hæc demum apud Lindam penitus eſt diſſipata; & homo novâ, quâ animi, quâ corporis luce perſuſus, gaudioque plurimum deliburus, novam animi corporisque tranquillitatem domum reduxit.

## V.

Hæterico quoque homini ædes ſpectris & lemuri-  
bus infeſtæ, hominesque periculis Dæmonum  
obnoxii, per B. V. Lindenſem liberati.

Quæ memoravimus, ſuis à Dei Matre Catholi-  
cis præſtita ſunt; quod jam ſequitur, ad alienos quo-  
que derivatum eſt. Erat in vicino Ducatu agricola, cu-  
jus ædes malus genius ſibi reddiderat obnoxias, &  
ſpectris idem idem adeo, infeſtabat, ut & voces non-  
nunquam horribiles, audirentur, & ſtrepitus frago-  
resque totam concuterent domum; ſupellexque  
adeo domeſtica, aliaque quæ uſpam eſſent obvia,  
per ædes ſurtum verſum diſjicerentur. Neque jam,  
ſine manifeſto vitæ discrimine, verſari iis in ædibus  
videbantur poſſe incolæ. Quid ageret? aut quò ſe



verteret præsidii causâ miser paterfamilias ? Apud suos, quos vocant, Pastores, nihil sciebat virium esse, adversus lupi illius tartarei vim & rabiem; ad Catholicos homo alienus non faciliè reperiēbat aditum. Audierat Lindenſem Deiparam, nulli ad se præcluisse unquam aditum, apud quam patens semper aditum esset asyllum: eò proinde se recipit; & si ab illo tam importuno, tamque maligno hospite liber atque immunis evasisſet, spondet unâ cum conjugē, Lindæ se supplicem, cereis cum candelis, primo quoque tempore adfuturum. Audiit hominis vota precesque Deipara, & Tartareum inquilinum, iussit ab ejus ar-  
dibus momento exesse. At colonus ille, videns se tam feliciter voti reum factum, non distulit datam magnæ Matri fidem redimere: quod Anno MDCCXXII. peractâ Lindam peregrinatione, piè & alacriter præ-  
stiter.

## CAPUT XVIII.

Fascino vel maleficiis perstricti, Deiparæ Lindenſis ope restituti.

**M**ulta per se Dæmones possunt, sed multò plura atque etjam diriora, cum perditis hominibus operam suam, quasi locando, navant; & per maleficia, maleficorumque artes, in humanum genus grassantur. Quando sibi relinquuntur soli, tametsi plurima possint, Deo tamen minùs permittente, ipso opere, quæ possent & vellent, præstare atque exequi non possunt. Verùm cum socias quasi manus, hominis nefarii, adjunctas habent; hoc est, cum alicujus voluntatem hominis (cui Deus in hoc vitæ statu atque conditione, quasi mancipio suam potestatem tradidit)

sibi

sibi obnoxiam, & ad nutum facilem obsequentem-  
que habent, tum enimvero eò crudelius in huma-  
num genus sæviunt, quò verius est illud Synesii : *Ca-*  
*lamitates hominum, convivia esse malorum Dæmonum.* Ne  
porò in tantis, & tam multis Orci periculis, huma-  
num genus suis destitueretur præsiidiis, providit bo-  
nitas divina contra malorum Dæmonum venena,  
Angelorum bonorum aliorumque cælitum, & in pri-  
mis B. Virginis augustissimæ Dei Matris præsidia;  
quæ etiam apud Lindam Deiparæ sacram, omnibus  
præstolant & tuerunt.

L

Matrona Gutstadiensis, maleficæ fascino affecta, &  
quasi in spiram contracta, per B. V. Lindensem  
restituatur.

Anno MDCCCXIV. ipso Deiparæ Elisabetham vi-  
sitantis festo, inter alios propè innumeros, Linden-  
sem Deiparæ Ædem, visitavit matrona honesta, civis  
Gutstadiensis conjux, & gratias pro sanitate, in hoc  
ipso ad sacram Ædem itinere, sibi restitutâ, supplex  
egit. Intercesserat illi, cum muliere quadam, malarum  
artium, ut fama ferebat, maleficiorumque; haud igna-  
râ, lis sive porius rixa muliebris; & ex lite, ut sit, accen-  
sa sunt odia ac vindictæ studia. Rixam haud sanè  
diuturnam, diuturnus satis morbus confestim excep-  
pit; sive habitu ipso veneficæ, ut fieri solet, afflatus; si-  
ve fascino aliove maleficio maturatus. Quâcunque  
randem viâ, aut modo, vis mali ad miseram per-  
rupit, miserrimè profectò illam habuit; ut brachiis  
cæterisque artibus contraheretur, & sensim quasi



in spiram volveretur: neque secus ac illa mulier evangelica (a) inclinaretur ad terram, ne sursum aspiceret. Poterat quocirca de hac dici, quod de illa Christus Dominus dixit, *hanc filiam Abrahæ Satanas alligavit*. Sicut autem Christus Dominus illam per se, ita hanc curavit per Matrem suam. Illi simul manus imposuit, erecta est, & glorificabat DEUM; huic pariter auxiliarem suæ Matris admovit manum; ut non corpore duntaxat, verum & mente ac spiritu erecta, glorificaret DEUM. Cum enim nihil aliud reperiretur contra stygii hostis venena uspiam remedit, ad Dei Matrem conversa mulier, vovit, se & sacram ejus Ædem Lindæ adituram, & expiato per Confessionem animo, sacrosanctum Christi corpus in Eucharistia sumpturam. Vix absolverat votum, cum habere melius cule caput; & quamvis viribus necdum satis confirmatis, iter nihilo minus est ingressa. Quo in itinere, prius quam Lindam pervenisset, vires, sanitatemque integram recepit.

## II.

Matrona ac materfamilias Brunsbergenfis, tum in re familiari sua, tum in se quoque ipsa, maleficiis perstricta, voto Lindam facto, adjuncta.

Ad III. Idus Jul. Anni MDCXXXVIII. Dorothea, Pauli Haselpulch civis Brunsbergenfis uxor, tanto majore pietate ac studio votum sospitatrici Lindenfi dependit, quanto plura fuerant, quibus per illam fue-

(a) LUC. 13. 12.

fuerat liberata, maleficia. Quæ tuor ante annos stygius ille serpens, strigis alicujus ope, totam propè domum veneno, quasi halitu quodam, afflârat. Nam & equi cæteraque pecora, vi illius veneni quotannis extringuebantur; & hordeum, quod coquendæ cerevisiæ parabatur (braseum vulgo appellant) ut nulli prorsum esset usui, viriabatur; & ipsa quoque, si quando prosperè cessisset, vigorem saporemque omnem cerevisiâ amittebat: denique & ipsamet omnium miserrima materfamilias, ejusdem maleficii vi, morbis variis obsepta, atque miserandum in modum excruciatâ est. Verumenimverò, ut aliàs semper, ita nunc quoque collum serpentis illius caputque, illa inter mulieres benedicta contrivit; secutumque est, quod hymno 3. Cathem. cecinerat Prudentius:

*Auctor & ipse doli coluber  
Plectitur improbus; ut mulier  
Cella trilingua calce erat;  
Sic coluber mulis bre solum  
Suspicit, atque virum mulier.*

Et infra. Hoc odium vetus illud erat,  
Hoc erat aspidis atque hominis,  
Digladiabile officium;  
Quod modò cernua fame in  
Vipera proteritur pedibus.

Hoc disertè, coram divino ante Eucharistiam tribunali, facta apud Lindam Dorothea est: quoniam, ubi primùm Deiparam Lindensem voto facto, præsidii causâ appellavit, omnis mali vis reledit, & tum ipsa, tum domus universa ad pristinam fortunam incolumitatemque rediit.

Ee 5

III. Filio-



## III.

Filiolus viri Nobilis, vi maleficii, & oculos & pedes  
distortus B. Virg. Lindenſis ope ſanatus.

Anno MDCLII. ipſis Idib. Octob. advenit, unâ  
cum conjuge & filiolo ſuo Alberto, nobilis vir Al-  
bertus Raysky, Telonii Praſniſienſis Notarius; ut  
voto, quod tum ſuo, tum multò magis filioli ſui no-  
mine, divæ Matri apud Lindam pepigerant, ſolve-  
rentur. Experti ſiquidem magno cum dolo, damno-  
que erant, quod S. Hieronymus ex vulgi opinione  
(a) ſcriptum reliquerat: *Faſcinum nocere & ætati par-  
vula, & his, qui necdum ſermo veſtigio figant gradum.* Si-  
ve enim faſcinum aliquo oculi humani vitio fieri  
queat, quod & vulgò, & Poëtarum pueris placuit; ſi-  
ve potius, quod cum S. Hieronymo (b) viri pruden-  
tes docent: *Dæmones huic operi ſerviant*; ita, ut, quos  
malefici faſcino perſtringi volunt, non tam oculis ſpe-  
ctantium, quàm operâ miniſterioque Dæmonum  
perſtringantur. Utrumque memorato filiolo Alber-  
to evenit; nam & oculi in diverſum ita distorti erant,  
ut non niſi *obliqua tuentibus hircis* cernere poſſet (ſi  
quid tamen cernere potuit, qui diuturno tempore,  
nihil aut vix aliquid potuit intueri) & pedes ita infle-  
xi, aut potius contracti, ut neque gradum figere, ne-  
que, ſi fixiſſet, conſistere diu poſſet; quin maximo  
cum dolore parentum in terram provolveretur. Aſt,  
ubi parentes & ſe, & filiolum, voto ritè concepto  
Deiparæ Lindenſi obligârunt, omnis & faſcinantium,  
& Dæ-

(a) ad cap. 3. Galat. (b) loc. cit.

& Dæmonum vis enervata, pueroque & pedum & oculorum sanitas, Deiparæ Lindenensis ope reddita est. Quod ita prorsum, uti diximus, evenisse ipsemet pueri parens hunc in modum manu suâ consignavit; *Adam Raysky Notarius, telonei Prasniciensis*; & insuper ad posterorum memoriam beneficii accepti monumentum Tabellam argenteam Lindenensis *Ædis* Aræ dicatam appendit.

## IV.

Primæ inter Brunsbergenses notæ matrona, cujusdam malefici carminibus pedes contracta & contorta, ac toto corpore contabescens, per Deiparam Lindensem sanata.

Anno MDCLIII. ad XII. Cal. Aug. Catharina D. Joannis Jung Consulis Vormiditensis, viri de patria optimè meriti filia, Domini Petri Lemky, inter cives ac negotiatores Brunsbergenses facilè primi conjux, Deiparæ Lindenensi supplex gratias coram egit; illique sanitatem ac vitam maleficiis sibi ereptam, in acceptis referre professa est. Pauculos ante annos rogo absumptus est Brunsbergæ, infamis ob maleficia veterator, nomine Kohlpies, planè ad S. Scripturæ phrasin *inveteratus dierum malorum*: nam & pater ipsius annulus senex, quinquaginta propè ante annos, rogo itidem, eadem ob maleficia, absumptus fuerat; & ipsummet maleficiorum ac malefactorum jam suorum pigebat; ut & à pacto cum Dæmone inito,



inito, ope industrii de Societate Jesu sacerdotis, aliquando resiliens; & cum postea *canis rediisset ad vomitum*, ab inferendis, aut saltem frequentandis tot maleficiis, sibi statuerit temperandum. Verum (quod ipsemet in quæstionibus ante rogum fassus est) à malo genio, ut quæ agenda suscepisset, ageret, hoc est, ut maleficiis grassari ne cessaret, identidem stimulabatur; nullam ut domi quietem à pessimo sollicitatore habere posset. Et quia sacris in ædibus magnam inveniebat quietem, majorem dici partem, aut saltem antemeridianum tempus fere totum in templo, ut quiete qualicumque frueretur, conterebat. Inter eos, quos aut prorsum perdidit, aut gravioribus maculavit infortuniis, dicta Catharina fuit. Accesserat, ut pannum ab ea emeret; & emisset porro, si paratam ac præsentem attulisset pecuniam; quam cum non haberet, pannum quoque habere non potuit; quia absente tum marito Catharina, homini nullius fidei merces, citra paratum æs, extrudere verebatur. Hic præstragiator ille, tum irâ suâ, tum mali genii odio inflammatus fascinum innocenti mulieri admovet. Tanta fuit maleficii vis, ut mulier ætate & viribus florens, toto corpore sensim contabesceret; & cum cæteri artus torquerentur omnes, tum potissimum pedes adeoque ossa in obliquum distorquerentur; quemadmodum præter maritum & alios, ipse quoque parens hoc ipso anno Lindæ præsens, sanctè asseveravit. Quid non remedii undique ad morum est? quæ non pharmaca tum domi, tum Elbinga ac Gedano adhibita? Quid non maritus, & propinqui omnes, in ea matronæ afflictissimæ calamitate egerunt?

runt? At nullum erat medicamentorum medicorum-  
que genus, quod prostrata eum in modum sanitati  
prodesset. Rebus itaque omnibus jam desperatis,  
spes unica à *Matre sanctæ spei* oblata est. Ipsamet ægro-  
ta, ultro omnia alia valere iussit, & unicum, quod à B.  
V. Lindenſi exspectabat, ac certo sperabat, præſidi-  
um amplexa est. Voto se Lindam Marianam invi-  
fendi obstrinxit, & subito revalescere cæpit; ut paulò  
post Lindæ voto defungi potuerit. Ab eo tempore  
quemadmodum valetudine viribusque integris  
fruitur, ita nullum finit præterire annum, quin vel  
ipsa, vel maritus, vel etjam uterque Lindæ adſint, &  
debitas Matri Dei gratias agant.

## V.

Mulier rustica amiſſum, ex magica incantatione bra-  
chii uſum, Deiparæ Lindenſis ope recipit, & ad  
agendas quotannis gratias divinitus  
compellitur.

Anno MDCLII. ad III. Id. Aug. Margareta Lucæ  
Radigk, ex Blumnau pago, agricolæ uxor, exemplo  
ſuo docuit, quâ animi gratitudine Dei ac Deiparæ  
beneficia gratiamque preſare ac penſare debeant  
mortales. Quatuor anni præterierant, cum amiſſum  
ex magica incantatione brachii ſiniſtri uſum, Deipa-  
ræ Lindenſis beneficio receperat. Promiſerat quip-  
pe, ſi ab eo veneficio, magnæ Matris ope libera eva-  
ſiſſet, triennem ad ſacellum Lindenſe peregrina-  
tionem. Aſſecuta eſt, quod precabatur, & pari fide,  
quod ſponſonderat, præſtitit. Tribus enim proxi mē  
conſe.



consecutis annis, nullum omisit peregrinationis annuæ tempus. Et jam se omni, siue erga B V. gratitudinis officio, siue iter agendi labore defunctam rata, etiam gloriari fortasse visa est ac dicere. Nunc, De gratiâ, vota mea absolvi. At vix ista erat prolocuta, cum iteratò malum rediit, & brachii ejusdem usus, succedentibus, autè ant, doloribus, prorsum abiit. Crederes radicem mali, intra corpus humanum quasi defixam, fibras agere, ac nisi Deiparæ curâ cultuque prohibeatur, in germen ut erumpat, semper esse paratam. Itaque, cum & hic iteratò erupisset, quò misera mulierculâ, nisi ad medicam Deiparæ manum, iteratò confugeret? Confugit, &, quoad vita sibi superstes esset, statam quovis anno peregrinationem, ad sacrum Lindæ sacellum sanctè promisit. Neque Deipara omisit, supplici clientulæ opem iteratò asferre. Illa ergo salutem iterum restituta, perpetuæ deinceps peregrinationis juxta ac gratiarum actionis initium hodiernâ die fecit.

## CAPUT XIX.

Nervici & Contracti, per Deiparam Lindensem sanati.

**A**D instar mulieris illius, quam sacra Evangelii historia *inclinatam* appellat, plures se hîc siue inclinati, siue contracti, sub aspectum offerent. Illam constar vi Cacodæmonis id vitii contraxisse; isti utrum solo naturæ vitio, an verò etiam aliquo hominum dæmonumve maleficio ira fuerint affecti, haud perinde constat. Cum porrò inter contractos, aliorum pronus sit raptus, qui & Emprosthotos dicitur, quia

quia ad partes anteriores vergit; alius supinus, qui ad posteriores, ideoque episthoronos nuncupatur, qui & quales hîc fuerint, quia proditum literis non invenio, quod affirmem non habeo; nisi quod omnes universim, juxta Joann. 5, 3. appellari possint *aridi*; eò quod venis, arteriis, nervisque, quacunque tandem ex causa, vel exarescentibus, vel duntaxat obstructis, corpus totum, vel aliqua illius pars ita exarescat, ut sit motus, ac fortasse etiam vitæ expers, vel ad usum prorsus inepta.

## I.

Mulier in Masovia contracta, voto Lindam nuncupato, curata est.

Ad VI. Non. Jul. qui dies visitanti DEIPARÆ sacer est, Anno MDCCCXVI. ex Ostrolenka Masoviæ oppido, viginti circiter leucis Lindâ dissito, visitavit Lindam Jacobi Gowarenga filia, & ob receptam Deiparæ auxilio sospiratem, vota gratesque Deo reddidit. Magno & diuturno morbo ita conflictata erat, ut membris denique omnibus resolutis, nusquam se loco movere posset. Ubi verò propitiâ in vota divam Lindensem vocavit, salutem ilico asscuta, Lindam voti rea se contulit; & expiato per sacram exomologesin animo, rum suo, rum aliorum, qui unâ adveniant, testimonio roboravit, Patre Christophoro Schenck, qui penitentem audierat, rem per omnia accuratius examinante.

## II. Cor.



## II.

Corpore toto contractus, simili voto sanatus.

Anno MDCCCXVIII. ad IX. Cal. Junias, accessit Lindam Andreas Schmidt civis Allensteinensis, ut iis se votorum vinculis, quibus morbi plures erant abacti, expediret: Manus juxta ac pedes, totumque adeo corpus fuerat contractus ut neque rectâ consistere, tantum abest, ut aut progredi quoquam, aut opus quodpiam aggredi posset. Rectâ ergo mentem ad divam Lindenlem vertit, & simul ac se vinculis adstrinxit votorum, vinculis confestim, quibus manus, pedes, totumque corpus alligabantur, absolutus est.

## III.

Puella tredecim hebdomadas contracta, matris voto, DEI Matri oblata, restituitur.

Ad IV. Calend. Jun. Anni MDCCXLI. puella quædam, è Stabuncken Heilsbergensis municipii villa, comitante ac deducente matre, votum Lindæ solvit. Anno proximè elapso diutini vi morbi, ad cruciatus alios, nervorum quoque accessit contractio; ut per hebdomadas tredecim miserè decumbenti spes quoque vitæ fuerit præclusa; pro deposita quippe ab omnibus habebatur. Mater in summa omnium desperatione, omnem, quæ supererat, spem, aut potius fiduciam, in Deipatæ pietate ac benignitate defixit; & filiam, tamen jam depositam ac deploratam, ad pedes Matris DEI ponendam statuendamque

consuit. Vovet proinde, se unà cū filia, si revaluisset, augustum ipsius sacrarium Lindæ adituram. Vix mater votum absolverat, cū etjam filia à morbo, vel potius à morte, extemplò soluta, citra moram deducta est Lindam; ubi, quemadmodum P. Simon Hein scriptum reliquit, mater adjurata, sanctè asseveravit, credere se, filiam B. V. ope sanatam esse.

IV.

Traumburgensis mulier contracta, dum aliam  
sui loco Lindam mittit, domi  
convalescit.

Anno MDcXLIV. ipsis Cal. Julii, adfuit Lindæ fœmina quzdam Traumburgo, gratias Deiparæ coram actura, quæ jam ante, per aliam, ab se conductam, supplex Deiparæ fuisset. Pedes enim & plerosque alios artus ita prope convoluta erat, ut ad omnia prorsum esset inutilis atque imbecilla; tantum abest, ut ad peregrinationem Lindensem, quod unice avebat, accingere seipsam posset. Aliâ quocirca sui loco Lindam misit, per quam & donarium, pro sua tenuitate, Deiparæ obtulit. Accepit Deipara munusculum haud sanè levidense; quippe ab ingenuo supplicantis animo, magnâ pietate atque singulari erga se fiduciâ profectum; nevé beneficijs superari videretur, par, ut ajunt, pari reddidit; vires quippe ac sanitatem ægrotæ eodem tempore restituit. Mulier proinde simul ac sanitati restituta est, iter Lindam versus arripit, & uti par erat, Deo ac Deiparæ coram ipsa gratias agit.



## V.

**Matrona Vormditenſis pedes ac totum corpus  
enormiter contracta, emiſſo Lin-  
dam voto, conſeſtim ſanitati  
reſtituta.**

Anno MDCL. ad IV. Id. Septemb. Anna municipis Vormditenſis Matthæi Siwert conjux, cùm alia de cauſa, ſuo loco memoranda, Lindam veniſſet, ſimul & illud ad Dei Deiparæque gloriam, quod ſibi ante biennium de Dei benignitate eveniſſet, coram teſtibus fide digniſſimis recenſuit. Nervis toto corpore adſtrictis enormiter contracta ita erat, ut ob raptum pronum, erigere ſe, aut ſurſum proſpicere nequaquam poſſet; ob pedum verò contractionem, nonniſi genibus nixa molem corporis ſuſtinere, ac reptando circumagere utcunque poſſet. Tentata ſunt omnia, quæ inveniri, excogitarique in tempore poterant remedia; verùm omnia incaſſum. Deſperatis ergo ac procul facèſſere juſſis præſidiis humanis, ad divina, & cum primis ad Divam Lindenſem animo, cùm non poſſet corpore, ſeſe erexit; votumque peregrinationis Lindenſis concepit. Ita grata fuit Deiparæ oratio ſupplicis, ut conſeſtim mulier ita enormiter contracta, & quoad corpus erecta, & quoad pedes confirmata, exiguo poſt intervallo, votum, quod nuncuparat, planè incolumis Lindæ perſolverit.

## VI.

**Matrona Brunsbergensis, dextrum latus contracta,  
& colicis doloribus excruciatâ, Lindâ re-  
dux ſanata.**

Anno proximè conſecuto, Prid. Cal. Iun Petri  
V Vegner civis Brunsbergensis uxor, Lindam ex  
voto proſecta, ſupplex Deiparæ fuit. Fuerat enim  
cum cæteras corporis partes, tum verò dextrum la-  
tus graviter contracta. Cui malo acceſſit & aliud;  
Sæva videlicet tormina viſcerum & colici circa præ-  
cordia cruciatus. Supplicem Virgo divina audivit,  
ita tamen ut poſtulatam ſanitatē nonnihil differen-  
do, ſupplicis clientulæ, & in ea aliorum quodq; fidem,  
pietatem, ac fiduciam magis exerceret. Nam illa è ſa-  
cello Lindenſi præter ſpem ac fiduciam, vix aliud ſe-  
cum extulit. Qui, quanquā magnus ſanè fuerit the-  
ſaurus, ad Lindam Marianam quaſi erutus; adjecit  
tamen Deipara alium, jam extra ſacellum poſitæ cli-  
entulæ. Ipſo propè momento, quo domum verſus re-  
legere capit iter, tum membriſ affectis vigorem, tū  
pedibus greſſum largita eſt. Et, ne quid ad cumulum  
liberalitatis deeſſet, etjam tormina internosquē vi-  
ſcerum cruciatus quaſi abſterſit; ita, ut ad hanc diem  
matrona illa Brunsbergæ ſuperſtes vivat, & viri-  
bus animi corporisquē vigeat.

## VII.

**Novogrodenſis è Lituaniâ matrona, ab insolente  
& immani membrorum contractione, nuſ-  
quam niſi apud B. V. Lind ſoluta.**

Anno MDC LII. ad VII. Idus Iulias, ab ipſo uſque



Novogrodeco (quæ civitas sexaginta circiter leuca à Linda abest Mariana, & juxta præcipuas magni Ducatus Lituaniæ urbes censetur, ad sacellum Lindense advenit, vel potius adrepsit Marina Ioannis Nagorny superstes vidua. Adrepsit, inquam, quia non curru, ut antè solita erat, non sanis usâ pedibus, sed fulcris nixa subalaribus, tantùm itineris confecit. Duos annos totum corpus contracta, vel potius inspiram, & quendam quasi glomum coacta (nam & reliqua membra ægrè sedibus cohærebant suis, & genua ori atque capiti adducta, & quasi affixa hærebant) humanis insuper præfidiis undique destituta, ad divina totam sese vertit. Quæcunque igitur loca sacra, miraculorum gloriâ, peregrinationibus hominum, aut profusâ gratiarum divinarum largitione illustria uspiam esse audierat, adire, opemquæ illic de cælo implorare statuit. Et adiit sanè, non viciniora duntaxat, atque in ipso M. D. L. sita, Zyrowicze atque Iuchnowicze, sed et jam longissimè alibi posita, præsertim vero clarum montem Czesstochoviæ, in majore & calvum montem in minore Poloniâ illum pictâ ab S. Luca imagine; hunc ligno sacrosanctæ Crucis, à S. Emerico, S. Stephani Hungariæ Regis filio, dono oblato illustrem: atque inde impressa typo testimonia atque Aedituorum cujusque loci caractere signata attulit. Sed beneficium hoc, augustæ apud Lindam Dei Matri, providentiâ divinâ ita singulariter dispensante, relictum erat. Posteaquam enim quarto sævienti morbi anno, quorundam amicorum narratione, de Linda Mariana, rebusquæ ibi gestis nonnulla didicit,

didicit, continuo animum ad peregrinationem eò  
capessendam adjecit. Monita verò à nonneminè a-  
micorum, ne iter hoc, quemadmodum cætera, cur-  
tu & equis faceret, sed potius, quoad posset, pedes  
prosequeretur, hoc quoque secuta est consilium. Er-  
go votum illud peregrinationis non modò intra se  
concepit, verùm & differtim nuncupat; & ecce mox  
quarto post die in sese ipsa erigitur! ita ut & respice-  
re sursum propriis viribus, & pedes nonnihil figere  
humi posset. Ad quod Deiparæ beneficium, etiam  
animo magis erecta in spem, postridie fulera bra-  
chiis subjicit, iisdem nixa iter è vestigio arripit. Len-  
to quidem, prospero tamen gradu, auspicata iter,  
quo plus confecisset itineris, eò plus non jam, ut mo-  
ris est, languoris sed potius roboris viriumque ex-  
petiri in se, ideoque alacrius in horas pergere; quoad  
proximum Lindæ in Ducatu pagum, vulgo Petschen-  
dorff prætergressa, viciniamque Lindæ nemus ingrel-  
sura, sibi, viribusque suis prorsum restituta, abje-  
ctis fulcris, sine ullo etiam Scipionis adminiculo iter  
carperet; & alacritatis gaudiiq; plena sacellum Deipa-  
ræ Lindensis ingressa, populo, qui sat numerosus ad-  
erat, præsentè, & ad sceminæ, insolitâ animi lætitiâ  
gestientis, introitum stupente, Dei ac Deiparæ in se  
beneficium magnificè prædicavit; lacrisque myste-  
riis pro more munita, gratiisque Deo atque Deipa-  
ræ actis, sana & gaudens domum est reversa. Ne  
cui verò grati erga Deiparam animi defuisse officio  
videretur, recurrente postmodum Anno MDCLIII.  
ad VIII. Idus Julias iterum Lindam regressa est, &  
multis coràm exposito, de prædicatoque Dei ac Dei



Matris in se beneficio, pari aut etjā majore animi lætitiā, quàm superiore anno, iter suū iterū est remensa.

## VIII.

Civis Heilsbergensis, pedum contractionem Deiparæ Lindensis ope amolitur.

Anno MDCLIII. ad III. Cal. Aug. civis Heilsbergensis Andreas Gorrius, ex fide, quæ secum biennio antè essent gesta, percensuit. Sex circiter hebdomadas, nervis pedum vitiatis atq; contractis, neq; gradū promoveri, neq; usquam tuto consistere potuit. Porruit tamen pro ea, qua in Deiparam erat, fiduciā ac pietate, ad ejusdem se Aylum Lindensē melioribus animi gressibus provehere. Voto igitur Lindam nuncupato, in currum deportatus, Lindam faciliè venit, animum sacrā exomologesi, postmodum verò etjā sacrā Synaxi refecit. Refectum continuò etjā corpus est, & pedibus vires redditæ; ut & ambulare probè posset, & Deo, quemadmodum juserat, ac Deiparæ gratias agere non desineret. Qua etjā de causā, non omisit sequentibus annis, ut ampliores redderet gratias, Lindam identidem recurrere.

## IX.

Dux mulieres eodem morbi genere, per B. V. Lindensem liberatæ.

Sub hoc ferè tempus (nam de die, & anno nihil certi proditum invenio) Barbara Helmonia, è Lokau Seeburgensis territorii pago, & alia quædam mulier, uti varia nervorum, venarum, arteriarumque

con-

convulsione plurimum afflicta, ita varia nequidquam medicamenta experta, ubi per facta ad B. V. vota, Lindam recurrerunt, non minus votorum, quam morborum vinculis, peracta Lindam peregrinatione. absoluta, Deo ac Dei Matri, quas poterant, gratias egere.

## X.

Ancilla pedes contracta, voto Lindam nuncupato convaluit.

Anno MDCLIV. Matthæi Majer ex Elditen, Vormditenſis municipii pago. filia, Vormditi apud heram, ad rei familiaris ministeria, operam addixerat suam; & cum tempore, neque ignavè neque infelicitè munere suo defuncta est; quoad contractis, incertum qua ex causa, pedum nervis, neq; heræ, neq; sibi amplius esse usui potuit. Non sunt neglecta, quæ undique fas erat peti, remedia; sed nullum profuit. Profuit tamen ægræ deficiente pedum usu, non defecisse, quin imò auctam fuisse in Deum ac Deiparam spem atq; fiduciam. Pro ea igitur, quam hera quoq; eximie concitabat, fiduciâ, votum ad Deiparam Lindensem concipit; subitoquæ meliusculè habere capit, ac brevi post admodum probè convaluit; ut prid. Cal. Iun. & Lindam accedere, & votum juxta ac gratias, Divæ Matri potuerit exolvere.

## XI.

Civis Vormditenſis, ab offusa oculis caligine, & contractione membrorum liberatus.

Fabianus Braun civis Vormditenſis caligine oculis

Ff 4

subitò



subitò offula, utriusque usuram luminis amiserat. Contulerat ille quidem se cubitum incolumis, at noctu, minùs dulcem in somnum clausa sunt lumina: postridie enim experrectus, utroque se orbatum oculo advertit. Verùm cum Divæ Lindenſi ceræ pondò, peregrinationemque voviſſet, ſenſim lux oculis rediit, ut duas intra hebdomadas integra valetudo redierit, non tamen diuturna. Quanquam enim oculi valerent, ſpina tamen dorſi graviffimè affecta fuit, ut contractis vehementer nervis, repere, aut nonniſi graviter inflexus, ægerrime poſſet loco progredi. At, qui ſemel beneficentiam Deiparæ ipſà probarat experienciã, ad eandem ſe iteratò recepit; curruquo, ut poterat, conſenſo, Lindam verſus iter ingreſſus eſt. Vix duo paſſuum millia confecerat, cum de vehiculo deſcendens, ſeſe facile erigit, quin & erectus facilè gradum quaquaverſus molitur. Ita ſubitã Deiparæ ope, & dolor omnis abſterſus, & vires confirmatæ ſunt, ut tres minimum leucas, citra dolorem ullum, pedes Lindam uſque fuerit emenſus. Quorum omnium luculentus fuit teſtis, Reverendus Doctòminus Capellanus Vormditenſis; quo præſente, quin & viæ comite omnia geſta ſunt Anno MDCLIV. ipſis Calendis ſextilibus.

## XII.

Faber murarius, contractas à viginti annis manus,  
Deiparæ ope reſtitutas, ante omnia, manus  
ejusdem Deiparæ ædibus  
admovet.

Atque hæc quidem Orthodoxis, Dei beneficio  
per

per Deiparam evenerunt; quod ſequitur, homini, ut ab Orthodoxorum conſortio, ita fortasſe & à religione diſjuncto, evenit. Oppidum eſt, duodecim leucas fermè Linda abjunctum, Lick vulgò, Polonis verò Helck dictum. In eo ſedem fixerat Iacobus, opificio cæmentarius: ſed manibus, jam ab annis circiter viginti contractis & arefactis, neque aliis, neque ſibi amplius uſui fuit. Ut tandem aliquando eſſe poſſet, à Diva Lindenſi, de qua nemo, et jam in Ducatu Pruffiæ, ignorare jam poſeſt, præſidium ſibi petendum ſtatuit. Sub æſtatem Anni MDCLIII. Lindam accedit, candelam ceream Deiparæ offert, humi ſe abjicit, & protenſis aliquamdiu in formam crucis manibus, humifixus, Deum ac Dei Matrem ſupplex deprecatur. Precibus ritè finitis, erigit ſeſe, ut aſſurgat; & ecce vires manibus, imò manus ſibi reſtitutas ſenſit. Neque potuit manus, quas Deipara reſtituerat, melius quàm juxta ejusdem Deiparæ Ædem, ad laborem dudum intermiſſum, iterum inſtituere. Exorſus igitur à ſacelli pavimento, quod reſecit, in vicinis quoque ſacello ædibus, furnum & alia extruxit; totasquè in eo labore quinque hebdomadas exegit; tam poſtliminio ſanus, & ad laborem omnem vegetus, quàm præterlapſis tot annis, ex morbo deſidere coactus eſt iners atque ignavus.

## XIII.

Mulier hæretica à contractione ſanata.

Anno MDCLIV. prid. Id. Aug. Dorothea Martini Trager, fabri ferrarii è Babzinſz, duas circiter leu-



cas diffito Lindâ pago uxor, præter candelam geminas insuper manuum, pedumq; effigies. è cera effictas, quas in conventu Virginum Rellielensium cõparârat, Lindam detulit. Interrogata à quodam è Societate Iesu presbytero, qua id de causa, cùm à Catholicis sacris aliena esset, faceret, respondit, se duos ante annos, quatuordecim minimum hebdomadas contractam, neque manus neque pedes movere potuisse, quoad votum Lindam fecisset. inde enim se continuò fuisse sanitati restitutam. Qua de causa, quoad, inquit, superstes fuero, quovis anno gratias actura Lindam supplex frequentabo.

#### C A P V T XX.

Articulares morbi & Paralyfes, Deiparæ Lindensis ope, ab humanis corporibus extorres.

**C**ontractos propiore gradu sequi debent, tum ii, qui Paralyfi, tum qui arthritide laborant. In utrisque partes affectæ destituuntur motu; in paralyticis verò etjam sensu, quem arthritici, & quidem peracrem, retinent. Quanquam verò & ischyas, & podagra, & chiragra arthritidi sint affines, ab hoc tamen loco sejungendæ erunt, ut ii duntaxat articulum morborum hîc memorentur, qui aut omnia, aut plura corporis membra occupando profligant.

##### I.

Mulier octodecim hebdomadas arthritide laborans, voto Lindam facto sanata.

Haud multos abhinc annos mulier quædam, Stanis-

Stanislai V Viſtin uxor Helena morbo articulos propè omnes pervadente ita afflicta, ut per duo de viginti hebdomadas neque manus neque pedes officio ſuo fungi, vel tantillum poſſent; ad Dei Matrem ſe vertit; & per illum, qui & ipſam & omnia fecerat, reſci à tanto malo flagitavit. Quem in finem, & peregrinationem, voto ſuſcepto Lindam promiſit, & triplex Miſſæ ſacrificium, in ſacro Lindæ ſacello, ad Dei gloriam faciendum addixit. Audita eſt, & manuum pedumque uſu citra moram recepto, eorundem officio fungi exorſa, caterorum operum non poſtremam voluit eſſe, quam promiſerat, ad Lindenſe ſacellum, peregrinationem.

## II.

Nobilis è Maſovia vir, ſeptuagenario propior,  
paralyſi apud Lindam Marianam  
liberatus.

Quod ſequitur iisdem reddendum eſt verbis, quibus initio fuit ſignatū. Anno Domini MDCL die ſecondâ Iulii. Magnificus ac Generoſus Dominus Nicolaus Nieborſki, in V Vengrzinoꝝ heres, annos ſeptuaginta circiter natus, conſcientiâ teſte, paratus etiam juramento firmare, edixit, quæ ſequuntur. Anno MDCLXXXI. X. menſe Iunio, domum Præniſio reverſus, morbis variis, iisquæ periculofis ſubitò correptus, adeoque dimidiâ ſui parte dextrâ, paralyſi tactus eſt. Accurrunt ilico ad ægrum propinqui, potiſſimum verò filius Albertus Nieborſki & filia barbara, cum genere Stanislao Lyſakowski, in Myrzanowo & Lyſakowo herede:



herede suadent, ut quantocyus ager Medicum va-  
letudinis curandæ causâ accersat. At ille, qui de mi-  
raculis B. V. Lindenſis non pauca jam antè audie-  
rat, rejectâ medici ope, spem omnem fiduciamquæ  
in B. V. Lindenſi sitam dixit. Id gener ubi audiit,  
seſe viæ comitem cum uxore ſpōndit fore. Quo-  
circa adventante Viſitat. B. Virg. feſto, ægrum rhe-  
dæ imponunt, propè desperatum; ita, ut, dum Or-  
telsburgum transirent, prædicans hæreticus, pere-  
grinis fortè obviam factus, atque de ægroti condi-  
tione votoquæ certior redditus, suaderet, vetulum  
morbo atque ætate confectum, non Lindam sed ad  
sepulchrum satius esse ducendum. At illi, nihîl pe-  
ſtilente miniſtri linguâ moti, iter proſequentur;  
Reſſeliumquæ delati, ægrum eadem rhedâ vectum  
(quippe qui neque manuum, neque pedum, neque  
linguæ uſuram haberet) Lindam uſq; comitantur. Eò  
ubi ventum eſt, pridie Viſitat. B. Virg. ægrotus in-  
tra ædiculam ſacello vicinam, cùm loqui nullo  
pacto poſſet, per nutus R. Patri Petro Althoff, So-  
cietatis Ieſu ſacerdoti, de peccatis confeſſus, atque  
poſtridie ad ſacellum delatus, ſacrâ ſynaxi reſectus  
eſt. Vix hæc acta, cùm ſubitò intra ſacellum æger ad  
ſe redire, linguæquæ, ac manus, & pedis uſum reci-  
pere cæpit: ita ut, cùm domum redux Ortelsbur-  
gum iteratò transiret; atque prædicans antè dictus  
iterum obuius, ubi vetulum illum ac mendicum  
reliquiſſent, quæreret, & illum ſanum oculis ipſe  
ſuis intueretur, exclamârit, Ieſu bone, video mira  
circa illum facta! Denique æger annum integrum  
ſanitate rectâ uſus, hoc ipſo Anno, pro Viſitatione  
B. Vir-

B. Virginis, ut gratum ſe Deo & B. Virgini pro accepta ſanitate teſtaretur, reverſus eſt : eaquę, quę dicta ſunt, in tabulas referri, atque authenticę ſignari voluit, in præſentia teſtium infra ſcriptorum.

Nicolaus Neborſky manu propriã.

Idem atteſtor Paulus Mollerus Archipreſbyter & Parochus Reſſeliensis mp.

Albertus Przeczkoſki Theſaurarius Terra Lomzenſis, & Notarius terrarum Rozaven. & Macoviensis Secretarius S. R. M. mp.

Idem teſtor Valentinus Majevſki Parochus Biſburgenſis.

Idiſum teſtor Thomas Clagius Reſidentia Reſſeliensis Societatis Jeſu ſuperior.

Idiſum teſtor Staniklaus Zberovſki Soc. Jeſu.

Idem teſtor Georgius Grunenberſ Soc. Jeſu.

Premiſſum teſtor Chriſtophorus Schmidt Notarius juratus Reſſeliensis mp.

### III.

Faber murarius, Pœlplino Lindam uſque propè reptando delatus, articulari morbo levatur.

Anno MDCXLII. è Monafterio Pœlplinienſi Ordinis Ciſterciensis in Pomerellia ſito. advenit faber murarius, diu in illius Monafterii obſequiis verſatus; ſed articulario morbo ad extrema perluſtus. Nam & manuum, & pedum, quin & laterum uſum perdiderat. ut conſiſtere vix poſſet; & oculi ipſi caligine offuſi, nonniſi obſcurum quiddam, & quaſi per nebulam cernerent: denique unico corde excepto, quod vividum ſemper ac micans experiebatur, toto



toto corpore nihil sani erat reliquum. Neque verò,  
 quod tantis malis occurrere posset, medicamenti  
 quidquam occurrebat. Ad Deum igitur, & ad Dei-  
 para Lindenſis præſidium ſe confert, peregrinationem  
 (etiam ſi vel ad rependum Lindam eſſet) vovet,  
 & ſine mora iter, non tam ambulando, quàm re-  
 ptando ingreſſus eſt. Mira enim vero res! ſimul ac  
 loco ſeſe movit, allevari ſe non nihil, ac vires fir-  
 mari ſenſit: quin, quò magis progrediebatur, eò ſibi  
 & animum, & robur magis augeri expertus eſt. Et  
 tamen cùm non niſi quatuor ſupra vicienas leucæ  
 germanicæ eſſent conficiendæ, ea erat proſtrata toto  
 corpore valetudinis viriumquæ ratio, ut non niſi ſep-  
 timâ hebdomadâ dictum iter potuerit emetiri.  
 Vbi Lindenſe ſacrarium ingreſſus eſt, & per exomo-  
 logeſin à peccatis expiatus, etiam ſacroſancto Eu-  
 chariſtiæ pane reſectus eſt, omni conſeſtim morbo ita  
 levatus eſt, ut, ne veſtigium quidem, ullo in articu-  
 lo, morbo hæreret. Regreſſurus domum, ad domici-  
 lium Societatis Jeſu, ubi tum Illuſtriſſimus ac Reve-  
 rendiſſimus Dominus Nicolaus Szyszkowski Epi-  
 ſcopus Varmienſis, cum plurimis aliis hoſpitibus  
 verſabatur, pridie Cal. Martias divertit, & quæ ſibi  
 à Deipara Lindenſi beneficia fuiſſent præſtita, o-  
 mnibus palam deprædicavit: donatusquæ ab Illu-  
 ſtriſſimo Antiftite inſigni viatico, Poelplinum gau-  
 dens & alacer regreſſus eſt.

## IV.

Prior monasterii Olivenfis, à B. Virgine Lindenfi  
præsidium in articularibus morbis  
implorat.

A Pœlplinensi Monasterio ad Olivense ut gra-  
dum faciamus non Ordinis duntaxat aut locorum,  
verum & temporis & morbi affinitas poscit. Est  
Oliva Monasterium, leucâ circiter unâ Gedano, Oc-  
cidentem versûs situm, à Sambario Pomeranorum  
Duce sub Annum Domini propè MCLXX. Ordini  
Cisterciensi structum; & è cineribus, quibus, per  
varia paganorum, hæreticorum, aliorumq; hostium  
incendia minimum octies fuit sepultum, ad instar  
Phœnicis renatum. In eo sub hæc tempora, frater Ed-  
mundus Parschau, Bistenio, Varmienfi oppido ortus,  
primas ab Abbate partes, diu satis laudabiliterque  
gerebat; quoad articulari morbo depositus, & aliis  
nequidquam remediis usus, vicinum à B. V. Linden-  
fi, natali sibi solo admodum vicinâ, imploravit præ-  
sidium. Iuvat ea de re loquentem audire tabellam  
argenteam, quæ de Reverendissimi Abbatis facul-  
tate Lindam ab eo missa est, sic enim supplex ad B.  
V. libellus tabellæ inscriptus habet:

*Afflictorum omnium asyllum Virgo piissima; ego servulorum  
tuorum minimus læcto affixus, pedum & manuum beneficio de-  
stitutus; cor de saltē profundissimo ad te suspiro. Succurre labo-  
ranti; ser opem gementi; quia peccatorum es advocata poten-  
tissima, suscipe igitur præsentem tabellam, de voluntate Reve-  
rendissimi Domini mei Alexandri Kesovvski Abbatis conse-  
cratam.*

F. P. Edmundus P. O.  
V.



## V.

Juvenis agricola, morbo articulari ad extrema  
reductus, voto Lindam facto  
sanatus.

Anno MDCLIV. ad III. Non. Iun. Gregorius  
Stang è Stegendorff Meellaccensi pago, Simonis E-  
lert privignus, votum Deiparæ Lindensi ob resti-  
tutam ex arthritide sanitatem, exolvit. Quindecim  
hebdomadas lecto affixus decubuerat, capitis & o-  
mnium artuum ossiumque cruciatibus vehementer  
prostratus; adeoque jam depositus nil nisi mortem  
opperiebatur, ad quam ritè obeundam subeundam-  
que in illo agone luctam sacro extremæ Vnctionis  
oleo jam erat perunctus. Hic mater, filii causâ votum  
ad B. V. Lindensem nuncupavit, & filius, qui ma-  
trem in illo rerum articulo admodum consternatam,  
ad votum nuncupandum, propè reluctantem invi-  
târat, eodem fere momento ad sanitatem rediit, nec  
multo pòst, ut voto absolveretur, & Deo ac Deipa-  
ræ gratum se sisteret, Lindam perrexit. Sed & in-  
sequente postmodum Anno MDCLV. ad XII. Kal.  
Iul. eadem prorsum de causa Lindam iterum revisit,  
eaque, quæ memoravimus, disertis iterum verbis  
sanctè affirmavit.

## VI.

Mulieri quoque hæreticæ, arthritide labo-  
ranti, Deipara Lindensis  
succurrit.

Ceterùm ut ad alios, ita & ad pellendos hujus-  
cemodi

cemodi morbos, et jam ab Ecclesia Catholica alienis  
Deipara Lindensis opitulatur. Anno MDCLL. ipsis Ju-  
nii Calendis, mulier quædam ex Curlandia oriunda,  
sed in Uladislawow, ad Prussiæ fines in Lituania,  
haud longè Wierzbolovia satis diu commorata,  
Lindam marito comitante advenit. Diu se ad fidem  
catholicam vocari ac pellici sensit, sed non minùs  
diu (sive occasionem, uti prætexebat, haud satis com-  
modam nata, sive potius procrastinando ac tergi-  
verfando diem die trusura, uti hominum istiusmodi  
mos est) distulit. Verùm non distulit tandem Nece-  
sis divina, stimulum potius quàm vindictam admo-  
vere. Sideratis paralyti membris reliquis, os quoque  
ipsum ac labia resoluta sunt, ut neque loqui, neque ci-  
bum sumere misera posset. Interea amici de Deipa-  
ræ Lindensis asylo beneficentia quæ admonent. Illa  
magno illuc desiderio anhelare, votum peregrinatio-  
nis nuncupare; imò, si liceret, etiam in viam se dare.  
Licuit enim vero: quia simul ac votum nuncupavit,  
revalescere cepit, ut iter totum, quod ad triginta cir-  
citer leucas protenditur, pedes emetiretur. Ubi sa-  
crarium Lindense, atque unà per penitentia sacra-  
mentum ipsam Ecclesiam catholicam est ingressa,  
morbus ita abscessit, ut non tam ad tormentum,  
quàm ad retinendam beneficii memoriam, exi-  
guus admodum dolor sedem in sinistro brachio reti-  
nuerit.



## CAPUT XXI.

Epilepsia, ac morbi comitiales Deiparæ Lindenſis curatione ſublati.

**E**Pilepsia, ſive comitialis morbus, arthritide, paralyſi, cæterisque hæcenus memoratis morbis, ed videtur lenior, quod non perpetuum, ut illi, ſæviendo durer, etſi per intervalla ſæpius etiam intra diem recurrere nonnunquam ſoleat: ſed quia hominem non motu duntaxat, ut fere illi, verum & lenſu adeoque ipſâ quadantenus vitâ orbat, & non jam accommodo naturæ motu, ſed agitatione & miserabili convulſione, univerſas corporis vires ac vigorem proſi- gat, multò eſt illis miserabilior ac detestabilior. Nilominus, & huic ſua ſunt apud B. V. Lindenſem re- media.

## I.

Parvula puella, voto matris ad B. V. Lindenſem factò, ab epilepsia liberata.

Sub Annum Domini MDCCXXII Urtula Martini Heiſch civis Guſtadienſis filiola, miſerandum in modum ſontico iſto morbo diſcruciabatur: præterquam enim, quod ſæpius in die miſeram affligebat, etiam longo ſupra morem tempore durabat. Cum afflictâ eum in modum filiolâ, vehementer affligerent parentes, nullis parcebant ſumptibus aut curis, ut aliquâ tandem viâ malo occurrerent. Omnia nequidquam tentata; ut ſi non filiolæ morbus, certè parentum magis ſit iis exacerbatus dolor; qui denique ad

B. V.

B. V. Lindenſem miſeris viam aperuit. Mater in primis, quam fortalle viſcera materna excruciabant magis, filiolarum nomine votum ſuſcipit, & ſepties, Lindam uſque iter pedibus ſe euenturam ſponder. Annuir matri ſupplicanti diua Mater, & filiolarum miſeræ, à morbo tam diro eximiam deinceps præſtitit. Neque mulier feliciffimè voti rea, promiſſam ad ſacrarium Lindenſe peregrinationem diſtulit. Ad III. Calendo Julias Anni MDCXXXVIII jam ſextum pedes Lindam profecta, filiolarum quoque ſecum adduxit; quæ, quemadmodum à morbo illo incolumis jam erat, ut ab animi quoque noxiſ expiaretur, ſacro pænitentiar ſacramento reſecta eſt, paulò poſt, ubi per ætatem li-  
quiffet, etiam diuino Euchariftiæ epulo reſicien-  
da.

## II.

Mulier diuortium matrimonii peruicaciſſimè uregens, comitiali morbo plectitur, & ope Deiparæ Lindenſis ab utroque malo eripitur.

Quod ſequitur, admodum reuerendus Dominus Georgius Hoghaus, Archipreſbyter & Parochus Allenſteinenſis tanquam probè conſcius, & navis ovium ſuarum paſtor, ad DEI & Deiparæ gloriæ recenſuit. Mulier erat Allenſteini Potentiana, mercenarii cujuſdam uxor, cætera quidem haud indiligens, ſed marito ſuo peroffenſa; aded ut nihil magis, quàm diuortium animo agitarer,  
Gg 2                      quin



quin & omni conatu contentioneque urgeret. Causam divortii rogata, quæ vel ad speciem pro ea faceret, nullam adferre potuit: itaque & Archipresbyteri & magistratus autoritate iussa est jugum, quod ultro subierat, porro trahere. At mulieri, non jam rationes sed quasi æstro quodam agitata, neque magistratus, neque Curionis minæ, aut monitalis erant. Satis tamen erat divina, quæ mox insolentem ac pervicacem insecuta est, ultio ac pæna Comitiali enim morbo correpta infelix mulier, vices propemodum in diem miserrimè exagitabatur; ita ut partim domi partim in vicis quoque ac plateis prostrata miserandum in modum discrucietur. Adhibita varia, quæ poterant inveniri, medicamenta; neque tamen ullum quidquam profuit. Unicum tamen ad B. V. Lindenstem votum profuit, quod ubi miserrima mulierculam nuncupavit, confestim & morbo fontico, & illo tam infami æstro, ope Dei parentis libera, tam sibi incolumis, quàm viro fida ac familiaris conjunctæ sime deinceps vixit; quemadmodum memoratus paulè antè Dominus Archipresbyter Anno MDCXXXVIII. ad IV. Nonas Julias sanctè attestatus est.

## III.

Civis Vormditensis, à fontico morbo, per votum Lindam factum liberatus.

Anno MDCXXXIX. pridie Calend. Julias Petrus Busch civis & vitarius Vormditensis, Lindæ sacri penitentiae & eucharistiae sacramentis refectus, de se metipso, à sacro morbo, per Deiparam Lindenstem in sa

in salutem assero, palam est ad DEI & Deiparæ gloriam professus. Non paucos eo malo confictatus est annos; neque tamen ullum, quod succurreret, pharmacum uspiam expertus. Supplex igitur ad Deiparam Lindensem accurrit, dataque ei sponione, peregrinationem Lindam quantocyus suscipiendam promissit. Fecit paulò post, quod promissit: sed Deipara prior, quàm ille faceret, redditâ sanitate, voti compotem fecit.

## IV.

Nobilis in Littuania matrona, sacro morbo per votum Lindam factum levata.

Anno MDCXLII. inter alais illustrissimæ magni Ducatus Lituanicæ Marecallæ Lindam, uti alias memoravimus, visitantis comites, fuit nobilis & gravissima matrona Domina Justina Kratovicia; quæ comitiali morbo diu, & variè afflicta, nusquam nisi apud Deiparam Lindensem remedium invenit. Nam ubi voto peregrinationis Lindam suscipiendæ se obstrinxit, restricta sunt ilico, quibus attinebatur, morbi vincula. Et jam à dimidio anno sanitati ita erat reddita, prius quàm ad 1 v. Non Octob. votum Deo ac Deiparæ coràm Lindæ redderet.

## V.

Praefecti Piscationis è Malovia filius, voto Lindam factò, à morbo comitiali sanatus.

Eodem quadregesimo secundo hujus seculi anno,



Albertus è Parochia Colnenſis in Maſovia vico Czerwone dicto, atque Lindâ viginti circiter miliaribus Germanicis diſſito, voto & peregrinatione ſuâ apud Lindam deſunctus eſt. Filius iſe erat Praeſecti piſcationis, ſed ob recurrentes ſontici morbi periodos, neque ad halienticam artem, neque ad alia, ſejuncta à piſcatoriis opera idoneuſatiſerat. Popularium ſuorum Colnenſium, qui peregrinationem quotannis ad Lindam ſolent obire, exemplo motuſ, ipſe quoque votum Lindam concipit, ſtatimque morbo tam diu levatuſ, non illo duntaxat, verum & inſequentibus deinceps annis, Lindam gratiaſactuſreviſit. Eſt enim, uti Colnenſeſ cæteri ad VII. Iduſ Septemb. Anni MDCLV. affirmârunt, probè ſanus, ut extra ipſum quoque morbi periculum, Deipara præſidio videatur poſituſ.

## VI.

Coloni filioluſ ſontico morbo, per votum Lindam à parente nuncupatuſ, exemptuſ.

Anno MDCLIII. propè jam exeunte, Joanneſ Preiſchoff, è Kleinau Brunsbergendiſmunicipii pargo, agricola, vicariam nomine filioli ſui peregrinationem ad divam Lindentem fecit. Ad Herculeum morbum, filioluſ ipſiuſ necdum ſatiſ Herculem induerat, aut Hercules erat; niſi meliorem, quàm Hercules, ad elidendos jam tum ſerpenteſ in corpore morboſ, fuiſſet nactuſ in Deipara Junonem. Tantâ igitur ope divinituſ ſubmiſſâ adjutuſ, & filiuluſ morbum

bum superavit, & parens in gratiis Deo ac Deiparæ agendis vices filii supplevit.

## VII.

Quatuor homines à morbo sacro liberati.

Ad IV. Non. Junias Anni MDCXLIV. è Meelfacensis municipii villa Herickau dicta, comparuerunt Lindæ homines tres simul; quasi triplici funiculo, difficillimè rumpendo simul ducti: quia & funiculi illi, quibus nervi, cæteræque sive venæ sive corporis partes, erant perstrictæ, haud faciliè rumpi poterant. Potuère tamen rumpi, & rupti sunt, ubi homines illi voto Deiparæ Lindenfi se obligarunt. Eventus enim facti voti fuit, virium & corporis incolumitas; quam illâ quoque die, quâ Lindam venerunt, testati sunt. Sub idem tempus, uti in Commentariolo scriptum invenio: *Filia Domini Boll civis Heilsbergensis, morbo comitiali obnoxia, vota Lindam visitandi facta, convaleuit.*

## VIII.

Lubavienfis Virgo, quatuor annos morbo comitiali discruciatâ, ope B. V. Linden-  
sis perfanatâ.

Anno MDCXLIV. ipsis Calend. Junii, Lubaviâ, quæ duodeviginti minimùm leucis abest Lindâ, plures adfuerunt peregrini; quos inter Regina Dandrowa honesta matrona votum filiolarum suarum causâ susceptum exolvit. Decimum ætatis annum filia propè



excefferat, cum morbo sacro correpta quatuor annos integros cum eodem est miserrimè conflictata. Nec minus filia causâ afflictâ mater, cum remedium nullum præ manibus reliquum haberet (jam enim aliis ad mortis spes omnis decollaverat) in una Deipara Lindenſi omnem spem fixit, & unâ vim acerbitatemque morbi omnem confixit. Ab eo quippe momento, & filia morbo, & mater voto defuncta est; sed & hoc iterum anno Lindam adiens, iterum DEI & Deiparæ opus beneficiumque confirmavit; & cum alios multos, tum spectabilem Dominum Gregorium Gierlowsky civem Lubaviensem, uti concivem suum, ita comitem itineris, rei gestæ voluit esse re-  
Rem.

## IX.

Duo fratres germani comitali morbo liberati.

Diebus proximè secutis, videlicet ad III. Nonas Junias, Georgius & Albertus ex Reitsch municipii Heilsbergensis pago, germani fratres, unâ cum matre Lindam adierunt. Frater uterque, forte, quâ nati erant, citra comitia, non tamen citra comitalem morbum (quo citra ulla candidatorum suffragia gravissimè urgebantur) positi erant. Suffragia ad aver-  
tendum malum nulla præ manibus erant; quocirca aliunde necessariò erant advocanda. Advocavit mater, ab ipsa usque Deiparæ Lindenſis æde, dum supra commune aliis peregrinationis (quoad ipsa filii que viverent) pensum perpetuum, adjecit insuper statuam vel potius simulachrum & candelam certum  
pon-

Etjam Acatolici morbo comitali per B.V.Lindenſ. exempti. 479  
pondo ceræ conſtituta. Ita quidem mater vovit, ſed  
& filii ad vorum matris convaluerunt, ut firmâ deinceps  
valetudine uterentur.

## C A P U T XXII.

Etjam ab Eccleſia catholica alieni, ope divæ Lindenſis, à comitali  
morbo curati.

QVod Eccleſia Græca ore Simeonis Logotheræ,  
quem aliàs Metaphraſten appellant, ad ipſas Calend.  
Aprilis in Menæis, de omnibus peccato inquinatis  
uſurpavit, poteſt & de ſectariis Deiparam Lindenſem  
venerantibus atque invocantibus, haud injuriâ uſurpari,  
nimirum: *Quamquam gravibus hæcant peccatis affixi, quibus  
Filium Virginis ad peracerbam provocant iracundiam, utpote  
malignis ſemper cogitationibus implicati; Filium tamen Virginis propitium iis reddi, qui  
Virginem, tanquam Dei genitricem, ex animo adorant.*  
(a) Experti hoc ſunt, etjam noſtri vicini, cùm in aliis,  
uti vidimus, ac deinceps videbimus, morbis, tum in Epilepſia.

### I.

Puella, amittæ voto mitigatam, ipſo verò Lindæ aditu  
ſublata epilepſiam experitur.

Jefau prædium eſt ejus, quem ut quondam Lindæ poſſeſſorem,  
ita poſtmodum & cultorem ſingularem,

G g 5

(a) Υἱὸν ἰλέετ τὸν σὸν, τοῖς ἐκ ψυχῆς μητέρα τῆ θεῆς  
προσβαίνουσιν ἁμαρτίαις χαλεπαῖς ἐμμένονσι, καὶ τὸν ἐκ σὺ  
τεχθέντα παραπικραίνουσι, καὶ τοῖς λογισμοῖς τοῖς πονη-  
ροῖς συνεχομένοις αἰετ.



rem Dominum Ottonem à Groben sapius nominavimus, nunc verò filius ipsius Joannis Georgii, domini ac ditionis; in quo puella morbo epileptico, septem circiter annos excruciatam est; ut quandoque levis in dies singulos miserrimè afflicta collaberetur. Miserata illius sortem aurita fœmina catholica, tratri suo puellæ parenti suadet, ut vel ipse votum ad divam Lindensem nuncupet, vel sibi filiæ nomine nuncupandi potestatem faciat. Annuat ille; inde amita nepri principiò persuadet, ut jejuniò in Deiparæ honorem suscepto, nonnihil sese maceret; quod cum puella fecisset, ilico morbus ille tam validus remittere plurimum cepit. At ubi puella mense Decembri Anni MDCCXXVII. parente arque amitâ præsentibus, votum Lindæ persolvit, integram omnino recepit sanitatem; & Deiparæ secundum Deum, cum gratiarum actione, omnium quæ admiratione, eandem in acceptis retulit.

## II.

Puella Bartensteinensis, parentum voto Lindam facto, ab Epilepsia sanata.

Anno MDCXLIV. ad VII. Calend. Quinctiles, Bartensteinio (quod provinciæ Natangix caput, inter præcipuas Ducatus Prussix civitates centum, sex circiter leucis abest Lindâ) parentes filiam Deiparæ coram stiterunt præsentem. Quantumvis enim Lutheri sectâ, à Deiparæ cultu juxta ac facello arcerentur, filiæ nihilominus calamitate ad utrumque compulsi sunt. Laborabat gravissimè sacro morbo filia,

nec

Etiam A catholici morbo comitiali per B. V. Linden. exempti. 475

nec minùs (ulcepto è filia calamitate dolore parentes. Quoniam verò non apud suos duntaxat, verùm & apud ceteros mortales nihil repperunt opis, ad opem Deiparæ Lindenſis, cujus mira opera celebrari omnium voce quotidie audierant, ſe recipiunt. Vix ediderant conceptum ad Deiparam Lindenſem animo votum, cùm filia omni eſt morbo ſoluta. Ut igitur voto quoque omnes ſolverentur, Lindam ſe ad agendas Deo ac Deiparæ gratias, citra moram, conſulerunt.

### III.

Puella biennium morbo ſacro afflicta, ope Deiparæ Lindenſis per votum imploratâ, ſanatur.

Eodem Anno ad VII. Calendas Sextiles, Matrona honeſta Angerburgo, jam aliàs hic nominato oppido, filiam puellam (quanquam utraq; alienis ab Eccleſia catholica opinionibus eſſet imbuta) ad Deiparam Lindenſem, ut gratias pro acceptis beneficiis ageret, deduxit. Biennium integrum puella, caduco illo, ut vocant, morbo graviffimè fuit affecta, ut ſingulis propè diebus ſexies arriperetur, & miſerrimè quaſſaretur. Verùm & arripi & quaſſari deſiit, ubi B. Virginis Lindenſis præſidium implorare cæpit. Voto quippe Lindam nuncupato, omni eſt malo conſtitim exempta: & nonniſi ad agendas gratias firmandamq; inſuper valetudinem Lindam proſecta.



## IV.

Parentes filium sacro morbo laborantem, Deiparæ  
Lindenli devovent, & subito incolumem  
vident.

Ad XIII. Calend. ejusdem mensis, Schippenpeilo,  
quod itidem in provincia Natangia situm oppidum  
quinque circiter leucis abest Lindâ, parentes filii cau-  
sâ Lindam advenerunt. Non constat, quanto tem-  
poris intervallo filius fonticâ illâ luc fuerit affectus;  
constat tamen gravissimè affectum fuisse; ut hæreti-  
cos quoque parentes, ad accelerandum in ea calami-  
tate subsidium, Lindam ulque coëgerit recurrere.  
Recurrerunt illi animo, ac voto pro filio, non sine  
singulari fiducia, suscepto. Quod quidem votum,  
majore etjam benignitate, piissima Dei Mater sus-  
cepit, quæ continuò salutem filio reddidit. Ubi id  
parentes adverterunt, nihil cunctandum rati, Lin-  
dam ad solvendum votum contenderunt.

## V.

Mater voto Lindam factò, prolem caduco morbo  
liberat.

Falckenau Rastenburgensis municipii villa est,  
quatuor circiter leucas à Linda diffita. Gertrudis An-  
dræ Folckman, ex eadem villa, conjux, teneram ad-  
huc prolem suam, comitali morbo iterum atque  
iterum exagitaram, maximo cum animi cruciatu,  
spectavit. Non potuit maternam pietatem hæresis  
ani-

Etiam Acatolici morbo comitali per B.V.Lindens. exempti. 477  
animo hausta prohibere; quin ad B.V. Lindensem,  
etiam contra suorum imperia atque edicta, recurre-  
ret Recurrit voto illuc nuncupato; & confestim de  
obtentâ prolis incolumitate gestiens, Lindam se ac-  
cingit, votum in magna populi frequentia, etiam de  
geniculis adorando & Aram majorem ter genicula-  
tim obeundo exolvit, ad VIII. Calend. Julias Anni  
MDCLIV.

## VI.

Duæ sorores, per B.V.Lindensem comitali morbo  
liberatæ, singulari pietate votum Lindæ  
exolvunt.

Jucundum enimvero omnibus fuit spectaculum  
ad IX. Calend. Julias Anni MDCLIV. quando Barbara  
& Catharina sorores ac virgines, hæreticis parenti-  
bus natæ, & ipsæ etiamnum parentum sectam, ore  
magis quàm animo secutæ, votum Deiparæ Lindensi  
dependunt. Georgio parente, in Municipii Nei-  
denburgensis pago Jeyczuk appellato, ejusdem pa-  
gi præfecto (Sculcetum vulgò appellant) natæ. Altera  
major natu Barbara quinquennio antè, morbum sa-  
crum passa, non tam suo, quippe quæ per ætatem ad-  
huc teneriorem de B.V. Lindensi inter seclarios pa-  
rum audierat, quam majorum, ac præcipuè cognato-  
rum suorum consilio votum Lindam fecerat, & sani-  
tatem extemplo recuperârat. Et ecce biennio inter-  
jecto, minor natu soror Catharina, eodem malo cor-  
ripitur, atque intra diem ter & ampliùs exagitur!  
Iterum cognati, quanquam Lutherani votum B. Vir-  
gini,



gini, adjuvante, & pro experientia, spem fiduciamque sororis accendente Barbarâ, votum priori simile concipiunt; nimirum, ut iter, quod tridui minimum intervallo constat, pedibusemeriantur; ut Templum Lindense accensos manibus cereos præferendo ter geniculatim circumeant; denique ut euntes ac redeuntes nonnisi emendicato pane vivant. Barbara, quæ jam aliàs peregrinationem iis conditionibus absolverat facillè consensit; & ut soror consentiret, exemplo permovit. Non deerant, qui ob grassantium eo tempore militum insolentias, Wartemburgi, vel alio viciniore inter Catholicos loco, exolvendum censerent votum; sed major erat erga conceptum animo pietatem Deiparamque Virginem reverentia, quàm ut periculis quibuscunque frangi posset. Quocirca, uti voverant, cum reliquo itinere toto, tum Lindæ, ut voto satisfacerent, contenderunt. Neque imber prolixè effusus, qui Lindam accedentes exceperat, impedire potuit, quin, ubi Aram sacelli ter de geniculis obierunt, etjam sacellum ipsum, quamvis solum aquis permauisset, nudis etjam genibus, passu quasi ad numeros composito, choreâ certe etjam superis gratissimâ, obreptarent.

## CAPUT XXIII.

Claudi, aliisque pedum vitiis laborantes, à Deipara Lindensi adjuti.

**A** Sonticis morbis ad paulò mitiores transeamus; non quidem, quod in his minùs videri debeat **DEI** ac Deiparæ beneficium (cum eadem sit *dextera Domini faciens virtutem* (a) sed quòd iudicio homi-

**bum,**

(a) *Psalm. 117.*

num, minoribus malis remedia plerumque respondeant minora. Quæ tamen hîc minora dici nequeunt, quia à magna & omnipotente DEI manu veniunt: à qua, juxta regium vatem (a) *Magna opera Domini, exquisita in omnes voluntates eius.* Exquisita prorsum; & quidem in omnes voluntates ejus; quia ut alia sit voluntas DEI elephantum, alia culicem vel formicam creantis, utrobique tamen accuratè exquisita est; quia, quemadmodum Anonymus Paraphrastes apud Corderium exponit: *Quodlibet opus eius, quod perficere voluit, accuratè explevit, nihil supervacaneum, nihil defectuosum habens* (b) Quocirca, magna opera Domini in curandis morbis lenticis; sed & in aliis, non minùs itidem magna; quia & in curatione morborum ad mortalium judicia leviorum, admodum sunt exquisita atque accurata. Quod jam vel in claudorum curatione manifestò appareat.

## I.

Mulier amissum pedis utriusque usum, Deiparæ Lindenlis ope recuperat.

Anno MDCCCXV. III. ad V. Idus Septemb. mulier quædam è Freudenberg Seeburgensis municipii pago Ludirectoris uxor, ut voto exolveretur, Lindæ adfuit. E continuo & diuturno pedum dolore, eò devenerat, ut amisso pedis utriusque usu atque officio, vix quoque pedes venire ac progredi posset. Quæsitæ sunt, & annum integrum adhibita, quæcunque pote-

(a) Psalm. IIO. 2. (b) ὅτι ἐκαστον αὐτῆς ἔργον, ὃ ἐβλήθη ποιῆσαι, ἐξηκριβώται, ὃ δὲ περίτλον τὸ ἔχειν ἐδὲ ἀλλῶπον.



poterant, subsidia; nullum tamen profuit. Neglexit proinde cætera omnia, & ad Deiparam Lindenſem converſa, ſubſidium inde quaſivit; pedes, ſi ſanitas rediiſſet, ex voto Lindam aditura. Non irritæ fuerunt preces, dolore exemplo cedente, uſus officiumque pedum rediit: & mulier, uti voverat, jam perſanata, Lindam venit; quæque per Deiparam divinitus obtinuiſſet beneficia, palam omnibus de prædicavit.

## II.

Honoratiſſimæ inter Guſtadienſes Virgini, pes auxilio B. V. Lindenſis reſtitutus.

Loquuntur id ipſi hodieque ſuperſtites puellæ parentes; loquitur ipſa, quæ ſuperiore anno Brunsbergæ nupta eſt, primario civi Joanni Lemke; quæque ſingulis annis ob receptam à Deipara ſanitatem Lindam reviſit; denique loquitur idipſum appenta Lindæ, inſtar monumenti, expreſſa coloribus Deiparæ Lauretanæ Imago, tres circiter cubitos longa, ſymbolis Deiparam è divinis literis adumbrantibus, & per ſua ſigillatim lemmata diſtinctis. Cui quidem Imagini, epigramma richmis Germanicis rei geſtæ ſeriem enarrantibus, huiuscemodi adjectum eſt:

Im tauſent ſechs hundert zwey vñ vierzigſten Jahr  
 Hat ſich zuge tragen zwar/ (erleint  
 Andreas Jeſichke in Guſtad Gertrudis ſein Zöch/   
 War gang verlahmet an einem Bein/   
 Zur H. Lind den 9. Julii ſein Gelöbnuß volbracht/   
 Denſelben Tag Gott das Kind geſund macht/   
 Durch Fürbitte ſeiner Mutter ſchon/   
 Der ſey lob/ehr/ in Himmels thron.

Juvat id Latinis jambis reddere:

*Primo ac quaterdecimo huius anno seculi,  
Gertrudis Andream parente Ieschkio  
Prognata Gurfadi; pedem clauda alterum;  
Ad septimum Idus Iulias, Linde suo  
Defuncta voto, Numinis summi manu,  
Precibusq; Deipara, saluti pristina  
Est restituta. Laus sit inde Virgini,  
Quæ regnat excelso poli super throno.*

Cæterum ipsa rei series, quam ex altero parentum  
Lindæ paucos ante dies præsentem audiui, ita habet.  
Nonum circiter agebat ætatis annū Gertrudis, cum,  
præter omnium spem, alter illi pes contractus est, ut  
tribus circiter palmis brevior altero esset. Satis inde  
erat incommodi, quod neque progredi quoquam,  
neque insistere pedi ullo modo posset; sed accessit  
insuper dolor per quā vehemens; qui & puellam, &  
parentes nimium quantum torquebat; ut nihil, quod  
vel à chirurgia vel à medicina sumi posset, negligere-  
rent remediū, sed quid remediū ars & humana admo-  
veret manus ei malo, quod præsidia humana supera-  
bar omnia? Versi quocirca parentes ad divina, Lin-  
densis ante omnia Deiparæ opem implorant, & fili-  
am è vestigio Lindam uterque deportant. Ecce au-  
tem, ubi Lindam propius accesserunt, alter quoque  
pedum, qui eò usque sanus atque incolumiserat (for-  
tasse ut divina, quæ paulò post secuta sunt præsidia,  
manifestiora inde redderentur) quanquam nihilo  
contraheretur, immani corripitur dolore! Quò ma-  
gis parentes ad implorandam Deiparæ opem accen-  
si, filiam manibus de curru & strato (cui quā mol-



lissimè ob doloris acerbiterat involvi debeat) sublatam, sacro Lindenſi ſacello inferunt; & circum aſſam, promore, ter non tam incedentem, ac ne reptantem quidem, quàm manibus, ut antè, ſublatam circumducunt. Profuit id, ut dolor ille, qui nuperrime acceſſerat, ex templo recederet, puella quæ jam inde altero pedum niti haud mediocriter poſſet. Inde parentibus aucta, de alterius pedis ſanitate, ſpes atque fiducia. Tameſi enim Lindà perinde ægram, atque Gutſtadio eduxerant, reducerent, minimè tamen dubitabant, aſſore, eùm ſupremo placuiſſet Numini, integram ſiliæ ſanitatem, neque ſpes in irritum vertit. Poſteaquam enim domum reduces, ad proximæ villæ, quinque circiter paſſuum millibus inde ſitæ, diverſorium ſeſe receperunt, atque ut famuli puellam de curru ſtrato quæ, quàm cauſſimè levaram, ad conclave deportarent, imperârunt, puella accedentibus ad ſe famulis, deſcendere jam de curru ipſa ultro per ſe nitebatur: ſed juſſu parentum, ne id faceret, prohibita, familiæ manibus intrò deportata nonnihil conſedit. *Protinus* (quis enim veter in cauſa haud diſſimili, ſimili divinæ Scripturæ exemplo verbis quæ (a) uti) *conſolidata ſunt baſes eius, & planta: & exiliens ſtetit, & ambulabat, exiliens & laudans DEUM.* Nam & hîc crura ac tibia, quæ ſunt humani corporis baſes, priſtino robore viribus quæ ſunt reſtitutæ; & puella non modò leniter inambulans, verùm & præ gaudio exiliens, ad ſororculam natu minorem, accurrit, eam quæ complexa chorearum in morem tripudiare cepit: non ſine ſtupore; ut iterum citatum Scripturæ locum,

(a) Actoy. 3. 7.

Claudi curati aliæque pedum vitia per B. V. sublata.

413

cum, exemplumque imitemur, & extasi cum cæterorum omnium, tum maximè parentum. Qui quidem, beneficii tanti haud immemores, in grati animi rei que gestæ monumentum, memoratam Deiparæ Laurentiæ Imaginem, ei que adjectum epigramma, divæ Lindensi consecravit; & ipsi insuper, unà cum liberis, statâ quovis anno peregrinatione, præsentem eandem venerantur.

### III.

Civi Brunsbergensi pedum usus restitutus.

Anno MDCLIII. Jacobus Hepner civis Brunsbergensis, pedes inde utque ad Lindam Marianam venit. Et sanè decuit peditem, quamvis satis longum arripere atque decurrere iter. Usus enim pedum, quem prorsum amiserat, Deiparæ Lindensis auxilio, paulò antè receperat.

### IV.

Bisteinensis puella, amissum utriusque pedis usum  
mirâ B. Virginis ope apud Lindam  
recipit.

Anno MDCLIV. ad xi. Calend. Junias, tenuioris quidem fortunæ, famæ tamen integerrimæ puella, ex oppido Bischoffstein, fulcris bixa Lindam usque perrepsit. Diuturnus & gravis admodum dolor, omnem ei propè ademerat pedum usum; sed fiduciam ad Deiparam Lindensem, adimere, quantumvis afflicta, haud potuit. Pro illa igitur fide ac fiducia, votum ad B. Virginem suscipit, & iter Lindam usque,  
Hh 2 quoad



quoad potuit, et jam pedes, fulcris nixa, absolvit. Absoluto itinere, ipsa quoque absoluta est morbo. Simul enim ac facellum est Lindense ingressa, pedes ita sunt è vestigio restituti, ut & consistere, & progredi quaquavertum probè posset. Fulcra igitur, quibus jam non egebat, recuperatæ valetudinis anathéma, in eodem appendit facello.

## V.

Vir militaris ob curationem pedum Anathéma suspendit.

Anno MDCLVIII. argenteum Deiparæ anathéma dicavit Joannes Schwenck, cum aliis de causis, tum quòd pedum cruciatibus per B. V. esset exemptus. Huic rei argumento est lamina argentea, in pedis haud exigui figuram efficta; cui linguâ Germanicâ hujusmodi est adjectum epigramma:

Joannes Schwenck verehret dieses Schild / Gott  
und vnser L. Frawen zu ehren / weil er in Königsberg  
vnter Churfürsten von Brandenburg / auch in der  
Moskow viel gefahr erlitten in Kriegsgefahr / 1648.

## VI.

Horrtulanus è Masovia, dissolutis pedum & dimidiis corporis nervis ac viribus, integrè apud Lindam Marianam curatus.

Quod sequitur, syngraphis & juramento nobilium, è Masovia virorum, quos dignissimos fide testes inducemus (quippe omnes Lindæ Anno MDCLII. 1650.

Nata-

Natali B. Virginis die præsentés adfuerunt, & tum ibi, tum aliis deinceps locis, rei gestæ spectatores atque testes fuerunt) egregiè stabilitum est. Hortulani partes agebat apud nobilem virum D. Jacobum Gorsky; nomen homini Matthæus erat: villæ autem, in qua degebat, itidem nomen Gorky, haud procul oppido Colno, in Ducatu Masoviæ sitæ, & ad Parochiam Lachoviciensem pertinentis. Is ante sesquiannum, cingulo tenus, ad extimos usque pedes, nervis artibusque ita dissolutis erat, ut neque pedibus, neque genibus posset insistere; sed manibus duntaxat nixus, reliquam corporis molem trahere per villam solitus esset. Edoctus interea de divæ Lindenensis in afflictos beneficentia, votum suscipiendæ ad sacram illius Ædem peregrinationis nuncupat; & subito revalescere ita cepit, ut non modò fulcris conniti, verum & viam Lindam versùs ingredi posset. Illo ergo fulcrorum, multò verò magis B. Virginis comminiculo, viam sexaginta millium passuum Lindam usque emensus est. Cæterum Lindæ voto solutus, multò, quàm venerat, vegetior sensim domum suam reversus est. Ubi limen domus attingit, magis etiam confirmatus expertus est torius corporis vires, ut abjecto altero adminiculo, altero duntaxat niteretur. Quo quidem interea per annum, non sine maximo suo commodo usus, sequente deinceps anno, ad gratias Deo & sospitatrici suas agendas, iterum Lindam perrexit; & qui beneficii accepti memor, gratias ex animo egit, majorem etiam Deiparæ gratiam expertus est. Postquam enim pridie Natalis B. Virginis ad



Templum venit, ita prorsum convaluit, ut nullius prorsum adminiculi egens, suis viribus in conspectu omnium solidos figeret gressus. Quod, præter alios testes jurati subscripsêre viri nobiles, quorum antè meminimus, *Ioannes Gorsky manu propria; Albertus Obiedzinsky manu propria. Adamus VVikovvsky manu propria.* Lindæ die VIII Sept. præsentibus & audientibus Societatis Jesu Patribus Jacobo Herdell, Fridenico Protman, & Petro Althoff.

## VII.

Sartor claudus, Deiparæ Lindensi recuperatam sanitatem in acceptis refert.

Eodem Anno IV. Non. Junias, sartor quidam paulò antè claudus, jam verò cum probè sanus, Deiparæ apud Lindam gratias egit. Sicut enim, qui rectum pedum usum, nullum habebat, culpâ suâ (quam Deus vindicta ponè comitari solet) pedibus orbatus erat; ita qui Deiparæ Lindensis beneficio atque opè, cui voto se addixerat singulari, usum pedum recepit, ipsos sibi pedes iterum videri potuit recepisse.

## VIII.

Vuslacenſis colonus, incedendi facultatem impetrat.

Ipsis dicti mensis Nonis, Martinus Kraus è Wuslak Heilsbergenſis municipii pago, Lindæ adfuit, & beneficii à Deipara accepti memor juxta ac gratum voto, quo obſtriſtus fuerat, ſeſe abſolvit. Promiſerat enim,

Claudi curati aliæque pedum vitia per B. V. sublata.

487

enim. si vitium pedum (quibus diu malè affectis claudus jam evaserat) Deipara sustulisset, aditurum se faceram ipsi Lindam, & preces, pro obrenta incolumitate, cum gratiarum actione cumulaturum. Sustulit, quod rogata erat, vitium Deipara; neque ille distulit, quod pollicitus erat, confiteri, & in sacra Deiparae Ede beneficium prædicare.

### IX.

Matronæ duæ Vormditenſes pedum manuumque sanitatem à B. V. obtinent.

Non faciliè divinaris, pedum an manuum gravioribus afflictæ fuerint cruciatibus, ac vitis, duæ & Vormditenſi civitate matronæ: quæ pridie Idus ejusdem mensis Lindam accessere. Utraque & manus & pedes, graviter affecta erat: proinde utraque ad Deiparam Lindensem, primùm quidem voto ritè concepto recurrit. Deinde verò ob incolumitatem secundùm vota receptam, utraque Lindam gratias actura, non sine gaudio suo, & spectantium admiratione voluptateque singulari accurrit.

### X.

Virgo Heilsbergensis. octo annos è pedibus ægra, sanatur.

Sub idem circiter tempus, Barbara virgo Heilsbergensis, octo annos gravissimè pedibus laboraverat; voto autè Lindæ factò, repente convaleuit. Unde nihil amplius morandū rata, restitutum gradiendi officiū,

H h 4

nul



nulliprius quam Deo, & Deiparæ impendit. Suis ergo pedibus Lindam profecta, votum cum singulari gratiarum actione dependit.

# XI.

Claudio pellionis Allensteinensis filio, magna cum admiratione & gaudio civitatis, sanitas Lindæ restituta.

Annuam, pro more aliàs nobis laudato, supplicationem instituerat ad Lindam Marianam civitas Allensteinensis mense Julio millesimi sexcentissimi ac quinquagesimi primi Anni. Honoratissimos inter cives, qui ut aliàs, ita eo tempore frequentissimi aderant, spectabilis erat N. Thiel pellionis filius, non tam à genere, quam à fortuna Claudius, vel Scipio dicendus. Plures enim annos claudus, non nisi fulcrorum adminiculo gressum domi forisque promovebat. Ea nihilominus fuit adolescentis pietas, & in B. V. Lindensem religio, ut ab illa civitatis supplicantis pompa abesse noller; & majore animi alacritate, quam virium facultate, octo circiter leucarum iter unà ingrederetur, ac fulcrorum suorum adminiculo magis perreptaret, quam decurreret. Et verò placuisse magnæ Dei Matricam animi pietatem, restituta præter spem sanitas argumento fuit. Subitò enim, civitate coràm spectante, ita perlanatus est, ut nullum superesset claudicantis signum. Quod inter cæteros spectavit, & hunc in modum subscribendo testatus est reverendus Dominus, *Andreas Kratévsky, tunc Capellanus Allensteinensis, nunc Parochus Collensis manu propria.*

# XII. Duæ

XII.

Dux scemina Brunsbergenses, voto Lindam nuncupato, pedum aliorumque membrorum sanitatem receperunt.

Earum altera fuit Anna Lahmsche, altera Catharina Joannis Schultz, civis Brunsbergensis uxor. Illa non modò claudicavit, verùm & magnis aliis doloribus propè ad mortem, ut in commentariolo scriptum est, pressa, ubi votum ad B.V. Lindensem nuncupavit, tertio inde die omni morbo soluta fuit. Hæc verò pedum usu, præ morbi omnes artus pervadentis acerbitate, destituta, solidum annum lecto affixa decubuit. Posteaquam verò (uti maritus ejus ad iv. Id. Julias, Anni MDCLIV. Lindæ coram est testatus) votum ad B.V. Lindensem concepit, statim convaleuit, ita ut postero die, qui erat D. Thomæ Apostolo sacer, domo progredi, & ad sacram Ædem, citra ullius adminiculum, conferre se potuerit.

XIII.

Mulier diuturno genuum & ossium dolore liberata.

Anno MDCLIV. Nonis ipsis Julii, pedes Lindam, ex pago Rulch dicto, advenit præter suam multorumque spem mulier, quæ integras quindecim hebdomadas decubuerat. Ira enim dolor intimus genua atque ipsa occupârat ossa, ut iis præ nimio cruciari etjam distentis ac propè distractis vix decumbendi

H h 5

ac qui-



ac quiescendi facultas esset; tantum aberat, ut liberet aut liceret, pedibus viam, præsertim longiorem, capessere. Licuit tamen, ubi ægra voto Lindam facto, repente convaluit.

#### XIV.

Ex appensis Lindæ fulcris, atque pedum anathemat-  
tis claudorum æstimandæ sunt  
curationes.

Claudos hæcenus memoratos, aliisvè pedum vitis gravatos, par erat lequi hoc loco omnes, qui vel fulcra atque sustentacula lignea, vel etiam fusos de argento, fictosvè de cera pedes appenderunt: verum quia illorum nomina omnia clàm sunt; vel, si quorundam inscripta sunt nomina, ipsa tamen accepta divinitus beneficia ignorantur, ne à me quidem revelari poterunt. Qui tamen, vel tua duntaxat nomina argento incidi curârunt, prætereundi hîc à me non sunt; ut, sive superstites, sive defuncti sint, tanto ipsi pro acceptis beneficiis se exhibeant gratiores, quanto ea minùs hîc memorari à me posse vident. Præter igitur argenteas pedum formas, quas sive Johannes Schwenck, de quo capite hoc actum est, sive alius ignotus hoc ipso quinto, supra quinquagesimum sæculi huius annum, de quo sequente libro, obtulerunt, in oculos cum primis incurrit pes dexter paulò major, & ad unius fere cubiti magnitudinè de argento, ut videtur, solido fusus, cui hæc à ergo adjecta est inscriptio: Deo & Deipara; voti reus Matthias Zechius Decanus Gultadiensis 1641. 2. Iunii. Minor aliquan-

A catholicis clauditas aliq; pedum vitia per B.V. sublata. 49<sup>1</sup>

quanto est, pes alius itidem dexter; cuius epigraphæ est, *Catharina Thielheimi* 1646. Tertio itidem dextro literæ sequentes insculptæ: *G. T. R. B. V. S.* 1651. Similiter inter pedes sinistros, cuidam inscriptum, 1646. *Lorentz. Reis.* Plures aliæ sunt pedum effigies, quæ nullam prorsus inscriptionem habent: hominum tamen, qui eas dedicârunt, nomina, quin melioribus Tabularii cælestis inscripta sint fastis, minimè dubito. Quod & de iis, qui tam multa pedum fulcra, sustentacula, & adminicula Lindæ appenderunt, censendum puto. Hæc enim, quod jam aliàs dictum, quò ad aspectum viliora sunt, eò manifestiora, quin & augustiora sunt beneficentiæ pietatisque divinæ monumenta.

## C A P U T XXIV.

Claudis, exjama catholica Ecclesia alienis, sanitas per B. V. Lindensem collata.

CUM cæteris plerumque sectariis, tum iis potissimum, quæ in Ducatu Prussiæ haud procul Lindâ, incolunt, occinendum est illud Eliæ Prophetæ (a) *Vsquequo claudicat in duas partes?* Nam & miracula divæ Lindenfis, & fidei catholicæ veritatem negare plerique amplius non possunt; & tamen ut se ad catholicam Ecclesiam conferant, impelli nolunt. Sensim tamen, vel ipsis Deiparæ beneficiis eriguntur, ut sublati corporum morbis, animi quoque morbis pedetentim levantur.

I. Mu-

(a) 3. Reg. 18. 21.



## I.

Mulier plures annos clauda, voto Lindam facto,  
sanatur.

Incertum quot annis eo pedum vitio (quod Anno denique hujus seculi tertio supra quinquagesimum fuit divinitus curatum) mulier in Rastemburgensi municipio degens laborarit. Aliquot tamen annos laborasse commentarioli produnt Lindenses. Implorata haud dubie fuerunt, quæ poterant, auxilia consiliaque humana omnia; sed his nequidquam adhibitis, faciliora ac promptiora fuerunt divina. Divæ enim Lindenſis invocatione atque voto ex more concepto recreata primùm, ac roborata; deinde etiam probe perſanata, ad ix. Calend. Julias votum & gratias Deiparæ, coram Lindæ perſolvit.

## II.

Tumor, & inveterati pedum morbi curati.

Eodem Anno sub exitum mensis Maji, coram itidem Lindæ voto defuncta est Helena Bartholomæi Bolowsky, ex oppido Lick, duodecim leucas à Linda sejuncto, inquilini uxor. Ad sævos pedum cruciatus tumor insuper diuturnus juxta ac enormis accessit. Inter alia remedia variè sæpiusque adhibita, etiam vota & donariola per alios Lindam missa. Sed cum neque ista prodesſent, amicorum tuasū, votum sistendi sese coram Deiparæ, ac sacrum ejus Edem ter geniculatim circumeundi con-

Aecatholici claudiras aliâq; pedum vitia per B.V. sublata. 493

di concipit; & subito, ut votum nuncupavit, tumor omnis ita resedit, ut ne quidem vestigium superesset ullum.

### III.

Clauda Lindæ sanitati restituta, fulcrum anathematis loco, ibidem suspendit.

Libertino cuidam provinciæ Elbingensis filia erat Barbara, alterum pedem clauda, ut illi, citra sustentaculi adminiculum, nulla incedendi facultas reliqua esset. Cæteris medicis in cassum remedia adhibentibus, ad homines quosdam Catholicos subsidii consiliiq; causâ accessit. Illi ad divam Lindenlem suadent recurrendum. Parvula illa, seque Lindam curru deportari, ac viro Catholico duce, ter circum Aram majorem gemiculatim duci curavit. Eodem loco ac momento, sanitatē reddidit, alacris surrexit, & fulcrum, quo hactenus nixa, etiamque sacellum ingressa fuerat, nulli deinceps sibi futurum ului, perperuum sanitatis monumentum ibidem suspendit Anno MDCLIV. ad IV. Calend. Julias.

### IV.

Mulier, à fide catholica aliena, B.V. Lindenlem in curando pede minimè alienam experta.

Interburgum, opulenta ac populosa in Ducatu Prussiæ civitas, Polonis vulgò *Instrucie* dicta, leucis circiter, vicinis Lindæ abest. Inter pagos ad ejus civitatis



ratis pomæria spectantes, quidam est juribus & dominio Dominorum Dœnhoffiorum obnoxius; in quo Anastasia mulier, Joannis Szymano<sup>wicz</sup> uxor degebat, alterum pedem clauda, ut surgere è strato nunquam posset. Integros tres annos ita lecto affixam Deipara tandem relaxavit. Apparuit quippe dormienti, matronæ cujusdam specie, & si levamen sanitatemque consequi porro vellet, Lindam curationis causâ ut adiret, commonefecit. Paruit monitis afflicta dudum mulier, & simul ac somno est soluta, voto se de itinere Lindam suscipiendo obstrinxit; eademque horâ, quia se omni morbo levatam advertit, lecto se proripuit, & citra offendiculum aut dolorem quaquaversum, prout libuit, perambulare cepit. Neque porro iter Lindenſe ingredi distulit: Ad VIII. Cal. Aug. Anno MDCLII. Lindæ coram adfuit & sacellum genicularum ter obivit; gratias, quas potuit, DEO, juxta ac Deiparæ, supplex ac venerabundæ egit. Quod ut cumulatiùs faceret, mulier alioqui non omnino pauper, viam, pro multorum more, non nisi emendicato pane absolvit.

## CAPUT XXV.

Podagrici ope Deiparæ Lindenſis adjuti.

**A** Pologus, quem veteres de podagra & aranea simul peregrinantibus argutè finxere, hodie quoque sibi videtur utcunque constare. Ut enim fortasse aranea, non nisi ad pauperes fere divertat, certè podagra, quemadmodum Mors; canente Poëta, *aquo pulsas pede, pauperum tabernas, regumque turres.* Sed nos

hinc podagram pauperum tabernis exclusam mittamus, ut simul eandem regum magnatumque turribus, Deiparæ Lindenensis ope exclusam contemplemur.

## I.

Illustrissimus magni Ducatus Lituaniae Cancellarius, magnum se à Deipara Lindensi levamen in podagra expertum testatur.

Nondū satis maturo Anni MDCLIV. vere, appulit Resselium novus Collegii Rector, P. Petrus Steffanowicz & unā secum geminos ex argento pedes affabre elaboratos, Deiparæ Lindensi attulit dicandos. Missi fuerant à Magno magni Ducatus Lituaniae Cancellario, S.R.I. Principe, in Olyka & Nielwicz Duce, Alberto Stanislao Radivilo; qui frequenter è Lituania in Prussiam ultro citroque commeando, nullam revisendæ B. Virginis Lindenensis occasionem nactus fuerat; quoad denique Anno MDCLIII. Tucholiâ in Lituaniam redux, Lindam versùs iter studio flexit Resselio; ut Deiparæ Virgini (quam & plerisq; libris, tanto Principe haud indignis, jam aliàs ab se editis, & pluribus virtutum suarum exemplis, longè lateque celebrârat) pro suo, aliorumque more, supplex apud Lindam coram fieret. Gratum fuit Deiparæ id clientis sui officium, sive enim ille supplex ab illa poposcerit, sive etiam illa ultro clienti suo largita id fuerit, podagra certè & qui ex ea dolores ac cruciatus, pertinaces juxta ac vehementes, distingere ac distinere pedes solent, magnopere eo anno remisere. Quod ille, cum advertisset, non potuit committere, quia



quin tantæ Patronæ ac hospitatrici aliquod grati ani-  
mi monumentum submitteret. Misit proinde jam  
memoratas pedum effigies. Quas quidem, quemad-  
modum & dicta virtutum exempla, quotquot in tan-  
to Principe fuerint contemplati, nunquam se à terra  
rebusq; terrenis promovere, & progredi ad cælestia  
desistent.

## II.

Illustrissimus Episcopus Varmienſis, ſingulare apud  
Lindam Marianam podagræ levamen, ſæpius  
expertus.

Quo cultu Lindam Marianam proſequatur, quo  
item propagandi ejusdem cultus Mariani ſtudio fe-  
ratur, Illustriſſimus Wenceslaus Comes de Leſno E-  
piſcopus Varmienſis, jam aliàs (a) ſpectari potuit. Mi-  
rum quocirca videri non debet, ſi ipſa viciffim Dei-  
para Lindenſis, tam ſtudioſum ſui clientem pari, quin  
longè etiam majore proſequatur ſtudio; & cum cæ-  
teras in eo animi corporisq; dotes foveat atque  
augeat, tum etiam inolitos cum tempore morbos, aut  
penitus levet, aut majorem in modum leniat. Con-  
ſtat, quibus ille chiragræ ac podagræ doloribus iden-  
tidem affligatur; par eſt, ut conſtet, quibus ille præſi-  
diis contra eosdem armetur. Quanquam enim ille,  
apud Badenſes in Auſtria thermas, quas iterum at-  
que iterum reviſit, non minimum expertus ſit dolo-  
rum illorum levamen, non tamen minus ſe in  
Lindæ Mariæ umbra fatetur reperiffe mede-  
cinæ. Haud ita longo temporis intervallo acci-  
dit, ut Elbingæ ( quæ inter primas Regiæ  
Prul-

Prussiæ urbes numeratur) Divæ Lindensis, miror-  
 umque apud ejus Lindam Dei beneficiorum men-  
 tio incideret; cum non nemo civium, cætera quidem  
 haud ignavus negotiator, verum fæda Mennonistica  
 sectæ lue (quæ à Batavis in Prussiâ prorepfit) mi-  
 se-  
 re corruptus, pro more & salibus scilicet istiusmodi  
 sectarum trosculis in saliva natantibus, intercessit,  
 & ecquid podagra, inquit, quâ Varmiensis Episco-  
 pus identidem laborat, apud Lindam curatur? Quod  
 ubi Illustrissimus Antistes auditione accepit, præ-  
 sente viro, è Ducatu Prussiæ, eximie illustri, enim-  
 verò, curatus, inquit, est, & adhuc curatur! tum ad-  
 eunt, cui historiæ Lindensis cura non minima in-  
 cumbebat, Eja Pater, inquit, vide, sis, ut & hæc ad  
 Dei Deiparæque gloriam literis mandentur.

Atque hæc tum, pro Deiparæ honore magnus Anti-  
 stes, neque minora pro sui clientis incolumitate, eo-  
 dem ferè tempore, cælestis Patrona. Cum enim ille  
 pro singulari, qua plurimum excellit, prudentiâ, uti  
 cæteris in rebus, ita in curanda quoque valetudine,  
 divinis humana jungeret præsidia, Badenasque ite-  
 rum destinasset iter suscipere; non potuit à recepto  
 sibi more recedere, & ante divinum, per Divam  
 Lindensem, auxilium non implorare. Aspera erat  
 hyemis Anni MDCLIII. tempestas, sed mense Fe-  
 bruario omnium asperrima; nihilo minus ipse eo-  
 dem ipso tempore, atque sub ipsum Februarii initium,  
 Lindam petrexit; ut, profestâ, Purificatæ Virginis  
 luce, coram adesse, & si per valetudinem liceret, et-  
 jam ad Aram facere posset. Et adfuit ille quidem; sed  
 quia pedibus ne quidem insistere posset, succollan-



tium baculorum manibus intra sacellum deportatus: ubi, dum inter alia beneficiorum divinorum monumenta, ad majorem Aram suspensa etiam memoratos magni Ducatus Lituaniæ Cancellarii intuitus pedes, eos ob singulare à Deiparæ in podagricis cruciatibus levamen dedicatos esse didicisset; ductis ab imo pectore suspiriis. Ego verò, inquit, si in simili positus necessitate, per Deiparam fuero adjurus, non argenteos dumtaxat, verùm & aureos eidem pedes dedicavero. Poterant, hæc subito quodam animi impetu, alicui videri dicta; at subitum, & eo loci vix agnatum, tametsi præsens Deiparæ auxilium, probavit, diviniore quodam instinctu fuisse dicta. Ab eo quippe temporis momento (quanquam ipse in se nō respiceret, atque animo per piam meditationem aliò fortasse avvocato, quid obtinuisset, necdum sentiret) vires animi corporisq; ita auctæ sunt, ut continuò animus ac desiderium subierit, sacris in asperissimo illo, & podagricis, chiragricisq; doloribus plurimum adverso frigore operandi. Nō deerant, qui quodammodò comperendinandum, & id genus officii divini, in aliud tempus suaderent differendum. Verùm major erat ille animi imperus, qui etiam corporis vires haud dubiè intendebat, quàm ut ullius frangi oratione posset. Quocirca is, qui vix momenti aliquot elapsis, consistere ac niti suis pedibus haud poterat, suis se viribus erigit, ad aram progreditur, & longè supra dimidiam horam, in ea, quam diximus, frigoris pertinacia facit: tum iterato in preces, gratiasq; pro more agendas effusus, quanquam suarum sibi virium necdum subiret animo conscientia, iterum se

se non modò sponte suâ erigit in pedes, verùm & sacellum, quâ oculis quâ etjâ pedibus quaquaversum dimensus, pedibus quoq; suis ad currû usq; progreditur; quin & Resselium delatus, necdum tamen virium suarum sibi conscius, de curru ultro descendit, & citra ullum bajulorum adminiculum, pedibus suis intra Societatis Collegium aliquot jugerû emensus spatiû, ubi intra trichinium obambulare plusculum cæpit, quasi ad se primûm reversus, & quadantenus attonito similis, ad præsentem Vicarium generalem, Reverendissimum Dom. Albertum Pilchowicz (qui unâ Divâ Lindensem visitarat) Quid hoc, inquit, rerum est! Ego Lindam cûm pergerem, consistere pedibus non potui; at potui Lindæ ad Atram tanto tempore faciendo stare, potui sacellum perambulare, potui ad currum usque perreptare, potui huc delatus non modò de curru, pedibus, viribusquæ meis descendere, sed & tot passus ad hunc usque locum citra difficultatem emetiri, possum denique etjamnum stare inambulare, & quaquaversum progredi. Nunquid hæc manifesta sunt Deiparæ Lindenensis beneficia? Nemo omnium erat, qui id ipsum censeret; quippe qui beneficii magnitudinem, non oculis duntaxat, verum & manibus sibi viderentur suis usurpare Dabant proinde omnes Deo & Deiparæ laudem, quæ Antistitem suum paucos ante annos (quod suo loco (a) videbimus) maris & præsentis naufragii, nunc verò tantis hiemis frigorisquæ exemptum periculis, etjam gravissimis podagræ liberasset cruciatibus. Jam verò ipsemet Antistes multò

li 2

accu-



accuratius, tum hujus tum aliorum Lindensis beneficiorum magnitudinem, apud animum suum trutinat; ac, si per belli temporumq; iniquitatem liceret, brevi oculis omnium, gratissimi in B. V. Lindensem animi objiceret monumentum.

## III.

**Hæreticus quoque verbi Minister, per Deiparam Lindensem à podagra curatus.**

Severum Imperatorem ex podagra claudicantem, atq; idcirco, velut imperio à quibusdam indignum habitum, Xiphilinus & Dio ferunt, illos sui contemptores in jus vocasse, & capitali sententia percussisse. Qui delicti veniam, cum à Cæsare peterent, audiverunt, nullam ipsis eâ sententiâ factam injuriam, ex qua discerent, atque adeo jam sentirent non pedes sed caput in homines sceleratos jus dicere atque imperare. Neque Cæsar, neque Imperator erat, in pago Alt-Tolcksdorff, Lindâ haud longè distite, verbi, ut vocant, Minister Sæctarius: severum tamen fuisse, vel supercilium, quod istius generis homines, plus quàm Basilicum sibi sumunt, abunde probat. Neque claudicatio Severi Imperatoris nostro isti severo, quam ex podagra contraxerat, deesse potuit; quanquam major insuper animi clauditas, qua & à Catholica Christi Ecclesia, & à salute errabat sua non defuit. Sed de hac, minus, ut fieri solet, sollicito homini, prioris illius curandæ sollicitudinem omnem podagrici dolores intenderunt. Quid nō egit rabula hæreticus? quo se auxilii causâ nō vertit? Ad extremū compulsus est, apud Lindam Marianam implorare opē. Quò cum venisset, &, quantum

vis immeritus atq; indignus, opem nihilominus de consueta Deiparæ benignitate invenisset, adeoque eo ipso in loco podagræ cruciatibus liberatus esset, stupenti similis (quemadmodum magnus ille Vir, quem honoris causâ toties appellamus Otto à Græben auritus testis, & ex illo P. Simon Hein in commentariolo retulit) patriâ linguâ exclamavit: Verè locus iste sanctus est! Credidisses, aliquem Jacobum Patriarcham audire te differentem, atque illud (a) Patriarchæ Jacobi usurpantem: *Verè Dominus est in loco isto, & ego nesciebam! non est hic aliud, nisi domus Dei & porta cali;* sed Ministris, uti solenne est uxoris quærendæ causâ, vel in Mesopotamiam Syriæ cum Jacobo peregrinari, ita insolens omnino est, scalâ ad cælos usq; pertingentē, ascendentesq; & descendentes per eam Angelos cernere, ne dicam comitari.

## CAPUT XXVI.

Manci, & brachiorum, manuumvè morbis affecti, opem B. Virginis Lindenensis consecuti.

**M**Anibus pedibusque in sententiam ire, fuit olim proverbio, inter veterum judicia locus; sic & nunc inter collecta magnæ Dei Matris præconia. Cujus in mortalium pedes beneficia sanitarum, cum paulò ante retulerimus, jam ad manus, earumq; curationem accedendum nobis est.

I.

Diurnus brachii dolor, ope B. V. Lindenensis, votoq; ad eam concepto, depulsus.

Calendis Junii, Anni MDCXXXVIII. ut Deo

Ii 3

ac

(a) Gen. 28.16.



ac Deipara gratias, quas debebat, ageret Michael Gerich è Seiberswald municipii Seeburgensis pago ædituus ac pædotriba, Lindam venit. Longo ac permolesto brachii cruciatu, ut ipsemet conscientia suæ arbitro palàm explicuit, districtus erat; cùm interea uxor mariti vices cruciatusque miserata, ut Peregrinationis ad Divam Lindensem votum nuncupet, enixè consulit. Audit ille, & supra peregrinationem, tum peccatorum suorum exomologesin, tum sacri epuli synaxin, in sacra Lindæ æde vovet. Necdum tertius à voto nuncupato abierat dies, cùm omni dolore ac morbo solutus, Lindam sine cunctatione adiit, & gratiis semel actis, semper agendas, quin & referendas, quoad quidem posset, adjecit: promissâ nimirum annuâ, quoad vita suppeteret, ad Deiparam Lindensem peregrinatione, & Sacramentorum pænitentia atque Eucharistia usurpatione.

## II.

Brachium periculose luxatum, voto ad B. V. Lindensem facto, restitutum.

Eodem Anno atque mense, 3. Calend. Iul. votum Lindæ solvit. grata erga Deiparam, Ioannis Lobensteni uxor. Luxaverat illa casu, incertum quo, brachium; unde ad ingentes cruciatus, tumor accessit propè enormis. Quamvis autem brachium ita luxatum, quaternis jam vicibus, suo esset loco restitutum, tamen pristina atque usus brachij restitutus non est. Simul ac votum mulier

Divæ

Divæ Lindenſi ritè nuncupavit, ſimul dolor atque tumor inveteratus abiit, nec non uſus brachii admunia quæque ritè obeunda integrè rediit.

### III.

Alter brachii, pedum alter uſum, Deipara ope recuperârunt.

Duo è Meſſiaccenſi municipio homines, ad xv. Cal. Jul. Anni MDGXXXIX. voti reddendi cauſâ Lindam advenerunt Brachium alter, alter pedes miſerum in modum habebat affectos. Pertentata ſunt, quæ uſquam reperiri poterant, tantorum remedia malorum, ſed nulla proſum reperta, quemadmodum ipſimet ſunt palàm faſſi. Quò gravioribus etjam animis faſſi ſunt B. V. Lindenſi ſanitatem (quam aliunde ſperare quidem poterant, obtinere vero nullo poterant modo) in acceptis eſſe referendam.

### IV.

Nobilis è Maſoviâ matrona, ob reſtitutam ſibi manum, argenteum manus ſimulacrum  
B. Virgini Lindenſi  
offert.

Tot ſunt hujus rei teſtes oculati, quor publicæ ſupplicationi è Maſovia ad B. V. Lind. Anno MDCLII. inſtitutæ, & ad duodeviginti circiter leucas, ſolenni pompâ & eximiâ pietate Lindam uſq; deductæ præſentes adfuerunt. Adfuit enim inter alios, matrona



nobilis Sophia Borska, quæ in obtentæ per Divam Lindensem sanitatis, Tesseram, argenteum restitutæ sibi manus simulacrum, eidem supplex offerebat. Qua de re, cum ipsius ac totius dictæ supplicantium turmæ Dux & Curio, scriptum reliquerit testimoni-um, operæ precium est, id ipsum ad posterorum me-moriam Deiparæque laudem, hoc loco recensere. Sic autem Latine è Polonico idiomate reddi potest:

*Anno Domini, millesimo sexcentesimo, quadragesimo pri-mo, die prima Iulii, Nobilis Domina Sophia Borska, so-lennem, quam ad sacrum Lindæ locum duxi, comitata sup-plicationem recognovit, quod & ego, Anno & die supra di-ctæ ipsemet oculis meis usurpavi; nimirum, quod ope & in-serventu sacratissima Virginis hoc ipso in loco, sanitati re-stituta fuerit. Cujus rei comprobanda causâ, eodem in lo-co manum argenteam reliquit. Ejusdem rei ac testimoni-æ testis est, Pater Stanislaus Glinicki Decanus. R. P. Parochus Choræ. m p.*

## V.

Mulier aliquot annos manca, voto Lindam factò,  
convalescit.

Anno MDCXLIII. ad XIV. Calendas Decemb.  
(quemadmodum in commentariolo P. Stephanus Reich scribit) adfuit Lindæ Matrona, ex pago Eschenau districtus Meelsaccensis; qua aliquot annos unâ manu manca, voto factò convaluit. Grata pro beneficio accepto, pedes Divam Virginem Lindensem invisit.

## VI.

VI.

Manus falce admodum periculosè sauciata, Deiparæ Lindenensis auxilio perfanata.

Anno MDCXLIV. ad III. Nonas lunias, voto perfunctus est, quod Lindam nuncupârat Andreas Linck, civis, ni fallor, Gutsyadiensis. Graviter ille falcem in alteram manuum impegerat, ut & venæ, & & nervi succiderentur. Nihil videbatur propius abesse, quàm ne omnino redderetur mancus; præsertim, cum remedia variè multumque adhibita, prodesset nequitquam possent. Vnicum restabat, quod forfasse è Divi Joannis Damasceni historia mentem subire potuit, remedium; nempe ut, quemadmodum ille præfectam à crudelissimo Tyranno manum, Imagini Virginis Deiparæ exhibuit, & continuè integerrimè sibi restitutam recepit; ita & ipse suam protenderet ad Deiparam ejusvè aliquam iconem, undique desperatam manum. Protendit igitur; & quidem non alio quàm ad Marianam ipsius Lindam; apud quam se, & supplicem & gratum fore spopondit. Accepit Deipara clientis sui preces atque votum; & ille continuè manum ope Deiparæ probe perfanatam recepit.

VII.

Manus & pedes gravi tumore ac pustulis affecti,  
voto Lindam nuncupato  
perfanatur.

Non mihi constat, hæretica an catholica fuerit  
mulier, quæ id beneficii obtinuit; quocirca rem iis-



demplanè verbis, quibus à P. Petro Althoff est in commentariolum relata, hîc percenſebo. Catharina Jacobi Munk ex Moltzich filia, intumuerant manus pedesque, ad genua usque, pustulis rubris & desuper albicantibus. magno cum dolore. Varia adhibita remedia, etiam superſtitiosa: nihil effectum. Devota ab aliis Lindam, ut ceru accensister Altare, ter Ecclesiam obiret, statim pustula decideret & vulnera sanari caperunt; ita ut tertio die perfectè sanata fuerit. Votum explevit, & rem factam enarravit. 27. Iulii 1654.

## VIII.

Faber annum integrum mancus, usum manus à B. V. Lindenſi impetrat.

Quod jam memoro, ipſemet Anno MDCLIV. ad vi. Cal. Sept. ex ejus, qui beneficium impetravit, sermone didici. Bartholomæus Ritting. is erat faber clavicularius Meelsaccensis. Is publicam à tota civitate Meelsaccensi supplicationem, cujus postmodum erit mentio faciendâ, egregiè adornatam comitatus, ut & suo. & civitatis totius nomine gratias ageret. Lindam acceſſerat. Præterquam enim, quod cum cæteris omnibus præſente incendio fuerat ereptus, prius vatum inſuper à Deipara Lindenſi beneficium acceperat. ſive nervorum oppilatione, ſive alia ex cauſâ id evenerit, ſanè haud conſtat; conſtabat tamen omnibus, eum anno integro manus alterius officiis deſungi non potuiſſe; tantum abeſt, ut ad operis officiique ſui uſum potuerit eandem adhibere. Quid non tentavit? quid non adhibuit unguentorum, & aliorum undiq; ſubſidiorum? Ne carniſicum quidem,

quæ

quæ ab unguentis ex adipe humano confectis petuntur, neglecta sunt auxilia Rebus undique desperatis, auxilium, voto Lindam nuncupato, à Deipara postulavit; & quemadmodum tum suscepta illa peregrinatione tum appenso Lindæ insigni monumento professus est, facile invenit.

IX.

Civi Meelsaccensi dextra manus persanata.

Inter Anathemata Lindæ ad Aram majorem pendencia, est manus dextra, ipsa sui magnitudine præceteris spectanda; cui inscriptum; *Sancta Maria Mater Jesu, ora pro nobis. Ioannes Hanman 1650.* Tacite indicat enorme ac periculosum vulnus, quod idem Ioannes Hanman, inter Meelsaccenses genere, industriâ, opibusq; facile primus, sibi inflixit. Paucis abhinc annis gratum domi suæ hospitem nactus inter alia grati hilarisq; animi signa edita (sponte, an casu, mihi incertum) in vitreum poculû impexit vehementius manum ut vitrum non modò se per volam manus penetraret, verùm & nervos succideret. Difficillima erat periculosi vulneris curatio, nisi implorata Deipara Lindenensis, quod anathema testatur, faciliorem reddidisset.

X.

Hæretica quoq; mulier, manuum pedumque doloribus per B. V. Lindensem levata.

Sub idem fere tempus è Sorquiten. pago sub Prædicantû jugo adhuc gemente, præstò fuit mulier Eva nomine, Martini agricolæ conjux. Hæc graves manuum pedumq; morbose experta, si iis Deiparæ Lindæ quam se receperat, ope levaretur, vovit & manuum, & pe-



& pedum cereas Lindam effigies, perceptæ sanitatis monumenta ab se deferenda, suæque sospitatrici dicanda; ad hoc vovit & ceream candelam, quam accensam manibus præferret, dum Aram majorem, ter geniculatim obitura de more esset. Neque secus fecit, simul ac voto edito pristinam à Diva Lindensi recepit sanitatem.

# XI.

Alia itidem hæretica mulier, manus pedesque sanata, quotannis Lindam invisit.

Anno MDCLIV. pridie Idus Augusti, Dorothea Martini Træger ferrarii fabri in Babeins pago, seculi leucam Lindâ circiter dissito uxor, præter morem hæreticorum, Resseii in conventu Virginum candelam & fictos è cera pedes manusque sibi emit. Dum inde abit, obviam habet quendam è Soc. Iesu sacerdotem; qui cum à fide Ecclesiæ catholica non nesciret alienam, interrogat, quem tandem in finem, præter candelam, cereas illas manuum pedumque Icones sibi comparasset? Biennium, inquit illa, jam præterit, cum quatuordecim hebdomadas manuum juxta ac pedum amiseram usum; morbo ita utrobique sæviante, ut ne commoveri quidem aut manus possent aut pedes. Ego verò cum subsidium malis reperire nusquam potuissem, Lindam me, voto facto, recepi, & continuo integram recepi sanitatem. Quæ causa est, ut quoad vita fuerit superstes, nunquam adeundæ quovis anno Lindæ, agendarumque gratiarum occasionem intermittam.

C A P V T XXVII.

Ulcera, vulnera, Herniæ, & apostemata Divæ Lindensis  
auxilio curata.

**M**ulta simul expedienda hîc sunt; non tam, quòd  
ea vel ad speciem cognata sibi sint, quàm, quod  
rem admodum vastam, in pauca contrahere sit  
necesse.

I.

Nobilis vir brachium sclopo periculose traje-  
ctus, Divæ Lindensis ope periculum  
evadit.

Antonio Duczyminski, ex illustri Duczyminio-  
rum in Masovia genere, nomen erat, & pares gene-  
ri, tum ab hereditate, tum à Regia liberalitate fun-  
di atque prædia. Tantæ fortunæ valetudo haud re-  
spondebat, brachio plumbeâ glande trajecto, ma-  
gnopere labefactata. Periculum, quod etjam vitæ  
imminebat, vix evasisset, nisi Lindam factò peregrî-  
nationis voto, confugisset, inde certum juxta ac su-  
bitum lethali jam vulnere auxilium. Ille verò jam  
probè sanus, Anno MDCXLIV. ad VI. Cal. April.  
Lindam venit, & voto solutus est.

II.

Mulier sædo & incurabili apostemate laborans,  
Lindam per somnum monita invisit,  
& sanatur.

Branscium sive Branskum civitas est, in ea Regni  
Poloniæ provincia, quam Podlachiam vocant, me-  
moranda



memoranda inter primas, quadraginta propè leucis à Linda Mariana sejuncta. Degebat inter cives Stephanus; cuius uxor pedem fædo apostemate habebat graviter affectum, cui sive curando, sive potius dolori utcunque leniendo, suasu consilioque amicorum, arboris tilia folia admovebat, nihil interim de vera Deipara Tilia, seu Linda Mariana, ab ullo mortalium edocta; cuius ne quidem nomen fando unquam audierat. Verùm illa Tilia folia, vulneri admota, tantùm abest, ut profuerint, ut etiam vulnus indies latius inde patefceret, & caro fædum in modum putresceret. Sollicita quocirca de tanto periculo mulieri, ac de remedio propè desperanti, spectandâ se per somnum offert Matrona gravis, formâ & vultu, quàm mortalium conditio ferat, plurimum augustiore; & tu verò, inquit, folia tilia ita vulneri appone, ut te potius ad ipsum Tilia templum conferas. Experfecta amicis somnium enarrat, & quod tandem, aut, ubi illud tilia sit templum, interrogat? Aderant nonnulli, qui sive sacram, sive, qualis quotannis melle instantesit, profanam in Prussia peregrinationem aliquando obierant, & de Linda Mariana (quæ Polonis sacra tilia vulgò dicitur) partim auditione, partim experienciâ ipsâ teste plurima didicerant, quæque didicissent, coram disertis verbis explicabant. Mulier ad eam narrationem, sacro quasi cestro permota, visendæ quàm primum Linda Mariana votum nuncupat; & uti monita in somnis erat, Tilia folia vulneri, majore quàm unquam fiduciâ applicat. Continuo vulnus per sese coire, & sanari; adeoque cicatrice obduci; ut paullo post, tam longum

Vulneribus & ulceribus curatio à B. V. Lindenſi adhibita. 311

gum iter, comitante ultro marito, non ſit verita ingredi ſanitate in horas augeſcente, & cum ad ipſum Lindæ ſacellum veniſſet, omnino perfectâ. Quæ omnia, quemadmodum retulimus, cum ipſa mulier, tum ejus maritus, ſanctè juxta ac conſtanter teſtati ſunt, eveniſſe Calendis Junii Anni MDCLL.

### III.

Fædum & incurabile ulcus, in peregrinatione  
ex voto Lindam ſuſcepta, apertum  
& curatum.

Sub eadem fere tempora, ex eadem Podlachiz ſeu Subſilvaniz provincia, adfuit Sophia Virgo Matthæi Armentowſki filia, & voto, quo ſe Divæ Lindenſi obſtrinxerat, ſoluta eſt. Ut ſe porro obſtringeret ac peregrinationem tam longinquam ſuſciperet, ulcus inſanabile adegit. Faciem illud, os inter & nares inſederat, & ad juſtū pruni, ut vocant, Hungarici, magnitudinem excreverat, non minorem ſpectantibus horrorem, quàm pudorem Virgini doloremq; incutiens. Medicorum aliquot induſtriam laboremq; omnē malū illud laſſaverat atq; eluſerat; à quibus medicamentorū plurimum, ſanitatis nihil afferri potuit; cum neq; corroſivis, ut vocant, rumpi neq; emollientibus ad profundendam ſaniæ aperiri poſſet; dolorq; adeo in momenta intenderetur. ut & aures & caput Virginis prorſum occuparet. Vnicū cæleſtis Reginz, ad cujus Lindā, ſuo aliorumq; conſilio, peregrinationē voverat, ſalutare fuit præſidium. Vix enim promiſſā aggreſſa erat peregrinationē, atq; iter ingreſſa,  
cum



cum ultro ruptum est ulcus, & sanie ubertim profusa, sensim curatum, quemadmodum præter ceteros, qui tum Lindæ aderant, spectavit, & quæ hîc recensuimus, coram audivit admodum R. D. Matthæus Behm Collegiæ Gurtstadiensis Ecclesiæ Canonicus & Decanus.

## IV.

Voto Lindensi Deiparæ facto, fistula pedis sanata.

Quod Lucillus Synicensis Ecclesiæ in Africa Episcopus, teste S. Augustino (a) consecutus est beneficium, dum gloriosi Protomartyris Stephani sacra gestaret Lipsana; idem consecuta est, nuncupato Lindam voto, Catharina Virgo, in Schoenwald, Allensteinensis Coloniz, Paræciæ quæ Klebergenensis pago, Ambrosii coloni filia. Illi fistula, ut ait S. Augustinus, *cujus molestiâ jam diu laboraverat, & familiarissimi medicini qui eam secaret, opperiebatur manus, illius pia sarcina uestitione repente sanata est*: huic itidem fistula, in suscepto de Lindensi peregrinatione voto est sanata; quæ sicut pedem totum quæ corpus non molestiâ duntaxat, verum & dolore ac periculo ingenti afficiebat, ita curari nullâ mortalium ope posse videbatur; quemadmodum Catharina tum admodum Reverendo Dom. Parocho, tum R. P. Rectori Resselienfi; qui rem hanc literis brevissimè consignavit, coram falsa est, 2. Julii 1652.

V.

(a) 22. civit. 8.

## V.

## Puer ab Hernia liberatus.

Anno MDCLIII. ad xv. Calend. Julias, annuam, pro more peregrinationem Martinus Krause expedivit. Pro more, inquam, ſuo; quia inde jam à puero, quotannis eam proſequitur, tum voto matris ſuæ, tum Deiparæ Virginis beneficio æternum obſtrictus. Biſteini is natus, & paulò poſt divæ Lindenſis à matre devotus erat. Devovendi cauſam matri, hernia parvuli filii dedit: niſi enim malo filii, initio ſtatim occuriſſet, actum de filii valetudine in omnem vitam erat. Quî autem, malo remedia humana omnia ſuperante occurreret? Ad eam ſibi ſcilicet recurrendum cenſuit, quæ ſupplicibus neque ſolet, neque fere poteſt quidquam negare. Divæ quapropter Lindenſi filium offert, & quoad vixerit, Lindenſe quotannis lacrarium ſponderi præſtaturum. Maternæ deprecationis finis, initium patræ filio ſalutis fuit. Ab eo tempore, Martinus nunquam eo morbo tentatus; nunquam ſervatrici ſuæ gratias agere, & Lindenſem peregrinationem frequentare deſtitit.

## CAPUT XXVIII.

Hydrops, aut pravus membrorum tumor per Deiparam Lindenſem curatus.

Vulneribus ulceribusque tumorem ſubnectimus, & tumori conjungimus Hydropem; quia cùm tumor vel in illa tandem erumpat, vel in hunc deſinat, utriſque agnatus quodammodo affinisque eſt.

Kk

I. Hy-



## I.

## Hydrops à fœmina depulsus.

Anno MDCCCXIX. ad VI. Id. Sept. mulier quædam Resselium venit; postridie, voti solvendi causâ, Lindam perreçtura, & ibidem sacro Eucharistiæ epulo reficienda. Voti causam agebat hydropem fuisse, quo diffusus toto corpore tumor, omnem manus pedesque movendi facultatem ademerat. Commovit ea membrorum quies mulierem, ut animo se erigeret, & præsidium humano melius cerriusque à diva Lindensi precaretur. Ea verò deprecatio supplicis, commovit etiam Dei Matrem; subito enim à nuncupato peregrinationis Lindensis voto, sanitati accedenti tumor & morbus omnis cessit. Ut porro etiam ab animo, si quid resideret morbi, cederet, sacrosanctis penitentis & eucharistiæ sacramentis, tanquam certissimis contra animi morbos antidotis, uti frui apud B. V. Lindensem destinavit.

## II.

## Hydropicus ope Deiparæ Lindenensis curatus.

Augustino Welck homini nomen erat, qui in Komeien Vormditenensis colonis pagus, agriculturæ operam, pro sua conditione, navabat. Navo cateroquin operario, ab hydrope ignavia se insinuavit, aut potius infudit. Quo enim de immani tumore accedebat corpori plus molis ac magnitudinis, eo plus decebat virium, ut neque exercendo operi, neque trahen-

trahendæ quoque animæ, ſatis eſſet idoneus. Sed brevi idoneum Deipara Lindenſis fecit; ad quam voto ſingulari cū ſe recepſſet, ab hydropiſi conſeſtim liberatus, Anno MDCXLII. ad IV. Non. Junias, ut ſuam Virgini, votum redderet, Lindam venit.

## III.

Puella trimula ab hydrope liberata.

Anno MDCCLI. ad IX. Calend. Jun. Catholica mulier, ex hæretica in Ducatu Pruſſiæ civitate Neideburgo, tridui, ut paulò antè memoravimus, itinere Lindā abjuncto, trimulam circiter filiolarum, voti unā ſecum ream, Deiparæ ſtitit. Ludibunda, pro illius ætatulæ innocentia, atque innoxia libertate, tum puella, curſu & ſaltu Deiparæ ſacellum pervolitabat, quæ paucas ante hebdomadas movere ſe loco non poterat. Dirus hydrops corpusculum totum ita occuparat, ut non modò in minoris vaſis, tonnullam vulgò appellant, molem excreverit, verum & totum, quemadmodum mater ajebat, transparere videretur. Conſumptis nequidquam variis tum ex apotheca, tum aliunde petitis medicamentis, ſolicita, & pro materna pietate, nimis anxia parens, quartā vel quintā majoris hebdomadæ feriā, depoſitam & ab omnibus jam deploratam filiolarum, Deiparæ Lindenſi devovet. Tantum voti à matre concepti, apud Matrem miſericordiæ pondus fuit, ut ipſo Dominicæ Reſurrectionis die, quod mater eſſam interpoſitā ſacramenti fide aſſeruit, ſana & proſum incolumis ſurrexerit.



## IV.

Alia itidem puella ab hydrope curata.

Sub idem circiter tempus, Walpurgis hortulani cujusdam è Mikohlen Seeburgensis municipii pago filiola, depulso per divam Lindensem hydrope sanata est. Duas minimum hebdomadas malum toto corpore diffusum tenuit; tenuissetque erjam prolixius, nisi parentum voto ad Divam interposito, confestim fuisset depulsum.

## V.

Nobilis vir discusso per B. V. hydrope sanatus.

Anno MDCLII. ipso Deiparæ Elisabetham revisentis die, multa inter hominum millia, quæ eo die quotannis confluere potissimum solent, aderat Linda generosus D. Adamus Zalusky, è Nedzwiedziensi Paræcia, in Masovia sita, tridui minimum itinere à Mariana Linda distante. Non ipsum modò, verùm & plures de domestica familia, minimè familiare malum hydrops invaserat; adeoque tum filiam tum uxorem jam extinxerat. Ne porò & ipse, quem ad vasis cerevisiarii (tonnam vulgò appellant) magnitudinem immanis humor distenderat, extingueretur, consanguinei cæteri que amici intercesserunt; voto scilicet ad divam Lindensem interposito. Ab eo enim voto revalescere mox æger cepit, brevi que ita convaleuit, ut & viæ se tam longæ dare non dubitaret; & ipse,

ipſe, quæ recenſuimus, præſentibus è magiſtratu ſpectabilibus viris, D. Paulo Radigk, & D. Trabant, ipſo quæ Collegii Reſſeliſſis Societatis Jeſu Rectore, ſecundùm Anathema Deiparæ oblatum, Lindæ præſens, ſanctè affirmârit.

## VI.

Puero tumor, collum periculôſè obſidens,  
depulſus.

Conſequentè inde MDCLIII. anno, puer duoden-  
nis, Chriſtophori Weerdich, è Sturmhubel Reſſeli-  
enſi pago, ſartoris filiulus, votum & gratias Deiparæ  
ſolvit. Noxiuſ collum tumor inſederat, ut propè ſuf-  
focaret. Quinque certè dies ita fauces obſtructæ e-  
rant, ut ne tantillum quidem cibi ſumere, aut trajice-  
re æger poſſet. Parentibus varia adhibentibus, & de  
aliis inſuper remediis anxie ſolicitis, ipſe puer, ut à  
diva Lindenſi remedium poſcatur, ſuggeſſit. Andie-  
runt parentes ritè monentem; nec minus ritè votum  
ejuſ nomine conceperunt: neq; minus ad extremum  
B. Virgo preces ac vota ſupplicum audit; quando-  
quidem continuò ſanitas priſtina puero rediit.

## VII.

Periculôſus itidem colli tumor curatus.

Anno MDCLIV. pridie Nonas Junii, me coram  
ſanctè profeſſus eſt Thomas Wichert, incola pagi  
Brunsbergienſis, vulgò Schalmay dicti, quodd uxor

K k ;

ipſius



ipsius Anna, magno omnium artuum cruciatu jam diu afflicta, nuperrimè verò et jam colli graviter intumescens, quin & in ulcera fædè exuberantis, vulneribus adacta, nusquam nisi apud Deiparam Lindensem, præsidii locum invenerit. Majo quocirca mente exeunte votum Lindam adeundi fecit, & continuò mali vis omnis remittere cæpit. Cæterum, cum ipsa præ virium languore, qui morbum gravem excepit, necdum auderet, aut fortasse marito vetante, non posset tam citò sese itineri committere, maritus interea, ne quid mora officeret, ejus loco iter suscepit, & votum persolvit.

## VIII.

Cervix propè fracta, per B. V. restituta.

Laurentius Wapp, è Wererkaim hæretico pago, vir catholicus, incertum, qua causâ, sub ipsas D. Jacobi ferias Anni MDCCLIII. non potuit, tumorem juxta ac dolorem colli vehementem, non experiri; quando cervix ita inclinata ac propè fracta erat, ut caput antrosum propenderet totum, nec attolli sursum, nec teneri sublatum, nisi admoto posset admiculo. Nervi insuper brachiorum ac scapularum, venæque ita sunt hebetatæ, ut neque progredi, neque brachia levare sursum, neque vestibus indui, nisi alienâ ope posset. Adhibitz varia inter remedia, et jam Altheæ & olei unctiones; nihil tamen profectum, nedum perfectum. Quocirca ad communem Deiparæ Lindensis Aram animi aciem vertit; voverque annuam, quoad vixerit, ad Lindense sacrarium pere-

peregrinationem. Etſi verò eventus voto necdum reſpondiſſet, ille tamen, ut promiſſis reſponderet, citra moram, quâ potuit, iter ingreſſus, ubi Lindam venit, ſcipſi ſoni utrâque manu innixus, non ſine periculo la- plus, ita debilis adhuc & imbecillis erat, Aram cir- cuit. Eodem momento ſuus venis nerviſque vigor, ac vires corpori rediêre; ſed & cervix erecta ac fir- mata, brachiaque ac lacerti ſunt consolidati, ut ma- nus ultro citroque attollere repente & operæ cui- cunque admoveſcere, citra moleſtiam, poſſet. Quod & tum, qui hominem nôrant, alii que, qui aderant, co- ram ſpectaverunt, & ipſe conſequente Anno MDCLIV. tum aliis tum ſuæ in primis conſcientiæ ar- bitro, lubens volensque enarravit.

## IX.

Tumor pedum, nullis aliis remediis, niſi Lindenſi peregrinationi, voto ſtabilitæ, cedit.

Hic verum fuit illud Poëtæ: *Virget præſentia Turni*. Helenæ Bartholomæi Bobowſky uxori pedes im- mani tumore ſuffuſi erant, ut lecto affixa nullam in partem movere eoſ poſſet. Tentata omnia, quæ ul- quam haberi poterant remedia, nihil proſectum. Quin & vota Lindam per alios non modò facta, ve- rum & abſoluta ſunt; ſed neque id proſuit: niſi fortè ad majorem ægrotæ ſpem atque fiduciam, erga De- um ac B. Virginem accendendam profuerit. Non enim toties quodammodo repulſam paſſa mulier ſpem abjecit; quin majore etjam fiduciâ, ſeiſam Lindam utque, ſi revaluiſſet, proſecturam, & ter ſacram Adem geniculatim obituram voveret.



Tum enim vero auditæ supplicantis preces, & depulso confestim omni tumore, pedibus sanitas, reliquo verò corpori vigor & vires redire; ut ad v. Calend. Junias Anni MDCLII. Lindam potuerit adire, & quæ ablens sponderat, opere coram exhibere.

## X.

Ulceribus & enormi periculosoque corporis tumore, per votum Lindam factum, liberatus.

Haud procul Graudento, quæ inter Prussiæ Regiæ civitates non postrema est, & quatuor minimum itinere dierum Lindâ abest, pagus est Bzowo indigenis dictus; in quo Matthias Zyrowsky, operâ triturandis frugibus addictâ, mercenarium agebat. Ipso natalis Deiparæ pervigilio, febri ex templo corripitur Anno MDCLII. postridie verò, ipso videlicet natali die, caput ulceribus scatere, ac mox corpus universum, ingravescente nimium morbo, vehementer caput intumescere. Omnis cum viribus ambulandi facultas recessit, ita ut solidas propè duodetriginta hebdomadas, dolore juxta ac tumore mirum in modum distentus, ad fornacem decumbere cogeretur. Et jam altera Februarii anni sequentis dies, Deiparæ in Templo purificatæ sacra illuxerat; cum æger, qui interea de B. Virginis Lindensis beneficentia, non pauca didicerat, consilium apud se, de voto Lindam faciendo, dies noctesque agitare, & subsidium maximâ fiduciâ implorare à diva, cujus neque nomen antè unquam audierat. Commodum eâ ipsâ die sacerdos, in ejus pagi Templo, sacris operaturus advent-

rat;

rat; de quo poſtquam æger cognovit, enixè à patre-  
familias & alio quodam amico flagitat, ut ſe, qui pe-  
dibus inniti ſuis non poſſet, ad Templum, quâcun-  
que tandem ratione, deducant, aut potius deportent.  
Deportatus eſt, & jam in Templo poſitus, tantùm  
abeſt, ut genibus niti potuerit, ut ægerrimè ſtans, aut  
ſatius baculo innixus hærens, primùm quidem pæni-  
tentiz per exomologefin, deinde verò ſacraſſimum  
Euchariftiz ſacramentum uſurpâr; nil magis, quàm  
adeundæ primo quoque tempore Lindæ votum ani-  
mo verſans. Crederetur, qui animo jam Lindæ  
præſens erat, corpore quoque fuiſſe: ita ſubitò tumor  
& cum tumore pertinax ac diuturnus morbus ſubſi-  
dit, ut, qui alienis manibus ad Templum erat depor-  
tatus, pedibus ſuis, & quidem nullius, ac ne ſcipionis  
quidem adminiculo ſultus, domum remearet. Atque  
hæc ipſemet diſertè juxta ac ſanctè apud Lindam af-  
ſeruit, VIII. Idus Martii, Anni MDCLV. hæc etjam  
præſentes, Conſul & conſularis quidam Reſſeliſis,  
præter P. Petrum Althoff Societatis Jeſu manibus  
ſuis hunc in modum ſignârunt:

*Ita eſſe teſtor, Simon Hagnau Proconſul Reſſeliſis.*

*Ita eſt, Simon Flaxbinder manu propriâ.*

## XI.

Ulceribus periculôſè obſita mulier ſanata.

Wyſztynieć oppidum eſt in Lituania, ad ipſos  
Pruffiæ fines juxta Olitam ſitum, viginti minimùm  
leucis ſemotum Lindâ: ex quo nihilominus Anna Mi-  
lewska III. Cal. Jun. Anni MDCLIV, Lindam uſque



peregrinationem voto firmatam absolvit pedes. Per dimidium anni, ulceribus cum reliquum corpus, tum alterum maximè pedem ita erat obsita, ut perpetuò decumberet, & omnes de pede illo actum censerent. Tamen ubi & plerique amicorum, & ipsa quoque adeundæ Lindæ votum nuncupârunt, extemplo, quæ per octo septimanas cibi nihil sumere potuit, cibo refecta, pedi jam per sanato commodè inniti, ac progredi quaquaversum potuit, ut paulò post etiam Lindæ iter perficeret.

## XII.

**Hæreticus, ab hydrope simul & hæresi, ex voto convaluit.**

Nobilis est Rogalliorum in Masovia stirps, è qua nonnemo famulum è Ducatu Prussiæ, sibi magis quàm Deo Ecclesiæque fidum habuit; quippe hæresi à puero innutritum. Ad tantam animi luem, altera corpori ab hydrope accessit; sed utraque Deiparæ Lindenensis ope recessit. Postquam enim herus illum divæ Lindenensis devovit, hydrops continuò defluxit, postquam verò ipse Dominus Rogalla famulum Lindæ stitit, etiam hæresi solutus est ad XVI. Cal. Novemb. MDCXLI II.

## CAPUT XXIX.

Varie febres per B. V. Lindensem depulsa.

**N**ullum à condito orbe fuit seculum, quo verum non fuerit illud Poëtæ (a)

*Post*

(a) *Horat. lib. I. oda 3.*

Febres periculosa auxilio B.V.Lindenſis depulſæ.

528

*Post ignem ætheriâ domo  
Subductum, macies, & nova febrium  
Terrâ incubuit cohors.*

Planè cohors febrium incumbit generi humano, ut enim morbi alii intra unius quasi stirpis angustias se continent; ita febres, totas armant in nos cohortes. Hinc Amphimerinæ aliæ, aliæ tertianæ, quartanæ, ardentes, & quæ generis ejus sunt. Omnes in perniciem nostram, ita armatæ, ut interdum sigillatim, interdum conjunctis quasi viribus grassentur. Hinc tertianæ duplices, duplices item quartanæ, & id genus. Nihilominus etjam contra hasce cohortes, victrix apud Lindam suam Deipara triumphat. Accipe nonnulla de plurimis exempla.

I.

Vir in Lituania, genere & dignitate illustri, voto Lindam nuncupato, curatum se à febre proficitur.

Thomas Karniewsky is erat, nobili in Masovia genere natus, in Karniewo, Malechy, &c. Dominus ac heres: dignitate verò non modò in Aula, summi Magni Ducatus Lituaniæ Marsalci, verùm & in Republica haud postremus; quippe V Vasilkovienſis, ut vocant, *Tenutarius*, & Surasienſis *Propræfæctus*. Tantam in viro generis honorumque excellentiam, insignis erga Deum pietas eximie ornabat: quam ille cum aliàs sæpe, tum etjam præclarè testatus est, quando ad Templum Societati Jesu Pultovix à fundamentis erigendum, ejusdemque ac Collegii facta

testa



recta conservanda, paulò antè memoratum prædium Malechi, perpetuo jure, Deo & Societati addixit: ut mirum videri minimè debeat, si Deus eam in liberalitatem, majore in eum per Divam Lindensem redonârit. Qua de re præstat ipsum, in suo chirographo, quod extat, audire hunc in modum differentem:

*Thomas Karnievsky Tenutarius VVasilkoviensis, Vicecapitaneus Surasiensis, testor hoc chirographo meo, quòd me ex febris graviter decumbentem, Illustrissima Domina Dom. Alexandra de Sobiesz in VViesiolovska, magna magni Ducatus Litvania Marsalca, Tykocinensis, Surasiensis, Klescielensis, &c. Capitanea, Domina & Benefactrix mea clementissima, Lindam ad sacellum B. Virginie votendo obtulerit; ex quo supremum Numen confestim me, per interventionem beatissima Virginis, uti planè confido, pristina sanitati restituit. In quorum fidem hæc, in eodem sacro Linda loco, scripsi & subscripsi 4. Octob. 1642.*

*Thomas Karnievsky manu propria.*

## II.

Periculosa aliquot hebdomadum febris depulsa.

Varium & fallax malum est febris; sæpe lento quasi serpit gradu, interdum verò malignè in ipsam involat vitam. Non est prædictum, quo tandem pacto fuerit aggressa Matthæum Sebastiani, Allensteino oriundum, sed in familiam perillustre & admodum R. D. Alberti Rudnitzky Præpositi Varmiensis, Gnesnensis, Vniejoviensis, &c. Canonici adscitum: prodictum est tamen, tribus minimùm hebdomadis illâ febr-

febrili jaſtatione exagitatum, concepto ad B. V. Lindenſem peregrinandi voto, conſeſtim ex illa jaſtatione ereptum, & ſub eadem fere tempora Lindæ voto ſolutum fuiſſe.

## III.

Variâ febrî exhaustus adoleſcentulus, Lindæ curatus.

Filius is erat Domini Simonis Tauſch Wormdiſenſis, & Brunsbergæ literis operam dabat. Tertianæ primùm febris in eum fecit impetum, quæ ſubito in quotidianam degeneravit; ita ut, cùm nonnihil, ſive medicamentis, ſive aliis remediis fracta remiſiſſet, multò quàm ante ſæviùs recruderet. Spe propè omni decollante ſanitatîs, ad divam Lindenſem, tanquam certam ſpei Anchoram, confugit, & iter Lindam ingreſſus, cùm etjam pedes nonnihil, magnâ contentione eſſet emenſus, ubi Lindæ propior eſt factus, febris exemplo refugit, pridie Calend. Junias MDCLI. Anni.

## IV.

Virgo à diuturna febrî liberata.

Sub eadem circiter tempora (neque enim proditum eſt, quo Anni MDCLI menſe, aut die) ſupplex di-væ Lindenſi gratias egit, Barbara Antonii Zimmermann civis Gutſtadienſis filia. Ab ipſo fere Autumni initio, ad ſequentis anni ver planè aduſtum, variis æſtuabat febrîbus: primùm enim tertianâ, tandem & quar-



quartanâ, malo utique admodum pertinaci, & sum-  
morum etjam medicorum consilia operasq; eluden-  
te, laborârat. Neque minus varia, adhibita sunt à va-  
riis remedia; sed febris idem cursus eademq; vis fuit;  
quoad tandem voto Lindam concepto, remedium à  
Deipara flagitatum est. Ab eo enim tempore ita re-  
valuit, ut nullum deinceps morbi vestigium fuerit  
residuum.

## V.

Plurimæ febres, aut similes febribus morbi,  
abacti.

Neque omnes, etjam eorum, qui Lindam curati  
accedunt, morbi disertè exprimi, neque consignari  
literis, neque ad extremum, jam consignari, sciri aut  
in scripto haberi potuerunt; ob causas alio loco (a) à  
nobis memoratas. Ex iis, qui consignati sunt, paucula  
vel unius duntaxat MDCLIV. anni afferam exem-  
pla, ut de cæterorum sive numero, sive qualitate, æsti-  
mari queat. Kalcksteino ex pago, districtus Vormditensis,  
Mater pro filio, ope divæ Virginis Lindensis sanato, votum  
persolvit die decimâ Maji. Eodem mense, ut idem  
Commentariolus memorat, Simon Mocztorvsky, ex  
districtu Brunsbergenfi ager, voto facto ad sacram Tiliam  
convaleuit. Similiter mense Junio: Tertia Junii Meelsac-  
censis civis, cum duobus liberis antea agria, beatissima Vir-  
gini supplex, gratias egit pro sanitate filiorum recuperata.  
Item ex pago Ducali VVillemberg due matrona hæretica,  
votum beatissimæ Virginis persolverunt, ob recuperatam il-  
lius ope valetudinem. Quinta die Junii: Ex VVuslacenfi

pago

(a) lib. 4. cap. 1.

pago Hedvvigis hortulana, tribus septimanis agra, voto facto Lindam invivendi, convaleuit; pedes votum persolvit. Item Dominus Lettau Aurifaber Gutstadiensis, gratus D. Virgini pro recuperata incolumitate, obtulit velum, pro calice tegendo. Sextâ Junii: Dominus Ioannes Kalau civis Heilsbergensis, pro sanitate ope D. Virginis impetrata, munusculum D. Matri Lindensi obtulit. Decimâ: Virgo quædam, Barbara Brunsbergensis, venit Lindam gratias actura diæ Virg. pro curatione morbi. Duodecimâ: Colona quædam Lauterensis gratias egit pro capite ab inflammatione liberato. Vigestimâ primâ: Piscatores Pasterienses, pro liberis suis ope diæ Virg. curatis, vota exolverunt. Vigestimâ secundâ: Quidam Brunsbergensis senecio, gratias egit pro sanitate restituta. Vigestimâ octavâ: Dux matrona ducales, à septem milliaribus, voto diæ Virgini exolverunt, pro liberis & pecoribus facta. Atque hæc intra unius mensis cancellos; quàm multa, imò quàm propè innumera, quàm denique varia essent, non modò quæ notata fuissent, nisi per oblivionem vel alia de causa excidissent; sed etjam, quæ ex jam notatis, per singulos annos, & menses, & dies excerptenda essent?

## VI.

Anathemata quædam ac monumenta, febrium aliorumque similium morborum, per B. V. depulforum.

Et si, uti diximus, etjam ex iis, quæ in commentariolos de febribus, aliisq; id genus morbis relata sunt, recenseri nō possint, quædam tamen monumenta, ut de plurimis aliis judiciū inde fiat, præteriri nō debent.

Inter



Inter Tabellas votivas, ex argento factas, propè centum sunt, & quædam ex iis admodum insignes, quæ vel nullam omnino, vel nonnisi communem aliquam, citra ullius morbi memoriam, habent epigraphen. Ex iis verò, quæ paulò exactius rem memorant, aliquot, sunt, quæ depullarum sunt monumenta febrium. Earum una hoc Epigramma habet:

*Hoc insigne Bernardus Pilgrim Meelfacensis, assiduè febre vexatus, ac tandem eadem destitutus, in festo Assumptionis, B.V.M. in honorem D.O.M. & augustissimæ Dei Genitricis Mariæ, sibi suisq; in animæ salutem, ex voto posuit, Anno 1644. Altera verò: Ego Dorothea Elertsche, nata Ludvvigina à Dehmüt, liberata à quotidiana febre, per intercessionem beatissimæ Virginis Mariæ 1646. Ex iis verò, quæ morbos in genere duntaxat memorant depullos, una epigraphen hanc præfert: Votum beatæ Virginis Mariæ Lindensi factum in morbo à Domino Samuele VVoysky, Anno Domini 1640. Altera verò hanc: Nicolaus Skarszevsky Canonicus Cracoviensis, ope Virginis beatæ Lindensis, levatus morbo periculoso, voti reus F.F. 1642. Tertia: Ioannes Rudzky, hoc monumentum restituit sibi sanitatis, grati animi ergo, Virginis Matri posuit. Potuisset idem similem epigraphen addere gemino candelabro & gemino itidem emunctorio, B.V. Lindensi, & argento dedicato; sed id humilitas, quæ inter maximas viri istius virtutes singularis erat, non permisit. Quarta: Deo, divæq; Matri, calorū Regina augustissima, ob recuperatam Anno 1647. valetudinem, in grati animi testificationem offert dedicatq; Albertus Rudnitzky Præpositus Varmiensis.*

C A P V T XXX.

Lipothymia, curæ, angores, & cruciatus animi, per B.  
V. Lindenſem absterſi.

**F**Ebribus Lipothymias, hoc eſt curas edaces animi,  
cruciatusque ſubjungamus; quia non minus ac  
febres, etjam corporis vigorem viresque depaſcun-  
tur. Cujus rei indicio poteſt eſſe ipſe ſitus, qui in  
corpus ab animo exundat; ita ut pleroſque, intra ho-  
rarum aliquot, aut noctis unius intervallum, non  
modò ſitu & ſqualore, ſed & canis ſubitò adſperſos  
fuiſſe, memoriæ ſit proditum. Quem animi ſqualo-  
rem, adeoque & ſitum corporis, piſſima apud Lin-  
dam Mater etjam abstergit. Vnde neceſſe eſt, ut hic  
cum Eccleſia Græca ( a ) illam invocemus: *Mede-  
recordiæ mei vulneribus, ô Puella; & motus anima mea, ô  
Virgo ad divinam voluntatem dirige. Tentationes demitiga,  
& fluctus miſeranda anima mea compone; cor denique meum  
in anguſtiis poſitum ſolatio refice.*

I.

B. Virgo, Exhilaratricis nomen, ven-  
dicare ſibi apud ſuam Lindam  
poteſt.

Eſt in Picardia Regni Galliæ Provincia, prodigiis

L1

cl2-

(a) In Menſis 2. Ianuar. Ode 4. apud VVagnereck.  
νιμ. 11. Ἰαſαί μὲ τὰ τραύματα, κόρη, τῆς καρδίας, καὶ  
κατευδάσῃς τὴν ψυχῆς μὲ τὰ κινήματα, εἰς θεῶν παρθένη,  
τὰ θλήματα, τὰς πειρασμὸς καταπράϊνον, τὰ κύματα  
κόιμησης τῆς ἀθλίας μὲ ψυχῆς, καὶ ἐν θλίψει ὑπάρχουσιν  
τῶν καρδιῶν μὲ παρακάλεσον.



clarissima Dei Matris Imago, quam *Exhilaratricem*, seu *Dominam nostram Gaudiorum*, vulgò appellant; ex eo, quòd non modò germanos tres fratres, illustri apud Gallos genere natos, & inter Rhodios S. Ioannis Equites, virtute militariq; laude illustrissimos, apud Soltanum Ægypti, sædo ac diuturno in carcere detentos, adventu splendoreque suo sub annum MCCCXI. mirè exhalararit, sed consequentibus deinceps annis, omnes ad se recurrentes, perfundat gaudio. Cū enim tres illi religiosissimi Christi milites (uti Iacobus Bosius apud Fridericum Fornerū (a) in palmatriumphali fusiùs perceriet) neq; suppliciis, neq; Ismeriæ Soltani filia Blanditiis vinci, vel a Christo avelli ad Mahometem possent, quin imò, cū Ismeriā ipsam, quæ illos etiam ad impuras carnis illecebras, iussu patris pellicere satagebat, ad Christi fideiq; Christianæ, & magnæ in primis Dei Matris intaminatæq; Virg. amorem oratione suâ accendissent, non potuit Ismeria Deiparæ Virginis, vel in sua Imagine videndæ, non maximo flagrare desiderio. Et ecce omnibus de Imagine sollicitis, cælitus Imago Deiparæ ad carcerem miro cum splendore, maximaque militum lætitiâ ac supervenientis deinde Ismeriæ hilaritate, delata est! qua Regia Virgo ad Christi fidem magis inflammata, & cum iisdem fratribus, assumptâ secum Deiparæ Imagine, fugâ capellens, ex Ægypto in Galliam usq; haud dubio Angelorum ministerio, unâ cum Imagine, religiosisq; militibus propè momento, in somnis translata est. Ibi non modo ab Ismeria, quæ apud militum illorum matrem piissi-

(a) Lib. 5. cap. 22.

piſſimam exegit vitam, verùm & ab univerſo populo, in condita ipſi Æde plurimum coli capit, hodieq; colitur, recepto ubiq; Exhilaratricis nomine. Quidni verò idem ſibi exhilaratricis nomen Diva Lindenſis vendicet, quæ rem ipſam, à tot jam ſeculis, poſſidet? Nescio an ex iis, qui Lindam plurimi frequentiffimique prope indies confluunt, ullo ſe alio loco magis exhilaratum quispian ſenterit. Quid, quod pleroſque in ſitu ac ſqualore animi longè alibi poſitos, ubi ad Divam Lindenſem ejuſque præſidium, animi aciem ſlectunt, exhilarari, & animis ſerenari, exempla docent? Paucula de multis audi.

## II.

Vir nobilis, unà cum conjuge, fatentur ſe maximis animi anguſtiis per B. V. ereptos.

Memorat id Commentariolus ad xvi. Cal. Obſobres, verùm præſtat, poſitum apud Lindam rei monumentum intueri, & ex eo de omnibus edoceri. Tabula argentea eſt, cui ſequens epigramma eſt inſculptum:

D. O. M. & B. V. M. Regina Angelorum, conſolatrique aſſiſtorum, Ioannes à Boianczyce Boianecki, & Vrſula à Queſſen conjuges, in ſummis anguſtiis conſtituti, accepti beneficii memores, votivam hanc tabellam dicant, Anno 1641. die 1. Martii.

Qui igitur hunc in modum ab illis animo offuſis tenebris, per B. V. Lindenſem ſe levatos ſenſerunt, non poterant deinceps in offuſa oculis



oculis filioli sui caligine, non maximam collocare  
B. Virgine spem atque fiduciam, ac pro spe fiduciam  
sua votorum compotes fieri, uti alio jam loco à  
bis memoratum. (a)

## III.

Cracoviensis quidam, ob depulsam ab animo dolo-  
rum acerbiter, Deiparæ apud Lindam  
gratias agit.

Habet hoc præ cæteris arboribus Tilia, quod  
cùm melleo abundet rore, opibus etiam longissimis  
advolentibus, gratissimum præbeat pabulum, juxta  
achospitium. Gaudium, & tranquillitas animi, quod  
in hac valle, ut ajunt, lacrymarum, haberi potest, non  
rum animarum mel, aut melleus potius ros est: hic  
nim (quod melleæ author eloquentiæ (b) scribit)  
tantummodò rorat, pleno alveo, à fonte illo Deitatis  
ipsa beatitatis patria decurrit. Hoc rore melleo, Ti-  
Mariana carere non debuit; quæ, vel ob unicam  
crocinii Mariani umbram, tot populis ac gentibus  
instar apum per densa supplicantium agmina, quod  
per apum examina identidem confluentibus grati-  
ssimum præbet hospitium. Quos inter, apis instar  
volavit, qui longissimo septuaginta omnino leucor-  
um spatio, Cracoviâ usque Lindam advenit;  
quemadmodum commentariolus ad Anni MDCLX  
decimam septimam Julii diem memorat, è lucum  
angustis liberatus cùm esset, Deiparæ Lindenli gratias  
egit.

(a) lib. 4. cap. 9. §. 9. (b) Ioan. Rhovar. hyst.  
lib. I. cap. 9.

## IV.

Decem nobiles matronæ, ex ipsa usque Vkraina peregrinæ B. Virgini Lindenſi, quæ ſe eſt periculis animi quæ ſummis anguſtiis eripuit, gratias agunt.

Quartus in decurſu annus eſt, cum pax Polonos inter ac Tartaros iſta fuit eâ conditione, ut redituris Poloniæ Scythiſ viaticum eſt Poloniæ provinciis ſuſcipere, & prædaſ in futurum com meatum liceret agere. Agebant more ſuo Tartari; & alias quidem citiores Provincias rapinis, alias verò omnes timore & periculis repleverunt; ut nemo, præſertim cis & trans Leopolim, ſecurus à prædonibus, timoris verò & angoris plena eſſent omnia. In iis animorum anguſtiis, decem nobiles matronæ, amiſſis pleraque bello ac terrarum vaſtatione maritis, variè palantes, alicubi ſimul coactæ, cum in Vkraina quoque longè ac latè beneficia Deiparæ Lindenſis perſonarent, eò ſibi recurrendum cenſuerunt. De communi proinde conſilio Deiparæ Lindenſis votum nuncupant, ſi ex eâ belli prædonumque tempeſtate, ſalvæ atque incolomes evaſiſſent, Lindæ ſe Deo ac Deiparæ gratas coram futuras. Evaſerunt; & proinde, quemadmodum voverant, ſumpto pauperum ac mendicorum habitu, quin & mendicato per totum iter victu, pedibus iter aggreſſæ, pedibus itidem confecerunt; & leucas plus centum ita emenſæ, tandem pro ipſo B. V. Eliſabetham Viſitantis feſto Anno MDCLIV, Lindæ præſentes, magno cum animi gaudio gratias



egerunt. Vix erat, qui eas ita mendicabulorum mor-  
ornatas, quæ & unde essent, agnosceret: ignotum  
ad hanc diem esset Deiparæ beneficium, nisi earum  
quædam ob filiolum morbo impeditum, cæteris do-  
mum remeantibus, in Prussia hæere coacta, & se-  
quente postmodum anno, Lindam iterum iterum  
revisens indicium fecisset.

## V.

Quidam anathematis & votivis tabellis, depulso  
ab animo per B. V. squalores mætorum-  
quæ nubes professi.

Ad cæteras votivas ex argento tabellas, Anno  
MDCL. accessit, quædam; ex qua facile intelligas  
nonnisi in summo animi squalore, atq; angustis pro-  
missam, ac deinceps, iis ope Deiparæ Lindenensis felici-  
ter abactis, dicatam esse. Sic enim symbola, & lem-  
mata symbolis adjecta habent. In medio effigies est  
B. Virginis, cui supernè inscriptum: *Ecce Mater tu*  
Ad dextram spectatur Cor gladio confixum, cum  
adjecta epigraphe: *Non ignara mali, miseris succurrere*  
*disco.* Ad sinistram, Gallina pullos sub alas congre-  
gans, cum lemmate: *Ita ego consolabor vos.* Is. 66.  
Deniq; infra effigiæ Deiparæ adjectum: *Maria Mater*  
*Iesu, Consolatrix afflictorum, ora pro nobis.* Catbarina V.  
gnerin 1650. Similis propè est tabella alia, in qua Cor  
septem gladiis confixum cum rythmo Germanico in  
hunc sensum: *Ad te, ô Mater dolorum, est ex corde refugium*  
*meum* (a) Gertrudis Schænhoffen. 1647. Paucioribus  
neque

(a) Zu dir, O Mutter der Schmerzen/  
Seher mein Zuflucht von Herzen.

neque tamen minus apertis explicatisque ver-  
bis idipsum argentea iridem tabella alia loqui-  
tur. Cordis in ea sculpta est figura: & circum adjectæ  
literæ Z. S. M. E. At verò à tergo tabellæ atramen-  
to inscriptum. *Sophia Z. à cordis dolore, patrocinio*  
*B. V. Lindenensis liberata, hanc tabellam Linda offert.*  
Fortasse idipsum profitecur alia, in qua cordis ima-  
go, & lemma adjectum. *Sancta Maria, ora pro nobis.*  
At verò à tergo insculptæ literæ M. A. A. P. VV. Anno  
1653. quæ indicant tabellam, ab admodum R. D. Mi-  
chæle Ascaniovsky Archipresbytero Parocho Vormdi-  
tensi esse dicatam: à quo quidem insuper eidem Lin-  
denfi Deiparæ dicata est tum lampas argentea plus  
centum florenis comparata, tum tabella iridem ar-  
gentea in genæ humanæ figuram efformata, tum de-  
nique alia, cui inscripta B. V. imago & pedibus e-  
jus subscriptum M. A. C. VV. Anno 1646. Denique  
hoc et jam indicare tres aliæ tabellæ videntur, qua-  
rum alteri adpictus Christus in medio cordis quie-  
scens, cum epigraphæ: *Deus cordis mei, & pars mea*  
*Deum in æternum. Urbanus Bucholtz*: alteri verò in-  
scriptum rythmo Germanico (a) ad illius Latini sen-  
sum: *Dum fortuna favet, caveto tolli: Dum fortuna to-*  
*nat, caveto mergi. Tertiæ verò itidem inscriptum: Sa-*  
*lus infirmorum, Refugium peccatorum, Consolatrix affli-*  
*ctorum. Catharina Georgii Eisenbleters uxor Anno*  
*1652. die 8. Junii F. I.*

Ll 4

CA.

(a) Clemens Schwarz/seine Hausfrau Christina.  
Im Glück erhebe dich nicht/ in Unglück verzage nie.  
Gott ist der Man/ der alles wenden kan.



## CAPVT XXXI.

A variis Elementorum, præsertim verò aquæ tempestatibus, subsidio B. V. Lindensis erepti.

**N**E hominum duntaxat, aut terræ solius Reginam crederemus **MARIAM**, imperium, quod in mundum, omniaque mundi elementa divinitus sibi concessum exercet, satis indicio nobis est. Quod quidem imperium, quàm illa apud Lindam quoque administret, exempla, quæ jam adferemus, sumptro à mari & aquis initio, docebunt.

## I.

**B. Virgo MARIA**, etjam apud suam Lindam Marianam est vera Maris stella.

**S. Bonaventura**, in eo, quod de **B. Virgine** expolivit, speculo, Legitur, & verum est, inquit, quòd nautarum mos est, ut, cum in aliquam terram navigare disponunt, unum sidus eligant, cujus signo, luce radiante, in eam, quam desiderant, partem possint sine errore adduci. Tale certè officium est stella nostra, **MARIAE**, qua navigantes per mare mundi in navi innocentia, vel penitentia, dirigit ad littus caelestis patriæ. Hinc melli fluus **Deiparæ** **Pa negyristes Bernardus**, ipsa est, inquit (a) præclara & eximia stella, super hoc Mare magnum & spaciosum necessario sublevata, micans meritis, illustrans exemplis. Si insurgunt venti tentationum, si incurras scopulos tribulationum, si jactaris superbie undis, si ambitionis, si distractionis, si emulationis, respice stellam, voca **MARIAM**: si iracundia,

(a) hom. 2. super Missus.

dia, aut avaritia, aut carnis illecebra, naviculam conculserit metu, respice ad **MARIAM**: non recedat ab ore, non recedat à corde. Hinc denique, ut alios mittamus, & S. Amedæus, Duci, inquit (a) non potest, quoties his asperimus scopulis naufragaturi offenderent, illi in Syrtes peſſimas non reversuri inciderent, hos Scyllæ vorago biatu horribili mergeret, illos Sirenarum cantus in exitum dulce retinerent; nisi stella maris perpetua Virgo **MARIA**, ope validissimâ obstinisset; suosque jam fractogubernaculo, & rate conquassatâ, omni humano consilio destitutos, caelesti ducatu ad portum æterna pacis applicandos eveheret. Verùm hæc, inquires, mystica sunt. Ita quidem; sunt mystica, sed quæ magnæ Dei Matris supra naturam universi hujus imperium non tam minuunt, quam exaggerent. Si enim mentis humanæ fluctus, qui profectò immaniores, quàm in ipso Oceano, sunt, componere ac domare potest, quid ni fluminis, quid ni etjam cujuscunque pelagi tempestates composuerit, atque perdomuerit? Quod cum alibi, tum apud suam Lindam, quo pacto, vera maris stella, Virgo Deipara faciat, pauca de multis jam docebunt exempla.

## II.

Illustrissimus Episcopus Varmiensis, sævissimâ in Balthico tempestate triduum jactatus, factò ad **B. V. Lindenſem** voto, à præſente naufragio, cum aliis omnibus servatus.

Inter votivas apud Lindam Marianam tabellas,

Ll s

præ

(a) hom. 8. de laud. Virg.



præ omnibus in oculos magis incurrit, quæ cæteris omnibus major est: cubitum enim propè integrum longa est, paulò minùs lata. Nullum prorsus habet inscriptum verbum; exaratis tamen symbolis, rem prudentibus utcumque eloquitur. Principiò enim stemma, dextram partem versùs insculptum, tabulam ab Illustrissimo & Reverendissimo Domino Venceslao comite de Lesno, Episcopo Varmienfi S. R. I. Principe, dicatam testatur. Deinde navis immanibus aquarum, non tam fluctibus, quàm verticibus propemodum hausta, præsentissimum naufragii periculum enuntiat. Denique B. Virginis, puerum Iesum sinu manibusquæ gestantis, effigies, intra nubes supernè eminens, non minus præsens Deiparæ in eo naufragio præsidium indicat. Res in hunc modum gesta. Anno seculi hujus supra quadragesimum quinto, fortunatissimus Poloniæ Rex Vladislaus IV. pro deducenda è Galliis Regina, serenissima Ludovica Maria, legatos, & in his legationis Principem Illustrissimum Episcopum Varmiensem, expeditivit. Ad XVI. Calendas Septembres, Balthico in Belgium deportandos. Gedani cum præcipuis è familia (nam equi tercentum, cum suppellectile ac familiâ reliqua, aliis vehébantur onerariis) navem conscendit. Progressis nonnihil è portu navibus, ea incubuit maris tempestas, qualem Princeps Poëtarum jam olim depinxit (a) Nam & venti.

Incipit.

(a) Virg. I. Æneid.

*Incubuerè mari, totumque à sedibus imis  
Vnà Eurūque Notūque ruunt, creberque procellis  
Africis & vastos volvunt ad litora fluctus.*

Qui aliàs non rarò navigàrant, & maris pericu-  
la tempestatesque haud semel experti fuerant, nun-  
quam se paria expertos fatebantur. Cùm igitur cæ-  
teris navibus aliò divulsis & fæde jactatis, præci-  
pua illa non tam fluctibus quàm fulminibus quasi  
videretur, &c, ut ejusdem Poëtæ verbis utar, omni-  
bus *præsentem intentarent omnia mortem*, adeoque  
Medicorum nonnemo, periculorum istiusmodi  
haud ignarus, corporis animique viribus, labanti-  
bus mortuo propior, intra carinam jaceret, ut re-  
vocari ad se atque erigi ægerimè posset; ne navar-  
cho quidem satis aut animi aut fiduciæ erat: quippe  
palàm edicenti, ni tempestas remiserit, quatuor  
intra ac viginti horas pereundum omnibus esse. At  
tempestas triduum integrum, sine requiete ulla,  
tenuit, sumpto à sabbathi die initio: qui quidem  
dies, Deiparæ per omnes Ecclesiæ Catholicæ fines,  
præ cæteris sacer, facilè omnes in eo periculo ver-  
santes, Patrocinii ejusdem Deiparæ, tanquam sacræ  
Anchoræ, potuit admonere. Illustrissimo certè E-  
piscopo sicut animus extra pericula, ita pietas erga  
Deiparam sua constitit. Tamen si enim in eo pericu-  
li, quin & mortis præsentis articulo per sacrum  
pœnitentiæ Sacramentum sese armaverat; nunquam  
tamen de summâ in patrocinio Deiparæ fiduciâ vel  
tantillum remisit. Quin ad eò in eâ sacræ Anchoræ  
spei, stellæq; maris, etjam apud Marianâ ipsius Lindæ,  
clarissi-



clarissimè effulgente, defixerat oculos, ut concepto mox voto, singulari se illi pietate obstrinxerit. Eo voto edito, & quasi anchorâ, non jam in salo solové, sed in calo constantissimè fixâ, non animo tantum verum & corpori serenitas rediit; navisque toto Baltico variè gravissimequè jactata, ac propè fatiscens, haud procul Lubeca, ad Insulam Bornholm dictam, salvos & incolumes exposuit universos. Quocirca Illustrissimus Antistes, ubi confecto in Galliis feliciter negotio, domum se recepit, nihil antiquius habuit, quam ut se voti reum testaretur; & non modò suspenso illo ad Lindam anathemate, verum & frequenti ad eandem Lindam peregrinatione, dignas tanto beneficio ageret gratias.

## III.

Civis Traumburgensis, maximo naufragii periculo ereptus.

Anno MDCLII. ad XII. Cal. sextiles, voto, quo Deiparæ Lindenſi obſtrictus tenebatur, absolvit se Andreas Herbst civis Traumburgensis. Sinus Baltici maris est, cui Traumburgum oppidum inter cætera adjacet (Habum vulgò appellatum) quì Traumburgensibus tum piscandi, tum Elbingam, Gedanum, Regiomontum ultro citroque navigandi occasionem facultatemquè præbet egregiam. Eâdem usus, quem nominavimus, Andreas Herbst, Regiomontum lembo vectus erat; &, confecto feliciter negotio, reditum maturabat. Sed reditus non perinde felix illi fuit, ac nisi Diva Lindenſis in partem felicitatis vocata adfuisset, propè nullus. Re-

verten-

A naufragiis vel tempestatibus per B. V. Lindensem erepti. 541  
vertentem enim principio ventus adversus, deinde  
etiam coorta vehemens procella, non tam excepit,  
quam cum navi propè obruit: obruissetque haud  
dubiè, nisi invocata, ut diximus Virgo Linden-  
perituro adfuisset. Posteaquam illi ceræ supra pon-  
do semissem vovit, ilico & tempestas, & venti po-  
fuère: naviculaque prosperè Traumburgum appul-  
sa vectores suos incolumes reddidit.

### C A P V T XXXII.

Ab igne & incendiis per B. V. Lindensem servati.

**A**B Elemento aquæ, ad ignem gradum facimus,  
& quasi ab imo sursum ferimur, non minùs in i-  
gne, quàm in aqua reperturi, tum periculi ac per-  
niciiei in mortales, tum patrocipii Deiparæ Linden-  
sis in eosdem.

#### I.

Libertinus Meelsaccensis ab incendio  
liberatus.

Libertinos in Prussia, vocant agricolas illos, qui  
nobiles inter ac rusticos mediæ sunt sortis: nam &  
cum his, genus commune habent (nisi quod pleriq;  
eorum nobili stirpe procreati genus suum aut igno-  
rent, aut non æstiment) & cum illis libertatem: ne-  
que enim ad onera operasque rusticas, ut alii, sunt  
adstricti, quippe qui perinde ac ceteri nobiles, mi-  
litarem, ut vocant, servitutem præstent. Aut enim  
singuli, aut pro fundi, quem possident, ratione,  
plures simul juncti, quoties res poscit, armis probe  
muniti, campum Martium exercitandi ingrediun-  
tur,



tur, inde in aciem, & quasi ex umbra palæstræ, in solem strictorumque in hostes præsentis armorum lucem processuri. Ex eo hominum genere, quidam in Meessaccensi provinciâ erat, qui Anno MDCXLIV. ab exorto repente incendio gravissimum fortunarum omnium ædiumque discrimen adierat. Sed omni prorsus discrimine exemptus est, ubi se in eo incendiî æstu sub patrociniî Mariani umbram, nuncupato Lindam uoto, recepit. Cujus votireus ad VII. Id. Junias ejusdem anni, Lindam adiit, & servatrici suæ gratias ex animo egit.

## II.

Schulensis pagus, ab incendio per Deiparam  
Lindensem immunis publicâ quotannis  
supplicatione Lindæ gratias agit.

Satis constat, proximis à sacratissimi Corporis Christi diebus, solitos piâ supplicantium pompâ, adesse quovis anno Lindæ, omnes aut plurimos Schulensis pagi, ad Heilsbergensem Coloniam pertinentis, inquilines: non tamen perinde constat, quo anno sint ab incendio, cujus depulsi causâ adesse solent, erepti. Sculterus uterque (ira Præfectos villarum appellant) ædes incendio illo contumptas jam habebat, habiturus brevi & vicinorum omnium; nisi interim suppliciter invocata Deipara Lindenensis, tuo interventu flammæ ac latius grassaturum ignem domuisset.

III.

Cives Bisteinenses, à gravissimo incendio, per B. V. Lindensem exempti, institutâ extra ordinem publicâ supplicatione, Deo ac Deiparæ gratias agunt.

Solennis est quovis anno, uti aliàs memoravimus, Civitati Bisteinensi, ad Divam Lindensem supplicatio, qua, ob depulsam à se pestilentia lue, grandem cereum, qui ad Aram toto utatur anno, deferunt. Præter hanc, instituta est extra ordinem alia perinde solennis. IV. Nonas Februarii, ipso videlicet Purificatæ Virginis die ANNI MDCLIV. qua & molis ejusdem cereus oblatus, & gratiæ pro averso incendio suppliciter actæ. Sub finem Januarii ejusdem anni diem & noctem integram vehemens perflabat ventus, ut etjam grandiores arborum ramos frangeret, ac quaquaversum proturbaret. Erant inter Suburbii horrea Ædes macerando fingendoque in usum cerevisiæ hordeo idoneæ, *Braſeatorium*, vulgo dictæ: in quibus patres ligneus gliscentem, secretò ignem jam ante conceperat. Excitatus vento tam vehemente ignis, subito erupit, & latè diffusus, non dictas modo ædes, verùm & horrea vicina populaturus erat. Nox erat, & cives sub ejus prope medium somno oppressi: quo majus omnibus imminebat periculum. Accurrit cum venerabili Sacramento Parochus,

accur-



accurrunt & cives somno excitī; præsentiquē in Eucharistia Deo, atque ejusdem Virgini Matri, voto solennibus verbis concepto, humi strati omnes, publicam ad Lindam Marianam adpromittunt supplicationem, & Cereum, pacis priori magnitudinis, in eadem supplicatione dedicandum. Vix solennes illæ preces absolutæ sunt, cum & ventus, & flamma, quæ civitati incumbibat tota, retro agi, & quasi refugere civitatem cepit. Imminebat nihilominus grave horreis discrimen, præsertim cum lupulus, quo ædes jam ardentes refertæ erant; jam accensus provolaret, & in horrea etiam remotiora, impellente vento deferretur. Ea tamen fuit præsidii Deiparæ vis, ut neque horreum, ignem ullum conceperit, neque ædes illæ jam ardentes integræ consumptæ sint; quin & lupuli, & hordei pars non exigua in iisdem servata: magno utique divini præsidii ac patrocinii Deiparæ Lindensis argumento.

## IV.

Civitas Meelsaccensis, à præsentē incendio servatam se insigni ad Lindam supplicatione professæ est.

Ad VI. Calend. Septemb. Anni MDCLIV. insignis, si qua unquam, sive numerum, sive ordinem, pietatemve spectes, Meelsaccensium fuit ad Lindam Marianam supplicatio. Quindecim minimùm leucas abest Lindæ Meelsaccum; & tamen id tanti itineris spaciū, nemo fere nisi pedes emensus est; etiam anus decrepitæ & matronæ liberaliùs educatæ pedes stri interesse agmini piâ ambitione contendere. Ita  
nimirum;

nimirum ab igne, qui paulò ante grassari in civitatem contendebat, accensæ sunt pietatis & amoris divini exaggeratæ faces. Pridie Nonas Majas ejusdem anni, ipsâ noctis duodecimâ horâ, gravidis procella nubibus excussum fulmen in horreum Suburbii incidit, & momento flammam concepit; flamma verò, in vicinas effusa ædes, eodem malo eas involvit. Trepidi è somno cives accurrunt, & manus sistendo igni nequidquam admovent. Accurrit demum, pro recepto more, ipse loci Curio, idemque Archipresbyter; & quo armatus erat, divinæ Eucharistiæ ferculum grassanti, & (ni Deus obstaret) immensum grassaturo igni obtendit. Cives interea, præsens in Eucharistia Numen conspiciati, vota quisque ad præsentis Numinis matrem, ejusdemque Lindam, clam, palam, ut cuique pietas ac necessitas permittebat, ingeminare. Hic verò quasi frænum quoddam incendio injectum! Nam cum paulò antelativissimè, et jam supra duo passuum millia flammæ volitando spargerentur, & non prunæ modò, verum & tigna integra quaquaversum à vento impellerentur, jam flamma intra sese coacta, coni in modum quietissimè sursum ferri, ac sensim emori capit. Quin & prunæ, quæ vel sponte in vicina horrea, stramine tecta cadebant, vel impellente vento in citeriores ædes igni ac voraci flammæ perinde obnoxias ferebantur, innoxie omnino erant; & tam manifesto sui spectaculo, aut potius miraculo, cunctos reddebant attonitos. Præter terna horrea flammis initio correpta, nihil cætera horrea ædesve, quantumvis

M m .

vicinæ,



vicinæ, ab eo incendio, etiam in suburbiis passæ; intra murum verò, quo etiam carbones ac tigna ardentia pertrumpebant, ne quidem vestigium ignis relictum. Ita tum, ita quinque hebdomadam interjecto deinceps spatio, à fulmine ædibus aliis iterum illapso ortum immane incendium, non hominum, sed Dei ac Deiparæ Lindenensis patrocínio, restinctum quievit. Quod beneficiû etsi publicâ, ut diximus, supplicatione grati Meelsaccenses venerati sunt; ne tamen ejus memoria, cum impressis ab se humi vestigiis, præteriret, aut futuris aboleretur temporibus, publico id monumento, atq; anathemate, voluerunt apud Lindam relinquere consignatum. Tabula est argentea affabrè elaborata, plus pedem geometricum longa; in qua civitas in medio sculpta, cum epigraphæ Germanicæ (a) *Civitas Meelsaccensis*. Superne eminet effigies supremi Numinis, quasi manu aquam spargentis, cum adjecto lemmate: *Dabo prodigia in celo & in terra; ignem & vaporem fumi, Is. 2. Infernè supplicibus humi procumbentibus adjectum; Sub tuum præsidium*. Deinde verò: *Parce Domine, parce populo tuo*. Atque hæc civitas universa: jam verò Dominus Joannes Hanman, cujus alias meminimus (b) singulare expertus beneficium, dum ipsius horreum flammis atque incendio admodum vicium, illæsum intactumque perstitit, singulare ex argento anathema posuit, cum adjecto lemmate: *Sub tuum præsidium*. Denique & Bartholomæus Mentzel inter oppidanos non postremus, quamvis horreum ipsius incendio consumptum esset; quia

(a) Die Stadt Meelsack (b) lib. 4. cap.

quia tamen sui unius noxa placatum Numē agnovit,  
in aliorum salute suam consistere ratus, gratias egit  
& in grati monumentum animi, tabellam itidem  
argenteam dedicavit, quā vernacula linguā obsecrat,  
tum, ut Deus ceteros ad egestatem ne redigat, tum,  
ut Mater DEI supplicem se pro omnibus interpo-  
nat (a)

## CAPUT XXXIII.

Ab aëris inclementiā, & pestilentia contagione, Divæ Lindenſis  
praesidio defensi.

OMnes quidem morbi, sed præ cæteris, sæva pesti-  
lentiæ lues mortales nos esse palam declarat; cum  
non per decimationem, sed interdum etiam viritum,  
de censu mortalium dependit tributum. Nihil in eo  
malo veteres praesidii potioris invenere, quàm co-  
lumbarum esum; quas, dum pestilentia grassatur, in  
*honore mensarum Aegyptiis fuisse* tradidit Horus (b)  
Plinius quoque laudat earum carnes, tanquam pe-  
stilentia adversantes (c) Nobis vel solus ad spectus,  
adversus pestem subsidio est illius, cui toties in di-  
vino Epithalamio Columbae elogia sponsus attri-  
buit. Quæ quidem elogia, etiam apud suam Lindam  
eximie illa meretur, ut alias vidimus (d) & hic  
quoque exempla ostendent.

M m 2

I. Non-

(a) Ach Gott vom Himmel/ laß doch nit viel ar-  
me Leute werden. Heilige Mutter Gottes/ bitt für  
uns. Barr. Wenzel 1654. (b) lib. I. Hierogl. (c) apud  
Pierium lib. 22. (d) lib.



## I.

Nonnulli Traumburgenſes Deiparæ Lindenſi, ut  
peſtis domitrici, eximiam magnitudine  
Imaginem dicant.

Anno MDCXL. Imago paulò major, quippe ali-  
quot cubitos longa, B. Virginis Chriſtum Domi-  
num de Cruce depositum ſinu geſtantis, apud Lin-  
dam dedicata eſt. Qui, & qua de cauſa eam dicarint,  
inſcriptio vernacula lingua infernè adjecta (a) hunc  
in modum edocet: *Ex voto quorundam Traumburgenſi-  
um, hæc Imago ad locum hunc delata eſt Anno 1640.*  
Dubitandum minimè eſt, quin propiciam experti  
ſint in ea contagione Lindenſem Divam, quam ali-  
às ſæpe experiuntur; ut nullus ſit annus, quin Traum-  
burgenſes, quanquam Linda admodum diſſiti ſint,  
gratias acturi plures Lindam accedant.

## II.

Illuſtriſſimus Dux Radivilius, à graſſante Regio-  
monti peſte ſervatus, grati animi monu-  
mentum Deiparæ Lin-  
denſi poſuit.

Anno Domini MDCXLII allata eſt Regiomontis  
inſignis quæ labore, quæ mole tabella argentea. in  
qua, circum ſtemma Illuſtriſſimorum Ducum Radi-  
viliorum, ſequentes notæ ſunt adjectæ: *I. V. R. S. R. I.*  
*Princeps D. in O. N.* quæ indicant, anathema illud  
miſſum

(a) Auß Geſchbt eſſicher Traumbürger / zur Ab-  
wendung der Peſt / iſt dieß Bildt hergebracht Anno  
1640.

missum fuisse à Ioanne Vladislao Radivilo, sacri Rom. Imp. Principe, Duce in Olyka & Hieswicz. Causa, præter singularem illius Principis erga Deiparam religionem, quæ tum Regiomonti sædè grassabatur, pestis. Quæ quidem præter alios extinctus est, longiore ævo dignissimus P. Joannes Kühn Societatis Jesu Sacerdos, magni apud Regiomontanos, etiam à catholica Ecclesia alienos, præsertim verò Academicos, tum nominis, tum etiam authoritatis, quam illi & doctrina planè singularis, & ingenii facultates eximix, & mores humanitate atque facilitate mirâ conditi, etiam ad ipsorum admirationem adversariorum pepererunt. Quarum, ut & plurimarum aliarum illius virtutum elucent vestigia in illa, quæ sub Audifacii nomine prodiit, Epistola; in qua recensentur pleraque, quæ in disputatione cum Dom. Drejero gloriosissimè in Academia Regiomontana habita, intervenerunt. Quo ipso tempore, cum Illustriss Radivilus Regiomonti degeret, & non rarè etjā cum ipso P. Kühn versaretur, non poterat se, nisi in ipso contagionis illius incendio constitutum non existimare. Sed neq; aliunde prætentius, quā à Linda Mariana, poterat amuletum expectare. Eo amuleto cum ipse, tum familia ipsius universa, incolumis servata est.

## III.

Civis Regiomontanus ex voto Lindam nuncupato, tum ipse à lue, quin & morte ereptus, tum familia incolumis conservata.

Eodem anno, atq; eodem ex loco, allata est Lindam



dam argentea tabella, cum hac epigraphe, ante Crucifixi Imaginem genu adorantibus subscripta, *Casparus Krabath, & Barbara Krabatsche*. Divinari potuit eadem quoque ex causa allatam fuisse, sciri tamen li- quidò tum non potuit; quoad consequente demum anno clarissimè est cognitum. Nam Casparus Krabath civis & Frenifex Regionis montanus, vir in pa- tis strenuè catholicus grassante in ea urbe pestilen- tia atque ades ipsius undique obsidente, eadem lue tandem & ipse quoque afflatus, non uno sed pluri- bus scatebat ulceribus: quibus malum, quod viscera penitus infederat, foras quoque prorumpebat. Con- junxerunt Barbara, admirandorum Deipara Lindens- sis beneficiorum haud ignara, Resilio quippe ori- unda, virum in extremis jam positum, sequè ipsam, cum familia universa, fixis humi genibus, maximà, qua potest, religione devovet; & continuò pesti- lentia tum jam grassanti; cursum tum aditum qua- renti, viam interclusit. Ab eo enim voto, & reliqui omnes intra domum incolumes servati sunt; & Vir ipse confestim persanatus. Qua causà, uter- que vel saltem eorum alteruter Lindam quotannis revisit, ut Deipara tantis pro beneficiis agat gratias. Et superiore quidem anno uterque adfuit, atque di- ctam tabellam, perpetuum accepti beneficii monu- mentum ad Aram Deiparae appendit; hoc verò, anno uxor, suo ac viri nomine cum Lindam ac- cessisset, rem, uti memoravimus, atque uti gesta est, sanctè enarravit.

## IV.

Civis Gedanensis beneficio Divæ Lindenſis  
à peste liber.

Etjam Gedanum illius ejusdem anni lues perrupit, & non minus quàm Regiomonti defævit. Degebat ibi Georgius Luchs apud Generalem Illust. Episc. Cujavienſis Vicarium causarum actor, Instigatorem vulgò appellant; cui tanquàm avunculo materno, in præſente contagii illius flammâ posito, Margaretha Virgo, Ioannis Conradi civis Tolkmirensis filia succurrit. Postquam enim vidit avunculi sui domum utrinque jam à peste obsideri (in altera enim contiguarum domorum nonnisi unus, in altera verò nonnisi duo ex omnibus supestites relictæ erant) rem illius tunc maximè agi rata, *paries cum proximo arderet*, Deiparæ Lindenſi illum supplex commendat, & votum peregrinationis ad Lindam suscipiendæ pronuntiat. Audivit Deipara supplicem, & avunculum servavit incolumè. Inde Margareta voti rea, 14. Cal. Iulias Anni MDCLV. Lindam usque pedes accurrit, & gratiis ex animo fusi s pedes itidem, magnâ cum alacritate, iter totum relegit.



## V.

Vniverſa Civitas Heilsbergensis, inſtituta ad B. V.  
Lindenſem publicâ ſupplicatione. ejus-  
dem ſe præſidio à graſſante peſti-  
lencia ereptam te-  
ſtata eſt.

Sub idipſum tempus Varmiam eadem peſtilentia  
lues alicubi inſaſit, & Kerwinen Heilsbergensis  
colonia pagum aliumquē in vicino poſitum, popu-  
lata eſt. Quin & Heilsbergam non tam irrupit,  
quam per incuriam civis cujuſdam Regiomonto  
deducta eſt. Emerat ille merces quasdam Regio-  
monti, quibus Heilsbergam deportatis, epimetri  
loco adjecta fuit peſtilentia. Simul enim ac domi  
illas merces depoſuit, uxor, hauſtâ ex iis peſtilente  
aurâ, propediem defuncta eſt. Neque dum ta-  
men viciniſ peſtilentia metus eſt injectus, etſi ſu-  
ſpicio quibuſdam injecta eſſet; quoad aliis ſuper  
alios ſenſim contabefcentibus, Scintilla in flammam  
erupiſſe jam viſa eſt. Hic admodum R. D. Ioannes  
Slichtenbergh Archiprebyter, ſuo civiumquē ſuo-  
rum nomine, ut alibi innuimus (a) voto Lindam  
facto, vim impetumquē mali continuo ſtitit: neque  
enim plures duodeviginti civium, cum paullo plu-  
ribus de vulgo famineaquē gente (cui maximè inſe-  
ſtum erat malum ſublatis ſunt, ut eo maniſeſtius Dei  
ac Deiparæ Lindenſis beneficium eſſet: ideoquē in-  
ſtitutâ ſuo tempore, publicâ omnium civium ſuppli-  
catione celebraretur magis. Qua quidem in ſuppli-  
catione

(a) lib. I. cap. 25.

catione non pietas duntaxat, verum & ipse supplicantium ordo atque præclare accommodata ad religionem pompa, omnium admiratione plausuque excepta est. Principiò innoxia puerorum scholarium turba, labaris templi pro more, quasi per turmas distincta, ipsum Archipresbyterum, cæterosque de clero, anteibat: sequebatur cum Consulibus, & aliis è Magistratu, numerosum agmen civium, cui vexillum, & argentea insuper tabula, ex voto nuncupata, vel ipsâ mole spectabilis, à patriciis præferebatur: Extremum agmen constabat Virginibus, matronis, & aliis de muliebri populo; quibus iridem nigri coloris vexillum fuit præensum; ne scilicet ignorarent, sibi quoque, quantumvis imbelli populo, ad cælum vi expugnandum, sub ordinibus militandum esse. Cæterum tabella votiva beneficii memoriam hunc in modum consignatam habet. Supra ipsius civitatis expressæ Imaginem, hinc B. Virginis Iconi subscriptum: *Regina Angelorum*; hinc verò Angeli percutientis: *Cesset jam manus tua*. Denique imam tabulæ partem occupat epigramma istiusmodi: *Diva Virgini Matri votum, ob conservatam à peste civitatem Heilsbergensem Anno 1654.*

## VI.

Et jam in Austria posita nobilis matrona, à peste & morte, per imploratum Deiparæ Lindenensis auxilium, erepta.

Nolo id aliis quàm, quibus proditum est, verbis commemorare. P. Ioannes Aloysius Kühn, Guedstadii in Prussia apud Varmiam natus, sed in Pro-



vincia Austriae Societatem Iesu ingressus, magnum  
 sui desiderium, paucos ante annos de statione vitae  
 decedens, omnibus reliquit. Ea fuit Viri virtus atque  
 doctrina, ut vixdum sacris initiatus ad serenissimae  
 Imperatricis Eleonorae ministeria Aulae fuerit re-  
 pente admotus. Is igitur literis, quas III. Non. Ia-  
 nuar. Anni MDCL. Leobio, ad P. Georgium Leyer  
 Collegii Reshelienfis eo tempore moderatorem de-  
 dit, rem, qua de agimus, hunc in modum pertex-  
 it: *Persona non ignobilis, ex Aula augustissimae Impera-  
 tricis Viduae Eleonora, decem ipsos dies, in agonia  
 posita, cum morte conflictabatur; Medicis nequidquam,  
 etiam preciosissimis pharmacis, proficientibus. Evo-  
 cor Lincio per postam repente (a confessionibus in Au-  
 la poenitenti fueram) ut animam curem, & aliquod  
 solatium adferam. Nec sensus, nec ratio, nec vis lo-  
 quendi fuit amplius. Invoco Deiparam Auxiliatricem  
 Lindensem, quae in articulo illo, mihi prima tunc incidit.  
 Medici omnibus visum miraculum; oculis me advocat a-  
 grotans, post dimidiam circiter horam, nomen IESU &  
 MARIAE pronuntiat; animi contriti signa edit; post in-  
 tervallum loquitur; oleo sacro peruncta Viaticum expetit.  
 In horas prope singulas virium experta incrementum, post  
 non multos dies è lectulo consurgit, valetudine etiamnum  
 firma. Nescio, an non praesentissimum DEI & DEIPA-  
 RAE patrocinium, nos, qui nobili huic persona adstui-  
 mus, finis experti. Nam deprehensum est, pio zelo  
 & charitate eam quinque noctibus, clam cuidam è Gy-  
 necae famula, domi suae pestiferâ lue (qua etiam extrin-  
 sea fuit) laboranti adstuisse: atque Sacerdote domum*

post

post datum Viaticum revertente, partes egisse boni Christiani, animando & hortando ad pium agonem. Hinc vir harsit, quia carbunculum (quem ulcus vulgare putabas) pia Matrona linguâ suâ deterfit, ut mihi aliquid suspicanti deinde fassa est) ne tergendò panniculis dolorem inferret. Et diva Virgo mihi indidit, ut medicum monerem, de similibus pharmacis præscribendû, qua venenum à corde depellerent. Hoc ad primum ingressum suasi: nihil tamen profecissemus iudicio omnium, nisi salutem Diva Lindenensis deposita propinasset.

## VII.

Domus tota à peste per. B. V. Lindensem exempta.

Anno MDCLIV. ad III. Cal. Iunias, Catharina Ertmanni Keyser, in Drewantz municipii Meelsacensis pago sculteti uxor, suo suorumque nomine votum & gratias Lindæ persolvit. Lues ex dysenteria orta nonnullos jam sustulerat, ita ut ædes illius, ne malum serperet, observarentur. Obseratis tamen ædibus perruperunt Lindam usque piæ preces; quibus etjam Dei Mater annuit, & omnes. quanquam peste infectis miscerentur, incolumes servavit.

## CAPUT XXXIV.

Etjam pecora à lue, vel aliis periculis ope B. V. Lindenensis servata.

NE quis fortasse, alieno prorsû à Pauli A post. mente, dicat, sensu: Nunquid de bobus cura est Deo? Ipsa



quoque Dei Mater, minimè à sua dignitate alienum duxit, boves, ceteraque hominum pecora, quod & apud Lindam suam facit curare. Neq; enim vile potest, et jam circa vilissima, ministerium, quod hominibus, si fortunâ aut potius industriâ suâ, uti sciant, in obsequium magni Dei cedit.

## I.

Civis Gurstadiensis ob servatum pecus gratias agit.

Anno MDCXLI. ad VIII. Idus Sept. honesta matrona, Petri Prang, civis Gurstadiensis uxor, votum Dei paræ Lindenli adjectâ, ut par erat, gratiarum actione solvit. Magnam in pecore aliquamdiu calamitatem experta fuerat. alio subitâ morte sublato; alio, si forte mors absuisset, morbis consumpto. In ea calamitate nullum certius subsidium, quàm apud Divâ Lindensem occurrit quærendum. Quocirca votum eò peregrinandi nuncupatum est; & ab eò voto sanitas pecori ex templo reddita.

## II.

Plurimum pecori sanitas restituta.

Anno MDCXLIV. ad XVI. Cal. Iunias multi ex Allensteinensi municipio affuerunt; & quas poterant, Divæ Lindenli gratias ac vota reddiderunt. Multa nimirum per eam tempestatem in pecora lues redundaverat; & ut malum malo feritur, corruptis & assumptis hinc inde pecoribus, operas quoq; agriculturalum, quin & aliorum, vel absumpserat, vel certè  
corru-

corruerat. Tantis igitur malis, & frangenda in primis lue indies magis grassanti, nullum opportunius remedium visum, quàm apud Divam Lindensem. Ad eam proinde supplices, sua per vota recurrunt; & cum vota piè fuissent exaudita, luesque sedata, ipsi quoque beneficii memores ac grati, Lindam uti diximus, accurrerunt.

## III.

Civis Meelsaccensis votum ob servata pecora exolvit.

Eodem anno, quamvis non eodem ex loco, eadem tamen de causa, gratiæ Lindenſi Divæ, qua decebat, reverentiâ ac pietate sunt redditæ. Non uno quippe in loco, per eam anni tempestatem lues in pecora delæviebat. Itaque cum etiam Meelsacci vires sumpsisset, & cuidam civium, non pauca, pro ejus tenuitate, pecorum capita sustulisset, adhibendum malo remedium censuit. Cæterum animo in diversa acto, nusquam præsentius remedium quæri posse advertit, quàm à Linda Mariana. Et verò quærit suppliciter, edito confestim peregrinationis Lindenſis voto. Habuerunt pondus vota precantis; qui impetratâ pecoris sanitate, nihil prius antiquiusve habuit, quàm ut votum redderet. Reddidit pridie Nonas Junias ejusdem, uti diximus, MDCXLIV. anni.

## IV.

Equi partim à lue grassante, partim à militum rapinis, per B. V. Lindentem servati.

Loterberg Meelsaccensis coloniæ pagus est; in quo



quo duobus colonis magna in equis, quæ imminēbat, clades præsidio Divæ Lindenſis depulſa eſt. Alterius jumenta, lues, quæ paſſim glifcebat, invaſerat; & jam partem erat depaſta; cū ille (neque enim aliud malo remedium validius fore ſperabat) Deiparæ Lindenſi ſupplex accidit, & ſi exauditus foret, peregrinationem ad Lindam Marianam vovit. Exauditus eſt; proinde ad ix. Cal. Iunias, Anni MDCLI. quo primū licuit tempore, ut votum redderet, Lindam acceſſit. Iam verò alter, cujus pectora luem evaſerant, ideoque à cæterorum planetarum injuriis libera jam erant, ut à Martis quoque, non tam influxu, quàm attractu rapacitateque libera eſſent, quid non tentavit? Graſſabantur tum, pro ſua licentia, milites, & cum cæteris colonorum opibus, tum maximè equis piceas admovebant manus. Quod cum colonorum quidam non nesciret, quidquid equorum generoſioris habebat ſtirpis (ut certe Varmienſes inter reliquos Prutenos, inter Varmienſes verò, facile equis cæterisq; opibus Meelſaccenſes coloni excellunt) tutiore collocaturus loco, ad Virum nobilē in vicina Ducatus provinciā deduxit. Et poterat ſecurus de loco, collocatiſq; eo loco jumentis eſſe, niſi invidia illuc quoq; perrupiſſet, aut militibus ad irrumpendum, patefecifſet aditum. Reliquorum enim colonorū non nulli, quibus fortè reſ ſuæ, ac jumenta derepta erant, ut vicinum ſuum in eandem ſecū navim compingerent, militibus, tanquā harpyjis ad omnia intentis, equos alio traduſtos prodiderunt. Ergo ad objectam ſeſe accingunt prædam, quin & momento provolant. Interea colonus rerū equo;

equorumq; satagens suorum, omne in Diva Lindensi  
præsidium spemq; collocat. Neq; verò spe excidit:  
Quantumvis enim harpyjæ illæ omnia pervolita-  
rent, ac pervolitando scrutarentur, equos tamen re-  
perire non potuerunt. Vnde colonus beneficii acce-  
pti memor, grates dictâ die apud Lindam Virgini  
Deiparæ persolvit.

## V.

Deposito jam equo, sanitas restituta.

Tertium jam diem Urbani Benig Meel (accensis  
inquinili equus, morbo planè extremo conficieba-  
tur, ut, desperatâ illius sanitate, iterum atq; iterum in  
apertos propelleretur campos, avibus canibusq;ue  
futurus præda. In circum continuo agebatur, capitis  
haud dubiâ vertigine impulsus, & hinc fortasse ob  
irrequietum belluz motum, feris avibus necdum ac-  
cessus patere ad laniendam potuit. Tertiâ die herum  
miseratio belluz sic agitata caput, ut admotâ jubæ  
manu retrò in gyrum aliquoties circumegerit. Ve-  
rùm bellua ad ingenium gyrumq;ue priorem rediit.  
Tum Urbanus animo commotus in genua provol-  
vitur; Dominicamq;ue orationem precatus, votum  
adjicit, ac, si equus convaluisset, Lindam ab se ducen-  
dum promittit. Momento equus ad se rediit, &  
recto tramite cursum agens, omni deinceps  
morbo liber VIII. Idus Junii Anni MDCLIV. Lin-  
dam cum gratiarum actione ab hero deductus  
est.

## VI.



## VII.

Ob depulsam à pecore luem, gratiæ nomine  
pagi totius B. Virgini Lindensi  
actæ.

Eodem anno, mense Augusto ad VII. Iduum, universi pagi Lilienthal, Meellaccensis, ni fallor, municipii, nomine Martinus Newman, cū adjuncta vicinorum manu, gratias Deiparæ acturus Lindam accessit. Octiduum integrum sæva in pecora lues grassabatur; ut passim, etiam integra ac sana pecoris capita, repente corruerent ac morerentur. Non ignari beneficiorum Lindensium coloni voto se Deiparæ obstringunt; & exinde pecori suo salutem reddunt: nullum enim deinceps aut morte sublatum, aut morbo tentatum. Die proinde jam dictâ, quaternas è cera candelas, crassitie ac magnitudine eminentes, per Virgines, quæ matronis mistæ frequentes aderant, deportari Lindam, & Deiparæ in gratiarum actionem, dicari curarunt.

## VIII.

Equis sanitas, aut vires reddita.

Sub idem fere tempus, admodum R. D. Georgius Joannes Castnetus, aliquod suæ in rem catholicam Deiparæ quæ Virginis cultum observantiæ, vel potius Marianæ in se benignitatis argumētū sensit. Is triginta circiter ante annos, cū Regiomonti, toto quæ adeo Prussiæ Ducatu, I. C. & causarum advocatum ageret: facile quæ ceteros, quæ dicendi vi, quæ dexteritate agendi superaret, præter omnium spem, deserta Lutheri

Sectâ,

sectâ, ad Ecclesiæ te catholicæ sinum recepit; ex-  
stis quæ non paucis inde annis, defunctâ conjuge in  
Presbyterum consecratus, rem catholicam, majore  
propè vi atque constantiâ, quàm vel ratio tempo-  
rum, vel nonnullietjam amicorum permetterent, con-  
tra sectarios promovit; non sine insigni erga Deipa-  
ram Lindensem demonstrata semper pietate. Nul-  
lum enim aut tempus aut occasionem fere elabi sibi  
patitur, quin Lindam revisat; &, quoad quidem tem-  
poris ratio fert, ad Aram faciat. Hujus fortasse in  
Deiparam Lindensem pietatis aliquem fructum nu-  
per tulit. Resellium enim gravibus in negotiis dela-  
tus, equum præter spem, gravi correptum morbo, è  
quadrigis suis vidit. Moram nullam negotium patie-  
batur: sed neque morbus jumentum patiebatur vel tan-  
tillum itineris capeßere. Quid in eo rerum articulo  
ageret? supples Divæ Lindenfi votum concipit, & ju-  
mentum commendat. Extemplo jumentum conva-  
luit; ut eâdem fere horâ prosequeretur iter. Cujus be-  
neficii anathema, insignem è cera candelam (cui, ut  
nemo beneficium non adverteret, Equi appendit ef-  
figiem) Lindenfi Divæ consecratam misit. Cæterùm  
ego hoc ipso loco, magnam ingrati animi notam in-  
currerem, nisi par omnino beneficium, quod proxi-  
mo itinere à Deipara Lindenfi expertus mihi omni-  
no videor, prodidero. Bellorum turbine in Regnum  
Poloniæ undique detonante, ne Prussia quidem, in-  
ter ultimas Regni ad Balticum provincias, immu-  
nis ab eo potuit esse: è qua Prid. Non Septemb. di-  
gressus, dum Silesiam Austriam quæ versùs iter medi-  
tor, in hostes, qui primùm Varlaviam, deinde verò



& Cracoviam occupârunt, propè incautus incurro. Flectendum proinde non modò ad latus, verùm aliquoties etjam retro iter erat, & non modò Masovia ac Polonia, verùm & Podlachia primùm, deinde verò & Hungaria, quod non sperâram, adeunda. Necdum medium itineris confeceram, cùm jumentum, curriculo junctum, prorsum defecit. Sive magnitudo difficultasque itineris, sive virium imbecillitas, aut etjam morbus aliquis causa fuerit, incertum est. Qui mihi Lublino comes erat itineris, P. Christophorus Schenck, cùm prostratis omnino viribus cespitare aut labare jumentum per aliquot dies cerneret, identidem author fuit; ut, si prosequi cæptum iter vellem, aliud jumentum emerem. Jam & mihi animus eò inclinabat, cùm beneficiorum Deiparæ Lindenſis memoria ad meliorem me spem erexit; ut non dubitarem verbis quoque eam erga Dei parentem fiduciam datâ occasione contestari. Non est necesse reliqua, quæ tunc apud me statueram, producere: illud sanctè profiteor, ab eo tempore vires jumento rediisse, ut & magnam Poloniæ, & majorem Hungariæ partem non æquo duntaxat, verùm & eximio, cum cæterorum jumentis passu, non sine mea aliorumque admiratione, Viennam usque me deportârit.

## IX.

Etjam hæretica, & nobilis in Ducatu Prussiæ matrona, voto Lindam factò, lucem à pecore depulit.

Rem, uti in commentariolum à P. Jacobo Barſcio fuit relata, verbis iisdem reddam. Sæviens inter pecor

pecora lues, nobilem quandam in Ducatu Prussie aulam invaserat: in qua non paucis jam extinctis pecoribus, cæterorum interitum in dies expectabat aula Domina. Quæ ubi nota sibi remedia irritò conatu adhibuisset, vidit humana ad averrendum malum nullius esse momenti præsidia. Multum itaque afflictæ, ad Deiparæ Lindenensis, de qua plurima jam inaudierat, opem confugit, & tres illi ceræ libras offerendas spondet. Haud inani spe: siquidem & lues cessavit illico; & pecus jam infectum, salvum & incolume evasit. Quare ceram in formam bovis figuratam, per fidèlem sibi sèminatam (quæ hoc de Domina sua, frequenti concione interrogata, bonâ fide attestata est) voti rea transmissit Anno MD CXXII.

## CAPUT XXXV.

Steriles & parturientes, à B.V. Lindenensi adjuræ.

PRæsens mortalium vita, sui ubique similis, difficilis perinde aditus atque exitus habet; ut non minora fere nascentem, quàm morientem pericula hominem excipiant. Neque verò ea pericula solis aut partibus imminant, aut prolibus: ipsas per sæpe matres involvunt, ut dum parturiunt aut pariunt, modò ferui, modò sibi, interdum utrisque mortem pariant. Tanto versantes in periculo matres, non potest DEI Mater negligere; si præsertim ad suam quoque Lindam, auxilii causâ se recipiant.



I.

**Nobilis matrona à partu & gravi lapsu, opem B. V. Lindenſis experta ſingularem.**

Necdum partus advenerat tempus, prægnanti Nobilis in Maſovia viri, Adami Raysky, in Telonio Praſniſienſi Notarii, conjugii; cùm fortuito caſu de gradibus prolapſa & graviter eo lapſu concuſſa eſt. Acceleravit is caſus pariendi neceſſitatem, ut abortiens immaturum effunderet fetum. Sed, & animam unà propè effuderat: biennio certè integro, ægrè animam ex eo morbo trahens, ſummo verſabatur in discrimine; quoad voto ad B. V. Lindenſem factò, convaleſcere extemplo cæpit: & paulò poſt, integrè ſibi reſtituta, ad xvi. Cal. Septemb. Anni mdcxli. Lindam unà cum marito, & parvo filio Alberto (cujus etjam ope B. Virginis ſanari alio loco hujus libri meminimus) Lindam venit, redditaque tum ſibi tum filiolo ſanitatìs, argenteam tabellam perenne monumentum Deiparæ dicavit. Quæ quemadmodum ſunt memorata, P. Matthias Lesky Societatis Jeſu Reſſeliitum moderator, in commentariolum retulit, & maritus ipſe manu ſua hunc in modum ſubſcripſit; *Adamus Raysky, Notarius Teloner Praſniſienſis nobilis.*

II.

**Matrona Gutſtadienſis, auxilio B. Virginis, periculoſo partu ſoluta.**

Anno mdcxxxvii. ad vi. Non. Jul. Chriſtophori Steſ;

ri Steffen, civis Guttstadiensis uxor, eò quòd difficilimo ac periculoso partu, per Deiparam Lindensem expedita fuisset, quas debuit, gratias ac vota dependit. Messem fortasse in campis promotura, parum absuit, quin ipsamet libitinæ messis fieret. Præter spem, acceleravêre parturientium dolores; liq̃ue, à mortuo intra uterum fetu, supra quàm dici potest, auctiores ac vehementiores. Sola in agro erat, ut nullius vel Levanæ, vel Lucinæ, vel etjam obstetricis auxilium præstò esse posset. Tanto in discrimine posita, Levanam experta est Lindensem divam; ad quam ubi verbis, aut tacitis potius animi votis sese verit, effuso repente mortuo fetu, & periculo omni & doloribus exempta est.

## III.

Difficillimus partus, per B. Virginem Lindensem  
citra periculum expeditus.

Non quidem Rebecca, sed Anna erat Wormdiensis civis, Matthæi Siwert uxor; Rebecca tamen sortem, aut potius in partu pericula erat consecuta. Quod de Rebecca (a) memoratur, iam tempus parienti, advenerat, & ecce gemini in utero eius reperti sunt, memorari etjam de Anna potest; nam & hæc geminorum partu laborabat. Ac priorem quidem prolem satis feliciter enixa est; cum altera verò, ad mortem propè luctandum usque fuit: mortuus quippe fetus, quin & transversim intra uterum situs, exitum sibi, matri verò spem vitæ præcludebat. A pomeridianis horis ad multam noctem parturiendi conatus

Nn 3

lum-

(a) Gen. 25,



summuserat, incredibili cum dolore, at eventu nullo. Conclamatis jam undique rebus, matrona quædam, parturienti admodum familiaris, miseræ sortem atque cruciatus miserata, extra domum se proripit, & sub dio, ad B. V. Lindensem, quâ potest animi contentione, votum pro insoluitate periclitantis concipit. Eodem ipso tempore partus, majore utique quàm humanâ vi, fractis lateribus, ac manibus surpra caput protensis, utero effusus, vitam, quam habere ipse non poterat, matri restituit. Quæ tanti haud ingrata beneficii, ad IV. Idus Sept. Anno MDCL. Lindam veniens, Deiparæ tanquam veræ Lucinæ, quæ sibi lucem utique restituisset, ingentes ex animo gratias egit.

## IV.

Triduum parturiens, partu feliciter soluta.

Uxori Domini N. Schuhknecht, civis inter Brunsvigerenses faciliè primarii, tempus pariendi advenerat; advenérant unâ & parturientium dolores, sed non item pariendi facultas, ne dicam felicitas. Triduum pariendi cruciatibus exercita, nullum edere partum poterat. Aderant ita laboranti adjutrices, pro more faminz, sed præter commiserationem & muliebres planctus, nihil afferebant opis. Omnes ergo consilii inopes, spe, præsidiiisque humanis planè decollantibus ad divinam vertuntur opem flagitandam. Neque verò facilius tum flagitandi tum impetrandi via occurrit; quam per Divam Lindensem. Puerpera ipsa, unaque ejusdem conjux, si DEIPARA partum levâisset, tantum ceræ Lindam dedicanda voto

voto adjecto sanctè appromittunt, quantum infans nasciturus, ad libram exactè appensus ipso designasset pondere. Inerat pondus voris; momento partu mulier soluta, paulò post votum solutura, nudis pedibus, comitante marito, & prolem natam & promissum ceræ pondus Lindam, cum adjecta gratiarum actione & argentea votiva tabella (cui inscriptum Anna Schuhknechtsche) detulit. Anno MDCLIV. pridie Idus Septemb.

## V.

## Puerpera periculoso morbo levata.

Rarum quidem est, at non minùs noxium, quod fit, in partu naufragium. Gravidæ fetu matres, ubi post tot fastidia mensium, partu solvuntur, quasi in portu, deportatas longâ jactatione merces, exponunt. Evenit, tamen non rarò, ut, vel in portu naufragium faciant, quando vitam, quam filiis in lucem editis dederunt, ipsæ amittunt; vel gravissimè periclitentur, quando variis à partu morbis involvuntur. Involuta iis fuit Elisabeth Alexandri Schaw apud Bisteinen-les viri consularis uxor; quæ à partu in ardentissimam primùm febrim, deinde verò etjam in phrenitidem est devoluta. Ita jactationem corporis, animi excepit jactatio; in qua tamen pia mulieris Christianæ mens, præcium operæ, hoc est, fructum, ad quam assueverat, pietatis tulit. Quæ enim tanâ aliàs mente agitaverat, emoræ etjam menti occurrere: & quæ aliàs ad Divam Lindensem revitendam promptissimis semper animis desideriisque æstuebat, in phrenesi illa non destitit ingeminare.



O si liceret, vel semel invilere adhuc Deiparam Lindensem. Hoc animi piissimi æstu, febrilis æstus abactus est; & cum ægra ad mentem quoque rediisset, votum paulò antè factum confirmavit; confirmataque auxilio Deiparæ valetudine, Lindam gratias actura Anno MDCLV. ad IV. Non. Februarias adiit.

## VI.

Mulier nobilis, morbidos & claudos partus edere solita, B.V. Lindensis ope sanam & integram prolem enixa.

Christina Zaboklicia, quam inter nobiles decem matronas, ab extrema fere Ukraina, ad B.V. Lindensem peregrinas jam antè recensuimus, supra comune cum aliis, singulari insuper voto apud Lindam expedita est. Geminam ante prolem admodum ægram, quin & claudam, breviq; victuram enixa erat; tertium igitur gravida, voto se Deiparæ Lindensi obstrinxit, si salvum & integrum edidisset partum, & se, & prolem natam, eidem se Divæ, cum adjecta gratiarum actione, coràm in ipsius Æde stituram. Audita est; proinde filiolum, quem Deiparæ beneficio incolumem ediderat, & ad id tempus superstitem habebat, tam longinquæ peregrinationis, non tam comitem, quàm pondus assumpsit; & apud Lindam Deiparæ præsentem coràm stitit. Quin ipsa paratam se declaravit, reliquum vitæ haud procul Lindensi Æde, transigere; neglecto etiam bonorum, quæ in Ukraina reliquit, usu; dum modo illa filio, ubi adoleverit, manu capienda servantur.

## VII. Ste-

## VII.

Sterilitas conjugum, ope B.V. Lindensis depulsa.

Anno MDCLII. Matthæus Eliæ civis Gurstadiensis, unâ cum uxore Catharina, magnam, & insigni opere pictam Deiparæ Imaginem apud Lindam dedicârunt. Omnes christiani populi status atque ordines, sub expanso Deiparæ pallio, proteguntur, & adscriptam infra, usitatam Ecclesiæ precationem quasi taciti Germanico idiomate pronuntiant. *Sub tuum præsidium confugimus sancta DEI genitrix; nostras deprecationes ne despicias in necessitatibus; sed à periculis cunctis, libera nos semper Virgo gloriosa & benedicta.* Causa dedicandæ imaginis fuit recens à Deipara Lindensi beneficium. Aliquot annos in conjugio, sine conjugii fructu traduxerant; quo ut tandem, per illius suffragia, potiti sunt, nullâ interpositâ morâ, tum accepti beneficii, tum grati erga Deiparam animi, posuerunt monumentum.

## VIII.

Sterilitas agrorum per B. V. Lindensem emendata.

Quid ni fertilitatem agris impertiat Diva Lindensis, quæ, uti vidimus, fertilitatem dat genitalibus, ut vocant, arvis? Id experti non pauci agricolæ, quovis anno, quasi dimensum suum, Deiparæ Lindensi de frugibus sibi concessis offerunt; & unâ illius in se agrosque suos benignitatem contestantur. Quos inter Thomas Schwarg in Arkamp Resselienfis agri

N n 5

pago



pago colonus, Anno MDCCLIV. ipsâ Natalis Deiparæ luce, lubens volensque professus est, duodenas sibi messes admodum provenisse tenues, tritico aut exiguo, aut in lolium herbasque noxias degenerante. Ad Deiparam quocirca Lindenlem opis auxiliique causâ se recepit, & si exaudiretur, quovis anno Candalam ceream apud Lindam dicaturum spondit. Ex eo tempore Triticum sibi & grano purius, & proventu uberius multo esse.

### C A P U T XXXVI.

A variis, & ignotis morbis, vel calamitatibus Deiparæ Lindenlis auxilio liberati.

**M**agna est aut spes recuperandæ, aut etiam pars recuperatæ salutis, quando vel ægro, vel saltem Medico manifesta est morbi conditio. Quo infeliciores, & periculo magis obnoxii sunt illi, qui & morbo torquentur, & quæ morbis amuleta sint admovenda, scire non possunt. Optimum in hoc quoque morborum genere, à Diva Lindenli peti solet amuletum: quod jam testabuntur exempla.

#### I.

Mulier diutino morbo Lindæ levata.

Anno MDCXXXVIII. diutino & gravissimo morbo finem, apud Lindam Marianam invenit mulier, Sartoris Allensteinensis uxor. Quatuor supra viginti hebdomadas morbo illo sævissimè exercitata, nusquam aut levamen, aut requiem ullam potuit invenire: unde nihil in votis ita afflictæ magis erat, quàm mors, quæ & vitæ & dolorum intolerabilem finem

finem imponeret. Interim consilio amicorum Deiparae Lindenensis praesidium implorat, &, vel semimortuam deportari se Lindam orat. Ne tantillum quidem supererat virium, ut vel accedere posset ad currum. Matiti quocirca brachiis deportata, ac vehiculo imposita Lindam tandem venit; & in terram tum pro sua pietate, tum etiam praevitium summa imbecillitate, prostrata, preces ad Deiparam fudit. Inde erecta, & ad vicinum diversorium delata, sensim vires atque ciborum appetentiam orexineque sibi redire sensit. Refecta nonnihil cibo & vehiculo imposita, prius quam Allensteinum rediisset, advertit sibi integram, Deiparae subsidio rediisse sanitatem. Proinde & ipsa deinceps identidem, ut grata sospitatri suae esset, Lindam rediit; & Anno MDCLIV. Calendis Julii omnia, quae recensuimus, ipsa met P. Simoni Hein, qui literis deinde tradidit, ex fide pertexuit.

## II.

Mulier gravissimum duorum annorum morbum, voto Lindam nuncupato, feliciter depellit.

Friderici Bartsch civis Traumburgensis uxor, plus duobus annis, ad mortem usque, quam sibi frequentissime, praedolorum acerbitate, imprecari solita erat, aegrotabat. Sed vota impotentioris, ac plane fatiminei, non sunt audita animi, ut deinceps audirentur Christiani. Paulò enim post ab amicis perlocuta, ut (cum medicamenta, caeteraque praesidia humana omnia, nequidquam hactenus fuissent admo-



admota) admoveret unicum à Deipara Lindensi præsidium; bene salubriterque monentibus paruit, & quantâ potuit fiduciâ atque pietate, votum Lindensis peregrinationis, si per vires licuisset, nuncupavit. Vix illud ediderat votum, cum subito vires pristinae sanitasque rediêre; ita ut paulò post, pedes iter potuerit ingredi, & septendecim omnino leucas Lindam usque pedes decurrere. Iphis Calendis Julii Anni MDCLII. Lindæ voto expedita est: & cum illi suaderetur, ut iter curru domum relegeret, sentio, inquit, me satis firmam ad remetiendum pedibus; ita quod semel huc emensa sum.

## III.

Septem annorum ægritudo, à voto Lindam facto, confestim desit.

Anno MDCLIV. pridie Idus Julii Agnes Rozakowska, viri nobilis è Wierzboloviensi Lituaniæ provincia, uxor votum Lindæ solvit. Septem omnino annos gravi juxta ac ignoto est vexata morbo; nisi quod malum se tussi & ingenti viscerum convulsione non nihil proderet. Tussis porro viscerumque convulsio propè continua erat, ut neque interdium neque noctu quies miteræ esset. Non desit remedia, etiam humanis majora adhibere, præsertim à D. Virgine, quæ Zurewiciis, magna religione in Lituaniâ colitur, & miraculis beneficiisque divinis, cuius illustrium religione locorum conferri potest. Jam septies eò supplicabunda accesserat, sed eventu irritis; quia id beneficium Lindensi Divæ, ut postmodum patuit,

paruit, divinitus fuit servatum. Simul enim atque votum Lindam concepit, tussis illa tam inveterata, ilico desit. Quod si interdum quandoque redit, moderatissima tamen est, & noctes omnino sinit esse tranquillitas.

IV.

Vir nobilis duorum fere annorum morbo, per votum ad B. V. Lindensem expeditus.

Prodebat se vis morbi, in pedes principio, deinde in manus reliquumque corpus diffusi, apud nobilem è Bielscensi in Subsilvania municipio virum Jacobum Waszkienicz. Pedes enim cingulo tenus non languebant modò, verùm & pustulis sanguinolentis ac purulentis scdum in morem scatebant; manus vero postmodum etiam ipsæ unà cum pedibus contractæ sunt, maximo cum doloris sensu & aestu. Duas minimum hebdomadas, præ vehementia doloris insomnes exegit, ut ad extremum & corporis & mentis redderetur impotens. Amici hominem miserati, vota ipsius nomine concipiunt tum Juchnovicium & Zurovicios in Lituania; tum in Polonia, Czeſtocho- viam & ad Calvariæ, ut vocant, montem. Sed & hæc irrita erant vota. Tandem voto, per aliquem amico- rum Lindam facto, ipse insuper adjecit, si Deiparæ Lindenſis beneficio revaluiſſet, pedibus se totum iter, quod quinquaginta propè leucarum est, nec nisi emendicato pane, ultro citroque confecturum. Con- festim voto pondus fuit; & ipse manus juxta ac pedes perſanatus, peregrinationem, uti voverat, Lindæ ad-  
xi. Calend. Septemb. Anni MDCLIV. absolvit.

V. Ru-



## V.

Rusticus annum fere æger, ex voto Lindensi revaluit.

Martinus Uberlender, è Schalmay Brunsbergen-  
sis agri pago, eodem anno pridie Non. Junias, pere-  
grinus ex voto Lindæ apparuit, & Deiparæ, pro ob-  
tento beneficio gratias supplex egit. Annum propè  
integrum æger, ita corpore ac viribus erat exhaustus,  
ut nemo illi vitam adpromittere auderet. At ille voto  
ad B. V. Lindensem edito, extemplo revalescere ac  
vires sensim resumere cepit, ut & labori operisque  
consuetis, & quindecim leucarum itineri pedibus ul-  
tro citroque conficiendo par omnino esset.

## VI.

Ex anathematis, & votivis ex argento tabellis, vario-  
rum & incognitorum morborum curatio  
æstimanda.

Quæ de ignotis, passim in commentariolos relata  
sunt, morbis, non sine magna cura, nec sine majore  
legentium fastidio perconsenda hîc essent. Quis enim  
citra nauseam eâdem chordâ oberrantes audiat? ut  
cùm aliquis scribit: *Margareta agra medio anno, voto fa-*  
*cto, Lindensem B. Virginem visitandi, convaleuit Anno*  
*1647. Et iterum: Gertrudis conjux rustici ex Pratteren-*  
*sex septimanis agra, voto facto convaleuit. Aut etjam: Io-*  
*annes Stram civis Bisburgensis filiulus, quatuor septimanis*  
*egrotus, voto per parentes facto convaleuit. Plurima id ge-*  
*nus prætereunda nobis sunt; ut vel aliquid ex argen-*  
*teis anathematis, quæ aliquid habent epigrammatis*  
(nam

(nam quæ rasæ omnino sunt tabellæ, aut citra epigraphen, non nisi expressam aliquam icunculam habent, ut alias inuimus, plures centenis sunt) possimus adji- cere iis, quæ jã suis locis variè retulimus. Neq; verò in percensendis iis, aut temporis aut dignitatis ordo ratione observari potest: ut, quæque aliquando nobis in manus inciderunt, ita hîc locum possidebunt.

1. Refert, Deiparæ Virginis & Pueri Jesu, supra Tiliam Arborem inter radios icones, cum hac inscriptione: *Beatissima Virgini Lindenfi, Bartholomæus Kuntzius Decanus Sluchoviensis Anno 1654.*
2. Nil aliud, nisi hanc epigraphen habet: *Matthias Rodovidei 1653.*
3. Refert B. Virginem intra nubes sedentem; cui subscriptum *Sancta Maria Mater DEI*, infra verò *Ioannes von Dissen 1650.*
4. Quartæ inscriptum: *Sancta Maria Regina cali*, infra verò *Georgius Feieracker, Senior 1648.*
5. Et huic duntaxat inscriptum *Elisabetha Christina Strilinski 1654.*
6. Rythmum Germanicum hoc sensu exhibet (a) cum literis I.K.

*Tu nos participes summorum redde bonorum.*

*Supremum licuit cui genuisse bonum, I.K.*

7. Huic inscriptum à tergo *Martinus Them 1653.*
  8. Et huic itidem à tergo *Michael Fischer 1645.*
  9. Incendii, ni fallor tempore dicata tabella insignis cum hac epigrapha: *Augustissima calorum Regina tutelari; civitas Seeburgensis ex voto offert, Anno salutis 1645. die 10. Junii.*
10. 12.
- (a) Mutter der höchsten Güte/
- Erlang beym Sohn Glückseligkeit.



10. Inscriptum habet: *Monstra te esse Matrem, Funda nos in pace Mutans Eva nomen.*
11. Inscriptum itidem habet: *Christina Karvvatin; Troskiana domo 1650.*
12. Ex voto, I. T. Notarius arcis Seeburgensis Ann. 1650.
13. Circa stemma refert literas sequentes: I. D. D.  
D. quas adjecto epigrammate ita exponit:  
*Sincero voto Ioannes corde Tabellam,  
Dambrovky Tilia Matris in Aede Del  
Oro, sinat ne me de nexa Virgo corona.  
Qua si clausus ero, iam via ad astra patet.  
Anno 1645.*
14. Nihil habet nisi intra radios IHS. MAR.
15. Refert imaginem Crucifixi, cui à dextris expressus *S. Adalbertus*; à sinistris *S. Catharina*, Anno 1632. adjectis circa stemma duabus literis *W. W.*
16. Constat his epigrammatis: *S. MARIA O. P. N.*  
Item *D. O. M. C. in H. B. V. M. Michaël Runau Aurifaber Seeburgensis, cum coninge sua Elisabetha D. D. Anno 1650.*
17. Huic inscriptum: *S. MARIA, ora pro nobis.*
18. Et huic: *Laurentius Merten, cum sua coninge Dorothea: B. M. M. M. L. M. A. M. G. M. 1654. oblata 8. Septemb.*
19. Huic itidem: *Sophia Kadausche. Monstra te esse Matrem.*  
*Posthuma Divipara sua vota Dorothea desert,  
Et memores filia Kadaviana preces 1629.*
20. Similiter huic: *Sancta MARIA, Regina celi.*
21. In hac expressa Matronæ effigies, coram B. Virgine

gine flectentis, adjecto Psalmi versu: *Vota mea reddam in conspectu Domini; in atruis domus DEI nostri, &c.* D. R.

22. Circa B. Virginis effigiem scriptum: *Ave Tilia DEI Patris; Ave Mater DEI Filii; Ave Sponsa Spiritus Sancti; Ave Templum totius Trinitatis.* At vero à tergo: *D.O.M. Virgini MARIAE immaculatae, Georgius VVichman DD. consecrat* 1651.
23. Ante B. Virginem, effigies Virginis inter flores genu flexæ, cum Germanica inscriptione: *Mater DEI, ora pro me.* 1650.
24. Expressa cordis figura, & miles genu flexo, cum adjectis literis A. K. 1641.
25. Resuscitatio Lazari opere faberrimo expressa.
26. Continet hanc inscriptionem: *D.O.M. M.V.M. Iacobus à Nenzen, ac Anna VVichmaniana, hanc effigiem obtulerunt.*
27. Epigraphen itidem sequentem habet: *Quasi Cedrus exaltata sum in Libano. In honorem B.V.M. dedicat Andreas Ludig Seeburgensis Capellanus, olim Kivittensis* 1634.
28. Virginis flectentis species, & circa stemma literæ A. N. Z. B.
29. Coram B. Virginis imagine subscriptum *Andreas Eickel, Regina Eickelin.*
30. Inscriptio sola: *Sancta MARIA, ora pro nobis.*
31. Infra expressam cordis effigiem scriptum: *Cor mundum, crea in me DEUS Anno 1647.*
32. Coram fusili B. Virginis, super laminam, imagine, *Agnes Lettavin* 1633.
33. Epigraphen solam habet *Vladislaus Gustavus. studiosus S. Bennonis* 1645.



34. Et hæc similiter: S. MARIA, Ioan. Schroter 1636.
35. Et hæc Ioannes VValiszewsky 1637.
36. Speciem refert Poloni coram B. V. flectentis cum literis M. P.
37. Sub Nomine IHS subscriptum: *Pro agra*, Anno 1643.
38. Inscriptū habet *Matthaus Puschman, Prisca* 1641.
39. Et hæc: MARIA, Mater DEI, Regina cali.
40. Item hæc, *Elisabeth Stobbin* 1652.
41. Et hæc, *Ioannes König, ejusq. conjux Iustina H. D. R. Z. E. G. V. D. A. M. G. M. L.* Anno 1650.
42. In lamina deaurata exhibet effigiem B. Virginis sine ulla epigraphe: à tergo tamen atramento inscriptum nomen illustrissimi Palatini Mariæ-burgensis *Iacobi VVeiheri*. Credo ante annos circiter duodecim, quando unā cum illustrissima sua conjuge Schaffgotschiana, B. Virgini Lindensi eorā se supplicem stitit, dicatā esse.
42. Continet imagines S. Valentini, & S. Regina; cum subjecto nomine, *Valentini Roszinsky* 1654.
43. Refert Jesu & MARIE nomina: IHS. MAR. A. Z.
44. Inscriptionem habet: D. O. M. in honorem B. V. M. *Matthias Kalozinsky fieri curavit* 1653.
45. Similiter & hæc Germanicè: Mater DEI, ora pro nobis, *Paulus Kusch* Anno 1654.
46. Et hæc: *Sub tuum presidium confugimus sancta DEI Genitrix* 1654.
47. Item hæc, juxta nomen IHS Ex voto, DEO, beata MARIE Virgini, *Bartholomeus Fischer* Anno 1648. obtulit.

48. & 49. Utraque ejusdem voto dicata. Et alteri quidem inscriptum: I. F. C. F. F. C. Anno 1654. alteri verò, Joannes Fester V. F. F. C. 1652. utraque à R. D. Joanne Fester primùm Vicario, deinde verò Commendario, ut vocant, Freidenbergenſi dicata.
49. B. Virginis Imagini fusili, fusiles itidem Angeli diadema utrinq; imponunt. Infra subscriptum: *Ora pro nobis, sancta DEI Genitrix, ut digni efficiamur promissionibus Christi.* At verò à tergo: *Hoc curavit fieri ad maiorem DEI gloriam, & beatissima Virginis MARIAE, Petrus Kruger Consul Meelſaccenſis Anno 1646.*
50. Huic inscriptum *Andreas Pilchovvicz Heres in Vvilken, ex voto effigiem hanc B. V. M. offert, dedicatq; Anno 1652. die 2. Februar.*
51. Huic verò, Joannes Berg nobilis Livo, B. M. V. Lindenſi, Patrona ſua ex voto 1633. Hujus voti cauſam ipſemet, Anno 1655. die 24. Aug. cum Gedano ad Raygrodenſem præſecturam, quam poſſidet, iturus Lindam invileret, aiebat fuiſſe, ſuum è Livonia à Suecis poſſeſſa exilium. Seceſſerat enim in Germaniam; ex qua militariſus auctus honoribus, dum in Moſchoviam Uladiſlaum IV. Regem comitatur, ex ipſis Moſcoviæ finibus, per P. Chriſtophorum Zalewſky, Orſenſis Collegii S. I. Rectorẽ, votivam hanc tabellam fieri, & Lindam mitti curavit.
52. Hujus inſcriptio eſt: *Spectabilis Dominus Clemens Bucholtz Proconſul Seeburgenſis, cum Vrſula coniuge ſua fieri fecit, Anno 1648. die 5. Julii.*



53. Refert cor deauratum crucemque cordi quasi insertam cum adjunctis literis C.M.
54. Inscribitur : *Votum B. V. M. à me D. A. S. Anno 1652.*
55. Itidem inscribitur *Henricus Delin, Anno 1625. die 8. Majj.*
56. Similiter inscribitur : *Si Deus pro nobis, qui contra nos, Simon Nencben.*
57. Solum nomen inscriptum *Anna Maria Commeyt.*
58. Solum itidem nomen *Georgius Meyer (a) Ephippiarius Varsaviens. 1648.*
59. Crucifixi effigiem, cum B. Virgine, & S. Joanne ad latera adstantibus refert, quibus subscriptum epigramma:  
*Vrit Amor, JESU, Virgo, Patrone Ioannes,  
 Ut sacro dives munus amore feram.  
 Tres vos, unus ego; vos Vnio; munere fiat  
 Vnius triplex vester ut unus Amor.*  
 Deinde adjectum *Ioannes Lamshept, Canonicus Gutsyadiensis Oeconomus Episcopatus Varmienfis Anno 1642.*
60. Continet hanc epigraphen : *Tamatus Iacobus VValiker, civis Seeburgensis, cum Domina sua coniuge Anna; in honorem B. V. M. fieri curaverunt Anno 1648.*
61. Similiter intercriptum habet linguâ Polonicâ (b) *Terentianus Zochovvsky, Tribunus Ciechanoviensis 1650.*
62. Et hæc : *S. MARIA, ora pro nobis; S. Casimire, ora pro nobis.*
- (a) Hoff-Satler in Warschau. (b) Ziemak Zochovvsky VVoysky Ciechanovvsky.

nobis. Jam vero à tergo, *Ermudis Dromlerin*, ge-  
bohrne Wormin Anno 1648.

63. Similiter hæc : *S. Maria, ora pro nobis, Laurentius,*  
*& Margarita Klein* 1653.
64. Circa stemma : *E. P. à N. ex voto discedendo Ro-*  
*man H. E. & H.*
65. Item alia ejusdem : *E. P. N. V. C. G. C. S. R. M. S.* Est  
autem utraque dicata ab Eustachio Placido  
Nenchen, primùm quidem Secretario Regio,  
deinde verò Canon. Varmienſe.
66. Solam hanc inscriptionem habet : *In honorem*  
*DEI omnipotentis, & B. Mariæ Virginis, nobilis*  
*Iacobus Zagorny, hares in VVorayn, hanc Tabulam*  
*fieri F. Anno 1652.*
67. Refert effigiem B. V. Lauretanæ, sermo inclusæ,  
Angelis flares desuper spargentibus, adjunctis  
litteris A. H.
68. Constat hæc epigraphæ : *Salve parve Puer ; salve*  
*virguncula Mater, Heribertus Ioannes Schnetla*  
*Anno 1638.*
69. Sub nomine Jesu, habet inscriptionem hanc:  
*Georgius Eisenbletter civis Brunsbergensis* 1645.  
Retulit autem decimo inde anno, Monumen-  
tum hoc ab se positum ob depulsam ope B.  
Virginis febrem, qua plus trimestri conflictaba-  
tur.
70. Inscriptura habet *Anna Maria, gebohrne Stanis-*  
*lavv:k:* 1649.
71. Refert Nativitatem Domini, cum lemmate:  
*Gloria in excelsis DEO.*
72. Germanicè inscriptum : *S. MARIA, ora pro no-*  
*bis.*



73. Exhibet fusiles, super laminam, Crucifixi & B. Virginis ac S. Joannis imagines cum epigraphe: *Ad M. D. G. & augustissima Virginia honorem. Respi- ce Virgo, vide hoc Amoris pignus, humilemq; debita servitutis testem. Hum. Cliens tuus H. I. Hennig 1639.*
74. Sub imaginibus B. Virginis, S. Annæ, & Domi- ni Jesu in medio stantis scriptum *Clara Stein- johnsche 1650.*
75. Germanicè subscriptum: *Ad honorem sanctissimæ Mariæ DEI, Gregorius Basner, & Georgius Althoff, uterq; civis Seeburgensis fieri fecerunt, Anno 1647.*
76. Inscribitur *Anna Leibin 1652.*
77. Et huic inscribitur: *Vovit B. Virgini Ioannes Hitz- Heres in Ramsau Anno 1652.*
78. Et huic, *Andreas Kludtk.*
79. Similiter & huic, *Georgius Sobedin 1647.*
80. Itidem huic *Me. Pracillofsky.*
81. Et huic: *In honorem B. M. V. fieri fecit Fridericus Monrau, piè defunctus Notarius Seeburgensis 1647.*
82. Refert imagines B. Virginis cum puerulo Je- su, & sanctæ Elisabethæ cum S. Joann. Baptista itidem puerulo, additâ epigraphe: *O quam pul- chra est casta generatio cum claritate! Immortalis est memoria illius, quia apud DEUM nota est, & apud homines, Sap. 4.*
83. Juxta B. Virginis effigiem continet S. Ignatium flectentem cum inscripto nomine, *Ioannes Nisvrand D. D. 1648.*
84. Ex utraque refert sculptas effigies; & in altera quidem Germanicè scriptum: *Ave sanctissimæ DEI*

DEI Genitrix; Ora pro nobis Dominum, Amen. 1653.

In altera verò: Sancta Maria, ora pro nobis.

85. Habet fusilem pedem sibi appensum, cum inscriptione Anna Bruchmannin.
86. Solam habet epigraphen hanc, Anno 1626. die 4. Iulii Anna Schutzm.
87. Refert imaginem B. Virginis cum puero Jesu in Aegyptum fugientis, addito nomine, Margaritha VVeissin 1651.
88. Inscriptum habet: Sancta MARIA maior: à tergo verò, Gertrudis Hanmansche Anno 1651.
89. Sub B. Virginis effigie, Laurentius Ballinsky.
90. Epigraphen hujusmodi continet: Regina Michaelis Eleert filia, ex voto obtulit, B. V. Lindenfi Anno 1648.
91. Solam inscriptionem habet, Fridericus Kodziborsky 1652.
92. Refert effigiem manus, cum addita inscriptione Ioannes Lemke, Anno 1654.
93. Inscriptum habet Germanicè Ioannis Trabanten uxor Anno 1651. H. D. M. L. id est, curavit hoc fieri.

Atque hæ sunt votivæ Tabellæ argenteæ, quæ ab aliqua sui epigraphe distingui, atque hîc consignari potuerunt; præter quas plurimæ aliæ sunt, quæ vel nullam omnino aut effigiem aut inscriptionem habent, ideoque referri huc non potuerunt, vel, si habent, jam suis locis à nobis commemoratæ explicatæque sunt, vel deinceps hoc & sequente libro commemorabuntur.



## CAPUT XXXVII.

A morte, vel præfente mortis periculo, B. Virginis Lindenſis  
auxilio erepti.

**T**Res ſorores veteribus fuerunt, vitæ mortisque  
arbitræ; quippe ſtamina vitæ aut producere, aut  
præſecare potius ſingebantur. Verè Parcæ, & nomi-  
ne & re; quia inexorabiles, præſertim ubi vitæ ſila  
præſecuiſſent ſemel. Una nobis, Dei Mater & Virgo  
eſt, quæ etjam abrupta, ſi fabulis locus aliquis eſt, per  
Parcas, vitæ ſtamina reſtaurat; ideoque & Mater miſe-  
ricordia, & vitæ atque dulcedo, ſpesque noſtra, Eccleſiæ  
ipſius ſuffragio audit. Numquid & apud Lindam  
ſuam id ſibi operæ ſumit? Ego quidem non dubitem  
etjam hîc uſurpare, id, quod de B. Virgine Eccleſia  
Græca univerſim in Menæis canit, aſſerens eam mor-  
tuorum quoque Matrem, quæ reſurrectionem mor-  
tuis peperiſſet. Sic enim Deiparam appellat (a) *Acer-  
bus ligni guſtus me occidit; Planta autem, de Te, ô Virgo, ex-  
oriens, vitam mihi reddidit. Partus enim tuus eſt Reſurre-  
ctio mortuorum, captivorum libertas, erectio iacentium.*

## I.

Puella recto domus obruta, ad vitam, per B. V.  
Lindenſem revocata.

Domos ac recta, ſervandæ ac fovendæ vitæ cau-  
ſâ ſtru-

(a) ἡ πικρὰ με τῆ ξύλης γεῦσις ἐνέκρωσε. τὸ τεχθὲν  
ἐκ σακκῆ, φυλὸν ἐζώωσε. τόκος γὰρ ὁ εὖδς, τῶν νεκρῶν ἐξο-  
νάσσει, λύσις αἰχμαλώτων, ἀνόρθωσις κειμένων.

sâ struunt mortales ; quibus tamen non rarò mors pro Tumulo uti solet. Conata est id Allensteini, perfecissetque; nisi præsidium Deiparæ Lindenſis interceſſiſſet. Gertrudis erat puella Joannis Kirſten & Gertrudis conjugum filia; quam mors domi, ipſa domo pro armis uſa oppreſſit. Incertum, quo caſu reſectum domus corruit, & tignis lignisque cæteris, puellam oppreſſit. Magno parentum aliorumque molimine, nec minore dolore, inter tigna ac rudera reperta; atque inde exanimis, perſectò brachio, totoque corpore miſerè afflicto extracta eſt. Non potuit aliter cum à cæteris, tum à parentibus, quam pro mortua haberi ac tractari; quod & mater deinceps apud Lindam eſt teſtata: ſed & viſcera parentum non poterant, tam acerbo ſpectaculo, non commoveri quam maximè. Ubi ad ſe non nihil redière, ex illa triſtitia dolorumque nube, ad eos, qui à Linda Mariana, beneficiorum divinorum in omnes ſe effundunt, radios reſpiciunt, & DEI Matri, exanimem filiam commendant, adjecto uſurpandæ apud Lindam, tum pænitiæ, tum eucharistiæ voto, neque votum eventu caruit. Benigniſſima quippe DEI Mater, hîc ſe & vitam, & dulcedinem exhibuit, reddito puellæ deſunctæ ſpiritu; quo per venas ultro citroque commean- te, membris omnibus vigor ſuus viresque redière. Sanam igitur atque incolumem filiam parentes, Anno MDCCXXVIII. ad IX. Calend. Jun. Lindæ ſervatici ſuæ coram ſtitière, votoque, quod nuncuparant, ritè ſunt deſuncti.



## II.

Inter perpetuas liberorum mortes, filiulus præsidio  
B. Virginis, per visum parentibus indicato,  
servatus.

Non incommodè locum hîc illud Prophetæ (a) sibi vendicet : *Quomodo si eruat pastor de ore leonis duo crura, aut extremum auricula.* Leonis instar grassabatur mors in liberos Ettmanni Wein civis Gurstadiensis opificio rotificis. Jam quinos rapuerat, continuis funeribus elatos; jam & sexto imminēbat; rapuisset quē, nisi Deipara Lindenstātanquam extremum auriculā de ore leonis, eruisset. Jam enim & hic morbo implicitus, adeo quē moriturus certū erat, nisi Deipara morti eripuisset. Quadrimus vixdum erat, cū parens ( ut in commentariolo Patris Simonis Hein scriptum reperiō ) Anno MDCXXXVIII. ad VI. Nonas Julias, illum apud Lindam circum Altare gestavit, ac dixit mortuos sibi quinque iam liberos isto maiores; cum quē, vereretur etiam hunc ultimum moriturum, per visionem monitus est, votum ut faceret ad Divam Virginem Lindensem, & Tabellam per puerulum offerret, sic enim cum mortis periculo eximendum. Eventus veram fuisse promissionem probavit. Hodie Tabellam argenteam, spectante populo frequente, puerulus obtulit; & pater cum filio sano domum est reversus.

III. Re-

(a) Amos 3. 12.

## III.

Religiosus Ordinis Minorum, voto Lindam nuncupato, à præsente mortis periculo ereptus.

Anno MDCXXXVIII. ad XVII. Calend. Octob. P.F. Ludouicus Pfeil, Ordinis Minorum de Obervantia Lindam, ab ipsis Poloniae finibus, cis Posnaniam peregrinus advenit; & statuamè cera in morem religiosi Ordinis Minorum effictam, Deiparae Lindenhi, tanquam voti reus, obtulit. Reminisci non possum, quo genere morbi ad extrema fuerit deductus; reminiscor tamen (quippe qui multis deinceps illo familiariter usus sum) cum mihi, tum aliis pluribus palam fuisse confessum, ad ipsam se mortem vi morbi fuisse adactum, neque alio nisi Divæ Lindenhi præsidio ereptum. Quod quidem non in Aula modò illustrissimi Episcopi Varmiensis, verum & totâ passim provinciâ ubique pro comperto ferebatur. Degebat ille, ad id usque temporis in Polonia, cum morbo corripitur, cui neque medicorum neque ulla mortalium præsidia (quin pro deplorato, depositoque haberetur) paria erant. Rebus igitur conclamaris, subit illi mentem præsidium, in Prussia, patria sua (Ressellii quippe in Prussia natus erat) constitutum, quo cæteri mortales apud Lindam Marianam felicissimè perfruuntur. Quocirca Moderatores, quorum sub imperio agebat, vel inter mortuis vocibus appellat atque obsecrat; vellent, juberent, votum ab se Divæ Lindenhi nuncupari, &, si revaluisset, peregrinationem ad eandem susci-



fufcipi. Annuentibus illis, voto se fimul obstringit, & fimul morbo mortisq̃ue periculo abfolvitur. Quod ille tanto prædicavit enixus, quanto diutius inde hæfit in Pruffia, & Lindam Marianam, grati animi ergo frequentius vifitavit.

## IV.

Vir in Polonia genere & dignitate illuftris, voto Lindam pro fe facto, propinquam evafit mortem.

Piaculum foret hoc aliis referre verbis, quàm quibus & à jurato civitatis Reffelienfis Notario fignatum, & teftibus fide digniffimis confirmatum eft. Sic igitur Notarius ille: Anno Domini, millefimo fexcentefimo quadrefimo, die fecunda Iulii, illuftris ac magnificus Dominus, Albertus Alexander Przeszkovsky, Heres in Zbenin, Thefaurarius Terra Lomzenfis, & Notarius terreftis iuxta ac caftrenfis Rozanenfis & Makoviensis, quæ fequuntur, coram teftibus infra fcriptis, teftè confcientiæ edixit. Anno currente, cùm in bonis regalibus Lomzyn, fubito gravi, & periculofe admodum morbo effet correptus, ita, ut neque fui, neque nominis fui memoriam teneret; à coniuge, caterisq̃ue propinquis, varia vota pro incolumitate decumbentis, ad varia loca fæcra edita funt: quæ quidem ager, magis propinquorum, quàm fuâ voluntate, rata efle voluit. Interim cafu efferuntur literæ, à P. Staniflao Zberovfky Societatis Jefu, de propinqui fui morbo planè ignari; quibus inter cætera, indulgentias & miracula ad B. Virginem Lindenfem, pro fefto potiffimùm Vifitationis B. Virginis, exhiberi folita commendabat. Hic fubito ager ipfe ultro

votum

Votum concipit (quippe qui ad illud interiore instinctu, ac vi impellebatur propinquisque variè dissuadentibus obtende-  
bat, se omnino, vel inter media iacula de calo ruentia,  
voti causâ locum invisurum) Lomzaniqûe ad Patrem So-  
cietatis JESU Andream Bobola scribit, ut secum, suâque  
causâ votum ad B.V. Lindensem concipiat. Vix votum e-  
missum, cum ager revalescere sensim cepit, brevique ad per-  
fectam valetudinem viresque rediit: ita ut infra hebdoma-  
dam, pro officio suo adesse lustrationi Equitum Polonorum,  
ipseqû, pro more patriæ, inter alios, Eques vehi ac spectari  
potuerit. Quocirca beneficii divinitus accepti memor, &  
gratus; pro ipso Visitationis B. Maria Virginis festo, neque  
privatæ, neque publicæ Reipublicæ, Comitiorumqû terre-  
strium negotiis detineri potuit, quin voti reus, itineri se  
committeret. Venit igitur die, & anno, quo supra; sacra-  
mentuqû, penitentia & eucharistia refectus, qua scripta  
sunt, in præsentia testium infra nominatorum, referri in  
tabulas, atque consignari voluit.

Albertus Przeczkoſsky Theſaurarius Terr. Lomzens.  
& Notarius Rozanens. & Makoviens. S. R. M. S.

Ita esse attestor Paulus Mollerus Archipresbyter & Pa-  
rochus Reſſeliensis, manu prop.

Idem testor Valentinus Maieſſky Parochus Biſchbur-  
genſis, manu prop.

Idipsum testor, Thomas Clagius Reſidentia Reſſeliens.  
Societatis JESU ſuperior, manu prop.

Idem testor Chriſtophorus Schmid Aſtorum Reſſeliens-  
ium iuratus Notarius, manu propria.

V. Alius



## V.

Alius itidem illustris è Polonia vir, præsentis periculo mortis ereptus.

Extat hujus rei votiva ex argento apud Lindam Tabella, cum hac epigraphe: D. O. M. *Virginique Marti, Fonti misericordiarum, Martinus Szyszkowsky Capitaneus Lelovienfis* Germanus is erat frater illustrissimi Varmienfis Episcopi Nicolai Szyszkowsky; ad quem etiam revisendum è Polonia in Prussiam excurrerat. Lætitiâ è gratissimo fratris conspectu singularem, propè mors præcidit; morbus certè haud leviter intertupit. Paulò enim pòst, quàm Heilsbergam venerat hospes, tanta illum vis morbi invasit, ut nulla medicorum industria, quin pro deposito haberetur, pareffet. Quò major illustrissimo Episcopo exinde cura atque dolor, cui unus ille fratrum supererat, in quo *domus*, ut ille ait, *inclinata recumbebat*. Quocirca etiam majore fiduciâ Divam Lindensem, cujus, ut ante vidimus (a) honori propagando eximie studebat, supplex accedit, & fratris nomine votum concipit. Extemplo æger ad se, rediit, redièrè unâ & vires; ita ut paucis interjectis diebus, Lindam accedere, & inter prolixas memoris animi gratias, sanitatis, quin & restitutæ sibi vitæ monumentum dignum iple coràm statuere potuerit.

VI. Cap.

(a) lib. 3. cap. 12. &amp;

## VI.

Canonicus ob præcipitem ex equo lapsum de vita periclitans, sibi restituitur.

Inter votivas ex argento Tabellas, quædam est, quæ Equum per avia, in viaque cursu effusum, & sessorum humi afflictum sacerdotis habitu refert, cum addita epigraphe: *Thomas Selbey, C. G. voti reus solvit.* Nemo omnium, quibus Lindæ cura hæctenus commissa fuit, inventus est, qui mihi vel dicari anathematis causam, vel picturæ mysterium evolveret. Cum autem ipse admodum R. D. Thomas Selbey tum quidem Canonicus, nunc verò etiam Decanus Gurtstadiensis, superstes Dei gratiâ etiam nunc esset, ipsum datâ occasione coram percontatus sum; & quæ didici, ex fide jam reddo. Ibat ille aliquando eques ad Capituli Gurtstadiensis prædium, Viertzighuben dictum; jamque villam ingressus erat, cum equus non latratu modò, verum & mortu canum, in præcepsum actus ira est, ut nullâ habenarum vi, nullâ sessoris contentione flecti, ne dicam sisti posset. Non ignorabat sessor, quanto in vitæ discrimine versaretur; quò magis præsidium, quod in Deiparæ ope collocarat, animo versabat. Interea maximo impetude equo excutitur, & vel ad saxum (neque enim satis reminisci possum) vel ad terram saxo vicinam, eodem alliditur impetu. Actum fuisset de vita, nisi, quemadmodum D. Decanus ipse disertè fatetur, in ipso mortis articulo, à Deipara vitam recepisset. Quod beneficium & illo jam tempore posito Lindæ monu-



monumento, actisq̃ue divæ servatrici gratiis celebravit; & nunc perennibus gratiis agendis, grataq̃ue, quoties occasio datur beneficii de prædicatione, non desistit celebrare.

## VII.

Præposito Gutstadiensi, conclamata jam ob acerbitatem morbi, vita restituitur.

Si omnium, quæ symbola vel notas aliquas habent impressas, tabellarum vel anathematum explicare, vel etiam cognoscere rationes & causas arcanas liceret, quanta vel operi huic moles, vel beneficiorum Deiparæ multitudini cumulus accederet? Quot enim capite præcedente omnino intracta præteriri debuerant, quin & deinceps debebunt? Geminas præterire neque possum, quia earum rationem affecutus jam sum; neque sanè, ut possem, etiam debeo; quia, quoad licet, gloriæ & honori Deiparæ Lindenſis detractum nihil volo. Si literam unicam demas, iisdem utraque notis consignata est; altera quidem hoc modo: M. A. B. C. G. O. V. 1649. altera verò hoc: M. A. B. P. G. O. V. Non difficile mihi fuit assequi utramque dicaram esse à *Matthæo Alberto Bogursky*, Anno quidem 1649. Canonico, deinde verò 1650. quo posterior Tabella consecrata fuit, jam Præposito Gutstadiensi, & simul Oeconomo Varmienſi; at vel divinare, quam tandem ob causam dicaræ essent, per quàm difficile. Auctor ipse difficultatem sustulit, qui hoc ipso 1655. Anno, causas mihi coràm explicuit. Prior enim Tabella ob vehementes morborum cruciatus, posterior verò etiam ob depulsum mortis periculum oblata fuit. An-

no enim MDCL. gravibus in negotiis Poloniam adie-  
 ra; ubi ad usitatos calculi cruciatus, febris peracuta,  
 aliorumque symptomata morborum accessere. Tri-  
 duum integrum exanimi quam vivo similior, non  
 ipse modò, verùm & alii spem vitæ abjecerant. Ve-  
 rùm à Diva Lindenſi, cujus & aliàs opem expertus  
 fuerat, & tum maximè implorârat, spes vitæ, quin &  
 vita impetrata. Quam ob rem, ubi in Prussiam rever-  
 sus est, nihil habuit antiquius, quàm ut Lindæ se, at-  
 que unà beneficii tanti monumentum Deiparæ siste-  
 rer.

## VIII.

Viri nobilis Villicus, quintum diem extra sensus  
 positus, voto Lindam nuncupato sibi  
 restitutus.

Ita apud Lindam Marianam sanctè de se asseruit  
 Gregorius Radiken, VII. Idus Juliæ, Anni MDCLII.  
 Agebat Villicum in Elditten apud generosum virum  
 Eustachium à Nenchen; cùm interim vehementissi-  
 mo involutus est morbo. Quodcunque tandem mor-  
 bi genus fuerit, vis certè ac malignitas tanta erat, ut  
 abruptâ vitæ spe, ipsa quoque vitæ stamina videren-  
 tur abrumpi: jam enim quintum diem extra se, sen-  
 susque positus, nihil cibi aut potionis admiserat.  
 Frater, qui interim aderat, fratris misertus, quid mi-  
 sero afferret remedi, non habebat. Occurrit animo  
 decantata omnibus Divæ Lindenſis potestas æquè in  
 mortem, ac pietas in mortales: utramque piissima  
 Mater, ut in fratrem suum exerceat, supplex obse-  
 rat, & Lindæ insuper à fratre, ubi revaluisset, quàm



primū revivenda, votum nuncupat. Adfuit repēte homini jam deposito, invocata Mater Dei, ut post die de illius benignitate licuerit illi tum vivere, ut ederet, tum edere, ut viveret; interjecto quē brevi admodum tempore sanus atque incolumis non tam villicationis, quā gratitudinis suæ rationem corā Lindæ reddiderit.

## IX.

Religioso Societatis JESU Sacerdoti, in Austria,  
per Deiparam Lindensem vitam  
conservata.

Nemo id melius, quā qui expertus ipse est, scribendo explicuerit. Est autem ipse, cujus literas paulō antē (a) produximus, P. Joannes Aloysius Kuhn. Sic enim iisdem ille literis de se memorat. *Mitto affectum meum beatissima Virgini Matri Lindensi sub notis Musici expressum; quandoquidem non nisi exigua signa magna Matri transmittere queo. Suum Diva Lindensis, in has usque oras, auxiliare brachium extendit. Meam illi in acceptis vitam refero, miraculum tamen sileo, ne videar vivere miraculosē. Quam spem vitæ deposito mihi Medicus hoc anno pracidit, illa operæ ejus imploranti, repēte integra cum valetudine contulit; ut à multo tempore, quo vitam in Societate dego, meliores vires, quā quibus nunc DEI & Deipara Lindensis beneficio fruor, non sim expertus.*

X. Vi-

X.

Vidua Regiomontana, voto Lindam facto, periculum mortis evasit.

Sub Anni MDCLIV. exitum, Walpurgis, civis Regiomontani Melchioris Renner relicta vidua, stomachi, viscerumq; omnium per octo minimum hebdomadas intolerabiles experta cruciatus, de vita omnino periclitabatur; præsertim cum omnia incassum adhibita essent remedia. Evasit tamen periculum, ubi peregrinationis Lindensis votum fecit; sed ita evasit, ut multa ubique morbi vestigia residerent. Quàm primùm tamen Lindense arripuit iter, omnis prorsum dolor recessit, ut pedes, quidquid interjaceret itineris, potuerit emetiri.

XI.

Viro nobili, omnium judicio jam deposito, vita per B. V. Lindensem prorogata.

Quod vir in Masovia nobilis, Dominus Nicolaus Trufzkowsky, Paræciæ Lachoviensis, vi. Nonas Julii Anni MDCLII. coram R. P. Alberto Kuklinsky Rectore (qui etiam id literis tradidit) & Paulo Radig arque N. Trabant, consularibus Resselii viris sanctè affirmavit, idiptum vicini illius Anno MDCLIV. ad VI. Idus Septemb. cives Colnenses pari fide confirmârunt. Vis illum morbi ita oppresserat, ut tandem vita propè omnis destituerit. Qui aderant, nihil intentatum reliquerunt, ut sensibus, à quibus jam erat abalienatus, restitueretur. Cum cætera frustra essent omnia, subiit animos Mariana Deiparæ Linda, & apud eam, quamvis



longè diffitam, præsens ac singularis in omnes benignitas. Votum eò ægri nomine concipiunt; & simul æger, reddito paulatim animo, sensum vigoremque corporis, omnium exspectatione maturius recepit. Virium quippe jam compos, haud ita multò post in viam se sat prolixam dedit, & sanus atque incolumis Lindæ vota persolvit.

### C A P U T XXXVIII.

Animæ Purgatorii per B. Virginem Lindensem adjunctæ.

**Q**Uæ, & quanta sit Deiparæ in Animas purgatoriorum ignium carceribus detentas clementia & caritas, vel ex iis, quæ tum Alphonso Cortesio, tum Joanni Ximenio, Societatis Jesu religiosi, aliquando in mandatis dedit, facile colligas. Illi enim, testis P. Joanne Rho (a) qui singulari quâdam pietate Deiparam, per omnem vitam coleret, familiaritatis queritanti aliquando, quod se molestis animi angoribus scrupulisque confici pateretur, edixit, atque haud dubio oraculo monuit Virgo, si salvus ac liber esse vellet, animis è purgatorio igne redimendis, operæ plurimum impenderet. Hunc verò ante suam Imaginem orantem, ac vehementius concepto æstuantem amore, sic affatam Deiparam ferunt; Ximeni, cave, ne animas in purgatorio igne laborantes oblivioni tradas. Quæ igitur, quasi conductas suorum operas, pro animabus Purgatorii ita sollicitat, suam iis operam suffragiumque deneget? Quod cum alibi, tum apud suam quoque Lindam accuratè præstat. Proinde qui jam animos mortalium cum mor-

(a) in varia histor. lib. I. cap. 4.

morte vel mortis periculis lucentes, vidimus à Deipara adjutos, jam ut si cum ignibus purgatorii lucentes, ab eadem juventur, videamus.

I.

Anima cujusdam defuncti, preces sui causâ apud Lindam Marianam fieri expetit.

Anno MDCL. Idibus Octobris Lindam invisit matrona Gurstadiensis, Martini Wagneri conjux: ut suis aliorumque precibus ac placaminibus, divinum in fiscum conferret aliquid, expungendis animæ, quæ sibi apparuerat, nominibus profuturum. Paucos enim ante dies, cum ædes ipsius nocturnis fragoribus atque lamentis identidem personarent, supplex à Deo petierat, ut, quidquid tandem rei id esset, edoceretur; se enim ad omnem Dei nutum, dummodo planè de eo sibi constaret; promptam omnino pacatamque fore. Edocta est, ac monita per somnium, ut ipsa, adjunctis, quas et jam de nomine appellavit, duabus aliis matronis, Lindam pergeret, & preces piaque alia pro se placamina faceret. Mulier, quemadmodum monita aut potius rogata fuerat, aliis somnium indicavit; sed cum ab aliis fortasse, tum à viro quodam gravi, indicium illud risu acceptum est, resque omnis anicularum fabellis ac meris somniis adscripta. Ergo, ne somnia vigilantibus quoque objicerentur, postera die, ipsa sextâ matutina horâ, quâ in Templo signum, pro sacris, ære campano dabatur, vigilantem, atque adeò ad Templum se accingenti spectandam se, in lineis vestibus animula exhibet, precesque antè per somnium postulas, citra somnium



ingeminat, continuoque ex oculis disparet: sed disparere ex animo minimè potuit; quoad mulier, quidquid rogata erat, primo quoque tempore, apud Lindam, ritè executà est.

## II.

Defunctæ conjugis anima, sacro apud Lindam Missæ sacrificio precibusque adjura, suâ aliorumque quiete gaudet.

Pontem, quo facilis ad cælum patet aditus, Deiporam Virginem, appellat & adorat. Græoa in Menæis (A) Ecclesia. Quid igitur mirum sit, si jam solutæ à corporibus animæ, quæ liquidius utique Deiparæ agnoscunt dignitatem, ad ejus suffragia ac patrocinia anhelant? Anno MDCLIII. è vivis excessit Gregorius Schroter civis Guttstadiensis conjux; sed ita excessit, ut per dimidium annum fragoribus terroribusque nocturnis christianæ erga se caritatis ac pietatis domesticos omnes commonefaceret. Viduus maritus nihil suo officio deesse passus, jam stipe egenis, pro sua facultate, liberaliter data; jam sacro sancto Missæ sacrificio piis defunctæ conjugis, manibus parentavit; nihilo tamen perstabant adhuc nocturni illi fragores ac tumultus, quia apud Lindam nimirum Marianam, pons animæ illi paratus ad cælum erat. Posteaquam enim maritus lacrum pro defunctis Lindæ se curaturum, & aliquid ceræ ibidem oblaturum vovit, sua manibus piis quies, & ædibus tranquillitas extem-

(A) σὲ τὴν ἐν δὲ ἑκαστῇ γέφυρᾳ, πρὸς τὸν ἑσπέρου, μακροῦ σῶμας apud VV agnere k. num. 329.

ex templo rediit. Quocirca maritus, quod voverat, ſine cunctatione executurus, iter Lindam verſus ingreſſus, ad xvii. Calend. Julias MDCLIV. Anni Lindæ apparuit, & voto perfunctus eſt.

### III.

Plures juvandis piorum manibus, donaria & anathemata Lindam mittunt.

Altiffimè omnium cordibus fidelium videtur impreſſum, quod ipſa de ſe Dei Mater apud S. Brigittam, Bloſio teſte (a) profeſſa eſt. Nam, ut Bloſius inquit, audivit S. Brigitta, ipſam beatam DEI Genitricem Virginem dicentem: Ego ſum Mater DEI, & Mater omnium, qui ſunt in Purgatorio. Quia omnes pana, quæ debentur purgandis pro peccatis ipſorum, per preces meas, quolibet horâ, aliquo modo mitigantur. Quod quidem etiam S. Bernardin. Senenſis (b) tradidit: Beata Virgo, inquit ille, in regno Purgatorii dominium tenet; propterea inquit Eccleſiaſtici 24. Et in fluctibus maris ambulavi. Pana ſiquidem purgatorii, ideo dicitur Fluctus, quia tranſitoria eſt; ſed additur, Maris; quia nimium eſt amara. Ab his Tormentis liberat beata Virgo, maxime devotos ſuos. Et hoc eſt, quod ait. Et in fluctibus maris ambulavi; ſcilicet viſitans & ſubveniens neceſſitatibus & tormentis devotorum meorum: imò & omnium, qui ibi exiſtunt; quia filii ejus ſunt, cum ſint filii gratiæ. Atque hinc non minimus ſolet eſſe

P p 4

(a) Monit. ſpirit. cap. 13. (b) ſerm. 3. art. 2. cap. 3. de Nomine Maria.



esse numerus eorum, qui apud Lindam Marianam juvandis propinquorum, aliorumque in purgatorio existentium manibus, Deiparæ opem implorant. Paucos duntaxat memorabo, qui aliquod suæ illic pietatis monumentum reliquerunt. Anno MDCL. Dominus Jacobus Hanman Consul Meelsaccensis, non longo temporum intervallo, & uxorem, & filium, qui in Olivenfi Cisterciensium Monasterio professus jam erat, ereptos sibi indoluit. Ut tamen in altero seculo utrique prospiceret, utrumque Deiparæ Lindensi commendavit, misâ Lindam tabellâ voti vâ, cum hoc epigrammate:

*Ad maiorem Dei gloriam, beatissimæque Virginis honorem. Pro charissima consorte Anna Silbein, & filio Petro Professo Olivenfi, Iacobus Hanman Consul Meelsaccensis 1650.*

Anno MDCLIV. Gregorius Spohn civis Traumburgensis, ad III. Nonas Junias, Deiparæ Lindensi obtulit calicem argenteum, cum velo & omni ad sacrificium necessario apparatu. Velum porro & reliquos apparatus nigri coloris erat, quia cum cæteris defunctis, tum uxoris suæ manibus consultum maxime cupiebat. Sub idem fere tempus etiam D. Georgius Eisenbletter, inter Brunsbergenses, genere & opibus facile primus, ut defunctæ haud ita pridem matri suæ Deiparam Lindensem redderet propitiâ, peregrinationem, ex voto promissam, Lindæ absolvit. Cujus ego quidem votis, haud invitâ mea conjunxerim, ut bene sit manibus piæ, & in Collegium Brunsbergense munificæ præ cæteris matronæ. Illa enim socios ad desertum bello Suecico Collegium post-

poſtliminio revertentes, veſtibus, commeatu, & ſupelleſtile maximè inſtruxit; illa ſuccedentibus deinceps annis munificam à Collegio manum nunquam ſubtraxit; illa denique, niſi ſuorum nonnemo obſuiſſet, auguſtiſſimam Collegii illius rem, aliqua fundi parte, augere cupiebat. Sit merces etjam bonæ voluntati æterna, ab eo, qui teſte Regio vate, *voluntatem timentium ſe faciet, & deprecationem eorum exaudiet* (a) Plures alii ſuperioribus annis defunctorum cauſa, è Brunsbergenſibus Lindam peregrinari ſunt; præſertim ubi fama de multorum apparitionibus, totam ita repleverat civitatem, ut etjam totâ latè Variâ funderetur. Cuſ ego famæ, quid, & quantum tribuam, non invenio: niſi quod tum donaria Lindam & ad alia ſacra loca paſſim miſſa, tum imagines aliæque monumenta ea de cauſa erecta, non omnino hauſtam ex vano fuiſſe confirment.

## CAPUT XXXIX.

Quidam ob neglectam Lindæ, vel Eccleſiæ religionem  
divinitus puniti.

PLures tum ſecundo, tum etjam tertio libro, qui vel deſertum Lindæ locum temerare, vel etjam reſtauratam contumeliâ injuriavé aliquâ ſunt auſi afficere, divinam expertos Nemefin produximus: pauciores hoc loco producemus, quia eò jam Lindæ Marianæ ſplendor atque dignitas promovit, ut paucos jam vel furor, vel etjam temeritas in eam tranſverſos agat. Quin & hi, qui jam producentur, in ſe

Pp ſ

poti-

(a) *Psalm.*



potius, quàm in Lindam fuerunt injuri; nisi pro Lindana etiam reputes injuriâ, quod cùm in vicinia positi sint, aut Lindam etiam de longinquo, sacrorum causâ frequentare soleant, utrique castigatâ divinitus negligentia suâ, ad dignam eo loco observantiam, studiumque religionis excitari necesse habeant.

## I.

Qui jejunium sextæ feriæ violat, à morbo, quo corripitur, non nisi B. V. Lindenensis auxilio eripitur.

Quid potest esse crudelius hæresi, cui non propriæ duntaxat, verùm & alienæ salutis negotium, ludus est? Eo namque temeritatis, ne dicam, insanie nonnulli devenerunt, ut non satis habeant, si ipsi pereant, nisi & alios in exitium secum adducant, & quidem adducant ludendo! Hinc illis non rarò in Prussia mos est, fannis, ludis, & plus quàm scurrili urbanitate, innoxie plebis sensum pervertere, & cùm ad alia suæ sectæ capita, tum ad jejuniorum pellicere contemptum. Hinc illa statis jejuniorum diebus ad votandas carnes illicia, atque sollicitationes. Quòd si suadendo atque sollicitando nihil promoveant, uti quidem apud cordatiores, etiam de plebe, rarò promoveant fraude, dolo, & ludificationibus agere, atque, ut in proverbio est, de alieno corio ludere. Nam & ludi ipsorum, per sæpe etiam innoxie seductis noxæ sunt; uti quidem Anno MDCLIV. Thomæ Janowsky è Subsilvania oriundo fuerunt. Rusticeas ille operas, apud Goldapensium civium quendam exercebat, salvo tamen religionis Catholicæ, quoad potuit,

exercitio: nunquam enim adduci potuit, ut appositas feriâ sextâ, aliove jejunii die carnes etiam degustaret. Et ecce per ludum tandem pertractus est in nasam! Occuluerant intra olus carnes impii ludiones, nihil veriti condimenti esse asseverantes. Credidit homo simplex atque olere vescitur; cum ecce suilla intra olus tandem apparet. Cohorruit illico, & gustare deinceps religioni sibi duxit. Nihilominus ludionum verbis persuasus, tandem ultro carni manum admovent, & buccam ori ingerit: sed non sine consequente eodem vestigio divinâ vindictâ. Repentè enim corripitur morbo, ut decumbendum fuerit. Ita decumbenti, at necdum sopito, species humana angustior (ille Deiparam fuisse ait) coram ad stare visa: quæ etiam placidè interrogavit, ecquid deinceps jejunium sextæ feriæ religiosius servare vellet? cum ille respondisset, velle, quin & ad hanc voluntatem voto firmatam, adeundæ Lindæ votum adjecisset, continuò sanatus, VI. Idus Julias Lindam adiit, & cum delictis suis expiatus, cum votis ritè solutus est.

## II.

Ab esu carniû diebus jejunii, prodigio quidam revocatus.

Sub idem fere tempus, atque eadem fere de causa alter Lindæ expiatus est. In ipso verni quadraginta dierû jejunii capite atq; adeò ipsâ quartâ feriâ, quæ à cineribus nomen habet, mensæ cujusdam hæretici, haud procul Resfelio, accubuit; & hospiti, pro solita hæreticis urbanitate, ad vorandas carnes invitanti, adeo.



adeoque carnes cum quadra offerenti, haud gravare infelix conviva assensus est. Et jam manus erat ad moriturus, cum se inusitato quodam sensu aut potius horrore percelli sensit; quin & tres sanguinis guttas, è naribus in quadram defluxisse vidit. Prodigium id, haud vanè interpretatus est; quippe qui extra id temporis monumentum, neque in pueritia, neque in provectiore deinceps ætate, vel unicam sibi de naribus guttam sanguinis meminisset unquam stillavisse. Eo quocirca prodigio absteritrus, non modò carnibus abstinent, verùm & Lindam haud multò post iter instituit, & de servando in posterum religiosius jejunio, constanter sibi metipsum cavit.

### III.

Ad festorum cultum dierum, quidam supplicio divino admonitus.

Carbonarius is erat, & struem lignorum in carbonem exurendam, jam habebat paratam. Instabat sacrosanctum Paschatis festum, quod à servili opere quàm maximè coërcere hominem debuerat. Ille tamen captum opus urgere, & ipso Sabbatho sancto ignem pyrae subicere, proinde & ipsa Paschæ Dominica operi intendere. Verùm illà ipsà die, vindicem Domini manum sensit; nam & oculis offusa caligo repente est; & pedes labescere ac dolore excruciiari continuò cæperunt. Quibus ille malis ut levaretur, auxiliarem Deiparae Lindenensis manum imploravit, & expertus tandem est; quemadmodum per modico spacio interjecto, Lindæ ipsemet professus est.

## IV.

Alter quoque ob violatam festorum dierum religionem divinitus plexus, voto Lindam factò convalescit.

Colonus quidam in vicino Prussiz Ducatu haud longè degebat Lindâ, quò etjam cum reliquis in eodem Ducatu agentibus Catholicis, divini cultus gratiâ, frequentare diebus festis solitus erat. Obrepfit tandem noxius homini torpor, & fortasse etjam ipsum hæreticorum consortium, quasi noxio quodam halitu, miserum afflârât; ut multò tempore domi iners desideret; &, quanquam duobus tantummodo passuum millibus Linda abesset, rarò tamen Lindam sacrorum causâ, etjam festis diebus adiret. Tantam animi inertiam, non iners modò, verùm & peracerbis excepit morbus; quo membra omnia obtorpuerunt, & resolutis nervis enormiter sunt contracta, ac demum lecto affixa. Sensit enim vero miser supplicium; sed & supplicii causam, non potuit intimius animo non persentiscere. Pervigilium erat Natalis Dominici Anni MDCLIV. quo & ipse pervigilare de salute indipiscenda cepit. Quia verò à neglecta Lindæ frequentatione morbi origo fuit, promittit, si ex morbo illo emerisset, iplis Januarii Calendis Lindam aditurum, & cum circumciso Jesu omnes animi noxas amputaturum. Convaluit postero abinde die, iplo videlicet Natali Domini; & advenientibus Calendis Januarii Lindam veniens, non modò per sacra pœnitentiæ atque eucharistiæ sacramenta, expiatus



piatus est, verum, ut ad cæterorum exemplum, id divinæ in se genus vindictæ literis mandaretur, sacrum conscientiæ suæ Judicem, magnopere obtestatus.

## LIBER V.

*De beneficiis divinis, apud Lindam Marianam, Anno MDCLV. vel exhibitis, vel cognitis, & in commentarium relatis.*

### CAPUT I.

Ratio, & Oeconomia hujus libri.

**Q**UOD S. Ildephonsus, eximius ille, & non calculo duntaxat, verum & veste candidâ è cælo missâ, probatus Deiparæ encomiastes censuit, reipsâ nos quoque omnium minimi experimur: nimirum Laudis, vel, ut ille loquitur, *Defensionis* Deiparæ, satietatem nullam esse (a) Hæc enim (ut, quod sanctus Chrysostomus ad cap. I. Genes. hom. 3. de S. Scriptura dixit, de B. Virginis beneficiis dicamus) spiritualium fontium natura est, ut hoc magis scatulant, & accrescant spirituales gratiæ, quo quis magis studet inde haurire. Quinto

(a) lib. de Virginit. B. M.

Imò, si fides non abrogatur alteri, ut sic dicam, Ildephonso, hoc est, Richardo à sancto Lauren-  
tio, vero S. Ildephonso in prædicanda Virgine  
Deipara collegæ (a) *Talis investigatio* (qualem vi-  
delicet Ecclesiasticus proponit dicens (b) *Vadens*  
*post illam quasi investigator, & in viis illius consistens*)  
*quasi quidam pastus est animæ: unde ipsa* (videlicet  
Deipara, de qua agit) *Qui edunt me, adhuc esu-*  
*rient. Quasi in ore cordis habet hæc, qui firmiter cre-*  
*dit, quasi masticat, qui piè investigat; quasi trajicit*  
*in corporis nutrimentum, qui bene operando, imita-*  
*tur, & qui rectè afficitur erga ipsam.* Propositos ini-  
tiò quatuor libros dum molimur, hoc est, dum in  
illorum Sapientiæ divinæ (quæ per Matrem suam  
& ad nos descendit initiò, & nunc mira inter nos  
operatur) investigatione viarum immoramur, &  
oblato nobis pastu reficimur, verum quoque ex  
parte in nobis fuit illud: *Qui edunt me, adhuc esu-*  
*rient.* Tantum enim abest, ut aliqua nos laboris  
satietas caperet, ut, quod alibi diximus (c) quin-  
tus hic liber nobis sub manibus nasceretur. Ut e-  
nim iis, qui mare ingressi sunt, evenit, si ve navi  
si ve etjam pedibus aquas pertentent, plus semper  
aquarum inveniunt, quo magis à litore recedunt;  
ita profectò nobis quoque evenit. Magnum est MA-  
RIA mare; magna aquarum huius maris tum vasti-  
tas, tum altitudo. MARIA, inquit, præclare Dionysius  
Car-

(a) lib. 2. partic. 5. (b) Eccl. 14. (c) lib. 1.  
cap. 1.



Carthusianus (a) interpretatur Mare : quia sicut nullus valet guttas Maris dinumerare , sic misericordiam , gratiam excellentiam , gloriamq; MARIÆ nullus valet exprimere. Et S. Petrus Chrysologus alludens , more suo , subtiliter ad illud Geneseos I. Congregationes aquarum appellavit Maria : MARIA , inquit (b) Mare vocabatur. Et quomodo non MARIA Mare ? Congregationes , inquit , aquarum appellavit Maria. Nomen hoc renascentibus salutare ; hoc virginitatis insigne ; hoc pudicitie decus ; hoc Collegium sanctitatis. Et ne quis in ipsa syllabarum quantitate ( producit enim media in nomine MARIÆ cum in congregationibus aquarum corripitur ) cessandi locus relinquatur , piè juxta atque argutè Richardus à S. Laurentio (c) occurrit , atque causam ita reddit. Idcirco huius nominis MARIA , media longa est , ut in eius nominatione diutius immoremur. Qui etiam in rem præsentem alio loco (d) ita eleganter differit. Sicut nec Maris profunditas , sic nec MARIÆ liberalitas potest exhaustiri. Indefessè enim , & sufficienter dat gratiam universis ( nisi per eos steterit ) qui in facillimè invenit apud DEUM. Quæ quidem inexhausta prorsum , etiam apud Lindam Marianam MARIÆ liberalitas , hunc nobis librum quintum peperit. Posteaquam enim illustrissimus Episcopus Varmiensis , Encyclicis literis , quas alio loco prodaximus , Archipresbyteris , cæterisque de clero edixit , ut miracula ac beneficia Deiparæ Lindensis vel ipsi colligerent , vel populum suum ad ea colligenda enarrandaque excit-

(a) lib. 3. de laudibus Virg. (b) serm. 146. (c) lib. 12. de laud. Virg. (d) lib. 4. cap. 6.

excitarent; tam multa, quæ vel hoc, vel superioribus annis evenerunt, enarrata collectaque sunt, ut volumen integrum requirerent. Quanquam, ut fortasse referri ad priores libros potuissent, etiam multis de causis expediebat, separato ea libro prodi. Præterquam enim, quod multitudine magnitudiniquæ suâ, quartum præcipuè librum, jam cæteris vastiorem, plurimū auxillent, intererat lectoris, ut ad levandum ejus fastidium, nova hic tractandi methodus adhiberetur. Sicut enim hætenus, beneficia Deiparæ in certas classes, juxta cujusque generis materiam digessimus, Cæstochoviensem, VVarntensem, aliasque Virginis historias secuti; ita deinceps Hallensem, Aspricollensem, Cellensem, Silvaducensem, atque in primis Lauretanam, secuturi, temporis duntaxat ordinem rationemque habebimus; & res ut, quæque vel evenit, vel certè ad nostram devenit notitiam, proponemus solâ temporis per menses suos partitione adhibitâ. Ad hæc omnino videbatur expedire ea, quæ hoc MDCLV. Anno vel gesta, vel cognita, atque in commentarium relata sunt, singulari volumine tradi, ut ex hujus anni, vel potius aliquot duntaxat mensium anni (potissimum enim Majus, Junius, Julius, & Augustus sibi librum hunc vendicabunt) proventu atque ubertate, de cæterorum retro actorum ubertate annorum, judicium fieri queat. Si enim par fortasse aut in investigando, aut in scribendo notandoque adhibita fuisset diligentia, par fortasse collecta fuisset Marianæ beneficentiæ, ac divinatorum apud Lindam beneficiorum messis. Ut porro major fuerit hoc anno in



connotando investigandoque diligentia studiumque; adhibitu, non tamen omnia, aut cognosci, aut etiam, quae cognita sunt, referri in commentarium potuerunt. Nam & pudor quidam subrusticus, adhuc quosdam deterruit; ne vel divina prodendo beneficia, suas proderent calamitates; vel etiam nominum suorum viderentur quærere in publica historiae luce celebritatem. Quid, quod ipsae temporis angustiae impediunt tum populos, pietati Sacramentorumque frequentationi maxime intentos, suis rebus commemorandis immorari tum ipsos sacerdotes, ministeriis tot, non dico hominum sed populorum gentiumque; accurate intentos, singula attentius exquirere, ne dicam rimari? Quid denique quod cum permulta & investigata, & cognita fuerunt, pleraque; tamen connotari haud poterint; siue quod homines, qui connotanda suo debebant loco suggerere, temporum exclusi angustias, vel etiam comitum suorum querimoniis adacti maluerant relegendo se itineri, quam renarrandis suis suorumque rebus accingere; siue etiam, quod ii, qui connotare debuerant, memoriâ tot inter hominum rerumque tumultus facile fallente, non poterant? Ipse ego, qui hujus anni aetatem apud Lindam traduxi, & non minimam connotandis rebus operam intendi, fateri nihilominus necesse habeo, non pauca mihi, quae signanda erant, excidisse, multo vero plura, quae mihi iterato fuerant à variis enuntianda, silentio quacunq; tandem ex causa, ab iis fuisse praeterita. Ad extremum, illud hoc loco necessario videtur commemorandum, multa hoc libro tradi, quae hoc anno gesta non sunt, quia tamen hoc anno indicata, cognita,

ta, atque consignata sunt, jure ad eum pertinebunt. Nam, ut bene Antonius Balingem ante suos de B. Virgine Ephemerides (a) monuit; *Lu èt dies duntaxat, quo miraculum evenit, signetur, nihilominus hic ille ipse dies potest id dici, quo miraculum accidit. Quod quidem, non quolibet levi argumento firmari potest, sed ex sacrarum litterarum usu petito, quibus id familiare est, ut tunc aliquid enuntient fieri, cum factum esse demonstratur, aut cognoscitur.* *VI Genes. 12. ait DEUS ad Abraham; Nunc cognovi, quod timeas DEUM: id est, cognoscere feci, seu manifestavi.* *Ut interim fileam, longè ampliorem Deipara provenire honore ex mirabilium eius promulgatione, quam ex ipso opere mirabili, si lateat, nec ad mortaliū aures perveniat. Imò ideo à Numine DEI Genitricis interventu patrantur opera ista, supra omnem naturæ facultatem; non quidem ut sub modio delitescant, verum ut sparsa in auras & omnibus explorata, maiorem ei venerationem conciliant.*

## CAP V T II.

Anni MDCLV. mensis Martius.

NON nos annum cum Romulo priscisq; Romanis sed gestas hujus anni res, à Martio ordinur. Et ordinur, non à Cal vel Non, vel Idibus Martii, quia apud Lindam Marianam, neque Matronalia Calend. neq; Vejovis sacra Nonas, neq; ad extremū aut Parricidiū Cæsaris, aut Annæ Perennæ festum Id, occupant. Quinquatria potius, quæ in quintum ab Id, diē, hoc

Q9 2

est in

(a) Ad lectorem num, 12. &amp; 13.



est in XIX. Martii seu in XI V. Calend. Aprilis incidunt, occupamus, quia eâ luce, divo Iosepho Deipara sponso dicatâ, apud Lindam exinde versaturi, missi sumus. Tamen si enim Linda prioribus anni mensibus, Ianuario nempe ac Februario, beneficiis divinis, quæ et jam libro quarto pleraque sunt memorata, vacua non fuerit, tamen ut ipsa rerum naturâ vernò tempore, cui Martius initium dat, sese renovat, & quodammodo reviviscit, ita & apud Lindam pietas atque religio; quæ impeditos hiberno frigore nivibusque peregrinos, aliosque etiam in vicino positos, rariores videbat, à Martio potissimum mense multò videt frequentiores: ut hic suo modo locum habeat, quod de mense Martio cecinit Poëta (a)

*Quid? quod hyems adoperta gelu, tunc denig, cedit,  
Et pereunt lapsa sole repente nives?*

*Arboribus redeunt detonsa frigore frondes,  
Vividaque intenero palmitè gemma tamet.  
Quaque diu latuit, nunc quâ se tollat in auras,  
Fertili occultas invenit herba vias.*

Et verò quàm non malè Quinquatribus, veterum possit cum iis, quæ & alibi, & apud Lindam Marianam agitamus, convenire festis, docuit haud indignus Ferdinando utroque Cæsare sive Orator, sive conscientiæ arbiter P. Ioannes Gans; qui, *quaternos concionatorios, de quavis quinque solennitatum Deipara discursus, quinquatria Mariana appellavi. Quod si aliquid supra nudum Quinquatriorum nomen quispiam hîc desideret, ad ea, quæ Ovidius per singulos*

(a) Ovid. Fast. I.

gulos Quinquatriorum dies agitari solita memorat,  
oculos vertat. Sic enim ille canit:

*Vna dies media est, & sunt sacra Minervæ;*

*Nominaque à iunctis quinque diebus habent.*

Quòd si quis non quinque duntaxat, sed etiam  
septem intra Quinquatria Mariana velit numerare,  
etiam me authore fecerit. Vt enim initium eorum,  
tum S. Iosephi sponsi tum postridie S. Ioachimi Pa-  
tris B. M. Virginis, ita finem eorum excipiunt, tum  
ipsum Annuntiationis Dominicæ festum, tum in e-  
iusdem pervigilio solennis Archangeli Gabrielis,  
per quem Annuntiatio facta est, memoria. Sed audi  
reliqua apud Poëtam:

*Alterâ, tresque super stratâ celebrentur arenâ,*

*Ensis expertis bellica lata Dea est*

*Pallada nunc pueri, teneraque ornate puella;*

*Qui bene placarit Palladæ, doctus erit.*

*Palladæ placatâ, lanam mollire puella*

*Discant, & plenas exonerare colos.*

*Vos quoque Phæbæ morbos qui pellitis arte,*

*Munera de vestris pauca referte Deo:*

*Nec vos turba fori sensu fraudata magistri*

*Spernite, discipulos attrahit illa novos.*

*Quique movet calum, tabulasque coloribus urit*

*Quique facit doctæ molliæ saxa manu.*

*Mille Dea est operum: certè Dea carminis illa est,*

*Si mereor, studiis adsit amica meis.*

Si non indignum est Deiparæ Virgine profanum  
Palladis aut Minervæ nomen, præsidia & suppetiæ,  
quæ Poëta Minervæ affingit, ex vero Deiparæ Virg.  
conveniunt: quemadmodum exemplatum hactenus



cumulatè producta docuerunt, tū hoc sequentibusq;  
producenda mensibus, affatim docebunt.

## I.

## Adolescens lethali morbo liberatus.

Atque ut ab illa ipsa xix. Martii die, quam Quin-  
quagies Marianorum primam statuimus, ordia-  
mur: Laurentius Zabrodzki, è Polonia quidem o-  
riundus, ideoque homo catholicus, sed in acatholico  
pago Pilsen, duo circiter millia Passuum Lindā dis-  
sisto, inquilinus & pastor, teste conscientia retulit,  
quod etjā suo tempore ac loco, præsentibus quibus-  
vis testibus, jurejurando confirmare paratus est Io-  
annem Karwowski adolescentem, voto ab se, no-  
mine ipsius Lindam nuncupato, quamvis catholicus  
non esset, sanitati esse restitutum. Rastemburgo is e-  
rat oriundus, & cum patre victore ad dictum pagum  
commigrarat. Ibi morbo correptus ita est, ut sex  
menses integros pro deposito haberetur, & non nisi  
matris suæ manibus gestari, aut loco moveri posset.  
Quæsitā undique sunt remedia, aded, ut pro homi-  
num illorum rudium æque ac infidelium more, saga-  
rum quoq; & pythoniæ implorata fuerit opera.  
Verum cum ne ista quidē prodesset mater, quæ mira  
Deiparæ Lindenensis opera, atq; in depellendis homi-  
num morbis vim, id loci posita ignorari non potuit,  
quanquam catholica non esset, dictum Laurentium,  
tanquam hominem catholicum accersit, atque ut fili-  
um suum jam planè deploratum. Divæ Lindenensis of-  
ferat, infimis precibus obsecrat. Fecit ille, quod ro-  
gabatur, & vôtum nomine ægroti Lindam, quā po-  
tuit,

tuit, fiduciâ ac pietate concepit. Ab eo voto confestim æger revalescere ac pedibus etiam niti cæpit, ut intra hebdomadam comitari Laurentium, & quidem pedes, Lindam usque, haud gravatè poruerit. Lindam ubi venit, & sacram Ædem pro more ter circum obiit, ipsam tandem Ædem ingressus, præeunte Laurentio, salutationem Angelicam in genua provolutus recitavit; eodemque momento viribus ita integrè restitutus est, ut omnino sanus atque vegetus domum regressus, etiam opificio, ac cuivis alteri operi, operam manusque suas possit admovere.

II.

Mulier gravi dentium cruciatu levata.

Eâdem die atque loco, eodemque prorsus conscientie testimonio retulit idem Laurentius, dicti adolescentis matrè, filii exemplo permotam, non dubitasse in tuo quoque morbo à Deipara Lindensi, opem implorare. Immani dentium cruciatu exagitabatur, cui nullum usquam reperiebat levamen. Minus erat periculosum, sed nihilominus peracerbum malum, quod nullam diu nocturnè partem quieti relinquere. Cujus sensus, què magis ipsam perterritabat, eo magis ad opem, non jam per alium, sed per seipsam à Deipara Lindensi poscendam compulit. Ipsa proinde adeundæ Lindæ, honorandæque Dei Matris votum concipit; & exinde cruciatu illo soluta, ut voto quoque exolveretur, proximum Deiparæ festum opperiebatur.



## III.

Mulier gravicapitis, faucium, brachiorumque dolore liberata.

Eodem prorsum die, non quidem Lindæ, sed Resselii in templo, Deiparæ Lindensis singularem in se beneficentiam prædicavit Catharina, Joannis Ertman in Robawen vicino pago coloni uxor. Quatuor circiter hebdomadas continuis juxta ac acerbissimis brachiorum, gutturis, capitisque doloribus exercita, nusquam nisi ad Divam Lindensem præsidii causâ se vertit. Vovet Imaginem ad sacram ipsius. Eadem, quàm posset, celerrimè, ab se dedicandam. Repentè omnis dolor resedit; ut, quæ graviter hætenus decubuerat, continuò surgeret, &, quâ liberet, faciliè deambuleret.

## IV.

Pectoris, viscerumque doloribus, remedium Lindæ ab hæretico quæsitum.

Ad VIII. Calend. Apriles (qui xxv. Martii dies est) celebrabatur Romanis, ut ait Macrobius (1) exordium lætitiæ, quem diem Hilaria appellabant. Celebrabantur autem Hilaria, ut in Alexandri Severi vita meminit Lampadius, in honorem Matræ DEÛM. Et quid fabulosa Deûm Mater Cybele, ad veram DEI Matrem MARIAM? proinde quid veterum Hilaria (quantumvis præ maximâ populi lætitiâ, quovis è populo insignia cujusque dignitatis liberè ac impurè mentiente, internosci magistratus à simulatore vix posset, ut in commodo innuit Herodianus) ad

ca,

(1) Saturn. I. cap. 21.

ea, quibus mundus hac Annuntiatae Virginis, Incarnati-  
 que Verbi die redundat, Hilaria? Ecclesia sa-  
 nè Græca in Menæis, die hodierna vix aliud magis,  
 quàm gaudium, hoc est *Hilaria*, ingeminat. Nam,  
 vel in uno Angeli Gabrielis & B. Virginis Dialogo,  
 quem è Calamo S. Ioannis Damasceni exceptum,  
 multis hujus diei horis Ecclesia illa decantat, quid  
 gaudio frequentius? quid lætitiâ uberius? Principiò  
 ode primâ invitatur Deipara ad audiendam Angeli  
 vocem, lætitiâ plenam. *Audi filia, plenam lætitiâ Angeli  
 vocem; nam tale tibi gaudium monstrat, quod nemo potest  
 effari* (a) Deinde ipsa Deipara, audito Gabrielis nun-  
 tio (b) *Dum haurio, inquit, ô Gabriel, tuorum ad me ver-  
 borum latissimum sonitû, divinis profecto lætitiis tota red-  
 undo. Nam gaudium nuntias, & quidem gaudium, quod  
 nulla finiat dies. Adhæc eadem Deipara* (c) postquam  
 Archangelum gratulantem audierat, *Tu mihi, inquit,  
 iucunda, & prorsus divina indicas nova; id quæ cum accla-  
 matione & plausu: vel ut citra paraphrasin à Wagne-  
 reckio adhibitam, nudè interpretemur. iucundum E-  
 vangelium, & divina præconia, mihi nunc proclamas.*  
 Quibus Angelus respondens, vix aliud, quam ex usi-  
 tatâ lætantium formula, identidem *Gaude, gaude; vel,  
 latare, latare, ingeminat. Latare, inquit, ô altitudo*

Qq 5

MA-

(a) apud VVagnereck. num. 298. ἀκρόσον θυγατερ τῷ  
 χαρμώσυνον φῶν τῷ τῷ ἀγγέλῳ χαρὰν γὰρ μηνύει σοι  
 τὴν ἀνεκλάλητον (b) ῥημάτων σε τοῦ φωτὸς γαβριήλ, τοῦ  
 χαρμώσυνου δεξαμένη, ἐν φροσύνης ἐνθέῳ πεπλησμεῖ. χα-  
 ρὰν γὰρ μηνύεις, καὶ χαρὰν τοῦ ἀληκτον (c) Ode 7. Παιδεύον  
 ἐν ἀγγέλῳ, θείῳ καὶ ὑμῶν, νῦν κεραιγάζοι μοι.



MARIA, *latare profunditas; latare, &c.* (a) Deniq; finē Dialogo imponens Deipara, Angelum, verbis huiusmodi, quæ gaudii atque exultationis plena sunt, ab se dimittit (b) *Exhilarata sum sermonibus tuis, & te Oratorem agnosco ab ipsa submissum veritate: es enim nuncius gaudii latè patentis, ut cenis fructus ad omnes omnino pertingat. Quæ affinia prorsum sunt iis, quæ in sua illa divina Ode, apud Zachariæ ædes B. Virgo de hoc ipso Incarnationis mysterio agens cecinit. Et exultavit spiritus meus in Deo salutari meo.*

Altius gaudii, exultationis, atque Hilariorum particeps inter alios, hac ipsa die fatagens esse, quamvis hæreticus, Stanislaus Baginski ex Olszewo Rheinensis in Ducatu municipii pago, filius Martinus, sex minimum leucarum iter Lindam usq; non tam gradiendo, quàm ob vim morbi reptando ingressus, pridie festi Lindam accessit; & tum illo tum postero die non preces duntaxat, sed quædam è cera donaria, B. Virginii pro sui incolumitate obtulit. Auditus sit, nec ne, haud constat: neq; enim ut tot jam allata exempla doceant, ipso in loco audiuntur. Quemadmodum enim plurimi simul ac vota domi conceperunt votorum compotes actutum ferunt; ita quidam, neque, tum, neque ipso in loco, sed vel in reditu, vel domum reversi, quod postularent, assequuntur. Et ut iste non assequeretur, mirum non esset, quia præter aliorum etiam hæreticorum morem, admonitus, ut qui à B. Dei Matre salutem corporis posceret, de salute animi per fidem catholicam magis sollicitus esset, obsti-

narior

(a) χαῖρε (b) ᾠδὸν σε τοῖς λόγοις, φαίνῃ μοι ἀληθείας εἴτωρ. χαρᾷ σκοπῆς γὰρ ἐλήλυθας ἄγγελος.

nator in sua secta visus est. Præter aliorum, inquam, morem, quia plerique etiam longius in Ducatu positi, nisi aut vi Prædicantium, aut quorundam imperio prohiberentur, volentes lubentesque fidem catholicam, vel ob tanta B. Virginis Lindensis beneficia atque prodigia, amplecterentur. Quorum quidem prodigiorum etiam ille testis fuit; qui, quam sanitatem (etiam per emptam multo ære medici præsertim apud Rastemburgum operam) obtinere non potuit, obtenturum se à Diva Lindense minimè dubitavit.

V.

Febris & veneficia, ope B. Virginis Lindensis depulsa.

Ad eandem Hilariorum divinorum celebritatem, ob difficultatem & prolixitatem itineris, non nisi postero die affuerunt, Iustina Stephani Rokosiewicz ex Bransko in Subsilvania oriundi, sed tum in Sahstren Allenstein, ditionis pago, commorantis uxor, ejusdemque filia, adultæ jam ætatis puella. Vtraque singularem Divæ Lind. opem in morbo experta, conscientiam testem præsentibus atque audientibus pluribus, (quos inter fuit etiam Nobilis ac Generosus Vir Dñ. Samuel Raba) appellavit. Ac mater quidem præteritam ætatem integram, cum gravi ac periculosa febre fuit conflictata, filia verò ædum vicinarum limen, cui, uti postmodum patuit, maleficia cum aquis suffusa erant, fortuito prætergressa, iisdem maleficiis perstricta, totam hyemem miserandum in modum cruciata, ne pedibus quidem consistere potuit, sed parentum manibus, quoties opus erat, gestari atque loco moveri necesse habuit. Caterum ubi votum,

quò



quò se ad proximum Annuntiationis B. Virginis festum Lindæ affuturas obstrinxerant, utraque ritè nuncupavit, repentè tum mater à sua febrì, tum consequente deinceps tempore, à beneficiis curata filia fuit.

## VI.

Oculus gravissimè affectus, per B. V. curatur.

Tricesimâ die Martii advenit Lindam Gutfstadio, ubi pellionis opificium exercebat, Daniel Hoffman, Allensteino oriundus; qui conscientiam teste, presentibus non paucis fide dignis, edixit, oculum sibi Deiparæ Lindenensis ope restitutum. Sub medium circiter Novembris proximè elapsi, ex oculo præsertim sinistro laborare repentè juxta ac gravissimè cæpit; ut neque cernere, ne dicam versare ex usu acum, neque pruritus ac dolorem, qui oculum infestabat, perferre amplius posset; parumquè absuit, quin præ animi, quæ jam orta erat, impotentia, ipse sibi oculum vi erueret. Interim reddita non nihil animo quiete, nova lux et jam animo oboiri visa, quâ planè advertit, non aliunde sibi, quàm à B. V. Lindenensi expectandam opem. Surgit proinde, & ad secretiora ædium solus se recipit, ibidemquè provolutus in genua non peregrinationem modò, verùm & sacrorum Pœnitentiæ atque Eucharistiæ Sacramentorum apud Lindam Marianam usum, si sanaretur, vovet. Sanatus extemplò est, & voto, quàm primùm licuit, ut desungeretur, contendit.

VI

Spinæ dorsi cruciatu aliisque doloribus levatus  
hæreticus.

Pridie Calend. Apriles, *Lavatio* Matris Deūm apud Gentilem Romam agitabatur. Nam, quo primum die ex Asia Romam fuit adveſta, in Almone fluvio per ſacerdotem eſt abluta; qui mos per ſingulos deinceps annos frequentatus. De quo Ovidius (a)

*Eſt locus, in Tiberim, quæ lubricus influit Almo,*

*Et nomen magno perdit in æne minor.*

*Illuc purpureâ canis cum veſte ſacerdos*

*Almonis Dominam ſacraquæ lavit aquis.*

Iamante fabuloſam, cum ſuâ Cybele Romam exploſimus. Apud Lind. Marianam non hac duntaxat die aut menſe, verum perennis eſt, non Matris Dei, ſed per Dei Matrem peccatorum lavatio. Quam, o ſi perinde atq; corporum ſanitatē ibi quærerent hæretici! Ex iis, hac ipſâ triceſimâ primâ Martii die, Lindam cum uxore acceſſit ſartor è pago Schoenſis, duabus inde leucis abjuncto; qui cum aliis morbis variis, tum immanibus Spinæ dorsi cruciatibus miſerrimè afflictuſ, octo minimum hebdomadas lecto ſe non potuit commovere. Poſtea tamen quàm Lindæ viſitanda fecit votum, ad vires ſuas rediit; ut exinde Lindam accederet. Ibi quanquam hæreticus, Aram majorem ter pro more obiit poſtmodum coram in genua proſtratus, ſupplex, uti ipſi ſpectavimus, gratias egit.

CA-

(a) lib. 4. *faſtorum.*



## CAPUT III.

Priores aliquot mensis Aprilis dies.

**A**Prilem veteres Romani Veneri sacrum fuisse prodiderunt; siue quòd Romulus primos Anni menses, ad primos Urbis conditores retulerit, ut sicut Martius Patri Romuli Marti dicatus esset, ita Aprilis Aeneæ primi à Trojanis Romæ conditoris, matri Veneri dicaretur. Martium nos Deiparæ sacrum jam diximus, non eo tantum, quod & S. Iosephi sponsi, & S. Ioachimi Patris Deiparæ inclutus sit festis, sed vel maxime, quod illo mense, per Annuntiationis atque incarnationis mysterium, DEI MATER sit effecta. Etsi verò Aprili mense nullum ipsius, aut cognatarum ejus festum, nisi fortè Annuntiationis festum, propter Pascha & Hebdomadam sanctam in Aprilem transferatur: nihilominus Deipara, vel ob effusa in humanum genus beneficia, sicut alios, ita & Aprilem mentem, sibi jure vendicat. Quantas enim vel hoc uno anno illa apud suam Lindam meritis cumularit, exempla, quæ damus, ostendent.

## I.

Mulier hæretica, in gravissimo dentium  
cruciatu, levamen  
experta.

Quod sub finem capitis vicesimi quarti, libri  
primi de Equo hæretici cujusdam persanato re-  
tulimus, ad ipsas Calendas Apriles hujus anni  
spectat;

spectat: jam quod referemus postridie, quarto videlicet Nonas April. evenit. Muhlak est agri Rastenburgensis villa, plus quàm leuca unius intervallo à Linda disjuncta; unde colonus, idemquè villæ prætor Michaël Hein. unà cum uxore, quantumvis hæretici gratias Deiparæ acuri advenerunt Immani dentium cruciatu laborarat paulò ante mulier, & cùm remedium aliud nullum prodesset, quantumvis varia essent adhibita, non leve remedium à voto Lindam facto experta est. Vnde & maritus, comes perinde itineris, atque voti beneficiquè accepti testis, Lindam unà venit, neque tamen sacellum unà ingredi potuit, eò quod prædicantem, è vicino Beslacenfi pago in taberna, perpotantem invenisset. Veritus enim, ne ab eo proderetur, ac deinceps à suis multaretur, maluit se interim prædicanti in popina, quàm uxori in sacello adjungere socium. At uxor, majore interim confidentiâ sacrâ ingressa ædem, quas potuit, Divæ Lindenfi gratias egit.

## II.

## Hæretico salus animi restituta.

Ne is, quem proximè memoravimus, sacellū Lindense initio unà cū uxore ingrederetur, prædicans, uti vidimus, obstaculo fuit; at verò ut alter, de quo jam agimus, per sacramentum Pænitentiae catholicā Ecclesiā, uxorem comitatus ingrederetur, prædicans itidem causa ex parte fuit. Fuit homo ille pastor ex villa Paris, Linda plus tribus leucis diffusa, nomine Henricus, qui matrimonium cum famina  
catho-



catholicâ initurus, pro more, opem atque operam Prædicantis implorabat. Non denegabat prædicantis operam, sed, pro more itidem suo, operæ precium, multò, quàm pastoris tenuissimæ facultates paterentur, extorquebat. Ergo pastor, catholicâ præsertim sponsâ invitante, Lindam venit; ubi prius quàm novæ nuptæ, in facie Ecclesiæ, jungerentur, Deo ipsi & sponsæ Dei Ecclesiæ catholicæ, per Sacramenta, pridie Nonas Apriles, junctus est.

## III.

Pedum usu destitutus, voto Lindam factò curatus, ad promovendam eodem remedio aliorum curationem strenuè laborat.

Ipsis Nonis Aprilibus, Albertus Woyt peregrinationem, quam ter quovis anno Lindam facit, consuetâ cum gratiarum actione absolvit. In Subsilvania, haud procul Bransko, in Parochia Stradunensi ortus ille erat, & quatuor annos ulceribus internis oblitus, Raygradum amicorum suorum votis oblatus, nonnihil ad se redierat; cùm paullò post in graviorem etjam relapsus morbum, exhaustâ gradiendi facultate, usum pedum omnem amisit; dimidio circiter anno nonnisi alienâ operâ manibusque portandus aut loco movendus. Inde Lindâ suo suorumque voto oblatus, Deiparæ ope confestim revaluit; ut pedum usum, quem eadem ope recepit, nemini magis quàm Deiparæ consecratum velit, ternâ quotannis peregrinatione Lindam ita institutâ, ut simul vel aliorum curationem eadem Deiparæ ope promoveat,

promoveat, vel etiam vota jam curatorum perferat: quemadmodum hoc ipso mense, IV Cal. Majas iterum Lindam rediit, & trium aliorum nomine, qui à febriliisquæ morbis, per Deiparam sanati erant, vota, preces, atque gratias reddidit.

## IV.

Operarius ab hæresi reductus, & vicinorum insolentia pro merito castigata.

Eadem ipsâ diē, Bisteino advenit operarius quidam, ut non tam corporis quàm animi salutem consulere. Versabatur anno proximè elapso apud suum fratrem, qui in vicino Prussiæ Ducatu intra Prædicantium casses irretitus innoxium quoque fratrem iisdem irretierat. Nam, ubi frater subito implicitus morbo mortis videbatur adiisse discrimen, prædicantem ad ipsum vocat, à quo, quâ dolo, quâ minis (cùm sibi præ vehementia morbi, non admodum constaret) ut profanam ejus synaxin admitteret, tandem inductus est. Verùm ubi ad se viresquæ pristinas utcunque rediit, errorem suum, fratrisquæ juxta ac prædicantis fraudes detestatus, cùm præter Lindam, nullum ad Ecclesiam, Deumquæ redeundi locum faciliore inveniret, eò se quàm primum contulit, & voto suo potitus est. Quo tempore quorundam, è vicino pago Stamplak, insolentia & hæreticus furor se prodidit. Præfectus pagi, Scultetum vulgò appellant, cum aliis liberalius in popina hauserat, & adjuvante fratris filio, contumeliis primum inter rixam ortis, deinde etiam vulneribus in-

R r

noxios



noxios quosdam affecerat. Tametsi verò eodem loco ac tempore retundi is furor potuisset, visum nihilominus fuit, jure potius deinceps agendum, & aliquod, etiam in futurum, beneficio juris statuendum exemplum. Quod ubi insolentiae authores adverterunt, multis per se suosque precibus, ut res citra juris rigorem componeretur, contenderunt. Concedendum aliquid serae insolentium penitentiae fuit; praesertim cum & ad futuram Lindae fabricam aliquid operæ ab iis speraretur, & ingruentes undique belli tempestates, viam juri intercluderent.

## V.

Studioforum Resselienfium, aliorumque processiones.

Quod libri primi, capite vicesimo secundo tradidimus, de processionibus, ab ipsis Cal. April. usurpare identidem oculis deinceps potuimus. Calendis ipsis adfuerunt Clausdorffenses & Worplacenses; quos paulò post Münchsdorffenses, Soowaydenses aliiq; de vicinioribus Lindae pagis, secuti sunt. Verum omnibus vicinis palmam studiofi Resselienfies, uti alias ita hoc anno, præripuerunt; qui initium menstruarum suarum supplicationum VII. Id. April. fecere. *Aureum milliarius*, Suetonius in Othone (a) Plinius (b) Tacitus (c) & Plutarchus (d) celebrant, velex eo maxime, quod ad eam columnam in foro juxta Saturni ædem positam omnes per Italiam viæ terminarentur. Aureum ad Lindam milliarius facit, cum aliorum

(a) cap. 6. (b) lib. 3. cap. 5. (c) lib. 17. (d) in vita Galba.

liorum planè innumerorum, tum studiosæ in Collegio Resselienſi juventutes, tam frequens peregrinatio, & aurea prorsum, in ea peregrinatione, omnium pietas, atque religio.

## IV.

Puer à gibbero morbo, & totius corporis  
macie curatus.

Joannes Marquard inter cives Brunsbergenſes non poſtremus unà cum conjuge ſua Eliſabertha filiolum ſexennem, nomine itidem Joannem, Deiparæ Lindenſi, voti reum ſtiterunt præſentem. Teneros pueruli artus ſuperiore anno incurabilis morbus occuparat; quo, & nervi ita adſtricti ſunt, ut contrahitis in gibbum ac fere glomum puer, neque circumſpicere retro, neque collum, quod obriguerat, erigere ſuſum ullâ ratione poſſet; & membra totius corpusculi ita exhausta ac macie conſumpta, ut præter oſſa ac pellem, nihil propemodum in corpore ſuper'eſſet corporis. Sed reddita continuò eſt ſanitas puero, ubi, præſidiis omnibus humanis nequidquam adhibitis, à Diva Lindenſi poſtulatam & impetratum eſt alexipharmacum. Cujus rei gratiâ, & parentes ſua vota atque preces Lindæ perſolverunt; & puer dicatam ſuo nomine Imaginem coloribus eximiè expreſſam, ſuis manibus ter circum majorem aram detulit, ac demum ſoſpitatrici ſux Deiparæ conſecravit v. Id. April.



## VII.

Gratiz ob morbum periculosum bis depulsum acta.

Ad 14. Idus Apriles Dominus Zekorn VVar-temburgensis Consul, unâ cum uxore & filio minimum viginti quatuor millia passuum, Lindam usque pedes confecit; ut Deo ac Deipara, cum alia beneficia plurima, tum restitutam bis uxori sanitatem gratus atque memor in acceptis referret. Illa enim cum octavum ætatis annum fuisset ingressa, morbum extrema jam tum vitæ minitantem, non alio, quam invocata Lindenſis Divæ præsidio depulerat. Cum verò superioris anni ætate idem aut multo etiam gravior morbus recurrisset, ne illa quidem aliò, quàm ad eandem sibi patronam censuit recurrendam. Et facile iterum admissa atque audita est supplex, quæ & novi, & veteris beneficii memorem juxta atque gratum afferebat animum.

## VIII.

Miles à diuturna febris relevatus.

Venit is ex infecto hæresi pago Langenbruck, seu, ut vulgò appellant, Lembruk dicto octo circiter passuum millibus Lindâ disſito. An verò ipse quoque hæresi fuerit adhuc infectus, haud constat. Cujuscunque tandem sectæ fuerit, constat opem Divæ Lindenſis fuisse expertum. Maligna febris non arduantat, verum & salutem homini excusserat, ut octo circiter hebdomadas, acutissimis cum ardoribus conflictaretur. Adversus hostem tam domesti-

cum, inter alia præsidia. intimum quoque à phlebotomia admotum, & sanguis, qui commeatum videbatur hosti ministrare, imminutus. Sed neque sic imminutus morbus, contra quem denique à Marianæ Lindæ arce, quam desperatissimis in rebus patere unicuique non nesciebat, petendum censuit præsidium. Sanctè igitur apud se testesque præsentis statuit, non modò se aditurum, cum primum liquisset, Lindenæ sacrum, verum & donis, profacultate, ornaturum. Extemplo morbus, qui invaserat, facessere iussus, & miles jam sub tanta patrona, de morbo victor, ad III. Idus Apriles, quasi tropæum quoddam victoriæ apud Lindam statuit.

## IX.

Equi furore quodam in cursum effusi, incolumes  
& illæsi reperti.

Non est insolens, equos in cursum effundi; effusosque non modò pavore & consternatione, verum & rabie, & furore correptos, per avia & invia, susque deque agi: insolens tamen terè est, vel homines, vel equos conservari in eo periculo innoxios. Id periculi, cum honesta matrona, Slegeli coloni ex Henrichsdorff Resse lien sis agri pago uxor, meritò formidaret, ad B. Virginem Lindenæ ejusdem avertendi causâ se convertit. Incertum quo pavore consternati equi, cum vehiculo in præceps, per agros & invia abiêre, ut momento extra oculos quoque raperentur. At illa (cum neque sistendi illos, neque salvos recipiendi ulla superesset spes) oculos interim ad B. V. Lindenæ convertit, & votum, si jumenta sana recepisset,



cepisset, invisendæ cum donariis Lindæ fecit. Qui ad requirendos equos missi fuerant; sanum utrumque vehiculo minutissimas in partes confraeto, iuxta silvas reperere; quorum alter quierus stabat, alter cursu nimio fatigatus humi procubuerat. Agnovit Divæ Lindensis beneficium mulier; proinde voti rea, quod promiserat, diebus his exolvit.

## X.

E nobilis hæretici aula, ad luem à pecore abigendam, vota & donatia Lindam missa.

Intra eosdem fere dies, pluribus cum candelis cereis adfuit è vicina nobilium aulâ, Krakotin dictâ, supra duo passuum millia ab Æde Lindensi distat, Subditus quidam. Invaserat, quæ in vicino grassabatur lues, etiam illius aulæ pecora; & ex iis plura jam sustulerat. Ne porro, quæ supererant, tollerentur, non aliud præsentius, quàm apud Divam Lindensem præsidium, etiam hæreticis, occurrit querendû. Torigitur cereæ candelæ, quot adhuc capita residua erant pecoris, Lindam per memoratum subditum missæ sunt; & adjectis precibus, præsidium, quod etiam à fide catholica alienis, benignissimam Dei Matrem præstari constat, imploratum; eademque operâ amplissimum Deiparæ testimonium, vel ab inimicis, datum. Quo quidem facto, aliqua Fordicidiorum, quæ xv. Cal. Maj. seu xv. April. die, apud Romanos veteres agebantur, recurrere species videtur, de quibus Ovidius:

*Tertia post veneris cum lux surrexerit Idus,  
Pontifices fordâ sacra litare bave.*

*Fordâ*

*For da ferus bos est, facunda quæ dicta ferendo.  
Hinc etiam fatus nomen habere putant.*

## CAPUT IV.

Posteriores mensis Aprilis dies.

Sicut prioribus Aprilis mensis diebus, præter For-  
dicia quorum meminimus. & Megalesia, qui e-  
rant magnæ Matris Deûm ludi, alia quoq; sacra, tum  
Fortuna virili ac Veneri Verticordia ipsis Calendis tum  
Fortuna publicæ VIII. Id. April. tum Cereri V. Id. April.  
tum denique ipsis Idibus Iovi Victori fiebant: ita po-  
sterioribus agebantur tum Equiria in Circo maximo;  
tum Cerealia XIII. Cal. Majas, tum XI. Cal. Majas,  
Palilia; tum deinceps Vinalia, Robigalia, atque Floralia.  
Quæ si quis cum Iacobo Hugone, in nova ac vera Hi-  
storia Romanâ, ad Philosophiam ac Theologiam Chri-  
stianam referre voluerit, vel è Florilibus exemplum  
cum eodem sumet: si ut ille (a) scribit, Deam Floram,  
castissimam Virginem, Nazaræam matrem (quod nomen  
Hebraicè Florâ, seu floridam significat) ed, quod extra con-  
nubium, nempe consummatum, parituram filium, ex Sybil-  
la noverit. Quæ ut alibi, ita apud Lindam, Deiparæ  
facile attribui potuerunt.

## I.

Liberis recens natis, vita B. Virginis Linden-  
sis ope conservata.

Ad XVI. Calend. Majas Martinus Ruskowicz, è  
Radoszyce oppido juxta Petricoviam in Polonia  
sito, ad Rastemburgenses nundinas merces suas,

Rr 4

præse-

(a) pag. 8. & cap. 23. pag. 181.



præsertim verò vasa vitrea devehendo Lindam prætergrediens, rem ante triennium ex fide auditam, pari fide recensuit. Diverterat id temporis Sensbrugum, unà cum aliis viæ comitibus itidem Polonis; iisdemque præsentibus, civem ejus oppidi cognomento Koza, opificio lanium audivit reterentem; sibi natos in matrimonio liberos, immaturâ morte omnes fuisse ereptos; quoad voto tum ab se, tum à conjugè Lindam concepto, promississent se & Lindam adituros, & liberos deinceps nascituros, Deo & Deiparæ oblaturos. Adierunt, pauloque post geminam susceperunt prolem: quam (ne scilicet Prædicantes resciscerent, ideoq; se oppido expellerent) nonnisi clam Deiparæ Lindensî præsentem stiterunt. Ab eo tempore, tum illi, tum alii deinceps nati liberi, sani & incolumes, DEI ac Deiparæ præsidio muniti, vivunt. Rogatus autem à Polonis catholicis lanius, ecquid moraretur catholicam ingredi Ecclesiam, qui tantis in ea beneficiis per Deiparam esset affectus? respondit, se quidem paratum esse ingredi, dummodo locum, ubi deinceps inter catholicos degat, invenire possit; ut vel hinc pateat, quàm verè dictum sit alibi (a) Deiparam per beneficia exteriora, pellicere mortales ad intima & æterna.

## II.

Homo rusticanus à cruciatu, qui genu, ad capitis usque dementiam, infederat, iterum levatus.

Sub ejusdem diei meridiem Christophorus Glock, fabri

(a) lib.

fabri ferrarii ex oppido Rangnit in Ducatu Prussiae filius, sed in Episcopatu Varmienſi, haud procul Traumburgo, à puero verſatus, ideoque in fide catholica educatus, Divae Lindenſi, uti Servatrici ſuae, gratias acturus, ſupplex acceſſit. Octavus exindeolvebatur annus, cum ille in V Villemberg Brunſbergenſis agri pago, à coloni alicujus obſequiis eſſet, & præter omnem ſpem, enormem ſiniſtro genu tumorem, contraxiſſet Tumorem illum, immanis perinde cruciatus, hunc verò ſumma primùm inquietas, tandem & inſania exceperè. Octo integras hebdomadas quiete & ſomno caruit, ut tandem ſenſibus ac mente motus ſtrenuè deliraret; adeoque tres menſes ergaſtulo clauſus teneretur. Nulla aut Chirurgorum, aut aliorum, quæ conducere poſſe viderentur, neglecta ſunt præſidia; ſed, quæ homini calamitoſo conducerent, reperta ſunt planè nulla; quippe malum, uti poſtmodum eſt agnitum, à maleficorum & Dæmonis operâ erat ortum. Rebus omnibus jam deſperatis, ſuâ aliorumque pietate Divae Lind. commendatus eſt. Inde primùm deliramenta ſenſim abire, atque ratio, quæ de ſua erat ſede deſecta, menti redire: ut nihil deinceps vel à ſenſu, vel à conſilio abhorrens, loqueretur, ageretur. Mox cum ratione redièrè & vires corpori, ut gemino nixus fulcro ſubalari, iter Lindam ingredi non vereretur. Quò cum tandem non minore animi pietate, quàm virium contentione adreptaſſet, ipſam Divae Aedem ingreſſus, quod reliquum erat morbi lætus amiſit, ut ſine fulcrorum adminiculo (quæ repente abjecit) & quâ liberet, progredi, & iter ſecum



cim leucarum, posset domum remetiri. Exactis porro septem annis, recruduit in eodem genu dolor, & quidem priore haud paulò mitior, ut nemini operam suam per annum præsentem, addicere pro more, precioquæ posset. Verùm, qui tanta Lindæ alexipharmaca semel invenisset, minimè de suæ benignitate sospitatricis dubitare amplius poterat. Ad illius proinde opem cum se iterum recepisset, brevi revaluit; ut illud idem peregrinationis suæ stadium, intra quatrimum, pane duntaxat & tenuissimo potu refectis utcunque viribus, decurrerit.

## III.

Femina, ab insania & aliis morbis iterum liberata.

Georgii Knobb, è Seyberswald municipii Seeburgensis villâ, uxor Regina, prius quàm ante biennium viro nupsisset, & pedes & caput extremè affecta est, ut utrorumque destitueretur usu. Nam & pedibus vix niti, aut, si progrediendum esset, reptare vix poterat: caput verò, ita à sensibus erat abalienatum, ut non modò deliriis, verùm & furore jactaretur; præsensquæ adeo periculum sæpe esset, ne se ipsam mergeret atque aquis præfocaret. Fortè Sacerdos quidam tempori adfuit, qui hominis miserum, miseram Deiparæ Lindenli commendavit, & ut illa quoque se commendaret, persuasit. Continuo major animo lux affulsit, & corpori vires redditæ, ut non modò, dum vita superstes esset, quovis anno peregrinam se Lindæ adfuturam promitteret, verùm & iter, citra moram, eò arriperet; adeoque & cum

& cū Linda voto jam prioris anni defuncta reverteretur, viribus haud dubiè apud Lindam auctis, cum paribus cursu contenderet in via, & paulò post, quæ nuptui traderetur, idonea esset. Non longè inde, jam nupta, quin & gravida, morbo iterum haud levi infestatur; qui cū & matri & fœtui simul esset noxius, visa sibi per somnum admoneri mulier, ut peregrinationem, quam pro venturo mox Pentecostes festo destinaret, et jam acceleraret. Paruit monitis, vel in somno datis, & convaluit; nullaquæ interjectâ morâ, Lindam ad xiv. Calend. Majas profecta ita est, ut tamen destinata pro Pentecoste peregrinationem et jam obitura esset.

## IV.

## Puellæ in ophtalmia sæpe succursum.

Faminæ, cujus modo fecimus mentionem, comitem se itineris, honorandæquæ Virginis Deiparæ sociam adjunxit soror illius Anna, et jamnum virgo: non minus fortasse, quàm soror, Divæ Lindenſi obſtricta. Decimus jam in decursu erat annus, cum illa, acie oculorum, præ nimia vi morbi, jam hebescente à cæcitate haud longè aberat. Quò præstantior homini oculorum sensus est eò præstantiora ad sui integritatem requirit præsidia; eò denique, si vel tantillum lædatur, majorem intendit animo tristitiam atque curam. Quid non remediorum undique conquisitum est, ut vel restitueretur Annæ visus, vel extrema cæcitas arceretur? Ne illicitis quidem apud excantatrices, & nefarias magorum officinas temperatum est subsidiis. Ita nimirum unius

caci-



cæcitas, plurimum è domesticis aciem animorum heretârat : quoad in ea nocte, vel caligine mentium, à singulari beneficiorum Deiparæ Lindenſis claritate radius aliquis eorum quoque menti affulſit. Quid enim dubitarent ſive ſorori ſive cognatæ ſuæ affuturam Deiparam, quæ nulli, ſimul ac invocata eſſet, pro ſua pietate poſſet deeſſe? Ego tum ægra tum cæteri omnes, qua poſſunt fiducia, votum Lindam nuncupant, & ſanitatẽ eodem propè momento impetrant. Ægra verò eam in ſoſpiratrice ſuâ Lindenſi collocavit ipſam, ut quoties exinde aliquis doloris ſenſus recurrat, toties & ipſa ad eam recurrat, & ſemper præſidium certum inveniat.

V.

Fæminarum alteri brachium, alteri pedes reſtituti.

Die VIII. Cal. Majas voti ſolvendi cauſâ ſuo, filiz quæ ſuæ nomine advenit Sophia Gregorii in Nowodwon Lituaniæ oppido inquilini vidua; quæ jam in alio Pruſſiæ Ducalis oppido, Lick appellato, ſedem fixit. Autumno proximè elapſi anni, filiz quidem Barbaræ annum duodecimum ætatis necdum prætergreſſæ, brachium dextrum, gravis inſederat dolor, ut neque id operi admoveſcere, neque pro libitu aut neceſſitate commovere poſſet; ac verò matri ipſi præter dolorem ingentem, tumor quoque pedem utrumq; occuparat, omni facultate gradiendi ademptâ, ac vix relictâ perreptandi. Tâ multiplici malo, ab unâ Dei Matre mater afflicta remedium, factò Lindenſis peregrinationis voto, popoſcit, & facilè obtinuit.

VI.

## VI.

Matri ac filix, pedum sanitas collata.

Eodem die advenit Catharina Thomæ coloni (ex Borglowka pago juxta Augultoviam in Lituania sito, & viginti circiter leucas Lindâ diffito) relicta vidua; ut Divæ Lindenſi ſanitatſ procuratrici, debita cum gratiarum actione gratularetur. Morbus, qui pedem utrumque contumaciter inſederat, in ulcera, ſædum in morem eruperat, ut ſcabies nonniſi ſquamarum inſtar inde revulſa decideret ac niſi filix brachiis, non tam ſcipionis aut ſuſtentaculi, quàm vehiculi potius vice fuiſſet uſa, nuſquam ſe commovere loco potuiſſet. Salutare miſerrimæ (aminæ præſidium fuit Divæ Lindenſis; quæ partim ab ipſa, partim ab amicis fuit invocata, præſto fuit, & ægrotam omni malo conſeſtim levavit; ut illa haud longo interjecto tempore; tam longi ſpatium itineris pedes, æquè ſana ac læta conſicere Lindam uſque potuerit. Quò cùm veniſſet, et jam pro filix incolumitate gratias Deiparæ egit; quia & illam ex pede itidem graviter ægram, ſimili ad Deiparam voto perſanatam, conſtantiffimè affirmavit.

## VII.

Mulier, amiſſum pedum uſum recepit.

Eadem quoque die, quin eodem ex loco, atque eadem de cauſa, affuit Marina, Martini ſuperiore anno defuncti vidua. Totam hyemem proximè claſſam, pedibus omnino deficientibus miſerrimè affecta, ac tandem et jam uſu eorum deſtituta erat; ut  
vix



vix reptando movere se loco posset. Simul autem atque ipsa, aliique ejus causâ, votum Lindam fecerunt, mulieri è vestigio melius esse cepit; dolor quoque sensim resedit omnis; quin & pristinam pedum facultatem solito major quadantenus vigor stabilivit; ut neque tantum iter pedes aggredi dubitârit, neque semel illud aggressa, & quasi in quodam pietatis gratitudinisque stadio, decurrens unquam cessit.

## VIII.

Pes luxatus, mulieri non catholicæ restitutus.

Floralia Veterum Romanorum, quorû ante meminimus, in IV. diem ante Cal. Majas, sive in XXVIII. Aprilis incurrebant. Eadem die, si non sacratiora *Floralia*, certè, ut sacræ scripturæ verbis utar: *Flores apparuerunt in terra nostra*. Flores, inquam. nondum enim fructus, qui ex isto, quod circa Lindam Marianam in Ducatu Prussiz situm est, Ecclesiæ catholicæ novali sperari possunt. Quanquam enim multi, qui in eo Ducatu degunt, non obscuros, neque ignobiles Catholici germinis præ se ferant flores, præsertim (qui suum ad Lindam Marianam receptum identidem habent) duæ tamen faminz, quarum jam mentio fiet, singularem in iis floribus quasi maturitatem ostendere. Altera harum fuit Eva, ex Keikut coloniæ Ortelsburgensis pago, Ioannis Radko uxor: quæ cum decem ante annos pedem dextrum ita luxavisset, ut tali (qui se quasi mutuum refugere videbantur) coire nullo modo

modo possent, remedium (quod nemo mortalium afferre jam poterat, quandoquidem & divinatrices, & alii malarum artium præfides consulti, nihil profecissent) à B. Virgine Lindenfi nullo propè negotio invenit: quovis ex inde anno, non modò ipsa Lindā, gratias actura invisit, verum & alios plurimos ad idem miserorum asylum, secum invitat ac deducit. Quam mulieris pietatem hæreticus illius loci prædicans, cum neque ignorare, neque perferre amplius posset, vocatam ad se mulierem, pro supercilio, ac majestate illā prædicantī ita graviter sæpe objurgavit, ut minis nonnunquā supplicia prope conjungeret. Inter cætera minitabatur illi vincula & compedes, quibus haud faciliè exueretur. Ad quæ mulier, subibo, inquit, quæcunq; imposueris supplicia, nihilo tamen secius, Lindam frequentando, Deum ac Dei Matrem laudabo. Neque secus, ac dixit, et jam facit; hoc præsertim tempore, quo idem ille prædicans fato jam sublatu, perfidiæ impietatisquæ suæ, digna apud Orcum supplicia luit.

## IX.

Colici quatuor annorum cruciatus, viscerumquæ tormina curata.

Altera, quæ inter cæteros Lindam Ab Eva deductos è Ducatu Prussiæ hoc anno venit, fuit puella Anna Baltasaris coloniè Trelskowo Ortelsburgensis agri pago filia. Hæc quatuor annos, colicis excruciat doloribus ac viscerum torminibus, neque Bartensteini, ubi plures annos servierat, neque alibi, ullum invenit tantis malis remedium. Bono id ac majore



jore Annæ commodo videtur accidisse, ut & facilius  
& tutius à Diva Lindenſi curaretur. Sive enim illà  
eadem Evâ, ſive alijs docentibus, ſive denique famâ  
ubique jam pervagatâ narrante didicit, Divam Lin-  
denſem omnium expultricem miſeriarum, in ea  
continuò ſpem deſixit, neque ſpes deſecollavit. Mor-  
bis igitur Deiparæ ope exempta, matrem orat, ut  
ſibi gratam eſſe, & Lindâ aditâ gratias agere liceat.  
Mater, tametſi alteri jam viro, & quidem prædi-  
cantis fratri in manum convenerat, filiæ, ſi quâ  
poſſet, Lindam penetrandi fecit poteſtatem. Verùm  
annus interea effluxit, cùm alia obſtacula, ſed ma-  
ximè prædicantis excubiæ, omnem ipſi præcluſe-  
runt viam. Hoc tempore, clam, ut potuit, evaſit,  
Lindam venit, gratias egit, & beneficium ſibi præ-  
ſtitum, non ſine manantibus ubertim lacrymis  
prædicavit.

## X.

Puer à morte præſente, puella à cæcitate  
liberati.

Ad III. Calendas Majas, Dorothea Alberti Kra-  
ſowski ex Ianowo Maſoviæ civitate, ad ipſos Pruſ-  
iæ fines ſita oriundi vidua, Franciſcum novennem  
filiolum, & Helenam duodennem filiam, unâ ſecum  
voti reos, Deiparæ Lindenſi præſentes ſtitit. Ac filia  
quidem tres ante annos, morbo annum propè inte-  
grum vexata ita eſt, ut toto eo tempore, præ nimia  
vi atque acerbitate morbi, oculorum acie obtuſâ, vi-  
dendi facultatem amiſerit. At ubi ad matris preces  
atque vota, illa apud Deum advocata noſtra, ſuos illos  
miſeri-

*misericores oculos*, ad se invocantem convertit, tri-  
duo exinde vixdum elapso, filia cum omni levata est  
morbo, tum videndi donata facultate. Jam verò  
Franciscus filiolus, incertum quâ morbi violentiâ  
fractus, quatuor omnino septimanas, sine omni sen-  
su, proinde & sine cibo potuque omni decubuit; ita  
ut dexteri pectoris costæ omnes, in morbi protensa  
ac protrusa, unius palmilati tudine extra pectus emi-  
nerent, sanatus confestim est à voto Lindam per ma-  
trem nuncupato; ita tamen, ut illius morbi vestigium,  
quantum vis exiguum, in prominente illa pectoris  
parte relictum, spectari et jamnum Lindæ, cum à me,  
tum à pluribus aliis potuerit.

## CAPUT V.

*Mensis Maji primi dies.*

**V**T Ver intra quatuor Anni partes, apud Theo-  
critum (a) ita intra Veris, imò & duodenos to-  
tius Anni menses, principatum Majus obtinet, vel ex  
de causa, quòd placidioræ auræ temperiæ, etiam in  
regionibus ad septentrionem positis, cum terræ, tum  
arborum flores uberiùs evocet. Quid igitur mirum,  
si apud Tiliam quoque Marianam, supra hibernos,  
vernosque alios menses, divini miraculorum aut be-  
neficiorum flores uberiùs proveniant? Quæ sanè u-  
bertas facit, ut, dum eos colligimus, ne opus nimium  
excreseat, compendio nobis maximè utendum sit, &  
tum hoc, tum sequentibus quoque mensibus, eadem  
planè de causa, oratio citra præmia, ut ajunt, adhi-  
benda,

§

I. Mor-

(a) Idyll.



## I.

## Morbus comitialis abactus.

Tametsi inter falsa & profana Veterum numina, nulla potuerit esse *bona Dea*, nomen tamen *bonæ DEÆ* occupavit, cui ipsis Calendis Maji sacra apud Romanos fiebant. De quibus inter alia Ovidius, in Fastis;

*Templa Patres illi oculos exosa viriles  
Leniter acclivi constituere iugo.*

Arcebantur enim ab iis sacris viri, quemadmodum Macrobius (a) prodidit. Fiebant autem sacra hæc, in ædibus Pontificis maximi: unde cum in ædibus C. Julii Cæsaris, qui cum Pontifex maximus erat, pergerentur, P. Clodius muliebri veste indutus, in iis deprehensus, eâ polluit; quâ etjam causâ eum Cicero (b) gravissimè coarguit. Neque apud Lindam neque alio quoquam loco Virgo Deiparæ Deæ sibi nomen usurpat, bonam tamen si non Deam, certè Divam, beneficia, quæ ubique etjam Calendis Maji exhibet, abunde testantur. Etsi verò ad suorum usum beneficiorum omnes promiscuè admittat, nescio tamen, quomodo hujus Anni Calendis quasi quædam bonæ Deæ sacra apud suam Lindam agi voluit; quando ex iis, quæ eâ die accepta divinitus beneficia recensuerunt, aut virgines, aut matronæ duntaxat fuerunt. Prima ex iis fuit Anna Georgii Schwadop ex Lauterhagen, Heilsbergensis agri pago uxor. Quæ duodecim retro annis, cum adhuc in Trautnau ejusdem municipii villa, forlasse apud parentes degeret, plus

dimi-

(a) 1. Saturn. cap. 12. (b) pro Milone.

dimidio anno sacrum morbum pateretur, adeoque vi morbi bis in diem humi affligeretur, voto revivendæ quotannis Deiparæ Lindenensis facto, convaleuit, atq; exinde quovis anno, prout commodum sibi fuerit tempus, susceptâ Lindam protectione votû solvit.

## II.

Brachii & oculorum vitia doloresque sublati.

Altera, quæ iisdem Calendis atque eodem ex loco, Divæ Lindenensis vota solvit, fuit Laurentii ex eodem pago *Lauternbagen* filia. Proximè ante annum quadragesimalis jejunii tempus alteri brachiorum vehementissimus infederat dolor, ut quatuor hebdomadas neque labori, neque adeò quieti locus ullus esset. Neque tamen illa, beneficio Deiparæ Lindenensis, brevi locum fore utriusque dubitabat, quæ ante quatuor annos, tanto ab ea fuisset affecta beneficio. Graviter nimirum ex oculis laborabat, ut diu lucem solis intueri non posset. Affulsit interim melior animi oculis lux, quæ lucem à Diva Lindenensi petendam docuit. Eò cum respexisset, & supplex in vota Dæi Matrem vocâisset, et jam corpori lux sua ita restituta est, ut ex eo tempore, magnâ fruatur oculorum incolumitate.

## III.

Pedes sædè exulcerati, iterum sanitati restituti.

Tertia, quæ ex eodem pago iisdem Calendis Maji, voti rea apud B.V. Lindenensem comparuit, fuit Anna Lazari Kretzmer coloni filia. Pluribus ab annis, sævus pedum dolor non in tumorem modò,



verum & in ulcera, sædum in morem, miserè exuberabat, ut carnibus denique consumptis propemodum nuda hiarent alicubi ossa. Non gradiendi, non calceamenta induendi facultas ulla miseræ supererat; ut, cum locum mutare necessitas cogeret, magis videretur manibus reptare quàm pedibus. Verum ubi illa animo ad Divam Lindensem recurrit, confestim & morbus, & dolor omnis jam tum recessit. Cum verò hoc iterum anno aliqua recurrentis mali viderentur apparere vestigia, non aliò illa quoque sibi recurrendum censuit; cumque vovisset, quovis anno quoad demum vita sibi superstes esset, Lindam peregrinandi, morbus postliminio ita recedere debuit, ut, cum nonnullis spectandos exhibuisset pedes, neque recentis, neque veteris morbi, ullum deprehendi vestigium posset.

## IV.

Voro etiam ab hæreticis Lindam factò, febris & morbus comitalis depulsus.

Pridie Nonas Majas, non minus quàm ipsis Calendis illustris fuit apud Lindam beneficiis Deiparæ lux. Primus, qui voti solvendi causâ apparuit, fuit Albertus Skorka ex oppido Rhein oriundus, sed fixâ in Ducatu itidem Prussiae sede, apud Seligenfeld pagum, plus duabus leucis distantem Lindâ, agricola & colonus. Erat illi Dorothea filiola, quintum ætatis annum aliquantùm prætergressa, cui ad febrilem, quo laborabat æstum, alterâ sacri Paschatis hujus anni die, comitalis morbus accesserat. Ter intra eam diem vis mali puellulam ita corripuit, ut totum corpus  
adiq;

ad instar carbonis nigresceret, omnesque ægram jam pro mortua reputarent. Inter eos, qui miserabili spectaculo aderant, fortè catholica mulier est reperta; quæ, ut parentes filiolarum Deiparæ Lindensi devoverent, suaserit. Obsecuti parentes bene monenti, votum rancupant, & continuò sanitas consecuta filiolarum excepit; ut ad id tempus non commodâ modò verùm & firmâ uteretur valetudine. Quæ dum Albertus recensuisset, adjecit quendam itidem Albertum, è vicino pago Plenen dicto, colonum, filiam septennem omnium linguarum usu destitutam, Lindensi itidem Deiparæ, tanquam omnium depultrici morborum, devovisse. Quod cum improbus sectæ Lutheranz, aut potius Satanæ Minister cognovisset, ad promptas, de receptis scilicet atque usuratis eloquentiæ prædicantiæ Topicis, contumelias atque minas, etiam multam homini misero adjecit; & supplicii loco aureum nummum (quæ multa homini afflicto juxta ac egeno gravis admodum erat) ab eo, præter omne jus fasque, extorsit. Hoc nimirum est Prædicantes viros misericordiarum esse!

## V.

Aliis itidem hæreticis partim comitialis morbus, partim alii pedum morbi abacti.

Eadem ipsâ die, femina tres Sensburgo oppido tribus circiter leucis à Linda disjuncto, votorum reæ Lindam advenit. Atque una quidem earum Dorthea virgo fuit, quæ ante quartum jam inde annum, morbo comitiali graviter laborans, voto Lindam nuncupato, convalescerat. Quo minus autem vo-



to, quo obstricta tenebatur, ante eam diem se exolveret, obstacula, præsertim ab hæreticis, & multa & varia objecta erant. Reliquæ duæ hoc ipso anno gravissimis pedum doloribus exagitatæ fuerant; sed voto similiter Lindam facto, incolumes evasêre.

## VI.

**Matronæ nobili, ex partu graviter periclitanti, aliisque pluribus variè succursum.**

Eâdem quoque die, quatuor matronæ nobili genere in Masovia natæ, confecto viginti minimum leucarum itinere, pedites Lindam advenêre. Quas inter Marina Domini Gasparis Swidersky, nobilis in Parochia Graboviensi viri conjux, votum, quo se Deiparæ Lindensi obstrinxerat, prior exolvit. Difficillimo in partu jam prorsum deposita, ultimum vitæ spiritum vix trahebat, cum voto Lindam facto, prolem quamvis mortuam enixa, & vitæ & sanitati restituta ipsa est. Primo igitur, quo potuit, tempore, ut majore cum pietate gratias sospitatrici Lindensi ageret, viam quamvis admodum longam pedes ingressa, ac pedes itidem remensa est. Comitata eam sunt aliæ tres matronæ, nobili itidem genere illustres, quæ tum pro obtentis variè per Divam Lindentem beneficiis, tum pro declinandis, quæ metuebantur, periculis, simili pietate idem iter ultro citroque decurrerunt.

## VII.

A mortu canis rabiosi, & presente mortis  
periculo servatus.

Ad quintam diem ante Idus Majas Græca Ecclesia, quemadmodum illius fasti docent, natalem urbis Constantinopolitanæ diem celebrat. Eâdem prorsum die, quasi natalem, non quidem urbis illius, sed suimetipsum, diem apud Lindam Marianam egerunt, aliquot Græci ritus religionisque homines; qui sexaginta fere leucarum iter pedibus eò confecerant: quippe qui ex Bludzien juxta Berozam oppidum sito in Lituania, & ad Districtum Malecensem pertinente loco, usque venissent. Eminebat inter eos Athanasius, vulgò Opanas dictus. Cognomento Bohusze-wicz, qui à cane rabioso juxta Szydrum, Lituaniæ itidem oppidum, admorsus periculosissimè fuerat. Decem omnino homines illius ejusdem canis morsu impetiti & in rabiem acti, non nisi cum insegura morte finem mali invenerunt. Evasis Athanasius mortem, quin & rabiem, quia ad B. V. Lindensem, cujus nomen totâ Lituaniâ celeberrimum agebat, continuo se per votum promissamq; eò peregrinationem vertit. Ne tamen ignoraret, quo in periculo, & quanto in discrimine vitæ versatus est, debuit aliquem capitis cruciatum, tres continuos menses perferre: qui tamen cruciatus, ne in furorem aut rabiem desineret, quasi manu benignissimæ Dei Matris absterfus est. Sed & alius ejusdem Athanasii morbus, qui cum proximè elapsâ æstate, octo continuas hebdomadas tenuerat, quin & in discrimen vitæ omnino adduxerat, eâdem DEIPARÆ manu, ad quam



iterum æger voto nuncupato recurrerat, levatus autum est; ita ut exinde viam capessere, & octuaginta circiter leucas, variis Prussiz Lituanizque aditis locis, conficere incolumis valuerit.

## VIII.

Mulieres duæ gravissimo capitis oculorumque dolore exemptæ.

Athanasii, cujus mentionem fecimus, comites Lindam usque fuere, tum Anna ipsius conjux, tum vicini in eodem loco inquilini Gregorii uxor Juliana. Atque Anna quidem è Prussia cum viro domum reversa, incredibili capitis dolore exercuciata est; ut is in sinistrum præsertim oculum derivatus, sanguinem unâ secum eò derivaret, oculumque illum cruore totum offunderet. Verum & hic sive cruor, sive etiam dolor, eadem Deipara Lindensis manu absterfus est, posteaquam Anna, quæ tantam in viro suo opem, ab ea collatam viderat, eandem non minore fiducia, quam pietate imploravit. At verò Juliana cum aliâ teneris, tum nuperrime per hebdomadas quatuor doloribus capitis ita vehementibus exercita est, ut toto illo tempore, neque cibum capere, neque lumen intueri ullum posset; adeoque tum suo, tum aliorum iudicio pro deposita jam haberetur. Erecta nihilominus est, non ad spem duntaxat, verum & ad pristinam incolumitatem, ubi peregrinationis Lindensis vortum concepit. Quam ubi sana & alacris tot miliarium decursu expedivit, etiam Gedanum versùs, pari virium robore atque alacritate, Lindam perrexit.

CAPUT

## CAPUT VI.

Unica Iduum Majorum dies.

**I**psis Maji Idibus, quæ in xv. mensis incurrunt diem, Argeorum sacra Romanis veteribus agebantur: quibus oscilla, sive simulachra hominum scirpea, quotannis de Ponte publicio in Tiberim, per virginem vestalem præcipitabantur. Nam ut Varro (a) ait: Argei fiebant è scirpei virgultis; simulachra erant hominum triginta; ea quotannis à sacerdotibus publicè iaci solebant in Tiberim. Et Ovidius in factis:

*Tum quoque priscorum Virgo simulacra virorum*

*Mittere roboreo scirpea ponte solet.*

Causas ejus rei varias tum ille eodem loco, tum in Quæstionibus Romanis (b) Plutarchus inquirunt. Potissima videtur illa, quam Plutarchus ita proponit: Antiquitus barbari loca illa incolentes, hoc modo interficiebant, si quos Græcorum cepissent. Hercules autem, cuius virtutem admirabantur, docuit eos, dimisso more peregrinos interficiendi, simulachris eum representare, iisque iaciendæ religionem se solvere. Argeos autem, sive Argivos quosvis Græcos nominavit antiquitas. Apud Lindam Marianam scirpeorum loco Argeorum, non simulati sed veri corporum humanorum mentiumque morbi, quasi de quodam ponte in præceptis iisdem Maji Idibus, dantur illius virginis manu, quæ & vestales omnes in terris, & ipsos Angelos in cælis puritate longissimo post se relinquit intervallo.

S f s

I. Duo

(a) lib. 6. de Lingua lat. (b) quæst. 32.



## I.

Duo conjuges, à fædæ luis contagione vel servati  
vel liberati.

Arendorff Vormditenſis coloniæ pagus eſt, ex quo plurimi hâc die, ſua Deiparæ vota perſolverunt. Et quidem Andreas Damerau, hyeme proximè elapſâ fædam alicubi luem contraxerat, quæ etiam in conjugis vergebat contagionem. Ne porrò periculum, etiam intra domesticos ſerperet, uterque conjugum voto ſe peregrinationis Lindeniſis obſtrinxit, atque exinde uterque periculo, quin & morbo ſolutus eſt. Quocirca uxor, ne tardius marito Lindentem ingrederetur Ædem, tanquam debilior illum brevi conſecuturum cum aliis duodecim præceſſit. Verùm ita vires in ipſo itinere ſunt auctæ, ut maritum etiam antevertere Lindam potuerit.

## II.

Aliud par conjugum capitis aut pedum doloribus exemptum.

Petrus Werner ex eodem pago, graviffimis pedum cruciatibus, quemadmodum conjux ejus Gertrudis diuturno capitis dolore, jam ante annos tres factò Lindam voto liberati, quovis anno, gratias Deiparæ æturi, Lindam reſiſunt.

## III. Pueri

## III.

Puerpera & prolem, & se voti ream Deiparæ  
sistit.

Anna Martini Bludau ex eodem pago coloni  
uxor, visa sibi per somnium prolem, quam utero ge-  
stabat, Lindam identidem deportare. Cum igitur  
Georgium filiolum prosperè esset enixa, priùs quàm  
annus evolveretur, illum tanquam hornam Deiparæ  
messum, comitante marito, stitit. Quod eò quoque  
fecit alacrius, quod ipsa, à partu morbo periculoso  
correpta, nullum in humanis remediis præsidium in-  
venerit: invenit tamen apud DEI Matrem, cui non  
modò se, verùm & prolem iterum atque iterum de-  
voverat.

## IV.

Juvenis febris periculosâ liberatus.

Thomas Langerwald, fere totâ superioris anni  
hyeme, perinde fere cum ardoribus febrilibus, atque  
cum remediis variè adhibitis conflictatus est in eo-  
dem pago. Deploratis propè rebus, Deiparæ Lin-  
densis opem, suis ac matris suæ votis imploravit.  
Hinc verò alexipharmacum misero affuit; ut, brevi  
morbo exemptus, vix ullam interposuerit, tum ca-  
pessendæ Lindam viæ, tum reddendo voto, moram.

## V.

Infans ab enormi hernia sanatus.

Ex eadem quoque villa Bernardus Schultz, cum  
Regina conjuge infantem suum Joannem, Dei Marti,  
tan-



tanquam unâ secum voti reum, præsentem stiterunt. Vixdum nam illum superiore anno hernia enormis exceperat; quæ cum nullis chirurgorum præsiis curari posset, simul ac infans voto à parentibus concepto, Deiparæ Lindenſi oblatuseſt, momento curata eſt; ut & parentes, & alii, qui omnium conſcii erant, attoniti, tantam Dei ac Deiparæ potentiam juxta ac pietatem mirarentur.

## VI.

## Diuturna febris depulſa.

Casparis Thiel ex Beneren filia Gertrudis, ſed in vicino pago Arensdorff obſequiis Gregorii Graff coloniaddicta, febris per tres omnino meſes antè triennium afflicta, adhibitis plurimis undique remediis, nullum niſi in B. Virginis Lindenſis præſidio invenit. Voto enim Lindam & Glotoviam facto, repente convaluit; & jam bis Lindam reviſit, tertium inſuper, uri vovendo promiſerat, reviſura.

## VII.

## Brachium læſum iteratò reſtitutum.

Georgii Wolff ex Eſchenau Gutſtadienſis agri pago filia, quæ interim Fabio Schub colono Arensdorffeni ad obſequia domeſtica operam ſuam addixerat, per aliquot annos brachii dextri, præ magnitudine cruciatum, pene omnem uſum perdiderat. Quin, præterquam quòd manum operi admove-  
re nuſquam poſſet, etiam noctu, præ eadem doloris acerbitate, capere quietem nullam poterat. Reddita

illi porro & quies & sanitas, ubi in vota Divam Lindensem jam ante triennium vocavit. Cùm autem hyemè proximè præteritâ idem dolor sensim recrudesceret, iterum ad B. V. Lindensem Anna receptum habuit, eo eventu ut confestim à voto revaluerit, & nunc votum incolumis exolverit.

## VIII.

Exulceratus pes iteratò sanatus.

Margareta Vincentii Werner, in eodem pago A-reusdoiff inquilini filia, pedem dextrum superioris anni hyeme per quinque hebdomadas graviter exulceratum habens, nullum aliud, nisi à B. V. Lindensi præsidium adhibuit, & mox revaluit. Recurrente autem, hoc anno, eodem malo, & jam sensim in ulcera exuberante pede, & illa pariter ad suam iterum solpiratricem recurrit, iterumq; ejus beneficio solpes, votum, uti promiserat, Lindæ coràm hodie dependit.

## IX.

Pedis sinistri dolor depulsus.

Andreas Homan, qui eodem in pago famulum apud quendam colonum agebat, præterlapsâ hyeme sinistram pedem, incertum qua ex causa, intimis sibi doloribus excruciarî sensit: neque tamen minùs opem Deiparæ Lindensis, ubi votum illi nuncupârat, adesse sibi sensit. Cùm enim antè ægerriimè insistere pedi illi posset, progredi verò nusquam turò posset, ab eo tempore, non modò progredi, sed & iter undecim circiter leucarum ingredi ac faciliè conficere potuit.

X. Gra-



## X.

Gravis dentium cruciatus subitò mitigatus.

Anna Joannis Kelm eodem ex pago filia, cùm aliàs tum hoc maximè anno, ex dentibus gravissimè laboravit, ut per hebdomadas tres vix ferendo dolori sufficeret. Non sunt neglecta, quæ aut tollendo, aut saltem leniendo malo opportuna videbantur præsidia; nullo alio, quàm & penitus neglecta fuissent eventu, atque commodo. Certissimum & facillimum apud Divam Lindensem præsidium fuit, quo & dolor omnis, & periculum extemplo sublatum est.

## XI.

Diurnus, & gravis laterum dolor  
abstersus.

Nicolaus Herder ejusdem pagi incola, laterum doloribus, gravibus juxta ac diutinis affligebatur. Conjux illius Gertrudis, & viri, & suam, totiusque domus calamitatem, perferre cùm amplius non posset, aliud tamen malis tantis remedium non reperiret, ad Lindenense asyllum confugit. Facile etiam difficillimo morbo invenit præsidium. Exinde enim morbus plurimum remittere cæpit, ut mulier quamquam viro integram necdum videret sanitatem restitutam, restituendam nihilominus, ubi votum ipsa exolvisset, minimè dubitaret.

## XII. Ul.

## XII.

## Ulceribus toto corpore oblitus curatus.

Sex è vicino Ducatu homines, è pagis oppido A-  
tis (sex itidem leucis Lindâ dissito) vicinis, vota sua  
Deo ac Deiparæ reddituri, iter unâ ingressi, oppidum  
Rhein præteribant. Ibi Vice-præfectus Arcis de pe-  
regrinis certior factus, non tam pro jure, quod illi in  
causa religionis catholicæ nullum omnino compe-  
tit, quàm aut pro stimulis à Prædicantibus admotis,  
aut pro insito hæreticis erga Deiparam Lindensem  
odio, eos accersit, & pro hæretica scilicet majestate,  
gravibus in eos minis detonat. Tamen verò inter  
eos non nisi duo essent Catholici, quatuor verò reli-  
qui sectæ Lutheri obnoxii, nemo tamen eorum mi-  
nis ac tærroribus victus est, quo minus ceptam per-  
urgeret peregrinationem, Dei quæ magis quàm ho-  
minum haberet rationem: præsertim, cum singuli  
eorum, Deiparæ Lindensi singulariter se obstrictos  
agnoscerent. Et quidem Andreas Dura ex Odoja  
pago, vir annos quinquaginta fere prætergressus, ul-  
ceribus jam inde à puero oblitus, matre votum ad  
B.V. Lindensem nuncupante, confestim persanatus  
erat. Tanto igitur alacrius nunc ipse gratias Dei-  
paræ egit, quanto jam inde ab emissio per ma-  
trem voto, magis extitit ab eo malo imma-  
nis.



## XIII.

Pedibus exulceratis reddita sanitas.

Ex eodem pago mulier Christina, filiam suam Annam, & aliam Virginem Catharinam voti reas Lindam comitata est. Utraque ex pedibus graviter exulceratis aliquando periculose agra, adeoque Catharina annum solidum lecto affixa; utraque voto Lindam facto, opem Deiparae subito experta; & ideo utraque iter septem circiter leucarum alacriter perdes dementia.

## XIV.

Nervi & vulnere contracti, ex voto Lindam facto restituti.

In eodem cum praedictis comitatu, sed alio ex pago Czarn dicto, venit Stanislaus homo catholicam fide, quam inter haereticos intaminatam servat, à teneris imbutus, ideoque, Deiparae praesidio praeter ceteris dignior visus. Quatuor ante annos, cum Regi Reique publicae perduelles Cosaci, Tartarorum auxiliis subfulti, pleraque in regno Poloniae attererent, & bello domandi essent, etiam Stanislaus, qui praelio interfuit, noxam suo corpore ab iis excepit. Sagitta enim circa femur ictus, laesis atque contractis ex eo vulnere nervis, pessime affectus erat. Ne porro ad extremum penitus subnervaretur, Deipara Lindenensis, cujus opem imploravit, & cui nunc gratus votum persolvit, praesidio fuit.

XV. Ex

XV.

Extinctus febrilis æstus.

Thomas Treilich Heilsbergâ oriundus, sed Traumburgi apud figulum suo intentus opificio, febrilibus anno superiore caloribus, ad quatuordecim hebdomadas exaestuârat. Nullum interea opus suscipi, ac ne quies quidem admitti ulla potuit. At ubi se iis in æstibus sub Tiliæ Marianæ umbram voto facto, recepit, & quies, & sanitas, depulsâ febre, continuo rediit.

XVI.

Comitalis morbus exesse iussus.

Anna Antonii Iordan, in Trauendorff Meelsacensis agri pago, cauponis filia, quatuor viæ comites eodemque receptæ per Deiparam sanitatis habuit testes. Sacer, illam morbus invaserat, sed non diutius grassari permissus, quàm illa opem à Divâ Lindensi imploravit simul, & obtinuit. Ita quidem facta est ipsa, ita viæ comites, uti omnium conscii, affirmavere omnes.

XVII.

Capitis dolor & vicina admodum infania repulsa.

Iacobus Silberbach, è Tingen Vormditenensis agri pago, dilatum à triennio votum tandem exolvit. Capitis dolore per annum solidum perdurante, propè ad amentiam erat redactus, ut etiam illicita apud varios quæserit remedia. Quæ omnia cum nequidquam essent adhibita, ad B. V. Lindensem se vertit,  
T t & opem



& opem continuò invenit: ut ab eo tempore; quo fecerat votum, sanus omnino sit; tamen si per omne triennii spatium, variè impeditus, dependere votum ad hanc usque diem nequiverit.

## XVIII.

## Capitis dolore levatus.

Ex eodem pago Tingensi, eodem, quanquam mi-  
liore aliquanto capitis morbo, laborabat Petrus  
Schœnfec; neque alia quàm ejusdem B. V. Linden-  
sis ope revaluit jam ante biennium. Et erat sanè par-  
ut votum, quod jam tum salutare expertus erat, ci-  
tra moram Deiparæ Lindensi persolveret; sed quod  
variarum tum causarum prohibuerunt, hac demum die  
memor beneficii pariterque gratus persolvit.

## XIX.

## Hernia arte humana incurabilis sanata.

Casparus Berend, Georgii in Krekollen coloni si-  
lius, sed opificio sutor, plus triennio herniam, & ex  
ea cruciatum, tumori ingenti parem, patiebatur.  
Nihil prorsum erat levamenti, sive à retinaculo,  
quo malum in abdominis capacitatem repulsum co-  
ercebatur; sive à præfidiis, quæ & varia & plurima;  
undique sunt adhibita. Decollante undique sanita-  
tis spe, in ea spem reposuit, quæ apud Lindam ni-  
hil solet negare supplicibus. Supplicandi finis, sani-  
tatis initium fuit: ut ex eo tempore, & vitio & do-  
lore omni vacuus sit.

## XX.

Pectoris & capitis languoribus  
expeditus.

Anno proximè elapso per duodecim hebdomadas,  
Thomas Braû, acerbissimis quâ pectoris, quâ capitis  
doloribus afflictus, nullû in Krekhausen, ubi hortu-  
lanus degebat, nullum alibi tantis malis invenit præ-  
sidium. Quò majore fiduciâ, & pectoris & ani-  
mi vora ad Divam Lindensem vertit. Neque mi-  
norem in ea facilitatem beneficentiamquæ expertus  
jam tum erat, cui hodie grates, quantas pectus  
humanum capere potest, agere contendebat.

## XXI.

Brachii & pedis vitia curata.

Christophorus Benell Boëmus, Pragâ oriundus,  
Meelfacci in Prussia sedem fixit, & consequente  
deinceps tempore, ipsemet lecto affixus est. Hyeme  
enim proximè evoluta, tum pedum tum brachii  
dextri vitio, undecunque tandem contracto, nus-  
quam nisi in lecto aliquam invenit requiem. At  
postquam salutem undique deploratam Deiparæ  
Lindensi commendavit, adjectoque peregrinatio-  
nis voto fidem suam obstrinxit, & pedum & bra-  
chii, quasi manicis pedibusquæ solutus ex templo est,  
ut pedes exinde peregrinationem Lindensem ag-  
gressus feliciter absolverit, & nonnisi pedes, pro-  
pe quinquaginta millia passuum redux voluerit re-  
metiri.



## CAP V T VII.

Quinque dies, Idus Majas proximè consequentes.

**F**Inem his diebus, videlicet ad XII. Calend. Majas, imponebant Agonia, sive Agonalia; quæ cum variis de causis ita appellata referat Ovidius (a) ipse tamen rationem nominis; à ludis Græcorum, qui Agones dicebantur, derivat, dum ita scribit:

*Fas etiam fieri solent atate priorum*

*Nomina de ludis Græca tulisse diem.*

*Et prius antiquus dicebat Agonia sermo;*

*Veraque iudicio est ultima causa meo.*

In tanto peregrinorum apud Lindam concursu, quid aliud quam Agones quosdam intueri tibi videberis? In quibus quidem, non jam unus, quod etiam S. Paulus notavit (b) accipit bravium, sed tot corruptam accipiunt coronam, quot singularibus Dei ac Deiparæ beneficiis, juxta divini vatis carmen (c) in misericordia & miserationibus coronantur.

## I.

Comitali morbo expeditus.

Ad XVII. Calend. Iunias Christophorus Przyborowsky; ex Schoenfeld pago, magnis octo leucis in provincia Hordeburgenfi distito, comitante unâ conjuge, Lindam venit, & votum tres ante annos conceptum, solvit. Comitali morbo à quindecim jam annis deltrinebatur, & nullo apud suos exterisque

(a) Fast, I. (b) I. Cor, (c) Psal, 102.

terosque homines invento remedio, etiam hæreticorum quos inter propè solus Orthodoxam colebat fidem, consilio atque suasu, votum Lindæ adeundæ, offerendique alicujus donarii fecit. Iam tum vis mali plurimum remisit, ut non desperet, etiam reliqua morbi vestigia, quæ sanè levia supersunt, abscessura.

## II.

## Dentium dolore liberatus.

Eadem die, adfuit è Medien Heilsbergensis agri pago Iacobus Austin, qui unius ferè anni spatio ingentem pertulerat dentium cruciatum. Quo, cum per imploratam Divæ Lindenensis opem, levatus esset, illi potissimum secundum Deum gratias hodie egit.

## III.

## Tres claudæ fæminæ curatæ.

Eadem die, quamvis non omnes eodem ex loco, Lindenli Divæ gratias egerunt, quia ejusdem beneficio pedum sanitatem omnes receperunt. Et Anna quidem Ioannis Austin ex Medien coloni filia, dextrum genu, dimidio plus anno, miserè affectum habebat; Anna verò altera Clementis Fischer civis Heilsbergensis filia, supra hebdomadas septem, utroque claudicabat pede; denique tertia Anna Ioannis Schultz ex Reichenberg Heilsbergensis municipii pago coloni uxor, dolore sex hebdomadarum ad claudicatem redacta neque aliter nisi fulcrorum adminiculo utcunque gressum facere solita; postquam



luc quoque tempore ac loco, opem Deiparae implo-  
ravit, facile obtinuit.

#### IV.

Alii quatuor variis pedum morbis soluti.

Antonio, Antonii Weyenmülleri Bisteinenfis ci-  
vis & Musici filio, sacer ignis, per annos duos pedem  
utrumque, non tam affecerat, quàm prope exederat,  
inflammatione ad extremum vi aperta undique vul-  
nere exuberante: Minus aliquanto malum, etsi non  
minoris generis, invaserat cujusdam Glocksteinensis  
in agro Resselienfi coloni Georgii Reimer filium:  
sacer enim itidem ignis erat, & per duas hebdo-  
madas haud leviter in pedem dextrum saeviebat: At  
verò Joanni Leb Meelaccensi civi ad gravem capitis  
dolorum, & novus pedum morbus accessit, qui cum  
sex hebdomadas tenuisset, incedendi quoque facul-  
tatem abstulerat: Ad extremum Joanni Manfras ci-  
vi Resselienfi, haud dissimilis dolor & manuum &  
pedum usum, per duodecim hebdomadas abstule-  
rat. Potuit istos, locorum intervallis ita ab se divisos,  
latere communium malorum societas, sed non latuit  
quenquam commune apud Lindam Marianam  
grorum, calamitolorumq; asylum, suo quisq; loco ac  
tempore Patronæ Virginis opem exposcit, ejusdem-  
que Lindæ visitationem, Sacramento voti interpo-  
sito, addicit. Neque ea pietas supplicantes fefellit:  
mox enim aut inflammatio, aut alius dolor, velut  
injecta frigidâ, constitit; dataque omnibus, non  
modo gradiendi, verum & longius iter perficiendi  
facultas.

V.

Fæminæ duæ febri liberatæ.

Michaëlis Rohfleisch, ex Vargitten Heilsbergen<sup>m</sup> sis agri pago, uxor nomine Clara, quinque hebdomadas cum febri graviter erat conflictata: at verò Anna Ioannis Schwartz in Glautinen Cinthienensis in Ducatu municipii pago, duodecim hebdomadas similes febrium ardores perpeffa erat. Tametsi verò hæc præ illa, non locorum modò, verùm & religionis intervallo magis à Linda Mariana erat disjuncta (quippe inter Sectarios sectarum vinculis obnoxia) tamen & hæc non minorem in Deipara fiduciam collocavit, neque proinde minorem experta opem; ut simul & Lindam accederent, & Linda gratias Deo ac Deiparæ persolverent.

VI.

Glaucoma oculis deterfum.

Sibylla Bartholomæi Grunert Civis Meelsaccensis uxor, distillantibus supra sesqui annum oculis glaucoma contraxerat, adhuc cum Virgo apud parentes degeret. Offusis ita corpori tenebris, melior animo lux, è certa in Deiparam Lindensem fiducia oborta est; quàm et jam curationis frustra alibi tentatæ desperatio non mediocriter augebat. Neque fiducia ac pietas fructu caruit, confestim enim opitulante DEI Matre, & glaucoma, & tenebræ ab oculis deterfæ; & illa, comitante Lindam usque parente, vota & gratias illi agere non cessavit.



## VII.

Tumor immodicus toti corpori offusus  
iteratò discussus.

Ad xv. Calend. Junias Andreas Grünhag Heilsbergensis annuam Lindæ peregrinationem reperit. Sex ante annos toto prorsum corpore immodicus le humor diffuderat, & miserum toras septem hebdomadas lecto affixerat; ut ne consistere quidem, tantum abest, ut quopiam conferre se progrediendo posset. Omnis tamen ille tumor momento propè refedit, & sanitas homini integra rediit, ubi ille voto, quod Lindenfi Patronæ fecerat, defunctus est. Anno deinceps recurrente, cum ille recurrentem neglexisset peregrinationem, non neglexit iterum recurrere morbus. Ergo ille malo suo monitus, novo se annuæ perpetuæque, quoad superesset, peregrinationis voto obstringit, & illicò, quo tenebatur, morbo expeditus est.

## VIII.

Pluribus dolor capitis dissipatus.

Eodem tempore, eodemque ex loco, atque eadem fere de causa tres puellæ ob beneficia sibi collata, Deiparæ sunt apud Lindam gratulatæ. Ex Newendorff Heilsbergensis agri pago omnes venerant, sed non omnes indidem erant oriundæ, præter Barbaram Joannis Greman filiam; Margareta enim Heilsbergæ, Matthæo Hippler cive, at Gertrudis in Santoppen Luca Fritsch parente nata erat. Cæterum Barbara ante quadriennium tum vehemente Stomachi

Anni MDCLV. quinque dies Id. Maj. consequentes. 665

machi nausæâ, tû immani capitis dolore, ad vertiginem usque laborârat; Margareta verò, ad similem capitis cruciatum, accessit pedum ingens dolor, qui eam ad hebdomadas quatuor lecto affixam ante triennium tenuerat; denique Gertrudis ante octo jam inde annos nihilo mitiore per sex menses capitis cruciatu afflictâ erat. Omnibus idem asylum, idemque apud B. Virginem Lindensem præsidium fuit. Vnde reliquæ sæpius Lindam gratias acturæ pergunt; Gertrudis verò annuam, quoad vixerit, peregrinationem, religiosè servat.

### IX.

Hæreticæ quoque sæminæ dolore capitis liberatæ.

Eâdem quoque die Margareta, ex Kiersnowo Schistenfis agri pago colonæ, duæ jam adultæ Virgines filia, quamvis non catholicæ, ritu catholico gratias Divæ Lindenli egere. Cereis enim sertis capita cinctæ facellum aliquoties obierunt, & preces, genibus identidem flexis, qua poterant pietate, fuderunt, ut voto nempe exolverentur, quo ingens & diutinus capitis dolor, qui filiam utramque annum prope integrum distinebat, Deiparæ Lindenlis ope fuerat depulsus.

### X.

Nobilis Vir à feбри malignâ iteratò curatus.

Proximè consequente die, videlicet ad xiv. Cal. Jun. Nobilis & Magnificus Dominus Hieronymus

T r s

Got-



Gotkowski Vice-Dapifer Varsaviensis, & in Vlsnensi Provincia Dominus ac heres in Rakowo, pedes Resselio iter absolvit. Biennium jam elapsum erat, cum ille Regiomontum versùs iter ingressus, de B. Virgine Lindensi ejusdemque beneficiis fortè nonnulla cognovit. Haud multò post maligna febris correptus, pro deposito ab omnibus est habitus; ut etiam munus, quod in Repub. gerebat, tanquam illo jam defuncto, alteri fuerit traditum. Et sanè tertius jam supra decimum volvebatur dies, quo ille extra omnem vitæ spem jactabatur. Interea subit ægro Lindensium Deiparæ beneficiorum memoria, & memoriam, votum peregrinationis Lindensis momento consecutum, quemadmodum & votum proximè secuta est incolumitas. Quid restabat, nisi ut morbi vinculis expeditus, etiam voti sui vinculo se expediret? At negotia quæ domi privata, quæ etiam in magistratu publica variè intercedebant: quoad recurrente jam anno, quintâ hebdomadæ sanctæ feriâ, morbus idem recurrit: cumque per sex circiter dies sævire pari prope inclementiâ ac periculo capisset, ægrum coëgit, ut non memoriam duntaxat voti sibi refricaret, verùm & novo se Deiparæ voto obligaret. Quod etiam citra moram contendit exolvere; quemadmodum hac die exolvit; & quæ memoravimus, omnia teste conscientia, affirmavit.

## XI.

Epilepsiâ duo infantes liberati.

Ad XIII. Calend. Junias, Balthasar Schwartz & Rettsch

Retsch agri Heilsbergensis pago, unâ cum conjuge Margareta, votum, quod à septendecim jam annis, frequentant, annuæ peregrinationis absolverunt. Votum autem filiorum causâ susceptum nuncupatumque ritè erat. Cùm enim & Georgius filiolus, & Albertus triennio junior, simul atque in lucem editi fuerant, comitali morbo exagitarentur, parentes utrumque, quoad viverent, quotannis B. V. Lindenfi coràm sistendum promiserunt. Quia verò utrumque ab edito voto sanum receperunt, quovis anno, tum illum utrumque, tum etiam se insuper beneficii memores & gratos, Deiparæ coràm sistunt.

## XII.

Mulier non catholica ob filias duas, à præsentem mortis periculo ereptas, votum solvit.

Die eadem, Barbara ex Nanjady Schiftensis arcis pago, quinque milliaribus Lindâ distans. Joannis Toporzisko uxor, votum, quod ante sex annos nuncuparat, comitante Helenâ affine suâ, absolvit. Anna filia ipsius, cùm aliis morbi causis tum ulceribus intumescaput opplentibus ad insaniam usque deducta, & supra medium annum lecto affixa erat, ut nusquam inde progredi, nec nisi matris operâ manibusque portari ac moveri aliò posset. Postquam verò mater Deiparæ Lindenfi filiam devovit, non tam à morbo quam à morte rediisse ad sanitatem vitamque visa, commodaque deinceps valetudine usa est. Quæ Deiparæ benignitas fiduciam matri fecit,



fecit, ut, cum Barbara junior filiola, vix annum ætatis supergressa, sinistrum latus axe currus, imperu prætereuntis, graviter percussa, & sive inde, sive alia quoque ex causa, majorem ætatis partem prope usque ad mortem (quam solam mater jam opperiebatur) macie exhausta esset, etiam huic salutem postulare à Deipara Lindenfi auderet. Postulavit, & hanc quoque sanam brevi complexa, non ante Lindæ præsentem stitit, quam sextum ingressa annum & matrem & sororem comitari posset pedes.

## XIII.

Traumburgensium complures ob impetrata à Diva Lindenfi beneficia gratias agunt.

Die ante Calend. Iun. xi. homines septendecim, majorem partem Traumburgo, ut gratias agerent, confecto pedibus septendecim leucarum itinere advenerunt. Quos inter Petrus Hintz Matthei & Annæ civium Traumburgensium filius, annos tredecim natus, aurium usu, cum adhuc pueritiam vix esset ingressus, omnino destitutus, matre filium Lindenfi Patronæ offerente, confestim revaluit. Anna verò Ioannis Hartman indidē civis filia, matre ante annū ex febre malignā plures hebdomadas decumbente, ejus loco votum Lindam nuncupavit; & restitutā confestim matri sanitate, hodie, quemadmodum promiserat, voti pensum cum gratiarum actione reddidit. Sicut autem hæc matris, ita Catharina Jacoli Herbst Traumburgensis itidem civis filia, patris sui causam, apud Deiparam Lindensem feliciter

ter egit. Defunctus ille jam ante triennium fuerat, sed filia identidem apparere per somnium visus ac monere, ut se Divæ Lindenſi offerret. Obtulit illa factò Lindam peregrinandi voto, & exinde omnis animo quies, et jam per somnium, rediit. Jam Regina indidem Simonis Schopp & Anna filia, per quinque minimùm hebdomadas ex capite antetriennium graviter laborarat: Barbara verò ex Newkirch Ioannis Goltſchmid & Catharina filia, ab uno ferè anno comitialem morbum miserabiliter, passa fuerat: utraque à voto Deiparæ Lindenſi nuncupato, ſanitati conſeſſum reſtituta eſt.

## XIV.

Duo homines non catholici à ſenſibus alienati,  
ſibi reſtituti.

Eadem die ex Orſch Angerburgenſis agri pago, in Ducatu ſito, adfuerunt Lindæ V Vilhelmus Nicolai Hielſa, & Ioannes Martini Kozurck filius. Atque ille quidem æſtate præteritâ, ignoto omnibus morbo per hebdomadas ſex lecto aſſixus, ac demum triduo à ſenſibus proſum alienatus, ut neq; audiret, neque quidquam aliud ſentiret, ac tantum pedibus totoque adeo corpore partes in omnes ſeſe jactaret: hic verò, dum ruri poſitus terram aratro verteret, ad volantis corvi (qui maleficorum operâ ſubmiſſus putabatur) inſolito adſpectu percuſſus, & pavore conſternatus, adeoque extra ſe motus eſt. ut plures hebdomadas redire ad mentem ac ſibi conſtare nuſquam poſſet. Uterque parentum ſuorum voto Deiparæ Lindenſi oblarus, ex tempore ſibi reſtitutus, atque



que hodie, patre admodum sene Wilhelmum comitante, voto suo apud Lindam defunctus est. Poterat hisce duobus adjungi tertius, non quidem ex eodem pago, ex eodem tamen Ducatu, Joannes Lichotain Grajow, Letzensis municipii pago inquilinus; qui eodem die votum suum Lindæ persolvit; sed quo Deiparæ beneficio fuisset affectus, inquiri & consignari per temporis angustias non potuit.

### C A P V T VIII.

Alii quinque mensis Maji dies.

**I**Nitium his atque auspicium Dominica sanctissima Trinitatis, in x. Cal. Jun. incidens dedit; quâ civitas Bisteinens. pro accepto more, vel potius pietatē suā annuam processionem Resselium, & in vicinum Resselio pagum Robawen promovit, & unâ multos ad sui imitationem cū alijs semper, tum hoc quoque anno permovit. Sed & præter Bisteinenses, plurimi ea ipsa die aliunde Lindam accesserunt.

#### I.

Morbus comitialis depulsus.

Prisca Laurentii Teicher civis Vormditensis uxore quod à quatuor jam annis facit, votum annuum persolvit. Voti causa fuit comitialis morbus: quo, sicut ob terrorem à milite quodam incussum, subito fuit correpta, ita ob votum ad Deiparam Lindensem factum, confestim crepta.

## II.

## Tumor hydropicus discussus.

Janowka oppidum est cis Augustoviam, octodecim fere leucas Linda distitum. Illic ante biennium Joannes Jargonozik cum aliis morbis vexatus, tum hydropico tumore, à festo S. Jacobi usque ad S. Thomæ Apostoli, toto corpore ita suffusus fuit, ut, cum manu pars aliqua corporis attingeretur, non tam corpus, quàm massa quædam videretur tangi : &, cum decumbens in alterutrum latus caput inclinaret, oculi præ eminente tumore, ut nihil omnino cerneret, obturarentur. Fortè à peregrinis aliisque amicis, mentio de beneficiis Deiparæ Lindensis facta, singularem in ægro spem, religionemque accendit. Votum igitur, non Lindam modo adeundi verùm & pane mendicato iter agendi, subito concipit, simulque ope Deiparæ sanitatem recipit. Cujus rei testimonium ab Admodum R. D. Valentino Goworowski, Janoviensi Parocho scripto datum, & manu sigilloque ejusdem munitum, Anno MDCLIV. die xxv. cum accepisset, iter citra moram ingressus est. Quia verò quovis anno, dum vita superaret, iterare eandem peregrinationem promisit, etjam hoc anno promissis hac ipsa die respondit.



## III.

Inusitatum apostematis genus & hernia  
curata.

Eâdem die Regiomonto adfuerunt sorores duæ Bartholomæi N. viri catholicâ pietate, ad quam & Lutheranis castris redierat, inter paucos excellentis filia: quarum illa primum Ioanni Beer, deinde verò Ioanni Deiner, hæc verò Iacobo Cessau Crustulario Regio, homini Gallo nupsit. Atque Esther quidem Ioannem filiolum septennem, quem & Ioanne Beer Colonîâ oriundo, & præclaro inter Regiomontanos ænopoîâ susceperat, voti reum Desparæ præsentem exhibuit, ut jam tum agnosceret, cuius beneficio vitam, secundum Deum, duceret. Quartum ætatis annum cum esset ingressus, insolens quoddam apostema ventrem pueri occupavit; quod per magnam corporis partem diductum ac diffusum, nullam puero quietem relinquebat: ut præ doloris magnitudine, nec ingulo quidem accingi unquam posset. Ad extremum ita malum induruit, ut nulla medicorum (qui, quotquot Regiomonti sunt, adhibiti fuerunt) potuerit ope emolliiri, ne dicam curari. Plerique eorum pro deposito puerum habebant, quidam non nisi pauculos ætatis præmittebat annos. Verùm ubi mater filiolum Dei Matri apud Lindam obtulit; malum ita præter spem continuò dissipatum depulsumque est, ut cum interea novo cuidam Doctori, qui Regiomontum appulerat, curandus puer offerretur, Doctorque illum per-

straret;

straret, vitio nullo corporis reperto, sanum undique pronuntiârit. In cujus rei monumentum, grata Deiparæ mater insignem Tabellam argenteam, in qua Christi Domini à Pilato judicati, historia sculpta & atramento perlita visitur, hâc ipsâ die dedicavit. Ac verò Anna soror, suâ filiiq̃e sui Alexandri, quem novennem Deiparæ coràm stitit, causâ alteram Tabellam, in qua insigni opere Deiparæ imago protuberat, dicavit. Cùm enim filium illum parturiret, gravi & periculosâ herniâ afflictâ fuit, quâ tamen perinde, uti partu, soluta fuit, ubi se Deiparæ Lindens; à voto singulari obstrinxit.

## IV.

Quinque homines, à variis gravibusq̃e morbis liberati.

Przerosla oppidum est Podlachiz, viginti circiter leucis Lindâ distans, ex quo viri quinque Lindam hâc eâdem die venientes, scriptum à suo Parocho testimonium, de sui itineris causa, hoc est de perceptis Deiparæ Lindensis ope beneficiis, attulerunt. Est autem hujuscemodi:

Laurentius Badovsky Parochus Przeroslensis, hoc meo scripto attestor, congregatos homines, honestos cives Przeroslenses, simul ad locum sacrum, hoc est, ad B. Virginis Lindam proficisci; ad quam in variis morbis & periculis suis, sua nuncupârunt vota: gratias videlicet acturi, & constanter professuri, quod patrocinio B. Virginis, verè à suis eruti sint infortuniis. Eorum porro nomina hoc eodem scripto meo exprimo; qua sunt, Martinus Gursky, Andreas Boravsky, Petrus VVikim, Michaël Bier-



nat; & quinta matrona quadam honesta. Quorum insuper nomine oro, ut quovis loco liberam habeant ultro citroque commeandi potestatem. Quæ porro reverendus D. Parochus de beneficiis Deiparæ universim memoravit, ipsi sigillatim paucis recentuerunt. Martinus Gursky arborem in silva cædens, dextrum genu ab eadem cadente iactum, ossibus extra juncturam vertebraeque protrusis, & nervis vehementer collisis, à mense Septembri ad medium fere Novembris decumbebat. Cujusdam amici suasu Lindensem peregrinationem vovit, & repente convaluit; ut, cum paulò antè neque pedes, neque cætera membra loco movere posset, susceptum Lindam iter, majore, quàm quisquam sperare potuisset, fiducia constantiaque abolverit. Jam verò Andreas Borawsky, nato intra caput ulcere, totam ætatem cruciatus, cujusdam itidem amici suasu, quin & voto ejus causâ suscepto Lindam oblatus, rupto confestim intra caput ulcere, & purulentâ sanie per aures largè effusâ, probè convaluit. Petrus verò Willim, ex ingenti animi tristitia, ad sævissimos capitis dolores, quin & insaniam adactus est; ut necesse fuerit hominem vinculis & compedibus ferreis coerceri. Quibus in vinculis & calamitate, supra hebdomadas septem egit; quoad voto per amicos Lindam factò, morbo primùm, tum deinde & vinculis exemptus est. Denique Michaël Biernat septuagenario major, circa festum Epiphaniæ paralyti factus, neque linguam, neque corpus reliquum movere poruit. Voto, quod amicorum quidam persuasis, Lindam nuncupato, ita ad se rediit, ut supra suam omniumque spem, tantum iter pedes ingredi, & con-

fice-

ficere potuerit. Unde tanti & tam multiplicis memor beneficii, non sine uberibus lacrymis, quamvis non nihil adhuc cespitante lingua, Dei & Deiparae in se clementiam praedicavit; & quemadmodum venerat, Lindâ sese domum pedes receperit.

## V.

Morbo comitiali virgo liberata;

Pauli Lehman civis Bisteinensis filia Elisabeth, quintum ac decimum ætatis annum ingressa jam erat. Confirmatam ita virginis ætatem Hercules morbus est aggressus, quo sæpius intra annum hunc miserrimè afflicta, parentes denique permovit, ut Matrem Dei apud Lindam appellarent; dignaretur illa, oculis misericordiae plenè aspicere sobolem suam, quam ipsi ita miserè habitam longius aspicere non sustinerent. Addunt precibus votum, si morbus esset depulsus, professionem Lindam inituros, & filiam Dei Matri coram stituros. Votum salus confestim secuta, parentes unâ cum incolumi jam filia, non ad edendum duntaxat beneficii accepti documentum, verùm & ad debitum pietatis officium Lindam ad ix. Cal. Jun. excivit.

## VI.

Nobilis juvenis à feбри, paralyti, & epilepsia, maleficorum arte immixtis liberatus.

Octavâ ante Calend. Jun. die, in Galliam iturus, voti solvendi causâ, Lindam rectâ divertit nobilis ac generosus D. Thomas Glinka Janczewsky, illustris & magnifici viri, D. Adami Glinka

V u 2

Glin



Glinka Janczewsky, Notarii Terræ Visnensis filius. Absolutis paulò antè Resselii studiis literarum, è comitiis Anno MDCLII. Brestæ celebratis, domum reversus, ad nuptias cujusdam Virginis, nobilitate generis magis, quàm fortasse virtute claræ, invitabatur, quas ille cùm justis de causis refugeret, nefandis maleficorum artibus perstrictus, primùm febris malignæ, eam necdum repulsâ, paralyti insuper corripitur. Et jam extra se atque sensus erat positus, cùm Domini parentis voto divæ Virgini Lindensi oblatas, confestim & à febris, & à paralyti liberatus est. Recurrente postmodum anno, ipsâ Præsentationis B. Virginis die, ex iisdem maleficorum maleficiorumque causis, morbo comitiali ita correptus est, ut intra diem vicies ac quater gravissimè miserrimeque afflictus humi collideretur. Ergo Dominus parens iterum ad B. V. Lindensem recurrit, & non majore, quàm antea, negotio, sanitatem filio impetrat. Unde filius, tum ut suscepti ab se in Galliam itineris, secundioris ab auspiciis Deiparæ peregrinationem redderet, tum multò magis, ut pro tot tantisque jam acceptis beneficiis gratias ageret, Lindam accessit, & quæ hâc memorata sunt, manu suâ hunc in modum subscripsit:

*Ita esse testor, ego Thomas Glinka Lanczewsky*  
*manu proprio*

# VII.

Vulnus in gangrænam desinens curatum.

Ad VII. Cal. Jun. annuam, pro recepto sibi more, peregrinationem Lindæ absolvit Joannes Fischer Meellaccensis. Isocto ante annos, dextrum genu fortuit;

nito, sed gravi casu vulneratus, per duos annos, vulnere sensim in gangrænam degenerante, nonnisi fulcris subalaribus nixus, gradum utcumque facere, aut potius reptare potuit. Facto Lindensis protectionis voto, iisdem, quibus biennio erat usus, fulcris eò adrepfit, simulque morbum omnem, adjuvante Lindensi patronâ, quasi iisdem fulcris aut potius fustibus ab se abegit. Tanti memor beneficii, quovis deinceps anno, ut Patronæ tantæ gratias agat, se se apud Lindam ipsius supplicem juxta ac præsentem sistit.

## VIII.

## Periculosa febris repulsa.

Eâdem die Lucas Hell, ex Hohendorff Meelfaccensis agri pago Lindæ comparuit. Tres ante annos, febris per novem hebdomadas confectus, eoque redactus est; ut neque erigere, neque adeò amplius se nōsse, neque demum aliorum spe producere viram posset: ubi nonnihil ad se reversus, ad B. V. Lindensem per votum à se nuncupatum confugit, febris in tumorem duarum hebdomadum versa, hominem penitus deseruit.

## IX.

## Colici dolores repressi.

Plures illâ ipsâ die è Meelfaccensi municipio Lindam accessere: quos inter Petrus Praal è Wulseni pago colonus, gravissimis viscerum torminibus ab anno diceruciat, propinquorum votis Divæ Lindensi oblatus sensim melius habere cæpit: ubi verò Lindam versùs iter arripuit, supra spem omnem, qui



aliàs vix mille passus emetiri ægerrimè poterat, citra  
dolorem omnem ac molestiam, sanus & alacer triginta  
quatuor millia passuum decurrit.

## X.

Febris, & dentium dolor curatus.

Paltene ejusdem coloniz Meelsaccensis pagus est  
è quo Jacobus, Jacobi Kuhn coloni filius, & Doro-  
thea Pauli Lehman. cum cæteris, Lindam eadem ad-  
venire dic. Ac Jacobus quidem, verno superioris an-  
ni tempore, ex febris decubuit, ut præ nimio æstu ad  
dolore, duas minimùm hebdomadas omni somno  
destitueretur: at verò Dorothea per octodecim mense-  
les incredibili dentium cruciatu afflicta est, exagge-  
ratâ vi mali pharmaca cæteraque remedia omnia tu-  
perante; nam quatuor omnino dentibus per chirur-  
gum exemptis, dolor & perennis cruciatus eximi  
non potuit. Utriusque tamen morbo faciliè à Deipara  
Lindensi admotum remedium, ubi votum Lin-  
denſis peregrinationis, instar malagmatis admotum  
fuit. Quam quidem peregrinationem uterque pedes  
absolvit, propè octoginta passuum millia ultro citro-  
que emensus.

## XI.

Capitis ac pectoris dolor, præfensque in partu  
mortis periculum depulsum.

Packhausen ejusdem municipii pagus itidem est:  
unde peregrinationis comites cæteris accessere, Re-  
gina Michaëlis Klud, & Elisabetha Matthæi Dreſp  
filia. Quarum illa quidem & capitis & pectoris do-  
lores,

lores, per hebdomadas decem, sanè quàm graves sustinuit; quibus extemplo soluta est, ubi Lindam se profecturam vovit; quam protectionem ultro citroque pedes absolvit; jam verò Elisabetha inter periculosissimos partus dolores extra sensus omnemque vitæ spem posita, voto per Gertrudem matrem Lindam facto, non modò fœtum enixa feliciter est, verum & sanitatem mox consecuta.

## XII.

Quinque homines, variis eodem in loco morbis relevati.

Zeugninen Meelfaccensis agri pagus est, nobilitate eundem interluente pagum, & ipse spectabilis. Inde cæteris hâc ipsâ die peregrinis adjuncti fuerunt; Joannes Grub, unâ cum Catharina uxore sua; qui susceptum liberorum pecorisque causâ votum dependerunt. Nam & Jacobus novennis puer, ante triennium ex variolis, & Daniel vixdum natus, ex utraque aure admodum exulcerata, periculum vitæ adierant; simul verò atque Deipara Lindenfi à parentibus oblata sunt, omni prorsum morbo periculoque exempti fuerunt; pecora verò cum sæpius lue percussa decederent, simili ad B. Virginem Lindenstem voto conservata sunt. Qua de causa, quovis anno uterque conjux Lindenstem prosequitur peregrinationem. Pari voto Gertrudis Fabiani Hepner filia atrocibus viscerum



torminibus excruciatâ, repenti convaluit; & quem admodum promiserat, pedes Lindam usque iter confecit. Pedes itidem tantundem confecit itineris, qui paulò antè intra Charontis, ut ajunt, cymbam videbatur imposuisse pedem, Gasparus Rokel Laurentii coloni filius. Sub vernum anni superioris tempus, diutinâ tabe consumptus, & morti omnium judicio proximus, imò mortuus apud vicinos proclamatus, in extremo illo vitæ articulo sibi nonnihil redditus, votum ad B. V. Lindensem concepit: & sanitatem è vestigio recepit. Denique Christina Gasparis Welcke filia, non jam ver, sed autumnum ejusdem anni sibi noxium experta est. Brachium dexterum per aliquot hebdomadas sædè exulceratum, nulla aut à chirurgis, aut aliunde admota præsidia curare potuerunt. Curavit B. Virgo, ubi illius apud Lindam opem imploravit. Hinc illa voti solvendi causâ, pedes iter est ingressa, & deposito simul, quod mater pro pecore à lue perfanato voverat, anathemate, pedes domum regressa est.

## XIII.

## Oculorum, &amp; pedis dolores levati.

Ejusdem quoque municipii pagus est Petunen, in quo Georgius Gerigk prætor (scultetū vulgò appellant) triennium acerrimos oculorum dolores perpeffus, ac propemodum mente emorus, ut præcruciatum vehementia in parietes, januas, terramque ipsam manibus impingeret, aut potius involeret; Miserata sortem viri Catharina uxor, neque ramen usquam remedium experta, Divam Lindensem simul invo-

invocavit, simul patrōnam Iospitatricemque mariti  
sensit. Eodem in pago, atque eodem tere oculorum  
morbo per novem circiter menses discruciatā fuit  
Dorothea, Jacobi Runau coloni uxor: auxit dolorem  
matris, dolor quem filius Petrus dextro pede, sanē  
vehementem patiebatur: sed omnibus remedium sub-  
itō affuit, postquam Diva Lindensis invocata fuit;  
cui proinde, ut par erat, institutā hodie peregrinatio-  
ne gratiæ sunt actæ.

#### XIV.

Febris, aliique tum pedum tum corporis  
morbi abacti.

Non eodem ex loco, quanquam ex eodem fere  
municipio, atque eadem die, vota persolverunt sua  
Benedictus Protman, ex Lilienthal prætoris filius,  
Anna Petri Margenfeld è Sonenberg filia, & Petrus  
Rohfeder è Peterswald. Atque huic quidem testi-  
monium perhibuit corā ipse reverendus Dominus  
Parochus Peterswaldensis, quod proxima æstate,  
per quā vehementi pedum dolore afflictus, neque  
alio quā Deiparæ Lindensis, ad quam votum pe-  
regrinationis ediderat, auxilio curatus sit: Benedictus  
verò ipse corā itidem professus est, non aliunde si-  
bi per eandem æstatem gravissimā febre laboranti,  
quā à Diva Lindensi, præsidium salutemque afful-  
sisse. Denique & Anna virgo prostratis toto corpo-  
re viribus, ut neque progredi, ac ne repere quidem  
de loco posset, voto ejusdem peregrinationis edito,  
sanitatem sibi fuisse redditam sanctè affirmavit.



## CAPUT IX.

Postremi ejusdem mensis Maji dies.

**I**Nitio, medioque florentem, uti vidimus, hoc anno Majum, non minus floridus excepit finis: in quem sacrosancti Corporis Christi feriæ inciderunt. Nam & ipsam quintam feriam, huic celebritati ab Ecclesia dicatam, plurimi è remotioribus locis peregrini, & consequentem inde Dominicam diem, pro more, à pluribus jam annis recepto, solennis ad quaternam Altaria extra sacellum constructa, Processio plurimum ornârunt. Cum enim Linda, deserto, ut aliàs vidimus, in loco sita est, illa nihilominus in honorem sacrosanctæ Eucharistiæ instituta pompa cum populosis civitatibus videtur contendere posse. Procedentem è sacello pompam, prima Ara ad meridiem haud procul sacello erecta excepit: inde subter confitos ex ordine populos, juxta septum progredientes, ponticulus supra rivulum de industria pro eo festo structus, ad alteram versus Occidentem Aram, sub finem aggeris nupertime strati, traduxit: inde per aggerem, ortum versus reduces, tertia ad caput ejusdem aggeris, quarta verò, ad vicinas sacello ædes occupavit. Ad singulas earum, præter usitatos sacerdotum hominumque sacrorum cantus, adhibita studiosæ juventutis Resfeliensis, egregia tum Latino, tum Germanico Polonicoque versu acroamata; quibus quasi colophonem addebant, dispersæ supra collem sacello imminentem, per studiosam juventutem aliosque, bombardæ; & tantis plausibus variè

variè responfans per convalles collesque ac silvas oppositas Echo. Bene sit manibus illius, qui hunc apud Lindam triumphum Deo nostro primus instituit, interim nos ad nostra.

## I.

Meeltaccensium singularis hoc anno pietas.

Semper quidem aliàs, sed hoc potissimum anno contendere Meeltaccenses, cum quavis etiam in vicino Varmienti Episcopatu sitarum civitatum, de suo in B. V. Lindensem studio pietateque potuere. Tamen si enim hoc anno nullam publicè supplicantium pompam, uti superiore fecerant (a) instituerint, privatorum tamen tum de civitate ipsa, tum de obnoxiiis civitati pagis hominum, ea fuit religio, ut rara per æstatem præterierit hebdomada, ne dicam dies, quâ non plerique, ac sæpe etiam plurimi, & quidem pedestri fere itinere Lindam affluerint. Quam quidem eorum pietatem, singularibus videtur beneficiis Deipara Lindensis rependisse. Præter illa enim, quæ superiore capite recensuimus, non pauca deinceps illis, ante alios quodammodo cumulatiùs collata, restant suo ordine ac tempore percensenda.

## II.

Brachium, sacro corruptum igne restitutum.

Ad VI. Galend. Junias ad gratias iterum, iterumque sospitatrici suæ agendas, Matthæus Schultz,

(a) lib. 4.



Schultz, ex Mengengen Wormditenſis agri pago, Philippi hortulani filius, Lindam recurrit. Dextram illi manum facer ignis, per integrum fere biennium, non ad vulnera duntaxat, ſed ad ipſum quoque offiſſragium exulcerârat; ita, ut & manus tota introrſum curvata, neque ſecti quoquam, neque prehendere quidquam poſſet; & offiſſum particulæ è vulneribus ſecedentes, aliud atque aliud ſibi vulnus ſeceſſuræ aperirent; quod quidem relictæ mali veſtigia grandiores vulnerum cicatrices adhuc loquuntur. Verùm tantis tamque deploratis miſerrimi hominis malis, unicum Deiparæ Lindenſis ſuffragium occurrit. Cui, ut ille gratus pro ſua tenuitate eſſet, jam tres ante annos profectionem Lindam ſuſcepit, quam & hoc anno atque die iterum repetiit.

### III.

#### Gravis ac periculofus ſpinæ doſſi cruciatus ſublarus.

Eodem die, adfuit è Schoneberg Reſſeliens ſis municipii pago, Jacobus Baſner colonus. Graviffimos in ſpina doſſi cruciatus ante duodecim circiter hebdomadas erat perpeſſus; ut neque movere ſe ſtrato, neque ſpem vitæ reliquam ipſe de ſe, aliivè de ipſo habere jam poſſent. Omnem igitur ſpem atque fiduciam, in una Deiparæ Lindenſi (præſertim ubi reliqua præſidia nequidquam erant adhibita) repoſuit, & voto (quo ſe tum Lindam profectionem, tum Sabbathi dies, quoad viveret, in Deiparæ honorem jejunio traducturum ſpoponderat) eidem nuncupato, repente convaluit; ut, & tum ſenſim, quâ liberet, deambul-

bularet; & nunc totum iter, pedes & excalceatus Lindam usque conficeret.

## IV.

## Restitutus oculorum usus.

Peragratiss; quotquot in Polonia miraculis, aut peregrinorum cultu eximia sunt, aliquamdiu locis, ad Lindenstem hospitatricem eadem hâc die appulit Stephanus Hawk ex Rakowice, haud procul Grodnâ, in Lituania oriundus; sed in Letzen Ducatus Prussiæ oppido quinque leucis à Linda remoto, ante biennium à cujusdam civis obsequiis versatus. Illo ipso tempore ac loco, dum iter ageret, subitò hominem dolor per quàm sævus invasit, & præ cæteris membris oculos ita occupavit, ut neque usquam progredi extra limen, neque vel minimum auræ flatum perferre ullo pacto quiret. At ille, qui non oculis modò collyrium, verum & cæteris omnibus morbis, præsens apud Lindam Marianam alexipharmacum in vicino repositum sciret, simul eò, vorum nuncupavit, simul morbo levatus est; ut cum vicinum illud Lindæ sacrarium haud difficile, suorum usu ductuque oculorum revisisset, ad reliqua propè omnia, miraculis aut cultu peregrinorum illustria per Poloniam loca, nullo præterea alio ductore atque duce illustrare, indeque ad suam iteratò Lindam commeari potuerit.



## V.

Epilepsia, & acerrimus dentium cruciatus  
sublatus.

Schonwald pagus est haud procul Bisteino situs, in quo Georgius, Bartholomæi Ohrentrost filius ab ipsa propè infantia morbo comitiali exagitatus, sed à parentibus eodem propè tempore Deiparæ Lindensi devotus, omni deinceps morbo liber, Deo & Deiparæ peregrinatione Lindam quotannis instituta, gratias agit. At verò Petrus Antonii Sturman ex eodem pago filius, acerrimo dentium dolore per multos annos recurrente, cum vulgaria nequidquam adhiberentur remedia, statim per aliquot annos peregrinationem ad Lindam Marianam vovit; & confestim dolore, quin & tumore, qui octo ante dies genam dextram sædè obfederat, unde quaque liber, primam hoc anno peregrinationem, adhibitis sacris penitentiae atque eucharistiae sacramentis, felicitè auspicatus est.

## VI.

## Gravis æquè ac periculosa febris discussa.

Martinus Ohm civis Traumburgensis plus anno solido, ante triennium febri exhaustus, neque suis consistere viribus poterat, neque aliorum quoque spe prorogare vitam posse videbatur. Præsidii omnibus frustra undique admotis, B. Virginis Lindensis opem imploravit, & actutum recepit. Nam, quod conscientia teste asseruit, à voto vixdum edito mox ad se rediit; & hoc anno votum, quod jam tum B. Vir-

gini,

gini, citra moram, persolverat, institutâ rursus peregrinatione iterum confirmavit; præsertim cum ab eo tempore, firmâ se valetudine, Deî & Deiparæ beneficio uti sentiat, recurrentemque aliquoties in vulturn sacrum ignem, quem vulgò Rosam appellant, eodem beneficio depulsum ac propè extinctum faciat.

## VII.

Pes argenteus gangrænæ curatæ, tabella verò itidem argentea beneficii alterius argumentum.

Ad v. Calend. Junias Hedwigis, provectioris jam ætatis virgo, ex Dietersdorff Vormditensis municipii pago oriunda, sed Traumburgi in variorum Canoniconum obsequiis supra quindecim annos versata, argenteû pedis simulachrum Divæ Lindensthorâm dedicavit. Præcipiti lapsu ante triennium intra fornicem subterraneum delata, sinistram pedem gravissimè afflixerat. Inde sacer ignis pedem, & ignem sacrum gangræna excepit, sædè juxta ac miserum in modum, per vulnera, & ulcera corpus depalcens. Supra omnem hominum opem curatio erat, non tamen supra Deiparæ Lindensthoræ: ad quam eum se ægrarecepisset, & ad votum peregrinationis, argenteum pedis simulachrum adituram promississet, continuò pes sanitati pristinæ est integrè restitutus; quo illa, cum hætenus variis districta obsequiis non posset, iter septendecim leucarum facile Lindensthoram usque emensa, atque inde Traumburgum pari facilitate remensa est. Eâdem hæc die, Tabella argentea B. Virginii dedicata, cum sequen-



lequenti epigraphe atramento à tergo adjecta. Ad  
 DEI gloriam, & honorem, Deiparæ Virginis, mea apud  
 Lindam patrona, Anna Althoffiana, Gregorii Gierlovsky  
 civis Lubaviensis coniux, Anno 1655. Dubium nullum  
 est, quin singularis beneficii, à Diva Lindensi imper-  
 trati, & si necdum satis aliis cogniti, ea Tabella mo-  
 numentum sit.

## VIII.

Morbus comitialis, & pedis utriusque gangræna  
 curata.

Joannes Cifowsky ad 111. Calend. Janias pri-  
 mus omnium Lindæ comparuit; Mariæburgo, ubi  
 tutorem agebat, totum iter, non sine singulari Dei-  
 paræ auxilio, emensus. Ad epilepsiam, quâ aliquot  
 annos miserè afflictus erat, gangræna pedem utrum-  
 que, maximè verò dextrum invalit. Ulceribus ac de-  
 inde vulneribus undique erumpentibus, supra dimi-  
 dium annum insistere nullatenus ulli pedum potuit  
 manibus duntaxat, de loco uterunque proreptans. Vir-  
 tæ quocirca spem omnibus aliis præcisâ, ille solus in B.  
 V. Lindensi spem collocavit, & de confessorii, qui et-  
 jam viatico supremo eum munierat, arbitrio atque  
 consensu peregrinationem Lindam vovit. Quam illi  
 cum durante adhuc morbo plerique dissuaderent  
 ipse nihilominus spei animique plenus, fulcris, quan-  
 tum potuit, nixus, iter arripuit, & novem vulneribus  
 dextrum pedem, sinistrum verò octo retardantibus,  
 Lindam versùs promovit. Vix iter erat ingressus, cum  
 & vires homini redire, & vulnera sensim abscedere  
 ceperunt; cumque terna adhuc vulnera Lindam us-  
 que

que reliqua attulisset, vix unius jam tenue vestigium, neq; nisi cicatrices aliorum superessent. Tanti igitur beneficii memoriam atque gratitudinem, quoad vixerit, professurus, postquam ea, quæ memoravimus, flexis genibus sanctè affirmavit, quovis insuper anno Lindam se revisurum promisit.

## IX.

Meelsaccensium nonnulli variis affecti beneficiis.

Quod paulò ante de Meelsaccensibus diximus, jam exempla, hac ipsâ III. Cal. Juniarum die consignata firmabunt. Nam præter alios plurimos, qui hac & proximis diebus inde Lindam accesserunt, ecce senos omnino mortales, quos Deiparæ beneficiis maectatos hac die in album retulimus! Maria Bartholomæi Engelwald civis Meelsaccensis filia, annos circiter quindecim nata, caput & faciem, erysipelate offusa, octavo circiter abhinc die, ab heræ suæ ædibus, quibus obsequia sua addixerat, ad maternas reducta erat, tanquam nulli deinceps usui, ob morbum adeo gravem, obsequioque idonea, nec nisi sibi ac matri oneri futura. At mater, cui filiæ morbus dolorem juxta ac singularem in Deipara fiduciam accendit, in genua subito procidens, Deiparæ filiam, quam enixissimè commendat. Memento omnis tumor malique vis in mentum resedit, atque inde squamarum instar decidens ac prorsum decedens sanitati locum dedit, ut exinde pedes iter Lindenſe arripuerit, & pedes sana atque alacris confecerit. At verò Margareta è Packhausen ejusdem municipii pa-



go Matthiæ Schucht uxor, prope novem hebdomadas, oculis ante biennium capta, ac variis remediis etiam illicitis in casum usa; ad B. V. Lindensem recurrens, facile opem invenit; quemadmodum ipsa met iter plus octo leucarum pedes emensa, non sine lachrymis piæ gratiarum actioni ubertim affusa, parvam fassa est. Eodem die Ioannes Kolberg è Libenau pago, juvenis viginti hebdomadam febris, Anna verò Laurentii V Volgemuht ex Hennerkau sartoris uxor morbo, quæcam septem hebdomadas strato affixerat; Catharina quoque Stephani Humcivis Meelfaccensis filia, ac denique Albertus Karecht ex Hennerkau sartor diuturnis pedum doloribus per B. V. levati, gratias egerunt; ad quas postremi duo, receptæ sanitatis anathemate, singuli tabellas argenteas dedicarunt.

## X.

Capitis oculorumque dolor ac paralyfis  
depulsa.

Anna Matthiæ Kisnowski filia, Vormditi heræ cujusdam obsequiis addicta, indeque Lindam usque pedes profecta, votum, quo à gravi capitis oculorumque dolore se liberatam asseruit, cum singulari actione gratiarum persolvit. Quod etiam fecit Elisabetha Ioannis Stoll Gurstadiensis filia, annos circiter octodecim nata; quæ proximè elapso quadragesimæ junio paralyfi correpta ex obsequio heræ, cui serviebat, domum matri reducta est. Mater ad proximum filiæ conspectum de remedio sollicita, cujusdam è Canonicis Gurstadiensibus suasu ad B. V. Lindensem

votum

vorum in genua provoluta concipit. Quod quidem filia eo magis rarum gratumque vel nutu ipso (cū vis morbi etiam usum linguæ ademisset) habuit, posteaquam ad id ipsum faciendum, in somnis sibi moveri visa est. Vix nuncupatum erat votum, cū repente agræ & lingua & sanitas restituta est, ut & gratias jam tum Deo ac Deiparæ agere potuerit, & deinceps matrem pedes Lindam usque comitari.

# XI.

## Tres varia consecuti beneficia.

Tertia ante Calendas Junias dies, tres diversis locis homines, suas Deiparæ Lindensi gratias vidit persolventes. Jacobus Fischer à Rawosen Meelsaccensi pago juvenis, per superiorem ætatem gravi dextri pedis cruciatu conflictatus ad Lindam Marianam, si revaluisset, peregrinaturum se vovit: Revaluit è vestigio, & sanus citra moram iter aggressus, sanus itidem emensus est. Ursula Andræ Fischer, in Libenau, Meelsaccensi itidem pago uxor, in máximo instantis partus parturitionisque constituta periculo, non aliam sibi, prolique suæ censuit sive Levam sive Lucinam adhibendam, quam B. Virginem Lindensem. Adhibuit voto perfectionis Lindensis concepto: & confestim partu juxta ac omni periculo soluta, votum hodie solvit. Hodie quoque votum itidem suum solvit Gertrudis, Martini Ruhm ex Kleiditen Heilsbergensi pago filia. Dimidium propè annum ex spina dorsi ita miserè affecta erat, ut se commovere vix posset, flectere verò



nusquam omnino posset. Flexit tamen Deiparam Lindensem, ut sese erigeret, & a morbo penitus incolumem præstaret. Cui ut se quocunque tandem modo gratam vicissim præstaret, sex leucarum iter, ad ejus Lindam pedes confecit.

XII.

Gratiæ, pro levato capitis dolore, per viginti annos Deiparæ Lindenfi actæ.

Gertrudis Martini Zachowski in Schulensi agri Heilsbergensis pago, hortulani conjux, viginti ante annos gravissimo capitis dolore per B. V. Lindensem relevata, totidem jam annos Lindam nudis pedibus peregrinatur, ut pro beneficio semel accepto & semper conservato, gratias semper agat.

XIII.

Santoppensium nonnulli B. Virginis gratiam variè consecuti.

Pridie Calendas Iunias annuam pro more processionem Lindam fecerunt, adjunctis sibi Henrichsdorffensibus & Torninensibus, tanquam ejusdem Paraciæ contribulibus. Septuaginta ex iis sacra mensa refecti sunt, duo verò singularia Deiparæ beneficia experti, videlicet Georgius Schlegel è villa Henrichsdorff, juvenis, & Virgula Matthæi Herendorff coloni Santoppensis uxor. Atque ille quidem morbo dimidii anni exhaustus, virium prostratarum tenuitatem vigore animi supplevit, magnaquæ fiducia, si revaluisset, peregrinationem ad B. V. Lindensem

denssem promisit. Revaluit, & communi totius paraciacæ catui admixtus, quod promisit, latus exolvit: illa verò totam hyemem cum morbo conflictata, omnibus aliis remediis Lindensia prætulit: quibus mox adjuta, ceream Deiparæ effigiem, uti promiserat, dedicavit.

## XIV.

Iterum quidam Meelsaccensium beneficia experti.

Ioannes Blum, & Andreas Vogel Meelsaccenses, hic quidem periculosâ sex circiter hebdomadarum feбри, ille verò diuturniore morbo graviter conflictatus, simul ac votum peregrinationis Lindensis sigillatim edidère, viribus & sanitati pristinæ sunt restituti. Sed & Catharina Ioannis Radig ex Lichtenau, ejusdem municipii pago conjux, latus utrumque ingenti duarum hebdomadarum cruciatu affecta, quam primùm peregrinationis Lindensis votum nuncupavit, omni cruciatu expedita, decem leucarum iter sana & alacris expedit.

## CAPUT X.

Ipsæ Calendæ & Nonæ mensis Junii.

**M**ENSI Junio nomen sive à Junioribus imposuerint veteres, quemadmodum & Majo à majoribus, sive à Iunone; Macrobius cum cæteris sanè disquirat (a) nobis apud Lindam Marianam & à Junioribus, hoc præsertim anno, quibus cum vita viribus,

X x 3

ribus.

(a) lib. 1. Saturnal. cap. 12.



Tribusque ipsam quodammodo Deipara juventutem  
 fecit, & ab augustissima Dei Matre, quæ nō modo,  
 uti fabulosa Juno, & soror & conjux, verum & filia,  
 & sponsa, & Parens est Tonantis, nomen possideat.  
 Quod si Cal. hujus mensis fabulosum itidem nomen  
 potius quàm Numen Carnæ, quæ eodem Macrobio  
 teste (a) visceribus vitalibusque humani corporis  
 præsidere credebatur, occupavit, quantò eas justius  
 Dei Matri, à qua non vitalia duntaxat, verum & ipsa  
 mortalium vita, quemadmodum hoc præsertim an-  
 no vidimus, conservantur, vindicabimus?

## 1.

Tres Fæminæ non catholicæ ob varia Deiparæ  
 beneficia, vel sibi vel suis præstita,  
 gratias agunt.

Ipsis Junii Calendis, ex Dombrowka Rheinenfis  
 castri pago, quinq; leucis Linda diffito, fæminæ tres,  
 quamvis non catholicæ, non vota modò sua, verum  
 & constantissimã in cultu Deiparæ voluntatem exhi-  
 buerunt. Et quidem Rosina Michaëlis Poturny de-  
 functi jam coloni uxor, non suum, sed vicinæ suæ Li-  
 bertinæ Zawadzka filiolum quinquennem comi-  
 tiali morbo gravissimè correptum, B. Virg. Lindensi  
 obtulit, & sanum extemplò parentibus reddidit. Ne-  
 que verebatur proximis aut vicinis suis, nova apud  
 Lindam beneficia poscere, quæ filiam quoque suam  
 ante quindecim circiter annos periculose ægrotan-  
 tem eidem obtulerat, & ab eo tempore sanam huc-  
 usque cum gaudio intuetur; ut à domestico exemplo  
 atque

(a) loc. cit.

atque experientia, ad aliorum quoque ſalutem non vana ſpe atque fiducia erigeretur. Jam verò Anna defuncti Adami vidua, dextrum brachium à quatuor annis paralyſi fortasſe tactum, remediis nequidquam adhibitis curavit: non multò igitur ante, curam omnem B. Virgini Lindenſi commiſit, & ſingulare experta auxilium, ceream brachii effigiem, inter alia donaria, eidem dicavit. At Helena Adami Zbozny filia octodecim circiter annorum Virgo, immani ulcere pedem ſiniſtrum ab uno fere anno inſidente, ut majorem hyemis partem decumbendo fere coacta ſit transigere; ubi vicinorum conſilio votum Lindam nunciavit, recepta exinde ſanitate votum hodie cum magna animi conſtantia reddidit. Cùm enim quædam itineris huius comitum, ne fortè proderentur, & quod Lindæ fuiſſent, à Prædicante ſuo plecterentur, admodum vereretur, Helena virili proſus animo, prodar, inquit, & plectar; quin & ad palum à Prædicante alliger: nihil iſta mihi curæ ſunt, præſertim cùm non hac ſolùm vice, verum & jam diu ante per annum ægrota atque tumore diſtenta, à B. V. Lindenſi curata fuerim.

## II.

Periculo mortis pater & filia exempti.

Eadem die Matthæus Wichman ex Beerwald Meelfaccenſi pago colonus, unà cum conjuge Eliſaberha & Juſtina filia, ut vota ſua & gratias Deiparæ perſolverent, grati ſupplicesque advenerunt. Matthæus enim, cùm alio morbo gravi, tum ad eum morbum febri accedente, pro-



ximo vere periculum vitæ incurrerat, neque aliis, nisi B. Virginis, ad quam uxor pro mariti salute votum fecerat, auxilio restitutus est sanitati. Iustina verò Ioanni Gehrman in Golangen pago nupta, supra hebdomadas septem incurabili morbo, per æstatem proximè elapsam deposita domique suæ nequidquam curata, ad maternam denique domum deportari in lecto debuit; ubi tum admotis B. Ioannæ granulis, tum potissimum voto ad B. V. Lindenfem nuncupato, brevi convaluit.

## III.

## Arthritis curata.

Quartam Nonarum Iunii diem Plausensium & Linglaciensium processio annua, tertiâ verò studiorum Resselienſium menstrua, V Vuslaciensium verò annua illustrarunt; at pridie Nonarum tum Sturmhublensium Placiensiumq; processio, tum arthritis Benedicto Fromm Olbersdorffensis coloni famulo, sed Vormdito oriundo depulsa, candidum diei calculum videtur adjecisse. Omnium usu membrorum destitutus erat, ut per hebdomadas aliquot neque cibum sumere, neque loco movere quoquam se posset. Parentis sui consilio votum peregrinationis Lindenſis ad avertendum malum fecit, & mox viribus suis restitutus, ceream candelam, grati animi momentum, hodiernæ peregrinationi adjecit.

## IV.

## IV.

Plures Rosengartensium, è Meelsaccensi Colonia variis morbis aut periculis liberati.

Anna Gregorii Schultz uxor, capitis oculo: um-  
 que dolore vehementer discruciatâ, videndi facul-  
 tatem propè amiserat. Oculis interea animi, ad B.  
 V. Lindensem respexit, & postquam votum pere-  
 grinationis ad eam concepit, etjam solis lumen re-  
 spicere atque intueri clarè cepit. Verùm cùm supe-  
 riore anno idem morbus recurrisset, ita ut dolores  
 per sex hebdomadas regnarent, videndi verò usus  
 per quindecim eriperetur dies, iterum Lindam vo-  
 to recurrit, iterumque usum recepit oculorum. Pe-  
 trus Hohendorff colonus sive febrî, sive alio ignoto  
 morbo nimium superiore anno afflictus, ægerrimè  
 progredi operis autem nihil omnino potuit aggre-  
 di: supplice voto Divam Lindensem aggressus,  
 pristina sanitati restitutus est. Regina Petri Lunau  
 uxor gemellos uno partu, maximo suo periculo, ef-  
 fuderat. Inde enim tumore aliisque morbis variis  
 obruta, ut per octodecim hebdomadas, suis viribus  
 vix tantillum commovere loco membra initio pos-  
 set; tandem eò ventum; ut quocunque tandem vel  
 pes vel manus aliorum operâ collocarentur, ibi  
 prorsum hærent immoti. Adhibita sunt varia, sed  
 incassum præsidia: quoad ægra consilium quorun-  
 dum secuta Lindam se peregrinaturam spondidit;  
 ab eo momento sensim omnis mali vis remisit, &  
 illa beneficii accepti memor atque grata, peregrina-  
 tionem,



tionem, ubi primùm potuit, absolvit. Absolvit unâ & Benedicta Schwartz, uxor, cùm suo tum mariti sui nomine. Nam & ipsa octo ante annos partui proxima, brachium, ut plerique censebant, luxatum, neque intra lectum confovere, neque servare aut pati intra testum ullo modo potuit; coacta sub dio dies ac noctes perpetim illud agitare. Adhibitis frustra omnibus chiurgorum præsidiiis, cùm aliunde spei nihil affulgeret, quintâ à partu hebdomadâ, vorum in genua provoluta Lindam fecit; ac momento eodem recepto brachii usu, non modo intra testum servare illud, verum & oti admove, ac versare omnes in partes potuit. Tantum præsidii Lindensis, beneficiorumque Deiparæ experimentum cùm in se haberet, haud gravare eosdem beneficiorum fontes in mariti sui salutem derivari ab se posse credidit. Decumbebat ille omnium artuum, præsertim verò pectoris & laterum cruciatu extremè afflictus, uxor ejus causâ peregrinationem Lindam vovit, subitoque de redditâ marito salure gavisa, duodecim circiter leucarum itez ingressa, ferè totum pedes absolvit. Denique Vrsula Laurentii Glauken ex Schonsee filia, sed in eodem Rosengartenli pago coloni cujusdam ancilla, præ nimio oculorum dolore, per hebdomadas tres vix aliquid jamcernere potuit; ubi peregrinationis Lindenensis votum fecit, visum confestim recepit, & in aliorum octo comitatu peregrinationem suam pedes expedivit. Quæ omnia Gregorius Borchert ejusdem pagi præfectus, qui etiam voto ab se nuncupato defunctus est, vera esse,

ra esse, multis corâ audientibus, sanctè est attestatus.

## V.

Vni capitis dolor atque amentia, duobus febris depulsa.

Ioannes Stephani, è Sonnenwald Meelsaccensi itidem pago Ludirector, frequenti & gravi capitis cruciatu à teneris, ante quinquennium verò etjam insaniâ per hebdomadas septem laborârat; ut eo tempore extra sensum æque ac spem vitæ positus esset. Simul verò votum Lindam concepit. omnem simul & corporis & sensuum incolumitatem recepit. Qua ille de causâ ut gratias impensius agat, quovis exinde anno peregrinationem Lindam repetit. At verò Ioannes Pauli ex minore Gawlik in Prussiæ Ducatu molitor, ejusdemque uxor Marina plus medio anno ex febris decubuerant: cumque illis præsertim in medio hæreticorum versantibus, nullum in terris asfulgeret præsidium. de cælo per B. V. Lindensem quærendum sibi statuerunt, facile sub tantâ Patrona quærentibus adfuit. Uterque sanitati redditus, votum Deiparæ uterque; hodie apud Lindam reddidit.

## VI.

Plures Plastuicensiû, è Meelsaccensi itidem municipio, pro variis curationum gratiis receptis gratias Deiparæ Lindenfi agunt.

Ipsa Iunii Nonæ præter alios peregrinos è Meelsaccensi Coloniâ plures exhibuerunt, & hos inter, magnam partem Plastuicenses, variis à Deipara Lindenfi beneficiis affectos Ex iis, Martinus V Villi sinistri oculi usum, quatuor ante annos prope amiserat; ut nonnisi sole clarum lucente aliquid  
posse



posset haurire luminis Instituit, quam voverat, ad B. V. Lindensem peregrinationem, & mox non ex oculo modò, verùm & è sinistro, quo laborabat, latere meliuscule capit habere. Cùm verò oculus ille necdum satis esset restitutus, ille alteram vovit atque instituit peregrinationem, indeque perfectum oculi usum recepit. Quam Deiparæ in se benignitatem atque beneficentiam, præsentibus aliis decem viæ comitibus, tum Lindæ, tum in ipso quoque itinere, variè multumq; deprædicavit. Ejusdem uxor Gertrudis oculi utriusque usum ante annum propè amiserat; viri suialiorumque exemplo docta ad veri luminis Matrem recurrit, & lumen oculorum, quo per hyemem ferè privata fuerat, recepit. Cujus beneficii causâ, virum comitata, quatuordecim leucarum iter pedes decurrit. At Barbara Jacobi Lang ex eodem pago filia, annorum circiter novemdecim virgo, ab extremo Decembris ad finem anni proximè elapsi gravissimè afflicta, præ acutissimis capit doloribus mente propemodum erat mota. Medicamentis omnibus frustra adhibitis, tum ad mentem, tum ad sanitatem rediit, ubi peregrinationem, quam ad B. V. Lindensem sibi indixerat, voto firmavit. Similiter Anna Joannis Horn conjux, mediæ anni tertianâ ad omnium usque profligationem virium exhausta simul votum peregrinationis Lindenensis ritè emisit, tertianam amisit. Vnde gratitudinis ergo totum iter pedes confecit, viro ultrò comitante, & pro salute conjugis gratias Deiparæ agente. Febri quoque conflictatus eodem in loco supra dimidium annum Laurentius Curionis famulus, cum

cum eam hoc anno recurrere persequeretur, ipse quoque ad B. V. Lindenſis opem recurrit, omneque periculum febris facile evitavit. Voti proinde reus, peregrinationem cum aliis pedes absolvit. Iam verò Catharina Gregorii Radau filia, tres ante annos per ſemestre vehementiſſimos utriusque pedis cruciatus paſſa, uſum pedum per aliquot hebdomadas amiſerat, adhibita ſunt varia undique medicamenta, quibus nihil omnino proficientibus profecit votum peregrinationis Lindam promiſſæ. Simul enim hoc fuit emiſſum, ſimul etiam vis morbi ſenſim remiſit. Ergo præter omnium ſpem valetudine necdum ſatis confirmatâ, iter Lindam ingreſſa, quanquam ægrè, tandem absolvit: at ubi voto perfunctâ, ſacello, domum reditura, egreditur, pedum uſum, omni morbo recedente, integrè recipit. Quâ cauſâ hoc iterum anno peregrinationem eandem repetiit, tum ut pro recepta ſanitate gratias ageret; tum ut deſunctæ ante ſeptennium matri apud clementiſſimam Dei matrem, quam ipſa ſibi jam obtinuerat, imploraret opem. In eodem peregrinorum catu fuit tum Joannes Rogall, tum Dorothea, diverſorum in eodem pago, colonorum obſequiis addicti. Atque ille quidem febris, plus quàm medium annum identidem recurrente graviter vexatus voto Lindam facto eam vexationem redemit. Hæc verò dextrum genu acerrimo cruciatu ante bienniū invadente, ut à feſto Pentecoſtes ad 11. Id. Novemb ipſas videlicet S. Martini Episcopi ferias, priuſum gradiendi facultate deſtitueretur, per ſuam matrem ad Matrem miſericordiæ Lindam recurrit, continuoque melius habere



habere cepit. Verùm cùm anno vertente morbus re-  
verti iterum videretur, illa non jam per matrem, sed  
per sese peregrinationem Lindam usque obeundam  
promisit, subitoquẽ vis mali integrè remisit; ut fa-  
cillimè tantum iter alios comitata pedes decurrerit.

### VIII.

Alii quoque è Meelsaccensium municipio, va-  
riis à Deipara Lindenſi beneficiis  
affecti.

Dorothea è Liebenthal pago, præfecti pagi uxor,  
Christinam duodennem filiam suam, cù cereo ana-  
themate, in pedis figuram efficto, Deiparæ voti reâ  
stitit. Vtrumq; genu & spinam dorsi, & humeros, pro-  
ximè elapso mense Februario, miserum in modum  
affecta erat, ut neque progredi, neque consistere, ac  
ne loco quidem usquam, nisi aliorum ope, moveri  
posset. Mater non ignara opis apud B. V. Lin-  
densẽ cumulatè exhiberi solitæ, votum peregrina-  
tionis Lindam concepit, eodemquẽ propè momento  
filiam incolumem recepit; & nunc, per tredecim  
leucarum iter pedes Lindam usq; deduxit. Deduxit  
Prisca Georgii Gros in VVoppen coloni uxor,  
Gertrudem infantem suam, quam per hebdomadas  
quatuor morbo incurabili afflictam, solò Lindenſis  
peregrinationis voto curavit, curationisq; haud du-  
bia monumentũ, fictam è cera filiolæ effigiem di-  
cavit. Deniq; Casparis Lilienthal è pago Palren u-  
xor, comitali, ut omnes censebant, morbo ante o-  
cto circiter annos affecta, viro votum Lindam  
nuncupante convaluit, Cùm autem recurrente anni

tempore votum ipsa dependere per se non posset,  
vicem uxoris maritus et jam nunc supplevit.

## VIII.

Dentium cruciatus incurabilis curatus.

Meellaccensibus, præsertim quibuscum in comi-  
tatu Lindam venit, adjungi debuit Gertrudis Lauren-  
tii Schrøter, è Damarau Schalmajensis parochiæ  
villa, filia : nisi è Brunsbergen sium municipio esset,  
& magnâ insuper leucâ longius quàm illi à Linda  
distaret. Incredibili dentium affecta cruciatus, eoq̃ue  
in tumorem primûm, deinde verò & in erisypelas,  
ut putabatur, desinente, atque oculi utriusque adi-  
mente usum, Brunsbergam se (ut dentem, qui omni-  
um maximè affligebat, curaret evelli) ultimûm ex-  
pertura remedium contulerat. Verûm tanta erat  
gingivarum, vi tumoris excrecentium magnitudo,  
ut densille neque evelli, neque adeò tangi ullo mo-  
do posset. Cùm igitur neque hoc, neque alia pro-  
cederent remedia, procedendum illi, de amicorum  
consilio, ad commune apud Lindam præsidium fuit.  
Quò, ubi votum peregrinationis, qua hodie defun-  
cta est, ritè nuncupavit, præter omnium spem, o-  
mni morbo, periculoq̃ue perquam gravi imminen-  
te, confestim levata est.

## CAP V T XI.

Priores Iduum Junii dies.

PRimis Iduû Junii diebus, secundùm ludos pisco-  
rios



rios, trans Tiberim fieri solitos, menti in Capitolio, sacra apud Romanos fiebant, quia belli Punici tempore, ut Ovidius in Fastis canit, cum

— *Letho Consul omnes*

*Attoniti Mauras pertinuere manus;*

*Spem metus expulerat: cum menti vota senatus  
Suscipit, & melior protinus illa venit.*

Sicubi locorum, apud Lindam certè Marianam, me tot, uti alibi (a) vidimus, meas pluribus mortalibus redit: cujus rei causâ non fabulosa veterum Deæ Menti, sed à quo bona mens hominibus venit divino spiritu, cujus in terram descensus hisce plerumq; diebus colitur, sacra quàm religiosissimè debet facere, quemadmodum facere solent, qui per manus Divæ Lindenensis id faciunt.

I.

Brachii utriusque restitutus usus.

Octavâ ante Idus Junias die venit Lindam è Popowo pago in Masovia juxta V Vanosium, ad ipsos Prussiæ, Masoviæ, Subsilvaniæ quæ fines sito, & plus viginti leucis Lindâ diffito, Simon Tilipczyk opificio pellio. Præ nimio cruciatu, qui ipsa pervadebat ossa, usum brachii utriusque per aliquot jam menses amiserat, sibi juxta ac hero, cujus erat subditus, prorsum inutilis. Miserata ipsius sortem magis quàm suam hera matrona nobilis, votum illius causâ Lindam concepit, & ille ab eo ipso tempore, brachiorum usum sanitatemque recepit, atque hac die gratias eâ de causâ secundum Deum sospitatrici Deiparæ egit.

II.

(a) lib. I.

## II.

Duo ex illustrissimi Episcopi Varmiensis familia  
sanati.

Martinus Arnd, in Vogtshoff illustrissimi Episcopi prædio juxta Seeburgum sito curatorem agebat, cujus uxor Gertrudis in sperato juxta ac periculoso plurium dierum morbo excruciatæ, nullo alio, nisi voti Lindam facti remedio convaluit. At verò Albertus Kurovsky Bilchdorffensis equariæ præfectus, tredecim hebdomadas atroci morbo oppressus, non immemor beneficii jam aliàs à Diva Lindensi obtenti, æquè facile potuit salutem ab ea sperare, & obtinere (quemadmodum et jam obtinuit) atque alias cum quindecim amissæ ejusdem equariæ capita, per ignotas errabundus silvas quæritans, voto Lindam factæ, & pectus, & viam, quæ domum reverteretur, facillè Desparæ ope invenit.

## III.

Aliquot Meellaccenses gratiam & beneficia  
experti.

Eâdem die, inter peregrinos complures, diversis ex locis confluentes, acturi pro beneficiis gratias Meellacco, vel ex adjectis illi pagis adfuerunt non pauci. Gregorius falck gravi lateris sinistri dolore; Sabina Michaëlis Kensing uxor, sacro igne facie per dies plures depascente; Elisabeth Gasparis Hintz itidem conjux, dolore oculos per sexennium graviter affligente; similiter Gregorii Falck uxor Gertrudis lentâ trium annorum tæbe, quæ conficiebatur, levati  
Yy sunt,



sunt, ubi votis Lindam nuncupatis, Deiparae opem implorârunt. At verò Barbara Michaëlis Lilienthal uxor, & Joannes Eichholtz è Libenau coloni, tam atroci capitis erant cruciatu vexati, ut hic quidem erjam mente moveretur, illa verò per hebdomadas octo, quietem nullam capere posset; uterque repente convaluit, ubi votum sospitatis cansâ Lindam fecit. Deniq; & Matthæus Greil è Strawendorff ad Parochiâ Platsuicensem pertinente villâ, luxati pedis dextri, ut & filioli Petri, jam accensâ candelâ agonizantis, præsentis admodum periculo remedium Lindâ invenit.

## IV.

Heilsbergensium quorundam preces & vota  
exaudita.

Joannes Fleischer Heilsbergensis civis, vicesimi jam anni peregrinatione apud Lindam Marianam defunctus hâc die est: totidem enim jam annis è Germania (ubi omnes fere bellum diurni, quo Imperium Rom. conflavit, exorbuerat tempestates) in patriam redux tranquillè agit. Igitur cùm inter tot ac tantos belli illius fluctus non modò versaretur, sed & sæpe iisdem hauriri obruiq; videretur, ad B. Virginem Lindensem, quasi ad Pharum cælestem continuò respexit; factoque, quoad viveret, annuæ peregrinationis voto, omnes belli hostiumque minas feliciter evasit. Tanto igitur alacrius in hoc sacro studio, tot jam annos decurrit, quantò & plura, & periculosiora olim erant belli stadia, quæ ille, quem admodum temporum necessitate adactus, ita Deiparae

paræ Lindenſis ope, ſoſpes & propemodum intactus decurrebat. Minore tempore ſed non minore fortasſe vitæ periculo Martinus Grunenberg è Napratten agri Heilsbergentiſis pago, per hebdomadas quinque cum febre, & Anna Geörgii Kerz ex eodem pago coloni uxor, cum pedis cruciatu, eorundemque filius annos quindecim natus, cum cordis palpitatione, ſunt conſtitati; uti neque minore Deiparæ præſidio omnes è periculo erepti. Quod in ejusdem quoque municipii pago Kleiditten dicto, experta eſt Urfula Petri Engelke coloni uxor; quæ tum enormi ulcere collum obſidente, tum ſterilitate, quam per quinquennium in conjugio tolerârat, liberata eſt, non alio ſanè, quàm quod reliqui adhibuerant, voti Lindenſis præſidio.

## V.

Gutſtadienſium quoque nonnullorum audita vota.

Anna virgo Gutſtadienſis Gulielmi Kîs, filia; ad hæc Joannes Rung & Urbanus Kraus è Nusberg, ac verò Sabina virgo è Wolffsdorff Gutſtadienſis municipii pagis, eâdem hâc die ſua in acceptis beneficia Deiparæ Lindenſi detulerunt. Ac Sabina quidem novem hebdomadam febris, Anna verò deliquiſe ingenti dolore capitis etiam in Templo ingruentibus, Urbanus item dolore per quàm atrociter tum in ſpina dorſi, tum in altero pedum ſæviente, denique & Joannes immani dextri pedis apoſtemate, quod ne quidem ſtrato levare pedem ſinebat, relevati ſunt.



## VI.

Tres alii incertis ex locis, similia experti  
beneficia.

Per angustias temporis negotiorumque multitudinem evenit, ut loca è quibus peregrini sequentes Lindam appulerant, consignata non sint, consignatis eorum tum nominibus, tum morborum calamitatumque generibus. Petrus Borkowsky opificio pictor, feбри, quam alibi contraxerat, apud matrem diutius æstuebat, ut læso inde cerebro, supra febrilem æstum, quodam quasi cæstro videretur percelli; tres enim hebdomadas à sensibus prorsum alienatus delibârat. Verùm ubi se sub Tilie Marianæ umbram per votum coniecit, & mentis & febris æstus abscessit. Eodem tempore Joannes Gland, cum sua conjuge adfuerunt, ut sacrâ ejusdem Tilie umbrâ quasi coram refocillarentur, qui vel absentes præsentissimum illius senserant auxilium. Ille enim perquam noxi oculorum dolore, ista verò totius corporis, quam per quinque hebdomadas sustinuerat, ægritudine sunt levati.

## VII.

Matrona nobilis ignoto morbo exempta.

Magdalena è Zagorniotum genere, nobilis ac generosi Georgii Nitsch Allensteinensis Burggrabi, & in Nickelsdorff Hereditarii conjux, diuturno exagitata morbo, quatuor hebdomadas lecto affixa tenebatur. Cæterùm, quæ nonnisi aliorum manibus atque operâ commoveri loco poterat, sponte deinceps inco-

incolumis surrexit, ubi Deipara Lindensis, per singulare peregrinationis votum implorata, manum auxiliatricem admovit.

## VIII.

Maleficia, erysipelas, & infania Traumburgensibus quibusdam depulsa.

Quatuor unius ejusdemque apud Traumburgum domus mortales, non uno morbi calamitatisve genere afflictas, una apud Lindam Marianam invocata DEI Mater, omnibus exemit malis. Anna Petri Schroter civis Traumburgensis filia, unâ cum Michaële Maran uterino fratre, ad v Idus Jun. Lindæ præsentem, rem, uti venerat, percesserunt. Ante novem annos, operâ cujusdam maleficæ (quæ etiam in quæstionibus crimen ultro confessâ deinceps est) Anna eò demum redacta erat, ut omnibus quidem excruciareretur membris, manuum verò, & maximè pedum, usum haberet omnino nullum. Primum annum propè integrum strato & alio quovis loco, non nisi aliorum manibus, dimoveri potuit; tribus verò deinceps consequentibus annis, ad parietes & scamnautunque connixa reptabat. Variis nequidquam remediis adhibitis, ultimum, quod à B. V. Lindensi peti- tum est, profuit. Postquam enim, adjecto cereo anathemate, peregrinationis Lindensis votum fecit, omnis mali vis ilico remisit. Unde ante tres annos iter Lindam ingressa, vix aliquid doloris persensit; regressa verò domum ita omnino convaluit, ut ab eo tempore, variis laboribus, quos etiam incolumis pertrulit, operam addicere suam potuerit. Porro hoc



iterum anno remensa idem est iter, cum ut pro accepto tanto beneficio gratias referret, tum etiam ut susceptum matris causa votum persolveret. Cum enim roarer jam annosa, erysipelate, usque ad periculosa, quin & lethalem exulcerationem (quæ ex ardore maligni attrum colorem degenerârat) pedem dextrum afflicta, nihil in humanis sperare amplius præsidii posset, filia, quæ tum in se, tum in patre suo beneficiis eiusdem perstricto, opem Deiparæ experta jam fuerat, consilio impulsâ, peregrinationem quidem Lindam vovit; sed cum per decrepitam jam ætatem suscipere eam ipsa non posset, ut filia susciperet, rogavit: annuit filia, proinde & Deipara utriusque votis haud gravatè quoque annuit; nam pes matris, qui non nisi ferrum & sectionem exspectabat, sanitati restitutus est. Jam verò Michaël frater, sive alia, sive eadem malefactorum vi, ad trium fere mensium ipsamiam, ante triennium adactus, simul ac votum Lindam fecit, menti & viribus restitutus, jam tum votum peregrinationis absolvit; quam tamen, ut beneficii memoret, etiam hoc anno iterum instauravit, ad v. Id. Junias.

## IX.

Brunshergensibus quibusdam collata  
beneficia.

Eadem die, inter plures Brunserga peregrinos, quaterni, qui singularia Deiparæ Lindenensis experti beneficia, sunt censi. Petrus Klein è pago Zager oriundus, erysipelate dextrum pedem ante triennium depascente, & omnem chirurgorum operam eluden-

denre, nonnisi manibus reptando, movere se, per octo hebdomadas, utcunque loco potuit. Ita manus inter, vanam quæ eatenus chirurgi curationem positus, ad B. V. Lindensem propius se, per votum illi factum, convertit, & exinde incurabilis morbi pestem ab se avertit. Accurisset ille è vestigio ad suam sospitatricem, verum obsequiis atque imperiis, quibus obnoxius erat, aliorum impeditus, nunc tandem propè se per vim omnibus exuit pedicis; & quibus viribus à voto semper fuit, iisdem viam sedecim leucarum incolumis & lætus decurrit. Jam verò Petrus Insterberg suburbii, Keslin vulgò dicti, inquilinus, jam ante annum gravi morbo per hebdomadas tres omnino depositus, ut per duas noctes cereus tanquam migraturo semper in promptu esset, ubi mortis periculum ita propinquam advertit, propius se ad *Lignum vite*, quod apud Lindam Deus in Deipara collocavit, per votum peregrinationis admovit. Ea vix ediderat votum, cum voti compos sanitati pristinae esset redditus. Quod porro secius aliquanto promissam executus sit peregrinationem, à Gertrude privignâ ipsius, remora fuit. Hæc enim octavum circiter ætatis annum, jam ante quinquennium agens, utrumque pedem clauda subito effecta, & per hebdomadas aliquot nonnisi parentum manibus gestata, matris suæ Annæ voto beatæ V. Lindenensis oblata, statim convaluit; jamque tum, quantum per vires sibi à Deipara restitutas licebat, peregrinationem pedes ingressa fuisset, nisi ætas tenerior, aut potius timor parentum, posuisset



obstaculum. Et quia nunc quoque, cum maximè & posset & vellet, ab heræ suæ obsequiis avelli tantisper non potuit, peregrinationem suam differre in aliud tempus, & per vitricum duntaxat suum, gratias interea hospitatrici suæ agere necesse habuit. Feliciorem in parte Anna Valentini Jonik filia, quæ sicut voto Lindam nuncupato à sævo capitis dolore, qui sex circiter hebdomadas tenuit, liberata rea voti facta est, ita peregrinatione hodie absolutâ, omni votorum nexu expedita est.

## X.

Comitialis morbi vis plurimum mitigata.

Petrus Glockner, ex Basien Vormditensis agri pargo, hæc eadem die v. Id. Jun. filiam suam Barbaram, undecimum ætatis annum necdum egressam virginem, Virgini Deiparæ voti ream exhibuit. Correpta illa erat ab ipsa infantia comitiali morbo; qui quemadmodum per metum gravem infanti à cato incussus fuerat, ita pariter per votum ad loca sacra erat depulsus. Eo tamen ante triennium vehementius recrudescente, pater D. Virgini Lindensi votum nuncupavit, & pedes ultro citroque peregrinationem, filia admodum proficuum, propterè absolvit. Ab eo enim tempore, filia, non nisi plurimum remittente vi morbi, tentata fuit; à quo, ut penitus liberaretur pater illam sibi modò peregrinationis comitem esse voluit, & sperat uterque medicam Deiparæ manum, ut, quæ germina mali revulserit, ipsum à stirpe malum revelat.

## CAPUT XII.

Posteriores Iduum Junii dies.

PRæcipua hisce diebus sacra erant *Matralia*, in honorem *Marris Matutzæ* instituta; à quibus servæ arcebantur, unâ earum duntaxat admittâ, quæ tamen matronarum reliquarum colaphis obnoxia strenuè vapulabat. Ingenuas, & à peccati servitute sordibusque immunes *Linda Mariana* requirit mentes, quod alio loco (a) vidimus. Neque minùs vapulant, si quæ servili conditione adhuc pressæ eò se conferunt. Quid ni serviles oderit *Deipara* animos, quæ etjam corpora morbis, qui peccatorum, vetustæque *Dia-boli* servitutis vincula sunt, ita amat relaxâsse?

## I.

Laterum dolores discussi.

Ad IV. Idus Junias *Anna Thomæ Baumgart* civis *Traumburgensis* filia, plurium quæ suorum civium, quæ etjam *Brunsbergensium* agmen comitata, ut gratias *Deiparæ* ageret, *Lindam* venit. Superiore ætate sævissimis laterum cruciatibus extremè afflicta, variaque aliunde remedia in cassum experta, optimum omnium apud *Deiparam Lindensem* quaesivit, & actutum invenit. Quâ causâ, quàm prolixum est *Traumburgo* iter, pedes universum decurrit.

Yy s

II. Co-

(a) lib. I. cap.



## II.

## Comitialis morbus &amp; angina curata.

Gutstadio adfuit eâdem die Gertrudis Christophori Knob inquilini uxor, quæ ante viginti quinque annos morbo comitiali, per quadriennium exagitata, voto tum ad alia quædam sacra loca, tum potissimum Lindam facto, ita est persanata, ut nullum mali vestigium ad hoc usque tempus sentiat. Cùm verò superiore anno sive ulcere, sive potius anginâ fauces obsidente, per hebdomadas duas, neque cibi neque potionis admittere quidquam, atque adeò ne vivere quidem amplius videretur posse; non alio, quàm unde priori malo experta fuerat remedium, sibi iterato censuit recurrendum: neque minus promptum, quàm ante, invenit præsidium.

## III.

## Hydrops &amp; intania discussa.

Heilsbergâ eodem die Simon Metzker opificio pellio accurrit, ut votum, quod ejus nomine amici nuncupârunt, ipsemer voti felicissimè reus, dependeret. Ante biennium sævus capitis dolor hominem usque ad delirium adduxerat; cùm tantis malis aliud minus accessit, omnium videlicet membrorum cruciatus, in tumorem usque hydropicum diffusus. Quinque supra viginti hebdomadas, succumbendo morbis, lecto affixus hæsit. Tantam & tam diuturnam hominis calamitatem miserati amici, votum ejus nomine Lindam nuncupant; ille verò, auxiliarem subito expertus Deiparæ manum, quod sibi magis erat  
red-

redditus, eò alacrius, quod suo nomine amici spon-  
ponderant, hâc die exolvit.

## I V.

Brunsbergensium plures varia experti  
beneficia.

Eâdem quoque die Brunsbergâ in aliorum comi-  
tatu venit, Catharina Seeburgi quidem patre Ada-  
mo Pick nata, sed Brunsbergæ obsequiis heræ addi-  
cta. Per annos duos per quàm diro cruciatu laborâ-  
rat dentium, nullum uspiam experta tanti mali reme-  
dium, nisi apud Deiparam Lindensem, cui se voto  
peregrinationis, quam hodie absolvit, secundissimo  
eventu obligârat. At verò Catharina Georgii Spis  
uxor, duodecim ante annos in partu constituta, ne-  
que ulla vel obstetricum vel aliarum mulierum ope,  
per continuos octo dies ope adjuta, simul ac vir,  
ipsius, suo quæ nomine votum Lindam edidit, repen-  
tè adjuta, & tum fœtu, tum præsentè mortis periculo  
soluta est. Quâ causâ tum ipsa, tum maritus, tum filia  
(quam illo tempore enixa fuerat) Anna, gratias Dei-  
paræ acturi, pedibus Lindam, atque inde domum  
iter emensi sunt. Brunsbergâ quoque advenit, quan-  
quam Meellacci natus, Simon Kuhn opificio Sutor;  
qui cùm ibidem arti suæ operam navaret, exactis an-  
te biennium sacri Paschatis feriis, repentino juxta ac  
diro capitis dolore, sensibus ac mente dimotus, ad  
extremos usque Julii dies in eadem amentia, agros,  
villas, & oppida pervagatus miserimè est. Varia alio-  
rum magis, quàm suo consilio remedia expertus,  
sed nonnisi implorata Deiparæ Lindensis ope  
adju-



adjutus est. Exinde enim mens & sensus homini rediit, non tamen continuò omnes corporis vires: ob quas cum viam è vestigio inire tum non posset, & consequente deinceps tempore variè impeditus esset, nunc tandem promissam ante peregrinationem sanus & incolumis, quin & pedes Brunsbergâ absoluit.

## V.

## Febris tertiana &amp; lethargus discussus.

Brunsbërgâ itidem, sed nonnisi postridie, ad nos videlicet Iduum adfuit Catharina, Andræ Tolksdorff defuncti pellionis uxor; quæ ante biennium tertianâ, à S. Michaëlis festo, usque ad Pentecosten afflicta, voto Lindam facto restituta sanitati erat. Cum autem hoc iterum anno, in pertinacem desinente lethargum correpta fuisset morbo, spemque vitæ omnium opinione amisisset (octo enim minimum dies veterino sepulta, cibi portionisque experta jacuit, virque illius, qui unâ decumbebat, eodem morbo decessit) simul atque nonnihil ad se rediit, iterum Lindam ad suam sospitatricem recurrit, iterumque omni excusso morbo, supra alia taciti animi vota, cerâque efficta anathemata, argenteam tabellam, in qua beatæ Virginis effigies cernitur, memoris gratiæque animi ergo hodie dedicavit.

## VI.

## Crus fractum restitutum.

Brunsbërgâ itidem, atque eâdem quoque die venit Dorothea Valentini Oberlender Sartoris & civis uxore.

Uxor: quæ prius, quàm nupsisset, ante sedecim circiter annos, è superiore horrei contignatione insperatò prolapsa, crus sinistrum eo casu fregerat. Fractis unâ viribus, animus ad B. V. Lindenlem infractus, peregrinationem, si crus revaluisset, vovit. Paulò post convaluit: sed succedentibus interim matrimonii oneribus, differre peregrinationem ad hanc usque diem necesse habuit.

## VII.

Alii quoque Brunsbergenses beneficiis affecti.

Pridie Idus Junias Gregorius Kuhn Brunsbergensis inquilinus, morbo sibi quidem ignoto, admodum tamen pertinase ac periculoso, ante quatuor annos propemodum depositus (jam enim quatuor minimùm hebdomadas spem inter metumque vitæ pendebat) tandem voto tum factò perfunctus postliminio est. Jam enim recuperatâ sanitate peregrinationem suam expedierat, sed non ignarus beneficii & gratitudinis debitæ, aliam hoc anno profectiorem instituit. Quo quidem et jam tempore Osanna Gregorii ejusdem conjux, virum pedes, uti promiserat, comirata est. Sesquiannum circiter, febris continuâ, dies ac noctes extremè afflicta, quin & extralensum mentemque tandem posita, cum ad se, utcumque redisset, sensit non aliunde sibi quàm à B. V. Lindenli expectandam salutem. Et sanè ubi factò peregrinationis voto ad eam confugit, paratam, uti sperârat, invenit.

## VIII. Duo



## VIII.

Duo à præsentē mortis periculo erepti.

Eādē die, Anna Dominici Wedig è Seiberts-  
wald Seeburgensis colonię pago filia, & Benedictus  
Wittich ex Meßlaccensi pago Engelswald, suā de-  
functi sunt peregrinatione. Atque hic quidem pro  
Martino filiolo suo cereum anathema posuit, eò  
quod ille ante hebdomadas duas morbo repente  
corruptus, biduum mortuo propior fuerit; revixerat  
autem & incolumis et jamnum vivit, postquam à pa-  
rentibus singulari voto Deiparæ Lindenſi commē-  
datus est. Jam verò illa proximo vere febri aliisque  
unā ingruentibus morbis, ad summum vitæ pericu-  
lum adducta, subito restituta sibi est, ubi peregrina-  
tionem Lindenſem, si restitueretur, voto firmavit.

## IX.

Vormditenſium complures ſingularia experti  
beneficia.

Chriſtophorus Peter civis Vormditenſis, unā cum  
conjugē Eliſabetha cæterisque liberis, Martinum fi-  
lium, annorum octodecim juvenem, voti reum Dei-  
paræ ſtiterunt. Erat ille paralyſi totum latus dex-  
trum perſtrictus, ut neque linguam, neque manus  
aut pedes commovere per hebdomadas complures  
poſſet. Ex eo verò tempore, quo illum parens Divæ  
Lindenſi commendavit, morbus ita ſenſim remiſiſ-  
it ut Martinus Reſſelium quidem uſque curru vectus,  
Reſſelio verò pedes Lindenſe iter, jam tum confe-

cerit.  
no 2. 17.

ferit. Quâ causâ iterum hoc anno unâ cum aliis libe-  
tis suis gratias Deo ac Deiparæ acturi, in accepti be-  
neficii memoriam, Tabellam argenteam effigie B.  
Virginis insignem obtulerunt.

Jam verò alter Martinus Peter itidem Vormdi-  
tensis, periculoso juxta ac verecundo in morbo chi-  
turgi operam expertus, plus spei curationisquæ in  
Deiparæ ope collocavit, & sanitati restitutus promi-  
sit, quoad viveret, quovis anno pedes, aut, si id non  
posset, Lindensem peregrinationem curru frequen-  
tare. Id ipsum promisit, & à triennio jam frequentat  
Petrus Mollerus itidem Vormditenſis; qui præter  
alios membrorum omnium cruciatus, diro capitis  
dolore plures hebdomadas vexatus, & aliorum voto  
Lindam pro se nuncupato curatus fuerat. Perpe-  
tuam itidem peregrinationem vovit Fabianus Mol-  
ler indidem inquilinus, qui ante annum letali pror-  
sum morbo prostratus, vix respirare, aut quidquam  
cibi sumere per hebdomadas tres potuit, & voto per  
Annâ uxorem Lindam facto, repenti sibi restitutus  
est. Denique & Petrus Hein indidem civis, variis in  
itineribus ac peregrinationibus, variis sæpe tentatus  
morbis, potissimum verò febris & ingenti capitis do-  
lore, sæpius per concepta ad B. V. Lindenſem vota  
confugit, & semper tutum invenit receptum. Unde  
commodiorem hoc anno peregrinandi occasionem  
habitus, cum aliis fere undeviginti viâ comitibus pe-  
des totum iter emensus est, ut tanto intimius Deo  
& Deiparæ ardentiusquæ gratias ageret.

## CAPUT



## CAPUT XIII.

Ipsæ Junii Idus.

**C**elebres erant Romanis tum dedicatâ Jovi in vi-  
cto Æde, de qua Ovidius in Fastis:

*Idibus invicto sunt data templa Iovi;*

tum minusculis quinquatribus. *Quinquatrus autem minuscula, inquit Varro (a) dictæ sunt Iunia Eidus, ab similitudine maiorum, quod Tibicines tum feriari per urbem vagantur, & conveniunt ad Ædem Minervæ. Sicut autem Linda Mariana non Minervæ, sed veræ verbi divini æternæque sapientiæ Matris Ædes est, ita ad eam hisce Idibus non tam profani, &, quemadmodum Livius memorat, somno vinoque apud Tiburtinos sepulti Tibicines, quàm veri ac religiosi sapientiæ æternæ ejusdemque Genitricis præcones confluant.*

## I.

Lubavienses duo fratres calculo liberati.

Si non primi, certè inter primos, uti diximus, Iduum harum præcones adfuerunt Lubaviâ, Matthias Gierlewsky Prætor civitatis, ejusdemque germanus frater Georgius. Uno eodemque morbo, etiam non eodem tempore, uterque laboravit. Ac Matthias quidem præ immanibus calculi cruciatibus, per undecim dies ac noctes sibi præsens non fuit; neque aliud interea quàm mortem in ore votisque habuit. Mater filium ægrum miserata, Matri illum misericordie supples devovit, continuoque vis morbi remissa.

Qua

(a) lib. 5. de ling. lat.

Qua ille de cauſa, tribus aliis è Magiſtratu Lubavi-  
enſi ſibi adjunctis, ut gratus eſſet, Lindam acceſſit.  
Jam verò Georgius quatuor proximis à Pentecoſte  
huius anni diebus non minores ejusdem calculi ex-  
pertus cruciatus, non aliò ſe præſidii cauſâ, quàm  
quò frater, convertit; & quidẽ eo majore fiducia  
arque alacritate id egit, quòd, cùm paulò antè Reſ-  
ſelii literis operam daret, quæ ſit B. V. Lindeniſis in  
afflictos omnes benignitas, multis aliorum exem-  
plis, propè quotidie expertus jam tum fuiſſet.

## II.

Gutſtadienſes duo conjuges variis morbis  
exempti.

Georgius Rudiger ante viginti jam annos, ſuprà  
laterum, colicosque totis viſceribus dolores, immanẽ  
totius corporis tumore ſuffuſus, integrum propemodum  
annum decumbere, & aliorum operâ moveri  
loco neceſſe habuit. Quia verò ſe Deiparæ Lindeniſi  
devovit, ſubitò auxilium & omnem morbi curatio-  
nem aſſecutus eſt. Ecce autem octavo poſtmodum  
anno, cùm ipſe, tum uxor ipſius Potentiana oculo-  
rum ſuffuſionibus doloribusque immodicis ita affli-  
cti ſunt, ut rarò aperire oculos aut luminis quid-  
quam perferre poſſent. Non alio, quàm ad Divam  
Lindenſem refugium ſuum Georgius iterum habuit,  
& precium ejus refugii, integrum ad hanc diem ocu-  
lorum uſum tulit.



## III.

Bisteinenses virgines duæ diversis morbis  
liberatae.

Eâdem die Catharina Joannis Reiter, & Margareta Simonis Gerik Bisteinensium civium filiae, varias Dei Matris opem expertae, apud Lindam gratias eidem egere. Ac Margareta quidem biennium integrum vehementibus capitis doloribus exercitata, atque à biennio jam ope Lindensis Virginis iisdem libera, annuam, quoad superstes fuerit, peregrinationem frequentabit. Jam verò Catharina à quindecim fere annis sacro igne, quoad caput impeti solita, Divae Lindensis ope, quam semper implorat, levari se semper experitur; unde quovis itidem anno pariter gratias actura, pariter ampliora Deiparae beneficia flagitatura, Lindam pedes invisit.

## IV.

Seeburgensium nonnulli varia beneficia  
consecuti.

Joannes Kruger è Bergerdorff Seeburgensi pago, ab annis quatuordecim, quasi diris quibusdam agitaratus, ad sui ipsius eadem identidem instigabatur: at ubi se ad B. V. Lindensem recepit, saniores extemplo mentem recepit. Unde quorannis Lindam recurrat, quia levamen mali quadantenus recurrentis semper invenit. Non minus levamen cruciatuum, quod à teneris varios patitur, Dorothea Georgii Borowsky è Sibertswald coloni filia, annorum novemdecim

tim virgo, experta est, & semper, quoties annuam Lindæ peregrinationem absolvit, solita est experiri. Ex eodem pago Dorothea alia Pauli Klein defuncti coloni vidua (quod maritum ante duodecim annos morbo ita depositum, ut neque linguâ, neque manibus per dies novem uti posset, B. Virginis ope incolumem receperit) cum tribus liberis Deiparæ gratias actura venit: quarta enim filia Elisabeth octo abhinc dies eandem peregrinationem absolvit, & inter sua vota pictam Crucifixi imaginem obtulit.

## V.

Heilsbergensium plures similibus affecti  
gratis.

Benedictus Skodke è Langwele Helisbergensi pago, simul cum uxore sua Sabina, geminum Deiparæ munus ex voto attulit, alterum quidem pro pecoribus, alterum verò pro impetrata uxoris salute. Hæc enim supra toties omnino sex, morbo totum corpus, anno superiore affecta, & strato affixa, ut suis inde manibus non posset moveri, adeoque suâ & omnium opinione, amissâ vitæ spe, extremæ unctionis sacramento, tanquam è vita jam jam migratura, esset munita, ad Matrem misericordiæ per votum Lindensæ conversa, ab ipsa, ut ait, mortis porta reversa fuit. Ex eodem pago Catharina Stephani Gruhnert uxor, maleficio, ut putatur, juxta puteum perstricta, nonnisi manibus ac pedibus, sex circiter hebdomadas reptabat; quæ tamen, simul ac religiosarum in Conventu Heilsbergensi



virginum consilio atque voto, Lindam, & ad alia quædam loca sacra fuit oblata, sanitatem mox recepit. Earundem virginum consilio usus Christophorus Pobos ex eodem pago colonus, sibi domuique suæ quàm plurimùm prospexit. Ingentem ante septem annos pecoris sui fecerat jacturam, sive id Dei supplicio, sive maleficorum, ut putabatur, operâ evenisset. Postquam Deiparæ opem imploravit, & Lindam, quoad superstes esset, annuam vovit profectiorem, tum residuum pecus, tum, quod deinceps sibi comparavit, salvum ad hunc diem habet: Unde tum ipse, tum illius conjux, ab eo jam tempore, promissam quotannis obeunt peregrinationem. Ex eodem quoque pago Petrus Ferder juvenis eò fuerat, præ nimio oculorum dolore deductus, ut per hebdomadas quinque intueri cæli lumen vix posset: at ubi matris suæ voto, ad veri luminis Matrem est remissus, etiam lumen corporis recepit. Laurentius quoque Blocke ejusdem pagi inquilinus, manus & pedes à triennio ita affectus, ut eorum operâ ægrè admodum uti posset, simul ac apud se decrevit, nunquam se, quoad valeret, annuam ad B. V. Lindensem omitturum peregrinationem, ita sibi viribusque redditus est suis, ut septem circiter leucarum iter jam à bienio, pedes conficere faciliè potuerit. Non ejusdem pagi, ejusdem tamen municipii Heilsbergensis jure, & simul ejusdem Deiparæ Lindensis beneficentiâ, Jacobi Belau Krekollensis coloni conjux usa, Andream infantem suum incolumem possidet. Octo dies ille mortuo propior decumbebat, quia enormi ulcere collum & caput obsidente, neque sugere neque

que aperire os potuit. Ceffit autem ilico malum omne, ubi auxilium B. Virginis, quod voto facto imploratum fuerat, acceffit. Adjunxit mater, ſuâ quoque cauſâ, cereum anathema, eò quòd per annos tres continuè dentium cruciatu afflicta, Deiparæ ejusdem opem impetrârit. Unde annuam peregrinationem, quam à triennio eſt orſa, quoad vixerit, producit, præſertim cùm geminâ prole jam mortuâ, tertiam hanc, ut ſperat, Deiparæ beneficio habitura ſit incolumem.

## VI.

Meellaecenſium itidem plures, beneficiis  
cumulati.

Michaël Grawſtein, è Bornitten pago colonus, unâ cum conjuge Anna voti ſui penſum reddiderunt, quod filiolarum ſuarum Annæ cauſâ ante triennium ediderant. Unum illa ætatis annum vix ſupergreſſa erat, cùm illam maligna febris conſecuta quindecim hebdomadas continuas tenuit, ut omnis jam ſpes vitæ decollârit. Voto tamen illo edito, & ſpes, & ſimul vita, quæ ad hanc diem firma eſt, extemplo rediit. Gertrudis è villa Plaſt wig Simonis Raad uxor, comitante filiâ utrâque, Anna videlicet atque Eliſabetha, ſua Deo ac Deiparæ vota reddiderunt. Mater enim præter omnium expectationem ſubitò mente mota, nihil niſi de ſui cæde animo agitabat; ſimul verò tum filiarum Annæ, tum ſuo quoque voto profectionem Lindenſem promiſit, & menti & viribus reſtituta eſt, ut mulier ſeptuagenaria jam anus, quatuor-

Z z 3                      decim



decim leucarum iter pedes haud gravatè decurrerit. Jam verò altera filia Elisabetha, quatuordecim hebdomadarum feбри unà cum viro suo Michaële Marquard correpta, non aliunde, quàm à B. V. Lindensi consecutam se opem sospitatemque est professa. Ex eodem pago Margareta Andreæ Kolbrecht, unà cum marito equum periculose ægrotum Deiparæ commendârunt, & incolumem subito receperunt. Justina verò Albini Daniel vidua, grassante tres ante annos per eundem pagum incendio, & vicinas depascente ædes, vovit, si suæ servarentur ædes, tantam se ex cera candelam per partes quotannis oblaturam, quanta, si partes inter se componderentur, ædes ambire undique posset. Servatæ sunt, vicinis ædibus igne absumptis; & illa voti sui pensum, jam per partes orsa est persolvere. Ejusdem municipii sed non ejusdem pagi coloni erant, Eustachius Hintz & Helena Joannis Kuhn uxor, Wulensis uterque, & Michaël Schaeffer Libenaviensis. Et hic quidem Reginam uxorem suam ob mortem duorum liberum, jam à triennio non afflictam modò, verum & mente vehementer motam, neque quidquam fere, nisi de sui cæde cogitantem, Deiparæ Lindensi commendavit. Quandoquidem autem vero illo nuncupato, angores ætusque animi plurimum remiserunt. Lindam comitante uxore gratias acturus se contulit. At verò Eustachius doloribus capitis per hebdomadas sex, eò fuerat redactus, ut veluti mori proximus, ad extremum se æternitatis iter, adhibitis Ecclesiæ sacramentis munierit. Interim voto

amicorum Lindam oblatuſ, eâdem horâ ſibi integrè reſtitutuſ iter illud cum Lindenſi commutavit. Non diſpar propè fortuna Helenæ fuit, quæ, quemadmodum ſupra duos annos lentâ conficiebatur tæbe, ita non aliâ quàm B. V. Lindenſis ope, ſibi reſtituta tredecim circiter leucarum iter pedes confecit. Denique & Andree Knobloch, obſequiis cujuſdam coloni in Libenau addicti, ſed ex Stangendorff Brunſbergenſi pago oriundi, ſimilis videtur fuiſſe conditio. Utriuſque oculi uſum vi morbi propemodum amiſerat, & ope B. Virginis Lindenſis, ad quam per votum ſe receperat, alteriuſ oculi recepit uſum. Cum porrò eodem iterum morbo tentaretur, iterum ad eandem patronam recurrit, iterumque opem expertuſ eſt. Quam quidem opem, ut in altera quoque vita experiretur anima, Chriſtophori Grunwald è Scharpfſtein coloni filii ante trienniũ Brunſbergæ, ubi Philoſophiæ operam dabat, nocturnâ cæde è vita ſublato, parens Imaginem beatæ Virginis Annuntiæ Lindam hodie tranſmiſit.

## CAPUT XIV.

Priores aliquot Calendarum Quintilium dies.

PRoximo ſecundùm Iduſ Juniaſ biduo, viſi ſunt non pauci Lindæ peregrini, præſertim è Meelſaccenſi villâ Peterswald, ſed partim ob red-euntium, aut reditum maturantium præcipitantiâ, partim ob alia intercurrentia iſis, qui conſignare geſta debebant, negotia, nullum inſtitu-



institutum acceptorum beneficiorum examen, ter-  
tia igitur post Idus dies initium capiti huic dabit.

## I.

**Sacer ignis in utroque restinctus pede, infans  
curata.**

Philippi Siebenmarck Herbipolensis, jam autem  
civis & Oenopolæ Regiomontani conjux Elisabe-  
tha, utrumque pedem, sed maximè dextrum, sacro  
igne, per integrum fere annum, periculosè habebat  
affectum; ut per quadraginta hebdomadas ægerrimè  
se quoquam posset commovere. Adhibita sunt, quæ-  
cunque tandem potuerunt, chirurgorum aliorumq;  
remedia; sed propemodum incassum omnia: opti-  
mum fuit malagma, quod à B. V. Lindensi fuit admo-  
tum. Postquam enim ægra votum profectionis Lin-  
densis fecit, continuò vis mali remisit; ut jam ab ipso  
Assumptæ in cælum Deiparæ festo, sana atque incol-  
lumis perstiterit; quemadmodum etiam incolumis,  
Anna matre, Danielis Schultze defuncti Consulis Bi-  
steinensis sorore, & Barbara consobrina tua comitan-  
tibus, Lindam xvi. Cal. Julias venit; ubi gratias, et-  
iam filiolæ suæ infantis Marianæ nomine egit; quia &  
illam ab ipso partu graviter ægram, cum eadem B.  
V. obtulisset, ad hanc diem sanam ac bene valentem  
recepit.

## II.

**Sacer itidem ignis extinctus, & manus ac pedum  
restitutus usus.**

Eâdem xvi. Calendarum sextilium die, Stanislaus  
Lau-

Laudansky Wierzboloviensis in Lituania inquilinus, unaque uxor illius Dorothea, confecto pedibus plus viginti leucarum itinere Lindam appulerunt, ut gratias Deiparæ pro recepta incolumitate, quam possent, maximas agerent. Nam Dorothea, ante quatuor annos, sacro igne faciem, pectus & genua ad atrum usque corporis miserrimè affecti colorem deposcente, magis viri manibus deportata, quam suis nixa pedibus, cum ad Lindensem perreptasset Ædem, postquam sacrosancto est refecta Eucharistiæ epulo, suis mox niti viribus, ac suis remetiri tantum iter pedibus illo tempore potuit: superiore verò autumno, non minus periculoso defixa morbo, cum per sex hebdomadas nulla superesset vitæ spes, consilium mariti secuta, iterum Lindam, vel manibus pedibusq; reptando, peregrinationem vovit; & confestim, quasi ex aquis, ut ipsa ait, emerita, incolumis evasit. Jam verò Stanislaus (quod quidem admodum R. D. Andreas Lewgowd Wierzboloviensis Parochus publicis literis, manu suâ scriptis testatur) manum sinistram propemodum mancus, pedis insuper utriusque amiserat usum. Ubi verò se comitem uxori iturum vovit, manus quidem exinde singulare expertus est levamen, pedum verò usum è vestigio recepit, ut tantam itineris intercapedinem poruerit emetiri pedes.

## III.

Mulier ex loco non catholico, filiam voti ream sistit.

Hand procul Bartensteino, civitate in Ducatu Prussiæ sita, pagus est Machsmus nomine, sub Prædican-



dicantur uti vicina loca, jugo constitutus. In eo Marthæi Raffel uxor Anna, incertum an catholica, filiam, quam à teneris Deiparæ Lindenſi devoverat, jam ſeptendecim annos natam, voti ream adduxit. Parvula cùm eſſet noxio admodum morbo affecta, curari nullo alio, niſi voti Lindam editi remedio potuit. Poruiſſet quidem, ac fortasſe etiam debuifſet, diu ante Lindam deduci, ſed mater, quæ non niſi jam adultam promiſerat ſiſtendam, neque ſibi neque filiæ morain iſtam noxæ putavit fore.

## IV.

*Biſteinenſium quibusdam ſanitas reſtituta.*

Joannis Fiſcher civis Biſteinenſis uxor Dorothea, filiam ſuam infantem Eliſabetham, quantum potuit, grâtam Deiparæ ſtitit; cujus vitam Deiparæ, in acceptis refert. Ægrotabat enim plures hebdomadas extra omnem vitæ ſpem: rediit nihilominus non ſpes modò verùm & incolumitas, & vita, ubi mater filiolæ cauſam apud Deiparam Lindenſem feliciter peroravit. Non diſpari felicitate ibidem cauſam tum filiæ tum ſuam egit Pudentiana, Gaſparis Haſſelberg indidem civis uxor. Nam & mater per ſex hebdomadas graviter ægra, & filiola Chriſtina per medium annum clauda, citra moram curatæ ſunt; ubi mater, & pedes Lindam ſe ituram, & circum Deiparæ Aram ter de geniculis adorando obituram ritè promiſit.

## V.

Gurstadionſes matronæ duæ curatæ.

Vidua utraq; erat, altera quidem Prædis Georgii Schram ante octo annos defuncti; altera verò Margareta Chriſtophori Steffen ab undeviginti annis itidem defuncti. Atque illa quidem hyeme proximè elapsâ pedum, brachiorum & capitis gravissimè affecta doloribus erat, ut dentes præ nimio cruciatu à gingivis soluti, ultra commoverentur. Supra medium annum vis mali duravit, & miseram lecto plectumq; affixam tenuit: quoad illa ad Templum utrunq; perreptans, votum peregrinationis Lindensis nuncupavit. Exinde enim vis morbi remisit, ut iter novem leucarum ingredi & decurrere potuerit. At verò hæc, præ nimio capitis dolore, utriusque oculi jam ante decennium, perdiderat usum, ita ut altero post chirurgi sectionem penitus orbaretur oculo; altero verò vix tantillum cerneret: cujus tamen facile usum recepit, ubi votum peregrinationis Lindensis ex animo concepit. Et jam tum, solâ filiолâ comitante Lindam profecta, quovis deinceps anno sexagenaria fere anus, & quidem pedes proficiscitur, etiam deinceps, si vires animi respondeant votis, profectura.

## VI.

Plures, ac fere præcipui Brunsbergensium, varia experti beneficia.

Præcipui inter Brunsbergenses sunt Georgius Eisen-



Eisenbletter, Petrus Lemke, Georgius Wichman & Petrus Mollerus, qui hasce Idus Junias apud Lindam præcipuè illustrârunt. Ac de prioribus, qui, gratitudinis ergo, suas resumpserunt hoc etiam anno peregrinationes, jam alio loco egimus. Georgius Wichman, Simonis Wichman Consulis, cùm aliàs semper cum Suecici præcipuè belli tempestate antehac grassante, à consilio, prudentia, rerumque agendarum dexteritate spectatissimi viri filius, & ipse jam ad magistratum promotus subsellia, jam aliquot abhinc annis, gravem exatræ bilis suffusione, hypochondriacisque affectionibus, mærorem animi, ac propemodum ipsius vitæ fastidia contraxerat; quæ ille nusquam melius aut facilius, quàm sub Lindæ Marianæ umbra, quò se identidem recipere solet, abstergit. Cujus etiam monumentum esse voluit Tabellam argenteam, Anno MDCLIII. cum hac epigraphæ circum Imaginem B. Virginis adjecta: *Ave Filia DEI Patrû; Ave Mater DEI Filii; Ave Sponsa Spiritus Sancti; Ave Templum totius Trinitatis.* Jam verò à tergo: *D.O.M. Virgini MARIE immaculata, Georgius VVichman DD. consecratque 1653.* Petrus verò Mollerus vir itidem consularis, proximis ante Pentecosten diebus, ex itinere, quod, in provecta satis ætate, equitando sat longinquum confecerat, assidua cogitatione, morbum contraxit admodum periculosum; quo & vires, in corpore alioqui sat vegeto prostratæ; & viscera omnia concussa ac quodammodo confracta sunt, ut per quatuordecim circiter dies nihil cibi portionisvé sumeret, & sanguinem in frustra potius quàm in grumos concretum, per quinque omnino dies

dies ejectaret. Desperata erat omnium opinione la-  
 tus, nisi salutare ad B. V. Lindensem votum interces-  
 sisset. Exinde enim vires rediêre; ut, cùm Resselium  
 usque curru venisset, Resselio comitantibus patrem  
 Dorothea ac Regina filiabus (quarum hæc intra pa-  
 ternas, illa verò intra sacras conventualium virginum  
 sedes Resselii degit) pedes Lindam usque conficere  
 haud gravatè potuerit. Atque hos non tam comitati,  
 quàm properè eadem die indidem sunt Lindam us-  
 que consecuti Paulus Hanman viginti circiter anno-  
 rum juvenis, & Jacobus Drews; quorum ille annuo  
 capitis dolore, & ex eo scabie in faciem erumpente,  
 ille verò malignâ feбри & delirio inde consecuto, per  
 imploratam Divæ Lindenensis opem, levati sunt.

## VI.

Traumburgensium quibusdam singularia collata  
 beneficia.

Joannes Rubach cum uxore sua Anna, jam ab un-  
 deviginti annis peregrinationem Lindensem quot-  
 annis frequentat, & conservatorum liberorum causâ  
 gratias agit. Sæviente enim peste, quâ etiam tres iis  
 liberi sunt erepti, si reliqui servarentur superstites,  
 quovis se anno Lindam peregrinatos, voverunt:  
 servati liberi sunt, & parentes, quod voverunt stre-  
 nuè exequuntur. Regina Joannis Hohendorff filia,  
 & manum sinistram, & pedem paralyti jam ante no-  
 vem annos tacta, durante per triennium malo, etiam  
 linguæ usum per aliquot dies amiserat. Parentes fi-  
 liam Deiparâ Lindenfi devovent, & curru Lindam  
 deportant. In ipso adhuc itinere restituta est Regina  
 sani-



sanitas: quæ idcirco, iterum atque iterum pedes eam peregrinationem confecit; Elisabethâ majore natâ sorore eam tantò alacrius comitante, quò & ipsa votum, pto sorore olim muta ardentius fecerat. Eodem in comitatu venerunt aliæ duæ è Traumburgensibus matronæ Elisabetha Valentini Gedik, & Catharina Michaëlis Law's civium uxores: quarum illa octo ante annos faciem, præsertim dextrâ partem, sacro igne affecta, oculorum per decem hebdomadas usum amiserat; & eundem, pulso per votum Lindam factum eryspelate, unâ receperat. Cum autem iter septendecim minimùm leucarum, pedibus ab se confici Lindam usque posse diffideret, profectionem ad hanc diem eò distulit, rata se voto solutam, si vicina quædam è sacris locis adisset. Verùm & conscientia suâ, & aliorum judicio Lindam coacta, hoc anno se in viam pedes dedit, & totum iter sana atque incolumis confecit. Jam verò Catharina totius corporis, sed potissimùm capitis & faciei intumescerent cruciatibus, per annum integrum, jam ante quatuor annos vehementer afflictâ, iter, quod Lindam felicissimo eventu voverat, curru jam superiore anno absolvit. Rata autem non satis ab se, sive voto, quod nuncupârat, sive gratitudini, quam B. Virgini deberet, responsum, pedes iterum hoc anno iter emens, tantò uberiores gratias Deiparæ egit, quantum sanioribus exinde oculis lumen cæli intuebatur.

## VII.

Vormditensium nonnulli opem singularem  
experti.

Bartholomæus Stul è pago Olbersdorff, à bidua-  
ho sanguinis fluxu, & Hedwigis Bartholomæi Her-  
del ex eodem pago coloni uxor, oculorum caligine,  
quæ per hyemem offusa erat ita, ut homines non sa-  
tis dignosceret, liberati sunt: at verò Dorothea Bar-  
tholomæi Wolff civis Vormditensis uxor periculo-  
so quodam morbo Sicuti eorundem filia Anna gra-  
vi asthma, quod per duas hebdomadas respirandi  
propè ademerat facultatem, non alio quàm B. Virgi-  
nis præsidio curatæ sunt. Omnes quo circa facta ab se  
Lindam vota, ut redderent, peregrini hodie adven-  
tunt.

## VIII.

Seeburgensium nonnullis varia collata  
beneficia.

Andreas Blum & Gregorius Schroter, è pago  
Tolnik juvenes, hic quidem capitis dolore per an-  
num dimidium regnante, ille verò apostemate labi-  
um superius noxiè insidente, per nuncupata Lindam  
vota soluti sunt. Jam verò Elisabetha Gregorii  
Schroter ex eodem pago, & Pudentiana Galparis  
Hartman, è pago Lokau, filiar virgines, hæc gravi ca-  
pitis, illa pedum dolore levatæ. Sed & Elisabetha  
Marci Tighau in Melag coloni uxor diro laterum  
dolore, per hebdomadas sex afflicta, simili cum aliis  
ad B. V. Lindensem voto adjuta est.

IX. Ref-



## IX.

Reßliensium quidam paribus affecti  
beneficiis.

Petrus Bartsch è Torninen juvenis gravi duarum  
hebdomadum cruciatus è pedibus laborabat ; per  
duas itidem hebdomadas, Anna Joannis Reimer è  
Glockstein coloni uxor, totius corporis viribus mor-  
bo abruptis nimium languebat; utrique & vires, &  
sanitas, secundum votum Deiparæ Lindensi nuncu-  
patum, rediit. Rediit itidem simili ex voto, tum Eli-  
sabethæ è Stürmhabel virgini febris afflictæ, tum Ja-  
cobo Schlegel brachii dolore per dimidium annum  
vehementer discruciato.

## X.

Variis in locis apud Varmiam gratiæ sanitarum  
impensæ.

E municipio Heilsbergensi, Barbara in Schülen-  
pago vidua, duodecim hebdomadum morbo admo-  
dum gravi; è Meelsäccensi verò Anna, cujusdam in  
Liebenthal coloni itidem vidua, durante per trien-  
nium febris; è Wartemburgensi denique civitate  
Walpurgis Joannis Sonn civis itidem vidua omni-  
um artuum dolore, qui per dimidium tenuit annum,  
liberatae sunt: nullo quidem alio magis quam Deipa-  
ræ Lindensis præsidio; cui quemadmodum singula-  
ribus obstrictæ erant votis, ita hodie eorundem ne-  
xu votorum solutæ.

## XI.

Incertis ex locis gratiæ pro beneficiis  
acta.

Certa hominum certorum beneficia ac nomina, uti quidem illa nonnemo in commentariolo, sine adjecto ullius certi loci nomine, & ego necesse habeo prodere. Gregorius Reimer quinque annorum puer ex oculis tum sanguine suffusus, tum pustulis undique obsitis graviter laborabat: at verò Margareta Martini Kraus filiola infans vix annum ætatis egressa, pedis dextri digitos habebat contractos: voto à parentibus utriusque Lindam nuncupato, sanatus uterque est. Eundem in modum Gertrudis Virgo capitis ac pedis sinistri dolore per biennium affecta, voto ab se nuncupato, sanitati restituta est.

## CAPUT XV.

Quatuor ante Calendas Julias intermedii dies.

SEX Calendarum Quintilium diebus proximo capite expeditis, huic initium dabit duodecima ante easdem Calendas dies; quæ apud veteres *Summano* erat sacra juxta illud Ovidii in Fastis:

*Reddita, quisquis is est, Summano templa feruntur,*

*Tunc, cum Romanis, Pyrrhe, timendus eras.*

Potro Summanus, quasi summus Manium Orcus sive Pluto appellatus, quem Romani inter illos, à Pyrrho incuscos Vrbi timores, sibi placandum videntur sumpsisse. At quis apud Lindam Marianam,



aut ab hoste metus, aut à Summano periculum; ubi magna Dei Mater, omnium & terrorum & periculorum depultrix, & quædam quasi *Averrunca*? Expecti id sunt, & experiuntur in horas, cum alii plures, tum qui numerosum juxta, ac pium supplicantium agmen, pro anniversario more, ob profligatam Deiparæ Lind. ope, hominum pecorumque luem, hodie instituerunt Glocksteinenses, Schellenenses, atque Schönerbergenses.

## I.

*Steriles & parturientes adjunctæ.*

Catharina Nicolai Koracz Brunsbergensis fabri conjux, non unam, ob decem annorum sterilitatem, sibi exprobrantem nata fuit æmulam Phennennam: proinde & illa consilium exemplumque Annæ secuta, & ad Deum atque Deiparam Lindensem, flexis genibus provoluta, *amaro* (ut scripturæ verbis utar (a) *animo oravit ad Dominum flens largiter. Et respexit afflictionem, hujus quoque famulæ suæ Dominus: paucos post dies concepit, & quemadmodum voverat, ceream tantæ ponderis effigiem, quanti erat infans recens natus, Patronæ Lind. obtulit. Qui è vicinis tantum Deiparæ beneficium, cognoverunt nuntiante famâ conjuges, exemplum Catharinæ imitati, non pauci ejusdem benignitatis ac benedictionis compotes facti sunt. Longè inde distabat, neque tamen eam Deiparæ Lind. pietatē ignorabat Christophori Kœnigsmann Plauseris hortulani conjux Gertrudis; quæ alterâ à sacro Patchate hebdomadâ ad partum jam maturum disposita, aut potius ad mortem fuit deposita. Octo-*

mura

(a) I Reg. I. II.

nam dierum continui erant, & quidem, ad S. scripturæ mentem, *parturientis dolores*; biduum verò etiam vitæ spes non paucis erepta. Mater tamen, è consilio aliorum spem concepit, & voto Dei Matri apud Lindam obligata, mox fœtu juxta ac mortis periculo soluta, hodie votum cum adjuncto gratiarum fœnore exolvit.

## II.

Vir paralyti, mulier delirio exempti.

Eodem die Matthæus Behm Seeburgo, & Margareta Jacobi Drew's civis Brunsbergenfis, cujus superiore capite meminimus, uxor Lindam appulerunt. Ille elapso proximè Epiphaniæ Domini die in Silesiam abiturus, non dolore modò verùm & paralyti dextrum pedem invadentis retardatus est, ut eum, per triginta circiter leucas, non tam promoveret, quàm traheret violenter. Simul autem votum peregrinationis Lindensis, si revaluisset, nuncupavit, sanum pedem recepit, quo etiam Lindam sanus accessit. At verò Margareta, defuncti ante viginti jam annos, patris per somnium admonitu excitata, varias pertulit interea cùm difficultates tum ægritudines, quibus etiam ad sensuum mentisque ægritudinem est adacta. Neque tamen alio, quàm, quod idem patens, eodem tempore suggestit, consilio usa est; patrocínio videlicet Deiparæ Lindensis, cui idcirco non semel duntaxat, sed iterum atque iterum gratias pro beneficio actura supplex apud Lindam advolvitur.



## III.

Equi à grassante lue erepti, & quidem apud  
homines non catholicos.

Eâdem quoque die, ex oppido Trinckfur  
quinque circiter leucas in Ducatu Prussîæ Lin  
disjuncto, Catharina civis cum Martino Gelbha  
filio, nuncupatum Deiparæ Lindensi votum ex ad  
peregrinatione solvit. Equis jam plerisque lue  
latis, ne reliqui porrò tollerentur, adeoque res  
miliaris propè omnis pessum iret, duas ante hebdo  
madas votum Lindam nuncupavit, & reliquo p  
cori domuique præsidium consecuta est.

## IV.

Vehemens ac varia maleficiorum vis  
repressa.

Die ante Calend. Iulias xi. Iacobus Lettau civ  
Gutstadiensis, celebris totâ Varmiâ aurifex, votiva  
ex argento tabellam tres fere palmos longam, cum  
adjecto nummo aureo, materni avunculi sui  
mine, eò quod is necdum se ipse sistere, ac mun  
offerre coram posset, lubens volensque obrulit. E  
autem avunculus ipsius, Dominus Christophor  
Lidig, apostolicâ autoritate publicus, uti & cast  
perinde ac civitatis Meelsaccensis juratus Notariu  
Vir inter suos actotâ Pussia ornatissimus atque lo  
noratissimus; nunc maleficiis & incantationib  
per quendam pastorem, jam à pluribus mensib  
vehementer perstrictus Meelsacci is pastor, in susp  
sionem præstigiarum atque maleficiorum venerat  
idec

ideoque facessere inde jussus, in V Voynitten, quatuor passuum millibus distantem inde pagum secesserat. Sed & ibi, lues tum pecorum, tum etiam hominum celeriter consecuta, hominem in ejusdem maleficii suspicionem haud vanè traxit, ut omnes pagi incolæ ad præfectum castrì, illum, uti reum, deferre minimè dubitarent. Verùm sive ob ruditatem & imperitiam actorum, sive ob rei, multoque magis assistentes illi genii mali pessimas artes, deficientibus probationibus sufficientibus, absolutus reus ad pecus & opus suum rediit. Ibi tum malus genius ad illum, Viden, inquit, quàm te innoxium vexârunt rustici isti? Quin tu, lege talionis in eosdem agis? Annuit ille, & ex reo jam actor, totum pagum accusat. Statâ die, impeditus, qui jus dicere debebat, præfectus arcis adesse non potuit; ut & tum, & deinceps comperendinari causam aliquoties oportuerit, non sine molestia, fastidio, & indignatione actoris importunissimi, ab alio, utique magis importuno exstimulati. Hic ergo malus daemon opportunum nactus tempus, hominem facile sibi obnoxium atque obsequentem iterum aggreditur. Nunquid, inquit vides, comperendinationum, quin & evasionum istarum, nullum esse, nisi ipsum Notarium authorem atque causam? Hic enim cum Iudicis interea locum possideat, ac dicere jus possit, quin & debeat, rusticorum in gratiam ut lites ex libris ferit, & te de die in diem iudificatur? Vin, ut illi sua sit merces? Vin, ut capiat, qualia istiusmodi Iudices decent, munera? Annuente pastore Notarius beneficiis momento temporis delinitus, totius



corporis primum, tum verò pedum plantarumque  
 psorâ atque prurigine (quam continuò unguibus,  
 quin & scalpellis oportuit scabi) corripitur. Nec-  
 dum ille perpruriscere desierat, cum deinceps Ido-  
 rici, mox Hydropici, cæterorumque plurium mor-  
 borum vestigia sese aperuere. Interea maleficus, si vi  
 conscientiæ, siue aliis exagitatus furiis, è pago illo  
 fugam ultro arripuit. Plurimestri spatio perquisi-  
 tus, atque in vicina Traumburgo villa repertus, re-  
 ductusque Meelsaccum quæstionibus subicitur. Fal-  
 sus plurima, atque idcirco adjudicatus rogo, dū pro-  
 ferenda extremæ in illum sententiæ, quanquã æger-  
 rimus adesse cogitur Notarius, necdum quidquam  
 mali de illo, suâ causâ suspicatus, respice, inquit, me  
 jam longè alium, quàm antè noveras? Veteris ea vox  
 amicitia benevolentiaque fuit, qui ab homine, cui an-  
 tea sæpius benefecisset, aliquam grati animi aut com-  
 patientis notam exprimere satagebat. Tū maleficus:  
 Parce, inquit, Domine, parce: Quid ego (inquit ad  
 eam vocem attonitus vehementer cū aliis Notarius)  
 tibi parcam? Tum ille iterum: Parce, quæso, parce: nā  
 & tu, ex maleficiis meis ista pateris omnia. Ad hanc  
 vocem, omnibus multò etiam magis attonitis, iussus,  
 rem ex ordine, uti memoravimus, percensuit. Nota-  
 rio, uti Vir est Christiani omninò animi, ingenuè par-  
 cente quæsitum è malefico est, posserne ea maleficia  
 amoliri? Possem, inquit, si genium meum haberem  
 præsentem: quo jam absente, alterius imploranda e-  
 rit manus. At Notarius tum demum malorum suorum  
 causas edoctus, non ad cuiusquam alterius medici,  
 ne dicam malefici, sed ad B. Virginis Lindenensis opem

confugit; quam & affuturam brevi sperat, præsertim cum alter oculorum, cujus usus maleficiorum vi per quinque dies jam erat sublati, restitutus Dei gratiâ jam sit.

## V.

*Præfens è morbo periculum mortis  
discussum.*

Eâdem die Simon Podemik, è Nusberg Guttstadiensi villâ colonus, Dorotheam uxorem suam comitatus Lindam venit; ut pro recepta per B. Virg. uxoris salute gratias unâ ageret. Mense Novembri exeuntis anni, ab imis pedibus, ad pectus usque Dorothea clauda & contracta evasit: ut neque sedere, neque jacere usquam, sine maximis cruciatibus ac tormentis posset, mutandum quæ idcirco perpetim esset de loco in locum, quod humi positum erat, stratum. Cum neque spes aliunde salutis affulgeret, neque tormenta gladiatorum instar pervadere omnia membra definerent, votum fecit, si vires utcunque redissent, etiam octo continuis diebus, Lindam quàm primùm perreptandi. Rediêre mox vires, ut intra diei unius spatium septem fere leucarum iter pedes confeceris.

## VI.

*Febris, epilepsia, & cephalalgia  
depulsa.*

Eadem quoque die Petrus Hartman, & Martinus Schrœter Traumburgenses cives, votis ab se nuncupatis absoluti sunt. Atq; hic quidem durissimis capitis cruciatibus ante biennium, per tres potissimùm hebdo-



madas exagitatus, vix sibi denique præsens erat; factus tamen ilico animi præsens, quia præsentem Deiparæ, ubi se Lindæ futurum vovit, opem expertus est. Cum autem superiore anno professionem Lindensem, ob varia non absolvisset impedimenta, nunc demum præcis omnibus remoris absolvit pedes. Quod etiam Petrus Hartman, comite per totum septendecim leucarum iter conjuge præstitit; non secus atque superiore anno, comitante patruo suo, præstiterat. Eundem enim, ante biennium tum in febris ætus jactatione socium habuerat, tum in itinere Lindensi comitem, tum denique in beneficii divini quasi sportulæ cujusdam celestis usui, participationem. Quamvis verò, tum in ipso itinere, tum & in Lindensis ædis sacrario paroxysmus recurrisset, ubi tamen divinis refectionis Sacramentis reditum inde appararunt, febris ab eo tempore reversa amplius non est. Quoniam autem Petrus tantum in se auxilii opisquæ expertus jam erat Deiparæ, non dubitavit filiolo suo bimulo Andræ eandem implorare opem. Comitiali morbo, aliquoties intra annum recurrente, torquebatur infans: at ubi die S. Adalberti pro eo factum est ad B. V. Lindensem, anno superiore votum; morbus ad hanc diem amplius non recurrit. Hinc parens uterque, iter septendecim leucarum Lindam pedes suscepit, & filiolum manibus gestatum suæ, illiusquæ sospitatici commendavit.

## VII.

Fulmen innoxie ædibus illapsum.  
Denique, eadem die Ioannes Mauritz, carpentarius

tius è Sturmhubel Resselienſis agri pago faber, Gertrude conjuge, Annâ filiâ, & Bonaventura patruelis ſui filio, comitantibus pariterque gratias agentibus Lindam acceſſit. Octavusolvebatur dies, cùm abſente viro, fulmen vehementiſſimâ tempeſtate in eorum tectum eſt excuſſum. Uxor, quæ ſe cum ædibus liberisque, jam jam flammis abſumendam timebat in genua provoluta, opem Deiparæ Lindeniſis invocavit. Nullam exinde ſive flammam, ſive noxam hominibus, ædibusvè (niſi quod inter ſuperiora intertignia veſtigium aliquod fulminis appareat) illatam quicquam vidit; quod & nunc omnes læti juxta ac admirabundi prædicant.

## VIII.

Dysenteria periclitans adjuvatur.

Ad x. Cal. Julius Michaël Mieczkowski, è majore Kellen Resselienſis municipii villa, opificio ſutor, Verno ſuperioris anni tempore, intimis maximisque viſcerum cruciatibus, &, quæ hos conſecuta eſt, pertinaci dejectione alui exhaustus, atque ad extrema ferè deductus, neque opificio ſuo neque ulli admovere operi manus potuit. Potuit nihilominus mentem ad Deiparam Lindeniſem, & quasdam, per vota atque preces, quaſi machinas admovere. Continuo liber omni morbo jam tum Lindam advolavit. Ne quid tamen pro tanto in ſe beneficio deſiderari videretur, etiam hoc anno peregrinationem ſupplex iterum inſtituit; paratus etiam deinceps, quoad viresque ferant, idem tenere inſtitutum.



## IX.

Matrona nobilis, cū aliās tum in partu  
adjuta.

Die ix. Cal. Julias Rosalia magnifici ac Generosi  
Dom. Joannis von Ossen nuper Capitanei Brunsber-  
gensis, at nunc præfeti Resselienſis filia, Magnifico  
itidem ac Generoso Domino Joanni Gosiorowski  
Præfeto Wartemburgensi nupta, gemellos pri-  
mo partu feliciter enixa, cū pro hoc tum pro a-  
liis plurimis à B. Virgine Lindenſi retro acceptis  
beneficiis, Lindam gratias actura venit, & in grati  
monumentum animi, tabellam argenteam, cum ex-  
pressa Deipatæ filium Jesum portantis effigie, &  
adjectâ epigraphe hac dedicavit: *In honorem B. V.  
M. fieri curavit Nobilis & Generosus Dominus Ioanna  
Gosiorovſki Burgravius VVartemburgens.* 1655.

## X.

Mulier hæretica recepto animi lumine  
corporis quoque lumen  
recipit.

Eadem die Elisabetha annos LXXV. nata anus,  
Stargardiâ, Pomeraniæ civitate oriunda, variis bellis  
& fortunæ casibus, per Pomeraniam, Megalopolin,  
& Prussiam jactata, unâ cum posteriore marito Pau-  
lo Schultz Elbingæ defuncto, in sola hæreseos Luthera-  
næ pertinacia constantissima fuit; tandem ante tre-  
decim annos Meßlaccum ad filium suum Joachimū  
concessit; ubi septem annis in eadem pertinacia tra-  
ductis

ductis, catholicæ tandem Ecclesiæ se adjunxit. Cæ-  
terum ut illustratos mentis oculos, magis ad cæ-  
lum attolleret, quinque annis in catholica fide jam  
exactis, ex oculis corporis biennium ita laboravit,  
ut præ magnitudine doloris ( qui & oculos instar  
ignis, & caput cruciabat ) cæcitatem optaret, dum-  
modo libera doloribus tantis esset; præsertim cum  
dolor, quod plura adhiberentur remedia, eò accende-  
retur magis. Quoniam verò cum aliis fidei Catholi-  
cæ articulis, etiam de cultu Deiparæ instructa  
jam erat, multaque de Lindensis Deiparæ beneficiis  
audierat, anno proximè elapso, cum tota Meelsac-  
censium civitas, egregiam ( uti suo loco memoravi-  
mus ) ad Lindam Marianam instituit processionem,  
statuit ipsa quoque iter, cum illo supplicantium a-  
gmine ingredi. Ab eo fere momento, & dolor remit-  
tere, & luminum usus redire sensim cepit; quo-  
ad divæ Virginis Ædem ingressa, clarum cernere,  
ac nullius ductu amplius egere potuit. Quo in-  
de fuerit perfusa gaudio, æstimari vel hinc potest,  
quod iter duodecim ferè leucarum, eâ decurre-  
rit alacritate, ut, quod ipsa ait, nunquam se totâ  
vitâ suâ senserit vegetiorem. Cujus beneficii memor,  
cum nihil magis haberet in votis, quàm ut  
vel semel adhuc posset Lindam revisere, ne-  
mine alio nisi duabus parvulis è Joachimo fi-  
lio neptibus comitantibus, iter facile emensa est pe-  
des: Spondet proinde, si iter eadem facilitate domũ  
remeriatur, conaturam, ut sequente etiam anno, si  
vita comes fuerit, neque vires in decrepita jam ætate  
omnino deficient, Lindam revisat. Interim pauper cu-  
la anus,



la anus, quæ nonnisi lanificio, & pensis in Xenodochio ducendis victitat, sicut non pauca de labore manuum suarum Templo Meelsaccensi donavit, ita & Lindenſi B. Virginitabellam argenteam, u-nius fere aurei nummi precio comparatum, hodie consecravit.

## XI.

Dux Meelsaccenses matronæ votorum compotes.

Eâdem die Anna Francisci Dingel, & Elisabeth Michaëlis Pohl, civium Meelsaccensium conjuges adfuerunt: quarum hæc dextrum pedem, plus anno pessimè affecta, nullum doloribus, qui et jam gressum vix concedebant, nisi à B. V. Lindenſi invenit remedium: illa capitis & dentium cruciatu per annum vexata, maximum ex voto levamen sensit. Vnde quemadmodum superiore anno totius civitatis processionem comitata est, ita hoc sigillatim peregrinationem instituit. Porro utraque pedes duodecim fere leucarum iter est emensa.

## XII.

Plures è Ducatu Prussiæ non catholici apud B. V. Lindenſem supplices.

Eadem quoque dies, plures è Ducatu supplices vidit, quorum plerique jam votorum rei gratias egerunt; nonnulli deinceps acturi, nunc vota ac preces, non sine fiducia attulerunt. Pietſcki pagus est Schiſtenſis caſtri quinque leucis ab Linda disjunctus, ex quo Martinus Chudy, cum Alberto Ieſionck

lionck Martini coloni filio adolescente, Annâ  
 viduâ, & Dorotheâ Michaëlis itidem coloni fi-  
 liâ, advenerunt. Martinus enim immodicis capitis  
 doloribus, ab annis octo perenniter vexatus, ubi  
 anno proximè elapso votum Lindam fecit, magnum  
 sensit levamen, speratque in dies majus. Albertus  
 comitiali morbo à quatuor annis exagitatus, à pa-  
 rentibus superiore anno Lindam ductus, iterum, ut  
 majora eisdem remedia impetret, mittitur; qui  
 et jam paulò post in Augusto, ipso Assumptæ Vir-  
 ginis pervigilio, non mediocriter adjutus tertiu ad-  
 fuit. Anna denique sacrum ignem in facie pedibus-  
 que graviter exulceratis, jam à biennio perpessa;  
 ubi votum, quo nunc defungitur, superiore anno  
 edidit, quoad faciem quidem & caput, levamen  
 sensit maximum; quoad pedes verò omni levata  
 est morbo, ut nunc iter totum pedes confecerit. Ejus-  
 dem Schistensis castri, villa est Sorquitten quatuor  
 ferè leucis Linda disjuncta: ex qua Anna Georgii  
 Ziemele vidua, mulier admodum annosa, pro ser-  
 vato à lue grassante pecore, gratias Deiparæ egit.  
 Qua causâ accensum cereum in catholicorum mo-  
 rem obtulit, iam verò è Tauk Rheinensis castri pa-  
 go, quinque mulieres, quamvis non catholicæ, vo-  
 ta Lindam variis ex causis nuncupata reddituræ. pri-  
 die concubiâ jam nocte, iter quinque leucarum sunt  
 ingressæ, ne videlicet à prædicantibus, aut prædi-  
 cantum sociennis observarentur; graves alioqui  
 multas luituræ: quas tamen aiebant, subire se mal-  
 le, quàm vota Deo & Deiparæ facta non servare. In-  
 gressæ ædem sacram, cum & donaria, à variis obla-  
 ta, &



ta, & decorem domus Dei spectarent: Ecce, inquit, quomodo catholici sacerdotes omnia ad Dei gloriam convertunt! at nostri omnia pro se, & conjugibus, liberisque suis abliguriunt? Et una insuper; Quantum, inquit, nuper à viro nobili & opulento, pro Organomusico, ut in templo esset, legatum donatumque fuit? At hoc ipsum à Prædicante quoque est consumptum! Aliæ quoque duæ mulieres, è diversis Prussiae Ducatus villis affuerunt, nimirum Eva Alberti Oycoch, è Swydry pago, haud procul Letzen distito, & Anna Laurentii Gromoda, è Schwaritzenstein pago, ultra Rastenburgum posito, uxores. Atque hæc quidem nomine Gertrudis filiae suæ votum persolvit, latus enim dextrum filiae ulceribus à biennio scateans, vehementer illam discruciat, ut nulli par labori esset. Parentes igitur per quendam mendiculum superiore anno, cereum anathema Lindam miserunt & magnum filiae senserunt levamen: ut porro integrè restitueretur, jam ipsa mater filiae causam, apud B. V. agit. Jam verò Eva, suo ac mariti sui nomine causam eandem agit: nam & ipsa per septennium, & maritus à die Natalis Domini usque ad Pentecosten, dirissimo capitis & oculorum dolore discruciatum sunt, ut vir quidem etiam oculorum alterum perdiderit, mulier verò dolorem ad spinam dorsi senserit derivatum. Uterque morbo levatus est, ubi se Deiparæ Lindenfi commendarunt, ita ut vir quidem altero oculo commodè fruatur, uxor verò, iter quinque leuca-

leucarum, intra diem non integrum emetiri pedes  
valuerit.

## CAPUT XVI.

Postremi mensis Junii dies.

**P**rimus horum, ad VIII. Cal. Quintiles est; quo  
fortuna forti, ut ait Varro (a) Servius Tullius, secan-  
dum Tiberim extra Urbem dedicavit. Hinc Ovidius in  
Fastis:

*Plebs colit hanc, quia, qui posuit, de plebe fuisse  
Fertur, & ex humili sceptratulusse loco.*

Naves quoque coronatas per Tiberim convivia  
agitasse idem memorat:

*Ferte coronata iuvenum convivia lintres,  
Multaque per medias vina bibantur Aquas.*

Alia de causa forti fortunæ apud Lindam Ma-  
rianam locus esse potest, ubi Dei ac Deiparæ bene-  
ficio, pulsus tot morbis, vires & robur mortalibus  
redeunt.

## I.

Mulier in partu adjuta, Vir maleficiis & in-  
fantiâ liberatus.

Dicta igitur VIII. Cal. Jul. die Matthias Zdu-  
nowski, silvarum Illustrissimi Episc. Varmiensis præ-  
fectus, cum uxore Gertrude beneficiorum à B. V. ac-  
ceptorum memores, gratias & vota reddiderunt. Ger-  
trudis primo partu ante annum, plus hebdomadâ do-  
lores parturientiû perpeffa, vitæ proximû in discrimê  
adducta jam erat; à quo per votum B. Virgini fa-  
ctum

(a) lib. 5. de lingua lat.



ctum continuo erepta est. At verò Matthias, sub idem feretempus, sive alia de causa, sive alicujus, ut putabatur malefici operâ, intimis viscerum, scapularum, membrorumque ceterorum doloribus propè ad insaniam redactus est, ut ne domi quidem staret aut jacendo, quietem ullam caperet, sed quasi amens dies ac noctes, per hebdomadas quatuor, propemodum insomnis, campos & silvas pererraret. Suo tandem & conjugis voto Lindam edito, restitutus est tum animi tum corporis viribus.

## II.

Oculorum dolores iteratò absterfi.

Thomæ Engelke è Pissen Seeburgensi villa coloni uxor Anna, gravissimam oculorum inflammationem proximis quadragessimæ diebus, doloresque capitis experta, ægrè vel tantillum spectare luminis jam poterat; mox tamen voto Lindam factorevaluit. Verùm cum per incuriam votum non exqueretur, propeque memoriam illius deposuisset, recurrens eadem cum acerbitate dolor, memoriam ingratae haud leviter refricuit. Quo demum excitata, quo primum tempore licuit, peregrinationem Lindam suscepit.

## III.

Oculorum alter servatus, & sacer ignis extinctus.

Andreas Schwarck colonus VVuslacenſis, acutissimis oculorum capitisque doloribus, per annos duodecim, quovis mense recurrentibus, neque aliud

liud ullam neque Lindenſis Deiparæ auxilium quæſi-  
ſſit. At ubi oculorū alter, vi doloris propè extinctus  
eſt, ne alter quoque extingueretur, ſupplex votum B.  
Virgini Lindenſi fecit, & exinde tum alterum reti-  
nuit ſanum; tum ſolitis caruit doloribus. Simul Bar-  
bara ejusdem Andree filia, parenti tum in via comi-  
tem, tum in agendis Deiparæ gratiis lociam ſe ad-  
junxit. A ſex jam annis ſacer ignis totum caput inva-  
ſit, ut & ſedē exulceraretur, & ulceribus aliquando  
coaleſcentibus ſcabie & pforā cſunderetur undiq;.  
Per biennium varia chirurgorum aliorumque homi-  
num adhibita variè præſidia; omnia in caſum. Ad-  
hibitum denique peregrinationis Lindenſis votum,  
quod proximis ante Paſcha diebus erat conceptum;  
& conſeſtim morbus atque ſcabies, ut nullum pror-  
ſus veſtigium ſuperſit, receſſit.

## IV.

Oculorum morbus ſæpe mitigatus, tandem pe-  
nitus abactus.

Jacobi Nitch Organædi Meelſaccenſis filia Si-  
bylla, ex oculis à decem jam annis ita laborabat, ut  
tumor faciem obſidens oculos penitus interclude-  
ret, ac vix tantillum admitteret luminis. Jam tum ab  
ipſo mali initio Sibylla, nullum niſi apud B. V. Lin-  
denſem præſidium quæſiſſit, quod etiam facile in-  
venit. Quia verò morbus ſæpe recurrere erat ſolitus,  
illa quoque ad ſuam Lindam identidem recurrere  
& ab ea curari erat ſolita, quoad tandem ita ad ex-  
tremum ſanata eſt, ut à longo jam tempore incolumi  
utatur viſu.



## V.

Parentes infantem curatum è Lituania  
sistunt.

Andreas Lachowski è Grodnensi in Lituania provincia, inter silvarum regiarum præfectos non potestremus, simul cum Mariana uxore suâ, filiolum infantem Georgium B. Virgini Lindenensi voti reum stiterunt. Proximo vere gravissimum per octo dies morbum passus, curari humanâ ope nullatenus potuit; ad divinam proinde parentes confugerunt, & simul ac votum Lindam nuncuparunt simul infans quoque convaluit, & Lindam satis validus est deductus.

## VI.

Mulieres aliquot non catholica beneficia  
expertæ.

E Rheinensi municipio, ut emissitios prædicantur oculos, ni fallor, bono dolo fallerent, noctu iter egerunt mulieres tres, & primo diluculo Lindæ vota reddiderunt suâ; quarum duæ cruciatu dentium, pedum verò tertia erat liberata. Catharina quoque Ioannis Straus coloni in Langwald pago, juxta Scippenbeil sito uxor, comitante matrem sexagesimum jam annum longè prætergressam filio Ioanne, triginta annos nato, vota pro impetrata utrinque incolumitate solverunt. Mater enim perquam acris oculorum dolore à sexennio laborarat, & jam expeditâ Lindam ferè à biennio peregrinatione, maximum senserat auxilium. Recurrente autem iterum dolore, iterum nunc idem à B. V. collyrium

um flagitat; iterumque levamen sentiens perfectam  
oculorum sanitatem expectat; præsertim cum etiam,  
à quindecim jam annis, viscerum torminibus immo-  
dicè jactata, plurimum curationis à B. Virg. ante sex  
annos impetrarit. Iam verò Ioannes filius veneno, ut  
putabatur, in aula nobilis cujusdam infectus, atque  
immani tumore corpus totum distentus, exemplo  
monitisque matris ante quinquennium Lindam vo-  
tum nuncupavit, & non magis humanis, quàm adhi-  
bita sunt, remediis, quàm Dei paræ ope, ut ipse fate-  
tur, sibi restitutus est. Quò magis sollicita vit matrem,  
ut sibi liceret factò tandem respondere voto; eoque  
facilius id obtinuit quòd ipsa quoque mater, animò  
Lindensem peregrinationem agitarit; quam hodie  
tam filio incolumis absolvit.

## VII.

Dux itidem non catholicæ mulieres  
à B. V. auditæ.

Sexta ante Calend. Iul. die, duo è Ducatu ite-  
ræ sorores mulieres, quarum altera in V Voterkaim,  
altera juxta Eylau in Poschlessen habitat, adfue-  
runt. Et hæc quidem internos viscerum cruciatus at-  
que tormina diu passæ, ubi se Lindam vovit invi-  
suram, singulare dolorum omnium levamen sensit:  
illa verò ruinâ domus ante biennium oppressa,  
voto itidem Lindam factò, non vitam mo-  
dò retinuit, sed etiam prolem vivam in lucem effu-  
dit, cum ante geminam fuisset mortuam enixa.

Bbb a

VIII.



## VIII.

Wartemburgensium processio, & coxarum  
totiusque corporis dolor  
abactus.

Ad v. Cal. Juliar. plura fuissent configuanda literis Deiparæ beneficia, nisi ob multitudinem populis qui ad numerosam, egregiamque Wartemburgensium processionem, aliunde quoque affatim conflavit, locus & tempus configuandi defuisset. Unus certe confessorum, sex circiter homines dimisit, qui, ut notarentur, redituri erant, urgentibus tamen angustiis temporum, nusquam deinde comparere. Duo nihilominus conscripti sunt, Petrus Klus, è Ducatu, & Regina Georgii Knor civis Wartemburgensis filia. Ille inter sectarios catholicus, per quatuor hebdomadas, capitis & totius corporis prostratus decumbebat doloribus, voto Lindam facto, surrexit confestim, & viribus suis quàm ambulando, quàm aliamoliendo uti cepit. Illa acutissimis circa coxendices præter spem correpta doloribus, per sex hebdomadas diu noctuque omnem sibi, parentibusque quietem, suis ejulatibus abrupit. Sed & mater, ubi Lindam atque Glotoviam nuncupavit votum, vires malo abrupit: continuò enim solutum in pus atque saniem, utrique pedi sanitatem restituit.

## IX.

Heilsbergenses quidam beneficia  
experti.

Joannes Wintzer civis Heilsbergensis, ante  
duos

duos annos peste civitatem jam populante, alio morbo, non minùs periculoso correptus, ideoquè grassanti pestilentia maximè obnoxius fuit. Difficillimo illo tempore, nullum aliunde præsidium aut peti, aut si peteretur, conducere potuit. Vxor de mariti, filia Catharina de parentis salute vehementer sollicita Lindæ præsidium censuerunt petendum, & quemadmodum petierant, obtinuerunt. Statim enim atque votum ab iis erat nuncupatum, ille convaluit. Unde & uxor superiore anno, & filia hoc gratias Lindæ egerunt. Quo tempore videlicet ad iv. Cal. Iulias, etjam Gertrudis Georgii Kœnigsmann civis eidem Heilsbergensis filia, gratias pariter egit; quod vere proximè elapso, ubi votum peregrinationis Lindensis edidit, acerrimo dentium cruciatu, qui supra quatuor menses defæviera, liberata fuerit.

## X.

Brunsbergensium non pauci auditii.

Eadem quartâ Calend. Iuliar. die, Iacobus Hoffman, summi Pontificis Brunsbergæ Alumnus Bisteino oriundus, absoluto Philosophia cursu, peregrinationis Lindensis stadium pedes decurrit, ut Deiparæ, pro restituta sibi ante biennium sanitate gratias redderet. Vtebatur fortè Revendi Dō. Alexandri Minefii, in nova civitate Vicarii (qui idipsum Lindæ ea die præsens sanctè affirmavit) hospitio, cum repente morbo corripitur, ac propè è vita eripitur. Nulla illi de vita prorsum dubia, nisi de sacro Pœnitentiæ & Eucharistiæ Sacramento, tanquàm extremo viæ commentu, cogitatio; cum tacite se moneri sensit, ut sese

Bbb 3.

Deipa-



Deipara Lindensi offerret: obtulit, & confestim restitutus sibi est. Idem quatuor annis retro, contigit ibidem Catharinae Jacobi Lidig civis filiae Virginis, quæ pedem casu luxaverat, & diu ægra tum suo, tum matris voto, B. Virgini Lindensi commendata, ad eam, quam nunc matre comitante Lindam attulit sanitatem, confestim rediit. Sed & Gertrudi Laurentii Weis, civis iidem Brunsbergenfis viduæ, eadem salutis aura, ab ipsa usque Linda adspiravit. Tota fere hujus, ac superioris anni hyeme, tussim pertulerat gravissimam, ut vix suffocata interdum non sit. Postquam in somnis quodammodo admonita, votum Lindam nuncupavit, simul respiravit, simul ad pristinas rediit vires: quibus nunc freta, iter sat longinquum aggressa est. Quod quidem iter jam quartum emensus Lindam est, è Brunsbergenfis municipii pago Schelginen dicto, Matthæus Ewert, qui ante quatuor annos brachium dextrum casu perfrigerat, & in ejus mali curatione, si revaluisset, frequentaturum se Lindam promiserat; revaluit, & beneficii gratus, identidem ad suam recurrit sospitricem.

# XI.

Tolckmitenses plures varia experti beneficia.

Ad cæteros hac die peregrinos, unde veniunt Tolckmitensium accesserunt; quorum non pauci vel suo, vel suorum nomine, pro acceptis à Diva Lindensi beneficiis, gratias egere. Gregorius Hoffman

octu-

octuaginta trium annorum senecio, sui loco nepotem è sorore Laurentium Schultz, Tolckmitensem iidem civem, unà cum Dorothea privigna misit. Ante sex circiter annos correptus erat gravi morbo, ut per tres hebdomadas vix loqui, aut homines præsentem nōsse posset. Visus interea sibi est, quasi præsentem B. Virginem, per somnium intueri, seque, ut Lindam conferret, admoneri. Fecit confestim ad eundæ Lindæ votum, & convaluit. Cū autem per decrepitam ætatem, octodecim minia ūm leucarum iter, non posset ipse ingredi, varias Deiparæ imagines fieri, & transmitti curavit. Verū hoc iterum anno, eodem fere morbo, certè æquè periculoso tentatus, iterum à B. Virgine Lindense opem expetiit, & impetravit. Quocirca non jam imagines, ut ante, verum & privignam & generum suum Lindam misit. Quibuseum idem arripuerunt iter, tum Jacobi Schultz civis Tolckmitensis uxor Dorothea, tum Gestudis mulier ibidem inquilina: quarum hæc oculorum dolore, vel potius cæcitate supra anni unius spatium, percussa; nonnisi alieno ductu gradum facere poterat, imploratâ Deiparæ ope visum recepit; & quanquam præterito jam anno promissum Lindam iter decurrerit, tanti tamen beneficium sibi collatum æstimat, ut & hanc, & si potuerit, plures deinceps adjiciat Lindam usque protectiones. Jam verò Dorothea genu totoq; ad eò pede sinistro, dirissimos per annum experta cruciatus, ut eos nonnisi constrictis ac stridentibus interdum dentibus perferret, ubi se Lindam promissit ituram, omni libera cruciatu, magnam tanti itineris partem confectæ



pedes. Pedes itidem totum iter decurrit Laurentius Nadram civis & pannifex, unaquē filiolarum suarum deduxit : quam cum per sesqui annum tabe consumi videret, neque aliunde speraret tanto malo opem, à Deipara Lindensi postulavit; ira ut non possit ulli, nisi illi salutem filiolarum secundum Deum tribuere: proinde, neq; promissam eā causā peregrinationem potuerit negligere. Quanquam suā quoq; causā & nunc, & ante biennium peregrinationem Divæ Lindensi debebat, à qua se fatetur adjutum, cum veneno infectus, supra annum propè contabuisset Tameñ enim humana quoq; adhibita tum sunt remedia, ille tamen præ omnibus, Deiparæ auxilio salutem jam tum adscribebat, & nunc adscribit. Eisdem quoque adscribunt, tum receptum visum Ertmudis Petri Schultzi inquilini uxor: tum redditam matri sanitatem Elisabeth Virgo Simonis Perschke civis filia. Hujus enim mater atrocissimis viscerum torminibus, tres propè menses laborabat; ut vitæ spes propemodum nulla superesset. Filia igitur desperatam matris salutem Dei Matri unice commendavit, & nuncupato Lindæ voto, quod cupiebat impetravit. At verò Ertmudis per biennium prorsum cæca. nusquam nisi quo duceretur, progredi potuit: tantisquē insuper capitis est doloribus exagitata, ut non nisi ad motis identidem capiti manibus dolores utcumque perferret. Diu multumq; chirurgi nequidquam experta opem, secundā Paschatis feriā ad B. V. Lindensem voto facto confugit, & soluta omni cruciatu, ulum quoq; luminis recepit; ut non modò perambulare quaquaversum domi, verum & iter hoc posset

posset ingredi Quin imò cum viam septem fere  
leucarum intra diem confecisset, & fatigata, suo alio-  
rumq; comitum judicio prosequi iter nō posse vide-  
retur, intimis animi votis ad prosequendum accensa;  
postridie ita confirmatarum se invenit virium, ut &  
unā pergeret, & totum iter pedes absolveret; domū  
quoque, ut sibi fudit, pedes reditura. Simile in morbo  
dissimili experta Deiparæ auxiliū, Martini Homan  
in Karschau Tolckmitensis agri pago, uxor Anna,  
Verno superioris anni tempore, per sex hebdoma-  
das febris malignæ eò erat deducta, ut sibi rarò præ-  
sens sæpe etiam viribus linqueretur. Maritus ita o-  
mnī destitutam præsidio Deiparæ Lindensi eā condi-  
tione obtulit, ut, vel ipsa, si revaluisset, ac per vires  
posset, vel certè ipsemet profectionem Lindā susci-  
peret. Convaluit illa, & iter aggressa, non pauca illi-  
us milliaria, infantem ulnis bajulans decurrit pedes.  
Idem quoque decurrit iter avunculi sui nomine  
Margareta Virgo, de quā jam alio loco (a) memo-  
ravimus.

## XII.

Etiam catholicæ expertes fidei beneficia  
Deiparæ experti.

Eadem quoq; die inter eos, qui è Ducatu Prussiæ,  
quamvis non catholici, Lindam visitarunt, fuit Gre-  
gorius ex Insterburg. municipii pago, Schœnlinde  
dicto, duabus leucis Allenburgo dissito, pagi præfe-  
ctus, scultetus vulgò dictus. Is jam ante, filis suo ex  
herniâ (quam nulla medicorum ars quamvis sollicitè

B b b 5

adhi-



adhibita curare poterat) diu periculoseque laboranti, per votum Lindam factum, sanitatem impetrat, votoque defunctus jam erat. Cum porro, & gener ipsius, per decem hebdomadas oculis prorsum captus, & filiola duodecim circiter annos nata, morbo comitali gravissimè esset afflicta, utriusque causâ iterum Lindam votum fecit, iterumque sanitatem utrique impetravit. Quocirca & ipse, filiola dictâ, filioque Gregorio comitantibus, Lindam iterum adiit, donaria sua, genibus nixus, circaque majorem Aram ter genibus itidem reptans obtulit, gratiisque actis domum est regressus, salutem à sacra & Mariana Tiliâ, ad pulchram seu decoram itidem tiliam (id enim Schönslinde Germanis sonat) deportaturus. Quo quidem etiam tempore Matrona nobilis Dom. Wierzbinski ex Olecensi municipio conjux, præsentem ac comitantem Lindâ conjuge, quindecim leucarum viam suscepit; & sacellum variis cum donariis ingressa, ter circum Aram majorem obeundo, atque ante eandem in genua procumbendo, suas preces fudit. Multos annos è capite atque oculis laborarat; auditis verò, quæ fama ubique spargit, Deiparæ Lindensis beneficiis, magnâ cum fiducia eò se contulit; præsertim cum ab eo tempore, quo votum adeundæ Lindæ conceperat, plurimum se sentiat adjutam.

## XIII.

Processio gemina; & mulier altera partu, altera feбри levata.

Die ante Cal. Jul. 1 v. ipso sanctorum Apostolorum Petri & Pauli festo, ad cæterorum peregrino-

rum confluxum, gemina accessit processio, altera quidem Glotenenfium è Seeburgenfi. altera verò Maraunenfium è Warremburgenfi municipio; ut in ea hominum multitudine vix fuerit otium aut instituendi de acceptis beneficiis examinis; aut ea, quæ per examen indagata erant, connotandi. Par tamen mulierum consignatum fuit, quarum altera Joannis Althoff cauponis in Glockstein, altera Ludovici Baranowski Smoleinensis & Gurtstadiensis Notarii uxor; illi Barbaræ, huic Hedwigis nomen. Illa provectæ jam ætatis anus, febrem totas quinque hebdomadas vehementem passa, voto Lindam facto convaleuit; ista viridior adhuc ætate primam editura prolem, supra dies sex parturiendo laborabat, ut neque proli neque sibi promittere vitam posset. Utrique tamen vita constitit, ubi de familiarium consilio, vera vitæ genitrix apud Lindam invocata est MARIA: cui proinde supplex uterque parens, vitam & matri & proli servatam in acceptis retulit.

## XIV.

Alia mulier partu feliciter levata.

Pridie Calendas Quintiles Petrus Krüger, è suburbio Brunsbergenfi inquilinus, suo, uxoris, & prolis nomine, votum pedes absolvit. Geminam prolem jam ante biennium uxor fuerat enixa, sed utramque mortuam: cum tertiam paucas ante



ante hebdomadas eniteretur, non de prolis modo, verum & de matris vita agebatur : ita partus dolores & pericula utramque urgebant. Ad beatam proinde Virginem Lindensem patens uterq; votum nuncupat, & proles eodem propè momento meliorem in B. Virgine experta est Levanam.

### C A P V T XVII.

*Ipsa Calenda Quintiles, seu Visitationis B. Virginis pervigilium.*

**L**ibet de Julio præmittere, quæ Macrobius de eodem tradidit <sup>(a)</sup> Sequitur Iulius, inquit ille, qui cum secundum Romuli ordinationem Martio tenente anni principium, Quintilis à numero vocaretur; nihilominus tamen, etiam post præpositos à Numa Ianuarium ac Februarium, retinuit nomen, cum non videretur iam quintus esse, sed septimus. Sed postea in honorem Iulii Caesaris Dictatoris, legem ferente M. Antonio M. filio Cos. Iulius appellatus est, quod hoc mense ad IV. Idus Quintiles Iulius procreatus sit. Cæterum apud Lindam Marianâ Iulius mensium omnium facile princeps est. Licet enim cæterorum quoq; nullus sit, qui peregrinorum affluxu & divinorum ubertate donorum non excelsat, Iulius tamen, vel ob unum visitationis festum, quod præcipuum apud Lindam semper fuit, omnibus palmam præcipit. Nam & ipso festi pervigilio, & consequentibus deinceps octo diebus, plurima supplicantium agmina, processionesquæ, diversissimis ac longè politis ex locis spectari solent. A quibus

(a) lib. I. Saturn. cap. 12.

bus proinde narrationis initium nobis erit sumendum.

## I.

## Variæ Calendis Iulii processiones.

Non carent ceteri, præsertim per æstatem menses, accurrentium undiq; populorum agminibus, supplicantium in morem procedentibus: Iulius tamen vel eo quoq; eminet, quod cum ceteri, familiaribus, & & quasi primæ admissionis, præsertim è Varmienâ Prussîa populis, destinati dicatq; videantur, Iulius etjam exteros, vel longius à Linda se junctos admittere soleat, quod vel hoc anno luculenter potuit cerni Prima omnium hac die processio fuit Meszicensis, è Masovia à novo templo, in silvis Regiis ad Ostrolencensem præfecturâ spectantibus nuper juxta fines Ducalis Prussîæ condito. Cum enim iis in silvis mortales plurimi, quæ pici eliquandæ, quæ aliis mercibus silvestribus elaborandis addicti, perpetuò versentur, qui ad ea usque tempora, perinde à catholicæ religionis usu atque ab hominum, præsertim catholicorum commercio se juncti, nullum in vicino templum habebant, ideoque cum loco mores quoque silvestres ac quasi situm quendam contrahebant; missi ad eorum cultum sunt quidam è Lomzensi Societatis Iesu Collegio Sacerdotes. Quos inter fere primus fuit P. Lucas Zaluskî, Theologiæ postmodum in Academia Vilnensi Professor atque Doctor; qui, quemadmodum verus ille (a)

Silve-

(a) Horat. de Arte.



*Silvestres homines sacer, interpretque Deorum  
 Cadibus & victusado deterruit Orpheus;  
 Dictus ob hoc lenire tygres, rapidosque leones.  
 Dictus & Amphion Thebana conditor arcis  
 Saxa movere sono testudinis, & prece blandâ,  
 Ducere, quod vellet.*

Præterquam enim, quod & silvarum, & vicinorum convictu hæreticorum, efferati propemodum illi homines, ad cultum & Ecclesiæ catholicæ disciplinam reducti sunt, etiam sacra Aedes, de piorum munificentia iisdem in silvis posita brevi est. Apud quàm, ut & Silvestres illi mortales, & vicini quoque instituuntur hæretici, serenissima Polonia Regina Ludovica Maria annuas operariis ejusdem societatis addixit impensas. Qui quidem ut homines illos, quasi ex illa silvarum umbra ad lucem producerent, hodiernum ad B. Virginem Lindensem (tredecim minimum leucarum intervallo, intra fines hæreticorum) deduxerunt supplicantium agmen, pietate juxta ac numero conspicuum P. Sigismundo Marquard è Soc. Iesu totius agminis duce, & quali chorago. Altera processio fuit Graboviensium, è Masoviæ itidem finibus Prussiæ conterminis. Adjuncti iis fuerunt, non pauci è Colnensibus & VVonsosensibus Masoviæ itidem populis; quorum omnium ducem egit admodum R. Dominus Simon Iablonski Parochus, non pauca neque levia ab hæreticis quorum intra fines perpetuo fere incedendum fuit) eo in itinere passus. Tertia fuit Kukendorffensium & Ionken-

dorffen-

Horſſenſium ; qui tres minimùm leucas ultra Allenſteinum ſiti , leucis undecim à Linda abſunt : ſat nihilominus numeroſo & bene compoſito proceſſerunt agmine Quarta Beſoviensium , qui ſtatam quotannis ſupplicationem , hodie , & numero , & non inſuavi paganorum cantu ornant. Quinta Tulæenſium , qui Allenſteinienſis quidem Colonia , ſed Altwartemburgenſis ſunt paraciæ : proinde tam Allenſteinienſium quàm VVartemburgenſium erga B. V. Lindenſem imitantur pietatem.

## II.

Mefzicenſium quidam variis affectû beneficiis.

Beneficiis cum tanta peregrinorum pietate , quantum Deipara apud Lindam ſuam certet , vel hac unâ patuit die ; qua ex iis , quæ in maxima hominum multitudine & ſummis temporum anguſtiis diſquiri notareque potuerunt , quinque ſupra triginta notata ſunt. Et quidem inter Mefzicenfes , quos inter ſupplicantium agmina primos fuiſſe diximus , Paulus Iudaſzik ejusdem loci colonus , & Andreas Freydorzik ſilvarum cultor fuerunt ; quorum hic brachii dextri tantos per octo hebdomadas pertulit cruciatus , ut vitium , quas ad uſum manus adhiberet , vix tantillum ſupereſſet : recepit tamen & vires & brachii uſum , ſimul ac ſolenni Lindenſis voti uſus eſt remedio , iam verò ille , vertigine capitis ,  
per



per quatuor hebdomadas jam à quadriennio recurrente, agitatus, propequæ extra se positus, ubi sub ipsum B. Iacobi Apostoli natalem similis voti remedium adhibuit; tum animi, tum corporis vires abunde recepit. Eodem quoque ex loco Helena Christophori Koslik vidua, cum filio Jacobo adfuit: quorum illa à plurimo jam tempore omnium membrorum atque ossium cruciatibus conflicata, hoc demum anno maximam sensit allevationem, postquam B. Virgini Lindensi supplex votum peregrinationis fecit: iste verò iisdem cum matre morbis, jam à puero exercitus, ut ipsa quoque pedum ossa incurvarentur, nuperrimo autem vere, cum morbus incrementum sumeret, spes quoque vitæ jam decollarat, simili voto ad vitam viresquæ pristinas rediit. Omnes, quantum est itineris pedibus confecerunt.

### III.

Colnensium quoque nonnulli  
adjuti.

Colno Masovia oppidum, aliquot leucis ab-  
iunctum Lomza, è quo sub hoc fere tempus Lin-  
dam commeare quotannis, interdum verò so-  
lenni & composito supplicantium agmine solent  
procedere: non sine magno pietatis æquæ ac con-  
stantiæ argumento, maximam sedecim leucarū par-  
tem inter hæreticorum cuneos emetiendo. Inter eos,  
qui hoc anno inde advenerant, fuit matrona no-  
bilis Ioannis VVykowski, viri itidem nobilis  
vidua, & Martinus Zaleski, dicti oppidi  
civis.

ivis. Illa quatuor ante annos, intenso ſenum hebdomadarum morbo, uſque ad mentis alienationem redacta, voto, quod Lindam pepigerat, animi corporiſque viribus reſtituta, peregrinationem, quam juſtis de cauſis hucusque diſtulit, jam tandem abſolvit: iſte verò, ante triginta circiter annos, ulceribus tempore graſſantis tum peſtis contractus, non niſi fulcris ſubalaribus niti, ac gradum facere per triennium potuit. Sponſonderat ſe Czestochoviam peregrinatum, morboque relevatus erat; verum cum illuc pergere turò non poſſet, et jam ſi iter ſemel ingreſſus jam eſſet, Lindam jam tertium voti ſolvendi, agendaſque gratiarum cauſâ accedit.

## IV.

Graboviensium quibusdam collata  
beneficia.

In ſupplicantium Graboviensium agmine fuit Petri Pierikowsky viri nobilis conjux Sophia: quæ ante ſex annos. edito primo partu multis conflictata morbis, potiſſimum verò tumore pedum umbilico tenus afflicta, per octo circiter hebdomadas movere ſe loco, viribus ſuis nuſquam potuit. Voto peregrinationis Lindeniſis edito, reddita eſt ſanitati priſtinæ: Verum cum illa votum reddere cunctaretur, non cunctabantur dolores ac morbi recurrentes ad eſſe ultores. Quare animo tandem ſumpto, in viam ſe dedit, & quindecim circiter leucas pedes Lindam uſque confecit. Tantumdem itineris pedes quoque confecere Wyłowaty, Paraciz Graboviensis pargo, Catharina Franciſci, uxor, & Agnes virgo, Jacobi



Smolinck viri nobilis filia. Illa provecta jam ætatis mulier, ante decennium vi ulcerum, quæ caput operaverant, sinistrum amisit oculum, amissura hoc anno etiam dextrum, morbis iisdem recurrentibus; nisi voto in tempore Lindam præmisso, haud longè jam posito occurrisset exitio. Jam verò Agnes caput & oculos propè biennium miserimè affecta, & continuo affixa lecto, lucem nonnisi per quandam quasi nebulam intueri poterat. Voto cujusdam sacerdotis Lindam destinata, confestim lumen oculorum intergrum recepit, doloribus capitis, quasi quodam mali vestigio nonnihil relictis. Pedes, uti diximus, quindenum leucarum viam emensa, matris quoque causâ donarium & preces Lindæ adjecit, ut opem, quam in se experta jam est, matri, quæ interno ulcere diu cruciatur, imploraret.

## V.

Plerique nobiles è majore Skroda beneficiis cumulati.

Ad Graboviensem quoque Paræciam spectant villæ, quæ major Skroda appellatur, incolæ. Hos inter Stanislaus vir nobilis proximis à Pentecoste diebus, lecto per quatuor hebdomadas affixus, colicis, iisque acutissimis doloribus ad extrema jam adductus, nil nisi mortem opperiebatur; cum morti jam proximæ ac fere præsentî, admodum R. D. Simon Jablansky Parochus Graboviensis, voto Lindam nuncupato, intercessit. Ab eo enim momento, æger ad se rediit, & nunc undeviginti leucarum iter pedes absolvit. Pedes quoque tantundem itineris matrona pro-

pro-

propè sexagenaria, Domini Jacobi Skrodzky nobilis indidem viri uxor Anna, quæ convulsis gravi lapsu visceribus, & continuo sanguinis profluvio animam propemodum ipsam profuderat. Nemo erat, qui non morti proximam censeret; quippe, quæ vix animam præ ingruentibus pertinaciter deliquis trahebat. Resumpsit tamen à voto Lindam factò, & vitam, & vires; ut tantæ ætatis mulier, pedes tantum conficeret itineris. Parem eodem in loco, nec dispare omnino fortunâ, expertæ sunt Divæ Lindenſis benignitatem Sophia Petri Sokoleik, & Marina Domini Stanislai Skrodzky viri nobilis filia: quarum hæc omnium, dempto capite membrorum, maximè verò manuum ac pedum cruciatu afflictæ, per viginti hebdomadas loco se movere non potuit; illa verò jam à triennio, pedibus maximè hiberno tempore, graviter ægra, proximo verò vere etiam caput & oculos vehementissimè affecta, per hebdomadas sex, interdum præteritum, vix intrinsecus ac cernere quidquam potuit. Utraque votum Lindam nuncupavit, utraque exinde sibi restituta (ita ut Marina dolore capitis omnino libera, aliqua doloris vestigia in suffusis nonnihil oculis retineat) tanti itineris molestias eundo redeundoque animosè pertulit.

## VI.

Lachoviensium quidam eadem beneficia experti.

Simon Gawlik è Brzozowo Lachoviensis Paræciæ villa colonus, & Adami Kumielsky nobilis in eadem paræcia viri conjux Dorothea, dicto supplicantium agmini erant adjuncti; ut junctis animorum



votis atque precibus, communem omnium venerarentur auxiliatricem. Et Dorothea quidem octo ante annos febri ardentissimâ prope confecta, jam veluti moricura super stramen humi fusum deposita erat: simul autem & in privatis precibus, & in sacro Missæ sacrificio Lindenſi Patronæ causa ejus fuit commendata, subito ater suffragii calculus in candidum versus, & illa absoluta, quam vis gravatè, pedes nihilominus Lindam usque absolvit iter: Simon verò totâ superioris anni Quadragesimâ ad ipsius periculum mortis decubuit. Haud longè viâ aberat, quâ ad Æternitatem citra reditum, profectio est: quam ille tamen per votum interpositum in Lindenſem commutavit, sanè perquam felicissimè. Et jam superiore anno viam hanc eensus, ut grati animi iterum ederet monumentum, remensus hoc iterum anno est.

## VII.

Nobilis è Visnensi tractu, pares gratiæ præstitæ.

Non potuit sine magna plurimorum admiratione, in tanto peregrinorum undique affluentium numero propè innumero, spectari nobilissima è Masovia finibus matrona, illustris & magnifici Domini Marchiæ Grondzky, Visnensis, ut vocant, districtus Proprefecti conjux Catharina. Quamvis enim humili cultu, qualis nimirum peregrinos addecer, non humilitamen, & ad perferenda aspera viarum animo, & ad contestandam in Deum Dei que Matrem pietatem studio, provecta jam ætatis mulier, tum duodeviginti leucarum iter pedes decurrit; tum apud Lin-

Lindam pro præstitis sibi, suoque è filia nepotulo Alberto, beneficiis gratias egit. Nam & ipsa octo jam ante annos gravissimis capitis doloribus, per quàm vehementer exercita, voto ad B. V. Lindensem edito convaluerat; votoque jam illo ipso anno defuncta jam erat. Nepotulus verò, variolis & pustulis ante triennium oblitus, cum illæ intrò se recepissent, & merum putumque pus in os, oculos, auresque redundâisset, omnium sententiâ morti jam destinatus, voto per matrem aviamque Lindam concepto, incolumis evasit, & nunc septennis puerulus sospitatrici suæ gratias apud Lindam egit. Ejusdem si non itineris, certe pietatis comites fuerunt Jacobus Bukowsky de Bukowo, & Simon Bukowsky de Lempice, nobiles ejusdem Viśnensis provinciæ viri. Ille plantam dextri pedis, securi fortuito læserat: vulneri quamvis non admodum gravi, minùs tamen rectè curato, lacer ignis se affuderat, ut non modò pedem, verùm & corpus totum vis mali pervaserit: adeoque ille amissâ vitæ. Ipe, pueri instar per hebdomadas quinque fovendus fuerit. At ubi vorum Lindenſis peregrinationis successit, fomentis opus non erat; reddita sanitas ita est, ut ungues atque cutis toto illo pede ad femora usque defluerit. Quo tamen ille pede, nunc iter quindecim leucarum emensus, voto Lindæ solutus est. Simon verò lue pecoris ab aliquot jam annis miserè affectus, votum peregrinationis Lindenſis, superiore anno, apud se agitabat; neq; tamen ad edendum tunc votum permoveri potuit; permotus tandem hoc anno; quando recrudescente iterum lue, nihil cunctandum ratus, simul cum voto salutem pecoris.



coris recepit, & simul solvendi quàm primùm voti consilium, quàm constantissimum cepit; quemadmodum hodie ritè solvit.

## VIII.

Lomzensium nonnulli adjuti.

Andreas Zakalinsky è Plocensi juxta Lomzam Paracia, anno proximè elapso ter oculorum dolore, haud sanè leni tentatus, parumque remediis undique admotis in sua illa calamitate adjutus, adjutus denique est voto, quo se Deiparæ Lindenfi obstrinxerat. Quo ut expediretur, duodeviginti leucarum iter, quanquam pedes, lætus tamen & incolumis expedit. Pari felicitate ac facilitate expeditus est Joannes Gregorii è Drombrowa pago, in eadem Provincia sito, filius morbis suis; quibus à triennio per aliquot menses recrudescentibus vexatus est, quoad vis malè in ulcera demum erupit, & brachium dextrum cum axilla miserè iisdem affecit. Sed & Anna Gabrielis Lemausky, ferrariæ officinæ in eadem provincia præfecti uxor, malignâ lue per hebdomadas tredecim haud minùs miserè affecta, neque sensuum viribus, neque corporis motu per octo hebdomadas pollebat. Amicorum consilio atque votis, Divæ Lindenfi commendata, sibi que restituta, haud ita multò post, quamvis dentium cruciatu gravaretur, tredecim leucarum viam ingressa, & in ipso itinere, etiam dolore illo dentium levata pro tam varia sibi præstita beneficentia, varias Deiparæ apud Lindam egit gratias.

IX. Lipni-

## IX.

Lipnicenſium plures variis affecti gratiis.

Lipniky villa eſt, ad municipium, fortasſe & ad Paræciam Colnenſem ſpectans; ad quam plures, à Linda Mariana derivati ſunt divinarum rivuli gratiarum. Simon Maſtzeſky totam æſtatem cum feбри, aut potius cum morte, ſuperiore anno, conſtitatus, auxilio Divæ Lindenſis, cui voto obſtrictus erat, victor evaſit Joannes Soborka, minore aliquantò periculo ac tempore æger, jam nunc pedibus, quibus inſiſtere non poterat, totum emenſus eſt iter. Dextro potiſſimum pedi ulcus fœdum inſederat, & tumorem propè incurabilem adduxerat: ſpes certè curationis nulla jam reliqua erat. Spes tamen, & curationis, & ſanitas propè redierunt, ubi ille Lindam cum voto properavit. Nec minus eodem cum filio filiaque ſua properavit Urbani Turowſky, prætoris in eo loco uxor Urtula. Atque ipſa quidem manum ac genu dextrum, per annos decem peſſimè affecta; filius verò Paulus anno proximè evoluto ad mortem uſque æger; denique & Marina filia tredecim annorum puella, quotidianâ, quæ per biennium tenuerat, feбри, voto ſigillarim pro unoquoque Lindam edito, ſunt relevati. Cui quidem voto, ut quàm exactiſſimè reſponderent, totum iter Lindam uſque pedeſtre illis fuit. Adjunxit ſe ejusdem itineris comitem quindecim annorum puella, Anna, Joannis Brdoch cauponis in eodem pago filiola, & tanquam à mortuis revocata, cum lacrymis Deiparæ Lindenſi coràm eſt gratulata. Anno proximè elapſo, morbo



quatuor hebdomadarum confecta, ter visa est animam efflavisse: unde mater filiam jam omnino defunctam rata, reliqua vitæ servandæ præsidia adhiberi veruit. Aliorum nihilominus consilio persuasa, filiam B. Virgini Lindensi permisit offerri. Quod ubi factum, filia ad se rediit; & ut præsentem orationem Dominicam recitarent, inclamavit. Ab eo tempore sana, totum iter pedibus Lindam usque est emensa. Quacum, in eodem quasi stadio, certare visa est Agnes Joannis Kasprzik ex eodẽ pago filia; quæ variis morbis, potissimum verò feбри supra annum detenta, ubi votum Lindam nuncupavit, levare sensim morbo capit: ubi verò iter, quanquam dubiâ adhuc valetudine est aggressa, morbus omnino recessit. Quid verò quod decrepitæ jam ætatis vir, nec minùs afflictæ valetudinis, Simon Szafranck, quasi de cursu eodem in itinere contendere videri potuerit cum juvenculis & supra tres annos pedem sinistram, interiore, ut ille appellabat, ulcere cruciatus, progredi non nisi ægerimè potuit; adeo quæ perinde, quanquam baculo nixus, lapsare potius, quàm consistere videbatur. Paucas ante hebdomadas voto simul Lindensi obligatus, simul omni morbo solutus est.

## X.

Aliquibus, partim è Subsilvania, partim è Masovia succursum.

E Subsilvania quidem viri nobilis Samuelis Strubicz è Branscensi Provincia conjux Marina; è Masovia verò Agnes viri itidem nobilis Pauli Chacik in Obiedzino conjux. Et illa quidem tum suo, tum filiolis

lioli sui Ignatii nomine, votum solvit: nam & filiulus morbo diurno ad mortem fere prostratus erat, & mater duarum hebdomadum morbo, vere nuperissimo ad idem usque deducta periculum, voto Linden- si restituta sibi, tum in filio, tum in se est. Jam verò hæc superiore anno tanto capitis est dolore exagitata, ut toto propemodum vere, non videretur præsens sibi esse, dolorque omnis in oculos demum è capite redundaret. Et oculi quidem quasi laburâ oppleti, non tam dolore, quàm molestiâ quâdam incredibili (quam & orbitas ad extremum secuta est) cruciabantur. Remiserat nonnihil malum, ita ut hoc anno gravius recrudescere videretur. Cui ut tempori occurreret, ad B. V. Lindensem recurrit; & voti rea, quindecim leucarum iter nonnisi pedibus altro citroque decurrendum suscepit.

## XI.

Varii in Prussia variè adjecti.

Deipara Lindensis, quæ aliis extra Prussiam, uti vidimus, beneficiorum suorum fontes ita benignè aperit, nunquam eos constitutis in Prussia, hoc est, singulari jure, suis, claudere potest. Paucos, qui eâdem die referri in commentariolos potuerunt, hîc quoque referemus. Gregorius Lang Waltersmuhlen- sis in Guttstadiensi agro prædii curator, ejusdem- que conjux Elisabetha, suo filiique sui nomine, gratias Deiparæ cum votis persolverunt suis. Elisabetha biennium fere integrum, dirissima viscerum tormina cruciatusque perpeffa; & salutem, & vitam insuper ipsam Deiparæ in acceptis refert. Jam enim per he-



hebdomadas quinque extra sensus posita, nullâ nisi il-  
 lius ope, quam supplex implorârat, lustralisquæ aquæ  
 haustu, & vitam & salutem recepit. Filiolus verò un-  
 denis, ab ipsa infantia morbo cotiniali vehementer  
 torquebatur: patentes eum annuâ, quoad vixerit, ad  
 Lindensem Ædem peregrinatione obstrinxerunt,  
 & sanum exinde receperunt. Unde jam à decennio  
 matri quorannis Lindam usque comes adjungitur.  
 Georgius Gronitzky in Rosengarten hortulanus,  
 per tres annos vehementissimos brachii dextri cru-  
 ciatus perpeffus, usum brachii totius jam amiserat;  
 verum & usum & sanitatem integram recepit, ubi  
 Deiparæ præsidium, quod implorârat, accessit. An-  
 dreæ Lech, qui in Schonwald Allensteinensis agri  
 pago præfectum agit, uxor Lucia, per hebdomadas  
 circiter quindecim morbo ante triennium confecta,  
 tanquam morti proxima, bis ad extremum agonem  
 sacro erat oleo inuncta: simul autem, atque tum alio-  
 rum, tum suo quoque voto ad B. V. Lindensem con-  
 fugit, mox & sensibus, quibus orbata jam erat, & vi-  
 ribus, quibus etjamnum integris mulier sexagenaria  
 fruitur, restituta est. Georgius Albertus, defuncti jam  
 Arnoldi Walther, Cæsarei quondam centurionis fi-  
 liolus, à matre Anna, muliere in Boëmia juxta Pils-  
 nam nata, tanquam voti reus, Deiparæ coram obla-  
 tus est. Uterque pes, maximè verò dextrum genu su-  
 pra duodeviginti menses sædissimè exulceratum, aut  
 potius gangrænâ exesum, nullâ vi humanâ, quæ variè  
 adhibita, curari potuit, jamquæ matri perinde ac cæ-  
 teris adempta spes vitæ erat. Qua de causa mater  
 Deiparæ supplex, ejusdem arbitrio vel celerem pue-  
 ri mor-

ri mortem, vel sanitatem committit. Vitam & salutem, vera vitæ Mater conferre maluit : unde puer, paucis à voto mensibus sibi planè restitutus, sedecim leucarum itinere matrem pedes comitatus, Lindam incolumis atque alacer venit. Martini in Surenbaum Seeburgensis coloniae pago hortulani uxor Anna, decem ante annos cæcitate repentinâ percussa, lumen cæli biennium integrum videre non potuit : vidit postliminio, ubi mentis aciem ad Deiparam Lindensem intendit. Inde enim lux etiam corpori affulsit ; quò quidem & illa quotannis, ut grata sit, peregrina accedit. Denique & Susanna è pago Koskow juxta Bialam oppidum in Ducatu Prussiae sito, quamvis non catholico, mulier catholica, intimo, ut aiebat, ulcere pedem ante quadriennium dirissimè affecta, adeoque omnium meru ac sententiâ pedis usum amissura erat ; quando quidem remedia undique adhibita nihil profecerat, profecit tamen remedium Lindæ peritum. Inde enim jam ab emissio peregrinationis voto, pes restitutus omnino est ; quo etiam illa pede duodeviginti leucarum iter probè ementa est.

## CAPUT XVIII.

Sex Nonarum Quindilium dies, & Visitationis B.V.M. festum.

I Am proximo capite innuimus, Julium mensem, vel obunum Deiparae Elisabetham Visitantis festum, primas sibi inter menses anni apud Lindam vendicare. Cæterum quo major est, eo, sequentibusq; octo die-



diebus populi undique affluentis multitudo, eò plus est operariis Lindenſibus operæ atque laboris impendendum, & minùs relinquitur ad connotanda explorandaque beneficia divina temporis, quocirca & hîc omnia paucis attingenda.

## I.

Præcipuæ ſupplicantium intra hos dies  
Proceſſiones.

Quandoquidem ad VI. Non. Jul. ipſo videlicet feſto Viſitationis, nimia eſt populorum, non modò è Prussia, verùm & ex aliis Regni Poloniæ provinciis confluentium multitudo, commodè factum eſt, ut annuæ, quæ hâc die fieri ſolebât, Proceſſiones, in poſteriores transferrentur dies. Et tamen, ne ſic quidem ſatis adhuc proſpectum eſt, ſive operariorum, ſive etiam ſupplicantium commoditatibus; cùm in unam quandoque diem plura ſupplicantium agmina concurrant; quemadmodum hoc anno ad IV. Non. Quintil. novena ſimul concurrerunt: quorum quaternæ civitatum, reliquæ pagorum variorum erant. Ac primi quidem illâ die, quæ in Dominicam incurrebat, adſuerunt Allenſteinentes, qui quanquam magnis octo leucis abſint Lindâ, nullo tamen anno publicam hanc ſupplicationem, quæ & numero & dignitate ſupplicantium, eû quavis aliarum civitatum facilè certaverit, intermittunt. Ductor ejus agminis hoc, præcedentibusq; annis fuit à Imodum R. D. Euſtachius Rauſch, Archipreſbyter Parochus, & S. Theol. Baccalaureus. Proximè conſecuti ſunt tum

See-

Seeburgenses, tum Bischburgenses, usitatâ, hoc est, insigni pietate, & frequentîâ; horum Ducem egit admodum R. D. Valentinus Majewsky Parochus, illorum verò admodum R. D. Joannes ab Harten, Archipresbyter Parochus, & unâ Camenacensis Canonieus, uterque nobili apud Varniam genere ortus. Accesserunt extra ordinem Resselienſes, qui ad statas quovis anno Processiones, quintam hoc anno ob ingruentium undique belli periculorum metum adjecterunt, duce & auctore admodum R. D. Sigismundo Forſchero Archipresbytero Parocho. Interea adfuerunt eâdem die Francknovientes duce admodum R. D. N. Matakowsky, Ramſovientes ductore admodum R. D. Parocho suo, Kellenſes duce admodum R. P. Andrea Krajewsky, Leginenſes, & Fredemburgenses ducibus locorum pastoribus. Quibus postridie ad xiii. Non. Jul. successerunt ex Allenſteinenſi agro tum Klebergenſes, tum Bertingenſes, Parochis locorum ductoribus.

## II.

Gemina intra S. Ædem Lindensem curatio,  
miraculo similis.

Ipſo die Viſitationis B. V. intra ipsam Deiparæ Lindensis Ædem, geminum est beneficium agris præstitum; quod non nisi miraculi instar ab omnibus est habitum. Anna nobilis & generosi D. Bosky uxor, perillustri ac reverendissimi D. Alberti Pilchowicz Episcopi Hipponenſ. & Suffraganei, Vicarii generalis, atque Canonici Varmienſ. germana soror, filiolam infantem jam per annum febri perpetim laboran-



rantem, secum adduxerat, ut ope B Virginis sanam reduceret. Reduxit enim vero; intra ipsam quippe Eodem sacram ardor febrilis restinctus est, omnibus admirantibus, matre verò etiam insuper lætitiâ gestiente. Plus tamen admirationis habuit sanitas Andreæ Berge eodem collata tempore ac loco, is quidem in Ducatu Prussiæ, hand procul Lindâ, intra oppidum Sehisten natus, & in Lutheri secta à puero nutricus erat; sed à viginti quinque annis ad catholicam regressus Ecclesiam, operam suam atque obsequia illusterrimo Domino Ludovico Zielensky, Castellano Sieprensi addixerat, & in Krukowo, à sanctæ memoriæ B. Stanislai Kostka heredibus empto fundo rei oeconomicæ præfectû agebat. Incertum, anginâ, vel potius ulcus aliquod collum hominis infederit, ac fauces undique occupârit; ut parum abfuerit, quin suffocaretur, aut etiam fame enecaretur; quippe, qui per viginti quinque hebdomadas cibum, potumvè nullum capere, nec nisi vino guttarim instillato refocillari utcunque potuerit. Non deerant remedia undique conquisita; nam & Varlaviâ & Gedano consilia juxta ac medicamenta sunt adhibita: omnia tamen incassum. Interim homini juxta Lindam nato, Lindæ, Lindensiumque beneficiorum memoria subit, & simul suo, aliorumque consilio, votum peregrinationis concipitur; pauloque post Lindam versus corripitur iter. Ubi in Sehisten ventum, doloribus noctu, pro more ingravescentibus, clamores quoque pro eodem ægri more, totâ ingravescebant nocte, ut neque ipse, neque intra ædes quicumquam vel tantillum quietis haberet. Ubi diluxit, prosequutus est iter; & cum Lindam octavâ circiter ante

meri-

meridiæ horâ venisset, sacellum ingressus, Aram majorem supplicabundus ter obiit: mox quasi animo linqueretur, captandæ auræ causâ extra sacellum se proripit. Et ecce! simul ac sacello pedem extulit, rupto, quod fauces collumque obsidebat, apostemate, sonitus circum caput hominis increpuit; ut homo caput sibi fissum ratus consterneretur, & manus, explorandi causâ, capiti quidem primum, tum deinde collo admooveret. Interim triplici, quod crepuerat, vulnere omnis è collo sanies, instar fictilis, ut ille agebat, ollæ, cum strepitu atque imperu vehemente excidit in terram; eodemque momento & guttur & fauces laxatæ, ut cibi potusque desiderium vehemens sequeretur. Vicinum quocirca sacello fontem adit, & haustâ inde aquâ sese refocillat, alligatisque fasciâ vulneribus, sanus jam ad sacellum regreditur; miraculumque circa se factum omnibus, sed maximè perillustri & adm. R. D. Ludovico Fantonio, Varmienâ Canonico & Administratori Allensteinensi ac Varsavienâ Custodi, coram præsentibus, magnifica cum divinæ bonitatis prædicatione & gaudio enarrat.

## III.

Masoviorum quidam gratias experti.

Nobilis vir, cujus tamen nomen adnotatum non est, tamen mihi quoque, multis præsentibus atque audientibus rei seriem coram enarrârit, biennium integrum captus oculis, nobilissimam totius corporis partem, quanti oporteat æstimare, non tam fruendo didicerat, quàm carendo. Nobili quocirca ausu, vel potius in Deiparæ præsidio fiducia, aciem mentis Lindam versùs flectit,

& vo-



& voto peregrinationis edito, corporis quoque acciem recipit: quâ prosperè usus, viginti propè leucarum viam, pedes decurrit. Brevius aliquanto viâ stadium, sed non minùs prolixâ in Deiparam observantiâ, ac pietate decurrerunt, tum Sophia matrona propè sexagenaria, nobilis viri Domini Stanislai Gromadzky, de Gromadzino vidua; tum Anna virgo, nobilis item viri D. Joannis Kielezowsky filia: utraque enim è Colnenſis in Maſovia territorii finibus, venerat; & pedes utraque, quidquid Lindam utque interjaceret spatii, confecerat, quia utraque ſingulare Divæ Lindenſis beneficium experta. Sophia enim, plerisque de familia, ante biennium peste tublatis, voto ad B. V. interpoſito reliquos omnes ſervavit; ut ab ea hora, ne quidem unicuique, ex ulla ſubditorum domo, mortuus ſit. At verò Anna per medium circiter annum omnium artum, ſed præcipuè capitis cruciatibus exercita, vel potius jam proſtrata (quia majorem temporis illius partem decumbere coacta) ſimili voto, ad ſe viresque rediit. Neque aliud remedium profuit Catharinæ Joannes Marcik coloni in Lipkniky uxori; quæ totum corpus, ſed caput in primis atque pedes, totum ſuperioris anni autumnum ægra, identidemque decumbere compulſa, animique deliquiſ, frequentibus æquè ac gravibus, ad extrema jam redacta, cujuſdam ſacerdotis voto, ejus nomine Lindam nuncupato, priſtinæ redditâ ſanitati, nunc pedes iter omne abſolvit.

## I V.

Seeburgensium quidam variis affecti  
beneficiis.

Thomas Underkau, è Kunigkendorff Seeburgensium municipii pago hortulanus, cephalalgia pluribus jam annis laborans, tinnitu, ut sibi videbatur, intra aures identidem personante, graviter afficiebatur. Posteaquam, à quatuor circiter annis Lindam frequentare ex voto cepit, cepit unà melius habere; & novum semper inde experiri allevamentum. Cujus etiam causâ frequentius Lindam adit, ut frequenter allevetur. Non minorem ex eodem municipio allevationem expertæ, tum Dorothea Nicolai Beer ex Polkhaim, tum Elisabetha Simonis Fischer, ex Proffitten filia; illa enim malignâ tredecim hebdomadam febris, propè ad mortis periculum deducta, hæc verò eandem per undecim hebdomadas, minus quidem periculosè, at non minùs graviter passa, utraque implorato Deiparæ auxilio sanata est. At verò Matthæi Schipp Besoviensis coloni uxor Clara, non sibi modò, verùm & proli id ipsum salutare auxilium sensit. Quaternam prolem vel omnino non vivam, vel ad lustrales Baptismi aqua tantummodo vivam protulerat: ubi Lindensem imploravit, quasi Lucinam, geminam deinceps enixa est prolem, non modò vivam, verùm & valentem, & ab undecim jam annis, peregrinationis annuæ perpetuò comitem.



## V.

## Gustadienſes varia conſecuti beneficia.

Bartholomæus Knobloch, è venerabilis Capituli Varmienſis pago Steinberg dicto colonus, quatuor propemodum annos, cum aliis morbis, tum maxime cruciatibus (spinæ dorsi attritus, per ſeptendecim hebdomadas, neque ſe ſtrato commovere, poſtmodum verò neque humi, neque alibi jacendo invenire quietem potuit. Invenit denique non quietem modò, verum & ſalutem, ubi ſub Lindæ Marianæ umbram, edito voto, ſe recepit. Umbram eandem, in phrenitide ſibi ſalutarem expetitus Martinus Schepper, in ipla civitate Guſtadienſi ab obſequiis hoc tempore verſatus. Non erat quidem diuturna, ſed vehemens admodum febris, quæ hominem, intra hebdomadas tres, de ſtatione mentis dejecit. Reſtitutus eſt, ubi votum Lindæ revilenda fecit.

## VI.

## Allenſteinenſium nonnulli, beneficiorum participes.

Pridie Non. Jul. adfuerunt, tum Georgius, Andræ coloni è Kleberg filius, tum Dorothea Georgii Bimhoff è villa Thomsdorff uxor. Et hæc quidem pedem ſacro affectum igne, cum aquis miſiſſet, ad exulcerationem & gangrænâ uſque corruerat; ſed reſtituit eundem voto Lindam edito; ut Bertingenſis paraciæ, ſupplici jam admitta agmini, totum iter perdes confecerit. At verò Georgius apoſtoma enorme, palmos aliquot ſub dextra aure prominens habuit; &

inde

Unde non dolorem modè acerrimum, verùm & opprobria quorundam (anserinum illi collum, nescio quo factum) palàm objectantium amaro prorsum animo passus est. Accessit ad hæc, non leve vitæ periculum, cum malo ad obstruendas fauces producto, vix aliquid potionis, cibi omnino nihil, per octo minimum dies admitteret. Sola desperatis in rebus ad B. V. Lindensem supererat spes; cui postquam se voto dedicavit; qui ab ipso Domini Natali, ad Pentecosten usque miserrimè habuerat, revaluit, ut vix tenus morbi vestigium, Lindam, què pedes accessit, secum attulerit.

## VII.

Vormditenfes quoque variè adjuv.

Simon Taulch Vormditensis, annos per plures, non sine magnis animæ corporisq; periculis, Germaniam longè lateq; pervagatus, cum sæpe hæreticos inter versaretur, ac, ne quid ex illa hominum lue, sibi quoque afflaretur noxa, vehementer pertimesceret, votum peregrinationis ad B. V. Lindensem (si animi præsertim, sibi incolumitas constitisset, & incolumis revertisset in patriam) nuncupavit. Profuit homini ista in Dei Matrem pietas, non enim animam duntaxat, verùm & corpus, cum plerosque variè ante se contrucidatos non rarè vidisset, incolume servavit. Qua de causa, vixdum in patriam redux, peregrinationem nonnisi pedes Lindam absolvit, ipsis Nonis Quintilibus. Quà die etiam Gregorius Schilp à Dietersdorff Vormditensis agri pago advenit; qui tantis capitis cruciatibus ante triennium affligtus est, ut vix sui compos esse, discernere



sanè, diem inter ac noctem latis non posset. Poruit tamen nonnihil sibi redditus discernere, quo loco malis suis quærenda essent remedia; quando Linden- sis Deiparæ imploratâ ope, melius habere continuò cepit. Quod ipsum iteratò quoque fecit, cum febris admodum periculosa nec minùs diuturna, hominem invalit. Neglectis enim, quæ incassum aliunde quæ- fierat, remediis, ad suam iterum Liberatricem recur- rit; iterumque perlanatus, ut gratias ageret, totum iter pedes Traumburgo, unde oriundus est, decur- tit.

## VIII.

Meelsaccensibus præstitum auxilium.

Andreas Everlein arcularii Meelsaccensis conjux Anna, non vanum in partu metuebat periculum; quod, ut sperabat, voto Deiparæ Lindensi edito facile avertit; ideoque & partum solito experta leviores est, & uberiores apud Lindam gratias egit. Non minores tamen gratias egit Ambrosius Thater è Meelsaccensis agri pago Hechstern dicto colonus; quippe majoribus ope Deiparæ malis erutus. Maleficæ cu- jusdam (quæ demum flammis addicta, hoc quoque crimen falsa est) operâ, & insanis artibus, ad incitas redactus, plus dimidio anno quietem nullam, nisi decumbendo, capere poterat, tantum adest, ut agricul- turæ, aut promovendæ rei familiari operam da- ret. Quod poruit unum, à Deipara Lindensi contra fascinos, & maleficia omnia, præstidium imploravit; & non gravatè, quemadmodum Linda palàm fassus est, obtinuit.

## IX.

Brunsbergenses votorum compotes.

Ipsis Nonis Quinctilibus Andreas Jetchke, civis  
Brunsbergensis, edictum filii sui Andreae nomine vo-  
tum, Lindæ reddidit. Ante tredecim circiter annos,  
variolis ita oblitus erat filius, ut luffuso undique val-  
tu, de oculis videretur plurimorum iudicio esse jam  
actum. Verum parens acutiùs mentis aciem inten-  
dens, in B. V. Lindensi advertit reconditum filio suo,  
non modò collyrium, sed & contra omnes calamita-  
tes alexipharmacum. Neque spe fraudatus est suâ:  
ideoque gratias Deiparæ acturus, quindecim leuca-  
rum iter pedes est emensus. Vnâ circiter leucâ minus,  
sed jam ab undecim continuis annis emetitur Mat-  
thæi Lang, è Bleisheym vicino Brunsbergæ pago  
coloni uxor; quæ ante illud tempus, tum puerpera-  
rum exposita periculis, tum gutturi & faucium do-  
loribus miserè affecta, in una B. V. Lindensi præfi-  
dium tot malis abunde invenit.

## X.

Hæreticis quoque non negata auxilia.

Eâdem die, sed non eodém è loco, plurium anno-  
rum usu confirmatam ad B. V. peregrinationem ob-  
ierunt, quamvis non catholicæ mulieres, Barbara è  
Peterkaim hortulani, & Dorothea Georgii Hubner,  
è minore Rosenthal, agri Rastemburgensis villa, in-  
quilini ac fidicinis uxor. Hæc tum suo, tum filiola  
Dorotheæ, quam habebat peregrinationis comi-  
tem, nomine, quasi pensum quoddam annuum, Deo



ac Deiparæ perfolvit. Mater enim veneno per malef-  
 ficium propinato contabescebat, ut nulla vitæ spes  
 reliqua esset; filia verò variolis faciem totam, non  
 tam opulentibus, quàm crustæ instar obtegentibus,  
 non levi in periculo versabatur; utrumque feliciter  
 depulsum est; non alio, quàm voti Lindam facti præ-  
 sidio; quid restauratâ quotannis peregrinatione tuto  
 àmploratur, tum confirmatur. Jam verò Barbara, fi-  
 liam quoque viæ peregrinationisquæ comitem ad-  
 duxit: præsertim cum & filia (quemadmodum plures  
 ante annos mater) vehementibus capitis doloribus  
 vexata, requiem & levamentum Deiparæ ope inve-  
 nerit. Quod ipsum quodammodo in se experta alia  
 è Ducatu mulier non catholica, Joannis Furlacieni &  
 Tauri Rheinensis castri pago uxor Anna. Duodecim  
 enim hebdomadas febrim passa, voto Lindam facto  
 liberata; cum votum sive negligentiam suam, sive variis  
 intercurrentibus obstaculis differret, febrî hoc ite-  
 rum anno recurrente, Lindam novo iterum voto re-  
 currit; exindeque sanè, non amplius procrastinan-  
 dum aut cum Divis ludendum rata, quantocyus Lin-  
 dam iter instituit.

## C A P U T XIX.

Octo Iduum Juliarum dies.

**N**onas Julias, quæ etiam *Nona Caprotina* dictæ, ex  
 causis à Macrobio (a) Plutarcho (b) allatis, ex-  
 cipiebant apud Romanos Ludorum Apollinarium  
 dies consequentes; quibus Ludis vetus illud, quod in  
 pro-

(a) lib. I. c. ap. II. (b) in Romulo.

proverbium deinde abiit, natum est, *salvares, cum saltat senex*. Salva prorsum, apud Lindam Marianam res est, ubi Deo, per Matrem suam operante, non modò senex, verùm, ut divini vatis (a) utamur verbis, *salit sicut cervus claudus*. Quod cum aliàs non raro, tum & his diebus factum jam videbimus.

## I.

Claudis quibusdam subventum.

Ipsa vorivæ Tabellæ his diebus oblata, claudorum curationem attestantur. Nam ad vi. Id. Jul. effigies pedis, ex argento expressa, cum adjuncta catenula, dedicata, & Aræ majori affixa est; haud dubiè, obdepulsam aliquod pedum vitium. Sed & ad xii. Idus Julias virgo quædam Brunsbergenfis, eadem de causa, cum adnexa catenula parvam pedis effigiem, anathema suspendit. Eâdem quoque die Dominus N. Nenchem Consul Heilsbergenfis filius, & ipse, suoa inter cives spectabilis, non alia de causa peregrinatione suâ functus est. Prius, quàm jugum subiisset matrimonii, sive ischyade, sive aliis coxendicem infidentibus doloribus, ad claudicationem usque aliquam est adactus. Eques quocirca Lindam, non sine maximis doloribus zgrè pervenit; sed ubi supplex Deiparæ factus Lindæ est, citra omnem dolorem, ac planè sanus remeavit domum. Jam matrimonii implicatum iugo idem, aut similis morbus occupavit, & ad terram nonnihil inflexum, præsertim ambulatrem, tenuit; eâ pertinaciâ, ut nihil herbis, nihil aliis

Ddd 4

cedet



cederet fomentis. Cessit tamen voto, quod conjux mariti causâ Lindam nuncupavit; quoque seipsam ad pedestre iter Deiparâ obstrinxit. Inde morbo solutus, & ipse Lindam accessit, atque suæ Liberatrici Tabellam argenteam, nigro undique ligno inclusam dedicavit. Ex eodem quoque Heilsbergensium municipio, sub hoc ipsum tempus, atque eadem fere de causa sua reddiderunt vota, tum Dorothea Bartholomæi Parsch, ex Lauternhagen conjux, tum Elisabetha Thomæ Preils, ex Medigen coloni itidem uxor: illa ante octo jam annos, per aliquot hebdomadas morbo afflicta, incedendi facultate erat destituta: hæc sciaticam per aliquot itidem hebdomadas passa, ad eandem prope incitas erat redacta: utraque sanitatem Deiparâ Lindenfi in acceptis apud Lindam retulit.

## II.

Heilsbergenses nonnulli morbis erepti.

Andreas Dick ipsius civitatis municeps per duodeviginti circiter menses eâ noxâ affectum habebat brachium, quæ nullam homini quietem relinqueret. Ambulando, aut potius currendo, non tam malum ipsum, quàm continuus & infixus membro dolor, utcumque erat discutiendus. Discussus nihilominus, & quasi à stirpe revulsus est, postquam æger primam, octo jam ante annos, profectionem Lindam fecit; quam consequentibus deinceps annis nunquam intermisit; ne quid de grati in Deiparam animi officio videretur remisisse. Andreas quoque Preils Heilsbergensis civis, novem hebdomadarum febri prostra-

stratus decumbebat. Allevari fortasse nonnihil potuisset morbus, si conjugii sua constitisset valetudo; verum & hæc eodem prostrata morbo, ope, quæ marito impendenda erat, quàm maximè indigebat. Opem utrique facilè impendit Deipara, apud Lindam per votum invocata. Quam quidem opem, ex eodem municipio sensit Christophori Glohm Schulensis inquilini filia Dorothea. Capitis dolor non quidem diuturnus, quippe hebdomadam vix excessit, sed perquam vehemens erat; & profligatis brevissimo tempore viribus, ægram lecto affixerat. Facilè tamen, & morbo & lecto est levata, postquam, voto Lindam edito, allevantem DEIPARÆ manum sensit.

## III.

Bisteinensium quidam eadem beneficia consecuti.

Suburbium Bisteinense incolebat Andreas Ginter, cum hominem morbus invasis; qui hebdomadas quatuor ita tenuit, ut præ acerbitate ac vehementia doloris, retinere animam vix amplius posset; cunctis de vita ejus palàm desperantibus. Retinuit nihilominus & vitam, ubi implorata apud Lindam Dea Mater, quasi medicâ manu, & dolorem & morbum omnem absterfit. Quod ipsum uxori quoque illius, per septem hebdomadas, jam ante quinque annos periculosè decumbenti evenerat. Pari enim tum facultate, tum facilitate, quidquid erat morbi, jam tum dispulerat. Quod etiam hoc tempore præstitit filiolarum Matthæi Weils Cæcilie, quæ febri novem mensium, neque pro ætatis, neque pro virium jam



prostrararum imbecillitate resistendo aut perferendo erat. Pertulit tamen, quin & repulit malum; ubi imploratum Deiparae auxilium præstò fuit.

#### IV.

Resseliensium nonnulli morbis levati.

Ad VII. Id. Jul. civitatis Resseliensis Notarius Dominus Michaël Castnerus, comite uxore Catharina Brandtin, Lindam venit, & tabellam argenteam *Beatae Virginis*, ut vocant, *dolorosa*, effigie insignem dedicavit; quæ & relevata nonnihil valetudinis monumentum esset, & spei de penitus restituenda argumentum. Paralysis repentina hominem, diu jam antè invaserat, & in hemiplegiam desisse videbatur; dimidium enim corporis, præsertim verò manum ac pedem ita occuparat, ut velut influente destitutum spiritu, & motu destitueretur & sensu. Nullum genus medendæ intermissum est, sed maxima spes medicinæ & salutis in Deipara Lindensi collocata; præsertim ubi manus atque aliæ medentium artes parum omnino profecerint. Tum enim vero ille majore fiduciâ, Dei Matrem interpellare, & non domi modò supplices funderè preces, verùm & Lindam, cùm morbus permitteret, identidem proficisci. Et ipse factus est, & eventus quoque docuit, singulariter à Deipara fuisse adjutum, præsertim cùm non curruntaxat, verùm & pedibus (quos neque domo, neq; adeò lecto promoverè quoquam poterat) extra civitatem progredi jam posset. Quo ille Deiparae beneficio magnopere lætus, non destitit citra moram, ad agendas Lindæ gratias, iter maturare, & una Anathema dictum offerre. Non

minorem, in minore quidem, etsi non admodum dissimili malo, viderur opem experta Joannis Ploin, cauponis quondam Bischdorffenis filia Catharina. Per decem circiter hebdomadas coxam & femur sinistrum gravissimus occupârat dolor, qui tamen ilico recedere coactus est, postquam ægra vovit, principio quidem se Lindæ Aram majorem geniculatim primo quoque tempore obituram, postmodum verò quovis anno, quoad vita & vires ferrent, sacram Lindæ locum revisuram.

## V.

## Traumburgensium quibusdam succursum.

Dietersdorff libertinorum pagus est, Traumburgo haud longè diffusus. Ex eo Urbani Grunwald uxor Anna, profectionem, cum suo, tum filiae nomine ante promissam, instituit Lindam. Conficiebatur Agnes filia, uti quidem videbatur, febri; re autem verâ, maleficiis (quibus affectam fuisse postmodum constitit) sensim contabescebat. Eum in modum deficiente filiâ, mater Lindam votum concipit, & filiam, ut idem faceret, induxit. Malo sensim remittente, filia votum exolvere non distulit, matrique exemplo prævit, ut & illa pedem utrumque miserè affecta, adeoque clauda, simile à Deipara beneficium expectet. Ex eodem pago Laurentii Hilbrand libertini uxor Catharina, ob luem, quâ totius villæ pecora conficiebantur, votum Lindam nuncupavit: & quia singulare ab eò tempore sensit Deiparæ auxilium, ne quid de grati animi laude morasnectendo deterreret, citra moram solvendi voti causâ Lindam perrexit.

## VI. Bruns-



## VI.

## Brunsbergenses variè adjuvi.

Ad VI. Id. Jul. Brunsbergâ, & positis in vicino pagis adfuerunt Lindæ circiter triginta homines, quos consequentibus diebus alii plures consecuti sunt. Hos inter generosus Dominus N. Stoffel ordinarius militum Varmiensium Procenturio, Anathema Dei paræ Tabellam argenteam è catenula itidem argentea pendulam fixit. Monumentum id quoque est, auxilii in paralyâ, quâ diu laborabat, præstiti. Jam verò Joannes Manitz civis itidem, & Vitiarius Brunsbergensis febris continuas novem hebdomadas conflictatus, nullo alio nisi voti Lindam editi remedio perfanatus est. Neque quidquam ad confirmandam, collocandam in tuto valetudinem deerat, quam ut ille voto ritè defungeretur, iterque Lindam acceleraret. Verùm, ut sunt hominum mores, secundæ jam res adversorum memoriam, aut certè sensum, & remedia illi quoque abstulerant; præsertim cum quædam, quæ hominem haud gravatè distinerent, intervenissent. Nuptiæ quædam apparabantur, quibus ille operam magis suam, quàm sibi necessariam reputabat; aut, si non ita reputabat, differendo Lindensem profectionem, aliis ita reputandi animum dabat. Ne porro se magis quàm superos ludificaretur, iisdem propè vestigiis, quibus recesserat, febris rediit, & hominem alias septem hebdomadas graviter afflixit. Tum enim vero *Phryx plagis* melior; iterum Divæ Lindenſis supplex advolvitur, & iterum morbo levatur; levatusque iter quindecim minimùm leucarum pedes

pedes magnâ alacritate ingressus, non minore decurrit. Non erat iteratò stimulo ad decurrendam hanc viam opus tum Michaëli Flieg, tum Martino Lang, civibus iidem Brunsbergenfibus: quorum hic ventriculi dolore per hebdomadas sex, ille verò febris per octo laboraverat hebdomadas. Uterque voto Lindam nuncupato sibi restitutus, citra novum stimulum profectiōem Lindensem, quam promiserat uterque, pedes absolvit. Non dispari alacritate, idē ementa est iter Joannis Scheppel operarii Brunsbergenfis conjux, quæ comitali morbo ab aliquot pressa annis, cūm Deiparæ Lindensis ope, eo fuisset exempta, iterum iterumq; Lindam adit, ut iterum atque iterum gratam se & beneficii memorem contēteretur.

## VII.

Meessaccenses similibus affecti beneficiis.

Ad III. Id. Jul. quosdam suorum comitatus est, qui propemodum omnes superiore anno duxerat Lindam, adm. R. D. Archipresbyter Meessaccensis. Erat inter alios generosus D. Petrus Schwengel Burggravius, ejusdemq; conjux Catharina, suo, & filii nomine voti rea. Ipsa enim periculoso uterū profluvio redacta eò demum erat, ut alterā jam hebdomadā non remittente morbo, nihil aliud nisi mortem præ oculis haberet, & ad eam sacro muniretur viatico. Occursum est tum morti, tum lævienti et jamnum morbo, ubi votum ad B. V. Lindensem intervenit: eodem enim tempore, & spes vitæ, & salus agræ rediit. Simili voto rediit, & sua bimulo filiolo salus, Hercules morbus adhuc infantem invaserat, &

non



non semel intra diem concusserat: qui tamen redire amplius non potuit, postquam infantis causâ, votum à parentibus Lindam missum est. Par fere excepit fortuna Eustachium, Joannis Schrorer è Damerau Meelsaccensis coloniz pago filiolum quadrimum. Quatuor hebdomadas ægrotus, nullam vitæ spem reliquam faciebat; ut & ceteri tanquam morituro portigeretur accensus, & vicini ad complorationem promore, confestim accurrerent. Eodem planè tempore, mater ex morbo decumbebat, ut à solo patre, si qua esse posset, spes expectaretur salutis. Non defuit partibus suis pater; Lindam enim filium devovit, & sanum exinde habet; quem mater paulò post restituta, Lindam deduxit, & ad suam filiiq̃ue causam, pectoris (cujus ægroti curam eidem patronæ commiserat) conservati ergo, gratias, uti par erat, solennes adiecit. Ex eodem pago, eadem ipsâ die Andreas Eichholtz unâ cum Catharina uxore, & se, & Petrum filiolum sexennem, filiamq̃ue octennem Deiparæ voti reos præsentés stiterunt. Ipse enim pater, cum frequentius, præsertim in Templo, linqueretur animo, mater verò ternam prolem continuò mortuam enixa cum esset, idemq̃ue periculum iterum gravida vereretur, voto se Lindensi Deiparæ obstrinxerunt; & tum in se, tum in liberis auxilium sunt experti singulare. Nam & filiola, cum membris omnibus esset contracta, neque usquam per hebdomadas sex progredi, aut loco se commovere vi suâ posset; & filius, cum periculoso teneretur morbo, ab ipsa voti nuncupatione sanitati sunt redditi. Aut parem aut nihilo

propè minorem filiis suis, Eliæ quadrimo, & Georgio necdum bimulo, impetravit Michael Rickwart, ex ejusdem municipii pago Stengenem dicto libertinus. Calculo Elias ita affectus erat, ut, cum urina per triduum invenire meatum non posset, venter, adeoque totum pueruli corpusculum enormiter iterum atque iterum intumesceret. Simul à parentibus votum Lindam factum est, puer ab eo tempore sanatus, liber hucusque eo malo perstitit. Cujus causâ dum pater, comitante uxore Margaretâ Lindam profecturi Georgium domi relinquerent, puerulus ad ferrum è fenestra prominens, manicâ interceptus adhæsit, indeque pendulus brachium sinistrum luxavit. Adhibitus est chirurgus, qui in eo mali genere, alioqui peritissimus habebatur: sed ob teneritudinem ossium, ne quidem tentare pueruli manum potuit. Parentes quocirca illum peregrinationi suæ & votis antea factis adjunxerunt, & manus pueruli præter spem, continuò sanata est. Geminam ergo prolem isti parentes Divæ Lindensis beneficio incolumem habent: at alii ex ejusdem municipii pago Zeugninen dicto quaternam. Andreæ Hoffman tres filię & filius unus erat, quorum nullius ætas nonum annum excefferat. Filię cum primùm loqui ac frangere verba inciperent, nusquam flectere in articulos vocem potuerunt, ut deinceps promovente jam ætate minùs promoverent verba, sermoque nusquam adolesceret. Interpellata à matre divini verbi Mater, ut omnes & articulatè & purè loquerentur, facul-



facultatem concessit. Quod ubi mater est consecrata, non dubitavit filiolo fere sexenni, eodem laboranti vitio, beneficium idem implorare; quem eadem de causa unâ cum filiabus ad VI. Idus Julias Lindam deduxit. Atque hunc in modum exerrante his linguâ, Simoni Erntan, Ædituo Meelfaccensi, non jam lingua, sed mens & ratio exerrabat. A duarum hebdomadam in somnibus diebus æquè ac noctibus, & per dominante interim morbo delirium id ortum erat: quod tamen imploratâ Divæ Lindensis ope facillimè discussum, eaque de causa pridie Iduum gratiæ apud Lindam actæ.

## CAPUT XX.

Reliqui dies mensis Julii.

**T**Ransvectionem Equitum Romanorum, Idibus Quintilibus fieri solitam, quam Dionysius Halicarnassæus (a) egregium spectaculum, dignumque imperii magnitudine, vocat, excipiebant consequentibus inde diebus tum Lucariæ, Turrinaliæq; sacra, tum Neptunales atque Circenses ludi. Plures iisdem diebus apud Lindam Marianam intervenerunt feriæ, sive sapientiæ divinæ ludi; quippe coram Domino (ut ipsa (b) gloriatur) *Ludentis omni tempore; ludentis in orbe terrarum;* cujus etiam *deliciæ, esse cum filio hominum.* Ad quorum quidem ludorum spectacula, plurimi undique mortales concurrere, tametsi solito pauciores in commentariolos relati; sive ob ejus, qui referre solebat, absentiam; sive ob aliorum multitudinem gravitatemque negotiorum.

I. Pro:

(a) lib. 6. (b) Prov. 8. 30.

## I.

Processiones aut insigniores supplicantium  
catus.

Præter studiosam Collegii Resselienfis juventutem, quæ menstruam ad xvii. Cal. Aug. processionem fecit, ipsa quoque civitas Resselienfis, è quatuor annuis, de quibus alio loco unam ad viii. Cal. expedivit. Sowidenfis quoque ex agro Resselienfi pagus ad xi. Cal. solenni agmine processit, sed & aliis diebus frequentes accurrebant, tum Resselio, tum Bisteino, Seeburgo, Heilsbergâ, Gutstadio, VVartemburgo, Allensteino, Vormdito, & aliis Varmia locis: quin & è Masovia, Subsilvania, ac Lituania, præter eorum turmas, qui messis causâ ad Insulam Marianam hac transeunt (quibus ferè quotidie necessaria catechesi & institutione Christianâ subventum) nonnulli quoque Lindam votorum rei accesserunt.

## II.

Quidam è Masovia & Lituania singulares  
expertigratias.

Ad xiiii. Cal. sextiles, appulit Lindam Bartholomæus VVoyciechowicz, ex oppido VVyftyniec ad fines Prussia in Lituania haud procul VVierboloviâ sito; & jam alterâ vice, beneficiorum à Diva Lindenfi acceptorum memor, peregrinationem triginta prope leucarum absolvit. Duodeviginti circiter menses mente erat motus, adeo ut per insaniam campos oberraret, & in aquas nonnunquam se

Eco

præ-



præceps daret. Non sunt neglecta, quæ usui fore videbantur, remedia: & inter hæc ut iis in locis quorundam religiosorum usus fert, etjã exorcismi. sed & hi, & reliqua omnia in casum adhibita. Adhibita deniq; Lindensis peregrinationis votum, ita ut singulis quoad vita superstes esset, annis mendicato pane Lindã reviseret; exinde homo sibi, & quoad sensus, & quoad vires restitutus. Quæ omnia Admodum R. D. V. Vytinensis Parochus testimonio suo firmata, manu sigilloq; suo munivit. Triduo inde exacto, adfuit è Masovia nobilis matrona, magnifici Domini Iudicis V. Visnensis conjux Eva, & acceptæ per B. V. Lindensem sanitatis monumentum, aureum eidem dicavit anulum, toto corpore, sed maxime capite ægra, haud procul præsentis mortis periculo absuit; è quo illã sacerdos quidam, voto peregrinationis Lindensis ad Aram nuncupato, eripuit. Ab eo enim tempore revalescere sensim capit, & paulò post integrè convaluit, ut iter sat longũ ingredi commodè posset. Eidem videtur comes itineris adjunctus fuisse ejusdem magnifici Dñ. Iudicis famulus, nobili genere è Drohicinensi provincia apud Subsilvano natus Iacobus Przezdziecki, sive ulcus, sive apostema fuerit, quod hominem occuparat, eò certè adduxit, ut per sex menses, vel aliorum manibus, vel fulcris subalaribus, aliisvè sustentaculis niti eum oportuerit. Sed exemptus eâ necessitate ipsoque morbo est, ubi voto Lindam edito in Deiparæ auxilium sese quasi reclinavit. Qua causâ ingentes eidem, apud Lindam gratias egit.

## III.

E Gurstadienſi municipio viduæ duæ  
ſanatæ.

Utraque è Menſterbergk pago fuit; utraque ad  
ix. Calendas ſextiles Lindæ adfuit: alteri nomen  
Dorothea, alteri Catharina: illa Jacobo Kowal  
nupta quondam fuerat, & trium hebdomadum  
morbo doloribusq; per quam vehementibus eò de-  
ducta, ut per octo dies, vix aliquid cibi potionisvè  
ſumere potuerit. Verùm & anorexia illa, & morbus  
abceſſit, ubi imploratum voto Deiparæ Lindenſis  
præſidium acceſſit. Jam verò iſta Michaëlis Koſak  
vidua colicis doloribus, ſive aliis viſcerum tormini-  
bus per menſes quatuor exagitata, prope nullum  
præ morbi acerbitate cibum capiebat. Ita afflicta  
pariter & exhaustæ votum, quod Lindam fecit, fa-  
ciſſimè ſubvenit. Tertia iisdem ſe adjunxerat eo-  
dem ex pago vidua Jacobo Dainer olim nupta;  
quæ tametiſi apud S. Crucem, ut agebat, capitis do-  
loribus levata eſſet, Lindam nihilominus ad agen-  
das Deiparæ gratias neceſſariò ſibi cenſuit acceden-  
dum.

## IV.

Seeburgenſium quidam variis ornati  
beneficiis.

Ad viii. Cal. Aug. peregrinationis ſuæ voto de-  
functus eſt Simon Zornhaufenè Glotengē Seeburg a-  
gri villâ, ætate milleſimi ſexcenteſimi quinquageſimi  
tertii anni, acutiſſimis dextri oculi doloribus aliquot

Eccæ

men-



menes exercitus est; quoad demum oculus albugine suffusus, cuticulaque obductus videndi usum facultatemque amisit. Mater de filii salute perquam sollicita, neque tamen, quid potissimum auxilii consiliivè capesseret, satis gnara ad Lindensem denique sospitatricem confugit; & filium voto peregrinationis, per sequentes annos tres frequentandæ, obstrinxit; adjuncta ceræ portione, quæ quotannis dedicanda esset. Ex eo tempore cessavit dolor, & paulò post etiam albugo cuticulaque absterfa. Eadem diè Seeburgo adfuit Jacobi Leiliger civis filius Ioannes, qui nocte quadam repentino, præter spem sinistri cruris dolore correptus, & gravissimè erat afflictus. Dolorem excepit ingens totius pedis tumor; non sine iusto gravioris alicujus noxæ metu. Quibus tamen omnibus, voto Lindam nuncupato occursum in tempore est: tertio enim exinde diè, & tumor resedit, & dolor omnis recessit. Sub idem quoque tempus vota reddiderunt suæ, tum Euphemia Georgii Benig è Bergerdorff uxor, tum Gertrudis Jacobi Preiss è VValkeim filia, utraque Deiparæ ope sanitatem consecuta; hæc quidem in dolore, oculos septimanarum aliquot intervallo configente; illa verò in erysipelate totum ferè corpus pervadente; præsertim quoties vel terrore aliquo consternata, vel frigidâ esset perfusa. Denique & Laurentius Giuzev vski ex Besau ejusdem municipii villâ, febris per aliquot septimanas conflictatus, neque alio quàm Deiparæ Lindenensis auxilio (quod voto suppliciter factò implorarat) adjutus, sub idem tempus votum solvit.

## V.

## Reßelienſium plures adjuti.

Martinus Fleiſcher in majore Atkamp Reßelienſis agri pago, ad falce metendam in vicino lacu Zaim arundinem pergebat, cum illi ſubito pedem utrumque dolor non invaſit modò, ſed & contraxit, ut domum vix adrepando potuerit reverti. Totam inde æſtatem, non niſi fulcris ſubalaribus nixus, gradum facere potuit: magis tamen ſpei ac fiduciæ (quàm in Deipara Lindenſi fixerat) ſemper innixus. Quà etjam vires addente Lindam uſque perrepiſit; ubi geniculatim, uti poterat, altare circumiens, conſeſtim revaluit, & fulcra, quibus deinceps opus non habebat, in ſacello ſuſpenſa reliquit. Quod ipſum etjam conjux recurrente tempore, ad xi. Cal. Aug. Lindæ palàm eſt conſeſſa. Aliud ſibi benefici-um à Deipara conſeſſum, biduo antè ſaſſa eſt Ioannis chlegel Santoppenſis coloni uxor Dorothea. Decem hebdomadas ſive viſcerum, ſive, ut illa putabat, uteri doloribus miſerè exercita, quotidie, vel invita decumbere aliquandiu, & allevationem mali captare eo modo cogeſſatur. Allevata verò penitus eſt, ubi voto Lindenſi Deiparæ ſe obſtrinxit: vix enim ſemel exinde cruciatus rediére, continuoque depulſi ſunt. Ex aliis quoque municipii ejusdem pagis ſub hoc tempus reddita ſunt vota, Benediſti Block è Schellenſia Catharina, per oſto continuos dies collum & fauces habuit obſtruſtas, ut neque cibi, neq; potionis quidquam trajicere ac ſumere ſibi liſceret. Vis mali laxata ac diſſoluta omnis eſt, ubi



illa se voto peregrinationis Lindenſis obligavit. E Sturmhubel quoque ejusdem agri villa, tum Sophia hortulani cujusdam uxor tum Lucae Newman filia Gertrudis, non minoribus se Deiparae obſtrictas beneficiis ſunt profeſſae. Illa viginti jam ante annos per quatuor circiter meſes oculis capta, voto à matre ſua ad Dei Matrem facto vilum recepit; & jam ſupra viginti annos, ut grata ſit, Lindam frequentat: hæc verò per integrum circiter annum manca atq; uſu manus privata neque fila trahere, neque colum acumine tractare potuit, ſimili ad Deiparam voto reſtituta eſt.

## VI.

Meellaccenſes Virgines duæ voto  
defunctæ.

Pridie Cal. Auguſti Virſula Jacobi Florin, & Petri Sommerfeld civium Meellaccenſium filiae Virgines, peregrinationibus, quas à ſeptem vel ſex circiter annis frequentant, defunctæ ſunt. Illa enim octo jam ante annos artbritide & omnium cruciatu artuum perſtricta, hæc verò ante ſex annos, ulcus vel anginam collum & fauces inſidentem paſſa, non alio quàm Deiparae Lindenſis auxilio reſtituta ſanitati ſunt; ut omnibus morbi veſtigiis quaſi abraſis, ſola in collo Annæ modica ſuperſit cicatrix, non tam rupti vulneris, quàm beneficii Deiparae monumentum.

## VII.

Alii quoque è variis Varniæ locis  
curati.

Pauli Lehman civis Bisteinenſis filius Michaël, tum capitis, tum laterum acutiſſimis confixus doloribus, nullum reperit præſentius, quàm Deiparæ Lindenſis ſubſidium. Ut enim voto ſe illi obſtrinxit, omni malo ſolutus eſt. Par felicitas ex magna calamitate Simonem Hertz civem & piſtorem Heilſbergenſem exceperit. Dolor, qui caput occuparat, ad delirium uſque deduxit. In quo, cùm per octo decumberet ſeptimanas, aliorum operâ Divæ Lindenſi devotus momento ad mentem, indeque ad vires corporis mox rediit; ut quatrduo poſt & ſtrato ſurrexerit, & ſuis nixus viribus quaquaverſum deambularit. Ad xi. Cal. Aug. Lindam venit, & cùm hæc de ſe enuntiâſſet, de conjuge quoque ſua adjecit, eam pari morbo atque calamitate laborantem, pari Deiparæ ope fuiſſe reſtitutam. Adjungendus hiſ eſt Joannes è Kleberg Allenſteinenſis municipiï pago hortulanus, qui hoc eodem mente adfuit; quamquam anno proximè jam elapſo votum Lindæ tum ſuo, tum uxoris, prolisque ſuæ nomine perſolviſſet. Toto quadrageſimæ illius anni tempore, unâ cum uxore, graviſſimè decumbebat: per ſomnium viſus ſibi Lindenſi adeſſe proceſſioni; inde & ſibi, & uxori, & infanti, qui per ſeptem hebdomadas nihil lactis ſuxerat, reſtitutam inde ſanitatem vidit.



## CAPVT XXI.

Calendæ &amp; Nōnæ mensis Augusti.

**S**Extum à Martio, qui sub Romulo initium anni dabat mensem, priores Romani sextilem, posteriores in Octavii Cæsaris honorem Augustum dixere. Nam ut Senatusconsultum apud Macrobiū, ea super re loquitur (a) cū Imperator Augustus mense sextili primum consulatum inierit, & triumphos tres in Urbem intulerit, & ex Ianiculo legiones deductæ, secuta sint eius auspicia ac fidem; Ægyptus hoc mense in otio statē populi Romani redacta, finique hoc mense bellū civilium impositus sit, atque ob has causas, hic mensis huic imperio felicissimus sit ac fuerit, placere senatui, ut hic mensis Augustus appelleretur. Debet & apud Lindam Marianam hic mensis, Augusti nomen retinere, cuius proximis Iduum diebus, augusta cæli terræque Regina atque Imperatrix MARIA, in sui assumptione corporis, Imperii possessionem in cælo capeffivit. Sed & in terris quanta Augusti ejus Imperii fuissent edita monumenta, nisi illæ belli tempestates, quæ Poloniam inundaverant, in Prussiā quoque capissent desævire! Et tamen ne sic quidem ceteris hujus anni mensibus multum concesserit. Interim historiæ nostræ colophonem addat: quo & nos coacti sumus veteres migrare coloni.

I. In

(a) Saturn. l. I. cap. 12.

## I.

In præsentibus belli tempestatibus, multis  
tutus apud Lindam  
receptus.

Quod in maris & undarum, hoc & in Martis ac  
bellorum tempestatibus quærere maximè solent  
mortales, fidam nimirum stationem, aut turum, vel  
ad tempus receptum. O quantæ bellorum tempesta-  
tes uno propè momento nobilissimum Poloniæ re-  
gnum, Regniqûe provincias fere omnes involve-  
runt hoc tempore! Ad illam, quæ à Cosaccorum  
turbine aliquot tenuerat annos procellam, quanti è  
Moschoviâ superiore anno, tum in Lituaniam, tum  
in Vkrainam sese fluctus evolverunt! Et ecce, ne  
quid alicubi esset tranquillitatis, subito è Suecia  
quoque fluctus, non Livoniam modò & Samogiti-  
am, aut Lituaniam verùm & Poloniam majorem  
ipsaqûe adeo Regni viscera concusserunt! In tot ac  
tantis tempestatibus adhuc malacia Prussiam habebat,  
quamvis venti undique perflantes futurorum  
quoque fluctuum, ne dicam naufragiorum, præ-  
nuntii non deessent: præsertim cum à Marchia  
quoque Brandenburgica Zephyri, non sine procellæ  
metu, adspirarent. In hac ergo rerum tempestate  
qui non undique ad Lindam Marianam concursus?  
Hincalii, Vilnâ Moschis nefariè jam proditâ, tum  
inde, tum Grodnâ atque è reliquis Lituanix locis,  
alii è remotioribus Russiæ provinciis, alii è Samo-  
gitia, alii è Masovia, cùm receptum in Prussia spe-  
rarent ac quærerent, Lindam frequentissimi accur-  
rere.

Ecc 5



rêre. Alii, ex ipsa præsertim Prussia, rebus jam turbidis ac turbatis, tranquillitati conscientiæ consulturi, tametsi paulò antè Lindam revississent, iterum, non tantùm, si quid sentinæ exhaustiendum restaret, sed si quid etjam speciem umbramvè in conscientia referret mali, ut excuterent, accessêre. Alios non tam sua, quàm publica omnium patriæque salus eodem compulit, quos vidisses non modò recepto alias more, verùm & prostratis in modum crucis humi corporibus, gemitu & comploratione miserabili cælum pulsare. Ut alios omnes silentio præteream, Virginem unam præterire non debeo. Ea est N. Chalecia, illustrissimæ ex ordine senatorio apud Lituanos familiæ: quæ tametsi nulli se Regularium Ordini votis adstrinxisset, voto nihilominus perpetuæ castitatis virginitatem suam, Christo multis retro annis consecravit; & apud Sanctimoniales D. Benedicti regulam professas, Vilnæ sedem fixerat; sed in vicino S. Ignatii ad domum probationis templo, instar Annæ Phanielis, serviebat Domino, *die ac nocte ieiunia & obsecrationibus* (a) intenta: cujus quidem templi apparatus sacrum, tum hæreditariis facultatibus suis, tum multo magis manuum suarum industriâ & phrygio opere, quo excellit, magnopere auxerat. Ad primam belli in Lituania à Moscho procellam, Vilna Grodnam se receperat; verùm cum hîc quoque intuta viderentur omnia, Resselium diu ante cum adjunctis ejusdem instituti virginibus, concessit. Ibî cum degeret, nihil antiquius habuit, quàm si ad Lindam

(a) Luc. 2. 37.

dam identidem sese pedes reciperet, &, si aut tem-  
pora, aut conditio sua pateretur, perpetuam ibi se-  
dem figeret.

## II.

Jubilæi promulgati usura multos Lindam  
excivit.

Commotos fluctus maris atque furias, affuso iis  
oleo mitescere ac componi, sunt, qui prodidère (a)  
auihores. Non quodcunque, sed de penuariis cæli  
promptum erat, quod ad componendas tantas bel-  
lorum in Polonia procellas, affundendum censuit  
optimus atque sapientissimus Romanorum Ponti-  
ficum Alexander VII. Quantum id profuerit, cum  
res ipsa loqueretur, tum, qui rem spectant, haud gra-  
vatè, etiam libris editis testabuntur. Quanquam e-  
stati jam sunt, qui confestim ad componendos ani-  
morum conscientiarumque suarum fluctus, Lindam  
eo tempore appulerunt. Tamen si enim alibi quoque  
esset hoc tempore facultas Sacerdotibus, quoad sol-  
venda peccatorum vincula, de benignitate sedis a-  
postolicæ collata; plerique tamen ad hanc etiam  
Deiparæ Lindensis benignitatem, si non necessariâ,  
certè per commodam reputarunt. Itaque non pauci,  
qui paulo ante Lindæ fuissent hac quoque de causa  
recurrerunt. Institutz tû ab his, tum ab aliis pluribus  
generales de tota vita exomologeses, & animi ad-  
versus tum ingruentia, tum quæ deinceps ingruere  
possent undecunq; pericula atq; noxas, egregiè con-  
firmati.

## III.

(a) Ioan. Bapt. Portal. l. 1. de Mag. nat.



## III.

## Pedum usus restitutus.

Ioannis V Vern, è Krekollen, municipii Heilsbergensis pago, uxor Catharina, utriusque pedis usu, incertum qua ex causa, jam ante quinque annos amiserat, ut nonnisi fulcris ac sustentaculis nixaper triennium movere se ac progredi utcumque de loco posset. Duos ante annos votum peregrinationis Lindensis nuncupavit, & jam tum amissam gradiendi pedumque facultatem recepit. Ab eo proinde tempore, Lindensem peregrinationem strenuè frequentat; quorannis, dum vixerit, frequentatura.

## IV.

## Cæcus illuminatus.

Andreas Teicher, è Vormditenensis agri pago Sommerfeld oriundus, atque opificio rotifex, necdum prætergressus erat sextum ætatis annum, cum videndi sensum atque usum amisit. Tumor enim, ab internis, ut credebatur, ulceribus productus, etiam oculos quasi sedibus suis protruserat, ut, quantum emerent ipsi ac protuberarent, tantum incapaces offusæ undique lucis essent, adeoque puer omnino cæcus, nonnisi aliorum ductu promoverè gressum posset. Mater juxta pueri ac suam deplorans calamitatem, omnem in Diva Lindensi spem reposuit, non ignara Dei Matris præsidio, tam grave quoque malum depelli posse. Neque spes irrita fuit; necdum enim puer Lindam devotus, viam erat ingressus, cum

cùm illi facultas videndi est restituta. Tanto quocir-  
ca maturius ad agendas sospitatrici gratias eum de-  
duxit, ipsa aut deduci mater curavit. Sed & ipse suâ  
deinceps sponte, etiam cùm mater ante quadri-  
ennium obiisset, peregrinationem Lindensem sapius  
obit; atque, ut obeat, ipsius loci sacri aspectu magis ac  
magis excitatur.

## V.

Infanti maligna febris abigitur.

Barbara & Sibylla Hartwichianæ, Heilsbergâ  
oriunda, quarum hæc Laurentio Corrio nupta est,  
illa Petri lauch nuper defuncti Consulis Seeburgen-  
sis vidua, germanæ sorores, & matronæ inter iuos  
honestissimæ, germanam Deiparæ Lindenfi obser-  
vantiam simul detulerunt; ad quam Ba bara tabel-  
lam argenteam, duorum circiter Philipparum pon-  
do, anathema adjecit; Sibylla verò votum pro in-  
fante filiola Anna absolvit. Maligna prorsum ac le-  
talis infantem febris per octo dies affligerat, ut nihil  
nisi mortem opperienti cereus accensus admovere-  
tur. Cæterum, ubi opis, præsidii quæ causâ Virgo Lin-  
denfis est interpellata, removeri cereum par fuit,  
quia subito & infanti vitæ, & matri cæterisque  
omnibus tum lætitiæ, tum pietatis lumen affulsit.

## VI.

Mulier in partu plurimum  
adjuta.

Ioannes Seinert ejusdemquæ conjux Elisabetha  
cives Reßelienses, votum cum gemino anathemate  
Divæ



Divæ Lindenſi dependerunt: quorum alterum erat numiſina ex argento deauratum, duûm propè Philippæum pondo, alterum brachiolum itidem argenteum, unius pondo Philippæi. Atque illud quidem, quod filiolo ſuo geſtandum paraverant, poſt ejusdem obitum conſultius Deiparæ dedicandum cenſuerunt, hoc verò monumentum eſſe voluere feliciter editæ in lucem novæ proliſ. Gravida enim mareſcùm ad fortuitum hominiſ cujuſdam, qui brachium enormiter ac fædè læſum habebat, aſpectum conſternata vereretur, ne qua forte noxa, aut ſaltem nævus proli inde oboriretur, votû Deiparæ pro incolumitate partuſ fecit: quem quia feliciter, ſine omni corporiſ vitio enixa eſt, beneficii memor & grata, comitante ultro conjuge, monumentum pedes Lindam deportavit.

## C A P V T XXII.

Dies Iduum ſextilium.

**S**I vel ob unicum Aſſumptioniſ B. V. Feſtum, Auguſtus menſiſ auguſto Mariæ nomini, ne dicam Numini debetur, quod initio proximi capituli diximus, quid ſibi non vendicent feſta tum B. V. ad Nives ipſiſ Noniſ Auguſti, tum S. Dominici (qui & ipſe viii Id. Auguſti calo natus eſt, quanquam nataliſ ejus prid. Non. ſummo Pontifice ita jubente celebretur, & Ordo ipſiuſ, teſte S. Antonino (\*) vocatuſ initio eſt fratrum B. Virg. MARIAE) tum aliorum Deiparæ ſervorum, quos in Kalendario ſuo Ba-

lingem

(\*) 3. part. tit. 23. c. 10.

lingem memorat, signata hoc mense memoria? Atq;  
utinam perennem beneficiorum ipsius apud Lindam  
cursum, bellorum tempestas aliquantū non frenâ-  
set, dum sensim propinquando, peregrinorum fre-  
nat occursum!

## I.

Ingruentis belli metu, convasari & aliò trans-  
ferri oportuit Lindensem  
gazam.

Diu ante sacra templorum è Lituania supellex,  
cū ad alia in Prussiam loca, tum ex parte Resselii-  
um, subducta erat, ne Moschorum aliarumque har-  
pyjarum pateret unguibus. Iam & hæc, & quæ vel  
Resselium vel etjam Lindam spectabat, aliò depor-  
tanda fuit, ne eorundem obnoxia rapinis esset. Non  
sine magno omnium dolore, non sacra duntaxat ve-  
stis, aliæ supellex argentea, sed & ipsa, quæ ad A-  
ram maiorem pendeat facta ex argento anathema-  
ta detrahi atq; convasari debuerunt. Præter Crucem  
argenteā suæ Thecæ inclusam, duæ aliæ cistæ bings  
fere cubitos longæ tum argento tum sacrâ veste pre-  
ciosiore onustæ Resselium, inde Gedanum, ad tutio-  
ra transmissæ sunt.

## II.

Mulier contracta, restituta.

Cū alias sæpissimè, tum his quoque diebus,  
plurimi, quanquam catholicæ exsortes fidei; Lin-  
dam venerunt & situm, ornatum ædis, pietatem  
denique ipsam catholicorum admirati, eximie  
præ



prædicarunt Inter hos Dō Georgius Richau, honoratissimus è civitate Domnau, in ducatu Prussiz sita & octo leucis Regiomontū versus à Linda abjuncta, ad v. Id. Aug. aderat civis; & tum cætera omnia accuratius contemplatus, tum in Anathematis, votisque ex argento tabellis, proinde & beneficiis divinis, quæ iisdem aut signantur, aut indicantur, cogitatione quasi defixus, testis è spectatore factus, ultro, nemine prorsum requirente, quæ è muliere apud Lindam sanata cognovisset, fide, quæ virum gravem deceat, percensuit Res ante quindecim jam annos gesta, fuit ea mulier Brunsbergâ oriunda, ibique cum toto esset corpore contracta, & ob musculorum nervorumq; sive torpedinem, sive dissolutionem, desitu corporis propemodum deturbato, Lindâ, quo prævium fecerat votum deportari se curavit. Lindæ plus in Deiparæ ope, quàm in humanis, quibus usa esset, præsidii mox experta, omnibus sibi modis restituta est. Inde porro cum sorore ac parvulis filiabus, dum pergit Regiomontum, Domnaviz in diversorio posita, quæ memoravimus, quæque dignus fide testis audivit, per occasionem recensuit.

### III.

#### Vehemens capitis dolor sublatus.

Christianus Hirsch sartor & civis Brunsbergen-sis, sed è Boëmia oriundus, ad iv. Idus Aug. comitante uxore, totum iter Brunsbergâ usque pedes emensus, Lindæ supplex Deiparæ advolutus est Tres menses hoc ipso anno, acutissimis capitis doloribus

confixus, nullum, quod inveniri potuit, remedii genus omisit; sed perinde nullum, quod malum à radice tolleretur, invenit salutare. Levamen aliquod sentire dolorum potuit, liber doloribus esse non potuit. Ut esse posset, eam, quæ secundum Deum omnia potest, DEI Matrem supplex appellavit. Auditus est, hodieque, unà eum conjuge, tantam DEIPARÆ facultatem, sibi autem incolumitatem palàm est gratulatus.

## IV.

Mulier amissum, ob paralyfin, brachii  
usum recipit.

Pridie Idus Augusti ex Subsylvania usque advenit Alberti Sczuble, in Zarnowo pago Augustoviam spectante inquilini vidua Agnes. Per duodecim hebdomadas ante triennium gravissimè decubuit, ut se neque loco movere posset. Videbatur ex illo utcunque morbo revaluisse, cùm brachii sinistri, paralytici repente occupati, omnem amisit usum. Non omisit super tanta clade sua, amicorum exquirere tum auxilia, si quæ essent, tum consilia. Omnibus consultissimum visum, ut ægra peregrinationem voveret Lindam: Vovit, & à voto jam ante annum facto, meliusculè habere cepit; proinde, & à voto hodie expleto fiduciam animo maximam concepit, brevi fore, ut animi sui vota atque desideria, circa perfectam brachii sanitatem, videat, & cum gaudio gratuletur perfecta.



## V.

## Domus peste infecta, servatâ.

Ipsis Augusti Idibus comitante uxore venit Joannes Law civis Regiomontanus, Treviris oriundus; ut voto, quo biennium adstricti tenebantur, solverentur; præsertim cum morbo, quo affligebantur, vi ac beneficio ejusdem voti, soluti jam tum essent. Illâ enim, quam Regiomonti deservisse jam aliâs memoravimus, pestilentia lue, uterque conjux, quin & familia omnis, afflati, intimis visceribus malum hauserant, ut in apostemata, carbunculos, aliâque id genus ulcera, vi erumperet. Quasi nervos malo fædè grassanti succidissent, postquam Deipara Lindenborsensem, voto peregrinationis edito, ritè implorârunt. Exinde DEI ac DEIPARÆ ope incolumes, totum fere iter ultro citroque pedibus confecerunt.

## VI.

## Religiosus peste itidem exemptus.

Sub hoc ipsum tempus adfuit Brunsbergâ P. Eduardus Lock scholasticæ, ut vocant, Theologiæ in eo Societatis Jesu Collegio professor, Hybernus patriâ: sed qui in Provincia Lituaniæ studiorum facultatumque superiorum, majore ex parte, decurrerat stadium discendo. Ut idem docendo quoque decurreret, Vilmâ Brunsbergam iturus, è medio cursu propemodum revocatus est ad carceres. Ita nimirum haustâ jam lue conficiebatur, ut nisi voto, quod hisce die-

diebus solvit, Lindensis Deiparae fuisset opem expertus, ne quidem Brunsbergam vidisset unquam. Ita cum Lindam, pedes Brunsbergâ usque venisset, enarravit ipse coram, ita paulò post literis, quarum hinc copiam facio, paulò post ad me scriptis professus. Nuper, inquit ille, cum ibi essem, non habui commoditatem, ut scriberem beneficium à diva Virgine Lindensi perceptum, pro quo votum tunc exolvere. Res ita habet: Cum ante duos annos Vilnâ huc pergerem, eo tempore, quo maxime pestis in Lituania grassabatur, videbar & ego aliquid contraxisse. Certè signa habui vix non manifesta, & iam constitueram, Grodnam non intrare, sed ad aliquod praedium nostrum divertere, ibi potius moriturus. Dum in summis angustiis essem, suggeritur mihi divinitus, ut votum ad B.V. Lindensem conciperem; quod & concepi; eundi scilicet Brunsbergâ pedes ad sacram Tiliam. In ipso momento, quo votum emisi, sensibiliter sum immutatus; ut, qui antea tristissimus, & in summis radiis fuerim, ex languido alacer, cum stupore omnium sociorum meorum repente letissimus evaserim; qui cibos antea, ne adspicere quidem potuerim, nec quietem capere, illo vespere, etiam frigidos pisces, & sub dio pernoctaturus, comedere potuerim. Plura essent dicenda, sed hoc sufficiet, me sub iuramento affirmare, singulari tunc à beatissima Virgine beneficio fuisse me affectum.

Eduardus Lock  
Societ. JESU.



## CAPUT XXIII.

Reliqui dies Augusti.

**R**eliquos prosequor dies Augusti, non qui præterierunt omnes, sed quos mihi apud Lindam degerere concessum est. Quid enim non mensibus duntaxat, sed residuis Augusti diebus ætæ Lindæ sit, scire mihi nondum licuit; cum ad VII. Cal. Sept. turbo bellicus Lindâ, & prid. Non. Sept. universâ me Prussîâ exegerit. Jam in exilio constituto, & locum non raro mutanti, quin & bello adhuc per Prussiam necdum extincto, quæ potest certa rerum inde scientia perferri?

## I.

Processiones &amp; populorum frequentia.

Quamquam labores, qui circa messem hoc tempore maximi sunt, arcere quodammodo homines Lindâ videantur; ea nihilominus est omnium pietas, ut perruptis, quibus arcentur, vinculis frequentissimi, uti aliis quoque annis, accurrant. Invitabat hoc anno præsertim viciniore, sacrum Jubilæi, uti jam meminimus, tempus. Sed & Assumptæ in cælum Virginis dies, & qui illum proximè sunt consecuti, plurimos exciverunt. Ac ipso quidem Assumptionis die septem omnino sacerdotes pro sacro tribunali strenuè causam dicentes, vix ad ipsum merum meridiem confitentium multitudini facere satis potuerunt. Postero die, quo civitas Reseliensis, annuam depullæ quondam pestis causâ, Processionem obit; Jubilæi quo-

quoque ergo, præcipui civium ad sacrum pænitentia Tribunal accesserunt; quatuor sacerdotibus egregiè laborantibus, suum operæ precium constitit. Sed & octavâ Assumptionis die, quo tum alii, tum potissimum Seeburgenses ac Bisteinenses frequentes adfuère, sex itidem sacerdotibus ad ipsum fere meridiem nulla, pro sacro Tribunali, quies fuit. Et, quid mirum, si in tanta populi laborumque multitudine tempus defuerit, plura Deiparæ beneficia, perquirendi, ne dicam consignandi? Mihi quidem uni, minimum terna insuper erant consignanda, quæ temporis angustia non patiebantur consignari. Quid interim cæteris? Et tamen pro ea quoque temporum ac rerum ratione, sat multa sunt adnotata, quæ jam compendio promemus.

## II.

Mulier abjectâ Lutheri sectâ, erysipelate liberatur.

In minore Kellen, Resselienfis municipii pago Gregorius Placotomus uxorem habuit Elisabetham nomine, in Lutheri dogmate à teneris enutritam; quæ tandem meliùs sapere edocta, Lutherum abjuravit, maximo non animi minùs, quàm corporis valetudinisque commodo. Sacro igne caput & vultum, plus annum erat affecta, neque remedium invenire ullum potuit: quæsiit apud Deiparam Lindensem, & faciliè invenit: unde gratias actura quovis anno Lindam venit.

Fff ;

III. Mu-



## III.

## Mulier in partu adjuta.

Ad xvii. Calend. Septemb. Tabellæ duæ argenteæ sunt dedicatæ, quarum alteri inscriptum, Ambrosius Wunderlich. inscriptionis perinde ac dedicationis causa later. Eâdem die imago paulò major B. Virginis Lunam pedibus subjectam habentis dedicata est, cum inscripta limbo salutatione Angelica, & quidem Germanico idiomate. Lateret itidem dedicationis causa, nisi infernè appicta esset puerperæ imago: quæ haud dubiè adjutam ope B. Virginis in partu mulierem testatur. Cùm autem Imaginem Dominus Schaw Meelsaccensis dedicârit, facile colligas, aut beneficium aut uxori ipsius, cuiusdam de propinquis alteri exhibitum à Deipara esse.

## IV.

## Dentium abactus dolor.

Eâdem die. Seeburgo advenit Elisabettha virgo Joannis Flieger civis filia, per annum fere integrum, & oculorum & dentium exercita doloribus, nusquam nisi in Deiparæ Lindensis præsidio allevationem utriusque mali invenit. Proximo enim vere peregrinationem Lindam vovit; & jam inde cruciatus oculorum haud leviter est levatus, dentium verò fere penitus abactus. Minus diuturnus, at non minus sævus, dentium itidem dolor invaserat Dorotheam Joannis Kornalowsky Bisburgensis civis filiam

vir-

virginem. Duas hebdomadas præ acutissimo cruciatu, neque cibi, neque potionis quidquam sumere potuit. Unicum & illi in B.V. Lindensi præsidium fuit; cui proinde & illa, hoc tempore supplex, gratias maxima cum alacritate apud Lindam egit.

## V.

## Pueri duo comitali morbo liberati.

Michaël quinquennis puer Joannis Preiß civis Seeburgensis filius, comitante & deducente Justina matre, voto apud Lindam suo solutus est. Ipso SS. Petri & Pauli superioris anni natali die, Hercules ille morbus puerum invasit: continuò mater ad DEI Matrem supplex accedit, & filium tantis colluctantem malis commendat. Adjutus est ilico puer, & morbus à concepto Lindam voto facilè repulsus. Jam eo tempore mater Lindam & se & filium pariter stitisset, nisi alio impedita partu, differre iter coacta tantisper fuisset. Quo quidem tempore Georgius Rang è Damerau colonus, unà cum Dorothea conjuge, undennem filium suum Petrum Lindæ stiterunt. Levatus & ille comitali morbo fuerat; sed non alio, nisi Deiparæ, remedio; quod eo majus atque gratius fuit, quo præsentius, atque maturius exhibitum.



## VI.

## Mortis periculum depulsum.

Vitâ cæterisque rebus humanis in præceptis abeuntibus, unicum à spe reliqua solet esse solatium & quasi malorum omnium levamen. Quod si spes quoque decollavit, actum penitus est. Jam Barbara Joannis Tchork Seeburgensis inquilini vidua, ipsam quoque spem vitæ abjecerat, quando vere proximè elapso colicis & aliis pectus visceraque erodentibus doloribus, ad incitas redacta est. Actum de illa erat, nisi Diva Lindenensis medicam interposuisset manum. Voto enim nuncupato interpellata, confestim adfuit, & tum colicos, tum alios cruciatus quasi admotâ manu deterfit, non modò spe vitæ, sed & vitâ ipsâ ægræ benignissimè reddita. Quæ ex eo tempore non valens duntaxat, sed & probè valida Lindam usque pedes iter fecit. Non dispar propemodum, in adversis æquè ac prosperis conditio fuit Stanislaï Mazuch Seeburgensis civis relictæ viduæ Annæ; quæ superiore anno octo continuas hebdomadas, viribus morbo prostratis decubuit, spe vitæ prorsum amissâ. Et quid spei reliquæ potuit esse, quando toto illo ægritudinis tempore, nihil reficiendis viribus cibi aut potionis adhiberi potuit? si quid enim nauseanti ac reluctanti stomacho ingestum, id pertenuè, ac violentum fuit, & in noxam fere magis quàm commodum ægræ vertit. Verùm & hîc interpellata Diva Lindenensis adfuit, & quasi manu itidem malis admotâ periculum omne momento dispulit.

VII. Ma-

## VII.

## Manus &amp; pedes restituti.

Lamberti Winter è pago Resselienfi Sturmhubel filia Elisabetha, duos annos brachio dextro ægra, eò calamitatum procefferat, ut nulli prorsum operi admoveere manum posset; proinde quæ amisso manus usu, ipsam sibi videbatur amisisse manum; nisi quod præsentissimus semper dolor, non omnino amissam testaretur. Ad cumulum malorum accedebat, quod nullum esset tantis malis præsens remedium. Humanis igitur orbata præfidiis ad divina confugit, & voto Bisteinum ad Altare, ut vocant, sanguinis factò, aliud Lindam ad B. V. adjungit. Confestim brachium omnino restitutum est; quo illa jam à semestri probè cum fruatur, jam tandem & occasionem commodam nacta, voti rea Lindam accessit. Cæterum, quod hinc brachio, Seeburgi impensum est pedibus auxilium, Sibylla Matthiæ Han Seeburgensis inquilini filia, iterum ac tertio per hyemem proximè elapsam, cruciatu pedum per quàm violento affecta fuit. Occursantibus animo variis hinc inde remediis, ut fortè humanis non omnino censeret diffidendum, maluit nihilominus Deiparæ quàm cujusquam hominis experiri opem. Neque spes irrita fuit: voti compos reddita, hodie votum Deiparæ apud Lindam reddidit. Quo tempore Anna itidem Seeburgensis virgo, Joannis Nitsch filia non jam manum vel pedem duntaxat, sed utrumque, quatuor jam ante annos ægra, præcedentiam calamitatem utramque in se una conjunctam sentiebat; malo præfer-



tim ad duas sæpe hebdomadas per aliquot retro annos crudelius sæviente. Geminato quantumvis & inveterato quoque malo, nonnisi unicum ejusdem Lindensis Deiparæ præsidium censuit admoventum. Admotum est, voto Lindensis peregrinationis emissio, & ab eo jam tempore sana, ut gratias, quemadmodum par est, agat, quovis deinceps anno Lindam peregrina accurrit.

## VIII.

Brachia, & Spina dorfi curata.

Christophorus Stentzel in Pransen pago tribus leucis à Linda disjuncto hortulanum agebat; cum superioris anni hyeme corripitur morbo; qui cum cætera in membra victor esset grassatus, in spina dorfi atque brachio utroque quoddam quasi tropæum erexit. Ita nimirum utroque loco regnabat, ut æger neque movere brachia, neque, ob lætam spinam moveri ipse loco posset. Movit ea calamitas hominem, ut animum in valetudinis curam acius intenderet. Id apud se agitati, Deiparæ Lindensis memoria subit. Eo preces fiduciamque vertit, nec ante supplicando instare destitit quam brevi, non modò spem sed & initium sanitatis sibi adesse, expertus est. Confirmatâ haud diu pòst sanitate, in viam se dat, & pedes Lindam usque decurrit, qui commovere pedes loco paulò antè non potuit.

## IX.

## Varii &amp; graves capitis dolores abacti.

Alternis inter adversa prosperaque exercetur mortalium vita : ne istis perpetuò fruamur, naturæ conditio facit ; ne illis aut obruamur, aut perpetuò gravemur, facit itidem DEI ac Deiparæ in mortales benignitas. Quod inter plurimos, aut innumeros potius, experta Michaëlis Gerick in Glottau, agri Gutstadiensis pago, ob venerabilis Eucharistiæ miracula inelyto, Ludirectoris uxor Anna. Florentioribus adhuc annis, variis & graves capitis dolores, tanquam pruina in flores deciduæ, propemodum reliquæ ætatis fructus decoxerant. Umbra Lindæ Marianæ præsidio fuit ; ad quam ubi se illa eo ipso tempore recepit, omni confestim levata dolore est. Exinde à duodeviginti fere jam annis bene ac constanter valens, nullum patitur elabi annum, quin Lindam accurrat, & beneficii memor gratias agat.

## X.

## Oculorum vitia absterfa.

Ut nobilissimæ in humano corpore partes sunt oculi, ita eorum splendori ac nobilitati, non ludes modò, aut festuæ, verùm & minimæ officiunt atomi. Et ut nobilitas tanta iis non inesset, necessitas cerrè atque usus eorum tantus est, ut nemo sit mortalium, qui non orbitatem oculorum, cum  
sum-



summis generis humani miseriis componat. Expertus id in ipsa adhuc adolescentia sua est Gregorius Fug, Glocksteinensis pagi in agro Resselienſi poſiti colonus; qui ab eo tempore, vitio oculorum, per aliquot annos laborabat, malo in deterius ſemper proficiente. Parentes filii cauſâ anxie ſolicitati, nullum malo præſentius remedium, quàm à B. V. petendum cenſuerunt. Simul atque illi votum Lindam ediderunt, ſimul quaſi adhibito cæleſti collyrio, omnis filio dolor ac morbus ab oculis eſt abſterſus. Ille parentibus facto jam diu functis, ad ſexageſimum ætatis annum jam proceſſus, quemadmodum oculorum acie egregie pollet, ita quovis anno parentum voto eriamnum reſpondet, & pedes in hac quoque ætate Lindam decurrit.

## XI.

Spiritale animi præſidium multis annis confirmatum.

Si hominum, ſi iumentorum, ſi arborum quoque vires, cum ætate augentur & firmanſur; par eſt proſectò, ut divina quoque beneficia, quo ſunt diuturniora, eo & firmiora cenſeantur, & auguſtiora. Si geminum, quod jam reſenſuimus, exemplum, à tot jam annis magnitudinem diuinorum beneficiorum extollit: extollet, & quidem fortasſe magis, quod jam reſenſebimus; ſi non à temporis, certè à generis conditione ſumpto precio. Quid ni enim cæleſtia terrenis, ſpiritalia corporeis, æterna caducis immenſum præferantur. Talia ſunt, quæ honoratiſſimus quidam vir ad XIII. Cal. Sept. apud Lindam reſenſuit. Trigin-

ginta jam annorum evolutum est spatium, ex quo ille statam quotannis peregrinationem Deiparæ apud Lindam dependit. Agnoverat in se non levia juvenutis suæ delicta : à quibus ut non solveretur modò, verùm & in posterum servaretur, Deiparæ opem poposcit : & verò etiam sensit. Exinde liber tum peccatis illis, tum peccandi tentationibus, quovis anno Lindam accurrit ; tum ut gratias pro tantis beneficiis agat, tum ut majora gratiæ divinæ incrementa summat.

Omnia sanctæ, Romanæ,  
Catholicæ, & Apostolicæ  
Ecclesiæ judicio sub-  
jecta.

INDEX



# INDEX

## RERUM ET VERBORUM,

in quo numeri paginarum sunt indices.

A. :

Abbas Olivenfis.	419
Acetum pessimum quod.	160. seq.
Achan punitur gravissimè, & cur?	237
S. Adalbertus Prussia Apostolus. 35. 36. Templum illius quid habeat insigne. ibid. 114. Aliud ejusdem Templum prope Gedanum.	35
Adonis.	206
Adulter Linda adiutus.	381
Ædificii spiritalis ratio.	145
Ægyptiaca persecutio apud Lindam.	205
Ælianus citatus.	192
Æneas Silvius citatus.	41. 45
Africana Ecclesia calamitas prænuntiata:	148
Ioan. Ageison Danus exul restauranda Linda intendit. 288. seq. 326. 420. Coniugis illius laus.	326. seq.
Albertus Brandeb. Dux Prussia. 250. Lindam pedes peregrini- natur. 115. 199. 208. Hæresi infectus Prusiam inficit. 159. seq. 169. 181. descenditur à calumniis Prædican- tum. 181. 199. 208. filium qualem reliquerit. 250. 261. seq.	
Albigenses hæretici in Prussia.	174
Allensteinensium processio unde laudata. 127. Musica. ibid. Curatio illorum.	448
Allium hæreseos symbolum. 170. seq. quorum sit cibum. 160. seq. 171.	

419

RERUM ET VERBORUM.

Allophylī sunt heretici.	11.12
Altare vetus inter rudera Linda.	283
Amanitas Linda Mariana.	16.seq.
S. Ambrosius citatus.	11.149.150
B. Amedeus citatus.	27
Amentia. 437. vide Dementia.	
Amicitia quā laudanda.	261
Amor vide Caritas.	
Amphitheatrum quoddam Linda.	145
Amurca torcularibus non incommodat.	164
S. Anastasius Sinaita citatus.	54
Anathemata & dona Lindensia. 106. seq. 375. sunt gratitudinis monumenta.	ibid.
Ancillarum duarum exemplum singulare.	146
Angelorum processio Linda.	146. seq.
Angina Linda curata. 339. seqq. vide Guttur.	
Anima. 150. vide Gratia interna.	
Anni spatium Linda restaurata.	284. seq.
S. Anselmus primus Varmiens. Episcopus Idola exscindit.	40
Antiquitatum origo obscura. §. quomodo eruenda?	27. 31
S. Antonius Magnus heresim prædicat.	166
Apostolorum Magistra B. V.	51. seq.
Apostoli primi Prussia qui.	35. 40
Apostolica sedes Linda curam Societati addicit.	358. seq.
Apri sunt heretici.	197. seq. vide Verres.
Apum examina populi Linda imitantur.	121. 128. seq.
Aqua Linda medicinalis.	339. 401. 422.
Arabia arbores venena pellunt.	153
Arbor vita B. V.	27. 48. 50. 153
Arboribus variis B. V. assimilata. 65. seq. 245. amat Arbores	tes



# INDEX

<i>res.</i> 75. 81. 82. <i>Arbor aurea Maximiliani I. Imp.</i> 74.	
<i>Xerxis, Socratis, Themistoclis.</i> 104. <i>Nabuchodonosoris.</i>	
186. 245. <i>Resurrectionis symbolum.</i> 184. 244. 245. <i>sub</i>	
<i>qua B. V. quievit.</i>	75
<i>Arbores magnitudinis propè incredibili.</i> 42. 43. <i>semper vi-</i>	
<i>rentes.</i> 43. 44. 72. 73. <i>Hyeme miraculosè florentes.</i>	
72. <i>seq. Inclinant se B. V. domui Lauretum venienti.</i> 74.	
<i>Cruci Christi.</i> 210. <i>obumbratrices veteribus qua.</i> 104.	
105. <i>Ecclesia calamitatem ut significarint.</i>	184
<i>Arca faderis B. V.</i>	11. <i>seq.</i> 25
<i>Area semper virens.</i> 74. <i>Lindensis quomodo acquisita.</i> 272.	
<i>seq. Repurgata.</i>	279. <i>seq.</i> 181.
<i>Arenses curati.</i>	414
<i>Paul. Arhingus citatus.</i>	76
<i>Arnobius citatus.</i>	217
<i>Arrii pana.</i> 217. 241. <i>hæresis prædicta.</i>	157. <i>seq.</i> 184.
<i>Asinus qualem Regem significet.</i>	186
<i>Asylum est Linda Fidei.</i> 145. <i>Spei.</i> 147. <i>&amp; omnibus pecca-</i>	
<i>toribus.</i>	150. <i>seq.</i>
<i>Aspricollensis B. V.</i>	78. 187
<i>Atargates quid.</i>	11
<i>S. Athanasius citatus.</i>	217. 242
<i>Athan. Kircherus cit.</i>	11. 106
<i>Avaritia hæreticorum.</i>	175. 177
<i>Aurifodina qualis Linda.</i>	205
<i>Ausriaca Domus pietate crevit.</i>	310
<i>S. Aug. citat.</i> 54. 58. 87. 112. 161. 162. 164. 173. 184. 260.	
319. 322. 323. 334. 341.	
<i>Azoni, Ministri hæreticorum.</i>	10. <i>seq.</i>

## B.

Balga que & qualis arx.	41. 163
Balduinus Cabillanus citatus.	66. 68
Balsamum unde. 75. Venena tollit.	153
Cas. Baronius citatus.	315
Barthonia Prussia Provincia.	403
S. Basilius Seleucia citatus.	54
Ven. Beda citatus.	12. 335
Io. Behm cit.	200. 247. 251
Bellifontana B. V.	79
Bellarminus citatus.	217
Bellum sacrum in Oriente.	57. seq.
Beneficia B. V. Lindens. plurima. 363. seq. 375. seq. 379.	
pleraque non adnotata. 371. ut notarentur, curat V arm.	
Episcopus. 371. seq. externa 139. seq. interna. 144. seq.	
152. 375. 380. 383. 402. 404. quanti aestimanda. 375	
S. Bernardus citatus.	24. 33. 63. 64. 69
Bern. Bauhausius citatus.	82
Bestia Deum & B. V. venerantur. 91. seqq. 97. seq. 154.	
228. 234. grata in homines. 91. seq. in eas homines mutati. V. Metamorphosis.	
S. Birgitta citata. 51. prædixit Theutonicis exitium. 166	
seq. Brigitanarum Monast. Grodna.	411
Bisburgenrium processiones Lindam.	127
Bisteinensium laus, & processiones Lindam.	126
Lud. Bloßius citatus.	154
Bohuslaus Balbinus citatus.	61
Boleslaus Chobrus gloriosissimus Polonorum Rex Prussas Christo adiunxit. 36. seq. 45. eius ferrea columna in Prussia.	37
	Bolesla.



# INDEX

Boleslaviensis B. V. imago.	97
Bocaholeriensis B. V. imago.	89. 90
Eberhard. Boticker citatus.	100
Oliv. Bonartius citatus.	151
Lud. Barbanus Fundator Ordinis à Carduo.	148
Bosphori Thracii amenitas.	20
Brandenburgica Domus defensa. 182. 199. 208. ad eam feudum Prussia ut venit. 261. seq. Lindam defendit.	302. 303
Breviarium Rom. citatum.	72. seq.
Brunsb erga initio sedes Episcopalis. 40. à Duce Prussia in- tercepta. 199. à Suecis 349. Brunsbergenses Linda ad- iuti.	440. 443
Brunsvicensis Imago B. V. miraculosa.	88. 97

## C.

Cadavera Templorum & civitatum.	243
Caducus morbus. V. Comitialis & Epilepsia.	1
Calamus aureus & argenteus.	68
Calcagninus citatus.	178
Calix aureus Pii II. Pont. 62. stanneus haret.	37
Caminonsis Episcopatus in Prussia.	145. 224
Campus Martius Linda.	419
Capitis dolor curatus.	351. 360. 363
Capitulum Varmiens. ut aestimet soc.	186
Cardanus citatus.	149
Caritas Dei Linda augetur.	178
Carnalis spiritus hereticorum.	381
Carnis vitia Linda extincta.	5
Castelli loco quercus.	182
Castor & Pollux hareticorum.	Cathedra

RERUM ET VERBORUM.

Christoph. Castro citatus.	52
Cathedra pestilentia qua.	345
Catholica fides Linda regnar. 133. 146. 203. seq. & in Ducatu Prussia. 219. seq. à Prædicantibus variè & vanè impugnatur.	220. seq.
Caupona Linda. ius. 28. seq. quomodo ad Catholicos redierit.	276. seq.
Cera qualis Linda offeratur.	107. seq. 132. seq.
Cereorum Linda ablatorum pœna.	235. 238. 342
Chirothesa in patibulo.	234
Chorea Verbi divini.	56. seq.
Christburgensis arx spectris infestata.	171. seq.
Christiani cur dicti Cruciola.	137
S. Chrysostomus citatus. 11. 14. 242. & Chrysologus.	345
Mich. Ciarritus citatus. 2. 82. 115. 142. seq. 181. seq. 209. 217. 238. 282. 293. 304. 312. 327. 328. 330. &c.	
Cibum è flamma petere quid.	401
Cicero citatus.	24. 193
Cithara Christus in Cruce.	136
Civitatum quarum annua processiones Linda.	127. seq.
Claudi in spiritu. 318. seq. 321. seq. Claudorum curatio Linda.	141. 318. seq. 399
Cæcorum curatio Linda. 88. 311. seq. 318. 384. seq. 407. etiam Acatholicorum. 401. seq. quorum aliqui cacita- te Linda percussi.	236. seq.
Cæcus Indica arbor.	186
Columba umbrâ arboris defensa.	70. 71.
Colicus morbus curatus.	451
Constantiæ Regina pro Linda labor.	270
Constantinopoleos situs.	20
Comitialis morbus unde dictus. 324. V. Epilepsia.	



# INDEX

Ioann. Comneni Imp. triumphus.	46
Concilium Ephesinum citatum de B. V.	50. seq.
Contracti Linda curati.	429. seq. 440
Contraria contrariis illustrantur.	8. 15
Confessiones generales Linda. 152. Confessio per alium facta.	ibid.
Conopatii Episc. Varmiens. laus.	299
Adam Contzen citatus.	213
Balth. Corderius citatus.	15. 321
Cornelius Cornelii cit.	24. 92. 103. 151. 205. 343.
Pet. Cottonus cit.	55
Crivve Crivvaxto Prutenorum qui.	35. 44
Crucifixi effigies miraculosa Linda. 369. Crucifixus in cruce cithara 136. Crux à iudeis & gentibus vexata.	206
S. Crucis templum Regiomonti	175
Cruciola Christiani unde dicti.	137
Crudelitas hereticorum.	211. seq. 214
Cupressus arbor B. V. Imago clara.	80
Cyngarus Linda illuminatus.	317
S. Cyrillus Alexand. citatus.	15. 46 318. 341
Cyrus Rex per Mulum in SS. expressus.	185

## D.

Demon oppugnat B. V. 203. 441. plus per homines quam per se nocet. 438. seq. 444. infirmus. 223. Myrmicae on. ibid. Scorpius. 335. in Daemonem mutat haereticus. ibid. à Damone obfessi Linda curati.	432. seq.
Dagon praedicantium Idolum.	11. seqq.
Daniel à Kunheim.	113
Dementia Linda curata.	325
Demon	

Dentium dolor curatus Linda. 412. etiam in Acatholicis.

413

Deus ad benefaciendum effusus. 51. seq. 309. vi quasi impeditur à benefaciendo. 53. omnia per B. V. dispensat.

62. seq. per eandem allicit ad se. 53. 69. in ea honoranda certat contra Damonem. 203. Dei longanimitas.

341. seq.

Diana vera est B. V. 180. 193. 202. Ephesia templum.

180. seq.

Didymus citatus.

322

Draco umbrâ arboris fugatur.

70

Donaria B. V. Linda offerri solita.

106. seqq.

Duces Prussia Linda favent.

302. seqq.

Ducatus Prussia quo iure fundatus. 250. 255. quomodo

à Rudnicio Ep. adiutus. 26. seq. in eo catholica Re-

ligio primas tenet. 220. seq. 246. seq. qui ad id nobi-

lium adiuverint. 248. In eo templum restituta. 249. seq.

à B. V. quasi de iure adiuvatur. 403. seq. V. Feudum,

& Heretici materiales.

Mich. Dzialincius in Lindam pius.

298. 354. seq.

E.

Ecclesia catholica habet B. V. nutricem. 56. & Magistrum.

57. seq. uti & particulares Ecclesia. 54. cur he inter-

eant. 56. seq. 268 Occidentales duodecimo saculo re-

florescunt. 64. seq. Ecclesia in Prussia calamitas præ-

signata.

183. seq.

Ecclesia est Christi Tunica.

158

Eckersberg. v. Okartovv.

Eleëmofynia templa olim adificata.

100. seqq.

Emprosthotoni qui.

447



# INDEX

<i>Encania Ecclesiarum.</i>	291. cur festum luminum.	292. seq.
<i>Linda encania.</i>		192. seq.
<i>Energumeni Linda curati.</i>		432. seq.
<i>Enthusiastæ heretici in Prussia.</i>		174
<i>Ephesinum concil. cit. 50. Diana.</i>		180. seq.
<i>Epilepsia nomina.</i>	324. Linda curata.	325. seq.
<i>Epileptici spiritu qui.</i>		325
<i>Episcopatus primi in Prussia.</i>	36. seq. Episcopi qui primi ad Lutherum defecerunt.	165. 177. 190. seq. 206. qui Varmiensium in Lindam pietas.
<i>Equus Lindam B. V. adorat.</i>	229. Equi Linda curari & circumduci soliti.	293. seq. 138
<i>Erici Brunsvic. Ducis Theutonici virtus.</i>		265
<i>Erostratus Lindensis quis.</i>		201
<i>S. Ernestus primus Pragin. Archiep. cit.</i>		52. 68
<i>Evagrius citatus.</i>		217
<i>Evangelium Prædicantium sanguinem sitit.</i>	211. seq. Alio significatum.	158. seq. viles & agrestes reddit. 170. seq. 172. illius fructus. 207. seqq. revidit virtutem Evangelii Christi.
<i>Eucharistia est sol.</i>		172
<i>Eusebius citatus.</i>		397
<i>Excidium Linda.</i>	156. seq. 173. seq. 196. seq. prædictum 166. à quo factum.	185. 206. 291
<i>Exempla virtutum in ordine Theuton.</i>		162. seq. 167
<i>Exules fidei causa è Dania.</i>		289. seq.

## F.

<i>Familiaritatis laudabile exemplum.</i>	261. seq.
<i>Faucium morbi curati.</i>	339. seq. V. Guttur.
	S. Felix

RERUM ET VERBORVM.

- S. Felix Nolanus, quomodo olim cultus. 121. seq. 123.  
 137. Deus à S. Paulino dictus. 123. 137  
 Ferreum spiculum intra caput diu gestatum. 35  
 Festi dies non violandi. 385  
 Festuca oculo illapsa visum viciat. ibid.  
 Feudum Prussia Ducatus collatum. 250. seq. translatum  
 ad Marchiacos in bonum Cathol. 251. 262. quale in  
 feudo & Ducatu regimen. 256.  
 Fidei Asylum Linda. 144. seq. 382. 399. Professio ibidem.  
 132. seq. 146. Catholica qua motiva. 260. seq. et-  
 iam à beneficiis B. V. 318. seq. 322. 399. fidei causa  
 exules è Dania. 289. seq.  
 Filii alieni qui. 322.  
 Flagris casus Lindam adire cogitur. 116. Flagra & Allio.  
 167. seq.  
 Flores virtutum Linda. 150.  
 Formica Damones & Pradicantes. 223. seq.  
 Frid. Fornerius citatus. 5. 19. 60. 63. 216. 234  
 Forolivienfis B. V. statua unde. 88. 97. seq.  
 Fortitudo Christiana exercetur Linda. 132. seq. 143. seq.  
 223. seq.  
 S. Franciscus gratiam divinam ut aestimavit. 310  
 Frauenburgens. curati. 421. 449.  
 Friderici Berent laus. 230. seq. 253. filio sanitatem Linda  
 impetrat. 230  
 Fulmen in Iulianū hæreticorum Iconoclastarum parentem.  
 190  
 Furca Evangelii prædicantici fructus. 207. seq.  
 211. seq. 214. è furca suspensi Linda. 206  
 Fundamenta sacelli Lind. vetera. 283  
 Fundus Lindensis agrè vendicatur. 273  
 Gedana



# INDEX

## G.

Gedani B. V. Templum magnificum. 607. ex eleemosynis per annos centum adificatum. 100. Gedani furca in foro ab haereticis posita.	210
Geldria Dux in Prussiam peregrinatur.	113
Aul. Gellius citatus.	92
Geniculationes quid. 133. saxa ab iis excavata. 135. inde callosa s. Iacobi genua.	135.
Genibus flexis orare quid significet. 134. id usitatum in Ecclesia Christi 134. seq. in itinere.	395
S. Germanus citatus.	33
S. Gerrudus de protectione B. V. Visio.	144. 235
Gigantomachia apud Lindam.	25. 306
Gladium ut pradicantes appetant.	211. seq.
Godefridus Bullionius Rex Orientis.	57
Gozdziec morbus qualis.	140
Graca Ecclesia ex Menais citata. 12. 17. 25. 50. 52. seq. 61. seq. 64. 66. 105. 139. 151. 158. 196. 365. 380. 383. eius ruina unde.	56. seq.
Gratia divina summum bonum. 144. 309. seqq. Gratia curationum Linda.	311. 375.
Gratia interna animi concernentes. ibid. 144. seq. 404	
Gratitudo belluarum in homines. 92. hominum erga Deum quomodo expressa.	375. seq.
Simon Grunau historia Pruss. princeps cit. 36. 38. 162. 191. 192.	
S. Gregorius cit.	103. 132. 223. 306
Guliel. Gumpenberg cit.	81. 83. seq. 87. 92. 97. 195
Gutturis morbi Linda sanati.	410. seq.
Per. Gyllius cit.	20
Hare-	

H.

- Hereseos diluvium.* 156. 159. 173. *pradicitur.* 166. *seq.*  
*Symbola.* 158. *eius ad ruinam inclinatio.* 306. *seq.* 309  
 344.  
*Hereticorum praesertim pradicantium in Lindamodia.* 5. 9.  
*seqq.* 14. 25. *seq.* 119. 211. *ab ea quidā mansuescunt.* 26.  
*& converiuntur.* 27. 383. *obstinati in haesibus sunt agre-*  
*stes.* 171. *Furiosi & crudeles.* 90. 167. *seq.* 175. 190. *seq.*  
 193. 211. *seq.* *pra invidia tabescunt.* 13. *seq.* 14. *Odio ar-*  
*dent.* 117. 145. 220. 250. *sunt extra filiorum Dei sorte.*  
 206. *puniuntur à Deo.* 217. *seq.* *comparantur belluis.*  
 169. 192. *seq.* *sunt muli Verres V. suis locis in Ducatu*  
*Prussiae fere tantum materiales.* 210. 224. 221. 404.  
*Nicodemi.* 225. *Lindam etiam prohibiti frequentant.*  
 225. *seq.* *experiuntur B. V. faventem.* 314. *seq.* 321.  
*seq.* 329. 403. *seq.* 425. *seq.* 437. 456. *seqq.*  
*Hallensis AEdes B. V.* 56. *seqq.*  
*Harpiæ sunt Pradicantes.* 176. *seq.*  
*Heslacense Templum bestia non accedunt.* 234  
*Heidek Apostata templorum expilator.* 177. *seq.* *alter e-*  
*iusdem nominis.* 200  
*Heyligenbeil olim Suentomef dictum.* 40  
*Heilsbergenses curati Linda.* 412. 420. 428. 448. 455.  
*eorum processiones.* 144. *pestis.* *ibid.* & 331.  
*Sim. Hein citatus.* 334. 381. 388. 449. *Resseli primus*  
*sedem figit.* 349. *moritur ibidem.* 382  
*Hellepontus quid.* 20  
*Casp. Henneberg. citatus.* 10. 23. 36. *bis.* 46. 48. 113. 120.  
 146. 163. 167. 190. 208. 210. 222.



INDEX

<i>Henricus Hindebergius Canon. Varm.</i>	227. 252. Linda
cultum ut agnovit.	228. seq.
<i>Herculeus morbus unde dictus.</i>	324. 328
<i>Herodotus citatus.</i>	71. seq. 103
<i>Homicida Linda quid viderit. 157. à pagano cur defensus.</i>	162
<i>Homines Dei liberalitatem impediunt. 53. seq. in belluas mutantur. 160. 168. gramine victitantes.</i>	164
<i>S. Hildeberti penna aurea.</i>	I
<i>Historia Lindens. scribenda causa. 2. ratio.</i>	5
<i>Horror sacer adium sacrarum.</i>	16. 152. seq.
<i>Hortus Iovis.</i>	150

I.

<i>S. Iacobi frons &amp; genua callosa unde.</i>	135
<i>Iconoclastarum furor. 191. Heresis à Iudais &amp; Turcis.</i>	188. seq. pena, fulmen.
<i>Idola Prutenorum veterum.</i>	37. seqq.
<i>Idololatria procul est à cultu Sanctorum.</i>	198. seq.
<i>Ieiunio iuncto cum armis Teutonicis conversi sunt Pruteni</i>	164
<i>Iericho quodammodo Linda expugnata.</i>	133. 237
<i>S. Ildephonsus B. V. carus. 186. citatus.</i>	103
<i>Imago B. V. Lindens. qualis &amp; unde? 81. seq. in Arbore inventa Linda religionem addit. 76. seqq. splendore lucis se prodit. 88. qualis nunc sit. 287. seq. Imagines B. V. triumphant. 46. pleraque arte rudes. 83. loci tamen religionem augent. 77. 81. in arboribus reperta. 81. Alio translate ad priores sedes remigrant. 88. 94. 97. Lindensis impietatem</i>	

RERUM ET VERBORUM.

pietatem hereticorum experta. 188. 195. quæ spes ea.	195
Imago Crucifixi miraculosa Laureti. 97. & Linda. 362. seq. ex Imaginibus focus structus.	192
Immunitati Eccles. Linda adscripta.	295
Impudentia summa Prædicantium.	15. 202
Imperium Rom. ad Austriacos translatum.	310
Incendia per B. V. Lindens. extincta.	124. 128
Indoles Prædicantium hereticorū qualis. 110. 189. 207. 213. seq. 241.	
And. Ingievicius citatus.	214.
Ingrati Mulis comparantur. 185. puniti.	445. seq.
Ioann. Alberti Principis pietas in Lindam. 296. seq. 354. Reßelii societatem Iesu collocat.	351. 356
Ioann. Casimirus Rex Lindam visit. 118. societatem Iesu Reßelii fundat.	356
Ioann. Sigismundus Elector Brandeb. an Catholicus mor- tuis.	262. seq.
Ioannes Abbas, uti & Ioanna Lotharinga arbores mira- culosas experti.	72. seq.
Ioann. Ep. Varmiens. idolorum everfor.	41. seq. 45
Iosephus Iudeus citatus.	292
Iudæi Prædicantium Patriarchæ,	189. 207
Iudæi Iscarioti similes qui.	241
Iulianus Apostata prædicantium pater.	189
Iupiter quid Platoni.	150
Ius fundi Lindens. 28. seq. Catholicorum in Ducatu Prussæ.	220. 246. seq.
Iusti Lipsii Calanus. K	I
Koltun quid morbi Poloniæ.	140.
	Locus



# INDEX

## L.

- Locus maiores bis mille triginta septem in Prussia.* 49  
*Ioann. Lambschfft dona Linda.* 109  
*Lauretana B. V. domus, quando & cur in Occidentem translata.* 59. seq. *Arbores illi inclinata.* 73. *verè florida dicta.* 76. *unde illi religio.* 78. *est Ecclesia nutritrix.* 54. 59. 62.  
*Laur. Schuliz.* 235. 346  
*S. Leo citatus.* 334.  
*S. Ioann. Leo citatus.* 161. 177. 191  
*Leo Isaurus Iconoclastes.* 139  
*Leo qualis diabolus.* 224. *Leonem Tilia domat.* 67. 224  
*Leopardus Allio fugatur.* 168  
*Lescinii Episc. Varm. in B. V. Lind. pietas.* 300. seq. 371. seq.  
*Liberalitas Dei in nos quanta.* 53. seq. 309. seq.  
*S. Liberata Lipsana introducta Lindam.* 365  
*Lignum incarnatum.* 315  
*Lilium est B. V.* 343  
*Limites inter Varmiam & Ducatum constituti.* 227. 261  
*Linda primordia obscura.* 4. 8. 27. seq. 82. seq. *situs & amenitas.* 16. seq. 22. seq. *viriditas perennis.* 74. seq. *Ius quale.* 29. 220. seq. 295. 300. seq. *Limitibus Prussia infidet, & cur.* 22. 24. seq. *Limitum eius invasores multati.* 22. seq. *uti & eversores.* 216. seq. & *contemptores.* 232. 236. 239. *Excidium Linda.* 156. seq. *à quo.* 197. 209. 216. *quæ ibi excisa.* 179. *excisa & deserta magis floret.* 196. 220. 223. 205. *è loci squalore hominum squalor.* 244. seq. *Restitutio cui maxime debeatur.* 246. 254. 265. 293. 273. *restituta reflorescit.*

RERUM ET VERBORUM.

- scit. 303. à peste libera. 142. quomodo similis B. V. Lau-  
retana. 18. 49. Bellifontana. 19. Weyerenſi 19. Hasla-  
cenſi 235. Damascena. 315. Boſphoro Thracio. 20. Cam-  
po Martio. 145. Religio eius perpetua. 77. 86. prima  
à B. V. Imagine. 76. dein etiam ſine Imagine. 202. ſeq.  
primum illius miraculum. 87. 312. alia innumera, &  
quotidiana. 363. vide Beneficia & Gratia. eſt  
Cynofura. 6. 157. Aurora. 6. Luna. 8. ſol. 8. Pa-  
radifus. 27. 150. Pharos. 21. 292. 382. Hortus mentis.  
150. ſeq. Arca fœderis triumphans. 10. ſeq. 25. Tropa-  
um de Idololatria. 39. ſeq. 46. 70. potentia divina of-  
ficina. 64. ſeq. Samaritani Evangelici diverſorium. 33.  
Quietus & refocillationis locus. 33. 75. Medium ſeu Um-  
bilicus terra. 23. ſeq. Penitentium aſylum. 150. ſeq.  
Linde curati, qui alibi non profecerant. 390. Hereticis  
eſt odio. 8. ſeq. 40. Poſſeſſores Lindæ antiqui. 28. ſeq.  
recentes 348  
Juſt. Lipſius cit. 16. 59. 92. 94. 139. 187  
Litera Regia in cauſa Lindenſ. 266. 268. ſeq. 274  
Lituanii ad B. V. Lindenſ. peregrini. 130. curati. 390. ſeq.  
410. 452.  
Livius citatus. 240  
Loca certa cultui ſuo Deus deligit & beneficiis. 53. 62. 183.  
187. 245. eorum Religio ab Imaginibus. 77. ſeq. quæ in  
Pruſſia peregrinationibus celebra. 112. quæ in Ducatu  
Pruſſiæ olim. 112. ſeq.  
Lubavienſis Epiſcopatus in Pruſſia fundatio. 37  
Lucerna Ariſtophanis & Cleantis. 2  
Ludovici Theutonici laus. 162. ſeq.  
Lunnum feſtum Encenia. 292  
Lunatici qui. 324. 329. qui in ſpirituales. 324  
Lupi



# INDEX

<i>Lupi quomodo abigendi.</i>	124
<i>Lutherus citatus. 308. sanguinarius. 212. Theutonicos pervertit. 160. id ante significatum.</i>	170. seq.
<i>Lutheranismi inclinatio ad ruinam in Prussia.</i>	307

## M.

<i>Macellum è Templo ab hæretico factum.</i>	176
<i>Magnetis virtus Allio retunditur.</i>	158
<i>Magnevi arbor Iudica qualis.</i>	68
<i>Sim. Maiolus citatus.</i>	102
<i>Maleficia Lindæ per B. V. depulsa.</i>	332. 438. seq.
<i>Malus Arbor.</i>	344
<i>Mammon Pradicantum Deus.</i>	175. 177
<i>Manibus extensis orare quid significet.</i>	135. seq.
<i>Manica B. V. est Forolivii.</i>	85
<i>Mansus quid.</i>	22
<i>Maria Aurora, sol, Luna. 6. seq. 46. 69. Prussiam ad Christum convertit. 6. 34. 38. 47. seq. V. Linda. Orbis restauratrix &amp; illuminatrix. 45. seq. 57. 59. 153. Apostolorum &amp; Ecclesie magistra. 58. cur in terris tam diu relicta. 52. per eam Deus homines allicit. 53. 59. 69. 87. 404. sine Iesu cogitari vix potest. 82. seq. ipsa sibi illum appingi iubet. 82. Honoratur ut Mater à Deo. 337. seq. imperat sibi Tempia stitui. 87. seq. Hæreseon victrix. 309. 344. Hostibus bene facit. 403. etiam hæreticis, præsertim Lindæ. 403. seq. summa eiusdem potentia. 62. seq. 379. &amp; caritas in homines. 63. seq. 87. 403. 404. umbra. 102. seq. 146. Refugium est peccatorum. 154. seq. 225. seq. Fons aqua viva. 17. 48. Aqueductus. 63. seq. Arbor Paradisi. 27. 414. per Arbores figurata. 65. Lilium inter spinas. 344. Spha-</i>	

RERUM ET VERBORUM.

344. Sphæra celestis. 54. Mare. 69. Hortus. 150. seq.	
quomodo Mediatrix & Lapis angularis. 26. Rubus in-	
combustus. 71. amat Arbores. 81. seq. Odio est Satana.	
8. 13. 203. & cur ministris. 8. eius sacra AEDES in Oc-	
cidente quando florere caperunt. 59. seq. 87. Due in	
Prussia.	61
S. Maria Magdal. Templum Regiomonti.	174
Masovii in B. V. Lind. pii. 130. seq. ab eadem curati.	
422. 447.	
Matris Dei dignitas.	232
S. Maternus Tungris B. V. Imaginemponit.	97.
Maximiliani I. Imp. arbor aurea.	74.
Medicina à B. V. 139. 144. seq. 153. etiam hereticis. 314.	
vide Heretici.	
Medium terra quomodo B. V. Linda.	23. 50. 186
Franc. Mendozæ citatus.	8
Mentis horius.	150.
Metamorphosis Tritici in Allium. 169. Theutonicorum.	
160. 168. in Demones. 165. seq. Mulieris in equam.	
194. seq.	
S. Methodius cit.	229
Mieciſlaus Pol. Rex fidem in Prussia plantat.	37
Miles ut confessus. 381. ad fidem inuat.	163
Minis B. V. interdum utitur.	233.
Ministri hereticorum quales. 9. seq. 240. V. Predicant.	
Calest. Miscenta Predicans furiosus. 9. 13. seq. 112. seq.	
211. 220. 222. 306. seq. Fabulator. 36. 181. 198.	
211. 306. citatus. 174. 190. 252.	
Monachi. V. Religiosi.	
Monasteria ab hereticis in Prussia ut tractata. 176. seqq.	
in Monte Serrato Imago B. V.	93
Monetaria	



# INDEX

Monetaria officina ex templo.	174. seq.
Morbus Polonia proprius.	140. 413
Morbi in spiritu.	318. seq. 321. 324
Moribundi per B. V. Lind. restituti.	231. 335. seqq. 408. &
mortuus.	315
Mulhusense Templum unde hereticu sacrum.	113
Mulier in equam versa.	146
Mulis qui significantur.	166. seq. 185
Mundus universus Mariam refert.	68. seq.
Murus peccatorum Linda disicitur.	25
Myrrha poenitentia symbolum.	151. seq.

## N.

Nabuchodonosoris Visiones	186
Pet. de Natalibus citatus.	72
Natarea villa in AEGypto unde memoranda.	76
Nazareth florida.	76
S. Nazianzenus cit.	190
Negligentia in reddendis votis castigata.	319. seq. 415.
445.	
Nestorius heresiarcha à Deo punitus.	217
Nicephorus citatus.	80. 222
Nicetas Chon.	49
Nicodemi Lindenses qui.	223. seq.
Nicopæa B. V. Imago.	46
Nili origo.	4
S. Greg. Nyssenus cit.	136
Novesorensis B. V. Imago.	87
Nox peccatorum.	7
Nundina Rîsemburgensium Iconoclastarum.	19. seq.
Nuntius Apost. Linda donationem confirmat.	358. seq.
Oculi	

RE RUM ET VERBORUM.

O.

culi animi Linda illuminati. 380. 399. 404. & Cor-	
poris. 422. V. Cacitas depulsa.	
dia Pradicantum in Catholicos. 214. seq. in B. V. Lin-	
dens. 306. ipsorum inter se.	212. seq.
partovvo opidum quondam quo celebre.	414
laus Magnus citatus.	73. 104
vera bona & occultanda & propalanda.	132
randi ritus varii. 135. seq. orando citharâ canere.	
136.	
orientalis Ecclesia cur & quomodo corrui.	156. seq.
pisthotoniqui.	447
rdo Equitum B. M. à Carduo.	148
rdo Theutonicorum. V. Theut. &	159. seq.
rigenes citatus.	318
rito à Grôben Linda possessor. 255. seq. adversatur resti-	
tuenda Catholica Linda. 256. seq. 264. seq. effugia ut	
quasierit. 265. seq. regia auctoritate quasi obruitur.	
268. 276. ad Cathol. Ecclesiam accedit. 257. lauda-	
tur à zelo. 258. seq. & ab aliis. 225. 271. 275.	

P.

agi præsertim Linda viciniores quando processionēs an-	
nuas obeant.	128. seq.
alestina quando à Christianis amissa.	57. seq.
alma Indica arbor.	66.
anaceæ Mariana Linda. 139. 150. 153. 335. 424.	
432. seq.	

Hbb

Paradi



INDEX

- Paradiso comparatur Linda. 414. & Prussia, 38. 91.  
 Pastores Imaginum B.V. inventores.  
 Patavina B. V. Imago quomodo probata.  
 Patibulum Linda. v. Furca.  
 Pavimentum vetus Linda repertum.  
 S. Paulinus citatus. 121. seqq. 137.  
 Peccata, quæ Ecclesiam evertant. 56. pœnam accelerant.  
 341. seq. Peccati nox. 7. Linda disbellitur. 380. peccatores à B. V. Linda admissi. 153. Vt ed compulsi. 116. ad promovendum B. V. cultum assumuntur. 82. seq. 86.  
 Pecora Imagines B. V. venerantur. 88. 92. etiam Linda offeruntur ibidem. 137. 225. erga homines grata.  
 Peregrinationes in Ecclesia semper usitate. III. in Prussia solennes. 112. Ierosolymitana. 111. Lindenses. 9. 110. 115. 119.  
 Perkinus & alia Prutenorum Idola. 404.  
 Persecutionibus magis excitatur Linda pietas erga B. 219. seq. 223. seq.  
 Pestis. 125. 128. 142. 320.  
 S. Petrus M. hæresin Arrii prædicat. 167.  
 Pharaones qui apud Lindam.  
 Pharus Linda. 21. 293.  
 Philo Ind. citatus. 56.  
 Phrenesis curatur Linda, v. Dementia.  
 Pirus arbor mira. 235.  
 Piscator Lind. punitus. 71.  
 Planta asbestos. 104. semper virens.  
 Platanus Xerxis & Socratis & Themistoclis. 104. semper virens.  
 Plato cit.

RERUM ET VERBORUM.

<i>Alia Polonica quid morbi.</i>	140 423
<i>Linus cit.</i>	67. 76. 106. 306
<i>Penitentium asylum Linda. 33. seq. 151. Penitentia indicia.</i>	
<i>131. 150. seq.</i>	
<i>Georg. Polentz Apostata.</i>	165. seq.
<i>Politici pravi.</i>	319
<i>Polonia morbus singularis.</i>	140
<i>Pomesaniensis Episcopus Apostata.</i>	177. 190. 200
<i>Populus honorificatus sunt Catholici.</i>	244
<i>Porcis qui significati.</i>	197. seq.
<i>Portenta de futuris in Prussia haresibus.</i>	166 seq.
<i>Protollo Idoli.</i>	40. 47
<i>Prædicantes hæreticorum fatuè gloriuntur. 113. 169.</i>	
<i>220. seq. Myrmicaleontes. 223. seq. divinitus puniti.</i>	
<i>240. ut Arrio &amp; Iuda similes. 241. eorum indoles</i>	
<i>qualis. 176. 206. 240. Alliopasti. 168. seq. spurci. 240.</i>	
<i>eorum odium in B. V. Lind. &amp; furor. 5. 8. 13. 26. 220.</i>	
<i>345. 425. seq. Vires nulla. 147. 294. vii in plebem in-</i>	
<i>noxiam. 221. 226. Furor. 191. 206. seq. Bellum Regio-</i>	
<i>montanum.</i>	308
<i>Præsentationis B. V. festum Linda salutare.</i>	281
<i>Preces armata in causa Linda.</i>	268. 270
<i>Prædexion arbor Indica.</i>	70
<i>Privilegium antiquum Lindens.</i>	28
<i>Procesiones ut differant à peregrinationibus. 118. seq.</i>	
<i>Linda quales. 119. seq. 132. seq. 157. quales olim</i>	
<i>Regiomonti. 120. Angelorum processio Linda.</i>	156.
<i>Proles à B. V. impetrata.</i>	
<i>Prophecia de haresibus.</i>	166. seq.
<i>Propontis quid.</i>	20
<i>Prosper cit.</i>	134.
	Provi-



INDEX

<i>Providentia divina signi.</i>	47. 51. 36. 16
<i>Prudentius citatus.</i>	44
<i>Prussia medium in Europa locum habet.</i>	24. 49. quando
<i>ad Christum conversa.</i>	34. 47. per quos. 35. 36. 145
<i>161. seq. ut Palestina similis.</i>	49. per B. V. Lin-
<i>dens. illustrata.</i>	6. seq. 35. 39. 60. seq. quod
<i>modo à fide perversa.</i>	158. heresibus vexata. 171.
<i>per Rudnicium Episcopum adiuta.</i>	246. V. Duc-
<i>tus Prussia, per Tiliam ut exprimat.</i>	B. V. 70. duc-
<i>præcipua B. V. A Edes habet.</i>	60. 243. & aliorum Sancto-
<i>112.</i>	
<i>Pruteni gentiliū obstinatissimi.</i>	34. 39. 16
<i>Purgatorium.</i>	261. 345. seq.
<i>Eryc. Puteanus cit.</i>	19. 61
<i>Pythoniſſa verum fateri coacta.</i>	334

Q.

<i>Quaternarius numerus.</i>	8
<i>Quercus Romæ antiquior.</i>	76. mira magnitudinis. 40. seq.
<i>quadam in Prussia semper viret.</i>	71. Idolorum sedes
<i>40. 23. propugnaculi instar.</i>	45. in quercubus B. V.
<i>Imagines.</i>	81. seq.

R.

<i>Radices Linde Mariana in calo.</i>	183. 187. 244
<i>Nic. Radivilus princeps citatus.</i>	71
<i>Rastenburgum quando &amp; quare conditum.</i>	32. aliud quod
<i>dammodo Linda.</i>	33. à quo ibi Imago B. V. Linden-
<i>sculpta.</i>	81. ed ter traducta. 94. Rastenburgenses
<i>olim pii.</i>	94. seq. cum Resselienſibus de pietate certant.
	96. pra-

RERUM ET VERBORUM.

96. praefectus Rastemburgens. Lindam evertit. 201.  
 seq. 209. patibulum ibidem suo malo erigit. 209  
 Refugium peccatorum B. V. Linda. 151. 154. seq.  
 Reges Polonia Lindam vindicant. 265. adiuvat tota re-  
 gia domus. 280. 295. 302. 357. Regis Polonia votum  
 Lindam. 118  
 Regina Protmannia virginum conventualium in Prussia  
 fundatrix. 326  
 Regiomonti templum Catholicum erectum. 249. 263. ibi-  
 dem Bellum inter Pradicantes. 308. V. Templa.  
 Regnum Dei de gente in gentem transfertur. 56. seq.  
 Religiosi si pervertantur, sunt omnium pessimi. 161. ab ha-  
 reticis in Prussia vexati & puls. 191.  
 Reliquia Sanctorum excitant religionem. 77. seq. Lindam  
 introducta. 365. seq. pradicantium quales. 113  
 Renovalia qua festa Linda. 292. seq.  
 Resselenses Linda restorationem adiuvant. 288. seq. B.  
 V. Lindens. pie colunt. 97. 125. quaternas processiones.  
 Lindam quotannis instituunt. 124. curantur ibidem.  
 430. Resselii Societas Iesu diu expetita. 288. 347. in  
 deserto ibi. Monasterio collocata. ibid. fundata. 356.  
 est B. V. Lindensis alumna. 383.  
 Resurrectionis symbolum arbor. 184. 244  
 Rhedanus citatus. 292  
 Richardus à S. Laurentio citatus. 26. 109.  
 Rikaioth seu Romoyre Idolorum sedes. 37. seq.  
 Risenburgum Icenoclastarum theatrum. 191  
 Ritus varii B. V. colendi. 131. seq. 137. seq.  
 Rodolphus cit. 318  
 Rogationum dies à qua inchoati. 124  
 Romanica



# INDEX

- Romanola Imago miratuloſa quomodo reperta.* 87  
*in Ruſo Imago B. V.* 97. ſeq.  
*Sim. Rudnicus Epiſc. Varm. laudatus.* 246. 261. pro  
*Linda reſtauranda maximè laborat.* 248. 277. feliciter  
*reſtaurat per Sadorſcium.* 280. 284. 367. limites Lin-  
*da & Epiſcopatus conſtituit.* 228. frequens eò peregrin-  
*natur.* 293. fratri ſalutem ibi impetrat. 337. quibus  
*comparandus.* 246. ſeq. 292  
*Ruffinus citatus.* 206. & *Rupertus.* 50. 134. 151. 232.  
 343.  
*Ruſtici Imaginum B. V. repertores.* 101. ſeq. eorum in ve-  
*tere Eccleſia pietas.* 136. ſeq.

## S:

- Sacellum Lindenſ. à quo, & quando edificatum.* 98. ſigu-  
*ra & magnitudo illius.* 102. dirutum. 180. ſeq. reſtaur-  
*ratum.* 280. 184  
*Sacerdotes, qui Linda curam habuerunt.* 32. ſeq.  
*Sacrificia gentilium Prutenorum qua.* 43. ſeq.  
*Sacrilegia graviſimè punita.* 228. ſeq. 242.  
*Salfeldia Iconoclaſtarum theatrum.* 191. ſeq.  
*Salvianus citatus.* 53  
*Sambienſes Pruteni quomodo converſi.* 163  
*Sancti curant morbos.* 122. ſeq. 137. ſeq. in vet. Teſt.  
*invocati.* 116. 129. qui in Pruſſia olim culti. 112.  
*Sanguinaria ſemper eſt hæreſis.* 41. 208. ſeq.  
*Sanitarum gratia Linda.* 139  
*Saul quare graviſimè punitus.* 236  
*Saxa geniculando excavata.* 135. *Saxum unum pro tecto*  
*Templi,*

RERUM ET VERBORUM.

templi, imò prototo templo.	102
Scomandris Prutenorum Dux prudens.	162
Scorpiacón ex Damone.	334
Seculum duodecimum quàm singulare.	58
Securis sacra quæ, & ubi.	40
Seeburgenses curati. 406. 455. eorundem processiones annua Lindam.	127
Semen, è quo Arbor S. Crucis nata.	209
Sepulturâ indigni Iconoclastæ. 190. in sepulcha favitum. 228.	
Serpens sacrificio cultus.	44. seq.
Siccitas per B. V. abacta.	125.
Sidonius citatus.	124
Sigismundus III, Rex Lindâ vindicat. 265. 267. 273. seq. 301. Resselium mittit Soc. Iesu. 351. quàm ibi eius filii promoveant & fundant.	356
Silvaducensis B. V. Imago quando inclaruit. 6. unde, & quâ causâ?	78
Simonis Onia laur.	246. seq.
Simon magus à Deo punitus.	217
Simplicitas. 136. subrustica.	152
Societas Iesu Brunsbergâ ab hæreticis pulsa. 351. id vasti- tatem adfert Varmia. ibid. idcirco repetita. 352. Linda diu antè desiderata. 288. 347. laborat apud Lindam. 371. est alumna B. V. Lindensis. 383. commenda à Cap. Varmiens. v. Capitulum.	
Solea ferrea portentosa.	146
Soliditas corporum à quaternario.	58
Sozomenus cit.	206
Spectra nocturna. 43. Christburgensis avi.	171.
Spei symbolum. 148. Asylum Linda.	ibid.
H h h 4	Spicu-



# INDEX

<i>Spiculum ferreum è capite excidens.</i>	35. 114
<i>Spiritus S. templum in Macellum conversum à Lutheranis.</i>	176
<i>Spiritu lunatici qui.</i>	324
<i>Sponsarum umbra.</i>	103
<i>Spumare spiritualiter quid.</i>	324
<i>Stemmata Lindensi sacello appicta.</i>	285
<i>Stephani Sader scii laus. 303. 347. Lindam ab hereticis vindicat. 255. 268. 276. eandem restaurat. 279. ornat. 285. seq. 369. tutela Regum Polonia transcribit. 301. seq. societati semper addictus. 347. 351. seq.</i>	
<i>Statua B. V. argentea à quo curata. 107. seq. alia ab alio. ibid. Crucifixi rudes sed miraculosi.</i>	369
<i>Studioforum Resselienf. processiones Lindam.</i>	130
<i>Ioann. Sturmii cit.</i>	212
<i>Succinum nigrum portentosum. 169. è succino medicina. ibid.</i>	
<i>Sudini Prutenorum pertinacissimi.</i>	162. seq.
<i>S. Suiherthus Prussia Apostolus.</i>	33
<i>Supplicium V. vindicta.</i>	
<i>Surdi Linda curati.</i>	416. seq.
<i>Suspensio ob Linda religionem qui puniti. 211. vicissim in Gallia Everforis Lindensis filius suspensus.</i>	218.
<i>Symmachus citatus.</i>	197
<i>S. Symphoriani Reliquia Linda.</i>	365
<i>Nic. Szysiovi Ep. Varm. in B. V. Lindens. pietas. 298. in Ecclesiam &amp; Soc. Iesu liberalitas.</i>	ibid.

## T

*Tabella votive quales Linda.*

141  
Tabula.

RERUM ET VERBORUM.

Tabulatum Lindens. affabrè factum.	287
Tarentina B. V.	83
Tectum Templi mirum. 102. Lindense.	286
Templa ab hereticis in Prussia profanata vel expilata. 177. in officinas vel macella Regiomonti conversa. 120. 174. 177. in stabula. 174. Ierosolymitanum Ecclesia Prutenica figura. 182. Templi dedicatio.	291
Tertullianus citatus.	9. 15. 104. 133
Thamuz sive Adonis.	206
Theodoretus citatus. 11. & Theophrastus.	72
S. Theresia arbor resloruit.	73
Theca in insula planta asbestos.	72
Theutonici Ordinis milites laudati. 58. 156. 164. 166. seq. Prussiam convertunt. 6. 34. 80. 149. 152. Linde Iura confirmant. 28. pervertuntur. 7. plerique in heresin lapsi. 158. seq. predictus eorum interitus. 167. seq. præclara quorundam exempla. 162. sacerdotes eius Or- dinis Linde curam habent.	29
Ioann. à Tieffen Mag. Ord. Theut.	28
Tilia Lindensis Tropæum de Idololatria. 39 47. quæ in ea consideranda. 66. 69. 282. quomodo B. V. referat. 66. umbra illius. 70. 139. viriditas perpetua. 71. mellifera. 11. 198. triumphat de Idolis. 70. tecti vicem obit in sacello. 71. ab Imagine B. V. inclaruit. 76. seq. ex- cisa cum sacello. 183. radices habet in cælo. 183. 245.	72
Tiliarum aliarum mira.	72
SS. Trinitatis simius est Damon.	43 seq.
Gul. Tyrinus citatus. 157. 170. Toletana Imago B. V. 196.	
Triumphat B. V. de heresi.	11 14. 49. 71
Triumpho Christiani idæa.	46
Treterus	



# INDEX

Thom. Treterus citatus. 190. seq. & S. Thom.	309
Tropea Linda de Idolis & haresi.	35. 71. 369.
Tungrensis B. V. Imago, & Turcanensis.	97
Hor. Tursellinus citatus.	18. 59. 62. 73. 76. 97. 342
Tyrannus predicantum.	219. seq.

## V.


Vaidoleti sacrificuli gentilium Prutenorum.	44
Vandalorum persecutio per Arborem signata.	184
Varmia medio Prussia loco sita. 23. Ascia vel mandibula formam praefert. 42. quam illi utilis & necessaria Soc. Iesu. 351. 360. 361. Varmiensis Episcopus primus Anselmus. 40. & ille & alii Idola extirpant. ibid. Lindam promovent. 293. seq. 300. 363. Varm. Capitulum Linda & societati favet.	360
Vartemburgensium processiones. 127. curationes.	412
Vartensis B. V.	61
Venena quod pellenda. 154. vide Maleficia.	
Venter Deus predicantum.	120
Verres sunt predicantes.	193. 197. 201
Victor Vricenf. citatus.	184
Videvrtus Prutenorum Rex & Idolum.	42. 163
Vindicta divina non semper differtur. 217. 341. in everfores Linda. 217. in contemptores eiusdem levior. 232. gravior.	236. 341
Vipera sine veneno.	154
Virgilius cit.	160
Virginitas Linda reflorescit.	149
Virginum conventualium apud Varmiam colonia, initia & institutum.	326. 327
Viriditas perpetua Tilia Lindens. 68. 70. florentem Prussia sta-	

RERUM ET VERBORUM.

<i>sic statum indicabat.</i>	74
<i>Virtus &amp; in hoste laudanda. 163. quæ apud Lindam divi-</i>	
<i>nitus concedi solita.</i>	145. 149. 151
<i>Vita hominum diversa. 134. à B. V. restituitur.</i>	315. 335
<i>Viterbiensis B. V. Imago.</i>	83
<i>Virtus symbolum virginitatis. 149. Imaginem B. V. ambit.</i>	
<i>83. ubi semper virides.</i>	72. 149
<i>ex Ukraina decem nobiles matrona Lind.</i>	115.
<i>Vladislaus Rex Pol. pro Linda laborat.</i>	268. 275.
<i>Umbilicus terre ubi.</i>	23 seq.
<i>Umbra arboris fugat Draconem. 70. umbra Tilia Maria-</i>	
<i>na. 71. 102. 105. 153. Variarum arborum.</i>	103. seq.
<i>Voluntas hominis quàm libera.</i>	438. seq.
<i>Vormditenfes curati.</i>	407. 429. 433. 450. 456.
<i>Vota qui negligunt divinitus puniti. 319. seq. Vota predi-</i>	
<i>cantium qualia.</i>	212. seq.
<i>Vpsalia arbor semper virens.</i>	73. 104
<i>Urbanus VIII. donationem Linda confirmat.</i>	362
<i>Vrsiductor Linda oculos accipit.</i>	398. seq.
<i>Sim. Wagnereck citatus.</i>	109.
<i>Weierensis B. V.</i>	60
<i>Wicklefista in Prussia.</i>	174
<i>Xenaias Iconoclastarum parens.</i>	188
<i>Iac. Zadzik Lindam promovet.</i>	270. seq.
<i>Ioann. Zimisces Imper. B. V. cultor.</i>	46
<i>Otto Zilius citatus.</i>	60
<i>Zonaras citatus.</i>	46
<i>Zyrovicensis B. V. Imago.</i>	72

Ad maiorem Dei gloriam &  
B. V. Honorem.






*Facultas R. P. Provincialis ad Rhenum inferio-  
rem Soc. Iesu.*


**E**Go infra scriptus Societatis Iesu, per  
Provinciam Rheni inferiorem Præ-  
positus Provincialis potestate mihi  
facta ab Admodum R.<sup>do</sup> P. N. Gos-  
vvino Nickel Societatis Iesu Præposito Gene-  
rali, librum cui Titulus **L I N D A M A -  
R I A N A**, conscriptum à P. Thoma  
Clagio, Soc. ejusdem Theologo Provinciæ  
Lithuanicæ, atque à depuratis ad id Patri-  
bus lectum, censum & approbatum, ut typis  
publicetur Colonix, Facultatem concedo.  
In cujus rei fidem sigillum officii mei hisce  
appressi, & nomen meum subscripsi Colonix  
Agrippinæ 28. Aprilis. Anno MDCLVIII.

**HIERONIMUS**  
*V Varmoldi.*





Biblioteka Jagiellońska



stdr0029398



